

Visuddhimaggassa

Atthasaṁvaṇṇanābhūtā

Bhadantācariyadhammapālattherena katā

Paramatthamañjūsā nāma

# Visuddhimaggamahāṭikā

(Paṭhamo bhāgo)

---



Romanized from Myanmar version published in 1960

© Buddhasāsana Society

Ṭikā Series 25

First published in 2008 by Ministry of Religious Affairs

Yangon, Myanmar

THE PĀLI ALPHABET  
IN BURMESE AND ROMAN CHARACTERS

VOWELS

အ a      အာ ā      ဣ i      ဤ ī      ဥ u      ဦ ū      ဧ e      ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya      ရ ra      လ la      ဝ va      သ sa      တ ha      ဠ ḷa      ၵ ṁ

VOWELS IN COMBINATION

-၁ ၵ = ā      ၵ = i      ၵ = ī      ၵ - ၵ = u      ၵ - ၵ = ū      - = e      -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခုူ khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပla	ဣ လla
ကွ kka	ဠ cca	ဏ္ဍ ṇḍa	ဠ သ္ဃa	ဠ ပba	လျ lya
ကျ kya	ဠ ccha	ဏ္ဍ ṇṇa	ဠ ṅta	ဠ bbha	လှ lha
ကြ kri	ဠ jja	ဏ္ဍ ṇha	ဠ ṅntva	ဠ bya	ဂှ vha
ကလ kla	ဠ jjha	တ္တ tta	ဠ ṅntha	ဠ bra	တ္တ sta
ကွ kva	ည ṇṇa	တ္တ ttha	ဠ ṅnda	ဠ mpa	တ္တ strā
ချ khya	ည ṇha	တွ tva	ဠ ṅndra	ဠ mpha	သ္ဓ sna
ခွ khva	ည ṇca	ကျ tya	ဠ ṅndha	ဠ mba	သျ sya
ဂှ gga	ဠ ṇcha	တြ tra	ဠ ṅnna	ဠ mbha	သ ssa
ဠ ggha	ည ṇja	ဠ dda	ဠ ṅnya	ဠ mma	သ္ဓ sma
ချ gya	ည ṇjha	ဠ ddha	ဠ ṅnha	ဠ mya	သ္ဓ sva
ဂှ gra	ဠ ṭta	ဠ dya	ဠ ppa	ဠ mha	တွ hma
ကံ ṅka	ဠ ṭtha	ဠ dra	ဠ ppha	ဠ yya	တွ hva
ခံ ṅkha	ည ḍḍa	ဠ dva	ဠ pya	ဠ yha	ဠ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

# Visuddhimaggamahāṭikā

## Paṭhamabhāga

---

Mātikā		Piṭṭhanka
Ganthārambhakathā	...	1
Nidānādikathāvaṇṇanā	...	2

### 1. Sīlaniddesavaṇṇanā

Sīlasarūpādikathāvaṇṇanā	...	24
Sīlanisamsakathāvaṇṇanā	...	29
Sīlappabhedakathāvaṇṇanā	...	31
Pātimokkhasaṃvarasīlavaṇṇanā	...	38
Indriyasaṃvarasīlavaṇṇanā	...	46
Paccayasannissitasīlavaṇṇanā	...	55
Catupārisuddhisampādanavidhivaṇṇanā	...	64
Paṭhamasīlapañcakavaṇṇanā	...	75
Dutiyasīlapañcakavaṇṇanā	...	77
Sīlasaṃkilesa, vodānavaṇṇanā	...	83

### 2. Dhutaṅganiddesavaṇṇanā

1. Paṃsukūlikaṅgakathāvaṇṇanā	...	91
2. Tecīvarikaṅgakathāvaṇṇanā	...	93
3. Piṇḍapātikaṅgakathāvaṇṇanā	...	93
4. Sapadānacārikaṅgakathāvaṇṇanā	...	95
5. Ekāsanikaṅgakathāvaṇṇanā	...	95
6. Pattapiṇḍikaṅgakathāvaṇṇanā	...	96
7. Khalupacchābhattikaṅgakathāvaṇṇanā	...	97

Mātikā	Piṭṭhaṅka
8. Āraññikaṅgakathāvaṇṇanā	97
9. Rukkhamūlikaṅgakathāvaṇṇanā	98
10. Abbhokāsikaṅgakathāvaṇṇanā	99
11. Sosānikaṅgakathāvaṇṇanā	100
12. Yathāsanthatikaṅgakathāvaṇṇanā	102
13. Nesajjikaṅgakathāvaṇṇanā	102
Dhutaṅgapakiṇṇakakathāvaṇṇanā	103

### 3. Kammatṭhānaggahaṇaniddesavaṇṇanā

Samādhī-ekakadukavaṇṇanā	110
Samādhītikavaṇṇanā	110
Samādhīcatukkavaṇṇanā	111
Dasapalibodhavaṇṇanā	115
Kammatṭhānadāyakaṇṇanā	119
Cariyāvaṇṇanā	121
Cattālīsakammatṭhānavaṇṇanā	130

### 4. Pathavīkasiṇaniddesavaṇṇanā

Ananurūpavīhāraṇṇanā	139
Anurūpavīhāraṇṇanā	140
Khuddakapalibodhavaṇṇanā	141
Bhāvanāvidhānavaṇṇanā	142
Sattasappāyavaṇṇanā	148
Dasavidha-appanākosallavaṇṇanā	149
Nimittābhīmukhapāṭipādanavaṇṇanā	160
Paṭhamajjhānakathāvaṇṇanā	161
Pañcaṅgavippahīnādivaṇṇanā	170
Tividhakalyāṇavaṇṇanā	171

Mātikā			Piṭṭhaṅka
Ciraṭṭhitisampādanavaṇṇanā	...	...	175
Nimittavaḍḍhananayaṇṇanā	...	...	177
Pañcavasīkathāvaṇṇanā	...	...	178
Dutiyajjhānakathāvaṇṇanā	...	...	180
Tatīyajjhānakathāvaṇṇanā	...	...	184
Catutthajjhānakathāvaṇṇanā	..	...	189
Pañcakajjhānakathāvaṇṇanā	...	...	192

### 5. Sesakasiṇaniddesavaṇṇanā

Āpokasiṇakathāvaṇṇanā	...	...	195
Tejokasiṇakathāvaṇṇanā	...	...	195
Vāyokasiṇakathāvaṇṇanā	...	...	195
Nīlakasiṇakathāvaṇṇanā	...	...	196
Pītakasiṇakathāvaṇṇanā	...	...	196
Lohitakasiṇakathāvaṇṇanā	...	...	197
Odātakasiṇakathāvaṇṇanā	...	...	197
Ālokakasiṇakathāvaṇṇanā	...	...	197
Paricchinnākāsakasiṇakathāvaṇṇanā	...	...	197
Pakiṇṇakakathāvaṇṇanā	...	...	198

### 6. Asubhakammaṭṭhānaniddesavaṇṇanā

Uddhumātakādīpadatthavaṇṇanā	...	...	201
Uddhumātakammaṭṭhānavaṇṇanā	...	...	202
Vinicchayakathāvaṇṇanā	...	...	207
Vinīlakādīkammaṭṭhānavaṇṇanā	...	...	212
Pakiṇṇakakathāvaṇṇanā	...	...	215

Mātikā

Piṭṭhaṅka

**7. Cha-anussatiniddesavaṇṇanā**

1. Buddhānussatikathāvaṇṇanā	...	...	218
2. Dhammānussatikathāvaṇṇanā	...	...	267
3. Saṃghānussatikathāvaṇṇanā	...	...	278
4. Sīlānussatikathāvaṇṇanā	...	...	281
5. Cāgānussatikathāvaṇṇanā	...	...	282
6. Devatānussatikathāvaṇṇanā	...	...	284
Pakiṇṇakakathāvaṇṇanā	...	...	285

**8. Anussatikammaṭṭhānaniddesavaṇṇanā**

Maraṇassatikathāvaṇṇanā	...	...	287
Kāyagatāsatikathāvaṇṇanā	...	...	297
Koṭṭhāsavavattāpanakathāvaṇṇanā	...	...	305
Ānāpānassatikathāvaṇṇanā	...	...	310
Upasamānussatikathāvaṇṇanā	...	...	346

**9. Brahmavihāraniddesavaṇṇanā**

Mettābhāvanākathāvaṇṇanā	...	...	350
Karuṇābhāvanāvaṇṇanā	...	...	370
Muditābhāvanāvaṇṇanā	...	...	373
Upekkhābhāvanāvaṇṇanā	...	...	374
Pakiṇṇakakathāvaṇṇanā	...	...	377

**10. Āruppaniddesavaṇṇanā**

Paṭhamāruppavaṇṇanā	...	...	393
Viññāṇañcāyatanakathāvaṇṇanā	...	...	399
Ākiñcaññāyatanakathāvaṇṇanā	...	...	401
Nevasaññānāsaññāyatanakathāvaṇṇanā	...	...	403
Pakiṇṇakakathāvaṇṇanā	...	...	410

Mātikā

Piṭṭhaṅka

**11. Samādhiniddesavaṇṇanā**

Āhārepaṭikkūlabhāvanāvaṇṇanā	...	...	413
Catudhātuvaṭṭhānabhāvanāvaṇṇanā	...	...	424
Samādhī-ānisaṃsakathāvaṇṇanā	...	...	459

**Visuddhimaggamahāṭīkāya paṭhamabhāge mātikā niṭṭhitā.**



# Visuddhimaggamahāṭikā

Namo tassa Bhagavato Arahato Sammāsambuddhassa.

## Ganthārambhakathā

Saddhammaraṁsimālī yo, vineyyakamalākare.

Vibodhesi mahāmoha-tamaṁ hantvāna sabbaso.

Ñāṇāṭisayabimbaṁ taṁ, visuddhakarūṇāruṇaṁ.

Vanditvā nirupaklesaṁ, **buddhādiccaṁ** mahodayaṁ.

Lokālokakaraṁ **dhammaṁ**, guṇarasmisamujjalaṁ.

**Ariyasam̐ghaṇca** samphullaṁ, visuddhakamalākaraṁ.

Vandanājanitaṁ puññaṁ, iti yaṁ ratanattaye.

Hatantarāyo sabbattha, hutvāhaṁ tassa tejasā.

Sampannasīlacārena, dhīmatā sucivuttinā.

Ajjhesito **dāṭhānāga-ttherena** thiracetasā.

Visuddhacarito nātho, yaṁ visuddhimanuttaraṁ.

Patvā desesi karuṇā-samussāhitamānaso.

Tassā adhigamūpāyo, visuddhanayamaṇḍito.

**Visuddhimaggo** yo vutto, suvisuddhapadakkamo.

Suvisuddhaṁ asaṁkiṇṇaṁ, nipuṇatthavinicchayaṁ.

Mahāvihāravāsīnaṁ, samayaṁ avilomayaṁ.

Tassa nissāya porāṇaṃ, kathāmaggaṃ anākulaṃ.  
Tantinayānugaṃ suddhaṃ, karissāmatthavaṇṇanaṃ.

Iti ākaṅkhamānassa, saddhammassa ciraṭṭhitim.  
Vibhajantassa tassatthaṃ, nisāmayatha sādhavoti.

### Nidānādikathāvaṇṇanā

1. Svāyaṃ **visuddhimaggo** yaṃ suttapadaṃ nissāya paṭṭhapīyati, taṃ tāva nikkhipitvā tassa nidānādiniddhāraṇamukhena nānappakārato atthaṃ saṃvaṇṇetum “**sīle patiṭṭhāyā**”-ti-ādi āraddhaṃ. Dhammaṃ saṃvaṇṇentena hi ādito tassa nidānaṃ vattabbaṃ, tato payojanaṃ piṇḍattho padattho sambandho adhippāyo codanā sodhanaṃ vattabbaṃ. Tathā ceva ācariyena paṭipannaṃ. Ettha hi **bhagavantaṃ kirāti**-ādi desanāya nidānapayojananiddhāraṇaṃ, **visuddhimaggaṃ bhāsissanti**-ādi piṇḍatthaniddhāraṇaṃ, **sīle thatvāti**-ādi padatthasambandhādhippāyavibhāvanā, **kiṃsīlanti**-ādi codanā, tato paraṃ sodhanaṃ, samādhipaññākathāsupi eseva nayo. Kasmā panettha vissajjanagāthā ādimhi nikkhattā, na pucchāgāthā. Pucchāpubbikā hi vissajjanāti? Vuccate—tadatthassa maṅgalabhāvato, sāsanaassa ādikalyāṇādibhāvavibhāvanato, bhayādi-upaddavanivāraṇena antarāyavidhamanato, upari saṃvaṇṇetabbadhammasaṅgahato cāti veditabbaṃ.

Etthāha kasmā paṇāyaṃ visuddhimaggakathā vatthupubbikā āraddhā, na satthuthomanāpubbikāti? Vuccate—visuṃ asaṃvaṇṇanādibhāvato. **Sumaṅgalavilāsini**-ādayo viya hi dīghanikāyādīnaṃ nāyaṃ visuṃ saṃvaṇṇanā, na pakaraṇantaraṃ vā abhidhammāvātārasumatāvātārādi viya. Tāsaṃyeva pana sumaṅgalavilāsini-ādīnaṃ visesabhūtā. Tenevāha “**majjhe visuddhimaggo**”-ti-ādi<sup>1</sup>. Atha vā thomanāpubbikāpi cāyaṃ kathā na vatthupubbikāvāti daṭṭhabbaṃ. Sāsane hi vatthukittanaṃ na loke viya kevalaṃ hoti, sāsanasampattikittanattā pana satthu aviparītadhammadesanābhāvavibhāvanena satthugūṇasaṃkittanaṃ ulliṅgantameva pavattati. Tathā hi vakkhati “ettāvataṃ tisso sikkhā”-ti-ādi. **Sotāpannādibhāvassa ca kāraṇanti** ettha hi ādi-saddena

1. Dī-Ṭṭha 1. 2; Ma-Ṭṭha 1. 2; Saṃ-Ṭṭha 1. 2; Am-Ṭṭha 1. 2 piṭṭhesu.

sabbasakadāgāmi-anāgāmino viya sabbepi arahanto saṅgayhanti vibhāgassa anuddhaṭṭā. Tena tiṇṇampi bodhisattānaṃ nibbedhabhāgiyā silādayo idha “sīle patiṭṭhāyā”ti-ādivacanena saṅgahitāti daṭṭhabbam. Tiṇṇampi hi nesam carimabhava visesato samsārabhayikkhaṇaṃ, yathāsakaṃ sīle patiṭṭhāya samathavipassanaṃ<sup>1</sup> ussukkāpetvā taṇhājaṭṭāvijaṭṭanapaṭipatti ca samānāti. Atha vā “so imaṃ vijaṭṭaye jaṭṭan”ti sādharmaṇavacanena sātisayaṃ, niratisayañca taṇhājaṭṭāvijaṭṭanaṃ gahitaṃ. Tattha yaṃ niratisayaṃ savāsanappahānatāya. Tena satthu pahānasampadā kittitā hoti, tannimittā nānasampadā ca. Tadubhayena nānantarikatāya<sup>2</sup> ānubhāvasampadādayopīti. Evampi thomanāpubbikāyaṃ kathāti veditabbam. Atha vā thomanāpubbikā evāyaṃ kathāti daṭṭhabbam, “sabbadhammesu appaṭihatañānacāro”ti-ādinaṃ satthu thomanāṃ purakkhatvā saṃvaṇṇanāya āradhattā. Sā panāyaṃ yasmā pucchantassa ajjhāsayaṇurūpaṃ byākaraṇasamatthataṃ vibhāvanavasena pavattitā, āciṇṇaṇcetaṃ ācariyassa yadidaṃ saṃvaṇṇetabbadhammānukūlaṃ saṃvaṇṇanārambhe satthu abhiṭṭhavanāṃ. Tasmā iminā kāraṇena evamettha thomanā pavattitāti. Thomanākārassa vuccamānassa kāraṇaṃ uddharantena paṭhamam vijjānagāthaṃ nikkhipitvā tassā nidānacodanāmukhena pucchāgāthaṃ sarūpato ca atthato ca dassetvā tassā pucchāya aviparīṭṭabyākaraṇasamatthabhāvāvajotanaṃ bhagavato thomanāṃ purakkhatvā yathādhīpetadhammasaṃvaṇṇanā katā. Tenāha “sīle patiṭṭhāyā”ti-ādi. Tattha gāthāya attho parato āvi bhavissati.

**Iti**-ādīsu **iti**ti ayaṃ **iti**-saddo hetu parisamāpanā’ dipadatthavipariyāya pakāra’ vadhāraṇa nidassanādi-anekatthappabhedo. Tathā hesa “ruppatīti kho bhikkhave tasmā ‘rūpan’ti vuccatī”ti-ādīsu<sup>3</sup> hetumhi āgato. “Tasmātiha me bhikkhave dhammadāyādā bhavatha, mā āmisadāyādā. Atthi me tumhesu anukampā ‘kinti me sāvakaṃ dhammadāyādā bhaveyyuṃ, no āmisadāyādā’ti”ādīsu<sup>4</sup> parisamāpane. “Iti vā iti evarūpā naccagītavāditavisūkadassanā paṭivirato”ti-ādīsu<sup>5</sup> ādi-atthe. “Māgaṇḍiyoti tassa brāhmaṇassa saṅkhā samaññā paññatti vohāro

1. Vipassanāti (Syā)

3. Saṃ 2. 71 piṭṭhe.

2. Nantariyakatāya (Sī), nānantariyakatāya (Ka)

4. Ma 1. 15 piṭṭhe.

5. Dī 1. 6, 61 piṭṭhesu.

nāmaṃ nāmakammaṃ nāmadheyyaṃ nirutti byañjanaṃ abhilāpo”ti-ādīsu<sup>1</sup> padatthavipariyāye. “Iti kho bhikkhave sappāṭibhayo bālo, appaṭibhayo paṇḍito. Sa-upaddavo bālo, anupaddavo paṇḍito. Sa-upasaggo bālo, anupasaggo paṇḍito”ti-ādīsu<sup>2</sup> pakāre. “Atthi idappaccayā jarāmaraṇanti iti puṭṭhena satā ānanda atthītiṣṣa vacanīyaṃ, kiṃ paccayā jarāmaraṇanti iti ce vadeyya, jātipaccayā jarāmaraṇanti iccassa vacanīyaṃ”ti-ādīsu<sup>3</sup> avadhāraṇe, sannīṭṭhāneti attho. “Atthīti kho kaccāna ayameko anto, natthīti kho kaccāna ayaṃ dutiyo anto”ti-ādīsu<sup>4</sup> nidassane. Idhāpi nidassane daṭṭhabbo, pakāretipi vattum vaṭṭateva. Paṭhamo pana iti-saddo parisamāpane daṭṭhabbo. **Hīti** avadhāraṇe. **Idanti** āsannapaccakkhavacanaṃ yathādhiḡatassa suttapadassa abhimukhīkaraṇato.

**Vuttanti** ayaṃ **vutta**-saddo sa-upasaggo, anupasaggo ca vappana vāpasamīkaraṇa kesohāraṇa jīvitavutti pamuttabhāva pāvacaṇapavattita ajjhesanakathanādīsu dissati. Tathā hi ayaṃ—

“Gāvo tassa pajāyanti, khetto vuttaṃ virūhati.

Vuttānaṃ phalasmaṇāti, yo mittānaṃ na dubbhātī”ti—

ādīsu<sup>5</sup> vappane āgato. “No ca kho paṭivuttan”ti-ādīsu<sup>6</sup> aṭṭhadantakādīhi vāpasamīkaraṇe. “Kāpaṭīko māṇavo daharo vuttasiro”ti-ādīsu<sup>7</sup> kesohāraṇe. “Pannalomo paradattavutto migabhūtena cetasa viharatī”ti-ādīsu<sup>8</sup> jīvitavuttiyaṃ. “Seyyathāpi nāma paṇḍupalāso bandhanā pavutto abhabbo haritattāyā”ti-ādīsu<sup>9</sup> bandhanato pamuttabhāve. “Yesamidaṃ etarahi porāṇaṃ mantapadaṃ gītaṃ pavuttaṃ samihitaṃ”ti-ādīsu<sup>10</sup> pāvacaṇabhāvena pavattite. Loke pana “vutto guṇo vutto pārāyano”ti-ādīsu ajjhesane. “Vuttaṃ

1. Khu 7. 144, 148 piṭṭhesu.

2. Ma 3. 107 piṭṭhe.

3. Dī 2. 47 piṭṭhe.

4. Saṃ 258; Saṃ 2. 110 piṭṭhesu.

5. Khu 6. 150 piṭṭhe.

6. Vi 1. 191 piṭṭhe.

7. Ma 2. 380 piṭṭhe.

8. Vi 4. 340 piṭṭhe.

9. Ma 3. 42; Vi 1. 58; Vi 2. 281; Vi 3. 134 piṭṭhesu.

10. Dī 1. 97; Ma 2. 381; Vi 3. 343 piṭṭhesu.

kho panetaṃ bhagavatā ‘dhammadāyādā me bhikkhave bhavatha, mā āmisadāyādā’<sup>1</sup>ti”ādīsu<sup>1</sup> kathane. Idhāpi kathane eva daṭṭhabbo. Tasmā “iti hi evameva idaṃ suttaṃ desitaṃ”<sup>2</sup>ti yathānikkhattaṃ gāthaṃ desitabhāvena nidasseti. Tassā vā desitākāraṃ avadhāreti.

**Kasmā**ti hetumhi nissakkaṃ. **Panā**ti vacanālaṅkāramattaṃ. Ubhayenāpi kāraṇaṃ pucchati. **Etanti** yathāvuttaṃ suttapadaṃ paccāmasati. **Vuttanti** pucchānimittaṃ. Tadatthassa attano buddhiyaṃ viparivattamānataṃ upādāya “idan”<sup>2</sup>ti vatvā puna bhagavatā bhāsītākāraṃ sandhāya “etan”<sup>2</sup>ti vuttaṃ. Sakalena panānena vacanena desanāya nidānaṃ jotitaṃ hoti. Parato<sup>2</sup> tassā desakadesakālapaṭiggāhake vibhāvetuṃ “**bhagavantaṃ kirā**”<sup>2</sup>ti-ādi vuttaṃ. Tattha **kirā**ti anussavanatthe nipāto. Tena vuccamānassatthassa anu anu suyyamānataṃ dīpeti. **Rattibhāgeti** rattiya ekasmim koṭṭhāse, majjhimayāmeti adhippāyo. Vessavaṇādayo viya apākaṭanāmadheyyattā **aññataro**. Devo eva **devaputto**. **Saṃsayasamugghāṭṭhanti** vicikicchāsallasamuddharaṇatthaṃ pucchīti yojanā. “Saṃsayasamugghāṭṭhan”<sup>2</sup>ti ca iminā pañcasu pucchāsu ayaṃ vimaticchedanāpucchāti dasseti. Yena atthena taṇhā “jaṭā”<sup>2</sup>ti vuttā, tameva atthaṃ dassetuṃ “**jāliniyā**”<sup>2</sup>ti-ādi vuttaṃ. Sā hi aṭṭhasatataṇhāvicaritappabhedo attano avayavabhūto eva jālo etissā atthīti “jālinī”<sup>2</sup>ti vuccati.

Idānissā jaṭākārena pavattiṃ dassetuṃ “**sā hī**”<sup>2</sup>ti-ādi vuttaṃ. Tattha **rūpādīsu ārammaṇesū**ti tassā pavattiṭṭhānamāha, rūpādichaḷārammaṇavinimuttassa taṇhāvisayassa abhāvato. **Heṭṭhupariyavasena**ti kadāci rūpārammaṇe kadāci yāva dhammārammaṇe kadāci dhammārammaṇe kadāci yāva rūpārammaṇeti evaṃ heṭṭhā, upari ca pavattivāsena. Desanākkamena cettha heṭṭhupariyatā daṭṭhabbā. Kadāci kāmabhāve kadāci rūpabhāve kadāci arūpabhāve kadāci vā arūpabhāve -pa-kadāci kāmabhāveti evamettha heṭṭhupariyavasena pavatti veditabbā. Sabbasaṅkhārānaṃ khaṇe khaṇe bhijjanasabhāvattā aparāparuppatti ettha saṃsibbananti āha “**punappunaṃ uppajjanato**”<sup>2</sup>ti. “**Saṃsibbanatthenā**”<sup>2</sup>ti idaṃ yena sambandhena jaṭā viyāti

1. Ma 1. 16 piṭṭhe.

2. Yato (Ka)

jaṭāti jaṭātaṇhānaṃ upamūpameyyatā, taṃdassanaṃ. Ayaṃ hettha attho—  
yathā jālino veḷugumbassa sākhā, kosasañcayādayo ca attanā attano  
avayavehi saṃsibbitā vinaddhā “jaṭā”ti vuccanti, evaṃ taṇhāpi  
saṃsibbanasabhāvenāti, “saṃsibbitaṭṭhenā”ti vā pāṭho, attanāva attano  
saṃsibbitabhāvenāti attho. Ayaṃ hi taṇhā kosakārakimi viya attanāva  
attānampi saṃsibbantī pavattati. Tenāha bhagavā “rūpataṇhā loke  
piyarūpaṃ sātārūpaṃ, etthesā taṇhā uppajjamānā uppajjati, ettha nivisaṃmānā  
nivisaṃhī”ti-ādi<sup>1</sup>. Ime sattā “mama idan”ti pariggahitaṃ vatthum  
attanibbisesaṃ maññamānā abhantarimaṃ karonti. Abhantarattho ca  
antosaddoti sakaparikkhāre uppajjamānāpi taṇhā “antojaṭā”ti vuttā.  
Pabbajitassa pattādi, gahaṭṭhassa hatthi-ādi sakaparikkhāro.

“Attā”ti bhavati ettha abhimānoti<sup>2</sup> **attabhāvo**,  
upādānakkhandhapañcakaṃ. Sarīranti keci. Mama attabhāgo sundaro,  
asukassa viya mama attabhāvo bhavyeyyāti vā ādinā saka-attabhāvādīsu  
taṇhāya uppajjamānākāro veditabbo. Attano cakkhādīni **ajjhattikāyatanāni**.  
Attano, paresaṃ rūpādīni **bāhirāyatanāni**. Paresaṃ sabbāni vā,  
saparasantatipariyāpannāni vā cakkhādīni **ajjhattikāyatanāni**. Tathā rūpādīni  
**bāhirāyatanāni**. Parittamahaggatabhavesu pavattiyāpi taṇhāya  
**antojaṭābahijaṭābhāvo** veditabbo. Kāmabhavo hi kassacipi kilesassa  
avikkhambhitattā kathaṅcipi avimutto ajjhattaggahaṇassa visesapaccayoti  
“ajjhattaṃ, anto”ti ca vuccati. Tabbipariyāyato rūpārūpabhavo “bahiddhā,  
bahī”ti ca. Tenāha bhagavā “ajjhattasaṃyojano puggalo, bahiddhāsaṃyojano  
puggalo”ti<sup>3</sup>. Visayabhedena, pavatti-ākārabhedena ca anekabhedabhinnampi  
taṇhaṃ jaṭābhāvasamaññena ekanti gahetvā “**tāya evaṃ uppajjamānāya  
jaṭāyā**”ti vuttaṃ. Sā pana “pajā”ti vuttasattasantānapariyāpannā eva hutvā  
punappunaṃ taṃ jaṭentī vinandhantī pavattatīti āha “**jaṭāya jaṭitā pajā**”ti.  
Tathā hi paramatthato yadipi avayavabyatirekena samudāyo natthi, ekadeso  
pana samudāyo nāma na hotīti avayavato samudāyaṃ bhinnaṃ katvā  
upamūpameyyaṃ dassento “**yathā**

1. Dī 2. 247; Ma 1. 86; Abhi 2. 108 piṭṭhesu.

2. Abhidhānoti (Syā)

3. Am 1. 64, 65 piṭṭhesu.

**nāma veḷujaṭādīhi -pa- saṁsibbitā**”ti āha. Imaṁ jaṭanti sambandho. Tīsu dhātūsu ekampi asesetvā saṁsibbanena **tedhātukaṁ jaṭetvā ʘhitam**. Tenassā mahāvisayataṁ, vijaṭanassa ca sudukkarabhāvamāha. **“Vijaṭetum ko samattho”**ti iminā “vijaṭaye”ti padaṁ satti-attham, na vidhi-ādi-atthanti dasseti.

Evam “antojaṭā”ti-ādinā puṭṭho pana assa devaputtassa imaṁ gāthamāhāti sambandho. “Edisoṇa imaṁ pañham viṣṣajjeyyā”ti satthāraṁ guṇato dassento **“sabbadhammesu appaṭihatañāṇacāro”**ti-ādimāha. Tattha **sabbadhammesū**ti atīṭādibhedabhinnesu sabbesu ñeyyadhammesu. **Appaṭihatañāṇacāro**ti anavasesaṇeyyāvaraṇappahānena nissaṅgacārattā navihatañāṇapavattiko. Etena tīsu kālesu appaṭihatañāṇabhāvibhāvanena ādito tiṇṇaṁ āveṇīkadhammānaṁ gahaṇeneva tadekalakkhaṇatāya tadavinābhāvato ca bhagavato sesāveṇīkadhammānampi gahitabhāvo veditabbo. Dibbanti kāmaguṇādīhi kīḷanti laḷanti, tesu vā viharanti, vijayasamatthatāyogena paccatthike vijetum icchanti, issariyadhanādisakkāradānaggahaṇaṁ, taṁtaṁatthānūsāsaṇaṇca karontā voharanti, puññāṭisayayogānubhāvappattāya jutiyaṁ jotanti, yathādhippetaṇca viṣayaṁ appaṭighātena gacchanti, yathicchitanipphādane ca sakkontīti **devā**. Atha vā devanīyā taṁtaṁbyasananīttaraṇatthikehi saraṇaṁ parāyaṇanti gamanīyā, abhīttavanīyā vā, sobhāviṣesayogena kamanīyāti vā **devā**. Te tivīdhā sammutidevā upapattidevā visuddhīdevāti. Bhagavā pana nīratisayāya abhīññākīḷāya uttamehi dibbabrahma-ariyavīhārehi saparasantānagatapaṇcavidhamāravījayicchānīpphattiyā cittīssariyasattadhanādi sammāpaṭīpatti aveccapasādasakkāradānaggahaṇasaṅkhātena, dhammasabhāvapuggalajjhāsayānūrūpānūsāsaṇīsaṅkhātena ca vohārāṭisayena paramāya paññāsarīrappabhāsaṅkhātāya jutiyaṁ, anaññāsādhāraṇāya ñāṇasarīragatiyaṁ, māravījayasabbasabbaññūguṇaparāhitanīpphādanesu appaṭihātāya sattiyaṁ ca samannāgatattā sadevakena lokena “saraṇaṁ”ti gamanīyato, abhīttavanīyato, bhattivasena kamanīyato ca sabbe te deve tehi guṇehi abhībhuyya ʘhitattā tesam devānaṁ seṭṭho uttamo devoti **devadevo**.

Sabbadevehi pūjanīyataro devoti vā, visuddhidevabhāvassa vā  
sabbaññugunālaṅkāraṇassa vā adhigatattā aññesaṃ devānaṃ atisayena devoti  
**devadevo**.

Aparimāṇāsu lokadhātūsu aparimāṇānaṃ sakkānaṃ, mahābrahmānaṃ  
guṇābhībhavanato adhiko atisayo atirekataro vā sakko brahmā cāti  
**sakkānaṃ atisakko brahmānaṃ atibrahmā**. Ñāṇappahānadesanāvīsesesu  
sadevake loke kenaci avikkhambhanīyaṭṭhānatāya kutocipi utrastābhāvato  
catūhi vesārajjeḥi visāradoti **catuvesārajja visārado**. Yaṃ sandhāya vuttaṃ  
“sammāsambuddhassa te paṭijānato ime dhammā anabhisambuddhāti tatra  
vata maṃ samaṇo vā -pa- vesārajjappatto viharāmi”<sup>1</sup>. Ṭhānāṭhānañāṇādihi  
dasahi ñāṇabalehi samannāgatattā **dasabaladharo**. Yaṃ sandhāya vuttaṃ  
“idha tathāgato ṭhānaṃca ṭhānato, aṭṭhānaṃca aṭṭhānato yathābhūtaṃ  
pajānāti”<sup>2</sup>-ādi<sup>2</sup>. Yaṃ kiñci ñeyyaṃ nāma, tattha sabbattheva  
anāvaṭaṇṇatāya **anāvaraṇaṇṇāṇo**. Taṅca sabbaṃ samantato sabbākārato  
hatthatale āmalakaṃ viya paccakkhato dassanasamatthena ñāṇacakkhunā  
samannāgatattā **samantacakkhu**, sabbaññūti attho. Imehi pana dvīhi padehi  
pacchimāni dve asādhāraṇaṇṇāni gahitāni. Bhāgyavantatādihi kāraṇehi  
**bhagavā**. Yaṃ panettha vattabbaṃ, taṃ parato **buddhānussatiniddese**<sup>3</sup>  
vitthārato āgamissati.

Ettha ca “sabbadhammesu appaṭihatañāṇacāro”<sup>3</sup>ti iminā  
tiyaddhārulhānaṃ pucchānaṃ bhagavato byākaraṇasamatthatāya dassitāya  
kiṃ devatānampi pucchāṃ byākātum samattho bhagavāti āsaṅkāya  
tannivattanattham “devadevo”<sup>3</sup>ti vuttaṃ. Devānaṃ atidevo sakko  
devānamindo devatānaṃ paṇhaṃ vissajjeti, “tato imassa ko viseso”<sup>3</sup>ti  
cintentānaṃ tannivattanattham “sakkānaṃ atisakko”<sup>3</sup>ti vuttaṃ. Sakkenapi  
pucchitamattham sanaṅkumārādayo brahmāno vissajjenti, “tato imassa ko  
atisayo”<sup>3</sup>ti cintentānaṃ tannivattanattham “brahmānaṃ atibrahmā”<sup>3</sup>ti vuttaṃ.  
Ayaṃ cassa viseso catuvesārajjadasabalañāṇehi pākaṭo jātoti dassanattham

1. Ma 1. 103; Am 1. 315 piṭṭhesu.

2. Am 3. 283; Abhi 2. 348 piṭṭhesu.

3. Visuddhi 1. 191 piṭṭhe.



“catu -pa- dharo”ti vuttaṃ. Imāni ca ñāṇāni imassa ñāṇadvayassa adhigamena saheva siddhānīti dassanattamaṃ “anāvarenañāṇo samantacakkhū”ti vuttaṃ. Tayidaṃ ñāṇadvayaṃ puññañāṇasambhārūpacayasiddhāya bhaggadosatāya siddhanti dassento “bhagavā”ti avocāti. Evametesam padānam gahaṇe payojanaṃ, anupubbi ca veditabbā. Yaṃ panetaṃ pacchimaṃ anāvarenañāṇam sabbaññutaññāṇanti ñāṇadvayaṃ, taṃ atthato abhinnaṃ. Ekameva hi taṃ ñāṇam visayapavattimukhena aññehi asādhāraṇabhāvadassanattamaṃ dvidhā katvā vuttaṃ. Anavasesasaṅkhatāsaṅkhatasammutidhammārammaṇatāya sabbaññutaññāṇam, tatthāvaraṇābhāvato nissaṅgacāramupādāya “anāvarenañāṇan”tipi vuttaṃ. Yaṃ panettha vattabbaṃ, taṃ parato **buddhānussatiniddese**<sup>1</sup> vakkhāma.

2. Mahante silakkhandhādike eṣi gavesīti mahesi, bhagavā. Tena **mahesinā. Vaṇṇayantoti** vivaranto vitthārento. **Yathābhūtaṃ** aviparītaṃ. **Silādibhedananti** silasamādhipaññādivibhāgaṃ. **Sudullabhanti** aṭṭhakkhaṇavajjitena navamena khaṇena laddhabbattā suṭṭhu dullabham. **Silādisaṅgahanti** silādikkhandhattayasaṅgahaṃ. Ariyamaggo hi tīhi khandhehi saṅgahito sappadesattā nagaram viya rajjena, na tayo khandhā ariyamaggena nippadesattā. Vuttañhetam “na kho āvuso visākha ariyena aṭṭhaṅgikena maggena tayo khandhā saṅgahitā, tīhi ca kho āvuso visākha khandhehi ariyo aṭṭhaṅgiko maggo saṅgahito”ti<sup>2</sup>. Kilesacorehi aparipanthanīyatāya<sup>3</sup> **khemam**. Antadvayaparivajjanato, māyādikāyavaṅkāḍippahānato ca **ujum**. Sabbesam saṅkilesadhammānam māraṇavasena gamanato pavattanato, nibbānassa magganato, nibbānatthikehi maggihabbato ca **maggam**. **Visuddhiyāti** nibbānāya, visuddhibhāvāya vā, arahattāyāti attho.

**Yathābhūtam ajānantāti** evam silavisuddhi-ādivisuddhiparamparāya adhigantabbo evarūpo evaṃkiccako evamatthoti yāthāvato anavabujjhantā. Sakalasaṅkilesato, saṃsārato ca suddhim vimuttiṃ kāmenti patthentīti **suddhikāmā. Api-saddo** sambhāvane. Tena na kevalam silamattena parituṭṭhā, atha kho visuddhikāmāpi samānāti dasseti. **Idhāti** imasmim sāsane. Bhāvanāya yuttapayuttatāya **yogino vāyamantāpi**

1. Visuddhi 1. 191 piṭṭhe.

2. Ma 1. 175 piṭṭhe.

3. Aparibandhanīyatāya (Ka)

visuddhiṃ uddissa payogaṃ parakkamaṃ karontāpi upāyassa anadhigatattā **visuddhiṃ nādhigacchantī**ti yojanā. **Tesanti** yogīnaṃ. Kāmañcāyaṃ visuddhimaggo samantabhaddakattā savanadhāraṇaparicayādīpasutānaṃ sabbesampi pāmojjakaro, yogīnaṃ pana sātisayaṃ pamodahetūti āha “**tesaṃ pāmojjakaraṇaṃ**”ti. Bāhiraka<sup>1</sup> nikāyantaraḷaddhīhi asammissatāya suṭṭhu visuddhavinicchayattā **suvisuddhavinicchayaṃ**. **Mahāvihāravāsīnanti** attano apassayabhūtaṃ nikāyaṃ dasseti. **Desanānayanissitanti** dhammasaṃvaṇṇanānayasannissitaṃ. Ettha ca “tesaṃ pāmojjakaraṇaṃ”ti-ādinā sabbasamkilesamalavisuddhatāya visuddhiṃ nibbānaṃ patthentānaṃ yogīnaṃ ekaṃsena tadāvahattā pāmojjakaro ñāṇuttarehi sammāpaṭīpannehi adhiṭṭhitattā<sup>2</sup> suṭṭhu sammā visuddhavinicchayo mahāvihāravāsīnaṃ kathāmaggoti dasseti. **Sakkaccaṃ me bhāsato** sakkaccaṃ nisāmayathāti yojetabbaṃ.

Ettha ca “imissā dāni gāthāyā”ti iminā visuddhimaggabhāsanassa nissayaṃ, “kathitāya mahesinā”ti iminā tassa pamāṇabhāvaṃ, “yathābhūtaṃ atthaṃ sīlādibhedanaṃ”ti iminā aviparītaṇḍatthaṃ, “sudullabhaṃ -payogino”ti iminā nimittaṃ, “**tesaṃ pāmojjakaraṇaṃ**”ti iminā payojanaṃ, “vaṇṇayanto atthaṃ, suvisuddhavinicchayaṃ mahāvihāravāsīnaṃ desanānayanissitaṃ, sakkaccaṃ”ti ca iminā karaṇappakāraṃ dassetvā “visuddhikāmā sabbepi, nisāmayatha sādhave”ti iminā tatha sakkaccasavane sādhujaṇe niyojati. Sādhukaṃ savanapaṭībaddhā hi sāsanasampatti.

3. Vacanatthavibhāvanena paveditavisuddhimaggasāmaññatthassa visuddhimaggakathā vuccamānā abhiruciṃ uppādetīti padatthato visuddhimaggaṃ vibhāvetuṃ “**tattha visuddhi**”ti-ādi āradhaṃ. Tattha **tatthāti** yadidaṃ “visuddhimaggaṃ bhāsissaṃ”ti ettha visuddhimaggapadaṃ<sup>3</sup> vuttaṃ, tattha. **Sabbamalavirahitanti** sabbehi rāgādīmalehi, sabbehi samkilesamalehi ca virahitaṃ vivittaṃ. Tato eva **accantaparīsuddhaṃ**, sabbadā, sabbathā ca visuddhanti attho. Yathāvuttaṃ visuddhiṃ maggati gavesati adhigacchati etenāti **visuddhimaggo**. Tenāha “**maggoti adhigamūpāyo vuccati**”ti. Visuddhimaggoti ca nippariyāyena lokuttaramaggo veditabbo, tadupāyattā pana pubbhāgamaṃ, tannissayo kathāpabandho ca tathā vuccati.

1. Bāhiya bāhira (Ka)

2. Adhikatattā (Syā)

3. Visuddhipadaṃ (Ka)

Svāyaṃ visuddhimaggo satthārā desanāvīlāsato, veneyyajjhāsayato ca nānāyehi desito, tesu ayameko nayo gahitoti dassetuṃ “so panāyan”ti-ādi āraddhaṃ. Tattha **katthacīti** kismiñci sutte. **Vipassanā**mattavasenevāti avadhāraṇena samathaṃ nivatteti. So hi tassā paṭiyogī, na sīlādi. Matta-saddena ca visesanivatti-atthena savisesaṃ samādhim nivatteti. So upacārappanābhedo vipassanāyānikassa desanāti katvā na samādhimattaṃ. Na hi khaṇikasamādhim vinā vipassanā sambhavati. Vipassanāti ca tividhāpi anupassanā veditabbā, na aniccānupassanāva. Na hi aniccadassanamatthena saccābhisamayo sambhavati. Yaṃ pana gāthāyaṃ aniccalakkhaṇasseva gahaṇaṃ kataṃ, taṃ yassa tadeva suṭṭhutarāṃ pākaṭaṃ hutvā upaṭṭhāti, tādissassa vasena. Sopi hi itaraṃ lakkhaṇadvayaṃ vibhūtataraṃ katvā sammasitvā visesaṃ adhigacchati, na aniccalakkhaṇameva.

**Sabbe saṅkhārāti** sabbe tebhūmakasaṅkhārā, te hi sammasanīyā. **Aniccāti** na niccā addhuvā ittarā khaṇabhaṅgurāti. **Paññāyāti** vipassanāpaññāya. **Passati** sammasati. **Atha** pacchā udayabbayañāṇādīnaṃ uppattiyā uttarakālaṃ<sup>1</sup>. **Nibbindati dukkheti** tasmimyeva aniccākārato diṭṭhe “sabbe saṅkhārā”ti vutte tebhūmake khandhapañcakasaṅkhāte dukkhe nibbindati nibbidāññāṇaṃ paṭilabhati. **Esa maggo visuddhiyāti** esa nibbidānupassanāsaṅkhāto virāgādīnaṃ kāraṇabhūto nibbānassa adhigamūpāyo.

**Jhānapaññāvasenāti** samathavipassanāvasena. **Jhānanti** cettha vipassanāya pādakabhūtaṃ jhānaṃ adhippetāṃ. **Yamhīti** yasmim puggale. **Jhānañca paññācāti** etthāyamattho—yo puggalo jhānaṃ pādakaṃ katvā vipassanaṃ paṭṭhapetvā taṃ ussukkāpeti. **Sa ve nibbānasantiketi** so byattaṃ nibbānassa samīpe ekantato nibbānaṃ adhigacchatīti.

**Kammanti** maggacetanā. Sā hi apacayagāmitāya sattānaṃ suddhim āvahati. **Vijjāti** sammādiṭṭhi. **Sīlanti** sammāvācākammantā. **Jīvitamuttamanti** sammā-ājīvo. **Dhammoti** avasesā cattāro ariyamaggadhammā. Atha vā **kammanti** sammākammantassa gahaṇaṃ. “Yā cāvuso visākha sammādiṭṭhi, yo

---

1. Uttarikālaṃ (Syā)

ca sammāsaṅkappo, ime dhammā paññākkhandhe saṅgahitā”ti<sup>1</sup> vacanato. **Vijjāti** sammādiṭṭhisammāsaṅkappānaṃ gahaṇaṃ. **Dhammoti** samādhī “evaṃdhammā te bhagavanto ahesun”ti-ādīsu<sup>2</sup> viya. Taggahaṇeneva “yo cāvuso visākha sammāvāyāmo, yā ca sammāsati, yo ca sammāsamādhī, ime dhammā samādhikkhandhe saṅgahitā”ti<sup>1</sup> vacanato sammāvāyāmasatīnampi gahaṇaṃ daṭṭhabbaṃ. **Sīlanti** sammāvācājīvānaṃ. **Jīvitamuttamanti** evarūpassa ariyapuggalassa jīvitaṃ uttamaṃ jīvitanti evamettha aṭṭhaṅgiko ariyamaggo vuttoti veditabbo.

**Sīlādivasenāti** sīlasamādhīpaññāvīriyavasena. **Sabbadāti** samādānato pabhūti sabbakālaṃ. **Sīlasampannoti** catupārisuddhisīlasampadāya sampanno samannāgato. **Paññāvāti** lokiya lokuttarāya paññāya samannāgato. **Susamāhitoti** taṃsampayuttēna samādhīnā suṭṭhu samāhito. **Āraddhavīriyoti** akusalānaṃ dhammānaṃ pahānāya, kusalānaṃ dhammānaṃ upasampadāya paggahitavīriyo. **Pahitattoti** nibbānaṃ patipesitattatāya kāye ca jīvite ca nirapekkhacitto. **Oghanti** kāmoghādicatubbidhampi oghaṃ, saṃsāramahoghameva vā.

**Ekāyanoti** ekamaggo. Maggapariyāyo hi idha ayana-saddo, tasmā ekapathabhūto<sup>3</sup> ayaṃ bhikkhave maggo, na dvedhāpathabhūtoti attho. Ekaṃ vā nibbānaṃ ayati gacchatīti ekāyano, ekena vā gaṇasaṅgaṇikaṃ pahāya vivekaṭṭhena ayitabbo paṭipajjitabboti ekāyano, ayanti tenāti vā ayano, ekassa seṭṭhassa bhagavato ayanoti ekāyano, tena uppāditattā, ekasmiṃ vā imasmiṃyeva dhammavinaye ayanoti ekāyano. **Sattānaṃ visuddhiyāti** rāgādīmalehi, abhijjhāvisamalobhādi-upakkīlesehi ca sattānaṃ visuddhatthāya visujjhanatthāya. **Yadidanti** nipāto, ye imeti attho. Pubbe saraṇalakkhaṇena<sup>4</sup> maggaṭṭhena ca maggoti vuttasseva kāyādivisayabhedena catubbidhattā “cattāro satipaṭṭhānā”ti vuttaṃ. **Sammappadhānādīsūti** ettha ādi-saddena appamādābhirati-ādīnaṃ saṅgaho

1. Ma 1. 375 piṭṭhe.

3. Maggabhūto (Sī, Syā)

2. Saṃ 3. 138 piṭṭhe.

4. Sarasalakkhaṇena (Syā, Ka)

veditabbo. Appamādābhirati-ādivasenāpi hi katthaci visuddhimaggo desito.  
Yathāha—

“Appamādarato bhikkhu, pamāde bhayadassi vā.  
Abhabbo parihānāya, nibbānasseva santike”<sup>1</sup>.

4. **Tatrāti** tassam gāthāyaṃ. Upari vuccamānā gāthāya vitthārasamvaṇṇanā niddesapaṭiniddesaṭṭhāniyā, tato saṃkhattatarā atthavaṇṇanā uddesaṭṭhāniyāti āha “**ayaṃ saṃkhepavaṇṇanā**”<sup>2</sup>ti. Yathā-uddiṭṭhassa hi atthassa niddesapaṭiniddesā sukarā, subodhā ca hontīti. **Sīle patiṭṭhāyāti** ettha **sīle**ti kusalasīle. Yadi **“katame ca thapati<sup>2</sup> akusalā sīlā”**ti-ādīsu akusalā dhammāpi sīlanti āgatā. Vuccamānāya pana cittapaññābhāvanāya adhiṭṭhānāyogyatāya kiriyasīlānampi asam bhavo, kuto itaresanti kusalasīlamevettha adhippetam. **Sīlam paripūrayamānoti**-ādīsu **paripūrayamānoti** paripāleno, parivaḍḍhento vā, sabbabhāgehi samvaranto, avitikkamanto cāti attho. Tathābhūto hi tam avijahanto tattha patiṭṭhito nāma hoti. “Sīle”<sup>3</sup>ti hi idam ādhāre bhummaṃ. **Patiṭṭhāyāti** duvidhā patiṭṭhā nissayūpanissayabhedato. Tattha upanissayapatiṭṭhā lokiyā, itarā lokuttarā abhinditvā gahaṇe. Bhinditvā pana gahaṇe yathā lokiyacittuppādesu saha jātānaṃ, purimacchimānaṃca vasena nissayūpanissayapatiṭṭhā sambhavati, evam lokuttaresu heṭṭhimamaggaphalasīlavasena upanissayapatiṭṭhāpi sambhavati. “Patiṭṭhāyā”<sup>4</sup>ti ca padassa yadā upanissayapatiṭṭhā adhippetā, tadā ‘saddham upanissāyā’<sup>5</sup>ti-ādīsu<sup>3</sup> viya purimakālakiriyāvasena attho veditabbo. Tenāha “pubbeva kho panassa kāyakammaṃ vacīkammaṃ ājīvo suparisuddho hoti”<sup>4</sup>ti. Yadā pana nissayapatiṭṭhā adhippetā, tadā “cakkhuṃca paṭicca”<sup>5</sup>ti-ādīsu<sup>5</sup> viya samānakālakiriyāvasena attho veditabbo. Sammāvācādayo hi attanā sampayuttānaṃ sammādiṭṭhi-ādīnaṃ saha jātavaseneva nissayapaccayā hontīti.

1. Khu 1. 17 piṭṭhe Dhammapade. 2. Gahapati (Ka), Ma 2. 217 piṭṭhe passitabbari.

3. Abhi 8. 145 piṭṭhe Paṭṭhāne. 4. Ma 3. 337 piṭṭhe.

5. Ma 1. 158; Ma 3. 328; Saṃ 2. 261 piṭṭhādīsu.

Narati netīti **naro**, puriso. Yathā hi paṭhamapakatibhūto satto, itarāya pakatiyā seṭṭhaṭṭhena puri ucce ṭhāne seti pavattatīti “puriso”ti vuccati, evaṃ nayanatṭhena “naro”ti vuccati. Puttabhātubhūtopi hi puggalo mātujeṭṭhabhaginīnaṃ netuṭṭhāne<sup>1</sup> tiṭṭhati, pageva itaro itarāsam. Narena yogato, narassa ayanti vā nārī, itthī. Sāpi cettha kāmam taṇhājaṭṭhaviṇṇasamatthata atthi, padhānameva pana sattaṃ dassento “naro”ti āha yathā “satthādevamanussāna”ti<sup>2</sup>. Aṭṭhakathāyaṃ pana avibhāgena puggalapariyāyo ayanti dassetuṃ “**naroti satto**”ti vuttaṃ. **Sapañño**ti vipākabhūtāya saha paññāya pavattatīti sapañño. Tāya hi ādito paṭṭhāya santānavasena bahulaṃ pavattamānāya ayaṃ satto savisesaṃ “sapañño”ti vattabbataṃ arahati. Vipākapaññāpi hi santānavisesanena bhāvanāpaññuppattiyā upanissayo hoti ahetukadvihetukānaṃ tadabhāvato. Sampajaññaśaṅkhātāya ca taṃtaṃkiccaṅkārīkāya paññāya vasena “sapañño”ti vattuṃ vaṭṭati. Aṭṭhakathāyaṃ pana nipakasaddena pārihārikapaññā gayhatīti vipākapaññāvasenevettha attho vutto.

**Kammajatihetukapaṭisandhipaññāyā**ti kammajāya tihetukapaṭisandhiyaṃ paññāyāti evaṃ tihetuka-saddo paṭisandhi-saddena sambandhitabbo, na paññā-saddena. Na hi paññā tihetukā atthi. Paṭisandhito pabhuti pavattamānā paññā “paṭisandhiyaṃ paññā”ti vuttā taṃmūlakattā, na paṭisandhikkhaṇe pavattā eva.

Cinteti ārammaṇaṃ upanijjhāyatīti **cittaṃ**, samādhi. So hi sātisaṃ upanijjhānakicco. Na hi vitakkādayo vinā samādhinā tamatthaṃ sādheti, samādhi pana tehi vināpi sādhetīti. Paṇḍabalavabhāvāpādanena paccayehi citaṃ, tathā santānaṃ cinotīti **cittaṃ**, samādhi. Paṭhamajjhānādivasena cittavicittatāya, iddhividhādicittakaraṇena ca samādhi cittanti vināpi paropadesenassa<sup>3</sup> cittapariyāyo labbhaveva. Aṭṭhakathāyaṃ pana cittaśaddo viññāṇe niruḷhoti katvā vuttaṃ “**cittasīsenā hettha samādhi niddiṭṭho**”ti. Yathāsabhāvaṃ pakārehi jānātīti **paññā**. Sā yadipi kusalādibhedato bahuvīdhā. “Bhāvayan”ti pana vacanato bhāvetabbā idhādhippetāti taṃ dassetuṃ “**vipassanaṃ**”ti vuttaṃ. “Bhāvayan”ti ca idaṃ

1. Pituṭṭhane (Syā, Ka)

2. Dī 1. 46, 82 piṭṭhādīsu.

3. Parāpadesena (Sī, Ka)

paccekaṃ yojetabbaṃ “cittaṅca bhāvayaṃ, paññaṅca bhāvayaṃ”ti. Tayidaṃ dvayaṃ kiṃ lokiyaṃ, udāhu lokuttaranti? Lokuttaranti daṭṭhabbaṃ ukkaṭṭhaniddeṣato. Taṃ hi bhāvayaṃāno ariyamaggakkhaṇe taṇhājaṭaṃ samucchadavasena vijaṭeti vuccati, nalokiyaṃ. Nānantariyabhāvena panettha lokiyāpi gahitāva honti lokiyasamathavipassanāya vinā tadabhāvato. Samathayānikassa hi upacārappanāppabhedāṃ samādhim, itarassa khaṇikasamādhim, ubhayesampi vimokkhamukhattayaṃ vinā na kadācipi lokuttarādhigamo sambhavati. Tenāha **“samādhiṅceva vipassanaṅca bhāvayaṃāno”**ti. Tattha yadā lokiyā samathavipassanā adhippetā, tadā “bhāvayaṃ”ti idaṃ bhāvanākiriyaṃ hetubhāvakathanāṃ, bhāvanāhetūti attho. Taṃbhāvanāhetukā hi vijaṭanakiriyaṃ. Yadā pana lokuttarā adhippetā, tadā kevalaṃ vattamānabhāvaniddeṣo<sup>1</sup>. Tadubhayabhāvanāsamakālemeva hi taṇhājaṭāvijaṭanaṃ.

**“Ātāpi nipako”**ti idaṃ yathāvuttabhāvanāya upakāradhammakittanaṃ. Kammaṭṭhānaṃ anuyuñjantassa hi vīriyaṃ sati sampajaññanti ime tayo dhammā bahūpakārā. Vīriyūpatthaddhañhi kammaṭṭhānaṃ satisampajaññānupālitaṃ na paripatati, upari ca visesaṃ āvahati. Patiṭṭhāsiddhiyā cettha saddhāsiddhi, saddhūpanissayattā sīlassa, vīriyādisiddhiyā ca. Na hi saddheyavattumaṃ asaddahantassa yathāvuttavīriyādayo sambhavanti, tathā samādhipi. Yathā hi hetubhāvato vīriyādīhi saddhāsiddhi, evaṃ phalabhāvato tehi samādisiddhi. Vīriyādisu hi sampajjamānesu samādisampannaṃ hoti asamāhitassa tadabhāvato. Kathaṃ panettha satisiddhi? Nipakaggahaṇato. Tikkhavisadabhāvappattā hi sati “nepakkaṃ”ti vuccati. Yathāha “paramena satinepakkena samannāgato”ti. Aṭṭhakathāyaṃ pana “nepakkaṃ paññā”ti ayamatto dassito. Taggahaṇeneva satipi gahitāva hoti. Na hi sativirahitā paññā atthīti. Apare pana “sapañña”ti imināva pārihārikapaññāpi gayhatīti “nipako”ti padassa “sato”ti atthaṃ vadanti. Yadi pi kilesānaṃ pahānaṃ ātāpanaṃ, taṃ sammādiṭṭhi-ādīnampi attheva. Ātappasaddo viya pana ātāpasaddo

---

1. Vijaṭanabhāvaniddeṣo (Ka)

vīriyeyeva niruḷhoti āha “**ātāpīti vīriyavā**”ti. Atha vā paṭipakkhappahāne sampayuttadhammānaṃ abbhussahanavasena pavattamānassa vīriyassa sātisayaṃ tadātāpananti vīriyameva tathā vuccati, na aññe dhammā. **Ātāpīti** cāyamīkāro pasamsāya, atisayassa vā dīpako. **Vīriyavāti** vā-saddopi tadattho eva daṭṭhabbo. Tena sammappadhānasamaṅgitā vuttā hoti. Tenāha “**kilesānaṃ ātāpanaparitāpanaṭṭhenā**”ti. Ātāpanaggahaṇena cettha ārambhadhātumāha ādito vīriyārambhoti katvā, paritāpanaggahaṇena nikkamaparakkamadhātuyo sabbaso paṭipakkhato nikkhantataṃ, uparūpari visesappattiṅca upādāya. Nipayati<sup>1</sup> visoseti paṭipakkhamaṃ, tato vā attānaṃ nipāti rakkhatīti **nipako**, sampajāno. Kammatṭhānassa pariharaṇe niyuttāti **pārihārikā**.

Abhikkamādīni sabbakiccāni sātthakasampajaññādivasena paricchijja netīti **sabbakiccapariṇāyikā**. Kammatṭhānassa vā uggaho paripucchā bhāvanārambho manasikāraavidhi, tattha ca sakkaccakāritā sātaccakāritā sappāyakāritā nimittakusalatā pahitattatā antarā-asaṅkoco indriyasamattapaṭipādanā vīriyasamatāpādanam vīriyasamatāyojananti evamādīnam sabbesaṃ kiccānaṃ pariṇāyikā **sabbakiccapariṇāyikā**. **Bhayaṃ ikkhatīti bhikkhūti** sādharmaṇato bhikkhulakkhaṇakathanena paṭipattiyāva bhikkhubhāvo, na bhikkhakabhinnapaṭadharādībhāvenāti dasseti. Evaṃ hi katakiccānaṃ sāmaṇerādīnam, paṭipannānaṅca apabbajitānampi saṅgaho kato hoti. Idha pana paṭipajjanakavasena attho veditabbo. Bhandati pāpake akusale dhammeti vā **bhikkhu**. **So imaṃ vijaṭayeti** yo naro sappañño sīle paṭiṭṭhāya ātāpī nipako cittaṃ paññaṅca bhāvayanti vutto, so bhikkhu imaṃ taṇhājaṭam vijaṭayeti sambandho. Idāni tampi vijaṭanam veḷugumbavijaṭanena upametvā dassetuṃ gāthāya yathāvutte silādidhamme “iminā ca silenā”ti-ādīnā paccāmasati. Tattha yasmā yogāvacarasantānagatā nānākkhaṇikā missakā silādidhammā gāthāya gahitā, tasmā te ekaccaṃ gaṇhanto “**chahi dhammehi samannāgato**”ti āha. Na hi te cha dhammā ekasmiṃ santāne ekasmiṃ

---

1. Nipacayati (Sī, Syā)



khāṇe labbhanti. Yasmā ca puggalādhiṭṭhānena gāthā bhāsītā, tasmā puggalādhiṭṭhānameva upamaṃ dassento “**seyyathāpi nāma puriso**”ti-ādimāha. Tattha **sunisitanti** suṭṭhu nisitaṃ, ativiya tikhiṇanti attho. Satthassa nisānasilāyaṃ nisitatarabhāvakaraṇaṃ, bāhubalena cassa ukkhipananti ubhayampetaṃ atthāpannaṃ katvā upamā vuttāti tadubhayaṃ upameyye dassento “**samādhisilāyaṃ sunisitaṃ -pa- paññāhatthena ukkhipitvā**”ti āha. Samādhiguṇena hi paññāya tikkhabhāvo. Tenāha bhagavā “samāhito yathābhūtaṃ pajānātī”ti<sup>1</sup>. Vīriyañcassā upatthambhakaṃ paggaṇhanato. **Vijaṭeyyāti** vijaṭetuṃ sakkuṇeyya. Vuṭṭhānagāminivipassanāya hi vattamānāya yogāvācaro taṇhājaṭaṃ vijaṭetuṃ samattho nāma. Vijaṭanaṃ cettha samucchadavasena pahānanti āha “**sañchindeyya sampadāleyyā**”ti. Dakkhiṇaṃ arahatīti dakkhiṇeyyo, aggo ca so dakkhiṇeyyo cāti **aggadakkhiṇeyyo**, aggā vā dakkhiṇā aggadakkhiṇā, taṃ arahatīti **aggadakkhiṇeyyo**.

5. **Tatrāti** tassaṃ gāthāyaṃ. **Ayanti** “naro”ti ca “bhikkhū”ti ca<sup>2</sup> vutto yogāvācaro. Puna **tatrāti** tassaṃ paññāyaṃ. **Assāti** bhikkhuno. Kattari cetam sāmivacanaṃ, anenāti attho. **Karaṇīyaṃ natthi** visesādhānassa tihetukapaṭisandhipaññāya abhāvato. Tenāha “**purimakammānubhāveneva hissa sā siddhā**”ti. **Tenāti** yoginā. Bhāvanāyaṃ satatavattitavīriyatāya **sātaccakārinā**. **Paññāvasenāti** yathāvuttanepakkasaṅkhātapaññāvasena. Yaṃ kiñci kattabbaṃ, tassa sabbassa sampajānavaseneva karaṇasīlo, tattha vā sampajānakāro etassa atthi, sampajānassa vā asammoḥassa kārako uppādakoti sampajānakārī, tena **sampajānakārinā**. **Atrāti** assaṃ gāthāyaṃ. Sīlādisampādane vīriyassa tesam āṅgabhāvato taṃ visum aggahetvā “**sīlasamādhipaññāmukhenā**”ti vuttaṃ.

“Visuddhimaggaṃ dasseti”ti avibhāgato desanāya piṇḍatthaṃ vatvā puna taṃ vibhāgato dassetuṃ “**ettāvata**”ti-ādi vuttaṃ. Tattha **ettāvata**ti ettakāya desanāya. **Sikkhāti** sikkhitabbaṭṭhena sikkhā. Sikkhanaṃ cettha āsevanaṃ daṭṭhabbaṃ. Sōlādidhammehi samvaraṇādivasena āsevanto te

1. Sam 2. 12, 302; Sam 3. 363; Khu 10. 50; Khu 11. 38 piṭṭhesu.

2. Naro bhikkhūti ca (Syā)

sikkhatīti vuccati. **Sāsananti** paṭipattisāsanam. **Upanissayo** balavakāraṇam. **Vajjanam** anupagamanam. **Sevanā** bhāvanā. **Paṭipakkhoti** pahāyakapaṭipakkho. Yadi pi gāthāyaṃ “sīle”ti sāmāññato vuttam, na “adhisīle”ti. Tam pana taṇhājaṭāvijaṭanassa paṭiṭṭhābhūtam adhippetanti āha “**sīlena adhisīlasikkhā pakāsītā**”ti. Bhavagāmi hi sīlam sīlameva, vibhavagāmi sīlam adhisīlasikkhā. Sāmāññajotanā hi visese avatiṭṭhatīti. Esanayo sesasikkhāsupi.

**Sīlenā**ti adhisīlasikkhābhūtena sīlena. Tam hi anaññasādhāraṇatāya sāsanaassa ādikalyāṇatam pakāseti, na yamaniyamādimattam. Tena vuttam “**sīlañca suvisuddham, sabbapāpassa akaraṇan**”ti ca. **Kusalānanti** maggakusalānam. **Kusalānanti** vā anavajjānam. Tena ariyaphaladhammānampi saṅgaho siddho hoti. **Sabbapāpassa akaraṇanti** sabbassāpi sāvajjassa akiriya anajjhāpajjanam. Etena cārittavārittahedassa sabbassa sīlassa gahaṇam katam hoti. Kattabbākaraṇampi hi sāvajjamevāti. **Ādivacanatoti** gāthāyaṃ vuttasamādhipaññanam ādimhi vacanato. Ādibhāvo cassa tammūlakattā uttarimanussadhammānam. Ādīnam vā vacanam ādivacanam. Ādi-saddena cettha “sīlam samādhi paññā ca, vimutti ca anuttarā”ti<sup>1</sup> evamādinam saṅgaho daṭṭhabbo. Sīlassa visuddhattā vippaṭisārādihetūnam dūri karaṇato avippaṭisārādiguṇāvaham. “Avippaṭisārādiguṇāvahattā”ti etena na kevalam sīlassa kalyāṇatāva vibhavitā, atha kho ādibhāvopīti daṭṭhabbam. Tathā hissa **sutte**<sup>2</sup> avippaṭisārādīnam vimuttiñāṇapariyosānānam paramparapaccayatā vuttā. **Samādhinā**ti adhicitasikkhābhūtena samādhinā. Sakalam sāsanaṃ saṅgahetvā pavattāya gāthāya ādipadena ādimhi paṭipajjitabbassa sīlassa, tatiyapadena pariyosāne paṭipajjitabbāya paññāya gahitattā majjhe paṭipajjitabbo samādhi pārisesato dutiyapadena gayhatīti “**kusalassa upasampadāti-ādivacanato hi samādhi sāsanaassa majjhe**”ti vuttam, na kusalasaddassa samādhipariyāyattā. Pubbūpanissayavato hi samāhitatādi-aṭṭhaṅgasamannāgamena abhinīhārakkhamatā samādhissa iddhi vidhādiguṇāvahattam, aggamaggapaññāya adhigatāya yadattham pabbajati, tam pariyositanti **paññā**

1. Dī 2. 102 piṭṭhe.

2. Vi 5. 288; Dī 3. 252; Am 1. 245; Am 2. 253 piṭṭhādīsu.

**sāsanassa pariyoṣānam.** Tenāha bhagavā “sikkhānisaṃsamidaṃ bhikkhave brahmacariyaṃ vussati saddhādhipateyyaṃ paññuttaraṃ vimuttisāraṃ”<sup>1</sup>. Sakam cittaṃ sacittaṃ, sacittassa sabbaso kilesānaṃ samucchindanena visodhanaṃ **sacittapariyodāpanam.** Evaṃ pana paññākiecce matthakappatte uttari karaṇīyābhāvato sāsanassa paññuttaratā veditabbā.

**Tādibhāvāvahanatoti** yādiso iṭṭhesu, lābhādīsu ca anunayābhāvato, tādiso aniṭṭhesu, alābhādīsu ca paṭighābhāvato. Tato eva vā yādiso anāpāthagatesu iṭṭhāniṭṭhesu, tādiso āpāthagatesupīti **tādī.** Tassa bhāvo **tādibhāvo,** tassa āvahanato. **Vātenāti** vātahetu. **Na samīratīti** na calati. **Na samīñjantīti** na phandanti, kuto calananti adhippāyo.

**Tathāti** yathā sīlādayo adhisīlasikkhādīnaṃ pakāsakā, tathā tevijjatādīnaṃ upanissayassāti tesam pakāsanākārūpasamhārattho tathā-saddo. Yasmā sīlaṃ visujjhamānaṃ satisampajaññabalena, kammassakataññabalena ca saṃkilesamalato visujjhati pāripūriṇca gacchati, tasmā sīlasampadā sijjhamānā upanissayasampattibhāvena satibalaṃ, ñāṇabalaṇca paccupaṭṭhapetīti tassā vijjattayūpanissayatā veditabbā sabhāgahetusampādanato. Satinepakkena hi pubbenivāsavijjāsiddhi, sampajaññena sabbakiccesu sudiṭṭhakāritāparicayena cutūpapātaññānubandhāya dutiyavijjāsiddhi, vītikkaṃabhāvena saṃkilesappahānasabbhāvato vivaṭṭūpanissayatāvasena ajjhāsayasuddhiyā tatiyavijjāsiddhi. Puretaraṃ siddhānaṃ samādhipaññānaṃ pāripūriṃ vinā sīlassa āsavakkhayaññānūpanissayatā sukkhavipassakakhīṇāsavehi dīpetabbā. Samādhipaññā viya abhiññāpaṭisambhidānaṃ sīlaṃ na sabhāgahetūti katvā vuttaṃ “**na tato paran**”<sup>2</sup>ti. “Samāhito yathābhūtaṃ pajānāti”<sup>2</sup> vacanato samādhisampadā chaḷabhiññatāya upanissayo. Paññā viya paṭisambhidānaṃ samādhī na sabhāgahetūti vuttaṃ “**na tato paran**”<sup>2</sup>ti. “Yogā ve jāyate bhūrī”<sup>3</sup> vacanato pubbayogena, garuvāsadesabhāsākosalla-uggahaparipucchādīhi ca paribhāvītā paññāsampatti paṭisambhidāpabhedassa

---

1. Am 1. 565 piṭṭhe. 2. Sam 2. 12, 302; Sam 3. 363; Khu 10. 50; Khu 11. 38 piṭṭhesu.  
3. Khu 1. 53 piṭṭhe Dhammapade.

upanissayo paccekabodhisammāsambodhiyopi paññāsampattisannissayāti paññāya anadhigantabbassa visesassa abhāvato, tassā ca paṭisambhidāpabhedassa ekantikakāraṇato heṭṭhā viya “na tato paran”ti avatvā “**na aññena kāraṇena**”ti vuttaṃ.

Ettha ca “sīlasampattiñhi nissāyā”ti vuttattā yassa samādhivijambhanabhūtā anavasesā cha abhiññā na ijjhanti, tassa ukkaṭṭhaparicchedavasena na samādhisampadā atthīti. Satipi vijjānam abhiññekadesabhāve sīlasampattisamudāgatā eva tisso vijjā gahitā. Yathā hi paññāsampattisamudāgatā catasso paṭisambhidā upanissayasampannassa maggeneva ijjhanti, maggakkhaṇe eva tāsā paṭilabhitabbato, evaṃ sīlasampattisamudāgatā tisso vijjā samādhisampattisamudāgatā ca cha abhiññā upanissayasampannassa maggeneva ijjhantīti maggādhigameneva tāsā adhigamo veditabbo. Paccekabuddhānaṃ, sammāsambuddhānaṃca paccekabodhisammāsambodhisamadhigamasadisā hi imesaṃ ariyānaṃ ime visesādhigamāti. Vinayasuttābhidhammesu sammāpaṭipattiyā tevijjatādīnaṃ upanissayatāpi yathāvuttavidhinā veditabbā.

Sampannasīlassa kāmasevanābhāvato sīlena paṭhamantavivajjanaṃ vuttaṃ. Yebhuyyena hi sattā kāmahetu pāṇātipātādivasenaṃpi asuddhapayogā honti. Jhānasukhalābhino kāyakilamathassa sambhavo eva natthīti samādhinā dutiyantavivajjanaṃ vuttaṃ jhānasamuṭṭhānapaṇītarūpaphuṭakāyattā. **Paññāyāti** maggapaññāya. Ukkaṭṭhaniddesena hi ekaṃsato ariyamaggo majjhimā paṭipatti nāma. Evaṃ santepi lokiyapaññāvasenaṃpi antadvayavivajjanaṃ vibhāvetabbaṃ.

Sīlaṃ taṃsamaṅgino kāmasugatīsuyeva<sup>1</sup> nibbattāpanato catūhi apāyehi vimuttiyā kāraṇanti āha “**sīlena apāyasamatikkamanupāyo pakāsito hotī**”ti. Na hi pāṇātipātādipaṭivirati duggatiparikilesaṃ āvahati. Samādhi taṃsamaṅgino mahaggatabhūmiyaṃyeva nibbattāpanena sakalakāmaabhavato vimocetīti vuttaṃ “**samādhinā kāmādhātusamatikkamanupāyo pakāsito hotī**”ti. Na hi kāmāvacarakammaṃ anubalappadāyīnaṃ kāmācchandaṃ dīnaṃ vikkhambhakaṃ jhānaṃ kāmādhātuparikilesāvahaṃ hoti. Na cettha upacārajjhānaṃ nidassetabbaṃ,

---

1. Sugatīsuyeva (Ka)

appanāsamādhissa adhippetattā. Nāpi “sīleneva atikkamitabbassa apāyabhavassa samādhinā atikkamitabbatā”ti vacanokāso. Sugatibhavampi atikkamantassa duggatisamatikkamane kā kathāti.

**Sabbabhavasamatikkamanupāyoti** kāmabhavādīnaṃ navannampi bhavānaṃ samatikkamanupāyo sīlasamādhīhi atikkantāpi bhavā anatikkantā eva, kāraṇassa apahīnattā. Paññāya panassa supphīnattā te samatikkantā eva.

**Tadaṅgappahānavasenāti** dīpālokeneva tamassa puññakiriyavatthugatena tena tena kusalaṅgena tassa tassa akusalaṅgassa pahānavasena. **Samādhinā vikkhambhanappahānavasenāti** upacārappanābhedenā samādhinā pavattinivāraṇena ghaṭṭappahāreneva jalatale sevālassa tesāṃ tesāṃ nīvaraṇādiddhammānaṃ pahānavasena. **Paññāyāti** ariyamaggapaññāya. **Samucchedappahānavasenāti** catunnaṃ ariyamaggānaṃ bhāvitattā taṃtaṃmaggavato attano santāne “dīṭṭhigatānaṃ pahānāyā”ti-ādinā<sup>1</sup> vuttassa samudayapakkiyassa kilesagaṇassa accantaṃ appavattisaṅkhātasamucchindanappahānavasena.

**Kilesānaṃ vītikkamapaṭipakkhoti** saṅkilesadhammānaṃ, kammakilesānaṃ vā yo kāyavacīdvāresu vītikkamo ajjhācāro, tassa paṭipakkho **sīlena pakāsito hoti**, avītikkamasabhāvattā sīlassa. Okāsādānavasena kilesānaṃ citte kusalappavatti pariyādiyitvā uṭṭhānaṃ **pariyuṭṭhānaṃ**. Taṃ samādhi vikkhambhetīti āha “**samādhinā pariyuṭṭhānapaṭipakkho pakāsito hoti**”ti, samādhissa pariyuṭṭhānappahāyakattā. Appahīnabhāvena santāne anu anu sayanato<sup>2</sup> kāraṇalābhe uppattirahā **anusayā**, te pana anurūpaṃ kāraṇaṃ laddhā uppajjanārahā thāmagatā kāmarāgādayo satta kilesā veditabbā. Te ariyamaggapaññāya sabbaso pahīyantīti āha “**paññāya anusayapaṭipakkho pakāsito hoti**”ti.

Kāyaduccarītādi duṭṭhu caritaṃ, kilesehi vā dūsitaṃ caritanti **duccaritaṃ**, tameva yattha uppannaṃ, taṃ santānaṃ saṅkileseti vibādhati, upatāpeti cāti **saṅkilesa**, tassa visodhanaṃ sīlena tadaṅgavasena pahānaṃ vītikkamapaṭipakkhattā sīlassa. Taṅhāsaṅkilesassa visodhanaṃ vikkhambhana-

1. Abhi 1. 72 piṭṭhe.

2. Anu anu sayanakā (Sī, Syā)

vasena pahānaṃ pariyuṭṭhānapaṭipakkhattā samādhissa, taṇhāya cassa ujuvipaccanikabhāvato. Diṭṭhisamkilesassa visodhanaṃ samucchavedavasena pahānaṃ anusayapaṭipakkhattā paññāya, diṭṭhigatānañca ayāthāvagāhīnaṃ yāthāvagāhīniyā paññāya ujuvipaccanikabhāvato.

**Kāraṇanti** upanissayapaccayo. **Sīlesu paripūrakārī**ti maggabrahmacariyassa ādibhūtattā ādibrahmacariyakānaṃ pārājikasamghādisesasankhātānaṃ mahāsīlasikkhāpadānaṃ avitikkamanato khuddānukhuddakānaṃ āpajjane sahasāva tehi vuṭṭhānena sīlesu yaṃ kattabbaṃ, taṃ paripūraṃ samatthaṃ karotīti **sīlesu paripūrakārī**. **Tathā sakadāgāmī**ti “sīlesu paripūrakārī”ti etaṃ upasaṃharati tathā-saddena. Ete hi dve ariyā samādhipāripanthikānaṃ kāmarāgabyāpādānaṃ paññāpāripanthikassa saccapaṭicchādakamohassa sabbaso asamūhatattā samādhim, paññañca bhāventāpi samādhipaññāsu yaṃ kattabbaṃ, taṃ mattaso pamāṇena padesamattameva karontīti samādhismim, paññāya ca mattaso kāriṇo “sīlesu paripūrakārī”icceva vuccanti. Anāgāmī pana kāmarāgabyāpādānaṃ samucchinnattā **samādhismim paripūrakārī**. Arahā sabbaso sammohassa susamūhatattā **paññāya paripūrakārī**.

Vuttaṃ hetuṃ bhagavatā<sup>1</sup>—

“Idha bhikkhave bhikkhu sīlesu paripūrakārī hoti, samādhismim mattaso kāri, paññāya mattaso kāri. So yāni tāni khuddānukhuddakāni sikkhāpadāni, tāni āpajjatipi vuṭṭhātīpi. Taṃ kissa hetu? Na hi mettha bhikkhave abhabbatā vuttā. Yāni ca kho tāni sikkhāpadāni ādibrahmacariyakāni brahmacariyasārūppāni, tattha dhuvasīlo ca hoti ṭhitasīlo ca, samādāya sikkhati sikkhāpadesu. So tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo. Idha pana bhikkhave bhikkhu sīlesu -pa-. So tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmī hoti. Sakideva imaṃ lokaṃ āgantvā dukkhassantaṃ karoti. Idha pana bhikkhave bhikkhu sīlesu.

1. Am 1. 233 piṭṭhe.

paripūrakārī hoti, samādhismim paripūrakārī, paññāya mattaso kārī. So yāni tāni -pa- sikkhati sikkhāpadesu. So pañcannaṃ orambhāgiyānaṃ -pa- anāvattidhammo tasmā lokā. Idha pana bhikkhave bhikkhu sīlesu paripūrakārī hoti, samādhismim paripūrakārī, paññāya paripūrakārī. So yāni tāni khuddānukhuddakāni -pa- sikkhati sikkhāpadesu. So āsavānaṃ khayā -pa- Upasampajja viharatī”ti.

“Kathan”ti pucchitvā sikkhādike vibhajivā vuttamevatthaṃ nigametuṃ “**evan**”ti-ādi vuttaṃ. Tattha **aññe cāti** tayo vivekā, tīṇi kusalamūlāni, tīṇi vimokkhamukhāni, tīṇi indriyānīti evamādayo, sikkhattikādīhi aññe ca guṇattikā. **Evarūpāti** yādisakā sikkhattikādayo idha sīlādīhi pakāsītā honti, edisā.

Ettha hi vivaṭṭasannissitassa sīlassa idhādhippetattā sīlena kāyaṃviveko pakāsīto hoti, samādhinā cittaviveko, paññāya upadhiviveko. Tathā sīlena adoso kusalamūlaṃ pakāsitaṃ hoti, titikkhappadhānatāya, aparūpaghātasabhāvatāya ca sīlassa. Samādhinā alobho kusalamūlaṃ, lobhapaṭipakkhato, alobhappadhānatāya ca samādhissa. Paññāya pana amohoyeva. Sīlena ca animittavimokkhamukhaṃ pakāsitaṃ hoti. Adosappadhānaṃ hi sīlasampadaṃ nissāya dose ādīnavadassino aniccānupassanā sukheneva ijjhati, aniccānupassanā ca animittavimokkhamukhaṃ. Samādhinā appaṇihitavimokkhamukhaṃ. Paññāya suññatavimokkhamukhaṃ. Alobhappadhānaṃ hi kāmanissaraṇaṃ samādhisampadaṃ nissāya kāmesu ādīnavadassino dukkhānupassanā sukheneva ijjhati, dukkhānupassanā ca appaṇi hitavimokkhamukhaṃ. Paññāsampadaṃ nissāya anattānupassanā sukheneva ijjhati, anattānupassanā ca suññatavimokkhamukhaṃ. Tathā sīlena anaññātāññassāmīndriyaṃ pakāsitaṃ hoti. Taṃ hi sīlesu paripūrakārīno aṭṭhamakassa indriyaṃ. Samādhinā aññindriyaṃ. Taṃ hi ukkaṃsagataṃ samādhismim paripūrakārīno anāgāmino, aggamaggaṭṭhassa ca indriyaṃ. Paññāya aññātāvindriyaṃ pakāsitaṃ hoti. Taduppattiyā hi arahā paññāya paripūrakārīti. Iminā nayena aññe ca evarūpā guṇattikā sīlādīhi pakāsetabbā.

# 1. Sīlaniddesavaṇṇanā

## Sīlasarūpādikathāvaṇṇanā

6. **Evanti** vuttappakārena. **Anekaguṇasaṅgāhakenāti** adhisīlasikkhādīnam, aññesaṅca anekesaṃ guṇānaṃ saṅgāhakena. **Sīlasamādhīpaññāmukhenāti** “sabbe saṅkhārā aniccā”<sup>1</sup>ti-ādīsū<sup>1</sup> viya vipassanāmatādimukhena saṅkhepato adesitvā sīlasamādhīpaññāmukhena desitopi, sattatimsāyapi vā bodhipakkhiyadhammānaṃ visuddhimaggantogadhattā tattha sīlasamādhīpaññā mukhaṃ pamukhaṃ katvā desitopi. Etena sīlasamādhīpaññāsu avasesabodhipakkhiyadhammānaṃ sabhāvato, upakārato ca antogadhabhāvo dīpitoti veditabbaṃ. Atisaṅkhepadesitoyeva hoti sabhāvavibhāgādito avibhāvitattā. **Nālantī** na pariyattaṃ na samatthaṃ. **Sabbesanti** nātisāṅkhepanā tivitthārarucīnampi, vipaṅcītaññū<sup>2</sup> neyyānampi vā. Saṅkhepadesanā hi saṅkhittarucīnaṃ, ugghaṭitaññūnaṃyeva ca upakārāya hoti na panitaresaṃ. **Assa** visuddhimaggassa. Pucchanatthena pañhā, kiriyā karaṇaṃ kammaṃ, pañhāva kammaṃ **pañhākammaṃ**, pucchanapayogo.

**Kim** sīlanti sarūpapucchā. **Kenatthena sīlanti** kena atthena sīlanti vuccati, “sīlan”<sup>1</sup>ti padaṃ kaṃ abhidheyyaṃ nissāya pavattanti attho. Tayidaṃ sīlaṃ sabhāvato, kiccato, upaṭṭhānākārato, āsannakāraṇato ca kathaṃ jānitabbanti āha “**kānassa lakkhaṇarasapaccupaṭṭhānapadaṭṭhānānī**”<sup>1</sup>ti. Paṭipatti nāma diṭṭhānisaṃse eva hotīti āha “**kimānisaṃsan**”<sup>1</sup>ti. **Katīvidhanti** pabhedapucchā. Vibhāgavantānaṃ hi sabhāvavibhāvanaṃ vibhāgadassanamukheneva hotīti. **Vodānaṃ** visuddhi. Sā ca saṅkilesamalavimutti. Taṃ icchantena yasmā upāyakosallatthinā anupāyakosallaṃ viya saṅkilesa jānitabboti āha “**ko cassa saṅkilesa**”<sup>1</sup>ti.

**Tatrāti** tasmim, tassa vā pañhākammassa. **Vissajjananti** vivaraṇaṃ. Pucchito hi attho avibhāvitattā nigūlho muṭṭhiyaṃ kato viya tiṭṭhati. Tassa vivaraṇaṃ vissajjanaṃ vibhūtabhāvakāraṇato. **Pāṇātipātādīhīti**

---

1. Khu 1. 53; Khu 2. 317. Khu 10. 7, 53 piṭṭhesu.

2. Vipacītaññū (Sī, Syā), vitthārarucīnampi vipaṅcītaññū (Ka)



ettha **pāṇoti** vohārato satto, paramatthato jīvitindriyaṃ. Tassa saraseneva patanasabhāvassa antare eva ativa pātanam **atipāto**, saṅikam patitum adatvā sīgham pātananti attho, atikkamma vā satthādīhi abhibhavitvā pātanam atipāto, pāṇaghāto. **Ādi**-saddena adinnādānādīm saṅgaṇhāti. Tehi pāṇātipātādīhi dussīlyakammehi. **Viramantassāti** samādānavirativasena, sampattavirativasena ca oramantassa. **Vattapaṭipattinti** upajjhāyavattādivattakaraṇam. **Cetanādayo dhammāti** saṅkhepato vuttamattham pāḷivasena vibhajitvā dassetuṃ “**vuttañhetan**”ti-ādi vuttam. Tattha cetayatīti **cetanā**, attanā sampayuttadhammehi saddhim ārammaṇe abhisandahatīti attho. Cetanāya anukūlavaseneva hi taṃsampayuttā dhammā ārammaṇe pavattanti. Cetanā kāmam kusalattikasādharaṇā, idha pana sīlacetanā adhippetāti katvā “kusalā”ti veditabbā. Cetasi niyuttam **cetasikam**, cittasampayuttanti attho. Cetanāya satipi cetasikatte “cetanā sīlan”ti visum gahitattā tadaññameva virati-anabhijjhādikam **cetasikam sīlam** daṭṭhabbam gobalībaddaṇāyena. Saṃvaraṇam **saṃvaro**. Yathā akusalā dhammā citte na otaranti, tathā pidahanam. **Avītikkamo** vītikkamassa paṭipakkhabhūtā avītikkamavasena pavattacittacetāsikā. Tattha **cetanā sīlam nāmāti**-ādi yathāvuttassa<sup>1</sup> suttapadassa vivaraṇam. **Viramantassa cetanāti** viratisampayuttam padhānabhūtam cetanamāha. **Pūrentassa cetanāti** vattapaṭipatti-āyūhinī. **Viramantassa viratīti** viratiyā padhānabhāvam gahetvā vuttam.

Ettha hi yadā “tividhā bhikkhave kāyasañcetanā kusalam kāyakamman”ti-ādi<sup>2</sup> vacanato pāṇātipātādīnam paṭipakkhabhūtā tabbirativisiṭṭhā cetanā tathāpavattā padhānabhāvena pāṇātipātādipaṭiviratisādhikā hoti, tadā taṃsampayuttā virati-anabhijjhādayo ca cetanāpakkkhikā vā, abbohārikā vāti imamattham sandhāya cetanāsīlam vuttam. Yadā pana pāṇātipātādīhi saṅkocam āpajjantassa tato viramaṇākārena pavattamānā cetanāvisiṭṭhā virati, anabhijjhādayo ca tattha tattha padhānabhāvena kiccāsādhikā honti, tadā taṃsampayuttā cetanā

1. Yathābhatassa (Sī, Syā)

2. Abhi 4. 290 piṭṭhe.

virati-ādipakkhikā vā hoti, abbohārikā vāti imamattham sandhāya cetasikasīlam vuttam.

Idāni **sutte** āgatanayena kusalakammamapathavasena cetanācetasikasīlāni vibhajitvā dassetum “**apicā**”ti-ādi vuttam. **Pajahantassāti** samādānavasena “ito paṭṭhāya na karissāmī”ti sampattavatthukānīpi anajjhācaraṇena pajahantassa. **Satta kammamapathacetanāti** pāṇātipātādīpahānasādhikā paṭipāṭiyā satta kusalakammamapathacetanā. Abhijjhādivasena yaṃ paradāragamanādi kariyati, tassa pahāyakā anabhijjhādayo sīlanti āha “**cetasikam sīlam nāma -pa- anubhijjhābyāpāda sammādiṭṭhidhammā**”ti. Yathā hi abhijjhābyāpādavasena micchācārapāṇāti pātādayo kariyanti, evaṃ micchādiṭṭhivasenāpi te puttamukhadassanādi-attham kariyanti. Tesaṃca pajahanakā anabhijjhādayoti. **Pātimokkhasamvaro** cārittavārittavibhāgam vinayapariyāpannam sikkhāpadasīlam. **Satisamvaro** manacchāṭṭhānam indriyānam ārakkhā, sā ca tathāpavattā satīyeva. **Ñāṇasamvaro** paññā. **Khantisamvaro** adhivāsanā, sā ca tathāpavattā adosapadhānā khandhā, adoso eva vā. **Vīriyasamvaro** kāmavitakkādīnam vinodānavasena pavattam vīriyam. Pātimokkhasamvarasatisamvarādīsu yaṃ vattabham, tam parato āvi bhavissati.

**Sotānīti** taṇhādīṭṭhi-avijjāduccarita-avasīṭṭhakilesasotāni. “Sotānam samvaram brūmī”ti vatvā “paññāyete pidhiyyare”ti vacanena sotānam samvaro pidahanam samucchadanam ñāṇanti viññāyati.

Idamatthikam manasi katvā yena ñāṇena yoniso paccavekkhitvā paccayā paṭisevīyanti. Tam **paccayapaṭisevanampi** ñāṇasabhāvattā **ettheva** ñāṇasamvare eva **samodhānam** saṅgaham **gacchati**. Khamati adhivāsetīti **khamo**. **Uppannanti** tasmim tasmim ārammaṇe jātam nibbattam. **Kāmavitakkanti** kāmūpasamhitam vitakkam. **Nādhivāsetīti** cittam āropetvā abbhantare na vāseti. **Ājīvapārisuddhipīti** buddhapaṭikuṭṭham micchājīvam pahāya anavajjena paccayapariyesanena sijjhanakam ājīvapārisuddhisīlampi **ettheva** vīriyasamvare eva samodhānam gacchati vīriyasāadhanattā. Ettha ca yathā ñāṇam taṇhādisotānam pavattinipāraṇato pidhanaṭṭhena samvaraṇato samvaro ca, parato pavattanakaguṇānam ādhārādibhāvato sīlaṇṭṭhena

sīlam, evaṃ khanti anadhivāsanena uppajjanakakilesānaṃ adhivāsanena saṃvaraṇato saṃvaro ca, khamanahetu-uppajjanakaguṇānaṃ ādhārādibhāvato sīlanaṭṭhena sīlam, vīriyaṃ vinodetabbānaṃ pāpadhammānaṃ vinodanena saṃvaraṇato saṃvaro ca, vinodanahetu-uppajjanakaguṇānaṃ ādhārādibhāvato sīlanaṭṭhena sīlanti veditabbaṃ. Yathā pana pātimokkhasīlādi tassa tassa pāpadhammassa pavattitum appadānavasena saṃvaraṇaṃ pidhanaṃ, taṃ<sup>1</sup> upādāya saṃvaro, evaṃ asamādinnaśīlassa āgata<sup>2</sup> vatthuto viramaṇampīti āha “**yā ca pāpabhīrukānaṃ -pa- saṃvarasīlanti veditabbaṃ**”ti. Na vītikkamati etenāti **avītikkamo**. Tathāpavatto kusalacittuppādo.

7. Avasesesu pana pañhesu. **Samādhānaṃ** saṅghapanaṃ. Dussīlyavasena hi pavattā kāyakammādayo sampati, āyatiṅca ahitadukkhāvahā, na sammā ṭhapitāti asaṅghapitā vippakiṇṇā visaṭā ca nāma honti, susīlyavasena pana pavattā tabbipariyāyato saṅghapitā avippakiṇṇā avisaṭā ca nāma honti yathā taṃ okkhittacakkhutā abāhuppacālanādi. Tenāha “**kāyakammādīnaṃ susīlyavasena avippakiṇṇatāti attho**”ti. Etena samādhikiccato<sup>3</sup> sīlanaṃ viseseti. Tassa hi samādhānaṃ sampayuttadhammānaṃ avikkhepahetutā. Idaṃ kāyakammādīnaṃ saṅghapanaṃ saṃyamaṇaṃ. **Upadhāraṇaṃ** adhiṭṭhānaṃ mūlabhāvo. Tathā hissa ādicaraṇādibhāvo vutto. Tena pathavīdhātukiccato sīlanaṃ visesitaṃ hoti. Sā hi sahaḷātarūpadhammānaṃ sandhāraṇavasena pavattati. Idaṃ pana anavajjadhammānaṃ mūlādhiṭṭhānabhāvena. Tenāha “**kusalānaṃ dhammānaṃ**”ti-ādi. Tattha kusaladhammā nāma sapubbabhāgā mahaggaṭānuttarā dhammā. **Aññe** pana ācariyā. **Siraṭṭhoti** yathā sirasi chinne sabbo attabhāvo vinassati, evaṃ sīle bhinne sabbaṃ guṇasarīraṃ vinassati. Tasmā tassa uttamaṅgaṭṭho **sīlaṭṭho**. “Siro sīsan”ti vā vattabbe niruttinayena “sīlan”ti vuttanti adhippāyo. **Sīlaṭṭho** pariḷāhavūpasamaṇaṭṭho. Tena ta-kārassa lopaṃ katvā niruttinayeneva “sīlan”ti vuttanti dasseti. Tathā hidaṃ payogasampāditam sabbakilesapariḷāhavūpasamakaraṃ hoti.

1. Saṃvaraṇappadhānataṃ (Sī), padhānataṃ (Syā, Ka)

2. Amkāgata (Sī)

3. Samādhito (Ka)

**Evamādināti ādi-**saddena sayanti<sup>1</sup> akusalā etasmim sati apaviṭṭhā<sup>2</sup> hontīti sīlam, supanti vā tena vihatussāhāni sabbaduccarītānīti sīlam, sabbesaṃ vā kusaladhammānaṃ pavesārahasālāti sīlanti evamādinānaṃ saṅgaho daṭṭhabbo.

8. “Sīlanaṭṭhena sīlan”ti pubbe saddatthuddhārena<sup>3</sup> pakāsitopi bhāvattho evāti āha “**sīlanam lakkhaṇam tassā**”ti. Na hi tassa cetanādibhedabhinnassa anavasesato saṅgāhako tato añño attho atthi, yo lakkhaṇabhāvena vucceyya. Nanu ca anekabhedasaṅgāhakaṃ sāmāññalakkhaṇaṃ nāma siyā, na visesalakkhaṇanti anuyogaṃ manasi katvā āha “**sanidassanattaṃ rūpassa, yathā bhinnassanekadhā**”ti.

Yathā hi nīlādivasena anekabhedabhinnassāpi rūpāyatanassa sanidassanattaṃ visesalakkhaṇaṃ tadaññadhammāsādhāraṇato. Na aniccatādiviya, ruppanaṃ viya vā sāmāññalakkhaṇaṃ, evamidhāpi daṭṭhabbaṃ. Kim panetaṃ sanidassanattaṃ nāma? Daṭṭhabbatā cakkhuviññāṇassa gocarabhāvo. Tassa pana rūpāyatanato anaññattepi aññehi dhammehi rūpāyatanam visesetum aññaṃ viya katvā saha nidassanena **sanidassananti** vuccati. Dhammasabhāvasāmāññena hi ekībhūtesu dhammesu yo nānattakaro sabhāvo, so aññaṃ viya katvā upacaritum yutto. Evaṃ hi atthavisesāvabodho hotīti. Atha vā “saha nidassanena”ti ettha tabbhāvattho saha-saddo yathā nandirāgasahagatāti<sup>4</sup>.

**Dussīlyaviddhamsanarasanti** kāyika-asamvarādibhedassa dussīlyassa vidhamanakiccaṃ. **Anavajjarasanti** agārayhasampattikaṃ agarahitabbabhāvena sampajjanakaṃ, avajjapaṭipakkhabhāvena vā sampajjanakaṃ. **Lakkhaṇādīsūti** lakkhaṇarasādīsū vuccamānesu kiccameva, sampatti vā rasoti vuccati, na rasāyatanarasādīti adhippāyo. Keci pana “kiccamevā”ti avadhāraṇaṃ tassa itararasato balavabhāvadassanattanti vadanti, taṃ tesam matimattaṃ, kiccameva, sampatti eva vā rasoti imassa atthassa adhippetattā.

1. Salanti (Sī, Ka)

2. Apavidhā (Sī)

3. Saddatthadvārena (Sī)

4. Saṃ 3. 369; Vi 3. 15; Khu 9. 330 piṭṭhesu.

**Soceyyapaccupaṭṭhānanti** kāyādīhi sucibhāvena paccupaṭṭhāti.  
**Gahaṇabhāvanti** gahetabbabhāvaṃ. Tena upaṭṭhānakāraṭṭhena  
paccupaṭṭhānaṃ vuttaṃ, phalaṭṭhena pana avippaṭṭisāra<sup>1</sup> paccupaṭṭhānaṃ,  
samādhipaccupaṭṭhānaṃ vā. Sīlaṃ hi sampatiyeva avippaṭṭisāraṃ  
paccupaṭṭhāpeti, paramparāya samādhiṃ. Imassa pana ānisaṃsaphalassa  
ānisaṃsakathāyaṃ vakkhamānattā idha aggahaṇaṃ daṭṭhabbaṃ. Keci pana  
phalassa anicchittā idha aggahaṇanti vadanti, tadayuttaṃ phalassa  
anekavidhattā, lokiyādisīlassāpi vibhajyamānattā. Tathā hi vakkhati  
“nissithānissitavasena”ti-ādi<sup>2</sup>. Yathā pathavīdhātuyā kammādi dūrakāraṇaṃ,  
sesabhūtattayaṃ āsanna-kāraṇaṃ, yathā ca vatthassa  
tantavāyaturivemasalākādi dūrakāraṇaṃ, tantavo āsanna-kāraṇaṃ, evaṃ  
sīlassa saddhammassavanādi dūrakāraṇaṃ, hiri-ottappamassa  
āsanna-kāraṇanti dassento āha “**hirottappañca panā**”ti-ādi. **Hirottappe** hīti-ādi  
tassa āsanna-kāraṇabhāvasādhanam. Tattha **uppajjati** samādānavasena,  
**tiṭṭhati** avītikamavasenaṃti veditabbaṃ.

### Sīlanisaṃsakathāvaṇṇanā

9. **Avippaṭṭisārādīti** ettha vipphaṭṭisārapaṭipakkho kusalacittuppādo  
avippaṭṭisāro. So pana visesato “lābhā vata me, suladdham vata me, yassa me  
suparisuddham sīlan”ti attano sīlassa paccavekkhaṇavasena pavattoti  
veditabbo. **Ādi**-saddena pāmojjabhogasampattikittisaddādiṃ saṅgaṇhāti.  
**Avippaṭṭisāratthānīti** avippaṭṭisārappayojanāni. **Kusalānīti** anavajjāni.  
**Avippaṭṭisārānisaṃsānīti** avippaṭṭisāruddayāni. Etena avippaṭṭisāro nāma  
sīlassa uddayamattaṃ, samvaddhitassa rukkhassa chāyāpupphasadisam.  
Añño eva panānena nipphādetabbo samādhi-ādiguṇoti dasseti.

**Sīlavato sīlasampadāyāti** parisuddham paripuṇṇaṃ katvā sīlassa  
sampādanena sīlavato, tāya eva sīlasampadāya. **Appamādādhikaraṇanti**  
appamādakāraṇā. **Bhogakkhandhanti** bhogarāsīm. **Kalyāṇo kittisaddo**  
**abbhuggacchatīti** “itipi sīlavā, itipi kalyāṇadhammo”ti sundaro thutighoso  
uṭṭhahati, lokam pattharati. **Visāradoti** attani kiñci

1. Sārādi (Syā, Ka)

2. Visuddhi 1. 11 piṭṭhe.

garahitabbaṃ upavaditabbaṃ apassanto vigatasāraḷḷo nibbhayo.

**Amaṅkubhū**toti avilakkho. **Asammūḷ**hoti “akataṃ vata me kalyāṇaṃ”<sup>1</sup>ti-  
ādinā<sup>1</sup> vippaṭṭisarābhāvato, kusalakammādīnamyeva ca tadā upaṭṭhānato  
amūḷho pasannamānaso eva kālaṃkaroti. **Kāyassa bheda**ti  
upādinnakkhandhapariccāgā, jīvitindriyassa upacchedā. **Paraṃ maraṇā**ti  
cutito uddhaṃ. **Sugatinti** sundaraṃ gatim. Tena manussagatipi saṅgayhati.  
**Sagganti** devagatim. Sā hi rūpādīhi visayehi suṭṭhu aggoti saggo, lokiyati  
ettha uḷāraṃ puñṇaphalanti **lokoti** ca vuccati.

**Ākaṅkheyya** ceti yadi iccheyya. **Piyo ca assanti** piyāyitabbo  
piyacakkhūhi passitabbo pemaṇiyo bhavyanti attho. **Manāpoti**  
sabrahmacārīnaṃ manavaḍḍhanako, tesāṃ vā manena pattabbo, mettacittena  
pharitabboti vuttaṃ hoti. **Garūti** garuṭṭhāniyo pāsāṇachattasaddiso.  
**Bhāvanīyoti** “addhā ayamāyasmā jānaṃ jānāti, passaṃ passati”<sup>1</sup>ti  
sambhāvanīyo. **Sīlesvevassa paripūrakārī**ti catupārisuddhisīlesu eva  
paripūrakārī assa, anūnakārī paripūraṇākārena samannāgato bhavya.  
“Ādinā nayaṇā”<sup>2</sup>ti etena “ajjhataṃ cetosamathamanyutto anirakatajjhāno  
vipassanāya samannāgato brūhetā suñṇāgārānaṃ”<sup>2</sup>ti<sup>2</sup> evamādike  
sīlathomanasuttāgate sattarasa sīlānisamāse saṅgaṇhāti.

Idāni na kevalamime eva avippaṭṭisarādayo, atha kho añṇepi bahū  
sīlānisamsā vijjantīti te dassetuṃ “**apicā**”<sup>3</sup>ti-ādi āradhāṃ. Tattha **sāsaneti**  
imasmim sakalalokiyalokuttaraguṇāvahe satthusāsane. Ācāra**kulaputtānaṃ**  
**yam** sīlaṃ **vinā**<sup>3</sup> **patitṭhā** avatṭhānaṃ **natthi, tassa** evaṃ mahānubhāvassa  
**sīlassa** ānisamsānaṃ **paricchedaṃ** parimāṇaṃ **ko vade** ko vattuṃ  
sakkuṇeyyāti attho. Etena sabbesaṃmyeva lokiyalokuttarānaṃ guṇānaṃ  
sīlameva mūlabhūtaṃ dassetvā tato parampi malavisodhanaena,  
pariḷāhavūpasamaena, sucigandhavāyanaena,  
sagganibbānādhigamūpāyabhāvena, sobhālaṅkārasādhanaṭṭhāya  
bhayavidhamanaena, kittipāmojjjanaena ca sīlasadisamā añṇāṃ sattānaṃ  
hitasukhāvahaṃ natthīti dassento “**na gaṅgā**”<sup>3</sup>ti-ādika gāthā abhāsi.

1. Ma 3. 203 piṭṭhe.

2. Ma 1. 40, 42 piṭṭhādīsū.

3. Sīlavināse sāmāñṇato dhamāsanato (Sī)

Tattha **sarabhūti** ekā nadī, “yaṃ loke sarabhū<sup>1</sup>”ti vadanti. **Ninnagā vā’ciravatīti** “aciravatī”ti evaṃnāmikā nadī, **vāti** sabbattha vā-saddo aniyamattho. Tena avuttā gocāvarīcandabhāgādikā saṅgaṇhāti. Pāṇanaṭṭhena **pāṇīnaṃ** sattānaṃ yaṃ malaṃ **sīlajalaṃ visodhayati, taṃ malaṃ visodhetuṃ na sakkuṇanti** gaṅgādayo nadiyoti paṭhamagāthāya na-kāraṃ ānetvā sambandhitabbaṃ. **Hārāti** muttāhārā. **Maṇayoti** veḷuriyādimaṇayo. **Ariyanti** visuddhaṃ. Sīlasamuṭṭhāno kittisaddo gandho manoharabhāvato, disāsu abhiyāpanato ca “**sīlagandho**”ti vutto. So hi paṭivātepi pavattati. Tenāha bhagavā “sataṅca gandho paṭivātameṭi”<sup>2</sup>. **Dosānaṃ balaṃ** nāma vatthujjhācāro, taṃ tesāṃ kātuṃ adentaṃ sīlaṃ dosānaṃ balaṃ ghāteṭīti veditabbaṃ.

### Sīlappabhedakathāvaṇṇanā

10. “**Katividhan**”ti ettha **vidha**-saddo koṭṭhāsapariyāyo “ekavidhena rūpasaṅgaho”ti-ādīsu<sup>3</sup> viya, pakārattho vā, katippakāraṃ kittakā sīlassa pakārabhedāti attho. **Sīlanalakkhaṇenāti** sīlanasaṅkhātena sabhāvena.

Caranti tena sīlesu paripūrakāritaṃ upagacchantīti carittaṃ, carittameva **cārittaṃ**. Vāritato tena attānaṃ tāyanti rakkhantīti **vārittaṃ**. Adhiko samācāro abhisamācāro, tattha niyuttaṃ, so vā payojanaṃ etassāti **ābhisamācārikaṃ**. Ādi brahmacariyassāti ādibrahmacariyaṃ, tadeva **ādibrahmacariyakaṃ**. Viramati etāya, sayāṃ vā viramati, viramaṇaṃ vā **virati**, na viratīti **avirati**. Nissayatīti **nissitaṃ**, na nissitanti **anissitaṃ**. Pariyanto etassa atthīti **pariyantaṃ**, kālena pariyantaṃ **kālapariyantaṃ**, yathāparicchinno vā kālo pariyanto etassāti **kālapariyantaṃ**. Yāva pāṇanaṃ jīvanaṃ koṭi etassāti **āpāṇakoṭikaṃ**. Attano paccayehi loke niyuttaṃ, tattha vā viditanti **lokiyaṃ**. Lokāṃ uttaratīti **lokuttaraṃ**.

Paccayato, phalato ca majjhimapaṇṭehi nihīnaṃ, tesāṃ vā guṇehi parihiṇanti **hīnaṃ**. Attano paccayehi padhānabhāvaṃ nītanti **paṇṭitaṃ**. Ubhinnameva

1. Sarayū (Sī) 2. Khu 1. 21; Am 1. 227; Khu 11. 317 piṭṭhesu. 3. Abhi 1. 145 piṭṭhe.

vemajjhe bhavaṃ **majjhimam**. Attādhīpatito āgataṃ **attādhīpateyyam**. Sesapadadvayepi eseva nayo. Taṇhāya, diṭṭhiyā vā parāmaṭṭham padhamsitanti **parāmaṭṭham**. Tappaṭikkhepato **aparāmaṭṭham**. Paṭippassaddhakilesaṃ **paṭippassaddham**. Sikkhāsu jātaṃ, sekkhassa idanti **sekkham**. Pariniṭṭhitasikkhākiccatāya asekkhadhammapariyāpannaṃ **asekkham**. Tadubhayapaṭikkhepena **nevasekkhanāsekkham**. Hānaṃ bhajati, hānabhāgo vā etassa atthīti **hānabhāgiyam**. Sesesupi eseva nayo. Appaparimāṇattā<sup>1</sup> pariyaṇṭavantaṃ, pārisuddhivantaṃca sīlaṃ **pariyaṇṭapārisuddhisīlaṃ**. Anappaparimāṇattā<sup>1</sup> apariyaṇṭam, pārisuddhivantaṃca sīlaṃ **apariyaṇṭapārisuddhisīlaṃ**. Sabbaso puṇṇam<sup>2</sup>, pārisuddhivantaṃca sīlaṃ **paripuṇṇapārisuddhisīlaṃ**.

11. **Vuttanayenāti** “sīlanatṭhena sīlan”ti-ādinā<sup>3</sup> heṭṭhā vuttana nayena. **Idam** kattabbanti **paññattasikkhāpadapūraṇanti** idaṃ ābhisamācārikaṃ kattabbaṃ paṭipajjitabbanti evaṃ paññattassa sikkhāpadasīlassa pūraṇam. Sikkhāpadasīlaṃ hi pūrento sikkhāpadampi pūreti pāleti nāma. Sikkhā eva vā sikkhitabbato, paṭipajjitabbato ca **sikkhāpadam**. Tassa pūraṇantipi yojetabbam. **Idam na kattabbanti paṭikkhittassa akaraṇanti** idaṃ duccharitaṃ na kattabbanti bhagavatā paṭikkhittassa akaraṇam viramaṇam. **Caranti tasminti** tasmim sīle taṃsamaṅgino carantīti sīlassa adhikaraṇataṃ vibhāvento tesam pavattiṭṭhānabhāvaṃ dasseti. Tenāha “**sīlesu paripūrakāritāya pavattanti**”ti. **Vāritanti** idaṃ na kattabbanti paṭikkhittaṃ akappiyam. **Tāyantīti** akaraṇeneva tāyanti. **Tenāti** vārittasīlamāha. Vāreti vā satthā ettha, etena vāti **vāritam**, sikkhāpadam. Taṃ avikopento tāyanti tenāti **vārittam**. **Saddhāvīriyasādhananti** saddhāya, uṭṭhānavīriyena ca sādhetabbam. Na hi asaddho, kusīto ca vattapaṭipattim paripūreti, saddho eva satthārā paṭikkhitte aṇumattepi vajje bhayadassāvī samādāya sikkhati sikkhāpadesūti āha “**saddhāsādhanam vārittan**”ti.

Adhisīlasikkhāpariyāpannattā abhivisiṭṭho samācāroti abhisamācāroti āha “**uttamasamācāro**”ti. Abhisamācārova **ābhisamācārikaṃ**, yathā venayikoti<sup>4</sup> adhippāyo. Abhisamācāro

1. Aparimāṇattā (Syā, Ka)

3. Visuddhi 1. 8 piṭṭhe.

2. Paripuṇṇam (Ka)

4. Am 3. 20; Vi 1. 3 piṭṭhesu.



ukkaṭṭhaniddesato maggasīlaṃ, phalasīlaṅca, taṃ ārabha uddissa tadatthaṃ tappayojanaṃ paññattaṃ **ābhisamācārikaṃ**. Suparisuddhāni tīṇi kāyakammāni, cattāri vacīkammāni, suparisuddho ājīvoti idaṃ **ājīvaṭṭhamakaṃ**. Tattha kāmaṃ ājīvahetukato sattavidhaduccaritato virati sammā-ājīvoti sopi sattavidho hoti, sammājīvatāsāmaññaṇa pana taṃ ekaṃ katvā vuttaṃ. Atha vā tividhakuhanavatthusannissayato micchājīvato viratiṃ ekajjhaṃ katvā vutto “**ājīvo suparisuddho**”ti. Setṭhacariyabhāvato maggo eva brahmacariyanti **maggabrahmacariyaṃ**, tassa. **Ādibhāvabhūtaṃ** ādimhi bhāvetabbataṃ nipphādetabbataṃ bhūtaṃ pattaṃ ādibhāvabhūtaṃ. Kiñcāpi desanānukkamena sammādiṭṭhi ādi, paṭipattikkamena pana ājīvaṭṭhamakasīlaṃ ādīti. **Tassa sampattiyāti** ābhisamācārikassa sampajjanena paripūraṇena **ādibrahmacariyakaṃ sampajjati**. Yo hi lahukānīpi appasā vajjāni parivajjeti, so garukāni mahāsāvajjāni bahvādīnavāni parivajjessatīti vattabbameva natthīti. Suttaṃ pana etamatthaṃ byatirekavasena vibhāveti. Tattha **dhammanti** sīlaṃ. Taṃ hi upariḡuṇavisesānaṃ dhāraṇaṭṭhena dhammoti vuccati.

Viratisīlassa itarasīlena satipi sampayogādike asammissakatādassanattaṃ “**veramaṇimattan**”ti vuttaṃ.

“Nissitānissitavasenā”ti ettha labbhamānanissayaṃ tāva dassetum “**nissayo**”ti-ādi vuttaṃ. Tattha taṇhācaritena nissayitabbato taṇhāva **taṇhānissayo**. Tathā **diṭṭhinissayo**. Diṭṭhicarito hi asatipi diṭṭhiyā taṇhāvirahe diṭṭhinissitova pavattati. **Devoti** catumahārājasakkasuyāmadipākaṭṭadevamāha. **Devaññataroti** apākaṭṭaṃ. Taṇhaṃ eva nissitanti **taṇhānissitaṃ**. Taṇhāya nissitanti ca keci vadanti. Tesam “dve nissayā”ti-ādinā virujjhati. **Suddhidiṭṭhiyāti** “iti saṃsārasuddhi bhavissatī”ti evaṃ pavattadiṭṭhiyā, lokuttaraṃ sīlanti adhippāyo. **Tassevāti** lokuttarasseva sambhārabhūtaṃ kāraṇabhūtaṃ, vivaṭṭūpanissayanti attho.

**Kālaparicchedaṃ katvāti** “imañca rattim, imañca divan”ti-ādinā<sup>1</sup> viya kālavasena paricchedaṃ katvā. Kālaparicchedaṃ akatvā samādinnaṃpi

---

1. Am 3. 79 piṭṭhe.

antarāvicchinnaṃ sampattavirativasena yāvajīvaṃ pavattitampi āpāṇakoṭikaṃ na hotīti dassetuṃ “**yāvajīvaṃ samādiyivā tatheva pavattitan**”ti vuttam.

**Lābhayaṣṇāti-aṅgajīvitavasenā**ti lābhayasānaṃ anuppannānaṃ uppādanavasena, uppannānaṃ rakkhaṇavasena ceva vaḍḍhanavasena ca ṇāti-aṅgajīvitānaṃ avināsanavasena. **Kim so vītikkamissatī**ti yo vītikkamāya cittampi na uppādeti, so kāyavācāhi vītikkamissatīti kim idaṃ, natthetanti attho. Paṭikkhepe hi ayaṃ **kim**-saddo.

Ārammaṇabhāvena vaṇo viya āsave kāmāsavādike paggharatīti sampayogabhāvābhāvepi sahāsavehīti **sāsavaṃ**. Tebhūmakadhammajātanti sīlaṃ tappariyāpananti āha “**sāsavaṃ sīlaṃ lokiyaṃ**”ti. **Bhavavisesā** sampattibhavā. **Vinayoti** vinayapariyatti, tattha vā āgatasikkhāpadāni. **Pāmojjaṃ** taruṇapīti. **Yathābhūtañāḍassanaṃ** sapaccayanāmarūpadassanaṃ, tadadhiṭṭhānā vā taruṇavipassanā. **Nibbidāti** nibbidāñāṇaṃ tena balavavipassanamāha. **Virāgo** maggo. **Vimutti** arahattaphalaṃ. **Vimuttiñāḍassanaṃ** paccavekkhaṇā. **Kathāti** vinayakathā. **Mantanāti** vinayavicāraṇā. **Upanisāti** yathāvuttakāraṇaparamparāsaṅkhāto upanissayo. **Lokuttaraṃ** maggaphalacittasampayuttaṃ ājīvaṭṭhamakasīlaṃ. Tattha maggasīlaṃ **bhavanissaraṇāvahaṃ hoti, paccavekkhaṇāñāṇassa cabhūmi**, phalasīlaṃ pana paccavekkhaṇāñāṇasseva bhūmi.

12. Hīnādhimuttivasena chandādīnampi hīnatā. Paṇītādhimuttivasena paṇītatā. Tadubhayavemajjhatāvasena majjhimatā. Yatheva hi kammaṃ āyūhanavasena hīnādibhedabhinnaṃ hoti, evaṃ chandādayopi pavatti-ākāravasena. So ca nesaṃ pavatti-ākāro adhimuttibhedenāti daṭṭhabbaṃ. **Yasakāmatāyāti** kittisilokābhiratiyā, parivāricchāya vā. “Kathaṃ nāma mādiso īdisaṃ kareyyā”ti pāpajigucchāya **ariyabhāvaṃ nissaya**. **Anupakkiliṭṭhanti** attukkaṃsanaparavambhaṇāhi, aññehi ca upakkilesehi anupakkiliṭṭhaṃ. **Bhavabhogattāyāti** bhavasampatti-atthañceva bhogasampatti-atthañca. **Attano vimokkhatthāya pavattitanti** sāvaka paccekabodhisattasīlamāha. **Sabbasattānaṃ vimokkhatthāyāti** sabbasattānaṃ

samsārabandhanato vimocanattāya. **Pāramitāsīlam** mahābodhisattasīlam. Yā karuṇūpāyakosallapariggahitā mahābodhim ārabha pavattā paramukkamsagatasoceyyasallekhā desakālasattādivikapparahitā sīlapāramitā.

**Ananurūpanti** asāruppaṃ. Attā eva garu adhipati etassāti **attagaru**, lajjādhiko. Attādhipatito āgataṃ **attādhipateyyaṃ**. Loko adhipati garu etassāti **lokādhipati**, ottappādhiko. Dhammo nāmāyaṃ mahānubhāvo ekantaniyyāniko, so ca paṭipattiyāva pūjetabbo. Tasmā “naṃ silasampadāya pūjessāmi”ti evaṃ **dhammahattaṃ pūjetukāmena**.

**Parāmaṭṭhattāti** parābhavavasena āmaṭṭhattā. Taṇhādīṭṭhiyo hi “imināhaṃ sīlena devo vā bhavissāmi devaṇṇataro vā, iminā me sīlena samsārasuddhi bhavissati”ti pavattassa sīlam parāmasantiyo taṃ parābhavaṃ pāpenti maggassa anupanissayabhāvakaraṇato. **Puthujjanakalyāṇakassāti** puthujjanesu kalyāṇakassa. So hi puthujjanova hutvā kalyāṇehi sīlādīhi samannāgato. Parāmasanakilesānaṃ vikkhambhanato, samucchindanato ca tehi na parāmaṭṭhanti **aparāmaṭṭhaṃ**. Tassa tassa kilesadarathassa paṭippassambhanato vūpasamanato **paṭippassaddhaṃ**.

**Katapaṭīkamanti** vuṭṭhānadesanāti yathādhammaṃ kathapaṭīkāraṃ. Evaṃ hi taṃ sīlam paṭipākatikameva hoti. Tenāha “**taṃ visuddhaṃ**”ti. “Kathapaṭīkamman”ti iminā ca “na punevaṃ karissan”ti adhiṭṭhānampi saṅgahitanti daṭṭhabbaṃ. “Acchamaṃsaṃ nu kho, sūkaramaṃsaṃ nu kho”ti-ādinā **vatthumhi vā**, “pācittiyaṃ nu kho, dukkaṭaṃ nu kho”ti-ādinā **āpattiyā vā**, “mayā taṃ vatthu<sup>1</sup> vītikkantaṃ nu kho, na nu kho vītikkantaṃ”ti-ādinā **ajjhācāre vā vematikassa** samsayāpanassa. **Visodhetabbaṃ** yathādhammaṃ paṭīkammena. Vimati eva vematikaṃ, tasmim **vematike** sati, vimatiyā uppannāyāti attho. **Vimati paṭivinetabbāti** sayam vā taṃ vatthum vicāretvā, vinayadhare vā pucchitvā kaṅkhā vinodetabbā. Nikkaṅkhena pana kappiyaṃ ce kātabbaṃ, akappiyaṃ ce chaḍḍetabbam tenāha “**iccassa phāsu bhavissati**”ti.

---

1. Taṃ vatthum (Syā)

“**Catūhi ariyamaggehi**”ti-ādinā maggaphalapariyāpannaṃ sīlaṃ maggaphalasampayuttaṃ vuttaṃ. Samudāyesu pavattavohārā avayavesupi pavattantīti. **Sesati** sabbaṃ lokiyasīlaṃ.

**Pakatipīti** sabhāvopi. **Sukhasīlo** sakhilo sukhasaṃvāso. **Tena pariyāyenāti** pakati-atthavācakatthena. Ekaccaṃ abyākataṃ sīlaṃ idhādhippetasīlena ekasaṅghanti akusalassevāyujjamaṇataṃ dassetuṃ “**tattha akusalan**”ti-ādi vuttaṃ. Tathā hi sekkhattikaṃ idha gahitaṃ, idha na upanītaṃ kusalattikanti adhippāyo. **Vuttanayenevāti** vutteneva nayena kusalattikaṃ aggahetvā hīnattikādīnaṃ pañcannaṃ tikānaṃ vasena **assa** sīlassa **tividhatā veditabbā**.

13. **Yodhāti** yo idha. **Vatthuvītikkameti** āpattiyā vatthuno vītikkamane ajjhācāre. Kāmasaṅkappādayo nava mahāvītakka **micchāsaṅkappā**. **Evarūpassāti** edisassa. Tassa ki sīlavante anupasaṅkamitvā dussīle sevantassa tato eva tesāṃ diṭṭhānugatiṃ āpajjanena paṇṇattivītikkame adosadassāvino micchāsaṅkappabahulatāya manacchaṭṭhāni indriyāni arakkhato sīlaṃ ekaṃseneva **hānabhāgiyaṃ** hoti, na ṭhitibhāgiyaṃ, kuto visesādibhāgiyatā. **Sīlasampattiyāti** sīlapāripūriyā catupārisuddhisīlena. **Aghaṭantassa uttarīti** uttari visesādhiḡamāya avāyamantassa. **Ṭhitibhāgiyaṃ sīlaṃ bhavati** asamādhisāṃvattaniyattā. Sampādite hi samādhisīmīṃ sīlassa samādhisāṃvattaniyatā nicchiyati. **Samādhathāyāti** samathavasena samādhānatthāya. **Nibbidanti** vipassanaṃ. Balavavipassanādassanattamaṃ nibbidāgahaṇaṃ tāvatāpi sīlassa nibbedhabhāgiyabhāvasiddhito.

Yāni ca sikkhāpadāni nesāṃ rakkhitabbānīti sambandho, tāni pana asādharāṇapaṇṇattito aññāni<sup>1</sup>. **Nesanti** “rakkhitabbānī”ti padaṃ apekkhitvā kattari sāmivacanaṃ, tehi bhikkhūhīti attho. **Sati vā ussāheti** ussakitvā sīlāni rakkhituṃ ussāhe sati. **Dasāti** sāmaṇerehi rakkhitabbasīlamāha ghaṭikārādīnaṃ viya. **Aṭṭhāti** naccādīmālādiveramaṇīṃ ekaṃ katvā sabbpacchimavajjāni aṭṭha.

---

1. Ekaccāni (Sī, Syā)

**Avītikkamoti** pañcannaṃ sīlānaṃ avītikkaṃ. **Pakatisīlanti** sabhāvasīlaṃ. Tatrūpapattiniyataṃ hi sīlaṃ uttarakurukānaṃ. **Mariyādācārittanti** tassa tassa sāvajjassa akaraṇe mariyādabhūtaṃ, tatha tatha kulādīsu pubbapurisehi ṭhapitaṃ cārittaṃ. Kuladesapāsaṇḍadhammo hi “ācārasīlan”ti adhippettaṃ. Tatha kuladhammo tāva brāhmaṇādīnaṃ amajjapānādi, desadhammo ekaccajanapadavāsīnaṃ ahimsanādi, pāsaṇḍadhammo titthiyānaṃ yamaniyamādi. Titthiyamataṃ<sup>1</sup> hi diṭṭhipāseṇa, taṇhāpāseṇa ca ḍeṭṭi pavattati, pāsaṃ vā bādhaṃ ariyavinayassa ḍeṭṭi “pāsaṇḍan”ti vuccati. “Pakatiyā sīlavatī hotī”ti<sup>2</sup> vacanato bodhisattamātu pañcasikkhāpadasīlaṃ paripuṇṇameva. Idamaṃ pana ukkaṃsagataṃ bodhisattaparipi cittuppādīmattenapi asakiliṭṭhaṃ “dhammatāsīlan”ti vuttaṃ. **Kāmaguṇūpasamhīhanti** kāmaḷoṭṭhāsesu assādūpasamhītaṃ kāmassādagadhitāṃ. **Dhammatāsīlanti** dhammatāya kāraṇaniyāmena āgataṃ sīlaṃ. Sīlapāramiṃ hi paramukkaṃsaṃ pāpetvā kucchigatassa mahābodhisattassa sīlatejēna guṇānubhāveṇa bodhisattamātu saraseneva paramasallekhappattaṃ sīlaṃ hoti. **Mahākassapādīnanti ādi**-saddena bhaddādiḷe saṅgaṇhātī. Te kira suciraṃ kālaṃ suparisuddhasīlā eva hutvā āgatā. Tenāha “suddhasattānaṃ”ti. **Tāsu tāsu jātīsūti** sīlavarājamahimsarājādijātīsū. Pubbe purimajātīyaṃ siddho hetu etassāti **pubbahetukasīlaṃ**. Idamaṃ pana pakatisīlādīsamādānena vinā avītikkamalakkhaṇaṃ sampattaviratisaṅgahaṃ daṭṭhabbaṃ.

Yamaṃ bhagavatā evamaṃ vuttaṃ sīlanti sambandho. **Idhāti** vakkhamānasīlaparipūrakassa puggalassa sannissayabhūtasāsanaparidīpanaṃ, aññāsāsanassa ca tathābhāvapaṭisedhanaṃ. Vuttaṃ hetamaṃ “idheva bhikkhave samaṇo -pasuññā parappavādā samaṇeti aññehī”ti<sup>3</sup>. **Bhikkhūti** tassa sīlassa paripūrakapuggalaparidīpanaṃ. **Pātimokkhasaṃvarasaṃ vutoti** idamassa pātimokkhasīle patiṭṭhitabhāvaparidīpanaṃ. **Viharatīti** idamassa tadanurūpavīhārasamaṅgībhāvaparidīpanaṃ. **Ācāragocarasaṃpannoti** idamaṃ pātimokkhasaṃvarassa, upari-adhigantabbaguṇānaṃ upakāradhammaparidīpanaṃ. **Aṇumattesu vajjesu bhayadassāvīti** idamaṃ pātimokkhato acavanabhāvaparidīpanaṃ. **Samādāyāti** sikkhāpadānaṃ anavasesato ādānaparidīpanaṃ. **Sikkhatīti** sikkhāya

1. Titthakaramataṃ (Ka)

2. Dī 2. 11 piṭṭhe.

3. Dī 2. 125; Am 1. 560 piṭṭhesu.

samaṅgibhāvaparidīpanaṃ. **Sikkhāpadesūti** sikkhitabhadhammaparidīpanaṃ. Yaṃ panettha vattabbaṃ, taṃ parato āvi bhavissati.

Soti pātimokkhasaṃvarasīle patiṭṭhitabhikkhu. Tena yādisassa indriyasaṃvarasīlaṃ icchitabbaṃ, taṃ dasseti. **Cakkhunāti** yato so saṃvaro, taṃ dasseti. **Rūpanti** yattha so saṃvaro, taṃ dasseti. **Disvā na nimittaggāhī hoti nānubyañjanaggāhīti** saṃvarassa upāyaṃ dasseti. **Yatvādhikaraṇa -pa-anvāssaveyyunti** saṃvarassa paṭipakkhaṃ tattha ādīnavaṃ dasseti. **Saṃvarāya paṭipajjati**ti pageva satiyā upaṭṭhapetabbaṃ dasseti. **Rakkhati cakkhundriyanti** satiyā upaṭṭhāpanameva cakkhundriyassa ārakkhāti dasseti. **Cakkhundriye saṃvaram āpajjati**ti tathābhūtā satiyevettha saṃvaroti dasseti. Vitikkamassa vasaṇāti sambandho. **Channaṃ sikkhāpadānanti** “ājīvahetu ājīvakāraṇā asantaṃ abhūtaṃ uttarimanussadhammaṃ ullapati”ti-ādinā<sup>1</sup> āgatānaṃ channaṃ pārājikādipaṭisaṃyuttānaṃ sikkhāpadānaṃ. Sāmantajappanādinā tividhena kuhanavatthunā vimhāpanaṃ **kuhanā**. Attānaṃ, dāyakaṃ vā ukkhipitvā yathā so kiñci dadāti evaṃ kathanā **lapanā**. Nimittaṃ vuccati paccayadānasaññuppādakaṃ kāyavacīkammaṃ tena nimittena carati, nimittaṃ vā karotīti nemittiko, tassa bhāvo **nemittikatā**. Gandhādayo<sup>2</sup> viya lābhāya paresaṃ akkosanādinā nipisatīti nippeso, nippesova nippesiko, tassa bhāvo **nippesikatā**. Mahicchatāya attanā laddhalābhena parato lābhapariyesanā **lābhena lābhaṃ nijigīsanatā**<sup>3</sup>. **Evamādīnanti ādi**-saddena anuppiyabhāṇitācāṭukamyatādīṃ saṅgaṇhāti. Paṭisaṅkhānena paccavekkhaṇāya parisuddho asaṃkiliṭṭho **paṭisaṅkhānuparisuddho**. Cattāro paccayā paribhuñjīyanti etenāti **catupaccayaparibhogo**, tathāpavattā anavajjacetanā.

### Pātimokkhasaṃvarasīlavaṇṇanā

14. **Tatrāti** tesu pātimokkhasaṃvarādīsu. **Ādito paṭṭhāyati** “idha bhikkhū”ti-ādinā<sup>4</sup> āgatadesanāya ādito pabhuti. **Vinicchayakathāti** tattha saṃsayavidhamanena vinicchayāvahā kathā. Paṭhamassa

1. Vi 1. 178 piṭṭhe.

3. Nijigīmsanatā (Sī, Syā)

2. Bhaṭṭādayo (Sī), bhaṭṭhādayo (Ka-Sī)

4. Abhi 2. 253; Dī 1. 59 piṭṭhādīsu.

atthassa sabbasādhāraṇattā asādhāraṇaṃ pabbajitāveṇikaṃ pariyāyaṃ dassento “**chinnabhinnapaṭadharādītāya vā**”ti āha. Evaṃ hissa paripuṇṇapātīmokkhasaṃvarayogyatā dassitā hoti. Bhinnapaṭadharādibhāvo ca nāma daliddassāpi niggahitassa<sup>1</sup> hotīti tato viresetuṃ “saddhāpabbajito”ti vatvā paṭipattiyā yogyabhāvadassanattamā **“kulaputto”**ti vuttaṃ. Ācāraikulaputto vā hi paṭipajjitum sakkoti jātikulaputto vā. **Sikkhāpadasīlanti** cārittavārittappabhedaṃ sikkhāpadavasena paññattaṃ sīlaṃ. **Yoti** aniyamaniddeso yo koci puggalo. **Nanti** vinayapariyāpannaṃ sīlaṃ. **Tanti** puggalaṃ. **Mokkheti** sahakārikāraṇabhāvato. Apāye bhavāni **āpāyikāni**. **Ādi**-saddena tadaññaṃ sabbasaṃsāradukkhāṃ saṅgaṇhāti. **Samvaraṇaṃ** kāyavacīdvārānaṃ pidhanaṃ. Yena te saṃvutā pihitā honti, so saṃvaro. Yasmā pana so sattannaṃ āpattikkhandhānaṃ avītikkamo vītikkamapaṭipakkkhoti katvā, tasmā vuttaṃ **“kāyikavācasikassa avītikkamassetam nāmaṃ”**ti. **Pātimokkhasaṃvarena saṃvutoti** pātimokkhasaṃvarena pihitakāyavacīdvāro. Tathābhūto ca yasmā taṃ upeto tena ca samaṅgī nāma hoti, tasmā vuttaṃ **“upagato samannāgatoti attho”**ti.

Aparo nayo—kilesānaṃ balavabhāvato, pāpakiriyāya sukarabhāvato, puññakiriyāya ca dukkarabhāvato bahukkhattum apāyesu patanasīloti **pātī**, puthujjano. Aniccatāya vā bhavādīsu kammavegakkhitto ghaṭṭiyantaṃ viya anavaṭṭhānena paribbhamanato gamanasīloti **pātī**, maraṇavasena vā tamhi tamhi sattanikāye attabhāvassa pātanāsīloti **pātī**, sattasantāno, cittameva vā. Tam pātināṃ saṃsāradukkhato mokkhetīti pātimokkhaṃ. Cittassa hi vimokkhena satto “vimutto”ti vuccati. Vuttaṃ hi “cittavodānā visujjhantī”ti<sup>2</sup>, “anupādāya āsavehi cittaṃ vimuttan”ti<sup>3</sup> ca. Atha vā avijjādinā hetunā saṃsāre patati gacchati pavattatīti **pātī**, “avijjānīvaraṇānaṃ sattānaṃ taṇhāsāmyojanānaṃ sandhāvataṃ saṃsaratan”ti<sup>4</sup> hi vuttaṃ. Tassa pātino sattassa taṇhādisaṃkilesattayato mokkho etenāti

1. Niggatikassa (Sī), nigatikassa (Syā)

3. Vi 3. 24 piṭṭhe.

2. Saṃ 1. 123 piṭṭhe.

4. Saṃ 1. 387 piṭṭhe.

pātimokkhaṃ. “Kaṇṭhekāḷo”ti-ādīnaṃ viyassa samāsasiddhi veditabbā. Atha vā pāteti vinipāteti dukkheti **pāti**, cittaṃ. Vuttaṃ hi “cittena nīyati loko, cittaena parikassatī”ti<sup>1</sup>. Tassa pātino mokkho etenāti pātimokkhaṃ, patati vā etena apāyadukkhe, saṃsāradukkhe cāti **pāti**, taṇhādīsaṃkilesa. Vuttaṃ hi “taṇhā janeti purisaṃ<sup>2</sup> taṇhādutiyo puriso”ti<sup>3</sup> ca ādi. Tato pātito mokkhoti pātimokkhaṃ. Atha vā patati etthāti pātīni, cha ajjhattikabāhirāni āyatanāni. Vuttaṃ hi “chasu loko samuppanno, chasu kubbati santhavan”ti<sup>4</sup>. Tato cha ajjhattikabāhirāyatanasaṅkhātato pātito mokkhoti pātimokkhaṃ. Atha vā pāto vinipāto assa atthīti **pāti**, saṃsāro. Tato mokkhoti pātimokkhaṃ, atha vā sabbalokādhipatibhāvato dhammissaro bhagavā “pati”ti vuccati. Muccati etenāti mokkho, patino mokkho, tena paññattatīti patimokkho, patimokkho eva pātimokkhaṃ. Sabbaguṇānaṃ vā mūlabhāvato uttamaṭṭhena pati ca so yathāvuttenatthena mokkho cāti patimokkho, patimokkho eva pātimokkhaṃ. Tathā hi vuttaṃ “pātimokkhanti mukhametaṃ pamukhametan”ti<sup>5</sup> vitthāro.

Atha vā pa-iti pakāre, atī-ti accantatthe nipāto, tasmā pakārehi accantaṃ mokkhetīti pātimokkhaṃ. Idaṃ hi sīlaṃ sayāṃ tadaṅgavasena, samādhisahitaṃ paññāsahitaṃca vikkhambhanavasena, samucchedavasena ca accantaṃ mokkheti mocetīti pātimokkhaṃ, pati pati mokkhoti vā patimokkho, tamhā tamhā vītikkamadosato paccekaṃ mokkhoti attho, patimokkho eva pātimokkhaṃ. Mokkhoti vā nibbānaṃ, tassa mokkhassa paṭibimbabhūtoti, patimokkho. Sīlasaṃvaro hi sūriyassa aruṇuggamaṇaṃ viya nibbānassa udayabhūto tappaṭibhāgo viya yathārahaṃ kilesanibbāpanato, patimokkhoyeva pātimokkhaṃ. Atha vā mokkhaṃ pati vattati, mokkhābhimukhanti vā patimokkhaṃ, patimokkhameva pātimokkhanti evamettha pātimokkhasaddassa attho veditabbo. **Iriyatīti** attabhāvaṃ pavatteti. “Viharatī”ti iminā

---

1. Saṃ 1. 36 piṭṭhe.

2. Saṃ 1. 35 piṭṭhe.

3. Khu 1. 201, 268; Am 1. 316; Khu 7. 362; Khu 8. 211 piṭṭhesu.

4. Saṃ 1. 38; Khu 1. 304 piṭṭhesu.

5. Vi 3. 141 piṭṭhe.



pātimokkhasaṃvarasīle t̥hitassa bhikkhuno iriyāpathavihāro dassito.

**Pāḷiyanti jhānavibhaṅgapāḷiyam<sup>1</sup>.**

Tattha kāmam samaṇacāram, samaṇagocaraṅca dassetuṃ  
**“ācāragocarasampanno”**ti vuttam, yathā pana maggam ācikkhanto “vāmam  
 muṅca, dakkhiṇam gaṇhā”ti vajjetabbapubbakam gahetabbam vadeyya,  
 yathā vā sasīsanhānena pahīnasedamalajallikassa  
 mālāgandhavilepanādivibhūsanasaṃvidhānam yuttarūpam, evam  
 pahīnapāpadhamassa kalyāṇadhammasamāyogo yuttarūpoti “atthi ācāro,  
 atthi anācāro”ti dvayam uddisitvā anācāram tāva vibhajitum **“tattha katamo  
 anācāro”**ti-ādi vuttam. Tattha **kāyiko vītikkamoti** tividham kāyaduccaritam.  
**Vācasiko vītikkamoti** catubbidham vacīduccaritam. **Kāyikavācasikoti**  
 tadubhayaṃ.

Evam ājīvaṭṭhamakasīlassa vītikkamo dassito. Idāni mānasam anācāram  
 dassetuṃ “sabbampi dussīlyam anācāro”ti vatvā tattha ekacciyam dassento  
**“idhekacco veḷudānena vā”**ti-ādimāha. Tattha **veḷudānenāti**  
 paccayuppādanatthena veḷudānena. **Pattadānā**dīsupi eseva nayo. **Veḷūti**  
 manussānam payojanāvaho yo koci veḷudaṇḍo. **Pattam** gandhikādīnam  
 gandhapaliveṭhanādi-attham vā, tālanāḷikerādīpattam vā. **Puppham** yam  
 kiñci manussānam payojanāvaham. Tathā **phalam**. **Sinānam**  
 sirīsacuṇṇādinhāniyacuṇṇam. Mattikāpi ettheva saṅgaham gacchati.  
**Dantakaṭṭham** yam kiñci mukhasodhanattham dantaponam. **Cāṭukamyatā**  
 attānam dāsam viya nīvaṭṭhāne t̥hapetvā parassa khalitavacanam saṅt̥hapetvā  
 piyakāmatāya paggayhavacanam. **Muggasūpyatāti** muggasūpasamatā<sup>2</sup>  
 saccālikena jīvitakappanam. Yathā hi muggasūpe paccante bahū muggā  
 paccanti, katipayā na paccanti, evam saccālikena jīvitakappane bahu alikam  
 hoti, appakam saccanti. Paribhaṭṭatīti paribhaṭṭo, paresam dārake pariharanto.  
 Paribhaṭṭassa kammam **pāribhaṭṭyam**, sā eva **pāribhaṭṭyatā**, alaṅkaraṇādīnā  
 kuladārakapariharaṇassetam nāmam. Tesam tesam gihīnam  
 gāmantaradesantarādīsu sāsanaṭṭisāsanaḥaraṇam **jaṅghapesanikam**.  
**Aññataraññatarenāti** etesam vā veḷudānādīnam vejjakamma  
 bhaṇḍāgārikakamma piṇḍapaṭīpiṇḍakammasamghuppāda  
 cetiyuppādapatt̥hapanādīnam vā micchājīvena jīvitakappanakammānam  
 yena

1. Abhi 2. 255 piṭṭhe.

2. Muggasūpasseva (Ka)

kenaci. **Buddhapaṭikuṭṭhenāti** buddhehi garahitena paṭisiddhena.  
**Micchājīvenāti** na sammā-ājīvena. **Ayaṃ vuccati anācāroti** ayaṃ sabbopi  
 “anācāro”ti kathīyati. Ācāraniddeso vuttapaṭipakkhanayeneva veditabbo.

Gocaraniddeseṇi paṭhamāṃ agocarassa vacane kāraṇaṃ heṭṭhā  
 vuttanayeneva veditabbaṃ. **Gocaroti** piṇḍapātādīnaṃ atthāya  
 upasaṅkamitum yuttaṭṭhānaṃ. Ayuttaṭṭhānaṃ **agocarō**. Vesiyā gocaro assāti  
**vesiyāgocarō**, mittasanthavavasena upasaṅkamitabbaṭṭhānanti attho. Vesiyā  
 nāma rūpūpajīviniyo, tā mittasanthavavasena na upasaṅkamitabbā,  
 samaṇabhāvassa antarāyakarattā, parisuddhāsayaṃsāpi garahahetuto, tasmā  
 dakkhiṇādānavasena satim upaṭṭhapetvāva upasaṅkamitabbā. **Vidhava**  
 vuccanti matapatikā, pavutthapatikā vā. **Thullakumārīkāti** mahallikā  
 aniviṭṭhakumāriyo<sup>1</sup>, **paṇḍakāti** napuṃsakā. Te hi ussannakilesā  
 avūpasantapariḷāhā lokāmisasannissitakathābahulā, tasmā na  
 upasaṅkamitabbā. **Bhikkhuniyo** nāma ussannabrahmacariyā. Tathā  
 bhikkhūpi. Tesāṃ aññaṃaññaṃ visabhāgavattubhāvato santhavavasena  
 upasaṅkamane katipāheneva brahmacariyantarāyo siyā, tasmā na  
 upasaṅkamitabbā. Gilānapucchanādivasena upasaṅkamane satokārinā  
 bhavitabbaṃ. **Pānāgaranti** surāpānagharaṃ<sup>2</sup>. Taṃ soṇḍajanehi avivittam  
 hoti. Tattha tehi soṇḍatādivasena na upasaṅkamitabbaṃ  
 brahmacariyantarāyakarattā. **Saṃsaṭṭho viharati rājūhīti**-ādīsu **rājāno** nāma  
 ye rajjamanusāsanti. **Rājamahāmattā** rājissariyasadisāya issariyamattāya  
 samannāgatā. **Titthiyāti** viparītadassanā bāhirakaparibbājakā.  
**Titthiyasāvakāti** tesu daḷhabhattā paccayadāyakā. **Ananulomikena**  
**samsaggenāti** tissannaṃ sikkhānaṃ ananulomikena paccanīkabhūtena  
 samsaggena saṃsaṭṭho piharati yena brahmacariyantarāyaṃ vā  
 sallekhaparihānīm vā pāpuṇāti.

Idāni aparenapi pariyāyena agocaraṃ dassetuṃ “**yāni vā pana tāni**”ti-  
 ādi vuttaṃ. Tattha **assaddhānīti** buddhādīsu saddhāviraḥitāni. Tato eva  
**appasannāni**, kammakammaphalasaddhāya vā abhāvena **assaddhāni**.  
 Ratanattayappasādābhāvena **appasannāni**. **Akkosakaparibhāsakānīti**

1. Anividdhakumāriyo (Ka)

2. Surāgarāṃ (Ka) Abhi-Ṭṭha 2. 325; Mahāniddesa-Ṭṭha 400 piṭṭhesu passitabbaṃ.

akkosavatthūhi akkosakāni ceva bhayadassanena santajjanakāni ca. Atthaṃ na icchanti anathameva icchantīti **anattakāmāni**. Hitam na icchanti ahitameva icchantīti **ahitakāmāni**. Phāsu na icchanti aphāsumyeva icchantīti **aphāsukakāmāni**. Yogakkhemam nibbhayam na icchanti<sup>1</sup>, ayogakkhemameva icchantīti **ayogakkhemakāmāni**. **Bhikkhūnanti** ettha sāmaṇerānampi saṅgaho. **Bhikkhunīnanti** ettha sikkhamānasāmaṇerīnaṃ. Sabbesaṃ hi sāsānikānaṃ anattakāmatādīpanapadamidaṃ vacanaṃ. **Tathārūpāni kulānīti** tādisāni khattiyakulādīni. **Sevatīti** nissāya jīvati. **Bhajatīti** upasaṅkamati. **Payirupāsati**ti punappunaṃ upagacchati. **Ayam vuccatīti** ayam vesiyādiko, rājādiko, assaddhakulādiko ca tam tam sevantassa tippakāropi ayutto gocaroti **agocarō**. Ettha hi vesiyādiko pañcakāmaguṇanissayato **agocarō**. Yathāha “ko ca bhikkhave bhikkhuno agocarō<sup>2</sup> paravisayo? Yadidaṃ pañca kāmaguṇā”ti<sup>3</sup>. Rājādiko samaṇadhammassa anupanissayato, lābhasakkārāsanivicakka<sup>4</sup>nippothanadiṭṭhivipattihetuto ca. Assaddhakulādiko saddhāhānicittasantāsāvahato **agocarō**.

Gocaraniddese “na vesiyāgocarō”ti-ādīni vuttapaṭipakkhavasena veditabbāni. **Opānabhūtānīti** udapānabhūtāni bhikkhusaṅghassa, bhikkhunīsaṅghassa ca catumahāpathe khatapokkharaṇī viya yathāsukham ogāhanakkhamāni. **Kāsāvapajjotānīti** bhikkhūnaṃ, bhikkhunīnañca nivatthapārutakā sāvānaṃyeva pabhāhi ekobhāsāni. **Isivātaṭṭhivātānīti** gehaṃ pavisantānaṃ, nikkhamantānañca bhikkhubhikkhunīsaṅkhātānaṃ isīnaṃ cīvaravātena ceva samiñjanapasāraṇādijanitasarīravātena ca paṭivātāni pavāyitāni viniddhutakibbisāni vā.

Idāni niddese āgatanayenāpi ācārapocare dassetuṃ “**apicā**”ti-ādī āraddham. **Etthāti** etasmim pātimokkhasīlaniddese. **Imināpi nāyena**ti idāni vuccamānavidhināpi. **Samghagatoti** saṅghasannipātaṃ gato. **Acittikārakatoti** akatacittikāro, akatagāravoti attho. **Ghaṭṭayantoti** sarīrena, cīvarena vā ghaṃsanto. Puratopi tiṭṭhati

1. Yogakkhemanti nibbhayam, tam na icchanti, (Ka)

2. Avisayo (Ka)

3. Saṃ 3. 128 piṭṭhe.

4. Lābhasakkārāpaṇidhicakka (Ka)

acittikāraakatoti sambandhitabbaṃ. **Ṭhitakopīti** upari tiṭṭhanto viya āsannataraṭṭhāne ṭhitakopi bhaṇati. **Bāhāvikkhepakoti** bāhuṃ vikkhipanto. **Anupāhanānanti** anādare sāmivacanaṃ. **Sa-upāhanoti** upāhanāruḷho. **There bhikkhū anupakhajjāti** therānaṃ bhikkhūnaṃ ṭhitaṭṭhānaṃ anupavisitvā tesam āsannataraṭṭhānaṃ upagantvā. **Kaṭṭhaṃ pakkhipati** aggikuṇḍe. **Vokkammāti** passato atikkamitvā. **Gūlhāni** sabhāvato paṭicchannāni sāṇipākārādinaṃ paṭicchādītāni. **Anāpucchāti** anāpucchitvā. **Assāti** anācārassa.

**Apica bhikkhūti**-ādi sabbasseva bhikkhuno ācāraddassanavasena pavattaṃ aṭṭhakathāvacanaṃ, na niddesapāḷi.

Saddhāsīlasutacāgādiguṇahetuko garubhāvo garukaraṇaṃ vā gāravo, saha gāravenāti **sagāravo**. Garuṭṭhāniyesu gāravaserajjādivasena paṭissāyaṇā paṭissā, sappatissavapaṭipatti. Saha paṭissāyāti **sappatisso**. Savisesaṃ hirimanatāya ottappibhāvena ca **hirottappasampanno**.

Sekhiyadhammapāripūrivasena **sunivattho supāruto**. **Pāsādikenāti** pasādāvahena, itthambhūtalakkhaṇe cetam karaṇavacanaṃ. Eseva nayo ito paresupi chasu padesu. **Abhikkantenāti** atikkamena. **Iriyāpathasampannoti** sampanna-iriyāpatho. Tena sesa-iriyāpathānampi pāsādikatamāha. **Indriyesu guttadvāroti** cakkhundriyādīsu chasu dvāresu susamvihitārakkho. **Bhojane mattaññūti** paribhuñitabbato bhojanasaññite catubbidhepi paccaye pariyesanapaṭiggahaṇaparibhogādivasena sabbaso pamāṇaññū.

**Jāgariyamanuyuttoti** pubbarattāpararattaṃ bhāvanāmanasikārasaṅkhātāṃ jāgariyaṃ sātaccakāritāvasena anu anu yutto tattha yuttapayutto.

**Satipampajaññena samannāgatoti**-ādi yathāvuttassa ācārassa sambhāradassanaṃ. Tattha **appicchoti** ni-iccho. **Santuṭṭhoti** yathālābhādivasena santosena tuṭṭho. **Sakkaccakārīti** ādarakārī.

**Garucittikārabahuloti** garuṭṭhāniyesu garukaraṇabahulo. **Ayaṃ vuccati ācāroti** ayaṃ sagāravatādi atthakāmehi ācaritabbato ācāro.

Sīlādīnaṃ guṇānaṃ upanissayabhūto **upanissayagocaro**. Sabhisāṅkhāto cittassa ārakkhabhūto eva gocaro **ārakkhagocaro**. Kammatṭhānāsāṅkhāto cittassa upanibandhanaṭṭhānabhūto gocaro **upanibandhagocaro**.

Appicchatādihi dasahi vivaṭanissitāya kathāya vatthubhūtehi guṇehi samannāgato **dasakathāvathugūṇasamannāgato**. Tato eva kalyāṇo sundaro mittoti **kalyāṇamitto**. Tassa lakkhaṇaṃ parato āgamissati. **Assutaṃ** suttageyyādim. **Suṇātīti** sutamayam nāṇaṃ uppādeti. **Sutaṃ pariyodāpetīti** tameva yathāsutaṃ avisadatāya apariyodātaṃ punappunam paripucchanādinā visodheti nijjaṭaṃ nigumbaṃ karoti. Tattha ca ye kaṅkhaṭṭhāniyā dhammā, tesu saṃsayaṃ chindanto **kaṅkhaṃ vitarati**. Kammakammaphalesu, ratanatteye ca samma diṭṭhiyā ujukaraṇena **diṭṭhiṃ ujuṃ karoti**. Tato eva ca duvidhāyapi saddhāsampadāya **cittaṃ pasādeti**. Atha vā yathāsutaṃ dhammaṃ pariyodapetvā tathāgate rūpārūpadhamme pariggahetvā sapaccayaṃ nāmarūpaṃ pariggaṇhanto sattadiṭṭhivaṅkavidhamaṇena **diṭṭhiṃ ujuṃ karoti**. Dhammānaṃ paccayapaccayuppannatāmattadassanaṇena tīsupi addhāsu **kaṅkhaṃ vitarati**. Tato paraṃ ca udayabbayaññādivasena vipassanaṃ vaḍḍhetvā ariyabhūmiṃ okkamanto aveccapasādena ratanattaye **cittaṃ pasādeti**. Tathābhūtova tassa kalyāṇamittassa anusikkhanaṇena saddhādihi guṇehi na hāyati, aññadatthu vaḍḍhateva. Tenāha “**yassa vā**”ti-ādi.

**Antaragharanti** antare antare gharāni ettha, taṃ etassāti vā “antaragharan”ti laddhanāmaṃ gocaragāmaṃ pavittḥo. Tattha ghare ghare bhikkhāpariyesanāya vīthiṃ paṭipanno. **Okkhittacakkhūti** heṭṭhākhittacakkhu. Kittakena pana okkhittacakkhu hotīti āha “**yugamattadassāvī**”ti. **Susaṃvutoti** saṃyato. Yathā panettha susaṃvuto nāma hoti, taṃ dassetuṃ “**na hatthiṃ olokento**”ti-ādi vuttaṃ.

**Yatthāti** yesu patipaṭṭhānesu. **Cittaṃ** bhāvanācittaṃ. **Upanibandhatīti** upanetvā nibandhati. Vuttañhetam—

“Yathā thambhe nibandhayya, vacchaṃ damaṃ naro idha.

Bandhayyevaṃ sakaṃ cittaṃ, satiyārammaṇe daḷhan”ti<sup>1</sup>.

Satipaṭṭhānānaṃ upanibandhagocarabhāvaṃ dassetuṃ “**vutañhetan**”ti-ādi vuttaṃ. Tattha **sako pettiko visayoti** attano pitu sammāsambuddhassa santako, tena diṭṭho dassito ca visayo.

---

1. Visuddhi 1. 261; Di-Ṭṭha 2. 353; Ma-Ṭṭha 1. 252; Vi-Ṭṭha 2. 12; Paṭisambhāsi-Ṭṭha 2. 88 piṭṭhesu.

**Aṇupamāṇesūti** paramāṇupamāṇesu. **Asañcicca āpannasekhiya-akusalacittuppādādibhedesūti** asañcicca āpannasekhiyesu akusalacittuppādādibhedesūti evaṃ asañciccaggahaṇaṃ sekhiyavisesanaṃ daṭṭhabbaṃ. Sekhiyaggahaṇena cettha **vattakkhandhakādīsu**<sup>1</sup> āgataavattādīnampi gahaṇaṃ. Tepi hi sikkhitabbaṭṭhena “sekhiyā”ti icchitā. Tathā hi **mātikāyaṃ** pārājikādīnaṃ viya sekhiyānaṃ paricchedo na kato. Evañca katvā “asañcicca āpannasekhiyā”ti asañciccaggahaṇaṃ samatthitaṃ hoti. Na hi **mātikāyaṃ** āgatesu pañcasattatiyā sekhiyesu nosaññāvimokkho nāma atthi, asañciccaggahaṇeneva cettha asati-ajānanānampi saṅgaho kato. Keci panettha asañcicca āpannaggahaṇena acittakāpattiyo gahitāti vadanti, taṃ tesam matimattaṃ, garukāpattisupi kāsāñci acittakabhāvasabbhāvato, adhiṭṭhānāvikkammaṃ, desanāvikkammasseva vā sabbalahukassa vajjassa idhādhippetattā. Tenāha “yāni tāni vajjāni appamattakāni oramattakāni lahukāni lahusammatāni”ti-ādi. ādisaddena pātimokkhasaṃvaravisuddhatthaṃ anatikkamanīyānaṃ anāpattigamanīyānaṃ saṅgaho daṭṭhabbo. **Bhayadassanasīloti** paramāṇumattaṃ vajjaṃ aṭṭhasaṭṭhiyojanasatasahasubbedhasinerupabbatasadisam katvā dassanasabhāvo, sabbalahukaṃ vā dubbhāsitamattaṃ pārājikasadisam katvā dassanasabhāvo. **Yaṃ kiñcīti** mūlapaññatti-anupaññattisabbatthapaññattipadesapaññatti-ādibhedam yaṃ kiñci sikkhitabbaṃ paṭipajjitabbaṃ pūretabbaṃ sīlam. **Sammā ādāyāti** sammadeva sakkaccaṃ, sabbaso ca ādiyitvā. Ayaṃ pana ācāragocarasampadā kim pātimokkhasīle pariyāpannā, udāhu apariyāpannāti? Pariyāpannā. Yadi evaṃ kasmā puna vuttāti codanaṃ sandhāyāha “**ettha cā**”ti-ādi.

### Indriyasamvarasīlavanṇanā

15. Indriyasamvarasīlam pātimokkhasamvarasīlassa sambhārabhūtam, tasmim satiyeva icchitabbanti vuttam “**soti pātimokkhasamvarasīle ṭhito bhikkhū**”ti. Sampādite hi etasmim pātimokkhasamvarasīlam suguttam surakkhitameva hoti, susamvihitakaṇṭakavati viya sassanti. **Kāraṇavasenāti** asādhāraṇakāraṇassa vasena.

1. Vi 4. 373 piṭṭhe.

Asādhāraṇakāraṇavasena hi phalaṃ apadisiyati, yathā yavaṅkuro bherisaddoti. Nissayavohārena vā etaṃ nissitavacanaṃ, yathā mañcā ukkuṭṭhim karontīti. **Rūpanti rūpāyatanam. Cakkhunā rūpaṃ disvāti** ettha yadi cakkhu rūpaṃ passeyya, aññaviññāṇasamaṅginopi passeyyūṃ, na cetam atthi, kasmā? Acetanattā cakkhussa. Tenāha “**cakkhu rūpaṃ na passati acittakattā**”ti. Atha viññāṇam rūpaṃ passeyya, tirokuṭṭādigatampi nam passeyya appaṭighabhāvato, idampi natthi sabbassa viññāṇassa dassanābhāvato. Tenāha “**cittam na passati acakkhukattā**”ti. Tattha yathā cakkhusannissitam viññāṇam passati, na yaṃ kiñci. Tañca kenaci kuṭṭādinā antarite na uppajjati, yattha ālokassa vibandho. Yattha pana na vibandho phalikaḡabbhapaṭalādike, tattha antaritepi uppajjateva. Evaṃ viññāṇādhiṭṭhitam cakkhu passati, na yaṃ kiñcīti viññāṇādhiṭṭhitam cakkhuṃ sandhāyetaṃ vuttam “**cakkhunā rūpaṃ disvā**”ti.

**Dvārārammaṇasaṅghatteti** dvārassa ārammaṇena saṃghaṭṭe sati, cakkhussa rūpārammaṇe āpāthagateti adhippāyo. **Pasādavatthukena cittenāti** cakkhupasādavatthukena tannissāya pavattena viññāṇena, yaṃ “cakkhuviññāṇan”ti vuccati. **Passatīti** oloketi. Cakkhupasādasannissaye hi viññāṇe ālokānuggahitam rūpārammaṇam sannissayaguṇena obhāsente taṃsamaṅgipuggalo “rūpaṃ passatī”ti vuccati. Obhāsanañcetta ārammaṇassa yathāsabhāvato vibhāvanam, yaṃ “paccakkhato gahaṇan”ti vuccati. Usunā lakkhassa vedhe sijnhante tassa sambhārabhūtena dhananā vijjhatīti vacanam viya viññāṇena rūpadassane sijnhante cakkhunā rūpaṃ passatīti **īdisī sasambhārakathā nāmesā hoti**. Sasambhārā kathā **sasambhārakathā**, dassanassa kāraṇasahitāti attho. Sasambhārassa vā dassanassa kathā **sasambhārakathā**. **Tasmāti** yasmā kevalena cakkhunā, kevalena vā viññāṇena rūpadassanam natthi, tasmā.

**Itthipurisanimittam vāti** ettha itthisantānanissitarūpamukhena gayhamānam saṅṭhānam thanamaṃsāvisadatā nimmassumukhatā kesabandhanavatthaggaṇam avisadaṭṭhānagamanādi ca sabbam “itthī”ti sañjānanaṃ kāraṇabhāvato **itthinimittam**. Vuttavipariyāyato **purisanimittam** veditabam. **Subhanimittādikam vāti** ettha rāgupattihetubhūto iṭṭhākāro **subhanimittam**. **Ādi-saddena**

paṭighanimittādīnaṃ saṅgaho. So pana dosuppatti-ādihetubhūto aniṭṭhādi-ākāro veditabbo. Kāmañcetta pāḷiyaṃ abhijjhādomanassāva sarūpato āgatā, upekkhānimittassāpi pana saṅgaho icchitabbo, asamapekkhanena uppajjanakamohassāpi asaṃvarabhāvato. Tathā hi vakkhati “muṭṭhasaccaṃ vā aññāṇaṃ vā”ti. **Upekkhānimittanti** cettha aññāṇupekkhāya vatthubhūtaṃ ārammaṇaṃ, tañcassa asamapekkhanavasena veditabbaṃ. Evaṃ saṅkhepato rāgadosamohānaṃ kāraṇaṃ “subhanimittādikaṃ”ti vuttaṃ. Tenāha **“kilesavatthubhūtaṃ nimittan”**ti. **Diṭṭhamatteyeva saṅṭhātīti** “diṭṭhe diṭṭhamattaṃ bhavissatī”ti<sup>1</sup> sutte vuttanayena vaṇṇāyatane cakkhuviññāṇena, vīthicittehi ca gahitamatteyeva tiṭṭhati, na tato paraṃ kiñci<sup>2</sup> subhādi-ākāraṃ parikappeti. **Pākaṭabhāvakaraṇatoti** paribyattabhāvakaraṇato vibhūtabhāvakaraṇato. Visabhāgavatthuno hi hatthādi-avayavesu subhādito parikappentassa aparāparaṃ tattha uppajjamānā kilesā paribyattā hontīti te tesaṃ **anubyañjanā** nāma. Te pana yasmā tathā tathā sanniviṭṭhānaṃ bhūtopādāyarūpānaṃ sannivesākāro. Na hi taṃ muñcitvā paramatthato hatthādi nāma koci atthi. Tasmā vuttaṃ **“hatthapāda pa. Ākāraṃ na gaṇhātī”**ti. Kim pana gaṇhātīti āha **“yaṃ tattha bhūtaṃ, tadeva gaṇhātī”**ti. Yaṃ tasmim sarīre vijjamānaṃ kesalomādi bhūtopādāyamattaṃ vā, tadeva yāthāvato gaṇhātī. Tattha asubhākāragahaṇassa nidassanaṃ dassento **“cetiya-pabbatavāsī”**ti-ādīnā mahātissattheraṃ vattum āhari.

Tattha **sumaṇḍitapasādhītīti** suṭṭhu maṇḍitā pasādhītā ca. Ābharaṇādīhi āhārimēhi maṇḍanaṃ. Sarīrassa ucchādanādivasena paṭisaṅkharāṇaṃ pasāadhananti vadanti, ābharaṇehi, pana vattālankārādīhi ca alankāraṇaṃ pasāadhanam. Ūnaṭṭhānapūraṇaṃ maṇḍanaṃ. **Vipallatthacittāti** rāgavasena viparītacittā. **Olokontoti** thero kammaṭṭhānāmanasikārenea gacchanto saddakaṇṭakattā pubbabhāgamanasikāraṇassa hasitasaddānusārena “kimetan”ti olokonto. **Asubhasaññanti** aṭṭhikasaññaṃ. Aṭṭhikakammaṭṭhānaṃ hi thero tadā pariharati. **Arahattaṃ pāpuṇīti**

1. Khu 1. 85 piṭṭhe Udāne.

2. Yaṃ kiñci (Syā)



thero kira tassā hasantiyā dantaṭṭhidassaneneva pubbhāgabhāvanāya subhāvitattā paṭibhāganimittam, sātisayañca upacārajjhānam labhitvā yathāṭṭhitova tattha paṭhamajjhānam adhigantvā tam pādakam katvā vipassanam vaḍḍhetvā maggaparamparāya āsavakkhayam pāpuṇi.

**Pubbasaññam anussarīti** pubbakam yathāraddham kālena kālam anuyuñjyamānam aṭṭhikakammaṭṭhānam anussari samannāhari.

**Anumagganti** anupatham tassā padānupadam. Therassa kira bhāvanāya paguṇabhāvato dantaṭṭhidassaneneva tassā sakalasarīram aṭṭhikasānghātabhāvena upaṭṭhāsi. Na tam “itthi”ti vā “puriso”ti vā sañjāni. Tenāha “**nābhijānāmi -pa- mahāpathe**”ti.

“**Yassa cakkhundriyāsamvarassa hetū**”ti vatvā puna “**tassa cakkhundriyassa satikavāṭena pidahanatthāyā**”ti vuttam, na samvarassāti. Yadidam yam cakkhundriyāsamvarassa hetu abhijjhādi-anvāssavanam dassitam, tam samvutacakkhundriyasveva hetu pavattam dassitanti katvā vuttam. Cakkhudvārikassa hi abhijjhādi-anvāssavanassa haṃdvārikaviññāṇassa viya cakkhundriyam padhānakāraṇam<sup>1</sup>. Cakkhundriyassa samvutatte sati te anvāssavantīti samvāriyamānacakkhundriyahetuko so samvaro tathā vuttoti. Yatvādhikaraṇanti hi yassa cakkhundriyassa kāraṇāti<sup>2</sup> attho. Kīdisassa ca kāraṇāti? Samvutassa kiñca samvutam? Yassa cakkhundriyāsamvarassa hetu abhijjhādayo anvāssavanti, **tassa samvarāyāti** ayamettha yojanā.

**Javanakkhaṇe pana sace dussīyam vāti**-ādi puna avacanatham idheva sabbam vuttanti chasu dvāresu yathāsambhavam veditabbam. Na hi pañcadvāre kāyavacīduccaritasāṅkhātām dussīyam atthi, tasmā dussīyāsamvaro manodvāravasena, sesāsamvaro chadvāravasena yojetabbo. Muṭṭhasaccādīnam hi satipaṭipakkhākusaladhammādibhāvato siyā pañcadvāre uppattī, na tveva kāyikavācasikavītikkamabhūtassa dussīyassa tattha uppattī, pañcadvārikajavanānam aviññattījanakattā. Dussīyādayo cettha pañca samvarā sīlasamvarādīnam pañcannam samvarānam paṭipakkhabhāvena vuttā. **Tasmim satīti** tasmim samvare sati.

1. Cakkhundriyam kāraṇam (Sī, Syā)

2. Yassa kāraṇāti (Ka)

**Yathā kinti** yena pakārena javane uppajjamāno asaṃvaro “cakkhundriye asaṃvaro”ti vuccati, taṃ nidassanaṃ kinti attho. **Yathāti-** ādinā nagaradvāre asaṃvare sati taṃ sambandhānaṃ gharādīnaṃ asaṃvutatā viya javane asaṃvare sati taṃ sambandhānaṃ dvārādīnaṃ asaṃvutatāti evaṃ aññāsaṃvare aññāsaṃvutatā sāmaññameva nidasseti, na pubbāparasāmaññaṃ, antobahisāmaññaṃ vā. Sati vā dvārabhavaṅgādike puna uppajjamānaṃ javanaṃ bāhiraṃ viya katvā nagaradvārasamānaṃ vuttaṃ, itarañca antonagare gharādīsamānaṃ<sup>1</sup>. Paccayabhāvena hi purimanipphannaṃ javanakāle asantampi bhavaṅgādi cakkhādi viya phalanipphattiyā santamyeva nāma hoti. Na hi dharamānaṃyeva “santan”ti vuccati. “Bāhiraṃ viya katvā”ti ca paramatthato javanassa bāhirabhāve, iterassa ca abbhantarabhāve asatipi “pabhassaramidaṃ bhikkhave cittaṃ, tañca kho āgantukehi upakkiliṭṭhan”ti-ādi<sup>2</sup> vacanato āgantukabhūtassa kadāci kadāci uppajjamānassa javanassa bāhirabhāve tabbidhurasabhāvassa itarassa abbhantarabhāvo ekena<sup>3</sup> pariyāyena hotīti katvā vuttaṃ. Javane vā asaṃvare upanne tato paraṃ dvārabhavaṅgādīnaṃ asaṃvarahetubhāvāpattito. Asaṃvarassa hi uppattiya dvārabhavaṅgādīnaṃ tassa hetubhāvo paññāyatīti. Nagaradvārasadisena javanena pavisitvā dussīlyādīcorānaṃ dvārabhavaṅgādīsū musanaṃ kusalaḥḥḍavināsaṃ kathitaṃ. Yasmiṃ hi dvāre asaṃvaro uppajjati, so tatha dvārādīnaṃ saṃvarūpanissayabhāvaṃ upacchindantoyeva pavattatīti. Dvārabhavaṅgādīnaṃ javanena saha sambandho ekasantatipariyāpannato daṭṭhabbo.

Ettha ca cakkhudvāre rūpārammaṇe āpāthagate niyamitādivasena kusalākusalajavane sattakkhattuṃ uppajjitvā bhavaṅgaṃ otiṇṇe tadanurūpameva manodvārikajavane tasmimyevārammaṇe sattakkhattuṃyeva uppajjitvā bhavaṅgaṃ otiṇṇe puna tasmimyeva dvāre tadevārammaṇaṃ nissāya “itthi puriso”ti-ādinā vavatthapentaṃ pasādarajjanādivasena sattakkhattuṃ javanaṃ javati. Evaṃ pavattamānaṃ javanaṃ sandhāya “**javane dussīlyādīsū uppannesu tasmim asaṃvare sati dvārampi aguttan**”ti-ādi vuttaṃ.

**Tasmim** pana javane. **Sīlādīsūti** sīlasaṃvara satisaṃvara ñāṇasaṃvara khantisāṃvara vīriyasaṃvaresu **uppannesu**. Yathā hi pageva sati-ārakkhaṃ

1. Antonagarasamānaṃ (Sī, Syā)

2. Am 1. 9 piṭṭhe.

3. Etena (Sī, Syā)

anupaṭṭhapentassa dussīlyādīnaṃ uppatti, evaṃ pageva sati-ārakkhaṃ upaṭṭhapentassa sīlādīnaṃ uppatti veditabbā. Saddādīsupi yathārahaṃ nimittānubyañjanaṃ veditabbāni. Sotaviññāṇena hi saddaṃ sutvā “itthisaddo”ti vā “purisasaddo”ti vā iṭṭhāniṭṭhādikaṃ vā kilesavatthubhūtaṃ nimittaṃ na gaṇhāti, sutamatte eva saṅghāti. Yo ca gītasaddādīkassa kilesānaṃ anu anu byañjanato “anubyañjanan”ti laddhavohāro mandatārādivasena vavatthito chajjādibhedabhinno ākāro, tampi na gaṇhātīti. Evaṃ gandhādīsupi yathārahaṃ vattabbaṃ. Manodvāre pana sāvajjanabhavaṅgaṃ manodvāraṃ tasmīṃ dvāre dhammārammaṇe āpāthagate taṃ javanamanasāva viññāya vijānitvāti-ādinā yojetabbaṃ. Kilesa anubandho etassāti kilesānubandho, so eva nimittādigāho, tato parivajjanalakkhaṇaṃ **kilesānubandhanimittādigāhaparivajjanalakkhaṇaṃ**. **Ādi**-saddena anubyañjanaṃ saṅgaṇhāti.

16. **Vutteti** idheva uddesavasena pubbe vutte. Tathā hi “ājīvahetu paññattānaṃ channaṃ sikkhāpadānaṃ”ti paduddhāraṃ katvā tāni pālīvaseneva dassetuṃ “**yāni tāni**”ti-ādi āraddhaṃ. Tattha yāni tāni evaṃ paññattāni cha sikkhāpadānīti sambandho. **Ājīvahetūti** jīvikanimittaṃ, “evāhaṃ paccayehi akilamanto jīvissāmi”ti adhippāyena<sup>1</sup>. **Ājīvakāraṇāti** tasseva vevacanaṃ. **Pāpicchoti** pāpikāya asantaḡaṇasambhāvanicchāya samannāgato. **Ichhāpakatoti** icchāya apakato upadduto, abhibhūto vā. **Asantanti** avijjamānaṃ. **Abhūtanti** anuppannaṃ. Anuppannattā hi tassa taṃ asantanti purimassa pacchimaṃ kāraṇavacanaṃ. **Uttarimanussadhammanti** uttarimanussānaṃ ukkaṭṭhapurisānaṃ dhammaṃ, manussadhammato vā uttari<sup>2</sup> ukkaṭṭhaṃ. **Ullapatīti** uggatāyuko lapati. Sīlaṃ hi bhikkhuno āyu, taṃ tassa tathālapanasamakālemeva vigacchati. Tenāha “**āpatti pārājikassā**”ti pārājikasāṅkhātā āpatti assa, pārājikasāññitassa vā vītikkaṃassa āpajjanaṃ ullapananti attho. **Sañcarittaṃ samāpajjati** sañcaraṇabhāvaṃ āpajjati, itthiyā vā purisamatim, purisassa vā itthimatim ārocetiki adhippāyo. “Imesaṃ channaṃ sikkhāpadānaṃ vītikkaṃassa vasenā”ti sambandho heṭṭhā dassito eva.

1. Adhippāyo (Syā)

2. Uttariṃ (Syā)

**Kuhanāti-ādīsūti** heṭṭhā uddiṭṭhapāḷiyāva paduddhāro. **Ayaṃ pāḷīti** ayaṃ **vibhaṅge**<sup>1</sup> āgatā niddesapāḷi.

17. Cīvarādipaccayā labbhantī lābhā. Te eva sakkaccaṃ ādaravasena diyyamānā sakkāro. Patthaṭayasatā ittisaddo. Taṃ **lābhaṅca sakkāraṅca kittisaddaṅca**. **Sannissitassāti** ettha taṇhānissayo adhippetoti āha “**patthayantassā**”ti. **Asantaguṇadīpanakāmassāti** asante attani avijjamāne saddhādiguṇe sambhāvetukāmassa. Asantaguṇasambhāvanatālakkhaṇā, paṭiggahaṇe ca amattaññūtālakkhaṇā hi pāpicchatā. **Ichchāya apakatassāti** pāpikāya icchāya sammā-ājīvato apeto katoti apakato. Tathābhūto ca ājīvūpaddavena upaddutoti katvā āha “**upaddutassāti attho**”ti.

Kuhanameva paccayuppādanassa vatthūti **kuhanavattthu**. **Tividhampetaṃ** tattha āgataṃ tassa nissayabhūtāya imāha pāḷiyā **dassetunti** evamattho daṭṭhabbo. **Tadatthikassevāti** tehi cīvarādīhi atthikasseva. **Paṭikkhipanenāti** cīvarādīnaṃ paṭikkhipanahetu. **Assāti** bhaveyya. **Paṭiggahaṇena cāti ca-saddena** pubbe vuttaṃ paṭikkhipanaṃ samuccinoti.

**Bhiyyokamyatanti** bahukāmataṃ. **Yanti** kiriyāparāmasanaṃ, tasmā “dhāreyyā”ti ettha yadetaṃ saṅghāṭiṃ katvā dhāraṇaṃ, etaṃ samaṇassa sārūppanti yojanā. **Pāpaṅkānīti** āpaṇato chaḍḍitāni. **Nantakānīti** antarahitāni coḷakhaṇḍāni. **Uccinitvāti** uñcha nena cinitvā saṅgahetvā. **Uñchācariyāyāti** ñāñchācariyāya laddhena. Gilānassa paccayabhūtā bhesajjasāṅkhātā jīvītaparikkhārā **gilānapaccayabhesajjaparikkhārā**. **Pūtimuttanti** purāṇassa, apurāṇassa ca sabbassa gomuttasettaṃ nāmaṃ. **Pūtimuttenāti** pūtibhāvena muttena parehi chaḍḍitena, pūtibhūtena vā gomuttena. **Dhutavādoti** paresampi dhutaguṇavādī. **Sammukhībhāvāti** sammukhato vijjamānattā, labbhamānatāyāti attho.

Attānaṃ uttarimanussadhammādhigamassa sāmante katvā jappanaṃ **sāmantajappanaṃ**. **Mahesakkhoti** mahānubhāvo, uttarimanussadhammādhigamenāti adhippāyo. “Mitto”ti sāmāññato vatvā puna taṃ viseseti “sandiṭṭho

---

1. Abhi 2. 365 piṭṭhe.

sambhatto”ti. Diṭṭhamatto hi mitto **sandiṭṭho**. Daḷhabhattiko **sambhatto**. **Sahāyoti** saha āyanako, sakhāti attho. Sattapadino hi “sakhā”ti vuccanti. **Vihāro** pākāraparicchinnō sakalo āvāso. **Aḍḍhayogo** dīghapāsādo, garuḷasaṅṭhānapāsādotipi vadanti. **Pāsādo** caturassapāsādo. **Hammiyaṃ** muṇḍacchadanapāsādo. **Kūḷāgāraṃ** dvīhi kaṇṇikāhi kattabbapāsādo. **Aṭṭo** paṭirājūnampi paṭibāhanayogyo catupañcabhūmako paṭissayaviseso. **Mālo** ekakūṭasaṅgahito anekakoṇavanto paṭissayaviseso. **Uddāṇḍo**<sup>1</sup> agabbhikā ekadvārā dīghasālāti vadanti. Apare pana bhaṇanti—**vihāro** nāma dīghamukhapāsādo. **Aḍḍhayogo** ekapassena chadanakasenāsanam. Tassa kira ekapasse bhitti uccatārā hoti, itarapasse nīcā, tena taṃ ekapassachadanakam hoti. **Pāsādo** āyatacaturassapāsādo. **Hammiyaṃ** muṇḍacchadanam candikaṅgaṇayuttam. **Guhā** kevalā pabbataguhā. **Leṇam** dvārabaddham. **Kūḷāgāraṃ** yo koci kaṇṇikābaddhapāsādo. **Aṭṭo** bahalabhittigeham. Yassa gopānasiyo aggahetvā iṭṭhakāhi eva chadanam hoti. Aṭṭālakākārena karīyatītipi vadanti. **Mālo** vaṭṭākārena katasenāsanam. **Uddāṇḍo** eko paṭissayaviseso. Yo “bhaṇḍasālā, udositan”tipi vuccati. **Upaṭṭhānasālā** sannipatanatṭhānam.

Kucchitarajabhūtāya pāpicchatāya niratthakam  
kāyavacīvipphandaniggaṇhanam korajam, tam etassa atthīti korajiko,  
kohaññena saṃyatakāyo<sup>2</sup>, ativiya, abhiṇham vā korajiko **korajikorajiko**.  
Atiparisankitoti keci. Ativiya kuho **kuhakakuhako**, sātissayavimhāpakoti  
attho. Ativiya lapo lapanako **lapakalapako**. **Mukhasambhāvīkoti**  
korajikorajikādibhāvena pavattavacanehi attano mukhamattena aññehi  
sambhāviko. So evarūpo evarūpatāya eva attānam param viya katvā “**ayam**  
**samaṇo**”ti-ādīni katheti. **Gambhīranti**-ādi tassā kathāya  
uttarimanussadhammapaṭibaddhatāya vuttam.

**Sambhāvanādhippāyakatenā**ti “katham nu kho maṃ jano ‘ariyo’ti vā  
‘visesalābhī’ti vā sambhāveyyā”ti iminā adhippāyena katena. **Gamanam**  
**saṅṭhapetī**ti visesalābhīnam gamanam viya attano gamanam sakkaccam

1. Uṭṭāṇḍo (Syā)

2. Saṃyatakāro (Syā, Ka)

ṭhapeti, sato sampajānava gacchanto viya hoti. **Paṇidhāyāti** “arahāti maṃ jānantū”ti cittaṃ saṅṭhapetvā, patthetvā vā. **Samāhito viyāti** jhānasamādhinā samāhito viya. **Āpāthakajjhāyīti** manussānaṃ āpāthaṭṭhāne samādhisamāpanno viya nisīdanto āpāthake janassa pākaṭaṭṭhāne jhāyī. **Iriyāpathasaṅkhātanti** iriyāpathasaṅṭhapanasaṅkhātānān.

**Paccayapaṭisevanasaṅkhātenāti** ayoniso uppāditānaṃ paccayānaṃ paṭisevananti evaṃ kathitena, tena vā paccayapaṭisevanena saṅkhātabbena kathitabbena. Aññaṃ viya katvā attano samīpe bhaṇanaṃ **sāmantajappitaṃ**, ā-kārassa rassattaṃ katvā **“aṭṭhapanā”**ti vuttaṃ. Kuhaṇaṃ kuho tassa ayanā pavatti **kuhāyanā**, kuhassa vā puggalassa ayanā gati kiriyā **kuhāyanā**. Kuheti, kuhena vā itoti **kuhito** kuhako.

**Putṭhassāti** “ko tisso, ko rājapūjito”ti putṭhassa. **Uddhaṃ katvāti** ukkhipitvā vibhavasampatti-ādinā paggahetvā.

**Unnahanāti** uddhaṃ uddhaṃ bandhanā paliveṭhanā. Dve kira bhikkhū ekaṃ gāmaṃ pavisitvā āsanāsālāya nisīditvā ekaṃ kumārikaṃ pakkosimsu. Tāya āgatāya tatreko ekaṃ pucchi “ayaṃ bhante kassa kumārikā”ti. “Amhākaṃ upaṭṭhāyikāya telakandarikāya dhītā, imissā mātā mayi gehaṃ gate sappiṃ dadamānā ghaṭeneva deti. Ayampi mātā viya ghaṭena deti”ti ukkācesi<sup>1</sup>. Imaṃ sandhāya vuttaṃ **“telakandarikavatthu cettha vattabban”**ti.

**Dhammānurūpā vāti** mattāvacaṇānurūpaṃ vā. Mattāvacaṇaṃ hi “dhammo”ti vuccati. Yathāha “subhāsitaṃ uttamamāhu santo, dhammaṃ bhaṇe nādhammaṃ taṃ dutiyaṃ”ti<sup>2</sup>. Tena bahuṃ vippalapanamāha, saccato vā añña subhāsita vācā “dhammo”ti veditabbo. Muggasūpasadisakamma puggalo muggasūpyo. Tenāha **“ayaṃ puggalo muggasūpyoti vuccati”**ti. Paribhaṭassa kammaṃ pāribhaṭyaṃ, tadeva **pāribhaḍyatā**.

Nimittena caranto, jīvanto vā nimittako, tassa bhāvo **nemittikatā**. Attano icchāya pakāsaṇaṃ **obhāso**. Ko pana

1. Abhi-Ṭṭha 2. 464 piṭṭhe.

2. Saṃ 1. 190; Khu 1. 344 piṭṭhesu.

soti? “Ajja bhikkhūnaṃ paccayā dullabhā jātā”ti-ādikaṃ  
**paccayapaṭisaṃyuttakathā.** Icchitavatthussa samīpe kathanam **sāmantajappā.**

Akkosanabhayenāpi dadeyyāti **dasahi akkosavatthūhi akkosanam.** Tathā **vambhanā**dayo. **Upekkhanā** upāsakānaṃ dāyakādibhāvato bahi chaḍḍanā. **Khipanā**ti khepavacanaṃ. Taṃ pana avahasitvā vacanaṃ hotīti āha “**uppaṇḍanā**”ti. **Pāpanā**ti adāyakattassa, avaṇṇassa vā patiṭṭhāpanam. Paresaṃ piṭṭhimaṃsakhādanasīlo parapiṭṭhimaṃsiko, tassa bhāvo **parapiṭṭhimaṃsikatā.** **Abbhaṅganti** abbhañjanaṃ. **Nipisitvā gandhamaggaṇā viyāti** anippisite alabbhamānassa gandhassa nipisane lābho viya paraguṇe anippisite alabbhamānānaṃ paccayānaṃ nipisanena lābho daṭṭhabboti.

Nikattum appena lābhena bahukaṃ vañcetvā gahetum icchanaṃ nijigīsaṇaṃ, tassa bhāvo **nijigīsanatā.** Tasseva icchanassa pavatti-ākāro, taṃsahajātaṃ vā gavesanakammaṃ.

**Ānganti** hatthapādādi-āṅgāni uddissa pavattaṃ vijjaṃ. **Nimittanti** nimittasatthaṃ. **Uppātanti** ukkāpātadisāḍāha bhūmicālādi-uppātapaṭibaddhavijjaṃ. **Supinanti** supinasatthaṃ. **Lakkhaṇanti** itthipurisānaṃ lakkhaṇajānanasatthaṃ. **Mūsikacchinnanti** vatthādīnaṃ asukabhāge mūsikacchede sati idaṃ nāma phalaṃ hotīti jānanakasatthaṃ. Palāsaggi-ādīsu iminā nāma agginā hute idaṃ nāma hotīti aggivasena homavidhānaṃ **aggihomaṃ.** Iminā nayena **dabbihomaṃ** veditabbaṃ. **Ādi-**saddena thusahomādīnaṃ, aññesañca sutte āgatānaṃ micchājīvānaṃ saṅgaho daṭṭhabbo. Vīriyasāadhanattā ājīvapārisuddhisīlassa “paccayapariyesanavāyāmo”ti vuttaṃ. Tassa **pārisuddhi** anavajjabhāvo, yena dhammena samena paccayaalābho hoti. Na hi alaso ñāyena paccaye pariyesitum sakkotīti.

### Paccayasannissitasīlavaṇṇanā

18. **Paṭisaṅkhāti** ayaṃ “sayam abhiññā”ti-ādīsu<sup>1</sup> viya yakāralopena niddeso. **Yonisoti** cettha upāyattho yonisosaddoti dassento āha “**upāyena pathenā**”ti. “**Paṭisaṅkhāya**

1. Vi 3. 12 piṭṭhe.

**ñatvā**”ti vatvā tayidaṃ paṭisaṅkhānaṃ paccavekkhaṇanti dassetuṃ **“paccavekkhitvāti attho”**ti-ādi vuttaṃ. Yathā hi **paccavekkhitvāti** sītaṭṭhāṭikāṃ taṃ taṃ payojanaṃ pati pati avekkhitvā, ñāṇena passitvāti attho, evaṃ **paṭisaṅkhāyāti** tadeva payojanaṃ pati pati saṅkhāya, jānitvāti attho. Ñāṇapariyāyo hi idha saṅkhā-saddoti. Ettha ca **“paṭisaṅkhā yoniso”**ti-ādi kāmaṃ paccayaparibhogakālena vuccati, dhātuvasena, pana paṭikūlavasena vā paccavekkhaṇāya paccayasannissitasīlaṃ sujhatīti apare. Bhijjatīti keci. Eke pana paṭhamāṃ eva pariyaṭṭanti vadanti, vīmaṃsitabbaṃ. **“Cīvaran”**ti ekavacanaṃ ekattamattaṃ vācakanti adhippāyena **“antaravāsakādīsu yaṃ kiñcī”**ti vuttaṃ, jātisaddatāya pana tassa pālīyaṃ ekavacanaṃ yattakāni cīvarāni yoginā pariharitabbāni, tesāṃ sabbesaṃ ekajjhaṃ gahaṇanti sakkā viññātum, **yaṃ kiñcīti** vā anavasesapariyādānametaṃ, na aniyamavacanaṃ<sup>1</sup>. **“Nivāseti vā pārupati vā”**ti vikappaṇaṃ pana paṭisevanapariyāyassa paribhogassa vibhāgadassananti taṃ paññāpetvā sayana nisīdana cīvarakuṭikaraṇādivasenaṃ pi paribhogassa saṅgaho daṭṭhabbo.

Payojanānaṃ mariyādā payojanāvadhī, tassa paricchindanavasena yo niyamo, tassa vacanaṃ **payojanā -pa- vacanaṃ**. Idāni taṃ niyamaṃ vivaritvā dassetuṃ **“ettakameva hī”**ti-ādi vuttaṃ. Tattha avadhāraṇena līlavibhūsāvilambanānaṭṭambaraṇādivasena vatthaparibhogaṃ nisedheti. Tenāha **“na ito bhīyyo”**ti. Līlavasena hi ekacce sattā vatthāni paridahanti ceva upasaṃviyanti ca<sup>2</sup>. Yathā taṃ yobbane ṭhitā nāgarikamanussā. Ekacce vibhūsanavasena, yathā taṃ rūpūpajīvinī-ādayo. Vilambanavasena vilambakā. Naṭṭamaravasena bhojādayo. **Ajjhattadhātukkhobho** sītarogādi-uppādako. **Utupariṇāmanavasena**ti utuno parivattanavasena visabhāgasīta-utusamuṭṭhānena. **Vā**-saddena hemantādīsu himapātādivasena pavattassa saṅgaho daṭṭhabbo, na uppādeti sītanti adhippāyo. Yadatthaṃ pana taṃ vinodanaṃ, taṃ matthakappatthaṃ dassetuṃ **“sītabbhāhate”**ti-ādi vuttaṃ. **Sabbatthāti** **“uṇhassa paṭṭhāyā”**ti-ādīsu sabbesu sesapayojanesu. Yadi pi sūriyasantāpopi uṇhova, tassa pana ātapaggahaṇena gahitattā

1. Aniyamavacanaṃ (Syā, Ka)

2. Upasañciyanti ca, (Syā), upasaṃvaranti ca upaseviyanti ca (Ka)



“aggisantāpassā”ti vuttaṃ. Ekacco dāvaggisantāpo kāyaṃ cīvarena paṭicchādetvā sakkā vinodetunti āha “**tassa vanadāhādīsu sambhavo vedītabbo**”ti. **Daṃsāti** piṅgalamakkhikā. Te pana yasmā daṃsanasilā, tasmā vuttaṃ “**daṃsanamakkhikā**”ti. **Sappādayoti** sappasatapadi-  
uṇṇanābhisarabūvicchikādayo. **Phuṭṭhasamphassoti** phuṭṭhavisamāha. Tividhā hi sappā daṭṭhavisā phuṭṭhavisā diṭṭhavisā. Tesu purimakā dve eva gahitā. Satapadi-ādīnampi tādisānaṃ saṅgaṇhanattham. **Niyatapayojanaṃ** ekantikaṃ, sabbakālikaṃca payojanaṃ. **Hirī kuppāti** nillajjatā saṅghāti. Tenāha “**vinassati**”ti. Kūpāvataṇaṃ<sup>1</sup> vā paṭicchādanaṃ arahatīti kopinaṃ. Hiriyitabbaṭṭhena hirī ca taṃ kopinañcāti **hirikopinanti** evamettha attho daṭṭhabbo. **Tassa cāti ca-saddo** pubbe vuttapayojanānaṃ sampiṇḍanatto.

**Yaṃ kiñci āhāraṇti** khādanīyabhojanīyādibhedam yaṃ kiñci āharitabbavatthum. Piṇḍāya bhikkhāya ulatīti piṇḍolo, tassa kammaṃ piṇḍolyam. Tena **piṇḍolyena** bhikkhācariyāya. **Patitattāti** pakkhipitattā. **Piṇḍapāto** patte pakkhittabhikkhāhāro. **Piṇḍānaṃ vā pātoti** ghare ghare laddhabhikkhānaṃ sannipāto. “Natthi davā”ti-ādīsu<sup>2</sup> sahasā kiriyāpi “davā”ti vuccati, tato visesanattham “**davattham, kīḷānimittanti vuttaṃ hoti**”ti āha. **Muṭṭhikamallā** muṭṭhiyuddhayujjhanakā. **Ādi-saddena** nibuddhayujjhanakādīnaṃ gahaṇam. **Balamadanimittanti** balaṃ nissāya uppajjanakamado balamado. Taṃ nimittam, balassa uppādanatthanti attho. **Porisamadanimittanti** porisamado vuccati purisamāno “ahaṃ puriso”ti uppajjanakamāno. Asaddhammasevanāsamatthataṃ nissāya pavatto māno, rāgo eva vā porisamadoti keci. Taṃ nimittam. **Antepurikā** rājorodhā. Sabbesaṃ sannivesayogyatāya **vesiyo** rūpūpajjviniyo. **Maṇḍanaṃ** nāma idhāvayavapāripūrīti āha “**aṅgapaccaṅgānaṃ piṇabhāvanimitta**”ti, paribrūhanahetūti attho. **Naṭā** nāma raṅganaṭā. **Naccakā** laṅghakādayo. **Vibhūsaṇam** sobhāsamuppādananti āha “**pasannacchavivaṇṇatānimittan**”ti.

**Etaṃ padaṃ. Mohūpanissa yappahānatthanti** mohassa upanissayatāpahānāya. Davā hi mohena hoti, mohāñca vaḍḍhetīti tassā vajjanena mohassa anupanissayakā. **Dosūpanissayappahānatthanti** idaṃ balamadassa,

1. Kupāpadhāraṇam (Ka)

2. Di-Ṭṭha 3. 176 piṭṭhe.

purisamadassa ca dosahetuno vasena vuttaṃ, itarassa pana vasena “rāgūpanissayappahānatthan”ti vattabbaṃ. Maṇḍanavibhūsanapaṭikkhepo siyā mohūpanissayappahānāyapi, rāgūpanissayatāya pana ujupaṭipakkhoti vuttaṃ “rāgūpanissayappahānatthan”ti. Yadipe ekaccassa davamade ārabba parassa paṭighasaṃyojanādīnaṃ uppatti hotiyeva manopadosikadevādīnaṃ viya, attano pana davamade ārabba yesaṃ savisesaṃ rāgamohamānādayo pāpadhammā uppajanti. Te sandhāya **“attano saṃyojanuppattiṭṭhānatthan”**ti vatvā maṇḍanavibhūsanāni paṭicca asavisesaṃ parassapi rāgamohādayo pavattantīti **“parassapi saṃyojanuppattiṭṭhānatthan”**ti vuttaṃ. **Ayoniso paṭipattiyā**ti ettha kāmasukhallikānuyogaṃ muñcitvā sabbāpi micchāpaṭipatti ayoniso paṭipatti. Purimehi dvīhi padehi ayoniso paṭipattiyā, pacchimehi dvīhi kāmasukhallikānuyogassa pahānaṃ vuttanti vadanti. **“Catūhipi cetehi”**ti pana vacanato sabbehi ubhinnampi pahānaṃ vuttanti veditabbaṃ. Kāmakīḷāpi davantogadhā<sup>1</sup> hotiyeva, purisamadopi kāmasukhallikānuyogassa hetuyevāti.

**Cātumahābhūtikassā**ti catumahābhūte sannissitassa. **Rūpakāyassā**ti catusantatirūpasamūhassa. **Ṭhitiyā**ti ṭhitattaṃ. Sā panassa ṭhiti pabandhavasena icchitāti āha **“pabandhaṭṭhitatthan”**ti. **Pavattiyā**ti jīvitindriyappavattiyā. Tathā hi jīvitindriyaṃ “yāpanā vattanā”ti<sup>2</sup> ca niddiṭṭhaṃ. Tassā ca avicchedo āhārūpayogena hoti. Kāyassa ciratarāṃ yāva āyukappo, tāva avatthānaṃ yāpanāti dassento **“cirakālatṭhitatthanā vā”**ti-āha. Idāni vuttamevatthaṃ pākaṭatarāṃ kātum **“gharūpatthambhamivā”**ti-ādi vuttaṃ. Tatthāyaṃ yojanā—yathā jīṇṇagharasāmiko gharassa upatthambhanaṃ karoti tassa apatanatthaṃ, yathā ca sākaṭiko akkhabbhañjanaṃ karoti tassa sampavattanatthaṃ evamesa yogī kāyassa ṭhitatthaṃ, yāpanatthaṃca piṇḍapātaṃ paṭisevati paribhuñjatīti. Etena ṭhiti nāma apatanaṃ yāpanā pavattīti dasseti. **Na davamadamaṇḍanavibhūsanatthanti** idam “yāva devā”ti avadhāraṇena nivattitattadassanaṃ. Tiṭṭhanti upādinnadhammā etāyāti **ṭhiti**, āyūti āha **“ṭhitīti jīvitindriyassetam adhivacanan”**ti. Tathā hi tam āyu “ṭhitī”ti niddiṭṭhaṃ, **ṭhitiyā yāpanāyāti**

1. Tadantogadhā (Ka)

2. Abhi 1. 20, 168 piṭṭhesu.

kāyassa ṭhitihetutāya “ṭhiti”ti laddhavohārassa jīvitindriyassa pavattanatthanti attho. Tenāha “**jīvitindriyapavattāpanatthan**”ti. **Ābādhatthenā**ti vibādhanatthena, rogaṭthena vā. Jighacchāparamā hi rogā. **Uparamatthanti** vūpasamattham. **Vañālepanamiva** vaṇiko. Uṇhasitādīsu abhibhavantesu tappaṭikāraṃ sītuṇham viya paṭisevatīti sambandho. Maggabrahmacariyaṃ ṭhapetvā sikkhattayasaṅgahā sāsanaṅvacaritabbā anusāsanaṃ sāsanaṅbrahmacariyanti āha “**sakalasāsanabrahmacariyassa ca maggabrahmacariyassa cā**”ti. **Anuggahaṇatthanti** anu anu gaṇhanattham sampādanattham. **Kāyabalaṃ nissāyā**ti yathāsamāraddham guṇavisesapāripūrihetubhūtam kāyabalamattam nissāya. Tenāha “**sikkhattayānuyogavasena**”ti-ādi. Kantāranittharaṇatthikā jāyampatikā, **nadīsamuddanittharaṇatthikā** ca puttamaṃsādīni yathā agiddhā amucchitā kevalam tam tam atthasiddhimeva avekkhantā paṭisevanti tehi vinā asijjhanato evamayampi kevalam bhavakantāranittharaṇatthiko agiddho amucchito tena vinā asijjhanato piṇḍapātam paṭisevatīti upamāsaṃsandanam.

**Itīti** pakāratthe nipātapadam. Tena paṭiseviyamānassa piṇḍapātassa paṭisevanākāro gayhatīti āha “**evam iminā piṇḍapātapāṭisevanenā**”ti. **Purāṇanti** bhojanato purimakālikattā purātanam. **Paṭihanākhāmīti** paṭihanissāmi. **Navañca vedanam na uppādessāmīti** paṭisevatīti yojanā. Kīdisam, kathañcāti āha “**aparimita -pa- aññataro viyā**”ti. Aparimitam aparimāṇam bhojanam paccayo etissāti aparimitabhojanapaccayā, tam **aparimitabhojanapaccayam** attano gahaṇītejapamāṇato atikkantapamāṇabhojanahetukanti attho. Yo bahum bhuñjitvā attano dhammatāya uṭṭhātuṃ asakkonto “āhara hatthan”ti vadati, ayam **āharahatthako**. Yo bhuñjitvā accuddhumātakucchitāya uṭṭhitopi sātakaṃ nivāsetum na sakkoti, ayam **alaṃsātako**. Yo bhuñjitvā uṭṭhātuṃ asakkonto tattheva parivattati, ayam **tatravaṭṭako**. Yo yathā kākehi āmasitum sakkā, evam yāva mukhadvāram āhāreti, ayam **kākamāsako**. Yo bhuñjitvā mukhe sandhāretum asakkonto tattheva vamaṃti, ayam **bhuttavamitako**. Etesam aññataro viya. Atha vā **purāṇavedanā** nāma abhuttapaccayā uppajjanakavedanā. Tam

“paṭihanissāmī”ti paṭisevati. **Navavedanā** nāma atibhuttapaccayena uppajjanakavedanā. Tam “na uppādessāmī”ti paṭisevati. Atha vā **navavedanā** nāma abhuttapaccayena uppajjanakavedanā, tassā anuppannāya anuppajjanatthameva paṭisevati. Abhuttapaccayā uppajjanakāti cetam khuddāya visesanam. Yassā appavatti bhojanena kātabbā, tassā dassanattham. Abhuttapaccayena bhuttapaccayena ca uppajjanakānuppajjanakavedanāsu purimā yathāpavattā jighacchānimittā vedanā. Sā hi abhuñjantassa bhīyopavaḍḍhanavasena uppajjati. Pacchimāpi khuddānimittāva aṅgadāhasūlādivedanā pavattā. Sā hi bhuttapaccayā pubbe anuppannāva nuppajjissatīti ayametāsam viseso. Vihimsānimittatā cetāsam vihimsāya viseso.

**Yā** vedanā. **Adhunā**ti etarahi. **Asappāyāparimitabhojanam nissāyā**ti asappāyā parimitassa āhārassa bhuñjanapayogam āgamma uppajjati attho. **Purāṇakammappaccayavasenā**ti pubbe purimajātiyam katattā purāṇassa kammassa paccayatāvasena payogavipattim āgamma uppajjanārahatāya tam<sup>1</sup> vajjetvā payogasampattiyā upaṭṭhāpanam dukkhavedanāpaccayaghāto paṭihananañca hotīti āha “**tassā paccayam vināsento tam purāṇañca vedanam paṭihaṅkhāmī**”ti. **Ayuttaparibhogo** paccaye apaccavekkhitvā paribhogo. So eva katūpacitakammātāya **kammūpacayo**. Tam **nissāya** paṭicca **āyatim** anāgate kāle uppajjanato yā cāyam “navavedanā”ti vuccatīti yojanā. **Yuttaparibhogavasenā**ti paccavekkhitvā paccayānam paribhogavasena, tassā navavedanāya mūlam ayuttaparibhogakammam anibbattento sabbena sabbam anuppādento. **Ettāvatā**ti “iti purāṇam”ti-ādinā vuttena padadvayena. “Vihimsūparatīyā”ti-ādinā vā padacatukkena **yuttaparibhogasaṅgaho** pabbajitānucchavikassa paccayaparibho gassa vuttatā. **Attakilamathānuযোগাপাহানাম** jighacchādidukkhapaṭighātassa bhāsītattā. Jhānasukhādīnam paccayabhūtassa kāyasukhassa avissajjanato **dhammikasukhāpariccāgo** ca dīpito hoti.

Asappāyāparimitūpayogena<sup>2</sup> jīvitindriyupaccedako, iriyāpathabhañjanako vā siyā parissayo, sappāyāparimitūpayogena pana so na hoti. Tathā sati cirakālavattisaṅkhātā sarīrassa

1. Uppajjanarahā yā, tam (Syā, Ka)

2. Asappāyāparimitaparibhogena (Ka)

**yātrā** yāpanā bhavissatīti imamattham dassento “**parimitaparibhogena -pa-bhavissatī**”ti āha. Yo rogo sādḍho asādḍho ca<sup>1</sup> na hoti, so yāpyarogo, so etassa atthīti **yāpyarogī**. So hi niccakālam bhesajjam upasevati, tathā ayampīti. Yadi yātrāpi yāpanā, pubbepi “yāpanāyā”ti vuttam, ko ettha visesoti? Pubbe “yāpanāyā”ti jīvitindriyayāpanā adhippetā, idha pana catunnampi iriyāpathānam avicchedasaṅkhātā yāpanā yātrāti ayamettha viseso. Buddhapaṭikuṭṭhena micchājīvena paccayapariyesanā **ayuttapariyesanā**. Deyakadeyyadhammānam, attano ca pamāṇam ajānitvā paṭiggahaṇam, saddhādeyyavinipātanattham vā paṭiggahaṇam **ayuttapaṭiggahaṇam**, yena vā āpattim āpajjati. Apaccavekkhitvā paribhogō **ayuttaparibhogo**. Tesam parivajjanam dhammena samena paccayuppādanādivasena veditabham. Dhammena hi paccaye pariyesitvā dhammena paṭiggahetvā paccavekkhitvā paribhuñjanam **anavajjatā** nāma.

**Aratī**ti ukkaṅṭhā. Pantasenāsanesu, adhikusaladhammesu ca anabhirati. **Tandī**ti pacalāyikā niddā. **Vijambhitā**ti thinamiddhābhībhavena kāyassa vijambhanā. Viññūhi garahā **viññūgarahā**. Ekacco hi anavajjamyeva sāvajjam karoti, “laddhamme”ti pamāṇādḍhikam bhuñjitvā tam jīrāpetum asakkonto uddhamvirecana-adhovirecanādīhi kilamati, sakalavihāre bhikkhū tassa sarīrapaṭijagganabhesajjapariyesanāpasutā honti. Aññe te “kim idan”ti pucchitvā “asukassa udaram uddhumātan”ti-ādīni sutvā “niccakālamesa evampakatiko attano kucchipamāṇam nāma na jānātī”ti nindanti, evam anavajjamyeva sāvajjam karoti. Evam akatvā “anavajjatā ca bhavissatī”ti paṭisevati. attano hi pakati-aggibalādīm jānitvā “evam me arati-ādīnam abhāvena kāyasukhatā, agarahitabbatā ca bhavissatī”ti pamāṇayuttameva paṭisevati. Yāvatako bhojanena attho, tassa sādhanena yāvadattham udarassa paripūraṇena udarāvadehakam bhojanam **yāvadattha-udarāvadehakabhojanam**, tassa **parivajjanena**. Seyyāya sayanena laddhabbasukham seyyasukham, ubhohi

---

1. Sādhyo asādheyyo ca (Syā), yāpyo ayāpyo ca (Ka)

passahi samparivattanakaṃ sayantassa uppajjanasukhaṃ passasukhaṃ, middhena niddāyanena uppajjanasukhaṃ middhasukhaṃ, tesam̐ **seyya -pasukhānaṃ pahānato** catunnaṃ iriyāpathānaṃ योग्यabhāvassa paṭipādanaṃ kāyassa **catu-iriyāpathayogyabhāvapaṭipādanaṃ**, tato. Sukho iriyāpathavihāro **phāsuvihāro**. Pacchime vikappe, sabbavikappesu vā vuttaṃ phāsuvihāralakkhaṇaṃ āgamena samatthetum̐ “**vuttampi hetan**”ti-ādi vuttaṃ. Tisupi vikappesu āhārassa ūnāparibhogavaseneva hi phāsuvihāro vuttoti.

**Ettāvatāti** “yātrā”ti-ādinā vuttana padattayena. “Yātrā ca me bhavissatī”ti payojanapariggahadīpanā. Yātrā hi naṃ āhārūpayogaṃ payojetīti. Dhammikasukhāpariccāgahetuko phāsuvihāro **majjhimā paṭipadā** antadvayaparivajjanato. Imasmim̐ pana ṭhāne aṭṭha aṅgāni samodhānetabbāni—“neva davāyā”ti ekaṃ aṅgaṃ, “na madāyā”ti ekaṃ, “na maṇḍanāyā”ti ekaṃ, “na vibhūsanāyā”ti ekaṃ, “yāvadeva imassa kāyassa ṭhitiyā yāpanāyā”ti ekaṃ, “vihimsūparatiyā brahmacariyānuggahāyā”ti ekaṃ, “iti purāṇaṇca vedanaṃ paṭihaṅkhāmi, navaṇca vedanaṃ na uppādessāmī”ti ekaṃ, “yātrā ca me bhavissatī”ti ekaṃ, “anavajjatā ca phāsuvihāro cā”ti ayamettha bhojanānisaṃso. **Mahāsivatto** panāha “heṭṭhā cattāri aṅgāni paṭikkhepo nāma, uparipana aṭṭhaṅgāni samodhānetabbāni”ti. Tatha “yāvadeva imassa kāyassa ṭhitiyā”ti ekaṃ aṅgaṃ, “yāpanāyā”ti ekaṃ, “vihimsūparatiyā”ti ekaṃ, “brahmacariyānuggahāyā”ti ekaṃ, “iti purāṇaṇca vedanaṃ paṭihaṅkhāmi”ti ekaṃ, “navaṇca vedanaṃ na uppādessāmī”ti ekaṃ, “yātrā ca me bhavissatī”ti ekaṃ, “anavajjatā cā”ti ekaṃ. Phāsuvihāro pana bhojanānisaṃsoti. Evaṃ aṭṭhaṅgasamannāgataṃ āhāraṃ āhārento paṭisaṅkhā yoniso piṇḍapātaṃ paṭisevati nāma.

**Yattha yatthāti** bhummaniddesena **sena-saddassa** adhikaraṇatthavuttimāha. Tathā **āsana-saddassāti**. **Aḍḍhayogādihmīti ādi-**saddena pāsādādīm̐, mañcādiṇca saṅgaṇhāti. Yattha yattha vihāre vā aḍḍhayogādihmi vā āsatīti vihāra-aḍḍhayogādike ānetvā sambandhitabbaṃ. Idha **ādi-saddena** pīṭhasanthatādīnampi saṅgaho veditabbo. **Parisahanatthenāti** abhibhavanaṭṭhena, vibādhanatthenāti attho. **Utuyeva utuparissayoti**

sītuṇhādi-utuyeva asappāyo vuttanayena utuparissayo. Tassa utuparissayassa vinodanattamā, anuppanassa anuppādanattamā, uppanassa vūpasamanatthañcāti attho. Nānārammaṇato paṭisamharitvā kammaṭṭhānabhūte ekasmiṃ yeva ārammaṇe cittassa sammadeva layanam paṭisallānam, tattha ārāmo abhirati **paṭisallānārāmo**, tadattamā. Senāsanaṃ hi vivittam yogino bhāvanānukūlam suññāgārabhāvato. Tam panetaṃ atthadvayaṃ vibhāvetum “**yo sarirābādhacittavikkhepakaro**”ti-ādi vuttam. Tattha **ekībhāvasukhatthanti** ekībhāvahetukam sukham ekībhāvasukham, tadattamā. Gaṇasaṅgaṇikakilesasaṅgaṇikābhāvena uppajjanakasukham.

Yadi utuyeva utuparissayo, “utu ca sītuṇhan”ti sītuṇhapaṭighātam vatvā utuparissayavinodanam kasmā vuttanti codanam sandhāyāha “**kāmañcā**”ti-ādi. Tattha “niyatam utuparissayavinodanam”ti etena “sītassa paṭighātāya uṇhassa paṭighātāyā”ti ettha vuttam sītuṇham aniyatam kadāci kadāci uppajjanakam, utuparissayo pana **sabbadābhāvī** adhippetoti dasseti. **Vuttappakāroti** “sīlādiko, asappāyo”ti ca evam vuttappakāro vivaṭaṅgaṇarukkhamulādīsu nisinnassa apariguttiyā asaṃvutadvārādītāya **pākaṭaparissayā**, asappāyarūpadassanādinā **apākaṭaparissayā** ca bhikkhussa kāyacittānam **ābādham** kareyyum. **Yattha** gutte senāsane **ābādham na karonti**. **Evam jānitvāti** ubhayaparissayarahitanti evam ñatvā paṭisevanto bhikkhu veditabboti sambandho.

Dhātukkubhalakkhaṇassa, tamhetukadukkhavedanālakkhaṇassa vā rogassa paṭipakkhabhāvo **paṭi-ayanaṭṭho**. Tenāha “**paccanīkagamaṇaṭṭhenāti attho**”ti, vūpasamaṇaṭṭhenāti vuttam hoti. **Yassa kassacīti** sappi-ādīsu yassa kassaci. **Sappāyassāti** hi tassa vikāravūpasamenāti adhippāyo. **Bhisakkassa kammaṃ** tena vidhātābato. Tenāha “**tena anuññātattā**”ti. **Nagaraparikkhārehīti** nagaram parivāretvā rakkhaṇakehi. Vivaṭaparikkhepo<sup>1</sup> parikkhā uḍḍāpo pākāro esikā paligho pākārapatthaṇḍilanti satta “nagaraparikkhārā”ti vadanti. **Sīlaparikkhāroti**<sup>2</sup>

1. Kavāṭaparikkhepo (Sī), taṭa-uparikkhepo (Syā)

2. Setaparikkhāro (Syā, Ka)

suvisuddhasīlāṅkāro. Ariyamaggo hi idha “ratho”ti adhippeto. Tassa ca sammāvācādayo alaṅkāraṭṭhena “parikkhāro”ti vuttā. **Jīvitaparikkhārā**ti jīvitassa pavattikāraṇāni. **Samudānetabbā**ti sammā uddham uddham ānetabbā pariyesitabbā. **Parivāropi hoti** antarāyānaṃ parito vāraṇato. Tenāha “**jīvita -pa- rakkhaṇato**”ti.

Tattha **antaranti** vivaraṃ, okāsoti attho. Verikānaṃ antaraṃ adatvā attano sāmikānaṃ parivāretvā ṭhitasevakā viya **rakkhaṇato**. **Assāti** jīvitassa. **Kāraṇabhāvato**ti cirappavattiyā kāraṇabhāvato. Rasāyanabhūtaṃ hi bhesajjaṃ sucirampi kālaṃ jīvitaṃ pavattetiyeva. Yadiipi anuppannā eva dukkhavedanā bhesajjaparibhogena paṭihaññanti na uppannā tāsaṃ saraseneva bhijjanato, uppannasadisā pana “uppannā”ti vuccanti. Bhavati hi taṃsadesesu tabbohāro, yathā sā eva tittiri, tāniyeva osadhānīti. Tasmā vuttaṃ “**uppānnānanti jātānaṃ bhūtānaṃ nibbattānaṃ**”ti. Sañcayato paṭṭhāya so dhātukkubho samuṭṭhānaṃ etesanti **taṃsamuṭṭhānā**. “**Dukkhavedanā**”ti vatvā sā akusalasabhāvāpi atthīti tato visesetum “**akusalavipākavedanā**”ti vuttaṃ. Byābādhanatthena byābādho, byābādhova byāpajjhaṃ, dukkhanti attho. Natthi ettha byābajjhanti **abyābajjhaṃ**, niddukkhatā. Tenāha “**abyābajjhaparamatāyā**”ti **niddukkhaparamatāyā**ti. **Taṃ dukkhanti** roganimittaṃ dukkhaṃ.

Cīvarādīnaṃ paccayānaṃ nissayanaṃ paribhogo evāti dassetum “**te paṭicca nissayā**”ti vatvā “**paribhuñjamānā**”ti vuttaṃ. **Pavattantīti** jīvanti, jīvanampi hi pavattanaṃ<sup>1</sup>, yato jīvitindriyaṃ “pavattanarasaṃ”ti vuccati.

### Catupārisuddhisampādanavidhivaṇṇanā

19. Evaṃ pātimokkhasaṃvarādibhedena niddiṭṭhaṃ sīlaṃ puna sādhanavibhāgena dassetum “**evametasmaṃ**”ti-ādimāradham. Tattha sādhiyati sampādiyati etenāti sādhanam, saddhā sādhanam etassāti **saddhāsādhano**. Nanu ca vīriyasatipaññāhipi vinā pātimokkhasaṃvaro na sijjhatīti? Saccam na sijjhati, saddhāya pana visesahetubhāvaṃ sandhāya evaṃ vuttanti dassento āha

---

1. Jīvanam pavattanam (Si, Syā), jīvanampi pavattanam (Ka)



“sāvaka-visayātītattā sikkhāpadapaññattiyā”ti. Garukalahukādibhede otiṇṇe vatthusmiṃ tassa tassa aparādhassa anurūpaṃ sikkhāpadapaññāpanaṃ nāma sāvakānaṃ avisayo, buddhānaṃ eva visayo. Sikkhāpadapaññāpanaṃ tāva tiṭṭhatu, tassa kālopi nāma sāvakānaṃ avisayo, buddhānaṃ eva visayoti dassento “sikkhāpadapaññattiyācanapaṭikkhepo cetha nidassanan”ti āha. Tathā hi vuttam “āgamehi tvaṃ sārīputta, āgamehi tvaṃ sārīputta, tathāgatova tattha kālaṃ jānissatī”ti<sup>1</sup>. Tattha ca-saddo samucchayattho. Tena “apaññattaṃ na paññapema, paññattaṃ na samucchindāma, yathāpaññattesu sikkhāpadesu samādāya vattāmā”ti<sup>2</sup> evamādīnaṃ saṅgaho daṭṭhabbo. **Saddhāyāti** saddahanena<sup>3</sup> satthari, dhamme ca saddhāya paccupaṭṭhāpanena<sup>4</sup>. **Jīvitepi** pageva jīvitaparikkhāreti adhippāyo.

**Kikīva aṇḍanti** kikīsakuṇikā viya attano aṇḍaṃ. Sā kira jīvitampi pariccajivā aṇḍameva rakkhati. **Camarīva vāladhinti** camarīmigo viya<sup>5</sup> attano vāladhiṃ. Camarīmigā kira byādhena paripāṭiyamānā jīvitampi pariccajivā kaṇḍakagumbadīsu laggāṃ attano vālameva rakkhanti. **Piyāṃva puttāṃ ekakanti** ānetvā sambandhitabbaṃ. Yathā hi ekaputtako kuṭumbiko taṃ ekaputtāṃ, ekanayano ca<sup>6</sup> taṃ ekanayanaṃ suṭṭhutaṃ rakkhati. **Tatheva sīlaṃ anurakkhamānakāti** anukampanavasena vuttāṃ. **Supesalāti** suṭṭhu piyasīlā. **Sadāsabbakālaṃ** daharamajjhimatherakālesu. Channampi gāravānaṃ vasena **sagāravā**, garukāravantoti attho.

**Evameva khoti** yathā mahāsamuddo ṭhitadhammo velaṃ nātikkamati, evameva. **Mama sāvakāti** ariyasāvake sandhāyāha. Te hi dhuvasīlā. **Imasmīṃ attheti** jīvitahetupi sīlassa avītikkamane.

**Mahāvattani-aṭavī** nāma viñjhāṭavī. Himavantapasse aṭavīti keci. **Theranti** nāmagottavasena apaññātaṃ ekaṃ **theraṃ**. **Nipajjāpesuṃ** gantvā kassaci mā āroceyyāti.

1. Vi 1. 10 piṭṭhe.

2. Vi 1. 337 piṭṭhe.

3. Saddāgahanena (Ka)

4. Paccupaṭṭhānena (Ka)

5. Migī viya (Sī)

6. Ekanayanova (Syā)

**Pūtilatāyāti** gaḷocilatāya. **Samasīsīti** jīvitasamasīsī. Yassa hi kelesasīsaṃ avijjāṃ maggapaṭipāṭiyā arahattamaggo pariyādiyati, tato ekūnavāsatiṃ paccavekkhaṇaññāṇe paṭiṭṭhāya bhavaṅgottaraṇe vaṭṭasīsaṃ jīvitindriyaṃ cuticcitaṃ pariyādiyati, so imāya vārasamatāya “jīvitasamasīsī”ti vuccati. So ca thero tathā parinibbāyi. Tena vuttaṃ “**samasīsī hutvā parinibbāyi**”ti. **Abhayatthero** kiramahābhīṇṇo. Tasmā cetiyaṃ kārapesīti vadanti. **Appevāti** appeva nāma attano jīvitampi jaheyya, **na bhindetī** na bhindeyya, na vītikkameyya.

**Sahiyā adhiṭṭhitānanti** pageva upaṭṭhitāya satiyā ārakkhavasena adhiṭṭhitānaṃ indriyaṇaṃ. **Ananvāssavanīyatoti** dvārabhāvena abhijjhādīhi ananubandhitabbato. **Varanti** seṭṭhaṃ. **Tattāyāti** uṇhāya<sup>1</sup>. **Ādittāyāti** ādito paṭṭhāya dittāya. **Sampajjalitāyāti** samantato jalantiyā. **Sajotibhūtāyāti** ekajālībhūtāya. **Sampalimaṭṭhanti** sabbaso āmaṭṭhaṃ, aṅcīnti attho. **Na tveva varanti** ānetvā sambandhitabbaṃ. **Rūpesūti** rūpārammaṇesu. **Anubyañjanaso nimittaggāhoti** kilesānaṃ anu anu byañjanavasena uppādanena pākaṭīkaraṇavasena<sup>2</sup> subhādinimittaggāho, atha vā **anubyañjanasoti** hatthapādādi-anubyañjanato, **nimittaggāhoti** itthipurisādisubhādinimittaggahaṇaṃ. **Cakkhudvārādipavattassāti** cakkhudvārādīhi pavattassa. **Viññāṇassāti** javanaviññāṇassa. Nimittādiggāhaṃ nisedhentena sampādetabboti sambandho. **Asaṃvihitasākhāparivāraṇti** sammā avihitavatiparikkhepaṃ. **Parassa hārītīti** parasantakāvahārakehi corehi. **Samativijjhatīti** sabbaso ativijjhāti anupavisati.

**Rūpesūti** rūpahetu rūpanimittaṃ. Uppajjanaka-anatthato **rakkha indriyaṇti** sambandho. Evaṃ sesesu. **Ete hi dvārāti** ete cakkhādīdvārā. Satikavāṇena asaṃvutattā **vivaṭā**. Tato eva **arakkhitā**. Kilesuppattiyāhetubhāvena taṃsamaṅginaṃ **hanantīti** kāraṇūpacāreṇeva vuttaṃ. **Ete** vā rūpādayo. Kilesānaṃ ārammaṇabhūtā dvārā cakkhādīdvārā<sup>3</sup>. Te kīdisā vivaṭā arakkhitā asaṃvutacakkhādīhetuṃ taṃsamaṅginaṃ hanantīti kāraṇūpacāreṇeva vuttaṃ. **Agāraṇti** gehaṃ. **Ducchannanti** na sammā chāditaṃ. **Abhāvanti** lokuttarabhāvanārahitaṃ.

1. Daḍḍhāya (Ka)

2. Pākaṭa (Syā, Ka)

3. Dvārato (Syā, Ka)

**Sampāditeti**-ādissa vodāna<sup>1</sup> pakkhassa attho vuttavipariyāyena veditabbo. **Ayaṃ pana** sabbaso kilesānaṃ anuppādo **ati-ukkaṭṭhadesanā** maggenāgatasadisattā. **Sampādetabboti** “na punevaṃ karissan”ti adhiṭṭhānasuddhiyā sampādetabbo.

**Adhunāpabbajitenāti** na cirapabbajitena, navapabbajitenāti attho. **Kāmarāgena ḍayhāmīti** kāmarāgagginā pariḍayyāmi. So ca pana dāho idāni cittagatoti dassento āha “**cittaṃ me pariḍayhatī**”ti. **Sādhūti** āyācanā. **Nibbāpananti** tassa nibbāpanupāyaṃ. **Gotamāti** therāṃ gottena ālapati.

**Saññāya vipariyesāti** “asubhe subhan”ti pavattasaññāvipariyesahetu viparītasaññānimittā. **Nimittāṃ parivajjehi** kīdisaṃ? **Rāgūpasāñhitāṃ** rāgupattihetubhūtaṃ subhanimittāṃ parivajjehi na manasi karohi. Na kevalaṃ subhanimittassāmanasikāro eva, atha kho **asubhabhāvanāya** attano **cittaṃ bhāvehi**. Kathaṃ? **Ekaggaṃ susamāhitaṃ** yathā taṃ asubhārammaṇe vikkhepābhāgena ekaggaṃ, suṭṭhu appitabhāvena susamāhitañca hoti, evaṃ bhāvehīti. Evaṃ samathabhāvanāya kāmarāgassa vikkhambhanaṃ dassetvā idāni samucchedanavidhiṃ dassetuṃ “**saṅkhāre**”ti-ādi vuttaṃ. Tattha **saṅkhāre parato passāti** sabbepi saṅkhāre avidheyakatāya “pare”ti passa. Aniccatāya pana udayabbayaapaṭipīlitattā **dukkhato**, anattasabhāvattā, attavirahato ca **no attato** passa. Evaṃ lakkhaṇattayaṃ āropetvā vipassanaṃ vadḍhento maggapaṭipāṭiyā catutthamaggena sabbaso **nibbāpehi mahārāgaṃ** tebhūmakassa abhibhavanato mahāvisayatāya mahārāgaṃ vūpasamehi. Yathā etarahi, evaṃ **mā ḍayhittho punappunanti** dalhataraṃ rāgavinodane niyojesi.

Evaṃ indriyaśaṃvarasīlassa sampādane vidhiṃ dassetvā evaṃ taṃ susampāditaṃ hotīti nayaṃ dassetuṃ “**apicā**”ti-ādinā tattha paripūrakārino there nidasseti. Tattha “**leṇaṃ na ullokitapubban**”ti idaṃ sabbattheva therassa yugamattadassitāya vuttaṃ. Kiṃ pana thero senāsanāṃ na

---

1. Ādivodāna (Sī, Syā)

sodheti? “Ullokā paṭhamam ohāretabban”ti hi vuttam, antevāsikādayo eva kirassa senāsanam sodhenti. **Assa** nāgarukkhasa.

**Tasmim gāmeti** mahāgāme. Taruṇā thañṇapivanakā puttadhītarō yāsam tā **taruṇaputtā**, tāsam. **Lañjāpesīti** thanapaṭṭikāya thane bandhāpetvā rājamuddikāya lañjāpesi. Rājā theram cirataram daṭṭhum kālavikkhepam karonto “sve sīlāni gaṇhissāmī”ti āha. Thero rañño<sup>1</sup> ca deviyā ca vandanakāle sattākāramattam gaṇhāti. Itthī purisoti pana **vivekam** na karoti. Tenāha “**vavatthānam na karomī**”ti. “Aho suparisuddhasīlo vatāyam ayyo”ti daṇḍadīpikam gahetvā aṭṭhāsi. **Atiparisuddham pākaṭanti** sappāyalābhena kammaṭṭhānam ativiya parisuddham vibhūtam ahosi. **Sakalam pabbatam unnādayantoti** pathavikampanena sakalam pabbatam ekam ninnādam karonto. Tannivāsīdevatānam sādhu-kāradānenāti keci. **Bhantoti** anavaṭṭhito. **Bāloti** taruṇadārako. **Utrastoti** ñṇātakehi vinābhāvena santrasto.

**Visagaṇḍakarogoti** thanakandaḷarogamāha. Māsarogādīkopi<sup>2</sup> visagaṇḍakarogoti vadanti. **Yato pabbajito, tato paṭṭhāya** pabbajitakālato pabbhutīti attho. **Indriyānīti** indriyasamvarasīlāni. Tesu hi bhinnesu indriyānīpi bhinnānīti vuccanti ārakkhābhāvato, indriyāneva vā nimittānubyañjanaggāhassa dvārabhūtāni bhinnāni nāma taṃsamaṅgino anattahuppattito, vipariyāyato abhinnānīti veditabbāni. Indriyānam vā ayoniso upasamhāro bhedanam, yoniso upasamhāro abhedananti apare. **Mittattherovāti** Mahāmittatthero viya. **Vareti** seṭṭhe.

**Tathā vīriyenāti tathā**-saddena vīriyam viseseti. Yathā sati anavajjalakkhaṇāva indriyasamvarasādhanam, tathā vīriyam anavajjalakkhaṇam ājīvapārisuddhisādhananti. Vīriyāpekkhameva visesanam daṭṭhabbam. Tenevāha “**sammā-āraddhavīriyassā**”ti. Ayuttā esanā anesanā. Yathāvuttamicchājīvasaṅgahā<sup>3</sup>. Sā eva satthusāsanassa na patirūpāti appatirūpam, tam **anesanam appatirūpam**. Atha vā patirūpavirodhinī appatirūpā.

---

1. Rañṇe (Sī)

2. Pāparogādīko (Sī)

3. ...sabhāvā (Sī)

Pariggahitadhutaṅgassa dhutaṅganiyamavirodhinī yassa kassaci sallekhavikopinī paṭipatti. Imasmim pakkhe ca-saddo luttaniddiṭṭho, anesanaṃ, appatirūpaṅca pahāyāti. Paṭisevamānena parivaḷḷayātā sampādetabbāti sambandho. “Parisuddhuppāde”ti imināva dhammadesanādīnaṃ parisuddhāya samuṭṭhānatā dīpitā hotīti “**dhammadesanādīhi cassa guṇehi pasannānan**”ti vuttaṃ. **Ādi**-saddena bāhusaccavattaparipūraṇa-iriyāpathasampatti-ādīnaṃ gahaṇaṃ veditabbaṃ. **Dhutaguṇe cassa pasannānanti** etthāpi eseva nayo. **Piṇḍapātacariyādīhīti ādi**-saddena mittasuhajjapaṃsukūlacariyādīnaṃ saṅgaho daṭṭhabbo. **Dhutaṅganiyamānulomenāti** taṃtaṃdhutaṅganiyatāya<sup>1</sup> paṭipattiyā anulomavasena, avikopanavasenāti attho. Mahicchasseva micchājīvena jīvikā, na appicchassa. Appicchatāya ukkaṃsagatāya micchājīvassa asambhavo evāti dassetuṃ “**ekabyādhivūpasamatthan**”ti-ādi vuttaṃ. Tatha **pūtiharitakīti** pūtimuttaparibhāvitaṃ, pūtibhāvena vā chaḍḍitaṃ haritakaṃ. Ariyavaṃso etassa atthīti, ariyavaṃse vā niyuttoti ariyavaṃsiko, paccayagedhassa dūrasamussāritatā uttamo ca so ariyavaṃsiko cāti **uttama-ariyavaṃsiko**. **Yassa kassacīti** pariggahitāpariggahitadhutaṅgesu yassa kassaci.

**Nimittam** nāma paccaye uddissa yathā adhippāyo ñāyati evaṃ nimittakammaṃ. **Obhāso** nāma ujukameva akathetvā yathā adhippāyo vibhūto hoti, evaṃ obhāsaṃ. **Parikathā** nāma pariyāyena kathanam. **Tathā uppannanti** nimittādivasena uppannaṃ.

**Dvāraṃ dinnanti** rogasīsenā paribhogassa dvāraṃ dinnam. Tasmā arogakālepi paribhuñjituṃ vaṭṭati, āpatti na hotīti attho. Teneha “**kiñcāpi āpatti na hotīti**”ti-ādi. **Na vaṭṭatīti** sallekhapaṭipattiyam ṭhitassa na vaṭṭati, sallekham kopetīti adhippāyo. “Ājīvaṃ pana kopetī”ti imināva senāsanapaṭisaṃyuttadhutaṅgadharassa nimittādayo na vaṭṭanti vadanti. Tadaññadhutaṅgadharassāpi na vaṭṭantiyevāti apare. **Akarontoti** yathāsakaṃ anuññātavisaṃyepi akaronto. **Aññatrevāti** ṭhapetvā eva.

---

1. Taṃdhtaṅganiyamitāya (Syā)

Gaṇavāsaṃ pahāya araṇṇāyatane paṭippassaddhivivekassa muddhabhūtāya aggaphalasaṃpattiyā viharanto mahāthero “**pavivekaṃ brūhayamā no**”ti vutto. Udarasannissito vātābādho **udaravātābādho**. Asambhinnaṃ khīraṃ etassāti asambhinnakhīraṃ, tadeva pāyāsanti **asambhinnakhīrapāyāsaṃ**, udakena asammissakhīrena pakkapāyāsanti attho. **Tassāti** pāyāsassa. **Uppattimūlanti** “gihikāle me āvuso mātā sappimadhusakkarādīhi yojetvā asambhinnakhīrapāyāsaṃ adāsi, tena mephāsu ahoṣi”ti attano vacīnicchāraṇasaṅkhātāṃ uppattihetuṃ. “**Aparibhogāraho piṇḍapāto**”ti kasmā vuttaṃ, nanu therassa obhāsanādicittupattiyeva natthīti? Saccam natthi, ajjhāsayam pana ajānantā ekacce puthujjanā tathā maññeyyūṃ, anāgate ca sabrahmacāriṇo evaṃ mama diṭṭhānugatiṃ āpajjeyyunti paṭikkhipi. Apica mahātherassa paramukkaṃsagatā sallekhaṇapattiyā. Tathā hi daharabhikkhuno “kassa sampannaṃ<sup>1</sup> na manāpan”ti<sup>2</sup> vacanaṃ nissāya yāva parinibbānā piṭṭhakhādanīyaṃ na khādati.

**Vacīviññattivipphārāti** vacīnicchāraṇahetu. Atthaviññāpanavasena pavattamāno hi saddo asatipi viññattiyā tassa kenaci paccayena paccayabhāve vacīviññattivaseneva pavattatīti “vacīviññattivipphāro”ti vuccati. **Bhuttoti** bhuttavā **sace bhaveyyam aham**. **Sāti** assa. Akāralopena hi niddeso “evaṃsate”ti-ādīsu<sup>3</sup> viya. **Antagaṇanti** antabhogo. **Bahi careti** āsayato nikkhamitvā gocaraggahaṇavasena bahi yadi vicareyya. Paramappicchaṃ dassetuṃ lokavohārenevamāha. Loke hi ayuttabhogaṇaṃ odariyaṃ<sup>4</sup> garahantā evaṃ vadanti “kimsu nāma tassa antāni bahi carantī”ti. **Ārādhemīti** ādito paṭṭhāya rādhemi<sup>5</sup>, vase vattemīti attho.

**Mahātissatthero** kira dubbhikkhakāle maggaṃ gacchanto bhattacchedena maggakilamathena ca kilantakāyo dubbalo aññatarassa phalitassa ambassa mūle nipajji, bahūni ambaphalāni taḥam taḥam patitāni honti. Tattheke vuḍḍhataro upāsako therassa santikaṃ upagantvā parissamaṃ

1. Rasasampannaṃ (Ka) 2. Vi 2. 97, 118, 253, 463, 465; Vi 4. 358 piṭṭhesu.

3. Ma 1. 13; Am 2. 2, 341; Am 3. 10 piṭṭhādīsu.

4. Udariyaṃ (Syā)

5. Sādhemi (Sī, Ka)

ñatvā ambapānaṃ pāyetvā attano piṭṭhiṃ āropetvā vasanaṭṭhānaṃ neti.

Thero—

“Na pitā napi te mātā, na ñāti napi bandhavo.

Karote’tādisaṃ kiccaṃ, silavantassa kāraṇā”ti<sup>1</sup>—

attānaṃ ovaditvā sammasanaṃ ārabhitvā vipassanaṃ vaḍḍhetvāt tassa piṭṭhigato eva maggapaṭipāṭiyā arahattaṃ sacchākāsi. Imaṃ sandhāya vuttaṃ “**ambakhādakamahātissattheravatthupi cettha kathetabban**”ti.

**Sabbathāpī**ti sabbappakārenaṃ anesanasasena, cittuppattivāsena, pageva kāyavacīvipphanditavasenaṃ adhippāyo. Tenāha “**anesanāyā**”ti-ādi.

Apaccavekkhitaparibhoge iṇaparibhoga-āpatti-ādīnavassa, tabbipariyāyato paccavekkhitaparibhoge ānisaṃsassa ca dassanaṃ **ādīnavānisaṃsadassanaṃ**. Tassa pana paccayādhikārattā vuttaṃ “paccayesū”ti. Kāraṇakāraṇampi hi kāraṇabhāvena vuccati yathā tiṇehi bhattaṃ siddhanti. Yena kāraṇena bhikkhuno apaccavekkhitaparibhogo nāma siyā, tasmīṃ vajjite paccayasannissitasīlaṃ sijjhanti, visujjhanti cāti dassetuṃ “**tasmā**”ti-ādi vuttaṃ. Tattha **paccayagedhanti** gedhaggahaṇeneva sammohopi gahitoti daṭṭhabbo tena saha pavattanato, tadupanissayato ca. **Dhammena samena uppanneti** idam paccayānaṃ āgamanasuddhidassanaṃ, na paccayasannissitasīlavissuddhidassanaṃ. Paccayānaṃ hi idamatthitaṃ upadhāretvā paribhuñjanaṃ paccayasannissitasīlaṃ. Yasmā pana te paccayā ñāyādhigatā eva bhikkhunā paribhuñjitabbā, tasmā vuttaṃ “**dhammena samena uppanne paccaye**”ti. **Yathāvuttena vidhināti** “sītassa paṭighātāyā”ti-ādīnā<sup>2</sup> vuttavidhinā.

**Dhātuvāsena vāti** “yathāpaccayaṃ vattamānaṃ dhātumattamevetaṃ, yadidaṃ cīvarādi, tadupabhuñjako ca puggalo”ti evaṃ dhātumanasikāravāsena vā. **Paṭikūlavāsena vāti** piṇḍapāte tāva āhāre paṭikūlasaṅghāvasena, “sabbāni pana imāni cīvarādīni ajigucchaniyāni, imaṃ pūtikāyaṃ patvā ativiya jigucchaniyāni jāyanti”ti evaṃ paṭikūlamanasikāravāsena vā. **Tato uttarīti** paṭilābhakālato upari.

**Anavajjova**

1. Visuddhi 1. 44 piṭṭhe.

2. Ma 1. 12; Aṃ 2. 341; Khu 7. 397 piṭṭhesu.

**paribhogo** āditova paññāya parisodhitattā adhiṭṭhahitvā ṭhapitapattavīvarānaṃ viyāti. Paccavekkhaṇāya ādisuddhidassanaparametaṃ, na paribhogakāle paccavekkhaṇapaṭikkhepaparam. Tenāha “**paribhogakālepi**”ti-ādi. **Tatrāti** tasmim paribhogakāle paccavekkhaṇe. **Sannitṭhānakaroti** asandehakaro ekantiko.

**Theyyaparibhogo** nāma anarahassa paribhogo. Bhagavatāpi attano sāsane sīlavato paccayā anuññātā, na dussīlassa. Dāyakānampi sīlavato eva pariccāgo, na dussīlassa. Attano kārānaṃ mahapphalabhāvassa paccāsīsanato. Iti satthārā ananuññātattā, dāyakehi ca apariccattattā dussīlassa paribhogo theyyāya paribhogo **theyyaparibhogo**. Inavasena paribhogo **inaparibhogo**, paṭiggāhakato dakkhiṇāvisuddhiyā abhāvato iṇaṃ gahetvā paribhogo viyāti attho. **Tasmāti** “sīlavato”ti-ādinā vuttamevatthaṃ kārānabhāvena paccāmasati. Cīvaram kāyato mocetvā paribhoge paribhoge purebhatta -pa- pacchimayāmesu paccavekkhitabbanti sambandho. Tathā asakkontena yathāvuttakālavisvasasena ekadivase catukkhattum tikkhattum dvikkhattum sakimyeva vā paccavekkhitabbaṃ. Sace aruṇaṃ uggacchati, **inaparibhogatṭhāne tiṭṭhati**. Hiyyo yaṃ mayā cīvaram paribhuttaṃ, taṃ yāvadeva sīlassa paṭighātāya -pa- hirikopīnapaṭicchādanatthaṃ. Hiyyo yo mayā piṇḍapāto paribhutto, so “neva davāyā”ti-ādinā sace atītaparibhogapaccavekkhaṇaṃ na kareyyāti vadanti, taṃ vīmaṃsitabbaṃ. **Senāsanampi paribhoge paribhogeti** pavese pavese. **Satipaccayatāti** satiyā paccayabhāvo paṭiggahaṇassa, paribhogassa ca paccavekkhaṇasatiyā paccayabhāvo yujjati, paccavekkhitvāva paṭiggahetabbaṃ, paribhuñjitabbañcāti attho. Tenevāha “**satim katvā**”ti-ādi. **Evam santepīti** yadipi dvīsipi ṭhānesu paccavekkhaṇā yuttā, evam santepi. Apare panāhu— **sati paccayatāti** sati bhesajjaparibhogassa paccayabhāve, sati paccayeti attho. **Evam sante pīti** paccaye satipīti. Taṃ tesam matimattaṃ. Tathā hi paccayasannissitasīlaṃ paccavekkhaṇāya visujjhati, na paccayassa bhāvamattena.

Evam paccayasannissitasīlassa visuddhim dassetvā teneva pasaṅgena sabbāpi visuddhiyo dassetum “**catubbidhā hi suddhi**”ti-ādimāha. Tattha



sujjhati etāyāti suddhi, yathādhammaṃ desanāva suddhi **desanāsuddhi**.

Vuṭṭhānassāpi cettha desanāya eva saṅgaho daṭṭhabbo.

Chinnamūlāpattīnam<sup>1</sup> pana abhikkhutāpaṭiññāva desanā<sup>2</sup>. Adhiṭṭhānavisiṭṭho saṃvarova suddhi **saṃvarasuddhi**. Dhammena samena paccayānaṃ

pariyetṭhi eva suddhi **pariyetṭhisuddhi**. Catūsupi paccayesu vuttavidhinā paccavekkhaṇāva suddhi **paccavekkhaṇasuddhi**. Esatāva suddhīsu

samāsanayo. suddhimantesu pana desanā suddhi etassāti **desanāsuddhi**.

Sesesupi eseva nayo. **Suddhi**-saddo pana vuttanayova. **Evanti**

saṃvarabhedam sandhāyāha. **Pahāyāti** vajjetvā, akatvāti attho.

Dātabbatṭhena dāyam, tam ādiyantīti **dāyādā**. Ananuññātesu sabbena sabbam paribhogābhāvato, anuññātesu eva ca paribhogasambhavato bhikkhūhi paribhuñjitabbapaccayā **bhagavato santakā**. “Dhammadāyādā me bhikkhave bhavatha mā āmisadāyādā. Atthi me tumhesu anukampā ‘kinti me sāvakā dhammadāyādā bhavyeyyūṃ no āmisadāyādā’<sup>3</sup> evam pavattam **dhammadāyādasuttaṅga** ettha etasmim atthe **sādhakam**.”

Avītarāgānaṃ taṇhāparavasatāya paccayaparibhoge sāmibhāvo natthi, tadabhāvena vītarāgānaṃ tattha sāmibhāvo yathāruciparibhogasambhavato. Tathā hi te paṭikūlampi appaṭikūlakārena, appaṭikūlampi paṭikūlakārena, tadubhayampi vajjetvā ajjupekkhānākārena paccaye paribhuñjanti, dāyakānaṅca manoratham paripūrenti. Tenāha “**te hi taṇhāya dāsabyam atītattā sāmīno hutvā paribhuñjanti**”<sup>4</sup>ti.

**Sabbesanti** ariyānaṃ, puthujjanānaṅca. Katham puthujjanānaṃ ime paribhogā sambhavanti? upacārasena. Yo hi puthujjanassāpi sallekhaṭṭhapaṭṭiyam ṭhitassa paccayagedham pahāya tattha tattha anupalittena cittena paribhogo, so **sāmi**paribhogo viya hoti. **Silavato** pana paccavekkhitaparibhogo dāyajaparibhogo viya hoti, dāyakānaṃ manorathassa avirādanato. Tathā hi vuttam “**dāyajaparibhogeyeva vā saṅgaham gacchatī**”<sup>4</sup>ti. Kalyāṇaputhujjanassa paribhoge vattabbameva natthi, tassasekkhasaṅgahato. **Sekkhassuttam**<sup>4</sup> hetassatthassa sādhakam. Tenāha

1. Garuṇāpattīnam (Ka)

3. Ma 1. 15 piṭṭhe.

2. Paṭiññāvasena (Ka)

4. Saṃ 3. 12 piṭṭhe.

“**sīlavāpi hī**”ti-ādi. **Paccanikkattā**ti yathā iṇāyiko attano ruciyā icchitadesaṃ gantuṃ na labhati, evaṃ iṇaparibhogayutto lokato nissarituṃ na labhatīti tappaṭipakkhattā sīlavato paccavekkhitaparibhogo āṇaṇyaparibhogoti āha “**āṇaṇyaparibhogo vā**”ti. Etena nippariyāyato catuparibhogavinimutto visumyevāyaṃ paribhogoti dasseti. **Imāya sikkhāyā**ti sīlasaṅkhātāya sikkhāya. **Kiccakārī**ti paṭiññānurūpaṃ paṭipajjanato yuttapattakārī.

Idāni tameva kiccakārītaṃ suttapadena vibhāvetuṃ “**vuttampi cetan**”ti-ādi vuttaṃ. Tattha **vihāra**nti patissayaṃ. **Sayanāsananti** mañcādim. Ubhayenapi senāsanameva vuttaṃ. **Āpanti** udakaṃ. **Saṅghāṭirajūpavāhananti** paṃsumalādino saṅghāṭigatarajassa dhovanaṃ. **Sutvāna dhammaṃ sugatena desitanti** cīvarādīsu<sup>1</sup> “paṭisaṅkhā yoniso cīvaraṃ paṭisevati sītassa paṭighātāyā”ti-ādinā<sup>2</sup> nayena bhagavatā desitaṃ dhammaṃ sutvā. **Saṅkhāya seve varapaññasāvako**ti “piṇḍan”ti vuttaṃ piṇḍapātāṃ, viharādipadehi vuttaṃ senāsanāṃ, “pipāsāgelañña vūpasamanato pāṇiyampi gilānapaccayo”ti āpamukhena dassitaṃ gilānapaccayaṃ, saṅghāṭiyādicīvaranti catubbidhaṃ paccayaṃ saṅkhāya “yāvadeva imassa kāyassa ṭhitiyā”ti<sup>3</sup> ādinā nayena paccavekkhitvā. **Seve**<sup>4</sup> sevituṃ sakkuṇeyya uttamapañña bhagavato sāvako sekho vā puthujjano vā.

Yasmā ca saṅkhāya sevī varapaññasāvako, **tasmā hi piṇḍe -pa-pokkhare vāribindu**, tathā hoti. **Kālenā**ti ariyānaṃ bhojanakāle. **Laddhā**ti labhitvā. **Paratoti** aññato dāyakato. **Anuggahā**ti anukampāya bahumhi upanīte **mattaṃ** so **jaññā** jāneyya **satataṃ** sabbakālaṃ **upaṭṭhito** upaṭṭhitassati. **Ālepanarūhane yathā**ti bhesajjalepanena vaṇassa ruhane viya, **mattaṃ** jāneyyāti yojanā. **Āhareti** āhareyya. “Āhareyyāhāran”ti vā pāṭho. **Yāpanatthanti** sarīrassa yāpanāya. **Amucchitoti** taṇhāmucchāya amucchito gedhaṃ taṇhaṃ anāpanno.

1. Sabbāsavaṣaṃvarādīsu (Sī)2. Ma 1. 12; Am 2. 341; Khu 7. 397 piṭṭhesu.

3. Ma 1. 12; Ma 2. 18; Ma 3. 54; Saṃ 2. 323; Am 2. 341; Am 3. 15; Abhi 1. 262; Khu 7. 397 piṭṭhesu.

4. Sacepi (Syā, Ka)

Attano mātulassa saṃgharakkhitattherasseva nāmassa gahitattā **bhāgineyyasaṃgharakkhitasāmaṇero. Sālikūranti** sālibhattaṃ. **Sunibbutanti** susītalaṃ. **Asaññatoti** apaccavekkhaṇaṃ sandhāyāha. **Sabbāsavaparikkhīṇoti** parikkhīṇasabbāsavo.

### Paṭhamasīlapañcakavaṇṇanā

20. Pariyanto etesaṃ atthīti pariyaṅtāni, pariyaṅtāni sikkhāpadāni yesaṃ te pariyaṅtasikkhāpadā, tesāṃ **pariyaṅtasikkhāpadānaṃ. Upasampannānanti** ṭhapetvā kalyāṇaputhujjanasekkhāsekkhe tadaññesaṃ upasampannānaṃ. Sāmaññajotanaṃ hi visese tiṭṭhati. **Kusaladhamme yuttānanti** vipassanācāre yuttapayuttānaṃ. Sekkhadhammā pariyaṅtā paramā mariyādā etassāti **sekkhāpariyanto**. Nāmarūpaparicchedato, kusalahammasamādānato vā pana paṭṭhāya yāva gotrabhū, tāva pavattakusaladhammappabandho sekkhadhamme āhacca ṭhito sekkhāpariyanto. Sekkhadhammānaṃ vā heṭṭhimantabhūtā sikkhitabbā<sup>1</sup> lokiyā tisso sikkhā sekkhāpariyanto, tasmim **sekkhāpariyante. Paripūrakārīnanti** kiñcīpi sikkhaṃ āhāpetvā pūrentānaṃ. Uparivisesādhigamattaṃ **kāye ca jīvite ca anapekkhānaṃ**. Tato eva sīlapāripūri-atthaṃ **pariccattajīvitānaṃ**. Diṭṭhisamkilesena aparāmasanīyato pārīsuddhivaṅtaṃ sīlaṃ **aparāmatṭhapārīsuddhisīlaṃ**. Kilesānaṃ sabbaso paṭippassaddhiyā pārīsuddhivaṅtaṃ sīlaṃ **paṭippassaddhipārīsuddhisīlaṃ**.

Anupasampannānaṃ asekkhānaṃ, sekkhānaṃ, kalyāṇaputhujjanānaṃca sīlaṃ mahānubhāvātāya ānubhāvato apariyaṅtamevāti āha “**gaṇanavasena sapariyaṅtattā**”ti. Kāyavācānaṃ saṃvaraṇato, vinayanaṃ ca **saṃvaravinayā. Peyyālamukhena niddiṭṭhāti** tattha tattha satthārā desitavittāranayena yathāvuttagaṇanaṃ niddiṭṭhā. **Sikkhāti** sīlasaṅkhātā sikkhā. **Vinayasamvareti** vinayapiṭake. Gaṇanavasena sapariyaṅtampi upasampannānaṃ sīlanti heṭṭhā vuttānaṃ ānetvā sambandhitabbaṃ. Yaṃ kiñci hi upasampannena sikkhitabbaṃ sīlaṃ nāma, tattha kassacīpi anavasesato

---

1. Sekkhakappā (Sī)

anavasesavasena. **Samādānabhāvanti** samādānasabbhāvaṃ. **Lābha -pa-**  
**vasena adit̥thapariyantabhāvo** lābhādihetu sīlassa avītikkamo.

**Dhanam caje aṅgavarassa hetu** pāripanthikacorādīhi upadduto. **Aṅgam**  
**caje jīvitam rakkhamāno** sappadaṭṭhādikāle. **Aṅgam dhanam jīvitañcāpi**  
**sabbam, caje naro dhammanussaranto** sutasomamahābodhisattādayo  
viya. Tenāha “**imam sappurisānussatim avijahanto**”ti. Jighacchāparissamena  
**jīvitasamsaye** satipi. **Sikkhāpadam avītikkammāti** assāmikesu ambaphalesu  
bhūmiyam patitesu samīpeyeva santesupi paṭiggāhakābhāvena  
aparibhuñjanto **paṭiggahaṇasikkhāpadam**<sup>1</sup> avītikkamitvā.

**Sīlavantassāti** sīlavantabhāvassa **kāraṇā**, sīlavantassa vā tuyham  
etādisam amsena vāhaṇādikam kiccam karoti, kāraṇā<sup>2</sup> sīlassāti adhippāyo.  
**Sudhotajātimaṇiviyāti** catūsu pāsāṇesu<sup>3</sup> sammadeva dhotajātimaṇi viya.  
**Mahāsamgharakkhitabhāgineyyasamgharakkhitattherānam viyāti**  
mahāsamgharakkhitattherassa, tasseva bhāgineyyasamgharakkhitattherassa  
viya ca. “**Kimattham mayam idhāgatā**”ti mahājanassa vipaṭisāro  
bhavissatīti adhippāyo. **Accharikāyāti** aṅguliphoṭanena. **Asatiyāti**  
satisammosena. **Aññānapakatanti** aññāṇena aparajjhivā kataṃ, ajānitvā  
katanti attho.

**Appassutopi ce hotīti** suttageyyādisutarahito hoti ce. **Sīlesu asamāhitoti**  
pātimokkhasamvarādisīlesupi na sammā paṭit̥thito hoti ce. **Nāssa sampajjate**  
**sutanti** assa sīlarahitassa puggalassa sutam attano, paresaṅca katthaci  
bhavasampatti-āvaham na hoti. “**Dussīloyam purisapuggalo**”ti hi  
sikkhākāmā na tassa santikam upasaṅkamanti. **Bhussutopi ceti ettha ceti**  
nīpātamattam. **Pasaṃsitoti** pasaṃsito eva nāma.

**Rāgavasena**<sup>4</sup> aparāmaṭṭhagahaṇena taṇhāparāmāsābhāvamāha.  
**Tathārūpanti** rāgavasena aparāmaṭṭham. **Bhinditvāti** hanitvā. **Saññapesamīti**

1. Vi 2. 121 piṭṭhe.

3. Catūsipi sāṇesu (Ka)

2. Kissa kāraṇā (Syā, Ka)

4. Bhavavasena (Sī, Ka)

saññattim karissāmi, appakaṃ velaṃ maṃ vissejjetunti adhippāyo.

**Attīyāmīti** jigucchāmi. **Harāyāmīti** lajjāmi.

**Palipannoti** sīdanto, sammakkhito vā. **Sīleneva saddhim marissāmīti** sīlaṃ avināseno tena saheva marissāmi, na idāni kadācīpi taṃ pariccajissāmi. Sati hi bhavadāne sīlena viyogo siyā, bhavameva nādiyissāmīti adhippāyo. **Rogaṃ sammasantoti** rogabhūtaṃ vedanaṃ vedanāmukhena sesārūpadhamme, rūpadhamme ca pariggahetvā vipassanto.

**Rūppatoti** vikāraṃ āpādiyamānasarīrassa. **Parisussatīti** samantato sussati. Yathā kiṃ? **Pupphaṃ yathā paṃsuni ātape kataṃ** sūriyātapasantatte paṃsuni ṭhapitaṃ sirīsādipupphaṃ viyā<sup>1</sup>ti attho. **Ajaññanti** amanuññaṃ jigucchaniyam. **Jaññasankhātanti** bālehi “jaññaṃ”ti evaṃ kittitaṃ. **Jaññarūpaṃ apassatoti** yathābhūtaṃ appassato aviddasuno “jaññaṃ”ti pasamsitaṃ. **Dhiratthumanti** dhi atthu imaṃ, dhi-saddayogena sabbattha upayogavacanāṃ, imassa pūtikāyassa dhikāro hotūti attho. **Duggandhiyanti** duggandhikaṃ duggandhavantaṃ. **Yattha** yathāvutte pūtikāye rāgahetu **pamattā** pamādaṃ āpannā. **Pajāti** sattā. **Hāpenti maggaṃ sugatūpapattiyāti** sugatūpapattiyā maggaṃ, silampi hāpenti, pageva jhānādinti adhippāyo. Kevalaṃ “arahanto”ti vattabbā sāvakakhīṇāsavā, itare pana paccekabuddhā sammāsambuddhāti saha visesanenāti āha “**arahantādīnaṃ**”ti. **Sabbadarathappaṭippassaddhiyāti** sabbakilesadarathappaṭippassaddhiyā.

### Dutiyasīlapañcakavaṇṇanā

**Pāṇātipātādīnanti ādi-**saddena adinnādānādīnaṃ aggamaggavajjhakilesapariyosānānaṃ saṅgaho daṭṭhabbo. **Pahānādīti ādi-**saddena veramaṇi-ādīnaṃ catunnaṃ. Kesuci potthakesu “pahānavasenā”ti likhanti, sā pamādalekhā. **Pāṇātipātassa pahānaṃ sīlanti** hirottappakaruṇālobhādipamukhena yena kusalacittuppādena pāṇātipāto pahīyati, taṃ pāṇātipātassa pahānaṃ sīlaṇṭṭhena sīlaṃ. Tathā

---

1. Sirīsapupphaṃ viya (Ka)

pāṇātipātā virati **veramaṇī sīlam**. Pāṇātipātassa paṭipakkhacetanā **cetanā sīlam**. Pāṇātipātassa saṃvaraṇaṃ pavesadvārapidhānaṃ **saṃvaro sīlam**. Pāṇātipātassa avītikkamaṇaṃ **avītikkamo sīlam**. **Adinnādānassāti**-ādīsupi eseva nayo. **Abhijjhādīnaṃ** pana anabhijjhādivasena pahānaṃ veditabbam. Veramaṇī cetanā taṃsampayuttā saṃvarāvītikkamā tappamukhā dhammā.

Evam dasakusalakammappathavasena pahānasīlādīni dassetvā idāni sa-upāyānaṃ aṭṭhannaṃ samāpattīnaṃ, aṭṭhārasannaṃ mahāvipassanānaṃ, ariyamaggānaṃ vasena tāni dassetuṃ “**nekkhammenā**”ti-ādi āraddham. Tattha **nekkhammenā**ti alobhappadhānena kusalacittuppādena. Kusalā hi dhammā kāmappaṭipakkhā idha “**nekkhamman**”ti adhippetā. Tenāha “**kāmacchandassa pahānaṃ sīlan**”ti-ādi. Tattha **pahānasīlādīni** heṭṭhā vuttanayeneva veditabbāni. Visesameva vakkhāma. **Abyāpādenā**ti mettāya. **Ālokasaññāyā**ti vibhūtaṃ katvā manasikaraṇena upaṭṭhita-ālokasañjānanena. **Avikkhepenā**ti samādhinā. **Dhammavavatthānenā**ti kusalādidhammānaṃ yāthāvanicchayena. Sapaccayanāmarūpavavatthānenātipi vadanti.

Evam kāmacchandādīnīvaraṇappahānena “**abhijjhaṃ** loka **pahāyā**”ti-ādīna<sup>1</sup> vuttāya paṭhamajjhānādhiḡamassa upāyabhūtāya pubbabhāgapaṭipadāya vasena pahānasīlādīni dassetvā idāni sa-upāyānaṃ aṭṭhasamāpattī-ādīnaṃ vasena dassetuṃ “**ñāṇena**”ti-ādi vuttaṃ. Nāmarūpapariḡgahakaṅkhāvitarāṇaṃ hi vibandhabhūtassa mohassa, dūrīkaraṇena ñātapariññāya ṭhitassa aniccasaññādayo sijjhanti. Tathā jhānasamāpattīsū abhiratinimittena pāmojjena. Tattha anabhiratiyā vinoditāya jhānādīnaṃ samadhigamoti samāpattivipassanānaṃ arativinodana-avijjāpadālanādīnā upāyoti vuttaṃ “**ñāṇena avijjāya, pāmojjena aratiyā**”ti. Uppaṭipāṭiniddeso pana nīvaraṇasabhāvāya avijjāya heṭṭhānīvaraṇesupi saṅghadassanattanti daṭṭhabbam.

---

1. Abhi 2. 261 piṭṭhe.

“Paṭhamena jhānena nīvaraṇānan”<sup>1</sup>ti-ādīsu kathaṃ jhānānaṃ sīlabhāvo, kathaṃ vā tattha viratīyā sambhavo. Suvisuddhakāyakammādikassa hi cittasamādānavasena imāni jhānāni pavattanti, na parittakusalāni viya kāyakammādivisodhanavasena, nāpi maggaphaladhammā viya duccharitadurājīvasamucchedapaṭippassambhanavasenāti? Saccametāṃ. Mahaggatadhammesu nippariyāyena natthi sīlanatṭho, kuto viramaṇatṭho. Pariyāyena panetaṃ vuttanti daṭṭhabbaṃ. Ko pana so pariyāyo? Yadaggena mahaggatā kusaladhammā paṭipakkhe pajahanti, tadaggena tato oratā. Te ca yathā cittaṃ nārohanti, evaṃ saṃvutā<sup>1</sup> nāma honti. Pariyuṭṭhānasaṅkhāto manodvāre vītikkamo natthi etesūti avītikkamāti ca vuccanti, cetanā pana taṃ sampayuttāti. Soyamattho parato āgamissati. Evañca katvā vitakkādīpahānavacanampi samatthitaṃ hoti. Na hi nippariyāyato sīlaṃ kusaladhammānaṃ pahāyakaṃ yujjati, na cettha akusalavitakkādayo adhippetā. Kiñcāpi paṭhamajjhānūpacāreyeva dukkhassa, catutthajjhānūpacāre ca sukkhassa pahānaṃ hoti, atisayapahānaṃ pana sandhāya vuttaṃ “catutthena jhānena sukhadukkhānaṃ pahānaṃ”<sup>2</sup>ti. “Ākāsānañcāyatanasamāpattiyā”<sup>3</sup>ti-ādīsu yaṃ vattabbaṃ, taṃ āruppakathāyaṃ<sup>4</sup> āgamissati.

Aniccassa, aniccanti vā anupassanā **aniccānupassanā**. Tebhūmikadhammānaṃ aniccataṃ gahetvā pavattāya vipassanāyetaṃ nāmaṃ. **Niccasaññāyāti** “saṅkhatadhammā<sup>3</sup> niccā sassatā”<sup>3</sup>ti evaṃ pavattāya micchāsaññāya, saññāggahaṇeneva diṭṭhicittānampi gahaṇaṃ daṭṭhabbaṃ. Esa nayo ito parāsupi. **Nibbidānupassanāyāti** saṅkhāresu nibbindanākāreṇa pavattāya anupassanāya. **Nandiyāti** sappītikataṇhāya. **Virāgānupassanāyāti** virajjanākāreṇa pavattāya anupassanāya. **Rāgassāti** saṅkhāresu rāgassa. **Nirodhānupassanāyāti** saṅkhārānaṃ nirodhassa anupassanāya. Yathā vā saṅkhārā nirujjhantiyeva, āyatīṃ punabbhavavasena na uppajjanti, evaṃ anupassanā nirodhānupassanā. Tenevāha “nirodhānupassanāya nirodheti no samudeti”<sup>4</sup>ti. Muñcitukāmatāya hi ayam balappattā. Saṅkhārānaṃ paṭinissajjanākāreṇa pavattā anupassanā **paṭinissaggānupassanā**. Paṭisaṅkhāsantiṭṭhanā hi

1. Saṃguttā (Syā, Ka)

3. Saṅkhatadhammesu (Ka)

2. Visuddhi 1. 320 piṭṭhe.

4. Khu 9. 95 piṭṭhe.

ayaṃ. **Ādānassāti** niccādivasena gahaṇassa.

Santatisamūhakiccārammaṇavasena ekattagahaṇaṃ ghanasaññā, tassā

**ghanasaññāya. Āyūhanassāti** abhisankharaṇassa. Saṅkhārānaṃ

avatthādivisesāpatti **vipariṇāmo. Dhuvasaññāyāti** thirabhāvagahaṇassa.

**Nimittassāti** samūhādighanavasena sakiccaparicchedatāya ca saṅkhārānaṃ

saviggahatāya. **Paṇidhiyāti** rāgādipaṇidhiyā, taṇhāvasena saṅkhāresu

ninnatāyāti attho. **Abhinivesassāti** attānudiṭṭhiyā. Aniccadukkhādivasena

sabbatebhūmakadhammatiraṇā **adhipaññādhammavipassanā.**

**Sārādānābhinivesassāti** asāresu sārāgahaṇavipallāsassa.

**Yathābhūtañāḍassanaṃ** thirabhāvapattā aniccādi-anupassanāva.

Udayabbayañāṇanti keci. Sappaccayanāmarūpadassananti apare.

“Issarakuttādivasena<sup>1</sup> loko samuppanno”ti abhiniveso **sammohābhiniveso.**

Ucchedasassatābhinivesoti keci. “Ahoṣiṃ nu kho

ahamatītamaddhānan”ti<sup>2</sup>ādinayappavattā saṃsayāpatti sammohābhinivesoti

apare. Saṅkhāresu tāṇaleṇabhāvagahaṇaṃ **ālayābhiniveso.** “Ālayaratā

ālayasammuditā”ti<sup>3</sup> vacanato ālayo taṇhā. Sā eva cakkhādīsu, rūpādīsu ca

abhinivisanavasena pavattiyā ālayābhinivesoti apare. “Evaṃ ṭhitā te<sup>4</sup>

saṅkhārā paṭinissajjīyanti”ti pavattaṃ ñāṇaṃ **paṭisaṅkhānupassanā.**

**Appaṭisaṅkhā** paṭisaṅkhāya paṭipakkhabhūtā mohappadhānā

akusaladhammā. Vaṭṭato vīgatattā vivaṭṭaṃ nibbānaṃ, tattha

ninnabhāvasaṅkhātena anupassanena pavatti **vivaṭṭānupassanā,**

saṅkhārupekkhā ceva anulomañāṇaṃca. **Saññogābhiniveso**

saṃyujjanavasena saṅkhāresu abhinivisaṇaṃ.

**Diṭṭhekaṭṭhānanti** diṭṭhiyā sahaṇekaṭṭhānaṃca, pahānekaṭṭhānaṃca.

**Oḷārikānanti** uparimaggavajjhe kilese upādāya vutta. Aññathā dassanena

pahātabbāpi dutiyamaggavajjheti oḷārikā. **Aṇusahagatānanti** aṇubhūtānaṃ,

idaṃ heṭṭhimamaggavajjhe upādāya vuttaṃ. **Sabbakilesānanti**

avasiṭṭhasabbakilesānaṃ. Na hi paṭhamamaggādīhi pahīnā kilesā puna

pahīyanti.

1. Issariyakatattādivasena (Syā), issariyakuttādivasena (Ka)

2. Ma 1. 10; Saṃ 1. 265; Khu 7. 329 piṭṭhesu.

3. Dī 2. 32; Ma 1. 224; Ma 2. 291; Saṃ 1. 138; Vi 3. 5, 7, 8 piṭṭhesu. 4. Ṭhite (Sī)



“**Cittassa avippaṭṭisārāya saṁvattanti**”<sup>1</sup>ti-ādīsu saṁvaro avippaṭṭisārathāya. “Avippaṭṭisārathāni kho ānanda kusalāni sīlāni”<sup>1</sup>ti vacanato cetaso avippaṭṭisārathāya bhavanti. Avippaṭṭisāro pāmojjathāya. “Yoniso manasi karoto pāmojjaṁ jāyati”<sup>2</sup>ti vacanato **pāmojjāya saṁvattanti**. Pāmojjaṁ pītiyā. “Pamuditassa pīti jāyati”<sup>3</sup>ti vacanato **pītiyā saṁvattanti**. Pīti passaddhatthāya. “Pītimanassa kāyo passambhati”<sup>3</sup>ti vacanato **passaddhiyā saṁvattanti**. Passaddhi sukhatthāya. “Passaddhakāyo sukhaṁ vedeti”<sup>3</sup>ti vacanato **somanassāya saṁvattanti**. “Sukhatthāya sukhaṁ vedeti”<sup>3</sup>ti cettha somanassaṁ “sukhaṁ”<sup>3</sup>ti vuttaṁ. **Āsevanāyāti** samādhissa āsevanāya. Nirāmise hi sukhe siddhe “sukhino cittaṁ samādhiyati”<sup>3</sup>ti vacanato samādhi siddhoyeva hoti, tasmā samādhissa āsevanāya paṇḍabalavabhāvāya saṁvattanti attho. **Bhāvanāyāti** tasseva samādhissa vadḍhiyā. **Bahulīkammāyāti** punappunāṁ kiriyāya. **Alaṅkārayāti** tasseva samādhissa pasādhanabhūtasaddhindriyādinipphattiyā alaṅkārayā **saṁvattanti**. **Parikkhārayāti** avippaṭṭisārādikassa samādhisambhārassa siddhiyā tasseva samādhissa parikkhārayā saṁvattanti. Sambhārattho hi idha parikkhāra-saddo. “Ye ca kho ime pabbajitena jīvitaparikkhārā samudānetabbā”<sup>4</sup>ti-ādīsu<sup>4</sup> viya sambhāroti ca paccayo veditabbo. Kāmañcāyaṁ parikkhāra-saddo “ratho sīlaparikkhāro”<sup>5</sup>ti-ādīsu<sup>5</sup> alaṅkārattho. “Sattahi nagaraparikkhārehi suparikkhattaṁ hoti”<sup>6</sup>ti-ādīsu<sup>6</sup> parivārattho vutto. Idha pana alaṅkāraparivārānaṁ visum gahitattā “sambhārattho”<sup>6</sup>ti vuttaṁ. **Parivārāyāti** mūlakāraṇabhāveneva samādhissa parivārabhūtasativīriyādidhammavisesasādhanena parivārasampattiyā saṁvattanti. **Pāripūriyāti** vasībhāvasampāpanena, vipassanāya padaṭṭhānabhāvāpādanena ca paripuṇṇabhāvasādhanato samādhissa pāripūriyā **saṁvattanti**.

Evam suparisuddhasīlamūlakam sabbākāraparipūram samādhim dassetvā idāni samāhito pajānāti passati, yathābhūtam jānam passaṁ nibbindati, nibbindam

1. Am 3. 257, 517 piṭṭhesu.

2. Dī 3. 252 piṭṭhe.

3. Dī 1. 195; Dī 3. 252; Am 1. 245; Am 2. 253; Am 3. 535 piṭṭhesu.

4. Ma 1. 150 piṭṭhe.

5. Saṁ 3. 5 piṭṭhe.

6. Am 2. 479 piṭṭhe.

virajjati, virāgā vimuccatī”<sup>1</sup>ti vacanato silamūlakāni samādhipadaṭṭhānāni payojanāni dassetum **“ekantanibbidāya”**ti-ādi vutaṃ. Nibbidāya hi dassitāya tassā padaṭṭhānabhūtaṃ yathābhūtaññānadassanaṃ dassitameva hoti, tasmim̐ asati nibbidāya sijjhanato. Nibbādādayo atthato vibhattā eva.

Yathābhūtaññānadassananti panettha sappaccayanāmarūpadassanaṃ adhippetāṃ. Evamettha amatamahānibbānapariyosānaṃ silassa payojanaṃ dassitanti veditabbaṃ.

Idāni pahānādīsu sīlatthaṃ dassetum **“ettha cā”**ti-ādi āradhmaṃ. Tattha pajahanaṃ anuppādanirodho **pahānanti** tassa bhāvasādhanataṃ sandhāya **“pahānanti koci dhammo nāma natthī”**ti vuttaṃ. Yathā panassa dhammabhāvo sambhavati, tathā heṭṭhā samvaṇṇitameva. Evaṃ hissa sīlabhāvo suṭṭhu yujjati. **Taṃ taṃ pahānanti** “pāṇātipātassa pahānaṃ, adinnādānassa pahānaṃ”ti evaṃ vuttaṃ taṃ taṃ pahānaṃ. **Tassa tassa kusaladhammassāti** pāṇātipātassa pahānaṃ mettādikusaladhammassa, adinnādānassa pahānaṃ cāgādikusaladhammassāti evaṃ tassa tassa kusaladhammassa. **Patīṭṭhānaṭṭhenāti** patīṭṭhānabhāvena. Pahānaṃ hi<sup>2</sup> tasmim̐ sati hoti, asati na hoti, tassa “patīṭṭhānaṃ”ti vattabbaṃ labhatīti katvā yasmim̐ santāne pāṇātipātādayo tassa pakampahetavoti tappahānaṃ **vikampābhāvakaṇaṇena ca samādhānaṃ** vuttaṃ. Evaṃ sesapahānesupi vattabbaṃ. **Samādhānaṃ** saṅghapanāṃ, saṃyamaṇāṃ vā. **Itare cattāro**ti veramaṇi-ādayo cattāro dhammā na pahānaṃ viya vohāramattanti adhippāyo. **Tato tatoti** tamhā tamhā pāṇātipātādito. **Tassa tassāti** pāṇātipātādikassa samvaraṇavasena, tassa tassa vā samvarassa vasena. **Tadubhayasampayuttacetanāvasenāti** veramaṇihi, samvaradhammehi ca sampayuttāya cetanāya vasena. **Taṃ taṃ avītikkamantassāti** taṃ taṃ pāṇātipātādīm̐ avītikkamantassa puggalassa, dhammasamūhassa vā vasena **cetaso pavattisabbhāvaṃ sandhāya vuttā**. Tasmā ekakkaṇepi labbhantīti adhippāyo.

1. Am 3. 259; Sam 2. 18 piṭṭhesu.

2. Padhānaṃ hi yo (Sī)

### Sīlasaṁkilesa vodānavaṇṇanā

21. Saṁkilissati tenāti **saṁkilesa**. Ko pana soti āha “**khaṇḍādibhāvo sīlassa saṁkilesa**”ti. Vodāyati visujjhati etenāti **vodānaṁ, akhaṇḍādibhāvo. Lābhayasādīti ādi**-saddena nāti-aṅgaḷivitādīnaṁ saṅgaho. **Sattasu āpattikkhandhesu ādimhi vā ante vā vemajjheti** ca idaṁ tesaṁ uddesādipāḷivasena vuttaṁ. Na hi añño koci āpattikkhandhānaṁ anukkamo atthi. **Khaṇḍanti** khaṇḍavantāṁ, khaṇḍitaṁ vā. **Chiddanti** etthāpi eseva nayo. **Pariyante chinnaśāṭako viyāti** vatthante,<sup>1</sup> dasante vā chinnavatthāṁ viya.

**Evanti** idāni vuccamānākārena. **Methunasāmyogavasenāti** rāgapariyuṭṭhānena sadisabhāvāpattiyā mithunānaṁ idanti methunaṁ, nibandhanaṁ<sup>2</sup>. Methunavasena samāyogo methunasāmyogo methunasāmyogo. Idha pana methunasāmyogo viyāti methunasāmyogo, tassa vasena. **Idhāti** imasmim loke. **Ekaccoti** eko. **Samaṇo vā brāhmaṇo vāti** pabbajjāmattena samaṇo vā jātimattena brāhmaṇo vā. **Dvayaṁdvayasamāpattinti** dvīhi dvīhi samāpajjitabbaṁ, methunanti attho. **Na heva kho samāpajjatīti** sambandho. **Ucchādanāṁ** ubbattanaṁ. **Sambāhanaṁ** parimaddanaṁ. **Sādiyatīti** adhivāseti. **Tadassādetīti** taṁ ucchādanādim abhiraṁmati. **Nikāmetīti** icchati. **Vittinti** tuṭṭhim. **Idampi khoti** ettha **idanti** yathāvuttaṁ sādiyanādim khaṇḍabhāvādivasena ekaṁ katvā vuttaṁ. **Pi**-saddo vakkhamānaṁ upādāya samuccayattho. **Kho**-saddo avadhāraṇattho. Idaṁ vuttaṁ hoti—yadetaṁ brahmacāripaṭiñṇassa asatipi dvayaṁdvayasamāpattiyāṁ mātugāmassa ucchādananhāpanasambāhanasādiyanādi, idampi ekaṁsena tassa brahmacariyassa khaṇḍādibhāvāpādanato khaṇḍampi chiddampi sabalanpi kammāsampīti. Evaṁ pana khaṇḍādibhāvāpattiyā so aparisuddhaṁ brahmacariyaṁ carati, na parisuddhaṁ, saṁyutto methunasāmyogena, na visaṁyutto. Tato cassa na jāti-ādīhi parimuttīti dassento “**ayaṁ vuccatī**”ti-ādimāha.

**Sañjagghatīti** kilesavasena mahāhasitaṁ hasati. **Saṁkīlatīti** kāyasāmsaggavasena kīlati. **Saṁkelāyatīti** sabbaso mātugāmaṁ

1. Mattante vā (Sī), pātrante vā (Syā), patrante (Ka)

2. Nidhuvanaṁ (Sī)

kelāyanto viharati. **Cakkhunā**ti attano cakkhunā. **Cakkhunti** mātugāmassa cakkhum. **Upanijjhāyatī**ti upecca nijjhāyati oloketi. **Tirokuṭṭā**ti kuṭṭassa parato. Tathā **tiropākārā**. Mattikāmayā bhitti kuṭṭam, iṭṭhakāmayā pākāroti vadanti. Yā kāci vā bhitti porisato diyadḍharatanuccappamāṇā kuṭṭam, kuṭṭato adhiko pākāro.

**Assā**ti brahmacārīpaṭiñṇassa. **Pubbeti** vatasamādānato pubbe. **Kāmaguṇehī**ti kāmakoṭṭhāsehi. **Samappitanti** suṭṭhu appitam sahitam. **Samāṅgibhūtanti** samannāgataṃ. **Paricārayamānanti** kīlantam, upaṭṭhahiyamānam vā. **Panidhāyā**ti patthetvā. **Sīlenā**ti-ādīsu yamaniyamādisamādānavasena **sīlam**. Avītikkamavasena **vataṃ**. Ubhayampi **sīlam**. Dukkaracariyavasena pavattitam **vataṃ**. Taṃtamakiccassammata vā nivattilakkhaṇam **sīlam**. Taṃtamsamādānavato vesabhojanakiccakaraṇādivisesapaṭipatti **vataṃ**. Sabbathāpi dukkaracariyā **tapo**. Methunavirati **brahmacariyam**.

**Sabbasoti** anavasesato, sabbesam vā. **Abhedenā**ti avītikkamena. Aparāya ca pāpadhammānam anuppattiyā, guṇānam uppattiyā saṅgahitoti yojanā. Tattha kujjhanalakkhaṇo **kodho**. Upanandhanalakkhaṇo **upanagaho**. Paresam guṇamakkhanalakkhaṇo **makkho**. Yugaggāhalakkhaṇo **paḷāso**. Parasampatti-usūyanalakkhaṇā **issā**. Attasampattinigūhanalakkhaṇam **macchariyam**. Santadosapaṭicchādanalakkhaṇā **māyā**. Asantaguṇasambhāvana<sup>1</sup> lakkhaṇam **sāṭṭheyam**. Cittassa thaddhabhāvalakkhaṇo **thambho**. Karaṇuttariyalakkhaṇo **sārambho**. Unnatilakkhaṇo **māno**. Abbhunnatilakkhaṇo **atimāno**. Majjanalakkhaṇo **mado**. Cittavosaggalakkhaṇo **pamādo**. **Ādi**-saddena lobhamohaviparītamanasikārādīnam saṅgaho.

Idāni “akhaṇḍādibhāvo panā”ti-ādinā vuttamevattham pākāṭataram kātuṃ “**yāni hī**”ti-ādimāha. Tattha **anupahatānī**ti anupaddutāni. Vivaṭṭūpanissayatāya taṇhādāsabyato mocanena **bhujissabhāvakarāṇam**. Aviññūnam appamāṇattā vuttam “**viññūhi pasatthattā**”ti. Samādhisamvattanam vā etesam payojanam, samādhisamvattane vā niyuttānīti **samādhisamvattanikāni**. Niddānena<sup>2</sup> sassasampatti viya paṭipakkhavigamena silasampadā, sā ca

1. Pabhāvana (Sī)

2. Nisaddānena (Syā, Ka)

tattha sati dosadassaneti āha “**sīlavipattiyā ca ādīnavadassanenā**”ti.  
Nisammakārīnaṃ payojanagarukatāya diṭṭhaguṇeyeva sammāpaṭipattīti  
vuttaṃ “**sīlasampattiyā ca ānisaṃsadassanenā**”ti.

Tattha sīlavipattiyā ādīnavo sīlasampadāya heṭṭhā dassita-  
ānisaṃsapaṭipakkhato veditabbo, taṃ suviññeyyanti avitthāretvā  
pakārantarehi dassetuṃ “**apicā**”ti āraddhaṃ. Tattha yathā sīlasampadā  
sattānaṃ manuññabhāvakāraṇaṃ, evaṃ sīlavipatti amanuññabhāvakāraṇanti  
āha “**dussīlo -pa- devamanussāna**”ti. **Ananusāsaniyo** jigucchitabbato.  
**Dukkhīti** sañjāta dukkho. **Vippatisārīti** “akataṃ vata me kalyāṇaṃ”ti-ādīnā  
paccānutāpī. **Dubbaṇṇoti** guṇavaṇṇena, kāyavaṇṇena ca virahito. **Assāti**  
dussīlassa. Samphassitānaṃ dukkho dukkhāvaho samphasso etassāti  
**dukkhasamphasso**. Guṇānubhāvābhāvato appaṃ agghatīti **appaggho**.  
**Anekavassagaṇikagūthakūpo viyāti** anekavassasamūhe sañcītukkāravāto  
viya. **Dubbisodhana** sodhetuṃ asakkuṇeyyo. **Chavālātaṃ** chavaḍāhe  
santajjanummukkaṃ. **Ubhato paribāhiroti** sāmāññato, gihibhogato ca  
parihīno. Sabbesaṃ verī, sabbe vā verī etassāti sabbaverī, so eva  
**sabbaveriko, puriso**. Saṃvāsānaṃ nārahatīti **asaṃvāsāraho**. **Saddhammeti**  
paṭipattisaddhamme, paṭivedhasaddhamme ca.

“Aggikkhandhāpariyāye vuttadukkhābhāgitāyā”ti saṅkhepena  
vuttamatthaṃ vitthārato dassetuṃ “**dussīlānañhī**”ti-ādi āraddhaṃ.  
Pañcakāmaguṇaparibhogasukhe, parehi kayiramānavandanamānanādisukhe  
ca assādena adhitacittā **pañcakāma -pa- gadhitacittā**, tesaṃ. Te  
yathāvuttasukhassādā paccayā etassāti **tappaccayaṃ**. Dukkhaṃ sambandho.

**Passatha notī** passatha nu, api passatha. **Mahantanti** vipulaṃ.  
**Aggikkhandhanti** aggisamūhaṃ. **Ādittanti** padittaṃ. **Sampajjalitanti**  
samantato pajjalitaṃ acchivipphuliṅgāni muccantaṃ. **Sajotibhūtanti** sapataṃ  
samantato uṭṭhitāhi jālāhi ekappabhāsamudayaabhūtaṃ. **Taṃ kiṃ maññathāti**  
taṃ idāni mayā vuccamānamatthaṃ kiṃ maññathāti anumatigahaṇatthaṃ  
pucchati. **Āliṅgetvāti** upagūhitvā. **Upanisīdeyyāti** teneva āliṅganena upecca  
nīsīdeyya. Yadatthamettha satthā aggikkhandhāliṅganānaṃ, kaññāliṅganaṃ  
ānesi, tamatthaṃ vibhāvetuṃ

“**ārocayāmi**”ti-ādimāha. Tattha **ārocayāmi**ti āmantemi. **Voti** tumhe. **Paṭivedayāmi**ti pabodhemi. **Dussīlassā**ti nissīlassa sīlavirahitassa. **Pāpadhammassā**ti dussīlattā eva hīnajjhāsayatāya lāmakasabhāvassa. **Asucisaṅkassarasamācārassā**ti aparisuddhakāyasamācārādītāya asucissa hutvā saṅkāya saritabbasamācārassa. Dussīlo hi kiñcideva asāruppaṃ disvā “idaṃ asukena kataṃ bhavissatī”ti paresaṃ āsaṅkanīyova hoti, kenacideva vā karaṇīyena mantayante bhikkhū disvā “kacci nu kho ime mayā kataṃ kammaṃ jānitvā mantentī”ti attanoyeva saṅkāya saritabbasamācāroti. **Paṭicchannakammantassā**ti lajjitabbatāya paṭicchādetabbakammantassa. **Assamaṇassā**ti na samaṇassa. Salākaggahaṇādīsu “ahampi samaṇo”ti micchāpaṭiṇṇāya **samaṇapaṭiṇṇassa**. Asetṭhacāritāya **abrahmacārissa**. Uposathādīsu “ahampi brahmacārī”ti micchāpaṭiṇṇāya **brahmacāripaṭiṇṇassa**. Pūtinā kammaṇa sīlavipattiyā anto anupaviṭṭhattā **antopūtikassa**. Chahi dvārehi rāgādikilesānuvassanena tintattā **avassutassa**. Sañjātarāgādikacavarattā, sīlavantehi chaḍḍetabbattā ca **kasambujātassa**. **Aggikkhandhūpamāya** hīnūpamabhūtāyāti attho. Tenāha bhagavā “etadeva tassa varan”ti. Bhagavā dukkhaṃ dassetvā dukkhaṃ dassetīti sambandho.

**Vālarajjuyāti** vālehi katarajjuyā. Sā hi kharatarā hoti. **Ghamseyyāti** padhaṃsanavasena ghamseyya. **Teladhotāyāti** telena nisitāya. **Paccorasminti** pati-urasmim utābhimukhaṃ, uramajjheti adhippāyo **ayosāṅkunāti** saṇḍāsena. **Pheṇuddehakanti** pheṇaṃ uddehetvā, anekavāraṃ pheṇaṃ uṭṭhapetvāti attho.

Aggikkhandhāliṅganadukkhatoṇi adhimattadukkhātāya kaṭukabhūtaṃ dukkhaṃ phalaṃ etassāti **aggikkhandhāliṅganadukkhādhikadukkhakaṭukaphalaṃ**. Kāmasukhaṃ avijahato **bhinnasīlassa** dussīlassa **kuto** tassa **sukhaṃ** natthevāti adhippāyo. **Sādaneti** sādiyane<sup>1</sup>. **Yanti** añjalikammaśādanam. **Asīlinoti** dussīlassa. **Upahatanti** sīlabyasanena upaddutaṃ. **Khatanti** kusalamūlānaṃ khaṇaṇena khatam, khaṇitaṃ vā guṇaṃ sarīreti adhippāyo. **Sabbabhayehī** attānuvādādisabbabhayehi. Upacārajjhānaṃ upādāya **sabbehi** **adhigamasukhehi**.

1. Sādiyaneṭi sādane (?)

**Vuttappakāraviparītatoti** sīlavipattiyam vuttākārapaṭipakkhato “manāpo hoti devamanussānan”ti-ādinā. **Kāyagandhopi pāmojjaṃ, sīlavantassa bhikkhuno. Karoti api devānanti** ettha “gandho isīnam ciradikkhitānan”ti-ādikā<sup>1</sup> gāthā vitthāretabbā. **Avighātīti** appaṭighātī. Vadhabandhādiparikilesā **diṭṭhadhammikā āsavā** upaddavā. **Samparāyikadukkhānaṃ mūlaṃ** nāma dussīlyam. Antamatikkantaṃ accantaṃ, accantaṃ santā **accantasantā** kilesapariḷāhasaṅkhātadarathānaṃ abhāvena sabbadā santā. **Ubbijjivāti** ñāṇānutrāsena uttasitvā. **Vodāpetabbanti** visodhetabbam.

Paramatthamañjūsāyam visuddhimaggasaṃvaṇṇanāyam

**Sīlaniddesavaṇṇanā niṭṭhitā.**

---

1. Khu 6. 6 piṭṭhe Jātake.

## 2. Dhutaṅganiddesavaṇṇanā

22. Appā icchā etassāti appiccho, paccayagedharahito. Tassa bhāvo **appicchatā**, alobhajjhāsayatāti attho. Samaṃ tuṭṭhi santena, sakena vā tuṭṭhi santuṭṭhi, santuṭṭhi eva **santuṭṭhitā**, aññaṃ apatthetvā yathāladdehi itarītarehi paccayehi paritussanā. **Santuṭṭhitādīhi** ta-kāro vā padasandhikaro. “Santuṭṭhi-ādīhi”ti vā pāṭho. **Te guṇeti** te sīlavodānassa hetubhūte appicchatādiguṇe. **Sampādetunti** sampanne kātuṃ. Te hi sīlavisuddhiyā paṭiladdhamattā hutvā dhutadhammehi sampannatarā honti. **Dhutaṅgasamādānanti** kilesānaṃ dhunanaka-aṅgānaṃ viddhaṃsanakāraṇānaṃ sammadeva ādānaṃ. **Evanti** evaṃ sante, dhutaṅgasamādāne kateti attho. **Assa** yogino. **Sallekho** kilesānaṃ sammadeva likhanā chedanā tanukaraṇaṃ. **Paviveko** cittavivekassa upāyabhūtā vivekaṭṭhakāyatā. **Apacayo** yathā paṭipajjanato kilesā naṃ apacinanti na ācinanti, tathā paṭipajjanā. **Vīriyārambho** anuppannaṃ pāpadhammānaṃ anuppādanādivasena āradhavīriyatā. **Subharatā** yathāvutta-appicchabhāvādisiddhā upaṭṭhakānaṃ sukhabharaṇīyatā suposatā. **Ādi**-saddena appakiccatāsallahukavutti-ādike saṅgaṇhāti. **Sīlañceva** yathāsamādinnaṃ paṭipakkhadhammānaṃ dūrībhāvena **suparisuddhaṃ bhavissati**. **Vatāni ca** dhutadhammā ca **sampajjissanti** sampannā bhavissanti, nipphajjissanti vā. Yā thirabhūtā itarītaracīvarapiṇḍapātasenāsanasantuṭṭhi porāṇānaṃ buddhādīnaṃ ariyānaṃ paveṇībhāvena ṭhitā, tattha paṭiṭṭhitabhāvaṃ sandhāyāha “**porāṇe ariyavaṃsattaye paṭiṭṭhāyā**”ti. Bhāvanā āramitabbaṭṭhena ārāmo etassāti bhāvanārāmo, tabbhāvo **bhāvanāramatā**, samathavipassanābhāvanāsu yuttappayuttatā. Yasmā adhigamāraho bhavissati, **tasmāti** sambandho.

Lābhasakkārādi taṇhāya āmasitabbato, lokapariyāpannatāya ca **lokāmisarṃ**. Nibbānādihigamassa anulomato **anulomapaṭipadā** vipassanābhāvanā. **Atthatoti** vacanatthato. **Pabhedatoti** vibhāgato. **Bhedatoti** vināsato. **Dhutādīnanti** dhutadhutavādadhutadhammadhutaṅgānaṃ. **Samāsabyāsatoti** saṅkhepavithhārato.



23. **Rathikā**ti racchā. **Saṅkarakūṭādinanti** niddhāraṇe sāmivacaṇaṃ. **Abbhuggataṭṭhenā**ti ussitaṭṭhena. “Nadiyā kūlan”ti-ādīsu viya samussayattho **kūla**-saddoti āha “**paṃsukūlamiva paṃsukūlan**”ti. **Ku**-saddo kucchāyaṃ **ula**-saddo gati-atthati āha “**kucchitabhāvaṃ gacchatīti vuttaṃ hotī**”ti, paṃsu viya kucchitaṃ ulati pavattatīti vā **paṃsukūlaṃ**. Paṃsukūlassa dhāraṇaṃ **paṃsukūlaṃ** uttarapadalopena, taṃ sīlamassāti paṃsukūliko, yathā “āpūpiko”ti. Aṅgati attano phalaṃ paṭicca hetubhāvaṃ gacchatīti **aṅgaṃ**, kāraṇaṃ. Yena puggalo “paṃsukūliko”ti vuccati, so samādānacetanāsaṅkhāto dhammo paṃsukūlikassa aṅgati **paṃsukūlikaṅgaṃ**. Tenāha “**paṃsukūlikassā**”ti-ādi. **Tassā**ti samādānassa. Samādiyati etenāti **samādānaṃ**, cetaṇā.

**Eteneva nayanā**ti yathā paṃsukūladhāraṇaṃ paṃsukūlaṃ, taṃsīlo paṃsukūliko, tassa aṅgaṃ samādānacetanā “paṃsukūlikaṅgaṃ”ti vuttaṃ, evaṃ eteneva vacanattanayena ticīvaradhāraṇaṃ ticīvaraṃ, taṃsīlo tecīvariko, tassa aṅgaṃ samādānacetanā “**tecīvarikaṅgaṃ**”ti vedītabbaṃ. Saṃghāṭi-ādīsu evatīsu cīvaresu ticīvarasamaññā, na kaṇḍupaṭicchādivassikasāṭikādīsūti tāni sarūpato dassento “**saṃghāṭi-uttarāsaṅga-antaravāsakasāṅkhātaṃ**”ti āha.

**Taṃ piṇḍapātanti** parehi diyyamānaṃ piṇḍaṇaṃ patte patanaṃsaṅkhātaṃ piṇḍapātaṃ, taṃ uñchatīti **piṇḍapātiko**, yathā bādariko sāmātiko. Piṇḍapāti eva piṇḍapātiko, yathā bhaddo eva bhaddako. **Avakhaṇḍanaṃ** vicchindanaṃ nirantaramappavatti. Tappaṭikkhepato **anavakhaṇḍanaṃ** avicchindanaṃ nirantarappavatti. **Saha apadānenā**ti saha anavakhaṇḍanena. **Sapadānanti** padassa kiriyāvisesanabhāvaṃ, yattha ca taṃ anavakhaṇḍanaṃ, tañca dassetuṃ “**avakhaṇḍanarahitaṃ anugharanti vuttaṃ hotī**”ti vuttaṃ. **Ekāsaneti** iriyāpathantarena anantaritāya ekāyayeva nisajjāya. **Pattepiṇḍoti** etta vatthubhedo idhādhippeto, na sāmāññaṃ. Eva-kāro ca luttaniddiṭṭhoti dassento “**kevalaṃ ekasmiṃyeva patte**”ti āha. Uttarapadalopaṃ katvā ayaṃ niddesoti dassento “**pattapiṇḍagahaṇe pattapiṇḍasaññaṃ katvā**”ti āha. Esa nayo ito paresupi.

**Pacchābhattaṃ** nāma pavāraṇato pacchā laddhabhattaṃ eva. **Khalu-**saddassa paṭisedhatthavācakattā tena samānatthaṃ na-kāraṃ gahetvā āha “**na pacchābhattiko**”ti. Sikkhāpadassa visayo sikkhāpadeneva paṭikkhitto. Yo tassa avisayo, so eva samādānassa visayoti āha “**samādānavasena paṭikkhittā tirittabhojanassā**”ti. Abbhokāse nivāso **abbhokāso**. Susāne nivāso **susānaṃ**, taṃ sīlaṃ assāti-ādinā sabbaṃ vattabbanti āha “**eseva nayo**”ti. Yathāsanthataṃ viya **yathāsanthataṃ**, ādito yathā-uddiṭṭhaṃ. Taṃ hesa “idaṃ bahumaṅkuṇaṃ<sup>1</sup> duggandhapavātan”ti-ādivasena appaṭikkhipitvāva sampaṭicchati. Tenevāha “**idaṃ tuyhan**”ti-ādi. **Sayananti** nipajjanamāha. **Tena tena samādānenā**ti tena tena paṃsukūlikaṅgādikassa samādānena **dhutakilesattā**ti viddhaṃsitakilesattā, tadaṅgavasena pahīnataṅhupādānādipāpadhammattāti attho. Yehi taṃ kilesadhunanaṃ, tāniyeva idha dhutassa bhikkhuno aṅgānīti adhippetāni, na aññāni yāni kānīci, aññena vā dhutassāti ayamatto atthato āpanno. “**Ñāṇaṃ aṅgaṃ etesaṃ**”ti iminā ñāṇapubbakataṃ tesam samādānassa vibhāveti. **Paṭipattiyāti** sīlādisammāpaṭipattiyā. Samādiyati etenāti samādānaṃ, samādānavasena pavattā cetanā, taṃ lakkhaṇaṃ etesanti **samādānacetanālakkhaṇāni**. Vuttampi cetam **aṭṭhakathāyaṃ**—

“Samādānakiriyāya, sādhakatamabhāvato.

Sampayuttadhammā yenāti, karaṇabhāvena dassitā”ti.

Samādānacetanāya gahaṇaṃ taṃmūlakattā parihaṇaṇacetanāpi dhutaṅgameva. Attanā, parammukhena ca kusalabhaṇḍassa bhusaṃ viluppanaṭṭhena **loluppaṃ** taṅhācāro, tassa viddhaṃsanakiccattā **loluppavidhaṃsanarasāni**. Tato eva nilloluppabhāvena paccupatiṭṭhanti, taṃ vā paccupaṭṭhāpentīti **nilloluppabhāvapaccupaṭṭhānāni**. **Ariyadhammapadaṭṭhānāni**ti parisuddhasīlādisaddhammapadaṭṭhānāni.

**Bhagavatova santike samādātābānī**ti idaṃ antarā avicchedanattamaṃ vuttaṃ rañño santike paṭiññātārahassa atthassa tadupaṭṭhānāni ekamaṃsato avisaṃvādanaṃ viya. Sesānaṃ santike samādānēpi eseva nayo. **Ekasaṅgī-**

1. Bahumakuraṃ (Ka)

**tikassā**ti pañcasu dīghanikāyādīsu nikāyesu ekanikāyikassa.

**Aṭṭhakathācariyassā**ti yassa aṭṭhakathāntiyeva visesato paṇṇā, tassa. **Etthā**ti attanāpi samādānassa ruhane. **Jeṭṭhakabhātu dhutaṅgappicchatāya vatthū**ti so kira thero nesajjiko, tassa taṃ na koci jānāti. Athekadivasam rattiyaṃ sayanapiṭṭhe nisinnam vijjulatobhāsenā disvā itaro pucchi “kiṃ bhante tumhe nesajjikā”ti. Thero dhutaṅgappicchatāya tāvadeva nipajjitvā pacchā samādiyīti evamāgataṃ vatthu.

### 1. Paṃsukūlikaṅgathāvaṇṇanā

24. **Gahapatidānacīvaranti** ettha dāyakabhāvena samaṇāpi ukkaṭṭhassa gahapatipakkhamyeva pavitṭhāti daṭṭhabbam. “Pabbajito gaṇhissatī”ti ṭhapitakam siyā gahapatidānacīvaram, na pana gahapatidānacīvaranti tādisam nivattetum **dānaggahaṇam**. **Aññatarenā**ti ettha samādānavacanena tāva samādinnaṃ hotu, paṭikkhepavacanena pana kathanti? Atthato āpannattā. Yathā “devadatto divā na bhuñjati”ti vutte “rattiyam bhuñjati”ti atthato āpannameva hoti, tassa āhārena vinā sarīraṭṭhiti natthīti, evamidhāpi bhikkhuno gahapatidānacīvare paṭikkhitte tadanñācīvarappaṭiggaho atthato āpanno eva hoti, cīvarena vinā sāsane ṭhiti natthīti.

**Evam samādinna dhutaṅgenā**ti-ādividhānam paṃsukūlikaṅge paṭipajjanavidhi. Susāne laddham **sosānikam**. Tam pana yasmā tattha kenaci chaḍḍitattā patitam hoti, tasmā vuttam “**susāne patitakan**”ti. Evam **pāpaṇikampi** daṭṭhabbam. **Tālavelimaggio** nāma mahāgāme ekā vīthi. Anurādhapureti ca vadanti. Daḍḍho padeso etassāti **daḍḍhappadesam**, vattham. Magge patitakam bahudivasātikkantaṃ gahetabbanti vadanti. “Dvattidivasātikkantaṃ”ti apare. **Thokam rakkhitvā**ti katipayam kālam āgametvā. Vātāhatampi sāmikānam satisammosena patitasadisanti “**sāmi**ke **apassantena gahetum vaṭṭatī**”ti vuttam. Tasmā thokam āgametvā gahetabbam.

“Samghassa demā”ti dinnam, coḷakabhikkhāvasena laddhañca laddhakālato paṭṭhāya “samaṇacīvaram siyā nu kho, no”ti āsaṅkam nivattetum “**na tam paṃsukūlan**”ti vuttam. Na hi tam tevīsatiyā uppattiṭṭhānesu katthaci pariyāpannam. Idāni imināva pasaṅgena yam bhikkhudattiye

lakkhaṇapattaṃ paṃsukūlaṃ, tassa ca ukkaṭṭhānukkaṭṭhavibhāgaṃ dassetuṃ “**bhikkhudattiyepī**”ti-ādi vuttaṃ. Tattha **gāhetvā vā dīyatīti** saṃghassa vā gaṇassa vā dentehi yaṃ cīvaraṃ vassaggena pāpetvā bhikkhūnaṃ dīyati. **Senāsanacīvaranti** senāsanāṃ kāretvā<sup>1</sup> “etasmiṃ senāsane vasantā paribhuñjantū”ti dinnacīvaraṃ. **Na taṃ paṃsukūlanti** apaṃsukūlabhāvo pubbe vuttakāraṇato, gāhetvā dinnatā ca. Tenāha “**no gāhāpetvā dinnameva paṃsukūlan**”ti. **Tatrapīti** yaṃ gāhetvā na dinnāṃ bhikkhudattiyāṃ, tatrapī yena bhikkhunā cīvaraṃ dīyati, tassa lābhe, dāne ca visuṃ visuṃ ubhayattha ādaragāravānaṃ sabbhāvato, tadabhāvato ca bhikkhudattiyassa ekatosuddhi ubhatosuddhi anukkaṭṭhatā hontīti imamattaṃ dassetuṃ “**yaṃ dāyakehī**”ti-ādi vuttaṃ, pādamaṇḍale ṭhapetvā dinnakāṃ samaṇenāti adhippāyo. **Yassa kassacīti** ukkaṭṭhādīsu yassa kassaci. **Ruciyāti** chandena. **Khantiyāti** nijjhānakkhantiyā.

**Nissayānurūpaṭipattisabbhāvoti** upasampannasamanantaraṃ ācariyena vuttesu catūsu nissayesu attanā yathāpaṭiññātadutiyanissayānurūpāya paṭipattiyā vijjamānatā. **Ārakkhadukkhābhāvoti** cīvarārakkhanadukkhassa abhāvo paṃsukūlacīvarassa alobhaniyattā. **Paribhogataṇhāya abhāvo** savisesalūkhasabhāvattā. **Pāsādikatāti** paresaṃ pasādāvahatā. **Appicchātādīnaṃ phalanipphatti** dhutaṅgapariharaṇassa appicchātādīhiyeva anipphādetabbato. Dhutadhamme samādāya vatthanaṃ yāvadeva upari sammāpaṭipattisampādanāyāti vuttaṃ “**sammāpaṭipattiyā anubrūhanan**”ti. **Mārasenaviḡhātāyāti** mārasa, mārasenāya ca vihananāya viddhamsanāya. Kāyavācācittetehi yato saṃyatoti **yati**, bhikkhu. **Dhāritaṃ yaṃ lokagarunā paṃsukūlaṃ, taṃ ko na dhāraye**, yasmā vā **lokagarunā paṃsukūlaṃ dhāritaṃ**, tasmā **ko taṃ na dhārayeti** yojanā yaṃtaṃsaddānaṃ ekantasambandhibhāvato. **Paṭiññāṃ samanussaranti** upasampadamāḷe “āma bhante”ti ācariyapamukhassa saṃghassa sammukhā dinnāṃ paṭiññāṃ samanussaranto.

Iti paṃsukūlikaṅgathāvaṇṇanā.

## 2. Tecīvarikaṅgakathāvaṇṇanā

25. **Catutthakacīvaranti** nivāsanapārupanayogyam catutthakacīvaranti adhippāyo, aṃsakāsāvassa appaṭikkhipitabbato. **Aññataravacanenāti** ettha yaṃ vattabbaṃ, taṃ heṭṭhā vuttanayameva. Yāva na sakkoti, yāva na labhati, yāva na sampajjatīti paccekam **yāva-saddo** sambandhitabbo. **Na sampajjatīti** na sijjhati. **Nikkhattapaccayā doso natthīti** nicayasannidhidhutaṅgasamkilesadoso natthi. **Āsanneti** cīvarassa āsanne ṭhāne. Rajanakkhaṇe paribhuñjanakāsāvaṃ **rajanakāsāvaṃ**. **Tatratthakapaccattharaṇaṃ** nāma attano, parassa vā santakam senāsane paccattharaṇavasena adhiṭṭhitam. “Aṃsakāsāvaṃ parikkhāraḷam hoti, iti paccattharaṇam, aṃsakāsāvanti imāni dvepi atirekacīvaraṭṭhāne ṭhitānipi dhutaṅgabhedam na karontī”ti **aṭṭhakathāyaṃ** vuttanti vadanti. **Pariharitum pana na vaṭṭatīti** rajanakāle eva anuññātattā niccaparibhogavasena na vaṭṭati tecīvarikassa. **Aṃsakāsāvanti** khandhe ṭhapetabbakāsāvaṃ. **Kāyaparihārikenāti** vātātapādi-parissayato kāyassa pariharaṇamattena. **Samādāyevāti** gahetvā eva. **Appasamārambhatāti** appakiccatā. **Kappiye mattakāritāyāti** nisīdanādivasena, parikkhāraḷavasena ca bahūsu cīvaresu anuññātesupi ticīvaramatte ṭhitattā. Saha pattacaraṇāyāti **sapattacaraṇo**. **Pakkhī** sapakkhako.

Iti tecīvarikaṅgakathāvaṇṇanā.

## 3. Piṇḍapātikaṅgakathāvaṇṇanā

26. **Atirekalābhanti** “piṇḍiyālopabhojanaṃ nissāyā”ti<sup>1</sup> evaṃ vuttabhikkhāhāralābhato atirekalābhaṃ, saṃghabhaddānti attho. Sakalassa saṃghassa dātabbabbhattam **saṃghabhaddam**. Katipaye bhikkhū uddisitvā dātabbabbhattam **uddesabbhattam**. Ekasmiṃ pakkhe ekadivasaṃ dātabbabbhattam **pakkhikam**. Uposathe uposathe dātabbabbhattam **uposathikam**. Paṭipadadivase dātabbabbhattam **pāṭipadikam**. Vihāram uddissa dātabbabbhattam **vihārabhattam**. Dhuragehe eva ṭhapetvā dātabbabbhattam **dhurabhattam**. Gāmaṃvāsī-ādīhi vārena

1. Vi 3. 73, 133 piṭṭhesu.

dātabbabbhattaṃ **vāra**kabhattaṃ. “**Saṃghabhattaṃ gaṇhathāti-ādinā**”ti **ādi**-saddena uddesabhattādiṃ saṅgaṇhāti. **Sādituṃ vaṭṭantī**ti bhikkhāpariyāyena vuttattā. Bhesajjādipaṭisaṃyuttā **nirāmisasalakā**. Yāvakālikavajjāti ca vadanti. **Vihāre pakkabhattampī**ti upāsakā idheva bhattaṃ pacitvā “sabbesaṃ ayyānaṃ dassāma”ti vihāreyeva bhattaṃ sampādentī, taṃ piṇḍapātikānampi vaṭṭati. **Āharitvāti** pattaṃ gaṇhētva gehato ānetvā. **Taṃ divasaṃ nisīditvāti** “mā bhante piṇḍāya carittha, vihāreyeva bhikkhā ānīyati”ti vadantānaṃ sampaṭicchanaena taṃ divasaṃ nisīditvā. **Serivihārasukhanti** aparāyattavīhāritāsukhaṃ. **Ariyavaṃsoti ariyavaṃsasutta**<sup>1</sup> paṭisaṃyuttā dhammakathā. **Dhammarasanti** dhammūpasañhitaṃ pāmojjādirasaṃ.

Jaṅghabalaṃ nissāya piṇḍapariyesanato **kosajjanimmaddanā**. “Yathāpi bhamaro pupphan”ti-ādinā<sup>2</sup> vuttavidhinā āhārapariyesanato **parisuddhājīvātā**. Niccaṃ antaraghamaṃ pavisantasseva suppaṭicchannagamanādayo sekhiyadhammā sampajantīti **sekhiyapaṭipattipūraṇaṃ**. Paṭiggahaṇe mattaññūtāya saṃsaṭṭhavihārābhāvato ca **aparapositā**. Kule kule appaka-appakapiṇḍagahaṇena **parānuggahakiriya**. Antimāya jīvikāya avatṭhānena **mānappahānaṃ**. Vuttañhettaṃ “antamidaṃ bhikkhave jīvikānaṃ, yadidaṃ piṇḍolyan”ti-ādi<sup>3</sup>. Missakabhattena yāpanato **rasatanhānivāraṇaṃ**. Nimantaṇāsampaṭicchanaato gaṇabhojanādisikkhāpadehi **anāpattitā**.

Appaṭihata vuttitāya catūsūpi disāsu vattanaṭṭhena **cātuddiso**. **Ājīva’ssa visujjhatī**ti ājīvo assa visujjhati. **Attabharassāti** appānavajjasulabharūpehi paccayehi attano bharaṇato attabharassa. Tato eva ekavīhāritāya saddhivīhārikādīnampi aññesaṃ aponanato **anaññaposo**. Padadvayenāpi kāyaparihārikaena cīvarena kucchiparihārikaena piṇḍapātena vicaraṇato sallahukavuttitaṃ, subharatā, parama-appicchataṃ, santuṭṭhiṅca dasseti. **Devāpi pihayanti tādinoti** tādisassa bhusaṃ abhiviya santakāyavacīmanokammātāya upasantassa paramena satinepakkena samannāgamato sabbakālaṃ satimato piṇḍapātikassa bhikkhussa

1. Dī 3. 188; Aṃ 1. 336 piṭṭhesu.

2. Khu 1. 20; Khu 10. 159 piṭṭhesu.

3. Khu 1. 255; Saṃ 2. 76 piṭṭhesu.

sakkādayo devāpi pihayanti patthenti. Tassa silādiguṇesu bahumānaṃ  
uppādentā ādaraṃ janenti, pageva manussā. Sace so  
**lābhasakkārasilokasannissito** na hoti, tadabhikaṅkhi na hotīti attho.

Iti piṇḍapātikaṅgakathā vaṇṇanā.

#### 4. Sapadānacārikaṅgakathāvaṇṇanā

27. **Imināti** sapadānacārikaena. **Kālataranti** kālasseva. **Aphāsukatṭhānanti**  
saparissayādivasena duppavesanaṭṭhānaṃ. **Puratoti** vīthiyaṃ gacchantassa  
purato gharaṃ apaviṭṭhasseva. **Pattavissaṭṭhaṭṭhānanti** pesakāravīthiyaṃ  
pesakārabhāvaṃ nimminivā ṭhitassa sakkassa gharadvāre  
pattavissaṭṭhaṭṭhānaṃ. Ukkaṭṭhapiṇḍapātiko taṃ divasaṃ na bhikkhaṃ  
āgamayamāno nisīdati, tasmā taṃ **anulometi**. Katthacipi kule nibaddhaṃ  
upasaṅkamaṇābhāvato paricayābhāvena **kulesu niccanavakatā**. Sabbattha  
alaggamānasatāya ca sommabhāvena ca **candūpamatā**. **Kulesu**  
pariggahacittābhāvena tattha **maccherappahānaṃ**. Hitesitāya  
vibhāgābhāvato **samānukampitā**. Kulānaṃ saṅgaṇhanasaṃsaṭṭhatādayo  
**kulūpakādīnavā**. **Avhānānabhinandanāti** nimantanavasena avhānassa  
asampaṭicchana. **Abhihārenāti** bhikkhābhihārena. **Sericāranti** yathārucci  
vicaraṇaṃ.

Iti sapadānacārikaṅgakathāvaṇṇanā

#### 5. Ekāsanikaṅgakathāvaṇṇanā

28. **Nānāsanabhojananti** anekasmim āsane bhojanaṃ, ekanisajjāya eva  
abhuñjivā visuṃ visuṃ nisajjāsu āhāraparibhoganti attho. **Patirūpanti**  
yuttarūpaṃ anuṭṭhāpanīyaṃ. **Vattaṃ kātuṃ vaṭṭatīti** vattaṃ kātuṃ yujjati.  
Vattaṃ nāma garuṭṭhāniye kattabbameva. Tattha pana paṭipajjanavidhim  
dassetuṃ yaṃ theravādaṃ āha “**āsanam vā rakkheyya bhojanam vā**”ti-ādi.  
Tassattho—ekāsanikaṃ bhikkhuṃ bhuñjantaṃ āsanam vā rakkheyya,  
dhutaṅgabhedato yāva bhojanapariyosānā na vuṭṭhātabbanti vuttaṃ

hoti. Bhojanam vā rakkheyya dhutaṅgabhedato, abhiññijyamānam<sup>1</sup> yāva bhuñjituṃ nārabhati, tāva vuṭṭhātabbanti attho. Yasmā tayidaṃ dvayaṃ idha natthi, tasmā vattakaraṇam dhutaṅgam na rakkhatīti adhippāyo. Tenāha “**ayañcā**”ti-ādi. “Bhesajjatthamevā”ti iminā bhesajjaparibhogavaseneva sappi-ādīnīpi vaṭṭantīti dasseti. **Appābādhatā**ti arogatā. **Appātākatā**ti akicchajīvitā sarīradukkhābhāvo. **Lahuṭṭhānanti** kāyassa lahuparivattitā. **Balanti** sarīrabalam. **Phāsuvihāro**ti sukhavihāro. Sabbametam bahukkhattum bhuñjanapaccayā uppajjanavikārapaṭikkhepapadam<sup>2</sup>. **Rujāti** rogā. **Na kammamattanoti** attano yogakammaṃ purebhattam, pacchābhattañca na parihāpeti, bahuso bhojane abyāvaṭabhāvato, arogabhāvato cāti adhippāyo.

Iti ekāsanikaṅgakathāvaṇṇanā.

## 6. Pattapiṇḍikaṅgakathāvaṇṇanā

29. **Appaṭikūlam katvā bhuñjituṃ vaṭṭati** paṭikūlassa bhuttassa agaṇhanampi<sup>3</sup> siyāti adhippāyo. **Pamāṇayuttameva gaṇhitabbanti** “ekabhājanameva gaṇhāmī”ti bahuṃ gahetvā na chaḍḍetabbaṃ. **Nānārasataṇhāvinodananti** nānārasabhojane taṇhāya vinodanam. Atra atra nānābhājane ṭhite nānārase icchā etassāti atriccho, tassa bhāvo atricchatā, tassā **atricchatāya pahānam**. **Āhāre payojanamattadassitāti** asambhinnanānārase gedham akatvā āhāre satthārā anuññātapayojanamattadassitā. Visuṃ visuṃ bhājanesu ṭhitāni byañjanāni gaṇhato tatha tatha sābhogatāya siyā vikkhittabhojitā, na tathā imassa ekapattagatasaññinoti vuttam “**avikkhittabhojitā**”ti. **Okkhittalocanoti** pattasaññitāya heṭṭhākhittacakkhu. **Paribhuñjeyyāti** paribhuñjituṃ sakkuṇeyya.

Iti pattapiṇḍikaṅgakathāvaṇṇanā.

1. Abhuñjamānam (Ka)

2. ...param (Sī)

3. Asañṭhānam (Sī, Syā)



### 7. Khalupacchābhattikaṅgathāvaṇṇanā

30. Bhuñjantassa yaṃ upanītaṃ, tassa paṭikkhepena taṃ atirittaṃ bhojananti atirittabhojanam. Puna bhojanam kappiyam kāretvā na bhuñjitabbari, tabbisayattā imassa dhutaṅgassa. Tenāha “idamassa vidhānan”ti. Yasmiṃ bhojaneti yasmiṃ bhuñjijamāne bhojane. Tadeva bhuñjati, na aññaṃ. Anatirittabhojanapaccayā āpatti anatirittabhojanāpatti, tato dūrībhāvo anāpajjanam. Odarikattaṃ ghasmarabhāvo<sup>1</sup> kucchipūrakatā, tassa abhāvo ekapiṇḍenāpi yāpanato. Nirāmisasannidhitā nihitassa abhuñjanato. Puna pariyesanavasena pariyesanāya khedaṃ na yāti. Abhisallekhakānaṃ santosaguṇādīnaṃ vuddhiyā sañjananam santosaguṇādi vuḍḍhisañjananam. Idanti khalupacchābhattikaṅgam.

Iti khalupacchābhattikaṅgathāvaṇṇanā.

### 8. Āraññikaṅgathāvaṇṇanā

31. Gāmantasenāsanam pahāya araññe aruṇam uṭṭhāpetabbanti ettha gāmantam, araññaṅca sarūpato dassetuṃ “tatha saddhiṃ upacārenā”ti-ādi āraddham. Tattha gāmapariyāpannattā gāmantasenāsanassa “gāmoyeva gāmantasenāsanam”ti vuttam. Yo koci satthopi gāmo nāmāti sambandho. Indakhīlāti ummārā. Tassāti leḍḍupātassa. Vinayapariyāyena araññalakkhaṇam adinnādānapārājike<sup>2</sup> āgataṃ. Tattha hi “gāmā vā araññā vā”ti anavasesato avahāraṭṭhānapariggāhe tadubhayaṃ asaṅkarato dassetuṃ “ṭhāpetvā gāmañcā”ti-ādi vuttam. Gāmūpacāro hi loke gāmasaṅkhameva gacchatīti. Nippariyāyato pana gāmavinimuttam ṭhānam araññaṃeva hotīti abhidhamme<sup>3</sup> gāmā “nikkhamitvā bahi indakhīlā, sabbametaṃ araññaṃ”ti vuttam. Suttantikapariyāyena āraññakasikkhāpade<sup>4</sup> “pañcadhanusatikam pacchiman”ti āgataṃ āraññikam bhikkhuṃ sandhāya. Na hi so vinayapariyāyike “araññe vasanato āraññiko pantasenāsano”ti sutte vutto. Ayaṅca suttasamvaṇṇanāti idha sabbattha

1. Odarikattasammatabhāvo (Syā), odarikattasammatabhāvo (Ka)

2. Vi 1. 57 piṭṭhe.

3. Abhi 2. 260 piṭṭhe.

4. Vi 1. 377 piṭṭhe.

suttantakathāva pamāṇaṃ. Tasmā tattha āgatameva lakkhaṇaṃ gahetabbanti dassento “**taṃ āropitena ācariyadhanunā**”ti-ādinā minanavidhiṃ āha. Teneva hi majjhimaṭṭhakathānayo<sup>1</sup> **idamettha pamāṇanti** ca vutto.

**Tato tato magganti** tattha tattha khuddakamaggaṃ **pidayati**. **Dhutaṅgasuddhikena** dhutaṅgasodhanapasutena. **Yathā paricchinne kāleti** ukkaṭṭhassa tayopi utū, majjhimassa dve, mudukassa eko utu. Tatthapi **dhutaṅgaṃ na bhijjati** sa-ussāhattā. **Nipajjitvā gamissāmāti** cittassa sithilabhāvena dhutaṅgaṃ bhijjatīti vuttaṃ. **Araññasaññaṃ manasi karontoti** “aham vivekavāsaṃ vasissāmi, yathā laddhova kāyaviveko sātthako kātabbo”ti manasikārasabbhāvato “**bhabbo -pa- rakkhitun**”ti vuttaṃ. **Assa āraññikassa cittaṃ na vikkhipanti** āpāthamanupagamanato. **Vigatasantāso hoti** vivekaparicayato. **Jīvitānikantiṃ jahati** bahuparissaye araññe nivāseneva maraṇabhayaṃ dūrīkaraṇato. **Pavivekasukharasaṃ assādeti** anubhavati janasaṃsaggābhāvato. **Ārādhayantoti** anunayanto<sup>2</sup>. **Yathānusiṭṭhaṃ paṭipattiyā** vivekassa adhiṭṭhānabhāvato āraññikaṅgayogino vāhanasādisanti katvā vuttaṃ “**avasesadhutāyudho**”ti, avasiṭṭhadhutadhammāyudhoti attho.

Iti āraññikaṅgakathāvaṇṇanā.

## 9. Rukkhamūlikaṅgakathāvaṇṇanā

32. **Channanti** iṭṭhakāchadanādīhi chāditaṃ, āvasathanti attho. **Sīmantarikarukkhoti** dvinnam rājūnaṃ rajjasīmāya ṭhitarukkho. Tattha hi tesam rājūnaṃ balakāyo upagantvā antarantarā yuddham kareyya, corāpi pāripanthikā samosarantā bhikkhussa sukkena nisīdituṃ na denti. **Cetiyaarukkho** “devatādhiṭṭhito”ti manussehi sammatarukkho pūjetuṃ upagatehi manussehi avivitto hoti. **Niyyāsarukkho** sajjarukkhadī<sup>3</sup>. **Vaggulirukkho** vaggulinisevito. Sīmantarikarukkhadayo saporissayā, dullabhavivekā cāti āha “**ime rukkhe vivajjetvā**”ti.

1. Ma-Ṭṭha 2. 119 piṭṭhe.

2. Ānandayanto (Sī)

3. Sajjularukkhadī (Syā, Ka)

**Paṇṇasaṭanti** rukkhatō patitapaṇṇaṃ. **Paṭicchanne** **ṭhāne nisīditabbaṃ** rukkhamūlikabhāvassa paṭicchādanatthaṃ. **Channe** vāsakappaṇā dhammassavanādīnamatthāyapi hoti. Tasmā “**jānitvā aruṇaṃ utṭhāpitamatte**”ti vuttaṃ.

**Abhiṇhaṃ taruṇaṇṇavikāradassanenā**ti abhikkhaṇaṃ tarūsu, tarūnaṃ vā paṇṇesu vikārasa khaṇabhaṅgassa dassanena.

**Senāsanamaccherakammārāmatānanti**

āvāsamacchariyanavakammaratabhāvānaṃ. **Devatāhi**ti rukkhadēvatāhi. Tāpi hi rukkhaṭṭhavimānesu vasantiyo rukkhesu vasanti. Ayampi rukkheti **sahavāsita**. **Vaṇṇitoti** “appāni cevā”ti-ādinā pasamsito.

“Rukkhamūlasenāsanāṃ nissāya pabbajjā”ti<sup>1</sup> evaṃ **nissayoti ca bhāsito**.

**Abhirattāni** taruṇakāle, **nīlāni** majjhimakāle, **paṇḍūni** jīṇṇakāle. **Patitāni** milāyanavasena. Evaṃ **passanto taruṇaṇṇāni** paccakkhato eva niccasaññaṃ **panūdati** pajahati, aniccasaññā evassa saṅṭhāti. Yasmā bhagavato jātibodhidhammacakkapavattanapariniḅbānāni rukkhamūleyeva jātāni, tasmā vuttaṃ “**buddhādāyajaṃ rukkhamūlan**”ti.

Iti rukkhamūlikaṅgakathāvaṇṇanā.

## 10. Abbhokāsikaṅgakathāvaṇṇanā

33. “Rukkhamūlaṃ paṭikkhipāmī”ti ettake vutte channaṃ appaṭikkhittameva hotīti “**channañca rukkhamūlañca paṭikkhipāmī**”ti vuttaṃ. Dhutaṅgassa sabbaso paṭiyogipaṭikkhepena hi samādānaṃ ijjhati, no aññathāti. “Dhammassavanāyā”ti imināva dhammaṃ kathentēnāpi uposathadivasādīsū suṇantānaṃ cittānurakkhaṇatthaṃ tehi yācītena channaṃ pavisitūṃ vaṭṭati, dhammaṃ pana kathetvā abbhokāsova gantabbo. Rukkhamūlikassāpi eseva nayo. **Uposathatthāyāti** uposathakammāya. **Uddisantenāti** paresaṃ uddesaṃ dentena. **Uddisāpentenāti** sayāṃ uddesaṃ gaṇhantena. **Maggamajjhe ṭhitāṃ sālanti** sīhaḷadīpe viya maggā anokkamma ujukameva pavisitabbasālaṃ. **Vegena gantuṃ na vaṭṭati** asārūppattā. **Yāva vassūparamā ṭhatvā gantabbaṃ**, na tāva dhutaṅgabhedo hotīti adhippāyo.

1. Vi 3. 73, 133 piṭṭhesu.

**Rukkhasa anto** nāma rukkhamūlaṃ. Pabbatassa pana pabbhārasadiso **pabbatapadeso**. **Acchannamariyādanti** yathāva vassodakaṃ anto na pavisati, evaṃ chadanasankhepena upari akatamariyādaṃ. Anto pana pabbhārasa vassedakaṃ pavisati ce, abbhokāsasankhepamevāti tattha pavisitum vaṭṭati. **Sākhāmaṇḍapoti** rukkhasākhāhi virāḷacchannamaṇḍapo. **Pīṭhapaṭo** khalitthaddhasāṭako.

**Paviṭṭhakkhaṇe dhutaṅgaṃ bhijjati** yathāvuttapabbhārādike ṭhapetvāti adhippāyo. **Jānitvāti** dhammassavanādi-atthaṃ channaṃ rukkhamūlaṃ pavisitvā nisinno “idāni aruṇo uṭṭhahatī”ti jānitvā. Rukkhamūlepi katthaci attheva nivāsaphāsukatāti siyā tattha āsaṅgapubbako<sup>1</sup> āvāsapalibodho, na pana abbhokāseti idheva **āvāsapalibodhupacchedo** ānisaṃso vutto. **Pasaṃsāyānurūpatāti aniketāti** vuttapasaṃsāya anālayabhāvena anucchavikatā. **Nissaṅgatāti** āvāsapariggahābhāveneva tattha nissaṅgatā. Asukadisāya vasanaṭṭhānaṃ natthi, tasmā tattha gantum neva sakkāti edisassa parivitakkassa abhāvato **cātuddiso**. **Migabhūtenāti** pariggahābhāvena migassa viya bhūtena. **Sitoti** nissito. **Vindatīti** labhati.

Iti abbhokāsikaṅgakathāvaṇṇanā.

## 11. Sosānikaṅgakathāvaṇṇanā

34. **Na susānanti** asusānaṃ. Aññattho **na-kāro**, susānalakkhaṇarahitaṃ vasanaṭṭhānanti adhippāyo. **Na tatthāti** “susānaṃ”ti vavatthapitamatthe ṭhāne na **vasitabbaṃ**. Na hi nāmamattena susānalakkhaṇaṃ sijjhati. Tenāha “**na hī**”ti-ādi. **Jhāpitakālato pana paṭṭhāya -pa- susānameva** chavena sayitamattāya susānalakkhaṇappattito. Chavasayanaṃ hi “susānaṃ”ti vuccati.

Sosānikena nāma appakiccena sallahukavuttinā bhavitabbanti dassetum “**tasmim̐ pana vasantenā**”ti-ādi vuttaṃ. **Garukanti** dupparihāraṃ. Tameva hi dupparihārabhāvaṃ dassetum “**tasmā**”ti-ādi vuttaṃ. Tattha

---

1. Āsaṅkapubbako (Syā, Ka)

**uppannaparissayavighātattāyāti** “susānaṃ nāma manussarāhasseyyakan”ti corā katakammāpi akatakammāpi osaranti, tathā coresu bhaṇḍasāmike disvā bhikkhusamīpe bhaṇḍaṃ chaḍḍetvā palātesu manussā bhikkhuṃ “coro”ti gahetvā potheyyūṃ, tasmā vihāre **sarṃghattheraṃ vā** gocaragāme raññā niyuttaṃ **rājayuttakaṃ vā** attano sosānikabhāvaṃ **jānāpetvā** yathā tādiso añño vā parissayo na hoti, tathā **appamattena vasitabbaṃ**. Caṅkamantassa yadā ālahanaṃ abhimukhaṃ na hoti, tadāpi samvegajananatthaṃ tathā diṭṭhi<sup>1</sup> vissajjetabbāti dassetuṃ “**addhakkhikena ālahanaṃ olokentenā**”ti vuttaṃ.

**Uppathamaggena gantabbaṃ** attano sosānikabhāvassa apākaṭabhāvatthaṃ. **Ārammaṇanti** tasmim̄ susāne “ayaṃ vammiko, ayaṃ rukkho, ayaṃ khāṇuko”ti-ādinā **divāyeva ārammaṇaṃ vavatthapetabbaṃ**. **Bhayānakanti** bhayajanakaṃ vammikādiṃ. **Kenaci** leḍḍupāsāṇādinā āsanne vicarantīti **na paharitabbā**. **Tilapiṭṭhaṃ** vuccati palalaṃ. Māsamissaṃ bhattaṃ **māsabhattaṃ**. **Guḷādīti ādi**-saddena tilasaṃguḷikādighanaṇapūvaṅca<sup>2</sup> saṅgaṇhāti. **Kulagehaṃ na pavisitabbanti** petadhūmena vāsittā, pisācānubandhattā ca kulagehassa abhantaram̄ na pavisitabbaṃ. Devasikaṃ chavaḍāho **dhuvaḍāho**. Matañātakānaṃ tathā gantvā devasikaṃ rodanaṃ **dhuvarodanaṃ**. **Vuttanayenāti** “jhāpitakālato pana paṭṭhāyā”ti vuttanayena. “Pacchimayāme paṭikkamituṃ vaṭṭatī”ti icchittā “**susānaṃ agatadivase**”ti **aṅguttarabhāṅakā**.

Susāne niccakālaṃ sivathikadassanena **maraṇassatipaṭilābho**. Tato eva **appamādavihāritā**. Tattha chaḍḍitassa matakaḷevarassa dassanena **asubhanimittādhiḡamo**. Tato eva **kāmarāgavinodanaṃ**. Bahulaṃ sarīrassa asuciduggandhajeuccabhāvasallakkaṇato **abhiṇhaṃ** **kāyasabhāvadassanaṃ**. Tato maraṇassatipaṭilābhato ca **samvegabahulatā**. Byādhikānaṃ, jarājiṇṇānaṅca matānaṃ tathā dassanena **ārogyayobbanajīvitamadappahānaṃ**. Khuddakassa, mahato ca bhayassa abhibhavanato **bhayabheravasahanatā**. Samviggassa yoniso padahanaṃ sambhavaṭīti **amanussānaṃ garubhāvanīyatā**. **Niddāgatampīti** suttampi, supinantepīti adhippāyo.

Iti sosānikaṅgakathāvaṇṇanā.

1. Attadiṭṭhi (Syā, Ka)

2. Tilasaṃguḷikādighatapūvaṅca (Syā, Ka), tilasaṃguḷikādighatapūvaṅca (Ka-Sī)

## 12. Yathāsanthatikaṅgākathāvaṇṇanā

35. Senāsanagāhaṇe pare uṭṭhāpetvā gahaṇaṃ, “idaṃ sundaraṃ, idaṃ na sundaraṃ”ti paritulayivā pucchanā, olokanā ca **senāsanaloluppaṃ**. **Tuṭṭhabbanti** tussitabbaṃ. Vihārassa pari-antabhāvena **dūreti** vā bahūnaṃ sannipātaṭṭhānādīnaṃ **accāsanneti vā pucchituṃ na labhati**, pucchanenapissa dhutaṅgassa saṃkilissanato. **Oloketunti** loluppavasena passituṃ. **Sacassa taṃ na ruccatīti** assa yathāsanthatikassa taṃ yathāgāhitaṃ senāsanam aphāsukabhāvena sace na ruccati, mudukassa asati roge yathāgāhitaṃ pahāya aññassa senāsanassa gahaṇaṃ loluppaṃ, majjhimassa gantvā olokanā, ukkaṭṭhassa pucchanā. Sabbesampi uṭṭhāpetvā gahaṇe vattabbameva natthi.

Upaṭṭhāpanīyānampi anuṭṭhāpanena **sabrahmacārīnaṃ hitesitā**. Tāya karuṇāvihārānugūṇatā. Sundarāsundaravibhāgākaraṇato **hīnapaṇītavikappapariccāgo**. Tena tādilakkhaṇānugūṇatā. Tato eva **anurodhavirodhappahānaṃ**. **Dvārapidahaṇaṃ** okāsādānato. **Yathāsanthatarāmatanti** yathāgāhite yathānidḍiṭṭhe senāsane abhiratabhāvaṃ.

Iti yathāsanthatikaṅgākathāvaṇṇanā

## 13. Nesajjikaṅgākathāvaṇṇanā

36. **Seyyanti** iriyāpathalakkhaṇaṃ seyyaṃ. Tappaṭikkhepeneva hi tadatthā “mañco bhisi”ti evamādikā<sup>1</sup> seyyā paṭikkhittā eva hontī. “Nesajjiko”ti ca sayanaṃ paṭikkhipitvā nisajjāya eva viharituṃ silamassāti imassa atthassa idha adhippetattā seyyā evettha paṭiyoginī, na itare tathā aniṭṭhattā, asambhavato ca. Kosajjapakkihiyo hi iriyāpatho idha paṭiyogibhāvena icchito, na itare. Na ca sakkā ṭhānagamanehi vinā nisajjāya eva yāpetuṃ tathā pavattetunti seyyāvettha paṭiyoginī. Tenāha “**tena panā**”ti-ādi. **Caṅkamitabbaṃ na** “nesajjiko ahan”ti sabbarattim nisīditabbaṃ. Irīyāpathantarānuggahito hi kāyo manasikārakkhamo hoti.

1. Vi 4. 321, 323 piṭṭhesu.

Cattāro pādā, piṭṭhi-apassayo cāti imehi pañcahi aṅgehi **pañcaṅgo**. Catūhi aṭṭanihi, piṭṭhi-apassayena ca pañcaṅgoti apare. **Ubhosu passesu** piṭṭhipasse ca yathāsukhaṃ apassāya viharato nesajjikassa “anesajjikato ko viseso”ti gāhaṃ nivāretuṃ **abhayatthero** nidassito “**thero anāgāmī hutvā parinibbāyī**”ti.

Upacchedīyati etenāti **upacchedananti** vinibandhupacchedassa sādhakatamabhāvo daṭṭhabbo. **Sabbakammaṭṭhānānuyogasappāyatā** alīnānuddhaccapakkhikattā nisajjāya. Tato eva **pāsādika-iriyāpathatā**. **Vīriyārambhānukūlatā** vīriyasamatāyojanassa anucchavikatā. Tato eva **sammāpaṭipattiyā anubrūhanatā**. **Paṇidhāyāti** ṭhapetvā. **Tanunti** uparimakāyaṃ. **Vikampetīti** cāleti, icchādhihātāṃ karotīti adhippāyo. **Vatanti** dhutaṅgaṃ.

Iti nesajjikaṅgakathāvaṇṇanā.

### Dhutaṅgapakiṇṇakakahāvaṇṇanā

37. Sekkhaputhujjanānaṃ vasena **siyā kusalāni**, khīṇāsavānaṃ vasena **siyā abyākatāni**. Tattha sekkhaputhujjanā paṭipattipūraṇatthaṃ, khīṇāsavā phāsuvihāratthaṃ dhutaṅgāni pariharanti. **Akusalampi dhutaṅganti** akusalacittenāpi dhutaṅgasevanā atthīti adhippāyo. Taṃ na yuttaṃ, yena akusalacittena pabbajitassa āraññikattaṃ, taṃ dhutaṅgaṃ nāma na hoti. Kasmā? Lakkhaṇābhāvato. Yaṃ hidaṃ kilesānaṃ dhunanato dhutassa puggalassa, ñāṇassa, cetanāya vā aṅgattaṃ, na taṃ akusaladhammesu sambhavati. Tasmā araññavāsādimattena āraññikādayo tāva hontu, āraññikaṅgādīni pana na hontīti imamatthaṃ dassetuṃ “**na mayan**”ti-ādi vuttaṃ. Tattha **imānīti** dhutaṅgāni. **Vuttaṃ** heṭṭhā vacanatthaniddese. **Na ca akusalena koci dhuto nāma hoti**, kilesānaṃ dhunanaṭṭhenāti adhippāyo. **Yassa** bhikkhuno **etāni** samādānāni **aṅgāni**. Etena paṭhamenāpi atthavikappena “natthi akusalaṃ dhutaṅgaṃ”ti dasseti. **Na ca akusalaṃ kiñci dhunātīti** akusalaṃ kiñci pāpaṃ na ca dhunāti eva appaṭipakkhato. **Yesam** samādānānaṃ **taṃ** akusalaṃ ñāṇaṃ

viya aṅganti katvā tāni **dhutaṅgānīti vucceyyuṃ**. Iminā dutiyenāpi atthavikappena “natthi akusalaṃ dhutaṅgaṃ”ti dasseti. **Nāpi akusalanti-**ādi tatiya-atthavikappavasena yojanā. **Tasmāti-**ādi vuttassevatthassa nigamaṇaṃ.

**Yesanti** abhayagirivāsike sandhāyāha. Te hi dhutaṅgaṃ nāma paññattīti vadanti. Tathā sati tassa paramatthato avijjamānattā kilesānaṃ dhunanaṭṭhopi na siyā, samādātabbatā cāti tesam vacanaṃ pāḷiyā virujjhatīti dassetuṃ “**kusalattikavinimuttan**”ti-ādi vuttaṃ. **Tasmāti** yasmā paññattipakkhe ete dosā dunnivārā, tasmā **taṃ** tesam vacanaṃ **na gahetabbaṃ**, vuttanayo cetanāpakkhoyeva gahetabboti attho. Yasmā ete dhutaguṇā kusalattike paṭhamatatiyapadasaṅgahitā, tasmā siyā sukhāya vedanāya sampayuttā, siyā adukkhamasukhāya vedanāya sampayuttā, siyā vipākadhammadhammā, siyā nevavipākanavipākadhammadhammo. Siyā anupādinnupādāniyā, siyā asaṃkiliṭṭhasaṃkilesikāti evaṃ sesatikadukapadehipi nesam yathārahaṃ saṅgaho vibhāvetabbo.

Kāmaṃ sabbopi arahā dhutakilesa, idha pana dhutaṅgasevanāmukhena kilese vidhunitvā ṭhito khīṇāsavo “**dhutakilesa puggalo**”ti adhippeto. Tathā sabbopi ariyamaggo nipariyāyena **kilesadhunano dhammo**, visesato aggamaggo. Pariyāyena pana vipassanāññādi. Heṭṭhimaparicchedena dhutaṅgacetanāsampayuttaññaṇaṃ daṭṭhabbaṃ. Evaṃ dhutaṃ dassetvā dhutavāde dassetabbe yasmā dhutavādabhedena dhuto viya dhutabhedena dhutavādopi duvidho, tasmā tesam, tadubhayapaṭikkhepassa ca vasena catukkamettha sambhavatīti taṃ dassetuṃ “**atthi dhuto**”ti-ādi vuttaṃ.

**Tayidanti** nipāto, tassa “so ayan”ti attho. **Dhutadhammā nāmāti** dhutaṅgasevanāya paṭipakkhabhūtānaṃ pāpadhammānaṃ dhunanasena pavattiyā “dhuto”ti laddhanāmāya dhutaṅgacetanāya upakārakā dhammāti katvā dhutadhammā nāma. Asampattasampattesu paccayesu alubbhanākārena pavattanato **appicchatā santuṭṭhitā** ca atthato alobho<sup>1</sup>. Paccayagedhādihetukānaṃ lolatādīnaṃ saṃkilesānaṃ sammadeva

---

1. Alobhe (Si)



likhanato chedanato gaṇasaṅgaṇikādibhedato saṃsaggato cittassa vivecanato **sallekhatā pavivekatā** ca alobho amohoti<sup>1</sup> imesu **dvīsu dhammesu anupatanti** tadantogadhā tappariyāpannā honti, tadubhayasseva pavattivisesabhāvato. Imehi kusaladhammehi atthī idamatthī, yena ñāṇena pabbajitena nāma paṃsukūlikaṅgādīsu patiṭṭhitena bhavitabbanti yathānusiṭṭhaṃ dhutaguṇe samādiyati ceva pariharati ca, taṃ ñāṇaṃ idamatthitā. Tenāha “**idamatthitā ñāṇamevā**”ti. **Paṭikkhepavatthūsūti** gahapaticīvarādīsu tehi tehi dhutaṅgehi paṭikkhipitabbavatthūsu. **Lobhanti** taṇhaṃ. **Tesveva vāti** paṭikkhepavatthūsu eva. **Ādīnavapaṭicchādakanti** taṇhaṃ. **Tesveva vāti** paṭikkhepavatthūsu eva. **Ādīnavapaṭicchādakanti** ārakkhadukka parādhīnavutti corabhayādi-ādīnavapaṭicchādakaṃ. **Anuññātānanti** satthārā nicchandarāgaparibhogavasena anuññātānaṃ sukhasamphassa-attharaṇapāvuraṇādīnaṃ. **Paṭisevanamukhenāti** paṭisevanadvārena, tena lesenāti attho. **Atisallekhamukhenāti** ativiya sallekhaṇapaṭipattimukhena, ukkaṭṭhassa vattanakānampi paṭikkhipanavasenāti attho.

Sukhumakaraṇa<sup>2</sup> sannissayo rāgo dukkhāya paṭipattiyā patiṭṭhaṃ na labhatīti āha “**dukkhāpaṭipadañca nissāya rāgo vūpasammatī**”ti. Sallekho nāma sampajānassa hoti, satisampajāññe moho apatiṭṭhova appamādasambhavatoti vuttaṃ “**sallekhaṃ nissāya appamattassa moho pahīyati**”ti. **Ettāti** etesu dhutaṅgesu. **Tatthāti** araṇṇarukkhamūlesu.

**Sīsaṅgānīti** sīsabhūtāni aṅgāni, paresampi kesañci nānantarikatāya, sukaratāya ca saṅgaṇhanato uttamaṅgānīti attho. **Asambhinnaṅgānīti** kehici sambhedarahitāni, visuṃyeva aṅgānīti vuttaṃ hoti. **Kammaṭṭhānaṃ vaḍḍhati** rāgacaritassa, mohacaritassa, dosacaritassāpi, taṃ ekaccaṃ **dhutaṅgaṃ sevantassāti** adhippāyo. **Hāyati** kammaṭṭhānaṃ sukumārabhāvena lūkhapaṭipattim asahantassa. **Vaḍḍhateva** mahāpurisajātikassāti adhippāyo. **Na vaḍḍhati** kammaṭṭhānaṃ upanissayarahitassa. **Ekameva hi dhutaṅgaṃ** yathā kilesadhunanaṭṭhena, evaṃ cetanāsabhāvattā. Tenāha “**samādānacetanā**”ti.

1. Alobhe amohe (Sī)

2. Sukhupakaraṇa (Sī)

Terasāpi dhutaṅgāni samādāya pariharantānaṃ puggalānaṃ vasena “**dvācattālīsa hontī**”ti vatvā bhikkhūnaṃ terasannampi pariharaṇassa ekajjhamyeva sambhavaṃ dassetuṃ “**sace hī**”ti-ādi vuttaṃ. Tatha “**ekappahārena sabbadhutaṅgāni paribhuñjituṃ sakkotī**”ti vuttaṃ. Kathaṃ abbhokāse viharantassa rukkhamūlikaṅgaṃ? “Channaṃ paṭikkhipāmi, rukkhamūlikaṅgaṃ samādiyāmi”ti<sup>1</sup> vacanato channe aruṇaṃ utṭhāpitamatte dhutaṅgaṃ bhijjati, na abbhokāse, tasmā bheda hetuno abhāvena tampi arogameva. Tathā senāsanaloluppassa abhāvena yathāsanthatikaṅgānti daṭṭhabbaṃ. **Āraññikaṅgaṃ** gaṇamhā **ohīyanasikkhāpadena**<sup>2</sup> paṭikkhittaṃ, **khalupacchābhattikaṅgaṃ** anātirittabhojanasikkhāpadena<sup>3</sup>. Pavāritāya hi<sup>4</sup> bhikkhuniyā atirittaṃ katvā bhuñjituṃ na labbhati. Kappiye ca vatthusmiṃ lolatāpahānāya dhutaṅgasamādānaṃ, na akappiye, sikkhāpadeneva paṭikkhittatā. **Aṭṭheva honti** bhikkhuniyā saṃkaccikacīvarādīhi saddhiṃ pañcapi ticīvarasaṅkameva gacchantīti katvā. **Yathāvuttesūti** bhikkhūnaṃ vuttesu terasasu ticīvarādhiṭṭhānavinayakammābhāvato **ṭhapetvā tecīvarikaṅgaṃ dvādasa sāmaṇerānaṃ**. **Sattāti** bhikkhunīnaṃ vuttesu aṭṭhasu ekaṃ pahāya satta ticīvarādhiṭṭhānavinayakammābhāvato. “Ṭhapetvā tecīvarikaṅgaṃ”ti hi imaṃ anuvattamānameva katvā “**satta sikkhamānasāmaṇerīnaṃ**”ti vuttaṃ. **Patirūpānīti** upāsakabhāvassa anucchavikāni.

Dhutaṅganiddesavaṇṇanā niṭṭhitā.

**Iti dutiyaparichedavaṇṇanā.**

1. Visuddhi 1. 71 piṭṭhe.

3. Vi 2. 111 piṭṭhe.

2. Vi 2. 296 piṭṭhe.

4. Parihāyati (Syā, Ka)

### 3. Kammatṭhānaggahaṇaniddesavaṇṇanā

38. **Apicchatādīhī**ti appicchatāsantuṭṭhisallekhapavivekāpacaya-vīriyārambhādīhi. **Pariyodāte**ti suvisuddhe nirupakkilese. **Imasmim̐ sīle**ti yathāvutte catupārisuddhisīle. “Cittam̐ bhāvayan”ti imameva desanam̐ sandhāyāha “**atisaṅkhepadesitattā**”ti. **Ko samādhī**ti sarūpapucchā. **Kenatṭhena samādhī**ti kena atthena samādhīti vuccati, “samādhī”ti padaṃ kaṃ abhidheyyattham̐ nissāya pavattanti attho. **Katividhoti** pabhedapucchā.

“Ko samādhī”ti kāmañcāyaṃ sarūpapucchā, vibhāgavantānaṃ pana sarūpavibhāvanaṃ vibhāgadassanamukheneva hotīti vibhāgo tāva anavasesato dassetabbo. Tam̐dassane ca ayamādīnavoti dassetuṃ “**samādhī bahuvidho**”ti-ādi vuttam̐. Tattha **bahuvidhoti** kusalādivasena anekavidho. **Nānappakārakoti** ālambana manasikāra chandapaṇidhi adhimokkha<sup>1</sup> abhinīhāra saññānānattādinānappakāro. **Na sādheyyā**ti lokiyasamādhissa bhāvanā idha adhippetattho, tañca na sādheyya. Jhānavimokkhādīsu hi samādhim̐ uddharitvā tassa labbhamānehi vibhāgehi vissajjane kariyamāne **jhānavibhaṅgādīsu**<sup>2</sup> āgato sabbo samādhipabhedo vissajjetabbo siyā. Tathā ca sati yvāyaṃ lokiyasamādhissa bhāvanāvidhi adhippeto, tassa vissajjanāya okāsova na bhaveyya. Kiñca yenassa tikacatukkajhānikena hīnādihedabhinnena pavattivibhāgena brahmapārisajjādivasena navavidho, pañcamajjhānikena vehapphalādivasena dasavidho vā ekādasavidho vā bhavappabhedo nippajjati<sup>3</sup>. Svāssa<sup>4</sup> pavattivibhāgo ayaṃ soti niddhāretvā vuccamāno vikkhepāya siyā, yathā tam̐ avisaye. Tenāha “**uttari ca vikkhepāya samvatteyyā**”ti. **Kusalacittekaggatā**ti **kusalā** anavajjasukhavipākalakkhaṇā **cittekaggatā**.

Cittacetāsikānaṃ samaṃ avisāra<sup>5</sup>vasena sampiṇḍentassa viya ādhānaṃ **samādhānaṃ**. Avisāra<sup>5</sup> lakkhaṇo hi samādhī, sampiṇḍanaraso ca. Sammā avikkhipanavasena ādhānaṃ samādhānaṃ. Avikkhepalakkhaṇo vā

1. Vimokkha (Ka)

2. Abhi 2. 253 piṭṭhādīsu.

3. Nippajjati (Ka-Sī)

4. Svāyaṃ (Ka)

5. Avisaraṇa (Sī)

hi samādhī, vikkhepaviddhamśanaraso cāti. Svāyaṃ yasmā ekārammaṇe cittaśa ṭhītihetu, tasmā “**ṭhapananti vuttam hotī**”ti āha. Tathā heśa “cittaśa ṭhīti śaṅṭhīti avatṭhīti”ti<sup>1</sup> niddiṭṭho. Ekārammaṇaggahaṇaṅcetta śamādhīśa śantānaṭṭhītibhāvadaśśanaṭṭham. Tathā hīśa **aṭṭhakathāyaṃ**<sup>2</sup> dīpacciṭṭhīti<sup>3</sup> nidassaṭī. **Ānubhāvenā**ti balena, paccayabhāvenāti attho. **Avikkhipamānā**ti na vikkhipamānā vūpasamamānā. Upasamaṇapaccupaṭṭhāno hī śamādhī. Eteśa vikkhepaṇaṭṭhīpakkhataṃ daśsetī. **Avippakīṇā**ti avīśaṭā. Eteśa avīśāralakkhaṇataṃ.

Sayaṃ na vikkhipatī,<sup>4</sup> śampayuttā vā na vikkhipanti etenāti avikkhepo, śo lakkhāṇaṃ etassaṭī **avikkhepalakkhaṇo** vikkhepaṃ viddhamsetī, tathā vā śampajjātīti **vikkhepaviddhamśanaraso**. Uddhacce avīkaṃpaṇavasena paccupaṭṭhīti, śampayuttānaṃ vā taṃ paccupaṭṭhīti **avīkaṃpaṇapaccupaṭṭhāno**. **Sukhanti** nīrāmiśaṃ sukhaṃ daṭṭhabbaṃ.

39. Avikkhepalakkhaṇaṃ nāma śamādhīśa āveṇīko śabhāvo, na teśaśa koci vībhāgo labbhatīti āha “**avikkhepalakkhaṇena tāva ekavīdho**”ti. Śampayuttadaṃme ārammaṇe appento vīya pavattatīti vītakko **appanā**. Tathā hī śo “appanā byappanā”ti<sup>5</sup> niddiṭṭho. Tappamaṃkhatāvasena paṇa śabbasmiṃ maḥaggatānuttare jhānaḥḥame “appanā”ti **aṭṭhakathā**vohāro. Tathā taśa anuppattīṭṭhānabhūte parīttajhāne upacāravohāro. Gāmadīnaṃ śamīpaṭṭhāne gāmūpacārādīśamaññā vīyātī āha “**upacārappanāvasena duvīdho**”ti. Idha paṇa śamādhīvasena vedītabbaṃ. Luḡḡaṇapaḡḡaṇaṭṭhena lokotī vuccatī vaṭṭaṃ, tapparīyāpaṇnaṭṭāya loke nīyutto, taṭṭha vā vīdītotī **lokiyo**. Taṭṭha aparīyāpaṇnaṭṭāya lokato uttaro uttīṇṇotī **lokuttaro**. Kāmaṅcetta lokīyaśamādhī bhāvetabbabhāvena gāyhatī, ubhayaṃ paṇa ekajjhaṃ gāhetvā tato itaraṃ nīdhāretuṃ “**lokiyalokuttaravasena duvīdho**”ti vuttam. **Sappīṭīkaṇīppīṭīkavasena**ti śaha pīṭīyā vattatīti śappīṭīko, pīṭīśampayutto. Naṭṭhī etassa pīṭīti nīppīṭīko, pīṭīvīppayutto. Teśaṃ vasena. Sukhena śaha ekuppādādībhāvaṃ gatotī

1. Abhī 1. 19 piṭṭhe.

3. Dīpaccīraṭṭhīti (Sī), cīraṭṭhīti (Ka-Sī)

5. Abhī 1. 18 piṭṭhe.

2. Abhī-ṭṭha 1. 162 piṭṭhe.

4. Na vikkhipatī (Ka)

**sukhasahagato**, sukhasampayuttoti attho. **Upekkhāsahagatepi** eseva nayo. **Upekkhāti** cettha adukkhamasukhavedanā adhippetā. Sā hi sukhadukkhhākārapavattiṃ upekkhati majjhatakkārasaṅghitattā. Sukhasahagatapadena cettha sappīṭiko, nippīṭikekadeso ca saṅgahito, upekkhāsahagatapadena pana nappīṭikekadesovāti ayametesam padānam vireso.

Sabhāvato, paccayato, phalato ca majjhimapaṇīṭehi nihīno, tesam vā guṇehi parihīnoti **hīno**, attano paccayehi padhānabhāvaṃ nīto **paṇīto**, ubhinnaṃ majjhe bhavo **majjhimo**. Sampayogavasena pavattamānena saha vitakkena savitakko, saha vicārena savicāro, savitakko ca so savicāro cāti **savitakkasavicāro**. Ādi-saddena avitakkavicāramatto, avitakkāvicāro ca gahito. Tattha vicārato uttari vitakkena sampayogābhāvato avitakko ca so vicāramatto cāti **avitakkavicāramatto**. Visesanivatti-attho vā **matta-saddo**. Savitakkasavicāro hi samādhi vitakkavisiṭṭhena vicārena savicāro, ayam pana vicāramattena vitakkasaṅkhātavisesarahitena, tasmā avitakkavicāramatto. Atha vā bhāvanāya pahīnattā vitakkābhāvenāyam vicāramatto, na vicārato aññassa attano sampayuttadhammassa kassaci abhāvāti dassetuṃ avitakkavacanena vicāramattapadam visesetvā vuttaṃ. Ubhayaarahito **avitakkāvicāro**. **Pītisahagatādivasenāti** pītisahagatasukhasahagata-upekkhāsahagatavasena. Yadettha vattabbaṃ, taṃ sukhasahagataduke vuttanayameva. Paṭipakkhehi samantato khaṇḍitattā **paritto**. Parittanti vā appamattakaṃ vuccati, ayampi appānubhāvatāya paritto viyāti **paritto**. Kilesavikkhambhanato, vipulaphalato, dīghasantānato ca mahantabhāvaṃ gato, mahantehi vā uḷāracchandādīhi gato paṭipannoti **mahaggato**. Ārammaṇakaraṇavasenāpi natthi etassa pamāṇakaradhammā, tesam vā paṭipakkkhoti **appamāṇo**.

Paṭipajjati jhānaṃ etāyāti paṭipadā, pubbabhāgabhāvanā. Dukkha kicchā paṭipadā etassāti **dukkhāpaṭipado**. Pakatipaṇṇāya abhivisiṭṭhattā abhiññā nāma appanāvahā bhāvanāpaṇṇā, dandhā mandā abhiññā etassāti **dandhābhiñño**. Dukkhāpaṭipado ca so dandhābhiñño cāti

**dukkhāpaṭipadādandhābhiñño**, samādhī. Tadādivasena.

**Catujhānaṅgavasenā**ti catunnaṃ jhānaṃ aṅgabhāvavasena, catukkanayavasena cetam vuttaṃ. **Hānabhāgiyādivasenā**ti hānakoṭṭhāsikādivasena.

### Samādhī-ekakadukavaṇṇanā

**Channamanussatiṭṭhānānanti** buddhānussati-ādīnaṃ channaṃ anussatikammaṭṭhānānaṃ. **Imesaṃ vasenā**ti imesaṃ dasannaṃ kammaṭṭhānānaṃ vasena. “Pubbabhāge ekagatā”ti iminā appanāya upakāraṇānāvajjanupacārassapi saṅgaho daṭṭhabbo, na ekāvajjanasseva. **Appanāsamādhīnanti** upakattabba-upakāraṇasambandhe sāmivacanaṃ “purisassa attho”ti-ādīsu viya. **Parikammanti** gotrabhu. Aparitto samādhīti dassetuṃ “paṭhamassa jhānassā”ti-ādī vuttaṃ.

**Tīsu bhūmīsūti** kāmarūpārūpabhūmīsu. Kusalacittkekagatāya adhippetattā “ariyamaggasampayuttā”ti vuttaṃ. **Siyā sappītikō, siyā nippītikō**ti aniyamavacanaṃ upacārasamādhīsāmaññena sabbesampi vā jhānaṃ nānāvajjanavīthiyaṃ upacārasamādhī siyā sappītikō, siyā nippītikō. Ekāvajjanavīthiyaṃ pana ādito dukatikajjhānaṃ upacārasamādhī sappītikova, itaresaṃ nippītikova, visabhāgavedanassa cittassa āsevanapaccayatābhāvato, ekavīthiyaṃ vedanāparivattanābhāvato ca. **Siyā sukhasahagato, siyā upekkhāsahagato**ti etthāpi vuttanayeneva attho veditabbo. Tattha pana “dukatikajjhānaṃ”ti vuttaṃ, idha “tikacatukkajjhānaṃ”ti vattabbaṃ.

### Samādhītikavaṇṇanā

**Paṭiladdhamattoti** adhigatamatto anāsevito abahulīkato. So hi paridubbalabhāvena hīno hoti. **Nāti subhāvītoti** ativiya paṅṇabhāvaṃ apāpito. **Subhāvītoti** suṭṭhu bhāvīto sammadeva paṅṇataṃ upanīto. Tenāha “vasippatto”ti. Chandādīnaṃ hīnatādivasenaṃ imesaṃ hīnatā veditabbā. Tathā hi uḷārapuññaphalakāmatāvasena pavattito **hīno**, lokiyābhiññāsampādanāya pavattito **majjhimo**, vivekakāmatāya ariyabhāveṭṭhitena pavattito

**paṇīto.** Attahitāya bhavasampatti-atthaṃ pavattito vā **hīno**, kevalaṃ alobhajjhāsayena pavattito **majjhimo**, parahitāya pavattito **paṇīto**. Vaṭṭajjhāsayena vā pavattito **hīno**, vivekajjhāsayena pavattito **majjhimo**, vivaṭṭajjhāsayena lokuttarapādakatthaṃ pavattito **paṇīto**.

**Saddhim upacārasamādhinā**ti sabbesampi jhānānaṃ upacārasamādhinā saha. **Vitakkamatteyeva ādīnavaṃ disvāti** vitakkeyeva oḷārikato upaṭṭhahante “cittassa khobhakaradhammo ayan”ti ādīnavaṃ disvā vicāraṅca santato manasi karitvā. Tenāha “**vicāre adisvā**”ti. **Taṃ sandhāyāti** taṃ evaṃ paṭiladdhaṃ samādhim sandhāya. **Etam** “avitakkavicāramatto samādhī”ti duttiyapadaṃ **vuttaṃ**. **Tisūti** ādito tīsu.

**Tesvevāti** tesu eva catukkapañcakanayesu. **Tatiye catuttheti** catukkanaye tatiye, pañcakanaye catuttheti yojetabbaṃ. **Avasāneti** dvīsipi nayesu pariyoṣānājjhāne. Yathākkamaṃ catutthe, pañcame vā. **Pītisukhasahagato vāti** etthāpi heṭṭhā vuttanayeneva attho veditabbo. Ettha ca satipi pītisahagatassāpi samādhissa sukhahagatatte tīpi padāni asaṅkarato dassetuṃ nippītikasukhato sappītikasukhassa visesadassanattaṃ satthu pītītikadesanāti nippītikasseva sukhassa vasena sukhahagato samādhī gahitoti<sup>1</sup> daṭṭhabbo.

**Upacārabhūmiyanti** upacārajjhānasampayuttacittuppāde. Cittuppādo hi sahaṅgādhammānaṃ uppattiṭṭhānatāya “bhūmī”ti vuccati “sukhabhūmiyaṃ kāmāvacare”ti-ādīsu<sup>2</sup> viya. **Paritto samādhī** kāmāvacarabhāvato.

### Samādhicatukkavaṇṇanā

**Paṭhamasamannāhāro** bhāvanānaṃ ārabhantassa “pathavī, pathavī”ti-ādinā kammaṭṭhāne paṭhamābhīniveso. **Tassa tassa jhānassa upacāranti** nīvaraṇavitakkavicāranikanti-ādīnaṃ vūpasame thirabhūtaṃ kāmāvacarajjhānaṃ. “Yāva appanā”ti iminā pubbabhāgapaññāya eva abhiññābhāvo vutto viya dissatīti

1. Dassitoti (Sī)

2. Abhi 1. 205 piṭṭhe.

vadanti. Appanāpaññā pana **abhiññāva**. Yadaggena hi pubbhāgapaññāya dandhasīghatā, tadaggena appanāpaññāyapīti. **Samudācāragahaṇatāyāti** samudācārassa gahaṇabhāvena, pavattibāhullatoti attho. **Asukhāsevanāti** kasirabhāvanā.

**Palibodhupacchedādīnīti ādi**-saddena bhāvanāvidhānāparihāpanādīm saṅgaṇhāti. **Asappāyasevīti** upacārādhigamato pubbe asappāyasevitāya **dukkhā paṭipadā**. Pacchā asappāyasevitāya **dandhā abhiññāhoti**. **Sappāyasevinoti** etthāpi eseva nayo. **Pubbabhāgeti** upacārajjhānādhigamato orabhāge. **Aparabhāgeti** tato uddham. **Tassa vomissakatāti** yo pubbhāge asappāyam sevitvā aparabhāge sappāyasevī, tassa dukkhā paṭipadā khippābhiññā. Itarassa sukhā paṭipadā dandhābhiññā hoti. Evaṃ paṭhamacatuṭṭhānam vomissakatāya dutiyatatiyāti attho. Akatāpalibodhupacchedassa saporipanthatāya paṭipadā dukkhā hoti, itarassa sukhā. Asampādita-appanākosallassa ñāṇassa avisadatāya **dandhā abhiññā hoti**, visadatāya **khippā abhiññā**.

**Taṇhā-avijjāvasenāti** taṇhā-avijjānam abhibhavānabhibhavavasena. **Samathavipassanādhikārasenāti** samathavipassanāsu asato, sato ca adhikārassa vasena. Taṇhāya samādhissa ujupaṭipakkhattā sā samathapaṭipadāya paripanthinī<sup>1</sup>ti āha “**taṇhābhibhūtassa hi dukkhā paṭipadā hoti**”ti. Abhibhavo cassā itarakilesehi adhikatāya **anabhibhūtassa** taṇhāyāti adhikārato veditabbaṃ. Tathā vijjā paññāya ujupaṭipakkhāti tadabhibhūtassa dandhābhiññatā vuttā. **Akatādhikāro**ti bhavantare akataparicayo yathā paṇaṇam katvā vissaṭṭhagantho appamattakena payogena suppavatti vācuggatova hoti, evaṃ pubbe kataparicayassa bhāvanā appakasireneva ijhatīti āha “**katādhikārassa sukhā**”ti. Svāyam akato, kato ca adhikāro samathanissito paṭipadāyam vutto samādhippadhānattā paṭipadāya. Vipassanānissito abhiññāyam ñāṇappadhānattā appanāya. **Kilesindriyavasenāti** tikkhātikkhānam kilesindriyānam vasena. Tenāha

---

1. Paribandhinī (Syā, Ka)



“**tibbakilesassā**”ti-ādi. Tattha **kilesā** kāmaccchandādayo, **indriyāni** saddhādāni.

Yathāvuttā paṭipadābhiññā puggalādhiṭṭhānāti dhammaniddesampi puggalādhiṭṭhānamukhena dassetum **“yo puggalo”**ti-ādi vuttam. **Appaṇoti** na subhāvito vasībhāvaṃ apāpito. Tenāha **“uparijhānassa paccayo bhavitum na sakkotī”**ti. **Ayaṃ parittoti** ayaṃ samādhi appānubhāvatāya paritto. **Avadḍhiteti** ekaṅguladvāṅgulamattampi na vadḍhite yathā-upaṭṭhite ārammaṇe. Ekaṅgulamattampi hi vadḍhitam appamāṇamevāti vadanti. “Paṇo subhāvito”ti vatvā **“uparijhānassa paccayo bhavitum sakkotī”**ti iminā yathā paṇopi uparijhānassa paccayo bhavitum asakkonto samādhi parittoyeva hoti, na appamāṇo, evaṃ nīṇuttarassa ekāsaneneva uparijhānanibbattanenāti subhāvītopi uparijhānassa paccayabhāvasaṅkhātāya subhāvītakiccasiddhiyā **“appamāṇo”**tveva vuccati. Apare pana sace subhāvito paṇo vasībhāvaṃ patto uparijhānassa paccayo ahontopi appamāṇo eva, pamāṇakarānam rāgādipaṭipakkhānam suvidūrabhāvatoti vadanti. **Vuttalakkaṇavomissatāyāti** yo appaṇo uparijhānassa paccayo bhavitum na sakkoti, vadḍhite ārammaṇe pavatto, ayaṃ paritto appamāṇārammaṇo. Yo pana paṇo uparijhānassa paccayo bhavitum sakkoti, avadḍhite ārammaṇe pavatto, ayaṃ appamāṇo parittārammaṇoti evaṃ paṭhamacattasamādhīnam vuttalakkaṇassa vomissakabhāvena dutiyatatiyasamādhisaṅgāhako vomissakanayo veditabbo.

**Tatoti** tato paṭhamajjhānato uddham. **Virattapītikanti** atikkantapītikam vā jigucchitapītikam vā. Avayavo samudāyassa aṅganti vuccati, “senaṅgam rathaṅgam”ti-ādīsu viyāti āha **“catunnam jhānānam aṅgabhūtā cattāro samādhi”**ti.

Hānam bhajatīti **hānabhāgiyo**, hānabhāgo vā etassa atthīti **hānabhāgiyo**, pariḥānakoṭṭhāsikoti attho. Ālayassa apekkhāya apariccajanato ṭhitim bhajatīti **ṭhitibhāgiyo**. Visesaṃ bhajatīti **visesabhāgiyo**. **Paccanīkasamudācārasenāti** tassa

tassa jhānassa paccanīkānaṃ nīvaraṇavitakkavicārādīnaṃ pavattivasena.

**Tadanudhammatāyāti** tadanurūpabhūtāya satiyā. **Sanṭhānavasenāti**

saṅghānavasena paṭiṭṭhānavasena. “Sā pana tadassādasāṅkhātā,

tadassādasampayuttakkhandhasāṅkhātā vā micchāsati”ti

**sammohavinodaniyaṃ**<sup>1</sup> vuttaṃ. Tattha sāpekkhassa upari visesaṃ

nibbattetuṃ asakkuṇeyyattā avigatanikantikā taṃtaṃpariharaṇasatītipi

vattuṃ vaṭṭati. Evañca katvā “satiyā vā nikantiyā vā”ti vikappavacanañca

yuttaṃ hoti. **Visesādhigamavasenāti** visesādhigamassa paccayabhāvavasena,

visesaṃ vā adhigacchati etenāti visesādhigamo, tassa vasena.

**Nibbidāsahagatasaññāmanasikārasamudācāravasenāti**

ādīnavadassanapubbaṅgamanibbindanaññāṇasampayuttasāññāya ca ābhogassa

ca pavattivasena. **Nibbedabhogiyatāti** saccānaṃ nibbijjhanapakkhikatā

vipassanāya saṃvattatīti attho.

**Kāmasahagatāti** kāmārammaṇā, kāmāsāññāhi vā vokiṇṇā.

**Avitakkasahagatāti** “kathaṃ nu kho me avitakkaṃ jhānaṃ bhaveyyā”ti

evaṃ avitakkārammaṇā avitakkavisayā. Kāmañcāyaṃ “paṭhamassa

jhānassā”ti-ādiko pāṭho paññāvasena āgato, samādhissāpi panettha saṅgaho

atthevāti udāharaṇassa sātthakataṃ dassetuṃ “**tāya pana paññāya**

**sampayuttā samādhīpi cattāro hontī**”ti tesāṃ vasena evaṃ vuttanti attho.

Bhāvanāmayassa samādhissa idhādhippetattā upacārekaggatā

“**kāmāvacaro samādhī**”ti vuttaṃ. **Adhipatiṃ karitvāti** “chandavato ce

samādhīhoti, mayhampi evaṃ hotī”ti chandaṃ adhipatiṃ chandaṃ dhuraṃ

jeṭṭhakaṃ pubbaṅgamaṃ katvā. **Labhati samādhinti** evaṃ yaṃ samādhinṃ

labhati, **ayaṃ vuccati chandasamādhī**, chandādhipatisamādhīti attho. Evaṃ

vīriyasamādhī-ādayopi veditabbā.

**Catukkabhedeti** catukkavasena samādhīpabbhedaniddese. Aññattha

sampayogavasena vicārena saha vattamāno vitakko pañcakanaye

dutiyañjāne viyojītopi na suṭṭhu viyojītoti, tena saddhim yeva

vicārasamatikkamaṃ dassetuṃ vuttaṃ “**vitakkavicārātikkamena tatiyaṃ**”ti

1. Abhi-Ṭṭha 2. 400 piṭṭhe.

dvidhā bhinditvā catukkabhede vuttaṃ dutiyaṃ jhānanti yojanā.

**Pañcajhānaṅgavasena**ti pañcannaṃ jhānaṃ aṅgabhāvavasena samādhissa pañcavidhatā veditabbā.

40. **Vibhaṅgeti** ñāṇavibhaṅge. Tattha hi

“jhānavimokkhasamādhī<sup>1</sup>samāpattīnaṃ saṅkilesavodānaṃ”ti, ettha “**saṅkilesan**”ti-ādi vuttaṃ. Tattha **hānabhāgiyo dhammoti** apaguṇehi paṭhamajjhānādīhi vuṭṭhitassa saññāmanasikārānaṃ kāmādi-anupakkhandanaṃ<sup>2</sup>. **Visesabhāgiyo dhammoti** paguṇehi paṭhamajjhānādīhi vuṭṭhitassa saññāmanasikārānaṃ dutiyajjhānādi-anupakkhandanaṃ. Tenāha “**paṭhamassa jhānassa lābhīn**”ti-ādi. Tassattho<sup>3</sup>—apaguṇassa paṭhamassa jhānassa lābhīnaṃ<sup>4</sup> tato vuṭṭhitaṃ ārammaṇavasena kāmasahagatā hutvā **saññāmanasikārā samudācaranti** codenti tudanti, tassa kāmānupakkhandānaṃ saññāmanasikārānaṃ vasena sā paṭhamajjhānapaññā hāyati, tasmā **hānabhāginī paññā**. **Avitakkasahagatā**ti avitakkaṃ dutiyaṃ jhānaṃ santato paṇītato manasi karoto ārammaṇavasena **avitakkasahagatā samudācaranti** paguṇapaṭhamajjhānato vuṭṭhitaṃ dutiyajjhānādihigamatthāya codenti tudanti, tassa dutiyajjhānānupakkhandānaṃ saññāmanasikārānaṃ vasena paṭhamajjhānapaññā visesabhūtassa dutiyajjhānassa uppattiyā padaṭṭhānatāya **visesabhāginī paññā**. Taṃsampayutto samādhī idhādhippeto. **Iminā nāyenti**ti iminā paṭhamajjhāne vuttena vidhinā dutiyajjhānādīsūpi hānabhāgiyadhammo, visesabhāgiyadhammo ca veditabbo.

### Dasapalibodhavaṇṇanā

41. **Ariyamaggasampayuttoti** lokuttara-appamāṇa-apariyāpannaggahaṇena lokiyehe asādhāraṇato, sappītikādiggahaṇena sādāhāraṇato ca ariyamaggasampayutto **samādhī vutto**. **Bhāvito hoti** saññāya sampayuttattā. **Tanti** ariyamaggasamādhīm. **Visunti** paññābhāvanāya visum katvā **na vadāma**.

1. Jhānasamādhī (Sī)

3. Abhi-Ṭṭha 2. 444 piṭṭhe.

2. Pakkhanānaṃ (Sī), pakkhanānaṃ (Ka-Sī)

4. Lābhī, taṃ (Ka)

Kammaṭṭhānabhāvanam paribundheti uparodheti pavattitum na detīti **palibodho** ra-kārassa la-kāram katvā, paripanthoti<sup>1</sup> attho. **Upacchinditvā** samāpanena, saṅghaṇena vā uparundhitvā, apalibodham katvāti attho.

Āvasanti etthāti **āvāso**. Paricchedavasena veṇiyati<sup>2</sup> dissatīti pariveṇam. Vihāre bhikkhūnam tam tam vasanaṭṭhānam. **Svāyam** āvāso. **Navakammādisūti ādi**-saddena āvāsassa tadaññam abhivuddhikāraṇam<sup>3</sup> saṅgaṇhāti. **Kāraṇenāti** “chāyūdakasampannam sulabhabhikkhan”ti-ādina kāraṇena. **Apekkhavāti** sālāyo.

**Tatrāti** tasmim palibodhābhāve. **Pācīnakhaṇḍarājinti** purattimadisāyam pabbatakhāṇḍānam antare vanarājittānam. “Nāmā”ti iminā tassa padessassa ayam samaññāti dasseti. **Paṭisāmitamevāti** niccakālam paṭisāmetvāva vihārato nikkhamāmīti dasseti. **Dhātunidhānaṭṭhānanti** kāyabandhanadhammakaraṇa nhānassaṭṭika akkhakadhātusaṅkhātānam paribhogasarīradhātūnam nidahitaṭṭhānam. Īdisassa ayam thero viya alaggacittassa. Etena “bhikkhunā nāma āvāse evarūpena bhavitabban”ti ovādo dinno hoti. Ito paresupi vatthūsu eseva nayo.

**Kulanti** kulaggahaṇena kulamanussānam gahaṇam gāmaggahaṇena gāmaṅgahaṇam viya. **Upaṭṭhākakulampīti pi**-saddena pageva ñātikulanti dasseti **uddesatthanti** uddisāpanattham, pāṭham uddisāpetvā sajjhāyitunti attho **idhevāti** imasmimyeva padese, yattha kathaci vihāreti attho. **Tam vihāranti** tam koraṇḍakavihāram.

**Upagatoti** vassam upagato. **Sadāti** gatakālato pabhuti visesato pavāritadivasato paṭṭhāya sabbadā divase divase. **Paridevamānāti** tamtamvilapanavasena vividham paridevantī. **Sabbam pavattinti** attanā tattha ditṭhakālato paṭṭhāya pacchā samāgamapariyosānam daharassa sabbam pavattim.

---

1. Paribandhoti (Syā, Ka)

2. Vediyati (St)

3. Abhibuddhikāraṇam (Syā, Ka)

**Kāyasakkhinti** “passa iman”ti mukhapaṭiggāhakaṃ katvā.  
**Rathavinītaṭṭipadanti** dasakathāvatthukittanapubbikaṃ rathavinītūpamāhi  
vibhāvitam **rathavinītasutte**<sup>1</sup> āgataṃ sattavisuddhipaṭipadam.  
**Nālakapaṭṭipadanti** “moneyyam te upaṇṇissan”ti-ādinā<sup>2</sup> satthārā  
**nālakattherassa** desitapaṭipadam. **Tuvaṭakapaṭṭipadanti** “mūlam  
papaṇcasanḥāyā”ti-ādinā<sup>3</sup> bhagavatā desitapaṭipadam. Tattha hi  
yathākkamaṃ—

“Na munī gāmamāgama, kulesu sahasā care.  
Ghāsesanam chinnakatho, na vācam payutam bhaṇe”<sup>4</sup>.

“Gāme ca nābhisajjeyya, lābhakamyā janam na lapayeyyā”ti<sup>5</sup>—  
evamādikā paramappicchakathā āgatā.

**Catupaccayasantosabhāvanārāmatādīpakanti** cīvarādīsu catūsu paccayesu  
santosassa, bhāvanārāmatāya ca pakāsakam.

Labhatīti **lābho**. Tenāha “**cattāro paccayā**”ti. **Mahāparivāreti**  
vipulaparivāre. Piṇḍapātāṃ tāva dentā buddhapūjāpattacīvarādīni tassa  
parivārāni katvā denti, tatā cīvarādīdānepi. **Bāhullikapīṇḍapātīkāti**  
piṇḍapātīkā hutvā paccayabāhullikā. **Vadantīti** purimadivase bhikkhāya  
āhiṇḍanakāle yathāsutam vadanti. **Niccabyāvaṭo** upāsakādīnam saṅgaṇhane.

**Tassāti** gaṇassa. **Soti** gaṇapalibodho. **Evanti** idāni vuccamānākārena  
gaṇavācakassa pariyesanampi lahukameva icchitabbanti āha “**yojanato**  
**param agantvā**”ti. **Attano kamanti** samaṇadhammamāha.

**Katākateti** kate ca akate ca kamme jānavasena **ussukkam**  
**āpajjitabam**, **katākateti** vā appake ca mahante ca kate, yathā “phalāphale”ti.  
Sace bahuṃ avasiṭṭhanti sambandho. **Bhārahārā** saṅghakiccapariṇāyakā.

1. Ma 1. 199 piṭṭhe.

2. Khu 1. 388 piṭṭhe.

3. Khu 1. 421 piṭṭhe.

4. Khu 1. 389 piṭṭhe.

5. Khu 1. 423 piṭṭhe.

**Pabbajjāpekkhoti** sihaḷadīpe kira kuladārakānaṃ pabbajjā āvāhavivāhasadisā, tasmā taṃ paricchinnadivasam atikkametum na sakkā. “**Sace taṃ alabhanto na sakkoti adhvāsetun**”ti-ādinā samāpanena palibodhupacchedo vutto, byatirekato pana “sace taṃ alabhanto sakkoti adhvāsetum, araññaṃ pavisitvā samaṇadhammova katabbo”ti ayamatto dassitoti saṅghaṇena palibodhupacchedo veditabbo. Esa nayo sesesupi.

**Tathāti** yathā upajjhāyo gilāno yāvajjivam upaṭṭhātabbo, tathā upasampādita-antevāsiko attano kammavācam vatvā upasampādito.

**Yo koci rogoti** mūlabhūto, anubandho vā attano uppanno. **Anamataggeti** anu anu amatagge anādimati.

“Gantho”ti iminā ganthapalibodho idha vuttoti āha “**pariyattiharaṇan**”ti<sup>1</sup>. **Sajjhāyādīhīti** sajjhāya dhāraṇa paricaya pucchādīhi. **Itarassāti** abyāvaṭassa. Yassa ganthadhuraṃ vissajjtvā ṭhitassāpi gantho vattateva, na tassa gantho palibodho. Yathā tamhi tamhi vatthumhi āgatattherānaṃ, nāpi sabbena sabbam aganthapasutassa. **Majjhimaṇṇāsako āgacchati**, suttapadesānaṃ, vārānaṇca sadisatāya byāmyhanato. **Puna na olokessāmīti** kammaṭṭhānaṃ gahetvā ganthadhuraṃ vissajjemīti attho.

**Gāmvāsikattherehīti** anurādhapuravāsīhi. **Anuggahetvāti** aggahetvā tattha paricayaṃ akatvā. **Pañcanikāyamaṇḍaleti** dīghāgamādike pañcapi nikāye sikkhitaparisāya. **Parivattessāmīti** vaṇṇayissāmi. **Suvaṇṇabherinti** seṭṭhabherim. **Katamācariyānaṃ uggahoti** katamesam ācariyānaṃ uggaho, kena parivattīyatīti adhippāyo. **Ācariyamaggoti** ācariyānaṃ kathāmaggo. **Attano ācariyānanti** attano kathetum yuttānaṃ ācariyānaṃ. Suvinicchitā sabbā tipīṭakapariyatti etasmim atthīti **sabbapariyattiko**, tepiṭakoti attho. Piṭhe nisinno tato otaritvā bhūmiyaṃ **taṭṭikāya nisīditvā**. **Gatakassāti** paṭipattigamanena gatassa diṭṭhasaccassa. **Cīvaram pārupitvāti** ācariyassa

---

1. Pariharaṇanti (Sī, Syā, Ka)

apacitidassanatthaṃ parimaṇḍalam cīvaram pārupitvā. Sāṭheyyābhāvato **uju**.  
Kāraṇākāraṇassa ājānanato **ājāniyo**.

**Pothujjanikā**ti puthujjane bhavā. **Dupparihārā** bahuparissayatāya. Tathā  
hissā **uttānaseyyakadārako**, taruṇasassaṅca nidassitaṃ. **Vipassanāya**  
**palibodho** samathayānikassa, na vipassanāyānikassa. Yebhuyyena hi  
jhānalābhī samathayānikova hoti vipassanāsukhato<sup>1</sup>. **Itarenā**ti  
samathatthikena. **Avasesā** nava palibodhā.

### Kammatṭhānadāyakavaṇṇanā

42. Kammatṭhāne niyutto kammatṭhāniko, bhāvanamanuyuñjanto. Tena  
**kammatṭhānikena**. **Paricchinditvā**ti “imasmiṃ vihāre sabbe bhikkhū”ti evaṃ  
paricchinditvā. **Sahavāsīnaṃ** bhikkhūnaṃ. **Muducittatanti** attani  
muducittataṃ **janeti**, ayaṅca sahavāsīnaṃ cittamaddavajananādi-attho  
“manussānaṃ piyo hoti”ti-ādinayappavattena **mettānisaṃsasuttena**<sup>2</sup>  
dīpetabbo. **Anolīnavuttiko hoti** sammāpaṭipattiyāṃ. **Dibbānipi ārammaṇāni**  
pageva itarāni. **Sabbattha** sabbasmiṃ samaṇakaraṇīye, sabbasmiṃ vā  
kammatṭhānānyoge. Pubbāsevanavasena **atthayitabbaṃ**. Yogassa  
bhāvanāya anuyuñjanaṃ yogānyogo, tadeva karaṇīyaṭṭhena kammaṃ, tassa  
**yogānyogakamma**ssa **ṭhānaṃ** nipphattihetu.

**Niccaṃ pariharitabbattā**ti sabbatthakakammatṭhānaṃ viya ekadāva  
ananuyuñjitvā sabbakālaṃ pariharaṇīyattā anuyuñjitabbattā.  
**Evamādiguṇasamannāgatanti** viyabhāvādīhi guṇehi sampannaṃ.  
Kalyāṇamitto hi saddhāsampanno hoti sīlasampanno sutasampanno  
cāgasampanno vīriyasampanno satisampanno samādhisampanno  
paññāsampanno. Tattha saddhāsampattiyā saddahati tathāgatassa bodhiṃ  
kammaphalaṅca, tena sammāsambhodhiyā hetubhūtaṃ sattesu hitesitmaṃ na  
pariccajati. Sīlasampattiyā sattānaṃ piyo hoti garu bhāvanīyo codako  
pāpagarahī vattā vacanakkhamo, sutasampattiyā  
saccapaṭiccasamuppādādipaṭisaṃyuttānaṃ gambhīrānaṃ kathānaṃ kattā  
hoti, cāgasampattiyā appiccho hoti santuṭṭho pavivitto asaṃsaṭṭho,  
vīriyasampattiyā āradhaviṇīyo hoti attahitaparhitapaṭipattiyāṃ,

1. Sukkhato (Ka-Sī)

2. Am 3. 542; Khu 9. 314; Khu 11. 195 piṭṭhesu.

satisampattiyā upaṭṭhitassati hoti, samādhisampattiyā avikkhitto samāhitacitto, paññāsampattiyā aviparītaṃ pajānāti. So satiyā kusalākusalānaṃ dhammānaṃ gatiyo samannesamāno paññāya sattānaṃ hitāhitaṃ yathābhūtaṃ jānitvā samādhinā tattha ekaggacitto hutvā vīriyena satte ahitaṃ nisedhetvā hite niyojati. Tena vuttaṃ “piyo -pa- niyojakoti evamādiḡuṇasamannāgatan”ti.

Taṃ pana kalyāṇamittaṃ paramukkaṃsagataṃ dassetuṃ “**mamaṃ hī**”ti-ādi vuttaṃ. **Kārahbhāvaṃ** yogakammaṃ. **Pakāseti** attānaṃ paṭipattiyā amoghabhāvadassanena samuttejanāya, sampahaṃsanāya ca, nanu kathesi paveṇipālanatthanti adhippāyo. **Evarūpoti** pesalo hutvā bahussuto. **Tantidharoti** suddharo tattha kehicipi asaṃhīro. **Vaṃsānurakkhako**ti buddhānubuddhavaṃsassa anurakkhako. **Paveṇipālako**ti paveṇiyā ācariyuggahaṇassa anupālako. **Ācariyamatikoti** ācariyamatiyaṃ niyutto tassā anativattanato. Na attanomatīṃ pakāseti kathetīti **na-attanomatiko**, attano matīṃ paggayha vattā na hotīti attho.

“Pubbe vuttakhīṇāsavādayo”ti-ādi ekaccakhīṇāsavato bahussutova kammaṭṭhānadāne seyyoti dassanatthaṃ āradhāṃ. Tattha **pubbe vuttakhīṇāsavādayoti** “yaṃ kammaṭṭhānaṃ gahetukāmo”ti-ādinā vuttakhīṇāsavādikā. **Uggahaparipucchānaṃ viso dhitattāti** uggahetabbato “uggaho”ti laddhanāmāya kammaṭṭhānupakārāya pāḷiyā, tadatthaṃ paripucchanato “paripucchā”ti laddhasamaññāya atthasaṃvaṇṇanāya ca viśesato sodhitattā niggumbaṃ nijjaṭaṃ katvā gahitattā. **Ito cito ca suttaṇca kāraṇaṇca sallakkhetvāti** pañcasupi nikāyesu ito cito ca tassa tassa kammaṭṭhānassa anurūpaṃ suddapadañceva suddānugataṃ yuttiṇca suṭṭhu upalakkhetvā. **Sappāyāsappāyaṃ yojetvāti** yassa kammaṭṭhānaṃ ācikkhati, tassa upakārānupakāraṃ yuttiṃ magganena yojetvā, samādāya vā sammadeva hadaye ṭhapetvāti attho. **Mahāmaggaṃ dassentoti** kammaṭṭhānavidhiṃ<sup>1</sup> mahāmaggaṃ katvā dassento.

---

1. Kammaṭṭhānavīthiṃ (Ka)



**Sabbatthā**ti tattha tattha vihāre. **Vattapaṭipattiṃ kurumānenā**ti pavitṭhakāle āgantukavattaṃ, nikkhamanakāle gamikavattanti yathārahaṃ taṃ taṃ vattaṃ pūrentena. **Sabbapārihāriyatelanti** sabbesaṃ aṅgānaṃ, sabbesaṃ vā bhikkhūnaṃ atthāya pariharitabbatelaṃ. **Ṭhapemī**ti anujānāpanaṃ. Yaṃ taṃ sammāvattaṃ paññattanti sambandho. Ekadivasam sāyaṃ vissajjitenāpīti yojanā. **Ārocetabbaṃ āgamanakāraṇaṃ. Sappāyavelā** sarīracittānaṃ kallasamayo.

### Cariyāvaṇṇanā

43. Santāne rāgassa ussannabhāvena caraṇaṃ pavatti **rāgacariyā**, sā sassatāsayaḍayo viya daṭṭhabbā. Tathā **dosacariyā** dayo. Saṃsaggo sampayogārahavasena veditabbo, yathā “rāgamohacariyā dosamohacariyā”ti-ādi. **Sannipāto** ekasantatipariyāpannatāvasena, yathā “rāgadosacariyā rāgadosamohacariyā”ti-ādi. Imā eva hi sandhāya “**aparāpi catasso**”ti vuttaṃ. **Tathā**ti yathā rāgādīnaṃ, tathā saddhādīnaṃ **saṃsaggasannipātavasena** saddhābuddhicariyā saddhāvitakkacariyā buddhivittakkacariyā saddhābuddhivittakkacariyāti. Imā aparāpi catasso. **Evanti** saṃsaggasannipātavasena. **Saṃsagganti** saṃsajjanaṃ missīkaraṇaṃ “rāgasaddhācariyā dosasaddhācariyā”ti-ādinā. **Anekāti** tesaṭṭhi, tato atirekāpi vā, tā pana asammoḥantena **saṃyuttasuttaṭṭikāyaṃ** vitthārato dassitāti tattha vuttanayena veditabbā. “**Pakati**”ti iminā asati paṭipakkhabhāvanāyaṃ tattha tattha santāne cariyāya sabhāvabhūtatam dasseti. **Ussannatā** aññadhammehi rāgādīnaṃ adhikatā, yato rāgacariyādīnaṃ paccayasamavāye rāgādayo balavanto honti, abhiṇhaṅca pavattanti. **Tāsam vassenāti** channaṃ mūlacariyānaṃ vasena **chaleva puggalā honti**. Aññathā anekapuggalā siyūṃ, tathā ca satī adhippetatthasiddhi ca na siyāti adhippāyo.

**Saddhā balavatī hoti** rāgussanne santāne tadanuḡuṇassa dhammassa niyogato adhikabhāvasambhavato. Tenāha “**rāgassa āsannaguṇattā**”ti, sinehapariyesanāpariccajanehi sabhāgadhammattāti attho. Sabhāvo hi dūrepi āsanneyevāti sabhāgatālakkhaṇamidha āsannaggahaṇaṃ. Tattha saddhāya siniyhanam pasādavasena akālussiyam

alūkhatā, rāgassa pana rañjanavasena. Saddhāya pariyesanaṃ adhimuccanavasena tanninnatā, rāgassa taṇhāyanavasena. Saddhāya apariccajanaṃ okappanavasena anupakkhandanaṃ, rāgassa abhisāṅgavasenāti evaṃ bhinnasabhāvānampi tesāṃ yathā alūkhatādisāmaññaṇa sabhāgatā, evaṃ taṃsamaṅgīnampi puggalānanti āha “**rāgacaritassa saddhācarito sabhāgo**”ti.

**Paññā balavatī hoti** dosussanne santāne tadanuguṇassa dhammassa niyogato adhibhāvasambhavato. Tenāha “**dosassa āsannaguṇattā**”ti, anallīyanapariyesanaparivajjanehi sabhāgadhammattāti attho. Tattha paññāya ārammaṇassa anallīyanaṃ tassa yathāsabhāvāvabodhavasena viśāsaṭṭhatā, dosassa pana byāpajanavasena. Paññāya pariyesanaṃ parivajjanaṃ nibbindanādivasena ñāṇutrāso, dosassa ahitādhānavasena<sup>1</sup> chaḍḍananti evaṃ bhinnasabhāvānampi tesāṃ yathā anallīyanādisāmaññaṇa sabhāgatā, evaṃ taṃsamaṅgīnampi puggalānanti āha “**dosacaritassa buddhicarito sabhāgo**”ti.

**Antarāyakarā vitakkāti** micchāvitakkā micchāsaṅkappā uppajjanti mohussanne santāne tadanuguṇassa dhammassa yebhuyyena pavattisabbhāvato. Tenāha “**mohassa āsannalakkhaṇattā**”ti, anavaṭṭhānacañcalabhāvehi sabhāgadhammattāti attho. Tattha vitakkassa anavaṭṭhānaṃ<sup>2</sup> parikappavasena savipphāratāya, mohassa sammūḷhatāvasena byākulatāya. Tathā vitakkassa lahuparivitakkanena tadaṅgacalatāya cañcalatā, mohassa anogāḷhatāyāti evaṃ bhinnasabhāvānampi tesāṃ yathā anavaṭṭhānādisāmaññaṇa sabhāgatā, evaṃ taṃsamaṅgīnampi puggalānanti āha “**mohacaritassa vitakkacarito sabhāgo**”ti.

**Taṇhā rāgoyeva** sabhāvato, tasmā rāgacariyāvinimuttā taṇhācariyā natthīti attho. **Taṃsāmpayuttoti** tena rāgena sampayutto, dosādayo viya tena vippayutto natthīti adhippāyo. **Tadubhayanti** taṇhāmānadvayaṃ. **Nātivattatīti** sabhāvato, sampayogavasena ca na atikkamitvā vaṭṭati. Kāmañcetta yathā rāgadosehi sampayogavasena

1. Ahitāvahanavasena (Sī)

2. Tathā vitakkassa lahuparivitakkanāṃ (Syā, Ka)

saha vattamānassapi mohassa ussannatāvasena visum cariyābhāvo, na kevalam mohasseva, tathā saddhābuddhivittakkānam. Evaṃ rāgena satipi sampayoge mānassāpi visum cariyābhāvo yutto siyā, evaṃ santepi rāgapaṭiḥhamānadiṭṭhivicikicchāvijjānam viya anusayaṭṭho imesaṃ rāgādīnamyeva āveṇiko cariyaṭṭhoti, nattheva mānacariyā. Yato cariyā “pakatī”ti vuttā. Pakati ca sabhāvoti. Eteneva diṭṭhiyāpi visum cariyābhāvābhāvo samvaṇṇitoti daṭṭhabbo. **Aṭṭhakathāyaṃ** pana mohacariyantogadhāva diṭṭhicariyāti dassetum “**mohanidānattā cā**”ti-ādi vuttam. Tattha **ca**-saddena sampayogaṃ samuccinoti mohanidānattā, mohasampayuttattā cāti.

44. **Kim sappāyanti** kīdisaṃ senāsanādisappāyaṃ. **Pubbāciṇṇaṃ** purimajātīsu ācaritaṃ. **Ekacceti upatissattheraṃ** sandhāyāha. Tena hi **vimuttimadge** tathā vuttam. **Pubbe kirāti kira**-saddo arucisūvanattho. **Iṭṭhappayogo** manāpakiriyā. **Subhakammabahulo** yebhuyyena sobhanakammakārī. Na sabbe rāgacaritā eva honti, aluddhānampi pubbe iṭṭhappayogasubhakammabahulatāsambhavato, saggā cavitvā idhūpapattisambhavato ca. Etena asati pubbahetuniyāme yathāvuttakāraṇamattena na tesam luddhatā, luddhabhāvahetukā ca rāgacariyāti imamattham dasseti.

**Itareti** chedanādikammabahulā nirayādito idhūpapannā ca na sabbe dosamohacaritā eva hontīti yojanā. Idhāpi yathāvuttakāraṇassa kodhanabhāve, mūḷhabhāve ca anekantikattā dosamohacaritatāyapi anekamsikatā veditabbā. Dhūtūnam ussadaniyamo yadi pamāṇato, so natthi, atha sāmattiyato, sopi ekamsiko na upalabbhatīti dassento āha “**yathāvutteneva nayena ussadaniyamo nāma natthī**”ti. Tattha **yathāvuttenevāti** “dvinnam pana dhātūnan”ti-ādinā vuttappakāreneva. **Dosaniyame**ti semhādhidosādhikatāya rāgādicarito hotīti dosavasena cariyāniyame “semhādhiko rāgacarito”ti vatvā puna “semhādhiko mohacarito”ti, “vātādhiko mohacarito”ti vatvā puna “vātādhiko rāgacarito”ti ca vuttattā **tampi** dosavasena niyamavacanam **pubbāparaviruddhameva**.

**Aparicchinnavacananti** paricchadakārikāya paññāya na paricchinditvā vuttavacanam, anupaparikkhitavacananti attho.

**Ussadakittaneti** vipākakathāyaṃ gahita-ussadakittane.

**Pubbahetuniyāmenāti** purimabhāve pavattalobhādihetuniyāmena. **Niyāmoti** ca tesamīveva lobhādīnaṃ paṇīniyato lubbhanādisabhāvo daṭṭhabbo. Lobho ussado etesanti **lobhussadā**, ussannalobhā, lobhādhikāti attho. **Amohussadā cāti** ettha **ca**-saddo sampiṇḍanattho. Tena ye ime lobhussadatādīnaṃ paccekam vomissato ca cuddasa pabhedā icchitā, te anavasesato sampiṇḍeti yathāvuttesu chasveva tesam antogadhattā. Phalabhūtā cettha lobhussadatādayo daṭṭhabbā.

Idāni taṃ nesam lobhussadatādīnaṃ paccekam vomissakatādīm vibhāgena dassetuṃ “**yassa hī**”ti-ādi āraddham. **Kammāyūhanakkhaṇeti** kammakaraṇavelāyaṃ. **Lobho balavāti** lobho tajjāya paccayasāmaggiyā sāmattiyato adhiko hoti. **Alobho mandoti** tappaṭipakkho alobho dubbalo. Katham panete lobhālobhā aññamaññaṃ ujuvipaccanīkabhūtā ekakkhaṇe pavattantīti? Na kho panetaṃ evam daṭṭhabbam “ekakkhaṇe pavattantī”ti. Nikantikkhanaṃ pana āyūhanapakkhiyameva katvā evam vuttaṃ. Eseva nayo sesesupi. **Pariyādātunti** abhibhavituṃ **na sakkoti**. Yo hi “evamsundaram evamvipulam evammahagghañca na sakkā dātun”ti-ādinā amuttacāgatādivasena pavattāya cetanāya sampayutto alobho, so sammadeva lobham pariyādātuṃ na sakkoti. Dosamohānaṃ anuppattiyā, tādīsapaccayalābhena ca **adosāmohā balavanto**. **Tasmāti** lobhādosāmohānaṃ balavabhāvato, alobhadosāmohānañca dubbalabhāvatoti vuttameva kāraṇam paccāmasati. **Soti** taṃsamaṅgīpuggalo. **Tena kammenāti** tena lobhādi-upanissayavatā kusalakammunā. **Sukhasīloti** sakhilo. Tamevattham “**akkodhano**”ti pariyāyena vadati.

**Purimanayenevāti** pubbe vuttanayānusārena mandā alobhādosā lobhadose pariyādātuṃ na sakkonti, amoho pana balavā moham pariyādātuṃ sakkotīti evam tattha tattha vāre yathāraham

atidesattho veditabbo. **Duṭṭhoti** kodhano. **Dandhoti** mandapañño. **Sīlakoti** sukhasīlo.

Ettha ca lobhavasena, dosa, moha, lobhadosa, lobhamoha, dosamoha, lobhadosamohavasenāti tayo ekakā, tayo dukā, eko tikoti lobhādi-ussadavasena akusalapakkheya satta vārā, tathā kusalapakkhe alobhādi-ussadavasenāti cuddasa vārā labbhanti. Tattha alobhadosāmohā, alobhādosamohā, alobhadosamohā balavantoti āgatehi kusalapakkhe tatiyadutiyaṭṭhamavārehi dosussada mohussada dosamohussadavārā gahitā eva hontī, tathā akusalapakkhe lobhādosamohā, lobhadosāmohā, lobhādosāmohā balavantoti āgatehi tatiyadutiyaṭṭhamavārehi adosussada amohussada adosāmohussadavārā gahitā evāti akusalakusalapakkhesu tayo tayo vāre antogadhe katvā aṭṭheva vārā dassitā. Ye pana ubhayesaṃ missatāvasena lobhālobhussadavārādayo apare ekūnapaññāsa vārā dassetabbā, te alabbhanato eva<sup>1</sup> na dassitā. Na hi ekasmiṃ santāne antarena avatthantaraṃ “lobho ca balavā, alobho cā”ti-ādi yujjātīti, paṭipakkhavasena vā hi etesaṃ balavadubbalabhāvo, sahaṅgādhammavasena vā. Tatha lobhassa tāva paṭipakkhavasena alobhena anadhibhūtatāya balavabhāvo, tathā dosamohānaṃ adosāmoheti. Alobhādīnaṃ pana lobhādi-abhibhavanato, sabbesaṅga samānāṅgāyamaṃ abhibhuyya pavattivasena sahaṅgādhammato balavabhāvo. Tena vuttaṃ **aṭṭhakathāyaṃ** “lobho balavā alobho mando, adosāmohā balavanto dosamohā mandā”ti. So ca nesaṃ mandabalavabhāvo purimūpanissayato tathā āsayassa paribhāvitātāya veditabbo.

**Yo luddhoti vuttoti** yo ussadakittane “luddho”ti vutto, **ayaṃ** idha cariyāvicāre “**rāgacarito**”ti veditabbo. **Duṭṭhadandhāti** “duṭṭho, dandho”ti ca vuttā yathākkamaṃ **dosamohacaritā**. **Paññavāti** sātisaṃsaṃ sappañño. Yato saddhāvitakkesu vijjamānesupi **buddhicaritoti** vuccati.

---

1. Asambhavato eva (Sī)

Alobhādosānaṃ balavabhāvo saddhūpanissayatāya vinā na hotīti āha  
**“aluddhaduṭṭhā pasannapakatitāya saddhācaritā”**ti.

Ayañca nayo sādharmaṇato vuttoti nibbattitapubbahetuniyāmaseneva  
 buddhicaritādikepi dassetuṃ **“yathā vā”**ti-ādi vuttaṃ. Tatha  
**amohaparivārenā**ti amohaparikkhittena, upanissayato, sampayogato ca  
 paññāya abhisankhattenāti attho. Sesapadattayepi eseva nayo. **Lobhādīnā**  
**vomissaparivārenā**ti ettha lobhamohādīnā aññamañña-  
 aviruddhavomissaparivārenāti attho. Avirodho ca yugaggāhasena  
 appavattiyā veditabbo. Tathā hi saddhānusārīdhammānusārīgottāni  
 aññamaññampi bhinnasabhāvāneva. Ekaṃsena ca missakacariyāpi  
 sampācchitabbā pubbahetuniyāmena cariyāsiddhito. Tathā ceva  
 ussadakittanaṃ pavattaṃ yathārahaṃ lobhālobhādīnaṃ vipākassa  
 paccayabhāvato. Tenāha **paṭisambhidāmagge**<sup>1</sup>—

“Gatisampattiyā nāṇasampayutte katamesaṃ aṭṭhannaṃ hetūnaṃ  
 paccayā upapatti hoti? Kusalakammaṃsā javanakkhaṇe tayo hetū kusalā  
 tasmim̐ khaṇe jātacetanāya saha-jātapaccayā honti, tena vuccati  
 kusalamūlapaccayāpi saṅkhārā. Nikantikkhaṇe dve hetū akusalā tasmim̐  
 khaṇe jātacetanāya saha-jātapaccayā honti, tena vuccati  
 akusalamūlapaccayāpi saṅkhārā. Paṭisandhikkhaṇe tayo hetū abyākatā  
 tasmim̐ khaṇe jātacetanāya saha-jātapaccayā honti, tena vuccati  
 nāmarūpapaccayāpi viññāṇaṃ, viññāṇapaccayāpi nāmarūpan”ti—

ādi. Pubbahetuniyāmena ca yathā tihetukassa paññāveyyattiyā, na tathā  
 duhetukassa. Yathā ca duhetukassa itikattabbatā nepakkaṃ, na tathā  
 ahetukassa. Evaṃ lobhussadādayo puggalā rāgacaritādayo hontīti  
 niṭṭhamettha gantabbanti. Yathāvuttamatthaṃ nigamavasena dassetuṃ  
**“evaṃ lobhādīsū”**ti-ādi vuttaṃ.

---

1. Khu 9. 266 piṭṭhe.

45. **Tatrā**ti tasmim̐ pucchāvācane. **Nayoti** jānananayo. Puggalādhiṭṭhānena vuttopi attho dhammamukheneva paññāyatīti dhammādhiṭṭhānenāha “**cariyāyo vibhāvaye**”ti. **Pakatigamanenā**ti akittimena sabhāvagamanena. **Cāturienā**ti caturabhāvena siṅgārena. **Ukkuṭikanti** asamphuṭṭhamajjham. **Khaṇanto viyā**ti bhūmim̐ khaṇanto viya. **Anukaḍḍhitanti** pādanikkhepasamaye kaḍḍhanto viya pādam̐ nikkhipati. Tenassa padam̐ anukaḍḍhitam̐ pacchato añchitam̐ hoti. **Paribyaḅkulāyā**ti parito āluḷitāya. **Chambhito viyā**ti vitthāyanto viya. Bhīto viyāti keci. **Sahasānupīḷitanti** aggapādena, paṇhiyā ca sahasāva sannirujjhitam̐. **Vivaṭṭacchadassā**ti vinivaṭṭacchadanassa pahīnakilesassa. **Idamīdisam̐ padanti** bhagavato padam̐ disvā vadati.

**Pāsādikanti** pasādāvaham̐. **Madhurākāranti** iṭṭhākāram̐. **Thaddhākāranti** thambhitākāram̐. **Ataramānoti** nataramāno, saṅikanti attho. **Samodhāyā**ti sammadeva odhāya avikkhipitvā **nipajjitvā**ti kāyapasāraṇalakkaṇāya nipajjāya seyyāya nipajjitvā **sayati** niddāyati. **Pakkhittakāyoti** avakkhittakāyo avaso viya sahasā patitakāyo. **Dussaṅṭhānanti** virūpasannivesam̐. **Vikkhittakāyoti** ito cito ca khitta-aṅgapaccaṅgo.

**Samparivattakanti** samparivattitvā. **Āloḷayamāno** vālikākacavarāni ākulayanto.

**Nipuṇamadhurasamasakkaccakārī**ti sukosallam̐<sup>1</sup> sundaram̐ avisamam̐ sābhisaṅkhāraṇca karaṇasīlo. **Gāḷhathaddhavisamakārī**ti thiram̐ asithilam̐ visamaṇca karaṇasīlo. **Aparicchinnam̐** apariniṭṭhitam̐.

**Mukhapūrakanti** mukhassa pūraṇam̐ mahantam̐. **Arasapaṭisaṃvedī**ti narasapaṭisaṃvedī. **Bhājane chaḍḍentoti** bhojanabhājane siṭṭhāni chaḍḍento. **Mukham̐ makkhentoti** bahimukham̐ makkhento.

**Kilantarūpo viyā**ti tassa asahanena khedappatto viya. **Aññānapekkhāyā**ti aññāṇabhūtāya upekkhāya. Aññāṇasaṅkhātāya upekkhāyāti keci.

---

1. Sakosallam̐ (Sī)

**Māyā**disu santadosapaṭicchadanalakkhaṇā **māyā**.

Asantaḡuṇapakāsanalakkhaṇaṃ **sātheyyaṃ**. Unnatilakkhaṇo **māno**. Asantaḡuṇasambhāvanāmukhena paṭiggahaṇe amattaññutālakkhāṇā **pāpicchatā**. Santaḡuṇasambhāvanāmukhena paṭiggahaṇe amattaññutālakkhāṇā **mahicchatā**. Sakalābhena asantussanalakkhaṇā **asantuṭṭhitā**. Vijjhanatṭhena **siṅgaṃ**, siṅgaratānāgarikabhāvasaṅkhātāṃ kilesasiṅgaṃ. Attano sarīrassa, cīvarādi-parikkhārassa ca maṇḍanavasena pavattaṃ loluppaṃ **cāpalyaṃ**. **Evamādayoti** ettha **ādi**-saddena ahirikānottappamadappamādādayo saṅgayhanti.

Parāparādhassa upanayhanalakkhaṇo **upanāho**. Paresaṃ ḡuṇamakkhaṇalakkhaṇo **makkho**. Parassa ḡuṇe ḡaṃsitvā apanento viya yugaggāhalakkhaṇo **paḷāso**. Parasampatti-usūyanalakkhaṇā **issā**. Attasampattinigūhanalakkhaṇaṃ **macchariyaṃ**. Idha **ādi**-saddena dovacassatāpāpamittatādīnaṃ saṅgaho daṭṭhabbo.

Anussāhanaṃ<sup>1</sup> **thinaṃ**. Asattivighāto<sup>2</sup> **middhaṃ**. Cetaso avūpasamo **uddhaccaṃ**. Vipphaṭisāro **kukkuccaṃ**. Saṃsāyo **vicikicchā**. Ayoniso daḷhaggāho **ādhānaggāhitā**. Yathāgahitassa micchāgāhassa dubbiveṭṭhiyathā **duppaṭinissaggitā**. Idha **ādi**-saddena muṭṭhasacca-asampajaññādīnaṃ saṅgaho daṭṭhabbo.

**Muttacagatā**ti vissatṭhacāgatā nissāṅgapariccāgo. Yathā māyādayo, tathā pavattā akusalakkhandhā, yathā **ariyānaṃ dassanakāmatā**dayo, tathā pavattā kusalakkhandhā veditabbā.

**Pasādanīyaṭṭhānaṃ** nāma vatthuttayaṃ. **Samvejanīyaṭṭhānāni** jāti-ādīni. **Kusalānuyogeti** kusaladhamabhāvanāyaṃ. “Evañca evañca karissāmi”ti kiccānaṃ rattibhāge parivitakkaṇaṃ **rattiṃ dhūmāyanā**. Tathā vitakkitānaṃ tesāṃ divasabhāge anuṭṭhānaṃ **divā pajjalanā**. **Hurāhuraṃ dhāvanā**ti ito cito ca tattha tattha ārammaṇe cittavosaggo. Tenevāha “idaṃ pure cittamacāri cārikaṃ, yenicchakaṃ yatthakāmaṃ yathāsukhaṃ”ti<sup>3</sup> “cittamassa vidhāvati”ti ca<sup>4</sup> ca.

1. Anussāhasaṃhananaṃ (Sī, Syā, Ka)

3. Khu 1. 60 piṭṭhe.

2. Arativighāto (Syā)

4. Saṃ 1. 34 piṭṭhe.



Dhammappavattidassanādi ca pāliyaṃ, aṭṭhakathāyañca anāgatamevāti na sakkā vattunti “**sabbākārenā**”ti vuttam. Kiñci kiñci āgatampi atthevāti hi adhippāyo. “Na sārato paccetabban”ti vatvā tattha kāraṇaṃ dassento “**rāgacaritassa hī**”ti-ādimāha. **Appamādavihārinoti** tattha vinidhāya bhāvaṃ paṭipajjanena appamādakāriṇo. **Bhinnalakkhaṇā iriyāpathādayoti** cāturiyena acāturiyena saṅkamaṃ, sahasā ca gamanādayo. **Na upapajjantīti** na yujjanti. **Pucchitvā jānitabbanti** dhammappavatti-ādiṃ pucchitvā jānitabbam.

46. **Sappāyaṃ** hitaṃ, kilesavighātīti attho. **Adhotavedikanti** aparisuddha-arikkhepavedikaṃ. **Bhūmatṭhakanti** bhūmitaleyeva uṭṭhāpitaṃ uparimatalarahitaṃ. Ekato onatassa pabbatapādassa heṭṭhābhāgo akatabhittibhūmiparikammo **akata-abbhāro**. **Jatukābharitanti** adhomukhāhi olambamānamukhāhi khuddakavaggulīhi paripuṇṇaṃ. **Oluggavilugganti** chinnabhinnam. **Ujjaṅgalaṃ** lūkhadhūsaram<sup>1</sup> chāyūdakarahaṇitaṃ. **Sihabyagghādibhayena sāsāṅkaṃ**. **Durūpanti** virūpaṃ. **Dubbaṇṇanti** asundaravaṇṇaṃ, dussaṅṭhānaṃ vā. **Jālākārena** katapūvaṃ **jālapūvaṃ**. **Sāṇi viya kharasamphassanti** sāṇiphalako viya dukkhasamphassaṃ. **Bhārikabhāvena**, antarantarā tunnakaraṇena ca **kicchapariharahaṇaṃ**. **Āṇigaṅṭhikāhatoti** āṇinā, gaṅṭhiyā ca hatasobho. **Idaṃ rāgacaritassa** sappāyaṃ, evamassa kilesasamudācāro na hotīti adhippāyo. Eseva nayo sesesupi.

**Disāmukhati** disābhimukhaṃ, abbhokāsābhimukhanti adhippāyo. **Mahākasiṇanti** mahantaṃ kasiṇamaṅṭhalaṃ. **Sesaṃ** senāsanādīsu yaṃ vattabbaṃ mohacaritassa, taṃ dosacaritassa vuttasadisameva.

**Vitakkavidhāvanasseva paccayo hoti** yathā taṃ āyasmato **meghiyattherassa**. **Darīmukheti** pabbatavivare. **Parittanti** suppasarāvamattaṃ.

Pabhedaparichedato nidānaparichedato vibhāvanaparichedato sappāya-aricchedatoti paccakaṃ **pariccheda**-saddo yojetabbo. **Vibhāvanāti** “ayaṃ rāgacarito”ti-ādinā jānavibhāvanā. **Ekaccakasiṇānussatiṭṭhānamattassa** pasaṅgena kathitattā vuttam “**na ca tāva cariyānukūlaṃ kammatṭhānaṃ sabbākārena āvikatan**”ti.

---

1. Dhūvasaram (Syā), vusaram (Ka)

### Cattālīsakammaṭṭhānavañṇanā

47. **Saṅkhātaniddesatoti** saṅkhātānaṃ “cattālīsāyā”ti saṅkhyāvasena gahitānaṃ uddiṭṭhānaṃ niddesato. “Ettha ettakāni upacārajjhānāvahāni, ettakāni appanājjhānāvahāni”ti **upacārappanāvahato**. “Ettakāni ekajjhānikāni, ettakāni dukatikajjhānikāni, ettakāni sakalajjhānikāni”ti **jhānappabhedato**. “Etesu aṅgasamatikkamo, etesu ārammaṇamatikkamo”ti evaṃ **samatikkamato**. “Ettakānettha vaḍḍhetabbāni, ettakāni na vaḍḍhetabbāni”ti **vaḍḍhanāvaḍḍhanato**. **Ārammaṇatoti** sabhāvadhammanimitta nivattabbavsenā, calitācalitavasena ca ārammaṇavibhāgato. **Bhūmitoti** kāmāvacarādibhūmivibhāgato. **Gahaṇatoti** diṭṭhādivasena gahaṇavibhāgato. **Paccayatoti** āruppādīnaṃ yathārahaṃ paccayabhāvato. **Cariyānukūlatoti** rāgacariyādīnaṃ anukūlabhāvato.

**Kammaṭṭhānānīti** ārammaṇabhāvena yogakammassa pavattiṭṭhānāni. **Catukkajjhānikāti** catubbidharūpāvacarajjhānavanto, tesāṃ ārammaṇabhūtāti attho. Catukkanayavasena cetāṃ vuttaṃ. **Tikacatukkajjhānikesūti** tikajjhānikesu purimesu brahmavihāresu, catukkajjhānikesu ānāpānakasiṇesu. **Sesesūti** vuttāvasesesu ekavīsatiyā kammaṭṭhānesu.

Dibbacakkhunā diṭṭhahadaya rūpassa sattassa cittaṃ ādikammiko cetopariyañāṇena paricchindituṃ sakkoti, na itarassāti kaṣiṇapharaṇaṃ cetopariyañāṇassa paccayo hoti. Tena vuttaṃ “**parasattānañca cetasā cittamaññātūṃ samattho hoti**”ti. **Okāsenā paricchinnattāti** attano ṭhitokāsenā paricchinnattā. Tathā uggahakosallassa sampādītattā paricchinnākāreneva tāni upatiṭṭhanti, tasmā na tattha vaḍḍhanāti adhippāyo. Sace pana koci vaḍḍheyya, na tena koci guṇoti dassento āha “**ānisaṃsābhāvā cā**”ti. “**Tesu panā**”ti-ādinā tameva ānisaṃsābhāvaṃ vivarati. Yasmā vaḍḍhitesu kuṇaparāsiyeva vaḍḍhati, avaḍḍhitepi kāmāragavikkhambhanā hotiyeva, tasmā ānisaṃsābhāvo. **Vibhūtāti** vipulārammaṇatāya supākaṭā, vaḍḍhitanimittatāya appamāṇārammaṇabhāvena paribyattāti attho.

**Kevalanti** sakalaṃ anavasesaṃ. “**Pathaviṃ iman**”ti vacanaṃ upaṭṭhānākārena vuttaṃ, na nimittassa vaḍḍhanenāti adhippāyo. **Lābhittāti** sātisayaṃ lābhitāya, ukkamsagatavasibhāvatoti attho. Thero hi paramāya vasipattiyā assamaṇḍale assaṃ sārento viya yattha tattha nisinnopi ṭhitopi taṃ jhānaṃ samāpajateva. Tenassa samantato nimittaṃ vaḍḍhitaṃ viya upaṭṭhāsi. Tena vuttaṃ “**sabbadisāsū**”ti-ādi.

**Vuttāti dhammasaṅghe**<sup>1</sup> vuttā. **Mahanteti** vipule. Ninnathalādivasena hi ekadese aṭṭhatvā samantato gahaṇavasena sakalasarīre nimittaṃ gaṇhantassa taṃ mahantaṃ hoti. **Mahante** vā sarīre. **Appaketi** sarīrassa ekadese **nimittaṃ gaṇhātīti** yojanā. **Appake** vā khuddake dāraṅkarīre. **Etanti** asubhanimittaṃ. **Ādīnavanti** “asubharāsi eva vaḍḍhati, na ca koci ānisaṃso”ti **vuttaṃ** ādīnavaṃ.

**Sesānipi na vaḍḍhetabbānīti** saṅkhepato vuttamatthaṃ upapattito vivarimsu “**kasmā**”ti-ādi vuttaṃ. Picupiṇḍādivasena upaṭṭhahantampi nimittaṃ vātasāṅghātasannissayanti katvā vuttaṃ “**vātarāsiyeva vaḍḍhatī**”ti. **Okāsenā paricchinnanti** nāsikaggamukhanimittādi-okāsenā saparicchedaṃ. Vāyokasiṇavaḍḍhane viya na ettha koci guṇo, kevalaṃ vātavaḍḍhanamevāti āha “**sādīnavattā**”ti. **Tesanti** brahmavihārānaṃ. **Nimittanti** ārammaṇaṃ. **Na ca tena attho atthīti** tena sattarāsi vaḍḍhanena pathavīkasiṇādivaḍḍhance viya kiñci payojanaṃ natthi. **Pariggahavasenāti** apariggahitassa bhāvanāvisayassa pariggahavasena, na nimittavaḍḍhanavasena. Tenāha “**ekāvāsadvī-āvāsādīnā**”ti-ādi. **Etthāti** brahmavihārabhāvanāyaṃ. **Ya’dayanti** yaṃ paṭibhāganimittaṃ ayaṃ yogī. Sīmāsambhedeneva hettha upacārajjhānuppatti, na nimittuppattiyā. Yadi evaṃ kathamparittādi-ārammaṇatā jhānassāti āha “**paritta-appamāṇārammaṇatāpettha pariggahavasenā**”ti, katipaye satte pariggahetvā pavattā mettādayo parittārammaṇā, bahuke appamāṇārammaṇāti attho. **Ākāsaṃ kasiṇugghāṭimattā** na vaḍḍhetabbanti yojanā. Vakkhati vā yaṃ tena sambandhitabbaṃ. Parikappajameva ārammaṇaṃ vaḍḍhetuṃ sakkā, na itaranti āha “**na hi sakkā sabhāvadhammaṃ**

---

1. Abhi 1. 68 piṭṭhe.

**vaḍḍhetun**”ti. Āruppānaṃ paritta-appamāṇārammaṇatā parittakasiṇugghāṭimākāse, vipulakasiṇugghāṭimākāse ca pavattiyā veditabbā. **Sesāni** buddhānussati-āḍiṇi dasa kammaṭṭhānāni. **Animittattāti** paṭibhāganimittābhāvā.

**Paṭibhāganimittārammaṇānīti** paṭibhāganimittabhūtāni ārammaṇāni, **sesāni** aṭṭhārasa. **Sesāni chāti** cattāro brahmavihārā, ākāsaṇācāyatanāṃ, ākiṇcaṇṇāyatanānti imāni sesāni cha. Vissandamānapubbatāya **vipubbakam**. Paggharamānalohitatāya **lohitakam**. Kimīnaṃ pacalanena **puḷuvakam**, calitārammaṇaṃ vuttaṃ. Vātapānavivarādīhi antopaviṭṭhassa sūriyālokādikassa calanākāro paññāyatīti **obhāsamaṇḍalārammaṇampi** calitārammaṇaṃ vuttaṃ. **Pubbabhāgeti** paṭibhāganimittappavattiyā pubbabhāge. **Sannisinnamevāti** santaṃ niccalameva.

**Devesūti** kāmāvacaradevesu, tattha asubhānaṃ, paṭikūlassa ca āhārassa abhāvato. Assāsapassāsānaṃ brahmaloke abhāvato **“ānāpānassati cā”**ti vuttaṃ.

**Diṭṭhenāti** diṭṭhena vatthunā kāraṇabhūtena. **Gahetabbānīti** uggahetabbāni, uppādetabba-uggahanimittānīti attho. Tenāha **“pubbabhāge”**ti-ādi. **Tassāti** kāyagatāsatiyā. Ucchusassāḍiṇaṃ pattesu pacalamānavañṇaggahaṇamukhena vā tassa gahetabbattā vuttaṃ **“vāyokasiṇaṃ diṭṭhaphuṭṭhena”**ti. **Na ādikammikena gahetabbānīti** ādikammikena na gahetabbāni, bhāvanārambhavasena na paṭṭhapetabbāni, heṭṭhime tayo brahmavihāre, kasiṇesu rūpāvacaracattahajjhānaṇca anadhigantvā sampādetuṃ asakkuṇeyyattā.

**Imesu pana kammaṭṭhānesūti** ettha kammaṭṭhānaggahaṇena yathārahaṃ ārammaṇānaṃ, jhānānaṇca gahaṇaṃ veditabbaṃ. **Sukhavihārassāti** diṭṭhadhammasukhavihārassa.

**“Ekādasā kammaṭṭhānāni anukūlānī”**ti ujuvipaccanīkavasena cetāṃ vuttaṃ. Evaṃ sesesupi. Vakkhati hi **“sabbañcetan”**ti-ādi. **Anukūlāni** rāgavikkhambhanassa upāyabhāvato. Aṭṭha anukūlānīti yojanā. Evaṃ sesesu. **Ekanti** idaṃ anussati-apekkhaṃ anussatīsu ekanti, na mohacaritavitakkacaritāpekkhaṃ tesāṃ aññassāpi anukūlassa alabbhanato.

“**Saddhācaritassa purimā cha anussatiyo**”ti idaṃ atisappāyavasena vuttaṃ. Imasseva ujuvipaccanīkaṃ imassa atisappāyanti gahetabbassa visesassa abhāvato **sabbacaritānaṃ anukūlāni**. **Parittanti** sarāvamattaṃ, **appamāṇanti** tato adhikapamāṇaṃ. **Parittaṃ** vā suppasarāvamattaṃ, **appamāṇaṃ** adhikapamāṇaṃ khalamaṇḍalādikasiṇabhāvena pariggahitaṃ.

**Cattāro dhammā**ti cattāro manasikaraṇīyā dhammā. **Uttarī**ti sīlasampadā, kalyāṇamittatā, sappāyadhammassavanaṃ, vīriyaṃ, paññāti imesu pañcasu dhammesu patiṭṭhānato upari. **Asubhā**ti asubhabhāvanā ekādasasu asubhakammaṭṭhānesu bhāvanānuyogā. **Mettā**ti anodhiso, odhiso vā pavattā mettābhāvanā. **Ānāpānassatī**ti soḷasavatthukā ānāpānassatisamādhībhāvanā. **Vitakkupacchedāyā**ti micchāvitakkānaṃ upacchindanattāya. **Aniccasaññāti** “sabbe saṅkhārā anicca”ti<sup>1</sup> evaṃ pavattā aniccānupassanā. **Asmimānasamugghātāyā**ti “asmī”ti uppajjanakassa navavidhassāpi mānassa samucchindanāya. Ettha hi ekasseva cattāro dhammā bhāvetabbā vuttā, na ekassa catucariyatāya. Tena viññāyati “sabbānipi kammatṭhānāni sabbākusalavikkhambhanāni sabbakusalaparibrūhanāni”ti.

**Ekasseva satta kammatṭhānāni vuttāni**, na cāyasmā rāhulo sabbacaritoti adhippāyo. **Vacanamatteti** “asukakammaṭṭhānaṃ asukacaritassa anukūlan”ti evaṃ vuttavacanamatte. **Adhippāyoti** tathāvacanassa adhippāyo. So pana “sabbañcetan”ti-ādinā vibhāvito eva.

48. “Piyo garū”ti-ādinā<sup>2</sup> vuttappakāraṃ **kalyāṇamittaṃ**. “Attano pattacīvaraṃ sayameva gahetvā”ti-ādinā vuttanayena **upasaṅkamitvā**. **Somanassameva uppajjati** “evaṃ bahuparissayoyaṃ attabhāvo ṭhāneyeva mayā niyyātito”ti. Tenāha “**yathā hī**”ti-ādi.

**Atajjanīyoti** na tajjetabbo na niggahetabbo. Svāyaṃ atajjanīyabhāvo dovacassatāya vā siyā, ācariye aniviṭṭhapematāya vāti tadubhayaṃ dassetuṃ “**dubbaco vā**”ti-ādi vuttaṃ. Yo hi ācariyena tajjiyamāno kopaṇca dosaṇca apaccayaṇca pātukaroti, yo vā

1. Am 1. 289; Khu 1. 53; Khu 7. 72 piṭṭhādīsu.

2. Am 2. 422 piṭṭhe.

“kimassa santike vāsenā”ti pakkamati, ayaṃ duvidhopi atajjaniyo.

**Dhammenā**ti ovādānusāsānidhammena. **Gūḷhaṃ ganthanti**

kammaṭṭhānaganthaṃ, saccapaṭiccasamuppādādisahitaṃ gambhīraṃ  
suññatāpaṭisaṃyuttaṃca.

**Tumhākamatthāyāti vutteti** “sataporise papāte patanena tumhākaṃ koci  
attho hoti”ti kenaci vutte. **Ghaṃsentoti** “manussakakkena tumhākaṃ koci  
attho”ti vutte ghaṃsento **niravasesaṃ** attabhāvaṃ **khepetuṃ ussaheyyaṃ**.  
“Mama assāsapassāsānirundhanena<sup>1</sup> tumhākaṃ koci rogavūpasamādiko  
attho atthi”ti kenaci vutte. Tīhipi bhikkhūhi ācariye bhattipavedanamukhena  
vīriyārambho eva pavedito.

49. Aññattha pavattitvāpi cittaṃ āgamma yattha seti, so tassa āsayo  
“migāsayo” viya, āsayo eva **ajjhāsayo**. So duvidho vipanno, sampannoti.  
Tattha vipanno sassatādimicchābhiniवेशानिषितो. Sampanno duvidho  
vaṭṭanissito, vivaṭṭanissitoti. Tesu vivaṭṭanissito ajjhāsayo  
“sampannajjhāsayenā”ti idhādhippeto. Idāni naṃ vibhāgena dassetuṃ  
“**alobhādīnaṃ vāsenā**”ti-ādi vuttaṃ. Tattha **chahākārehī**ti alubbhanādīhi  
chahi ākārehi. **Sampannajjhāsayenā**ti pubbhāgiyānaṃ sīlasampadādīnaṃ  
sādhānavasena, lokuttarānaṃ upanissayabhāvena ca sampanno ajjhāsayo  
etassāti sampannajjhāsayo, tena. Alobhādayo hi anekadosavidhamanato.  
Anekaguṇāvahato ca sattānaṃ bahukārā visesato yogino. Tathā hi  
alobhādayo maccheramalādīnaṃ paṭipakkhabhāvena pavattanti. Vuttaṃ  
hetam—

“Alobho maccheramalassa paṭipakkho, adoso dussīlyamalassa,  
amoho kusalesu dhammesu abhāvanāya. Alobho cetha dānāhetu, adoso  
sīlahetu, amoho bhāvanāhetu. Tesu ca alobhena anadhikaṃ gaṇhāti  
luddhassa adhikaggahaṇato, adosena anūnaṃ duṭṭhassa ūnaggahaṇato,  
amohena aviparītaṃ, mūḷhassa viparītaggahaṇato.

---

1. Assāsapassāsāsāmnirumbhanena (Sī), ...samniruddhanena (Syā)

Alobhena cettha vijjamānaṃ dosaṃ dosato dhārento dose pavattati, luddho hi dosaṃ paṭicchādeti. Adosena vijjamānaṃ guṇaṃ guṇato dhārento guṇe pavattati, duṭṭho hi guṇaṃ makkheti. Amohena yāthāvasabhāvaṃ yāthāvasabhāvato<sup>1</sup> dhārento yāthāvasabhāve pavattati, mūḷho hi tacchaṃ “atacchan”ti, atacchaṅca “tacchan”ti gaṇhāti. Alobhena ca piyavippayogadukkhaṃ na hoti luddhassa piyasabbhāvato, piyavippayogāsahanato ca, adosena appiyasampayogadukkhaṃ na hoti duṭṭhassa appiyasabbhāvato, appiyasampayogāsahanato ca, amohena icchitālābhadukkhaṃ na hoti, amuḷhassa hi “taṃ kutettha labbhā”ti evamādipaccavekkhaṇasabbhāvato.

Alobhena cettha jātidukkhaṃ na hoti alobhassa taṇhāpaṭipakkhato, taṇhāmūlakattā ca jātidukkhaṃ, adosena jarādukkhaṃ na hoti tikkhadosassa khippaṃ jarāsambhavato, amohena maraṇadukkhaṃ na hoti, sammohamaraṇaṅhi dukkhaṃ, na ca taṃ amuḷhassa hoti. Alobhena ca gahaṭṭhānaṃ, amohena pabbajitānaṃ, adosena pana sabbesampi sukhasaṃvāsātā hoti.

Visesato cettha alobhena pettivisaye upapatti na hoti, yebhuyyena hi sattā taṇhāya pettivisayaṃ upapajjanti, taṇhāya ca paṭipakkho alobho. Adosena niraye upapatti na hoti, dosena hi caṇḍajātītāya<sup>2</sup> dosasadisam nirayaṃ upapajjanti, dosassa ca paṭipakkho adoso. Amohena tiracchānayaniyaṃ nibbatti na hoti, mohena hi nicasammūḷhaṃ tiracchānayaniṃ upapajjanti, mohapaṭipakkho ca amoho. Etesu ca alobho rāgavasena upagamanassa abhāvakaro, adoso dosavasena upagamanassa, amoho mohavasena amajjhatabhāvassa.

---

1. Yāthāvaṃ yāthāvato (Sī, Syā, Ka)

2. Caṇḍajālatāya (Sī)

Tīhipi cetehi yathāpaṭipāṭiyā nekkhammasaññā abyāpādasaññā avihimsāsāññāti imā tisso, asubhasaññā appamāṇasaññā dhātusaññāti imā ca tisso saññāyo honti. Alobhena pana kāmasukhallikānuyoga-antassa, adosena attakilemathānuyoga-antassa parivajjanam hoti, amohena majjhimāya paṭipattiyā paṭipajjanam. Tathā alobhena abhiṭṭhāyaganthassa pabhedanam hoti, adosena byāpādakāyaganthassa, amohena sesaganthadvayassa. Purimāni ca dve satipaṭṭhānāni purimānam dvinnam ānubhāvena, pacchimāni pacchimasseva ānubhāvena ijjhanti.

Alobho cettha ārogyassa paccayo hoti, aluddho lobhanīyampi asappāyam na sevati, tena arogo hoti. Adoso yobbanassa, adaṭṭho hi valitapalitāvahena dosagginā aḍayhamāno dīgharattam yuvā hoti. Amoho dīghāyukatāya, amūḷho hi hitāhitam ña tvā ahitam parivajjento, hitaṅca paṭisevamāno dīghāyuko hoti.

Alobho cettha bhogasampattiyā paccayo cāgena bhogapaṭilābhato, adoso mittasampattiyā mettāya mittānam paṭilābhato, aparihānato ca, amoho attasampattiyā, amūḷho hi attano hitameva karonto attānam sampādeti. Alobho ca dibbavīhārassa paccayo hoti, adoso brahmavīhārassa, amoho ariyavīhārassa.

Alobhena cettha sakapakkhesu sattasaṅkhāresu nibbuto hoti tesam vināsenā abhisāṅghetukassa dukkhassa abhāvā, adosena parapakkhesu, aduṭṭhassa hi verīsipi verisaññāya abhāvato, amohena udāsīnapakkhesu amūḷhassa sabbābhisāṅgatāya abhāvato.



Alobhena ca aniccadassanaṃ hoti, luddho hi upabhogāsāya aniccepi saṅkhāre aniccato na passati. Adosena dukkhadassanaṃ, adosajjhāsayo hi pariccatta-āghātavatthupariggaho saṅkhāreyeva dukkhato passati. Amohena anattadassanaṃ, amūḷho hi yāthāvagahaṇakusalo aparīṇāyakamaṃ khandhapañcakaṃ aparīṇāyakato bujjhati. Yathā ca etehi aniccadassanādīni, evaṃ etepi aniccadassanādīhi honti. Aniccadassanena hi alobho hoti, dukkhadassanena adoso, anattadassanena amoho. Ko hi nāma “aniccamidan”ti sammā ñatvā tassatthāya pihaṃ uppādeyya, saṅkhāre vā “dukkhan”ti jānanto aparampi accantatikhiṇaṃ kodhadukkhaṃ uppādeyya, attasuññatañca bujjhitvā puna sammohaṃ āpajjeyyāti<sup>1</sup>.

Tena vuttaṃ “pubbabhāgiyānaṃ sīlasampadādīnaṃ sādhanavasena lokuttarānaṃ, upanissayabhāvena ca sampanno ajjhāsayo etassāti sampannajjhāsayo”ti. Tenāha “**evaṃ tissannaṃ bodhīnaṃ aññataraṃ pāpuṇāti**”ti.

Idāni te ajjhāsaye pāliyāva vibhāvetuṃ “**yathāhā**”ti-ādi vuttaṃ. Tattha **chāti** gaṇanaparicchedo. **Ajjhāsayāti** paricchinnadhammanidassanaṃ. Ubhayaṃ pana ekajjhaṃ katvā chabbidhā ajjhāsayāti attho. **Bodhisattāti** bujjhanakasattā, bodhiyā vā niyatabhāvena sattā laggā, adhimuttā tanninnā tappoṇāti attho. **Bodhiparipākāya samvattantīti** yathābhinihāraṃ attanā pattabbabodhiyā paripācanāya bhavanti. **Alobhajjhāsayāti** alubbhanākārena pavatta-ajjhāsayā, ādito “kathaṃ nu kho mayaṃ sabbattha, sabbadā ca aluddhā eva hessāmā”ti, majjhe ca alubbhanavaseneva, pacchā ca tasseva rocanavasena pavatta-ajjhāsayā. **Lobhe dosadassāvinoti** lubbhanalakkaṇe lobhe sabbappakārena ādīnavadassāvino. Idamaṃ tassa ajjhāsayassa ekadesato brūhanākāradassanaṃ. Lobhe hi ādīnavaṃ, alobhe ca ānisaṃsaṃ passantassa alobhajjhāsayo parivaḍḍhati, svāyaṃ tattha ādīnavānisaṃsadassanuvidhi vibhāvitoyeva. Sesapadesupi iminā nayena attho veditabbo.

---

1. Abhi-Ṭṭha 1. 171-3 piṭṭhe.

Ayaṃ pana viseso—**nekkhammanti** idha pabbajjā. **Paviveko** tadaṅgaviveko, vikkhambhanaviveko, kāyaviveko, cittaviveko ca. **Nissaraṇaṃ** nibbānaṃ. **Sabbabhavagatīsūti** sabbesu bhavesu, sabbāsu ca gatīsu. **Tadadhimuttatāyāti** yadatthaṃ bhāvanānuyogo, yadatthā ca pabbajjā, tadadhimuttana. Tenevāha “**samādhimuttanā**”ti-ādi.

50. “**Kimcaritosī**”ti pucchito sace “na jānamī”ti vadeyya, “**ke vā te dhammā bahulaṃ samudācaranti**”ti pucchitabbo. **Kim vāti** kimasukam vā anussatiṭṭhānaṃ vā aññaṃ vā. **Kim te manasi karoto phāsu hotīti** cittassa ekagga bhāvena sukhaṃ hoti. **Cittaṃ namatīti** pakatīyāva abhiraivasena namati. **Evamādīhīti ādi**-saddena iriyāpathādīnaṃ saṅgaho daṭṭhabbo. Tepi hi na sabbassa ekaṃsato byabhicāriṇo eva. Tathā hi samudācāro pucchitabbo vutto. “Asukañca asukañca anasikāra vidhiṃ katipayadivasam anuyuñjāhī”ti ca vattabbo.

“**Pakatīyā uggahitakammaṭṭhānassā**”ti idaṃ yaṃ kammaṭṭhānaṃ gahetukāmo, tattha sajjhāyavasena vā manasikāravasena vā kataparicayaṃ sandhāya vuttaṃ. **Ekam dve nisajjānīti** ekaṃ vā dve vā uṇhāsanāni. **Sajjhāyaṃ kāretvā** attano sammukhāva adhīyāpetvā **dātabbāṃ**, so ce aññaṭṭa gantukāmoti adhippāyo. Tenāha “**santike vasantassā**”ti. **Āgatāgatakkhaṇe kathetabbāṃ**, pavattim sutvāti adhippāyo.

**Pathavīkaṣiṇanti** pathavīkaṣiṇakammaṭṭhānaṃ. **Katassāti** katassa kaṣiṇassa. **Tamtaṃ ākāraṇti** ācariyena kammaṭṭhāne vuccamāne padapadatthādhippāya-opammādikam attano ñāṇassa paccupaṭṭhitam tam tam ākāraṃ, yaṃ yaṃ nimittanti vuttaṃ. **Upanibandhitvāti** upanetvā nibaddham viya katvā, hadaye ṭhapetvā apamussantaṃ katvāti attho. **Evam** suṭṭhu upaṭṭhitassatīyā **nimittam gahetvā** tattha sampajānakāritāya **sakkaccam suṇantena**. **Tanti tam yathā vuttaṃ suggahitam nissāya**. **Itarassāti** tathā agaṇhantassa. **Sabbākārenāti** kassacipi pakārassa tattha asesitattā vuttaṃ.

Kammaṭṭhānaggahaṇaniddesavaṇṇanā niṭṭhitā.

**Iti tatiyaparicchedavaṇṇanā.**

## 4. Pathavīkasiṇaniddesa vaṇṇanā

51. **Phāsu hotīti** āvāsasappāyādilābhena manasikāraphāsutā bhāvanānukūlatā hoti. **Parisodhentenāti** tesam tesam gaṇṭhiṭṭhānānam chindanavasena visodhentena. **Akilamantoyevāti** akilantakāyo eva. Sati hi kāyakilamathe siyā kammaṭṭhānamanasiṅgassa antarāyoti adhippāyo. **Gaṇṭhiṭṭhānanti** atthato, adhippāyato ca dubbinivedhatāya gaṇṭhibhūtaṃ ṭhānam. **Chinditvāti** yāthāvato atthassa, adhippāyassa ca vibhāvanena chinditvā, vibhūtaṃ supākaṭaṃ katvāti adhippāyo. **Suvisuddhanti** suṭṭhu visuddhaṃ, nigumbaṃ nijjaṭanti attho.

### Ananurūpavīhāra vaṇṇanā

52. **Aññatarenāti** aññatarenāpi, pageva anekhehīti adhippāyo. Mahantabhāvo **mahattaṃ**. Tathā sesesu. Loṇḍavā **soṇḍī**. Tathā **paṇṇanti-**ādīsu. Bodhi-aṅgaṇādīsu kātappaṃ idha “**vattaṃ**”ti adhippetanti āha “**pānīyaghaṭaṃ vā rittaṃ**”ti. **Niṭṭhitāyāti** pavitṭhapavitṭhānaṃ dānena parikkhāyāya. Jīṇṇavīhārepi yatra bhikkhū evaṃ vadanti “āyasmā yathāsukhaṃ samaṇadhammaṃ karotu, mayam paṭijaggissāmā”ti. **Evarūpe vihātabbanti** ayampi nayo labbhati, vuttanayattā pana na vutto.

**Mahāpathavīhāreti** mahāpathasamīpe vihāre. **Bhājanadāruḍḍhikādīni** rajanabhājanāni, rajanattāya dāru, dārumayadāruka, rajanapacanaṭṭhānaṃ, dhovanaphalakanti evamādīni. **Sākahārikāti** sākahāriṇiyo itthiyo. **Visabhāgasaddo** kāmaguṇūpasamhito gītasaddoti vadanti, kevalopi itthisaddo visabhāgasaddo eva. **Tatrāti** pupphavante vihāre. **Tādisoyevāti** “tatthassa kammaṭṭhānaṃ gahetvā”ti-ādīnā yādiso paṇṇavante vihāre upaddavo vutto, tādisoyeva. “Pupphahārikāyo pupphaṃ ocinantiyo”ti pana vattaṃ. Ayamidha viseso.

**Pattaniyeti** tattha vasantesu sambhāvanāvasena upasaṅkamaṇādinā patthetabbe. Tenāha “**leṇasammate**”ti<sup>1</sup>. **Dakkhiṇāgirīti** magadhavisaye dakkhiṇāgirīti vadanti.

---

1. Lokasammate (Sī, Syā, Ka)

**Visabhāgārammaṇāni** iṭṭhāni, aniṭṭhāni ca. Aniṭṭhānaṃ hi dassanatthaṃ “ghaṭehi nighaṃsantiyo”ti-ādi vuttaṃ. Dabbūpakaraṇayoggā rukkhā dabbūpakaraṇarukkhā.

**Yo pana** vihāro. **Khalanti** dhaññakaraṇaṭṭhānaṃ. **Gāvo rundhanti** “sassaṃ khādimsū”ti. **Udakavāranti** kedāresu sassānaṃ dātabba-udakavāraṃ. **Ayampīti** mahāsaṃghabhogopi vihāro. **Vāriyamānā** kammaṭṭhānikena bhikkhunā.

Samuddasāmuddikanadīnissitaṃ **udakapaṭṭanaṃ**. Mahānagarānaṃ āyadvārabhūtaṃ aṭavimukhādīnissitaṃ **thalapaṭṭanaṃ**. **Appasannā honti**. Tenassa tattha phāsuvihāro na hotīti adhippāyo. **Maññamānā** rājamaṇussā.

**Samosaraṇenāti** ito cito sañcaraṇena. **Papātetī** papātasīse **ṭhatvā gāyi** “gītasaddena idhāgataṃ papāte pātetvā khādissāmī”ti. **Vegena gahetvāti** vegenāgantvā “kuhiṃ yāsī”ti khandhe gahetvā.

**Yatthāti** yasmim vihare, viharasāmantā vā na sakkā hoti **kalyāṇamittaṃ laddhuṃ**, tattha vihare so alābho mahādosoti yojanā.

**Panathaninti** panthe nīto pavattitoti panthanī, magganissito vihāro. Taṃ panthanim. **Soṇḍinti** soṇḍisahito vihārosoṇḍī, taṃ soṇḍim. Tathā **paṇṇanti-**ādīsu. Nagarānissitaṃ **nagaranti** vuttaṃ uttarapadalopena yathā “bhīmaseno bhīmo”ti. **Dārunāti** dārunissitena saha. **Visabhāgenāti** yo visabhāgehi vusīyati, visabhāgānaṃ vā nivāso. So vihāro visabhāgo. Tena visabhāgena saddhim. Paccantanissitañca sīmānissitañca asappāyañca **paccantasīmāsappāyaṃ**. **Yattha mitto na labbhati**, tampīti sabbattha ṭhānasaddāpekkhāya napuṃsakaniddeso. **Iti viññāyāti** “bhāvanāya ananurūpāni”ti evaṃ vijānitvā.

### Anurūpavihāraṇṇanā

53. **Ayaṃ anurūpo nāmāti** ayaṃ vihāro bhāvanāya anurūpo nāma. **Nātiduranti** gocarāṭṭhānato aḍḍhagāvutato orabhāgatāya

na atidūram. **Nāccāsannanti** pacchimena pamāṇena gocaraṭṭhānato pañcadhanusatikatāya na ati-āsannaṃ. Tāya ca pana nātidūranāccāsannatāya, gocaraṭṭhānaṃ parissayādirahitamaggaṭṭāya ca gamanassa ca āgamanassa ca yuttarūpattā **gamanāgamanasampannaṃ**. Divasabhāge mahājanasaṃkiṇṇatābhāvena **divā appākiṇṇaṃ**. Abhāvatto hi ayaṃ **appa-saddo** “appiccho”ti-ādīsu<sup>1</sup> viya. Rattiyaṃ janālāpasaddābhāvena **rattim appa-saddaṃ**. Sabbadāpi janasannipātanigghosābhāvena **appanigghosaṃ**. **Appakasireṇā**ti akasirena sukheveva. Sīlādiguṇānaṃ thirabhāvappattiyā **therā**. Suttageyyādi bahu suttaṃ etesanti **bahussutā**. Vācuggatakaraṇena, sammadeva garūnaṃ santike āgamitabhāvena ca āgato pariyaṭṭidhammasaṅkhāto āgamo etesanti **āgatāgamā**. Suttābhiddhammasaṅkhātassa dhammassa dhāraṇena **dhammadharā**. Vinayassa dhāraṇena **vinayadharā**. Tesāmyeva dhammavinayānaṃ mātikāya dhāraṇena **mātikādharā**. Tattha tattha dhammaparipucchāya **paripucchati**. Atthaparipucchāya **paripaṇḥati** vīmaṃsati vicāreti. **Idaṃbhante kathaṃ imassa ko attho**ti paripucchanaṃ paripaṇḥākaradassanaṃ. **Avivaṭaṇṇe**va pāḷiyā atthaṃ padesantarapāḷidassanaṃ āgamato **vivaranti**. **Anuttānikataṇṇa**ca yuttivibhāvanena **uttānikaronti**. **Kaṅkhaṭṭhāniyesu dhammesu** saṃsayuppattiyā hetutāya gaṇṭhiṭṭhānabhūtesu pāḷipadesesu yāthāvato vinicchayaḍānena **kaṅkhaṃ paṭivinodenti**. Ettha ca “nātidūram, nāccāsannaṃ, gamanāgamanasampannaṃ”ti ekaṃ aṅgaṃ, “divā appākiṇṇaṃ, rattim appasaddaṃ appanigghosaṃ”ti ekaṃ, “appaḍaṃsamakasavātātapasarīsapasamphassaṃ”ti ekaṃ, “tasmiṃ kho pana senāsane viharantassa -pa- parikkhārā”ti ekaṃ, “tasmiṃ kho pana senāsane therā -pa- kaṅkhaṃ paṭivinodenti”ti ekaṃ. Evaṃ pañca aṅgāni veditabbāni.

### Khuddakapalibodhavaṇṇanā

54. Khuddakapalibodhupacchede payojanaṃ parato āgamissati. Aggaḷa-  
anavātaparibhaṇḍadānādīnā **dalīkammaṃ vā**. Tantacchedādīsu  
**tunnakammaṃ vā** kātabbāni.

1. Ma 1. 275 piṭṭhe.

### Bhāvanāvidhānavāṇṇā

55. **Sabbakammaṭṭhānavasenā**ti anukkamena niddisiyamānassa cattālīsavidhassa sabbassa kammaṭṭhānassa vasena. **Piṇḍapātapapaṭikkantenā**ti piṇḍapātaparibhogato paṇivattena, piṇḍapātabhuttāvinā onītapattapāṇināti attho. **Bhattasammadam paṭivinodetvā**ti bhojananimittam parissamam vinodetvā. Āhāre hi āsayam paviṭṭhamatte tassa āgantukatāya yebhuyyena siyā sarīrassa koci parissamo, tam vūpasametvā. Tasmim hi avūpasante sarīrakhedena cittam ekaggatam na labheyyāti. **Pavivitteti** janavivitte. **Sukhanisinnenā**ti pallankam ābhujitvā ujum kāyam paṇidhāya nisajjāya sukhanisinnena. **Vuttañhetanti** yam “katāya vā”ti-ādinā pathaviyā nimittaggahaṇam idha vuccati, vuttam hetam porāṇaṭṭhakathāyam.

Idāni tam aṭṭhakathāpālīm dassento “**pathavīkasiṇam uggaṇhanto**”ti-ādimāha. Tatthāyam saṅkhepattho—**pathavīkasiṇam uggaṇhantoti** ugghanimittabhāvena pathavīkasiṇam gaṇhanto ādiyanto, ugghanimittabhūtam pathavīkasiṇam uppādentoti attho. Uppādanañcetta tathānimittassa upaṭṭhāpanam daṭṭhabbam. **Pathaviyanti** vakkhamānavisesa pathavīmaṇḍale. **Nimittam gaṇhātīti** tattha cakkhunā ādāsatale mukhanimittam viya bhāvanāññāṇena vakkhamānavisesam pathavīnimittam gaṇhāti. “Pathaviyan”ti vatvāpi maṇḍalāpekkhāya napuṃsakaniddeso. **Kateti** vakkhamānavidhinā abhisankhateti attho. **Vā**-saddo aniyamattho. **Akateti** pākati ke khalamaṇḍalādi ke pathavīmaṇḍale. **Sāntaketi** sa-antake eva, saporicchede evāti attho. Sāvadhāraṇaṇhetam vacanam. Tathā hi tena nivattitam dassetum “**no anantake**”ti vuttam. **Sakoṭiyeti**-ādīnipi tasseva vevacanāni. **Suppamatte vāti**-ādīsu suppasarāvāni samappamāṇāni icchitāni. Keci pana vadanti “sarāvamattam vidatthacaturāṅgularam hoti, suppamattam tato adhikappamāṇanti, kittimam kasiṇamaṇḍalam heṭṭhimaparicchedena sarāvamattam, uparimaparicchedena suppamattam, na tato adho, uddham vāti parittappamāṇabhedasaṅgaṇhanattham “**suppamatte vā sarāvamatte vā**”ti vuttan”ti. Yathā-upaṭṭhite ārammaṇe ekaṅgulamattampi vadḍhitam appamāṇamevāti vuttovāyamattho. Keci pana “chattamattampi kasiṇamaṇḍalam kātabban”ti vadanti.

**So taṃ nimittaṃ suggahitaṃ karotīti** so yogāvacaro taṃ pathavīmaṇḍalaṃ suggahitaṃ nimittaṃ karoti. Yadā cakkhum̐ ummīletvā oloketvā tattha nimittaṃ gahetvā nimmīletvā āvajjentassa ummīletvā olokitakkhaṇe viya upaṭṭhāti, tadā suggahitaṃ karoti nāma. Athettha satim̐ sūpaṭṭhitaṃ katvā abahigatena mānasena punappunam̐ sallakkhento **sūpadhāritaṃ upadhāreti** nāma. Evaṃ upadhāritaṃ pana naṃ punappunam̐ āvajjento manasi karonto tamevārabbha āsevanam̐ bhāvanam̐ bahulam̐ pavattento **suvavatthitaṃ vavatthapeti** nāma. **Tasmim̐ ārammaṇeti** evam̐ suggahitakaraṇādinā sammadeva upaṭṭhite tasmim̐ pathavīkasiṇasaññite ārammaṇe. **Cittaṃ upanibandhatīti** attano cittaṃ upacārajjhānam̐ upanetvā nibandhati aññārammaṇato vinivattam̐ karoti. **Addhā imāyāti**-ādi ānisamsadassāvitādassanam̐.

Idāni yathādassitassa aṭṭhakathāpāṭhassa atthappakāsanena saddhim̐ bhāvanāvidhim̐ vibhāvetukāmo akate tāva nimittaggahaṇam̐ dassento **“tattha yena atītabhavepi”**ti-ādimāha. Tattha **tatthāti** tasmim̐ aṭṭhakathāpāṭhe. **Catukkapañcakajjhānānīti** catukkapañcakanayavasena vadati. **Puññavatoti** bhāvanāmayapuññavato. **Upanissayasampannassāti** tādiseveva upanissayena samannāgatassa. **Khalaṃmaṇḍaleti** maṇḍalākāre dhaññakaraṇaṭṭhāne. **Tam̐ṭhānappamāṇamevāti** olokitaṭṭhānappamāṇameva.

**Avirādhethvāti** avirajjhivā vuttavidhinā eva. **Nīlapītalohita-odātasambhedavasenāti** nīlādivaṇṇāhi mattikāhi paccekam̐, ekajjhañca saṃsaggavasena. **Gaṅgāvaheti** gaṅgāsote. Sīhaḷadīpe kira rāvaṇagaṅgā<sup>1</sup> nāma nadī, tassā sotena chinnaṭṭhāne mattikā aruṇavaṇṇā. Tam̐ sandhāya vuttam̐ **“gaṅgāvahe mattikāsadisāya aruṇavaṇṇayā”**ti. **Aruṇavaṇṇāya** aruṇanibhāya, aruṇappabhāvaṇṇāyāti attho.

Evaṃ kasiṇadose dassetvā idāni kasiṇakaraṇādikē sesākāre dassetuṃ **“tañca kho”**ti-ādi vuttam̐. **Samhārimanti** samharitabbaṃ gahetvā caraṇayoggaṃ. **Tatratṭhakanti** yatra kataṃ, tattheva tiṭṭhanakaṃ.

---

1. Rovanagaṅgā (Syā, Ka)

**Vuttappamāṇanti** “suppamatte vā sarāvamatte vā”ti vuttappamāṇam.  
**Vatṭanti** maṇḍalasaṅghānam. **Parikammakāleti** nimittuggahaṇāya  
bhāvanākāle. **Etadevāti** yaṃ vidatthacaturaṅgulavitthāraṃ, etadeva pamāṇam  
sandhāya “**suppamattaṃ vā sarāvamattaṃ vā**”ti vuttaṃ. Suppaṃ hi  
nātimahantaṃ, sarāvañca mahantaṃ<sup>1</sup> cāṭipidhānappahonakanti  
samappamāṇam hoti.

56. **Tasmāti** paricchedatthāya vuttatā. **Evam vuttapamāṇam**  
**paricchedanti** yathāvuttappamāṇam vidatthacaturaṅgulavitthāraṃ  
paricchedaṃ katvā, evaṃ vuttappamāṇam vā kaṣiṇamaṇḍalam  
visabhāgavaṇṇena paricchedaṃ katvā. **Rukkhapāṇikāti**  
kucandaṇḍirukkhapāṇikā aruṇavaṇṇassa **visabhāgavaṇṇam samuṭṭhapeti**.  
Tasmā taṃ aggahetvāti vuttaṃ. Pakatirukkhapāṇikā pana  
pāsāṇapāṇikāgatikāva. Ninnunnataṭṭhānābhāvena **bherītalasadisam** katvā.  
**Tato dūratareti-**ādi yathāvuttato padesato, piṭhato ca aññasmiṃ  
ādinavadassanaṃ. **Kasiṇadosāti** hatthapāṇipadādayo ima kaṣiṇadosā.

**Vuttanayenevāti** “aḍḍhateyyahatthantare padesa,  
vidatthacaturaṅgulapādake piṭhe”ti ca vuttavidhināva. **Kāmesu ādinavanti**  
“kāmā nāmete aṭṭhikaṅkalūpamā nirassādaṭṭhena, tiṇukkūpamā  
anudhanaṭṭhena aṅgārakāsūpamā mahābhitāpaṭṭhena, supinakūpamā  
ittarapaccupaṭṭhānaṭṭhena yācitakūpamā tāvakālikaṭṭhena, rukkhaphalūpamā  
sabbaṅgapaccaṅgalibhaṅjanaṭṭhena asisūnūpamā adhikuṭṭanaṭṭhena,  
sattisūlūpamā vinivijjanaṭṭhena, sappasirūpamā sapaṭibhayaṭṭhena”ti-ādinā<sup>2</sup>  
“appassādā kāmā bahudukkhā bahupāyāsā”ti-ādinā<sup>3</sup> kāmasukhañca  
nāmetaṃ bahuparissayaṃ, sāsāṅkaṃ, sabhayaṃ, saṃkiliṭṭhaṃ, mīḷha<sup>4</sup>  
paribhogasadisam, hīnaṃ, gammaṃ, pothujjanikaṃ, anariyaṃ,  
anattasamhitaṃ”ti-ādinā ca anekākāravokāraṃ vatthukāmakilesakāmesu  
ādinavaṃ dosaṃ paccavekkhitvā. **Kāmanissaraṇeti** kāmānaṃ  
nissaraṇabhūte, tehi vā nissaṭe. Aggamaggassa pādakabhāvena  
**sabbadukkhamatikkamassa upāyabhūte. Nekkhammeti** jhāne.  
**Jātābhilāsena** sañjātacchandena. “Sammāsambuddho vata bhagavā  
aviparītadhammadesanattā,

1. Atimahantaṃ (Syā, Ka)

2. Vi-Ṭṭha 3. 139; Ma-Ṭṭha 2. 10 piṭṭhādīsu.

3. Vi 2. 175; Ma 1. 182; Ma 2. 27 piṭṭhādīsu.

4. Pīḷa (Syā, Ka)



svākkhāto dhammo ekantaniyyānikattā, suppaṭipanno saṃgho  
yathānusiṭṭham paṭipajjanato”ti evaṃ

**buddhadhammasaṃghaguṇānussaraṇena** ratanattayavisayaṃ **pītipāmojjam  
janayitvā**. Nekkhammaṃ paṭipajjati etāyāti **nekkhammapaṭipadā**, sa-  
upacārassa jhānassa, vipassanāya, maggassa, nibbānassa ca  
adhigamakāraṇanti attho. Pubbe pana paṭhamajjhānameva nekkhammanti  
vuttattā vuttāvasesā sabbepi nekkhammadhammā. Yathāha—

“Pabbājā paṭhamaṃ jhānaṃ, nibbānaṃ ca vipassanā.

Sabbepi kusalā dhammā, ‘nekkhamman’ti pavuccare”ti<sup>1</sup>.

**Pavivekasukharasassāti** cittavivekādivivekajassa sukharasassa. Evameteḥi  
pañcahi padehi “ānisaṃsadassāvī”ti-ādīnaṃ padānaṃ attho dassitoti  
daṭṭhabbaṃ. **Samena ākārenāti** ati-ummīlana-atimandālocanāni vajjetvā nāti-  
ummīlanātimandālocanasāṅkhātena samena ālocanākārena. **Nimittaṃ  
gaṇhantenāti** pathavīkasiṇe cakkhunā gahitanimittaṃ manasā gaṇhantena.  
**Bhāvetabbanti** tathāpavattaṃ nimittaggaṇaṇaṃ vaḍḍhetabbaṃ āsevitabbaṃ  
bahulīkātabbaṃ.

**Cakkhu kilamati** atisukhumaṃ, atibhāsuraṅca rūpagataṃ upanijjhāyato  
viya. **Ativibhūtaṃ hoti** attano sabhāvāvibhāvato. Tathā ca vaṇṇato vā  
lakkhaṇato vā upaṭiṭṭheyya. Tena vuttaṃ “**tenassa nimittaṃ nuppajjati**”ti.  
**Avibhūtaṃ hoti** gajanimmīlanena pekkhantassa rūpagataṃ viya. **Cittaṅca  
līnaṃ hoti** dassane mandabyāpāratāya kosajjapātato. Tenāha “**evampi  
nimittaṃ nuppajjati**”ti. **Ādāsatale mukhanimittadassinā viyāti** yathā  
ādāsatale mukhanimittadassi puriso na tattha atigāḷhaṃ ummīlati, nāpi  
atimandaṃ, na ādāsatalassa vaṇṇaṃ paccavekkhati, nāpi lakkhaṇaṃ manasi  
karoti, atha kho samena ākārena olokeno attano mukhanimittameva passati,  
evameva ayampi pathavīkasiṇaṃ samena ākārena olokeno  
nimittaggaṇaṇappasutoyeva hoti, tena vuttaṃ “**samena ākārenā**”ti-ādi. **Na  
vaṇṇo paccavekkhitabboti** yo tattha pathavīkasiṇe aruṇavaṇṇo, so na  
cintetabbo. Cakkhuviññāṇena pana gahaṇaṃ na sakkā nivāretuṃ.  
Tenevettha “na

1. Itivuttaka-Ṭṭha 331 piṭṭhe.

oloketabbo”ti avatvā paccavekkhaṇaggahaṇaṃ kataṃ. **Na lakkhaṇaṃ manasi kātabbanti** yaṃ tattha pathavīdhātuyā thaddhalakkhaṇaṃ, taṃ na manasikātabbā.

Disvā gahetabbattā “vaṇṇaṃamuñcivā”ti vatvāti vaṇṇavasenettha-ābhogo na kātabbo, so pana vaṇṇo nissayagatiko kātabboti dassento āha “**nissayasavaṇṇaṃ katvā**”ti. Nissayena samānakārasannissito so vaṇṇo tāya pathaviyā samānagatikaṃ katvā, vaṇṇena saheva “pathavī”ti manasi kātabbanti attho. **Ussadavasena paṇṇattidhammeti** pathavīdhātuyā ussannabhāvena sattito adhikabhāvena sasambhārapathaviyaṃ “pathavī”ti yo lokavohāro, tasmīṃ paṇṇattidhamme **cittaṃ paṭṭhapetvā** “pathavī, pathavī”ti **manasi kātabbāṃ**. Yadi lokavohārena paṇṇattimatte cittaṃ ṭhapetabbāṃ, nāmantaravasenapi pathavī manasi kātabbā bhaveyyāti, hotu ko dosoti dassento “**mahī medinī**”ti-ādimāha. Tattha **yamicchatīti** yaṃ nāmaṃ vattuṃ icchati, **taṃ vattabbāṃ**. Tañca kho **yadassa saññānukūlaṃ hoti** yaṃ nāmaṃ assa yogino pubbe tattha gahitasaññāvasena anukūlaṃ pacuratāya, paguṇatāya vā āgacchati, **taṃ vattabbāṃ**. **Vattabbanti** ca paṭhamasamannāhāre kassaci vacībhedopi hotīti katvā vuttaṃ, ācariyena vā vattabbataṃ sandhāya. Kiṃ vā bahunā, pākaṭabhāvoyevettha pamāṇanti dassetuṃ “**apicā**”ti-ādi vuttaṃ. **Kālena ummīletvā kālena nimmīletvāti** kiñci kālaṃ cakkhuṃ ummīletvā nimittaggahaṇavasena pathavīmaṇḍalaṃ oloketvā puna kiñci kālaṃ cakkhuṃ nimmīletvā āvajjitabbāṃ. Yenākārena oloketvā gahitaṃ, tenākārena puna taṃ samannāharitabbāṃ.

57. **Āpāthamāgacchatīti** manodvārikajavanānaṃ gocarabhāvaṃ upagacchati. **Tassa** uggahanimitassa. **Na tasmīṃ ṭhāne nisīditabbāṃ**. Kasmā? Yadi uggahanimutte jātepi pathavīmaṇḍalaṃ oloketvā bhāveti, paṭibhāganimittuppatti na siyā. Samīpeṭṭhena ca na oloketuṃ na sakkā. Tena vuttaṃ “**attano vasaṇṭṭhānaṃ pavisitvā**”ti-ādi. Nissaddabhāvāya **ekapaṭalikūpāhanā**gahaṇaṃ, pariṣsayavinodanatthaṃ **kattaradaṇḍaggahaṇaṃ**. Sace nassati, athānena bhāvetabbanti sambandho. Vakkhamānesu asappāyesu **kenacideva** asappāyena kāraṇabhūtena. **Nimittaṃ ādāyāti** yathājātaṃ uggahanimittaṃ gahetvā. **Samannāharitabbanti** āvajjitabbāṃ nimittanti adhippāyo, sammā vā

anu anu āharitabbaṃ kammaṭṭhānanti attho. **Takkāhataṃ vitakkāhatanti** takkanato, savisesaṃ takkanato ca “takko, vitakko”ti ca evaṃ laddhanāmena bhāvanācittasampayuttaṃ sammāsaṅkappaṇa āhananapariyāhananakiccena aparāparaṃ vattamānena kammaṭṭhānaṃ āhataṃ, pariyāhataṅca kātappaṃ, balappattavitakko manasikāro bahulaṃ pavattetabboti attho. **Evaṃ karontassāti** evaṃ kammaṭṭhānaṃ takkāhataṃ vitakkāhataṃ karontassa. Yathā bhāvanā pubbenāparaṃ viśesaṃ āvahaṭi, evaṃ anuyūñjantassa. **Anukkamenāti** bhāvanānukkamena. Yadaṃ saddhādāni indriyāni suvisadāni tikkhāni pavattanti, tadā assaddhiyādānaṃ dūrībhāvena sātisaṃyathāmappattehi sattaḥi balehi laddhūpatthambhāni vitakkādāni kāmāvacarāneva jhānaṅgāni bahūni hutvā pātubhavanti. Tato eva tesāṃ ujuvipaccanīkabhūtā kāmācchandaḍayo saddhiṃ tadekaṭṭhehi pāpadhammehi vidūrī bhavanti, paṭibhāganimituppattiyā saddhiṃ taṃ ārabba upacārajjhānaṃ uppajjati. Tena vuttaṃ “**nīvaraṇāni vikkhambhantī**”ti-ādi. Tattha **sannisīdantīti** sammaṇḍeva sīdanti, upasamantīti attho.

**Imassāti** paṭibhāganimitassa. Aṅgulipadapāṇipadādiko **kasiṇadoso**. Ādāsamaṇḍalūpamādihi uggahanimitato paṭibhāganimitassa suparisuddhataṃ, saṅhasukhumataṅca dasseti. **Taṅca kho** paṭibhāganimittaṃ **neva vaṇṇavantaṃ na saṅghānavantaṃ** aparamatthasabhāvattā. **Īdisanti** vaṇṇasaṅghānavantaṃ. **Tilakkhaṇabbhāhatanti** uppādādīlakkhaṇattayānupaviṭṭhaṃ, aniccatādīlakkhaṇattayaṅkitaṃ vā. Yadi **na panetaṃ tādīsaṃ** vaṇṇādivantaṃ, kathaṃ jhānassa ārammaṇabhāvoti āha “**kevalāñhī**”ti-ādi. **Saññajanti** bhāvanāsaññājanitaṃ, bhāvanāsaññāya sañjātamattaṃ. Na hi asabhāvassa kutoci samuṭṭhānaṃ atthi. Tenāha “**upaṭṭhānākāramattaṃ**”ti.

58. **Vikkhambhitāneva sannisinnāva**, na pana tadatthaṃ ussāho kātabboti adhippāyo. “Upacārasamādhinā”ti vutte itaropi samādhī atthīti atthato āpannanti tampi dassetuṃ “**duvidho hi samādhī**”ti-ādi āradhāṃ. **Dvīhākārehīti** jhānadhammānaṃ paṭipakkhadūrībhāvo, thirabhāvappatti cāti imehi dvīhi kāraṇehi. Idāni tāni kāraṇāni avatthāmuḍhena dassetuṃ “**upacārabhūmyaṃ vā**”ti-ādi vuttaṃ. **Upacārabhūmiyanti** upacāravattāyaṃ. Yadi pi tadā jhānaṅgāni paṭutarāni mahaggatabhāvappattāni na uppajjanti,

tesaṃ pana paṭipakkhadhammānaṃ vikkhambhanena cittaṃ samādhīyati. Tenāha “**nivaraṇappahānena cittaṃ samāhitaṃ hotī**”ti. **Paṭilābhabhūmiyanti** jhānassa adhigamāvattāyā. Tadā hi appanāpattānaṃ jhānadharmānaṃ uppattiyā cittaṃ samādhīyati. Tenāha “**aṅgapātubhāvenā**”ti. Cittaṃ samāhitaṃ hotīti sambandho.

**Na thāmajātānīti** na jātathāmāni, na bhāvanābalaṃ pattānīti attho. **Cittanti** jhānacittaṃ. **Kevalampi rattim kvalampi divasaṃ tiṭṭhatīti** samāpattivelāṃ sandhāyāha. Upacārabhūmiyaṃ nimittavaḍḍhanaṃ yuttanti katvā vuttaṃ “**nimittaṃ vaḍḍhetvā**”ti. **Laddhaparihānīti** laddha-upacārajjhānaparihāni. Nimitte avinassante tadārammaṇajhānampi aparihīnameva hoti, nimitte pana ārakkhābhāvena vinaṭṭhe laddhaṃ laddhaṃ jhānampi vinassati tadāyattavuttito. Tenāha “**ārakkhamhī**”ti-ādi.

### Sattasappāyavaṇṇanā

59. “Thāvaraṅca hotī”ti vatvā yathā thāvaram hoti, taṃ dassetuṃ “**sati upaṭṭhāti, cittaṃ samādhīyati**”ti vuttaṃ. Yathā laddhaṃhi nimittaṃ tattha satim sūpaṭṭhitaṃ katvā ekaggataṃ vindantassa thiraṃ nāma hoti, surakkhitaṅca. **Satiggahaṇena** cettha sampajaññaṃ, samādhiggahaṇena vīriyaṅca saṅgahitaṃ hoti nānantariyabhāvato. **Tatthāti** tesu āvāsesu. **Tīṇi tīṇīti** ekekasmim āvāse avuttha-avutthaṭṭhāne vasananiyāmena tayo tayo divase **vasitvā**.

**Uttarena vā dakkhiṇena vāti** vuttaṃ gamanāgamane sūriyābhimukhabhāvanivāraṇatthanti. Sahassadhanuppamāṇaṃ **diyadḍhakosaṃ**.

**Dvattimsatiracchānakathāti rājakathādike**<sup>1</sup> sandhāyāha. Tā hi pāliyaṃ sarūpato anāgatāpi araññapabbatanadīpikathā iti-saddena saṅgahetvā saggamokkhānaṃ tiracchānabhāvato “dvattimsa tiracchānakathā”ti vuttā. **Dasakathāvatthunissanti** “appicchatā, santuṭṭhi, paviveko, asaṃsaggo, vīriyārambho, sīla, samādhī, paññā, vimutti, vimuttiñāṇadassanaṃ”ti imāni appicchakathādīnaṃ vatthūni, tannissitaṃ bhassaṃ **sappāyaṃ**.

1. Dī 1. 7; Ma 2. 181; Saṃ 3. 368; Aṃ 3. 358; Vi 2. 213 piṭṭhādīsu.

**Atiracchānakathiko**ti natiracchānakathiko, tiracchānakathā vidhuraṃ dhammikaṃ kammaṭṭhānapaṭisaṃyuttameva kathaṃ kathetīti adhippāyo. **Silādiguṇasampanno**ti silāsamādhi-ādiguṇasampanno. Yo hi samādhi kammaṭṭhāniko, samādhikammaṭṭhānassa vā pāraṃ patto, so imassa yogino sappāyo. Tenāha “**yaṃ nissāyā**”ti-ādi. **Kāyadaḥhībahuloti** kāyassa santappanaposanappasuto. Yaṃ sandhāya vuttaṃ “yāvadatthaṃ udarāvadehakaṃ bhujjivā seyyasukhaṃ passasukhaṃ middhasukhaṃ anayutto viharatī”ti<sup>1</sup>.

Bhojanaṃ yebhuyyena madhurambilarasavasena sattānaṃ upayogaṃ gacchati dadhi-ādīsu tathā dassanato. Kaṭukādirasā pana kevalaṃ abhisankhārakā evāti āha “**kassaci madhuraṃ, kassaci ambilaṃ sappāyaṃ hotī**”ti.

**Yasmiṃ iriyāpathe** ādhārabhūte, vattamāne, vā, yasmiṃ vā iriyāpathe pavattamānassa. **Nimittāsevanabahulassāti** nimitte āsevanābahulassa paṭibhāganimitte visayabhūte bhāvanāmanasikāraṃ bahulaṃ āsevantassa, nimittassa vā gocarāsevanavasena āsevanābahulassa. Yena hi bhāventassa bhāvanāsevanā, tena gocarāsevanāpi icchitabbāti.

### Dasavidha-appanākosallavaṅṅaṇā

60. **Na hoti** appanā. Yena vidhinā appanāyaṃ kusalo hoti, so dasavidho vidhi **appanākosallaṃ**, tannibbattaṃ vā ññāṇaṃ. **Vatthuvisadakiriyatoti** vatthūnaṃ visadabhāvakarāṇato appanākosallaṃ icchitabbanti sambandho. Evaṃ sesesupi.

61. Cittacetāsikānaṃ hi pavattiṭṭhānabhāvato sarīraṃ, tappaṭibaddhāni cīvarādīni ca idha “vatthūni”ti adhippetāni. Tāni yathā cittassa sukhāvahāni honti, tathā karaṇaṃ tesāṃ **visadabhāvakarāṇaṃ**. Tena vuttaṃ “**ajjhattikabāhirānaṃ**”ti-ādi. **Sarīraṃ vāti vā-saddo** aṭṭhānappayutto, sarīraṃ sedamalaggahitaṃ vā aññena vā avassutakiccena vibādhitanti adhippāyo. **Senāsaṇaṃ vāti vā-saddena** pattādīnaṃpi saṅgaho daṭṭhabbo. Nanu cāyaṃ

1. Dī 3. 199; Ma 1. 146; Aṃ 2. 218 piṭṭhādīsu.

nayo khuddakapalibodhupacchedena saṅgahito, puna kasmā vuttoti? Saccam saṅgahito, so ca kho bhāvanāya ārambhakāle. Idha pana āraddhakammaṭṭhānassa upacārajjhāne ṭhatvā appanāparivāsam vasantassa kālantare jāte tathāpaṭipatti appanākosallāya vuttā. **Avisade** sati, visayabhūte vā. Katham bhāvanamanuyuñjantassa tāni visayo? Antarantarā pavattanakacittuppādasenevaṃ vuttam. Te hi cittuppādā cittelkaggatāya aparisuddhabhāvāya samvattanti. **Cittacetasikesu** nissayādipaccayabhūtesu. **Ñāṇampīti pi**-saddo sampiṇḍane. Tena “na kevaṃ tam vatthuyeva, atha kho tasmim aparisuddhe ñāṇampi aparisuddham hoti”ti dassitam. Tamsampayuttānam pana aparisuddhatā avuttasiddhā, ñāṇassa ca visum gahaṇam appanāya bahukārattā. Tathā hi jhānam “dandhābhiññam, khippābhiññan”ti ñāṇamukhena niddiṭṭham. Nissayanissayopi nissayotveva vuccatīti āha “**dīpakapallikavattitelāni nissāyā**”ti. Ñāṇe avisade vipassanābhāvanā viya samādhibhāvanāpi paridubbalā hotīti dassetum “**aparisuddhena ñāṇena**”ti-ādi vuttam. Tattha **kammaṭṭhānanti** samathakammaṭṭhānam āha. **Vuddhim** āngapātubhāvena, **virūlīm** guṇabhāvena, **vepullam** sabbaso vasibhāvappattiyā veditabbam. **Visade panāti** sukkapakkho, tassa vuttavipariyāyena attho veditabbo.

62. **Samabhāvakaraṇanti** kiccato anūnādhikabhāvakaraṇam. Yathā paccayam saddheyyavatthusmim adhimokkhakiccassa paṭutarabhāvena, paññāya avisadatāya, vīriyādīnam ca sithilatādinā **saddhindriyam balavam hoti**. Tenāha “**itarāni mandāni**”ti. **Tatoti** tasmā saddhindriyassa balavabhāvato, itaresaṅca mandattā. Kosajjapakke patitum adatvā sampayuttadhammānam paggaṇhanam anubalappadānam paggaho, paggahova kiccaṃ, **paggahakiccaṃ** kātum na sakkotīti sambandhitabbam. Ārammaṇam upagantvā ṭhānam, anissajjanam vā **upaṭṭhānam**, vikkhepaṭipakkho. Yena vā sampayuttā avikkhattā honti, so **avikkhepo**. Rūpagatam viya cakkhunā yena yāthāvato visayasabhāvam passati, tam **dassanakiccaṃ kātum na sakkoti** balavatā saddhindriyena abhibhūtattā. Sahajātadhammesu hi indaṭṭham kārentānam sahapavattamānānam dhammānam ekarasatāvaseneva atthasiddhi, na aññathā. **Tasmāti** vuttamevattham kāraṇabhāvena

paccāmasati. **Tanti saddhindriyaṃ. Dhammasabhāvapaccavekkhaṇenāti** yassa saddheyyavatthuno uḷāratādiguṇe adhimuccanassa sātisayappavattiyā saddhindriyaṃ balavaṃ jātaṃ, tassa paccayapaccayuppannādivibhāgato yāthāvato vīmaṃsanena. Evañhi evindhammatānayaena sabhāvarasato pariggayhamāne savipphāro adhimokkho na hoti, “ayaṃ imesaṃ dhammānaṃ sabhāvo”ti pariḷānāvasena paññābyāpārassa sātisayattā. Dhuriyadhammesu hi yathā saddhāya balavabhāve paññāya mandabhāvo hoti, evaṃ paññāya balavabhāve saddhāya mandabhāvo hotīti. Tena vuttaṃ “**taṃ dhammasabhāvapaccavekkhaṇena hāpetabban**”ti.

**Tathā amanasikārenāti** yenākārena bhāvanamanuyuñjantassa saddhindriyaṃ balavaṃ hoti, tenākārena bhāvanāya ananuyuñjanatoti vuttaṃ hoti. Idha duvidhena saddhindriyassa balavabhāvo, attano vā paccayavisesatokiccattariyena<sup>1</sup>, vīriyādīnaṃ vā mandakiccatāya. Tattha paṭhamavikappe hāpanavidhi dassito, dutiyavikappe pana yathā manasi karoto vīriyādīnaṃ mandakiccatāya saddhindriyaṃ balavaṃ jātaṃ, tathā amanasikārena vīriyādīnaṃ paṭukiccabhāvāvahena manasikārena saddhindriyaṃ tehi samarasam karontena hāpetabban. Iminā nayena sesindriyesupi hāpanavidhi veditabbo.

**Vakkalitheravatthūti** so hi āyasmā saddhādhimuttatāya katādhikāro satthu rūpakāyadassanappasuto eva hutvā viharanto satthārā “kim te vakkali iminā pūtikāyena diṭṭhena. Yo kho vakkali dhammaṃ passati, so maṃ passatī”ti-ādinā<sup>2</sup> ovaḍitvā kammaṭṭhāne niyojitopi taṃ ananuyuñjanto paṇāmito attānaṃ vinipātetuṃ papātaṭṭhānaṃ abhirūhi. Atha naṃ satthā yathānisinnova obhāsam visajjento attānaṃ dassetvā—

“Pāmojjabahulo bhikkhu, pasanno buddhasāsane.

Adhigacche padaṃ santaṃ, saṅkhārūpasamaṃ sukhaṃ”ti<sup>3</sup>—

gāthaṃ vatvā “ehi vakkalī”ti āha. So tena amateneva abhisitto haṭṭhatuṭṭho hutvā vipassanaṃ paṭṭhapesi. Saddhāya pana

1. Kiccattariyena vīriyena (sabbattha)

2. Saṃ 2. 98 piṭṭhe.

3. Khu 1. 68 piṭṭhe Dhammapade.

balavabhāvato vipassanāvīthim na otari. Tam ña tvā bhagavā indriyasamataṃ paṭipādento kammaṭṭhānaṃ sodhetvā adāsi. So satthārā dinnanayena vipassanaṃ ussukkāpetvā maggapaṭipāṭiyā arahattaṃ pāpuṇi. Tena vuttam **“vakkalitheravattu cettha nidassanan”**ti.

**Itarakiccabhedanti** upaṭṭhānādikiccavisesaṃ. **Passaddhādīti ādi-**saddena samādhi upekkhāsambojjhaṅgānaṃ saṅgaho daṭṭhabbo. **Hāpetabbanti** yathā saddhindriyassa balavabhāvo dhammasabhāvapaccavekkhaṇena hāyati, evaṃ vīriyindriyassa adhimattatā passaddhi-ādibhāvanāya hāyati, samādhipakkhiyattā tassā. Tathā hi sā samādhindriyassa adhimattataṃ kosajjapātato rakkhantī vīriyādibhāvanā viya vīriyindriyassa adhimattataṃ uddhaccapāpato rakkhantī ekamsato hāpeti. Tena vuttam **“passaddhādibhāvanāya hāpetabban”**ti.

**Soṇattherassa vatthūti**<sup>1</sup> sukumārassa soṇattherassa vatthu. So hi āyasmā satthu santike kammaṭṭhānaṃ gahetvā sītavane viharanto “mama sarīraṃ sukhumālaṃ, na ca sakkā sukheva sukhaṃ adhigantum, kāyaṃ kilametvāpi samaṇadhammo kātabbo”ti ṭhānacaṅkamameva adhiṭṭhāya padhānamanuyuñjanto pādātesu phoṭesu uṭṭhitesupi vedanaṃ ajjupekkhitvā daḷhaṃ vīriyaṃ karonto accāraddhavīriyatāya visesaṃ nibbatthetum nāsakki. Satthā tattha gantvā vīṇovādena ovaditvā vīriyasamatāyojanavidhim dassento kammaṭṭhānaṃ sodhetvā gijjhakūṭaṃ gato. Theropi satthārā dinnanayena vīriyasamataṃ yojento vipassanaṃ ussukkāpetvā arahatte paṭiṭṭhāsi. Tena vuttam **“soṇattherassa vatthu dassetabban”**ti.

**Sesesupīti** satisamādhipaññindriyesupi. **Ekassāti** ekekassa. Sāmaññaniddesovāyaṃ daṭṭhabbo. Evaṃ pañcannaṃ indriyānaṃ paccekam adhimattatāya pana hāpanavasena samataṃ dassetvā idāni tattha yesaṃ visesato asādhāraṇato, sādharmaṇato ca samatā icchitabbā, taṃ dassetum **“visesato paṇā”**ti-ādi vuttam. **Etthāti** etesu pañcasu indriyesu. **Samatanti** saddhāpaññānaṃ aññamaññaṃ anūnādhikabhāvaṃ. Tathā

---

1. Vi 3. 267 piṭṭhe.



samādhivīriyānaṃ. Yathā hi saddhāpaññānaṃ visuṃ visuṃ dhuriyadhamabhūtānaṃ kiccato aññamaññānavattanaṃ visesato icchitabbameva, yato nesam samadhuratāya appanā sampajjatīti, evaṃ samādhivīriyānaṃ kosajja-uddhaccapakkhikānaṃ samarasatāya sati aññamaññūpatthambhanato sampayuttadhamānaṃ antadvayapātābhāvena sammadeva appanā ijjhati.

“**Balavasaddho hī**”ti-ādi nidassanavasena vuttam. Tassattho—yo balavatiyā saddhāya samannāgato avisadaññaṇo, so muddhappasanno hoti, na aveccappasanno. Tathā hi so **avatthusmiriṃ pasīdati** seyyathāpi titthiyasāvaka. **Kerāṭṭikapakkhanti** sāṭṭheyyapakkham bhajati. Saddhāhīnāya paññāya atidhāvanto “deyyavatthupariccāgena vinā cittuppādamattenapi dānamayaṃ puññaṃ hoti”ti-ādīni parikkappeti hetupaṭirūpakehi vañcīto. Evambhūto pana sukkhatakkaviluttacitto paṇḍitānaṃ vacanaṃ nādiyati, saññattim na gacchati. Tenāha “**bhesajjasamuttūthito viya rogo atekiccho hoti**”ti. Yathā cettha saddhāpaññānaṃ aññamaññaviraho na atthāvaho anathāvaho ca, evamidhāpi samādhigīriyānaṃ aññamaññaviraho na avikkhepāvaho vikkhepāvaho cāti veditabbam. **Kosajjam abhibhavati**, tena appanaṃ na pāpuṇātīti adhippāyo. **Uddhaccam abhibhavatīti** etthāpi eseva nayo. **Tadubhayanti** taṃ saddhāpaññādvayaṃ, samādhivīriyadvayaṃca. **Samaṃ kātabbanti** samarasam kātabbam.

**Samādhikammikassāti** samathakammaṭṭhānikassa. **Evanti** evaṃ sante, saddhāya tesam balavabhāve satīti attho. **Saddahantoti** “pathavī, pathavī”ti manasikaraṇamattena katham jhānuppattīti acintetvā “addhā sammāsambuddhena vuttavidhi ijjhissatī”ti saddahanto saddham janento. **Okappentoti** ārammaṇam anupavisitvā viya adhimuccanavasena okappento pakkhandanto. **Ekaggatā balavatī vaṭṭati** samādhipadhānattā jhānassa. **Ubhinnanti** samādhipaññānaṃ, samādhikammikassa samādhino adhimattatāpi icchitabbāti āha “**samatāyapī**”ti, samabhāvenāpīti attho. **Appanāti** idhādhippeta-appanā. Tathā hi<sup>1</sup> “**hotiyevā**”ti sāsāṅkam vadati, lokuttarappanā pana tesam samabhāveneveva icchitā. Yathāha “samathavipassanaṃ yuganaddham bhāvetī”ti<sup>2</sup>.

1. Tathāpi (Si)

2. Khu 9. 283, 288 piṭṭhesu Paṭisambhidāmagge.

Yadi visesato saddhāpaññānaṃ, samādhivīriyānañca samatā icchitā, katham satīti āha “**sati pana sabbattha balavatī vaṭṭatī**”ti. **Sabbatthāti** līnuddhaccapakkhesu pañcasu indriyesu. Uddhaccapakkhiye<sup>1</sup> gaṇhanto “**saddhāvīriyapaññānan**”ti āha. Aññathāpīti ca gahetabbā siyā. Tathā hi “**kosajjapakkhena samādhinā**”icceva vuttaṃ, na “passaddhisamādhīupekkhāhī”ti. **Sā** sati. Sabbesu rājakammesu niyutto **sabbakammiko**. **Tena** kāraṇena sabbattha icchitabbatthena. **Āha** aṭṭhakathāyaṃ. Sabbattha niyuttā **sabbatthikā**, sabbena vā līnuddhaccapakkhiyena bojjaṅgaggahaṇena atthetabbā sabbatthiyā, sabbatthiyāva **sabbatthikā**. **Cittanti** kusalacittam. Tassa hi **sati paṭisaraṇaṃ** parāthaṇaṃ appattassa pattiyā anadhigatassa adhigamāya. Tenāha “**ārakkhapaccupaṭṭhānā**”ti-ādi.

63. **Cittekaggatānimittassāti** cittekaggatāya nimittassa, cittekaggatāsaṅkhātassa ca nimittassa. Cittassa hi samāhitākāraṃ sallaṅkhetvā samathanimittam rakkhantoyeva kasiṇanimittam rakkhati. Tasmā **pathavīkasiṇādikassāti ādi**-saddena na kevalam paṭibhāganimittasseva, atha kho samathanimittassāpi gahaṇaṃ daṭṭhabbam. **Tanti** rakkhaṇakosallaṃ. **Idha** appanākosallakathāyaṃ “nimittakosallaṃ”ti **adhippetam**, karaṇabhāvanākosallānaṃ pageva siddhattāti adhippāyo.

64. **Atisithilavīriyatādīhīti ādi**-saddena pamodanasamvejana<sup>2</sup>vipariyāye saṅgaṇhāti. **Līnanti** saṅkucitam kosajjapakkhapatitam. **Cittanti** bhāvanācittam. **Dhammavicayasambojjaṅgādayo bhāvetīti** ettha “tayo”ti padaṃ ānetvā sambandhitabbaṃ. Yathā pana te bhāvetabbā, taṃ sayameva vakkhati.

**Parittanti** appakaṃ. **Ujjāletukāmoti** paḍīpetukāmo. **Udakavātam dadeyyāti** udakamissaṃ vātam upaneyya. **Akāloti** na kālo, ayuttakālo vā. Sati-ādidhammasāmaggisāṅkhātāya bodhiyā bujjhati etāyāti katvā, taṃsamaṅgino vā bujjhatīti bodhino yogino aṅganti bojjaṅgo, pasattho, sundaro vā bojjaṅgo

1. Uddhaccapakkhiyekadese (Sī, Syā)

2. Samvedana (Sī, Syā, Ka)

sambojjhaṅgo. Kāyacittadarathavūpasamalakkhaṇā passaddhiyeva sambojjhaṅgo passaddhisambojjhaṅgo, tassa **passaddhisambojjhaṅgassa**. **Samādhisambojjhaṅgādī**supi eseva nayo. Ayaṃ pana viseso—samādhissa tāva padatthalakkhaṇāni heṭṭhā āgatāneva. Upapattito ikkhatīti **upekkhā**. Sā paṇāyaṃ atthato tatramajjhattupekkhāva idha bojjaṅgupekkhā veditabbā. **Dusamuṭṭhāpayanti** samuṭṭhāpetuṃ uppādetuṃ asakkuṇeyyaṃ. Dhammānaṃ, dhammesu vā vicayo **dhammavicayo**, paññāti attho. Vīrassa bhāvo, kammaṃ vā, vidhinā vā īretabbaṃ pavattetabbanti **vīriyaṃ**, ussāho. Piṇeti kāyaṃ, cittaṃ ca santappetīti **pīti**.

Yaṃ yaṃ sakaṃ **yathāsakaṃ**, attano attanoti attho. **Āhārasenāti** paccayavasena. **Bhāvanāti** uppādanā, vaḍḍhanā ca. **Kusalākusalāti** kosallasambhūtaṭṭhena kusalā, tappaṭipakkhato akusalā. Ye akusalā, te sāvajjā. Ye kusalā, te anavajjā. Akusalā **hīnā**, itare **paṇītā**. Kusalāpi vā hīnehi chandādīhi āraddhā **hīnā**, itare **paṇītā**. **Kaṇhāti** kālakā cittassa apabhassarabhāvakaraṇā, **sukkāti** odātā cittassa pabhassarabhāvakaraṇā. Kaṇhābhijātihetuto vā **kaṇhā**, sukkābhijātihetuto **sukkā**. Te eva **sappaṭibhāgā**. Kaṇhā hi ujuvipaccanīkatāya sukkehi sappaṭibhāgā. Tathā sukkāpi itarehi. Atha vā kaṇhā ca sukkā ca sappaṭibhāgā ca **kaṇhasukkasappaṭibhāgā**. Sukhā hi vedanā dukkhāya vedanāya sappaṭibhāgā, dukkhā ca vedanā sukhāya sappaṭibhāgāti. **Anuppānassāti** anibbattassa. **Uppādāyāti** uppādanatthāya. **Uppānassāti** nibbattassa. **Bhiyyobhāvāyāti** punappunabhāvāya. **Vepullāyāti** vipulabhāvāya. **Bhāvanāyāti** vaḍḍhiyā. **Pāripūriyāti** paripūraṇatthāya.

**Tatthāti** “atthi bhikkhave”ti-ādinā dassitapāṭhe. **Sabhāvasāmaññalakkhaṇapaṭivedhavasenāti** ekajjhaṃ katvā gahaṇe anavajjasukhavipākādīkassa visuṃ visuṃ pana phusanādīkassa sabhāvalakkhaṇassa, aniccādīkassa sāmaññalakkhaṇassa ca paṭivijjhanavasena. **Pavattamanasikāro**ti kusalādīnaṃ taṃ taṃsabhāvalakkhaṇādīkassa yāthāvato avabujjhanavasena uppānajanacittuppādo. So hi aviparītamanasikāratāya “**yonisomanasikāro**”ti vutto. Tadābhogātāya āvajjanāpi taggatikāva.

Ruppanalakkhaṇādikampi idha sāmāññalakkhaṇeneva saṅgahitanti daṭṭhabbam. Kusalakiriyāya ādi-ārambhavasena pavattavīriyaṃ dhitisabhāvatāya “dhātu”ti vuttanti āha **“ārambhadhātūti paṭhamavīriyaṃ vuccatī”**ti. Laddhāsevanam vīriyaṃ balappattam hutvā paṭipakkham vidhamatīti āha **“kosajjato nikkhantattā tato balavataran”**ti. Adhimattādhimattatarānam paṭipakkhadhammānam vidhamanasamattham paṭupaṭutarādibhāvappattam hotīti vuttam **“param param thānam akkamanato tatopi balavataran”**ti. Tiṭṭhati pavattati etthāti thāniyā, pītisambojjhaṅgassa thāniyā **pītisambojjhaṅgatthāniyā**. Thātabbo vā thāniyo, pītisambojjhaṅgo thāniyo etesūti **pītisambojjhaṅgatthāniyā**, aparāparam vattamānā pītisambojjhaṅgasampayuttā dhammā. yasmā pana tesu pītiyeva pītisambojjhaṅgassa visesakāraṇam, tasmā vuttam **“pītiyā eva etaṃ nāman”**ti. **Uppādakamanasikāro**ti yathā manasi karoto anuppanno pītisambojjhaṅgo uppajjati, uppanno ca vaḍḍhati, tathā pavattamanasikāro.

**Paripucchakatāti** pariyogāhetvā pucchakabhāvo. Pañcapi hi nikāye uggahetvā ācariye pariyupāsivā tassa tassa attham paripucchantassa, te vā saha aṭṭhakathāya pariyogāhetvā yaṃ yaṃ tattha gaṇṭhiṭṭhānam, tam tam “idam bhante katham, imassa ko attho”ti pucchantassa dhammavicayasambojjhaṅgo uppajjati. **Vatthuvisadakiriyā indriyasamattapaṭipādanā** saṅkhepato, vitthārato ca pakāsītā eva. Tattha pana samādhisaṃvattaniyabhāvena āgatā, idha paññāsaṃvattaniyabhāvena. Yadaggena hi samādhisaṃvattanikā, tadaggena paññāsaṃvattanikā samādhissa ñāṇapaccupaṭṭhānato. “Samāhito yathābhūtam pajānātī”<sup>1</sup>ti vuttam. **Duppaññapuggalaparivajjanā** nāma duppaññānam mandabuddhīnam bhattachittakākamamsanikkhittasunakhasadisānam momūhapuggalānam dūrato pariccajanā. **Paññavantapuggalasevanā** nāma paññāya katādhikāraṇam saccapaṭiccasamuppādādīsu kusalānam ariyānam, vipassanākammikānam vā mahāpaññānam kālena kālam upasaṅkamanam. **Gambhīrañāṇacariyapaccavekkhaṇā**ti gambhīrañāṇehi caritabbānam khandhāyatanadhātādīnam, saccapaccayākārādidīpanānam vā suññatapaṭisaṃyuttānam suttantānam paccavekkhaṇā. **Tadadhimuttatāti** paññādhimuttatā, paññāya ninnapoṇapabbhāratāti attho.

1. Saṃ 2. 302; Saṃ 3. 363 piṭṭhādīsu.

**Apāyādīti ādi-**saddena jāti-ādīm atīte vaṭṭamūlakam dukkham, anāgate vaṭṭamūlakam dukkham, paccuppanne āhārapariyeṭṭhimūlakañca dukkham saṅgaṇhāti. Vōriyāyattassa lokiyalokuttaravisesassa adhigamo eva ānisamso, tassa dassanasīlatā **vīriyāyatta -pa- dassitā**. Sapubbabhāgo nibbānagāmimaggo **gamanavīthi** gantabbā paṭipajjitabbā paṭipadāti katvā. **Dāyakānam mahapphalabhāvakarāṇena piṇḍāpacāyanatāti** paccayadāyakānam attani kārassa attano sammāpaṭipattiyā mahapphalakārabhāvassa karāṇena piṇḍassa bhikkhāya paṭipūjanā. **Itarathāti** āmisapūjāya. **Kusītapuggalaparivajjanatāti** alasānam bhāvanāya nāmamattampi ajānantānam kāyadaḷhībahulānam yāvadattham bhuñjitvā seyyasukhādi-anuyuñjanakānam tiracchānakathikānam puggalānam dūrato pariccajanā. **Āraddhavīriya puggalaseva natāti** “divasam caṅkamaena nisajjāyā”<sup>1</sup> ti-ādīnā<sup>1</sup> bhāvanārambhavasena āraddhavīriyānam daḷhāparakkamānam puggalānam kālena kālam upasaṅkamanā. **Sammappadhānapaccavekkhaṇatāti** catubbidhasammappadhānānubhāvassa paccavekkhaṇatā. **Tadadhimuttatāti** tasmiṃ vīriyasambojjhaṅge adhimuttisabbiriyāpathesu ninnapoṇapabbhāratā. Ettha ca thinamiddhavinodana kusītapuggalaparivajjana āraddhavīriyapuggalasevana tadadhimuttatā paṭipakkhavidhamanapaccayūvasamhāravasena, apāyādibhayapaccavekkhaṇādayo samuttejanavasena **vīriyasambojjhaṅgassa** uppādakā daṭṭhabbā.

Buddhādīsu pasādasinehābhāvena thusakharahadayā<sup>2</sup> **lūkhapuggalā**, tabbipariyāyena **siniddhapuggalā** veditabbā. Buddhādīnam guṇaparidīpanā sampasādanīyasuttādayo<sup>3</sup> **pasādanīyasuttantā**. **Imehi ākārehi**ti yathāvuttehi kusalādīnam sabhāvasāmaññalakkhaṇapaṭivijjhanādi-ākārehi ceva paripucchakatādi-ākārehi ca. **Ete dhammeti** ete kusalādīsu yonisomanasikārādike ceva dhammatthaññūtādike ca.

65. **Accāraddhavīriyatādīhīti** ativiya paggahitavīriyatādīhi. **Ādi-**saddena samvejanapamodanādīm saṅgaṇhāti. **Uddhatanti** samādhi-ādīnam mandatāya avūpasantaṃ. **Duvūpasamayanti** vūpasametuṃ samādhātuṃ asakkuṇeyyaṃ.

1. Abhi 2. 258; Am 1. 112 piṭṭhesu. 2. Dhūsarahadayā (Sī), dhūsakharahadayā (Syā)  
3. Dī 3. 82 piṭṭhe.

**Tam ākāraṃ sallakkhetvā**ti yenākārena assa yogino passaddhi samādhi upekkhāti ime passaddhi-ādayo dhammā pubbe yathārahaṃ tasmim̐ tasmim̐ kāle uppannapubbā, tam cittatāmsampayuttadhammānaṃ passaddhākāraṃ, samāhitākāraṃ, ajjupekkhitākāraṃca upalakkhetvā upadhāretvā. **Tisupi padesūti** “atthi bhikkhave kāyappassaddhī”ti-ādina āgatesu tisupi vākyesu, tehi vā pakāsitesu tisu dhammakotṭhāsesu. Yathāsamāhitākāraṃ sallakkhetvā gayhamāno samatho eva samathanimittanti āha “**samathanimittanti ca samathassevetamadhivacanan**”ti. Nānārammaṇe paribbhamanena vividhaṃ aggaṃ etassāti byaggo, vikkhepo. Tathā hi so anavaṭṭhānāraso, bhantatāpaccupaṭṭhāno ca vutto. Ekaggatābhāvato byaggapaṭipakkhoti abyaggo, samādhi. So eva nimittanti pubbe viya vattabbaṃ. Tenāha “**avikkhepaṭṭhena ca tasseva abyagganimittanti adhivacanan**”ti.

Sarīrāvattam<sup>1</sup> ṇa tvā mattaso paribhutto paṇītāhāro kāyalahutādīnaṃ samuṭṭhāpanena passaddhiyā paccayo hoti, tathā-utusappāyaṃ iriyāpathasappāyaṃca sevitaṃ, payogo ca kāyiko pavattitoti āha “**paṇītabhōjanasevanatā**”ti-ādi. Payogasamatādīnaṃ abhāvena sadarathakāyacittā puggalā **sāradhāpuggalā**. Vuttavipariyāyena **passaddhakāyāpuggalā** veditabbā.

**Nirassādassāti** bhāvanassādarahitassa. Bhāvanā hi vīthipaṭipannā pubbenāparaṃ visesavatī pavattamānā cittassa assādaṃ upasamasukhaṃ āvahati, tadabhāvato nirassādaṃ cittaṃ hoti. **Saddhāsāṃvegasenāti** saddhāvasena, sāṃvegasena ca. **Sampahānsanatāti** sammadeva pahānsanatā sāṃvejanapubbakapasāduppādanena bhāvanācittassa tosanā. **Sammāpavattassāti** līnuddhaccavirahena, samathavīthipaṭipattiyā ca samaṃ, savisesaṃca pavattiyā sammadeva pavattassa bhāvanācittassa. **Ajjupekkhanatāti** paggahaniggahasampahānsanesu abyāvaṭatā. **Jhānavimokkhapaccavekkhanatāti** paṭhamādīni jhānāni paccanīkadhammehi suṭṭhu vimuttatādīnā teyeva vimokkhā tesāṃ “evaṃ bhāvanā evaṃ samāpajjanā evaṃ adhiṭṭhānaṃ evaṃ vuṭṭhānaṃ evaṃ saṃkilesa evaṃ vodānaṃ”ti pati avekkhāṇā.

---

1. Sarīrāvattam (Syā, Ka)

**Sattamajjhattatā**ti sattesu piyaṭṭhāniyesupi gahaṭṭhapabbajitesu majjhattākāro ajjupekkhanā. **Saṅkhāramajjhattatā**ti ajjhattikesu cakkādīsu, bhāhiresu pattacīvarādīsu majjhattākāro ajjupekkhanā. Sattasaṅkhārānaṃ mamāyanānaṃ **sattasaṅkhārakelāyanānaṃ**. **Imehākārehī**ti imehi yathāvuttehi kāyacittānaṃ passaddhākārasallakkhaṇādi-ākārehi ceva sappāyāhārasevanādi-ākārehi ca. **Ete dhammeti** ete passaddhi-ādidhamme.

66. **Paññāpayogamandatāyā**ti paññābyāpārassa appabhāvena. Yathā hi dānasīlāni alobhādosappadhānāni, evaṃ bhāvanā amohappadhānā visesato appanāvahā. Tattha yadā paññā na balavatī hoti, tadā bhāvanācittassa anabhisaṅkhato viya āhāro purisassa abhiruciṃ na janeti, tena taṃ nirassādaṃ hoti. Yadā ca bhāvanā pubbenāparaṃ visesāvahā na hoti sammadeva avīthipaṭipattiyā, tadā upasamasukhassa alābhena cittaṃ nirassādaṃ hoti. Tadubhayaṃ sandhāyāha “paññāpayogamandatāyā”ti-ādi. **Nanti** cittaṃ. **Jāti jarābyādhimaraṇāni** yathārahaṃ sugatiyaṃ, duggatiyaṃca honṭīti tadaññameva pañcavidhabandhanādikhuppipāsādi-aññamaññavibādhanādihetukaṃ **apāyadukkhānaṃ** daṭṭhabbaṃ. Tayidaṃ sabbaṃ tesānaṃ sattaṇaṃ paccuppannabhavanissitaṃ gahitanti atīte, anāgate ca kale vaṭṭamūlakadukkhāni visuṃ gahitāni. Ye pana satta āhārūpajīvino, tattha ca uṭṭhānaphalūpajīvino, tesānaṃ aññehi asādhāraṇaṃ jīvitadukkhānaṃ aṭṭhamānaṃ saṃvegavatthu vuttanti daṭṭhabbaṃ.

**Assā**ti cittaṃ. **Alīnanti**-ādīsu kosajjapakkihiyānaṃ dhammānaṃ anadhimattatāya alīnaṃ. Uddhaccapakkhikānaṃ dhammānaṃ anadhimattatāya **anuddhataṃ**. Paññāpayogasampattiyā, upasamasukhādhigamena ca **anirassādaṃ**. Pubbenāparaṃ savisesaṃ tato eva ārammaṇe **samappavattaṃ**, **samathavīthipaṭipannaṃ**ca. Tattha alīnatāya paggahe, anuddhatatāya niggahe, anirassādatāya sampahaṃsane **na byāpāraṃ āpajjati**. Alīnānuddhatatāya hi ārammaṇe samappavattaṃ anirassādatāya samathavīthipaṭipannaṃ. Samappavattiyā vā alīnaṃ anuddhataṃ, samathavīthipaṭipattiyā anirassādanti daṭṭhabbaṃ.

**Nekkhammapaṭipadanti** jhānapaṭipattiṃ. **Samādhi-adhimuttatā**ti samādhinibbattane jhānādhigame yuttappayuttatā. Sā pana yasmā samādhin garuṃ katvā tattha

ninnapoṇapabbhārabhāvena pavattiyā hoti, tasmā “**samādhigarū**”ti-ādi vuttaṃ.

67. Paṭiladdhe nimittasmim eva hi sampādayato appanākosallaṃ imaṃ appanā sampavattatīti sambandho. **Sāti** appanā. **Hitvā hīti hi**-saddo hetu-attho. Yasmā **ṭhānametaṃ na vijjati**, tasmā **cittappavatti-ākāraṃ** bhāvanācittassa līnuddhatādivasena pavatti-ākāraṃ **sallakkhayaṃ** upadhārento. **Samataṃ vīriyasseeva** vīriyassa samādhinā samarasataṃ yeva **yoyayetha**. Kathaṃ pana yoyayethābhi āha “**īsakampī**”ti-ādi. Tattha **layanti** līnabhāvaṃ, saṅkocanti attho. **Yantanti** gacchantāṃ, **paggaṇhethēva** samabhāvāyāti adhippāyo. Tenāha “**accāraddhaṃ nisedhetvā samameva pavattaye**”ti. Kathaṃ pana samameva pavattayeti āha “**reṇhamhī**”ti-ādi. **Yathāti** reṇu-ādīsu yathā madhukarādīnaṃ **pavatti** upamābhāvena aṭṭhakathāyaṃ **sammavaṇṇitā**, **evaṃ līnuddhatabhāvehi mocayitvā** vīriyasamatāyojanena **nimittābhimukhaṃ mānasaṃ paṭipādaye** paṭibhāganimittābhimukhaṃ bhāvanācittaṃ sampādeyyāti attho.

### Nimittābhimukhapaṭipādanavaṇṇanā

68. **Tatrāti** tasmim “**reṇhamhī**”ti-ādinā vuttagāthādvaye. **Atthadīpanā** upamūpameyyatthavibhāvanā. **Achekoti** akusalo. **Pakkhandoti** dhātītum āraddho. Vikasanakkhaṇeyeva sarasaṃ kusumaparāgaṃ<sup>1</sup> hoti, pacchā vātādīhi paripatati, virasaṃ vā hoti. Tasmā nivattane reṇu khīyatīti āha “**khīṇe reṇhamhi sampāpuṇāti**”ti. **Puppharāsinti** rukkhāsākhāsu nissitaṃ pupphasañcayāṃ.

**Sallakatta-antevāsikesūti** sallakatta-ācariyassa antevāsikesu. **Udakathālagateti** udakathāliyaṃ ṭhapite. **Satthakammanti** sirāvedhanādisatthakammaṃ. Phusitumpi uppalapattanti sambandho. **Samenāti** purimakā viya garuṃ, mandañca payogaṃ akatvā samappamāṇena payogena. **Tatthāti** uppalapatte. **Pariyodātasippoti** suvisuddhasippo nipphannasippo.

1. Sarāgaṃ kusumaṃ sarasaṃ (Syā, Ka)



**Makkatakasuttanti** lūtasuttam. **Niyāmako** nāvāsārathī. **Laṅkāraṅti** kilañjādimayaṃ nāvākaṭasārakaṃ. **Telena achaddento nāḷim pūretīti** sarāvādigatena telena achaddento sukhumacchiddakaṃ telanāḷim pūreti. **Evamevāti** yathā te ādito vuttamadhukarasallakatta-antevāsisuttākaddhakaniyāmakatelapūrakā vegena payogaṃ karonti, evameva yo bhikkhu “sīghaṃ appanaṃ pāpuṇissāmi”ti gāḷhaṃ vīriyaṃ karoti, yo majjhe vuttamadhukarādayo viya vīriyaṃ na karoti, ime dvepi vīriyasamatābhāvena appanaṃ pāpuṇitum na sakkonti. Yo pana avasāne vuttamadhukarādayo viya samappayogo, ayaṃ appanaṃ pāpuṇitum sakkoti vīriyasamatāyogatoti upamāsamsandanam veditabbaṃ. Tena vuttam “**eko bhikkhū**”ti-ādi. **Līnam** bhāvanācittanti adhippāyo.

#### Paṭhamajjhānakathāvaṇṇanā

69. **Evanti** vuttappakārena. Vīriyasamatāyojanavasena vīthipaṭipannaṃ bhāvanāmānasam paṭibhāganimitteyeva ṭhapanavasena **nimittābhimukham paṭipādayato assa** yogino. **Ijjhissatīti** samijjhissati, uppajjissatīti attho. **Anuyogavasenāti** bhāvanāvasena. **Sesānīti** sesāni tīṇi, cattāri vā. **Pakaticceteḥīti** pakatikehi kāmāvacaracittehi. **Balava -pa- citekaggatāni** bhāvanābalena paṭutarasabhāvappattiyā. **Parikammattāti** paṭisaṅkhārakattā. Yadi āsannattā upacāratā, gotrabhuno eva upacārasamaññā siyāti āha “**samīpacāritā vā**”ti. Anaccāsannopi hi nātidūrapavattī samīpacārī nāma hoti. Appanaṃ upecca carantīti **upacārāni**. **Ito pubbe parikammānanti** nānāvajjanavīthiyaṃ parikammānaṃ. **Etthāti** etesu parikammupacārānulomasaññitesu. **Sabbantimanti** tatiyaṃ, catuttham vā. **Parittagottābhibhavanatoti** parittassa gottassa abhibhavanato. Gaṃtāyatīti hi gottham, “parittan”ti pavattamānaṃ abhidhānaṃ, buddhiṅca ekamsikavisayatāya rakkhatīti **parittagottaṃ**. Yathā hi buddhi ārammaṇabhūtena atthena vinā na pavattati, evaṃ abhidhānaṃ abhidheyyabhūtena. Tasmā so tāni tāyati rakkhatīti vuccati. Tam pana mahaggatānuttaravidhuraṃ kāmataṇhāya vocarabhūtaṃ kāmāvacaradhammānaṃ āveṇīkarūpaṃ daṭṭhabbaṃ. Mahaggatagottepi iminā nayena attho veditabbo. **Bhāvanatoti** uppādanato.

Avisesena sabbesaṃ sabbā samaññāti paṭhamanayo gahitaggahaṇaṃ hotīti āha “**aggahitaggahaṇeṇā**”ti-ādi. Nānāvajjanaparikkammameva parikkammanti adhippāyena “**paṭhamam vā upacāran**”ti-ādi vuttam. **Catuttham appanācittam, pañcamam vā appanācittam** pubbe vuttanayena sace catuttham gotrasu hotīti attho. **Pañcamam vāti vā-saddo** aniyame. Svāyam aniyamo iminā kāraṇeṇāti dassetuṃ “**tañca kho khippābhiññadandhābhiññavasena**”ti vuttam. Tattha khippābhiññassa catuttham appeti, dandhābhiññassa pañcamam, kasmā pana catuttham, pañcamam vā appeti, na tato paranti āha “**tato param javanam patati**”ti. Tato pañcamato param chaṭṭham, sattamañca javanam patantam viya hoti parikkhīṇajavattāti adhippāyo.

Yathā aladdhāsevanam paṭhamajavanam dubbalattā gotrabhum na uppādeti laddhāsevanam pana balavabhāvato dutiyam, tatiyam vā gotrabhum uppādeti, evam laddhāsevanatāya balavabhāvato chaṭṭham, sattamampi appetīti therassa adhippāyo. Tenāha “**tasmā chaṭṭhepi sattamepi appanā hoti**”ti. **Tanti** therassa vacanam. Suttasuttānuloma-ācariyavādeti anupatthambhitattā vuttam “**attanomatikattan**”ti. “Purimā purimā kusalā dhammā”ti<sup>1</sup> pana suttapadamakāraṇam āsevanapaccayalābhassa balavabhāve anekantikattā. Tatthā hi aladdhāsevanāpi paṭhamacetanā diṭṭhadhammavedanīyā hoti, laddhāsevanā dutiyacetanā yāva chaṭṭhacetanā aparāpariyavedanīyā. **Catutthapañcomesuyevāti**-ādi vuttassevattassa yuttidassanamukhena nigamanattham vuttam. Tattha yadi chaṭṭhasattamam javanam patitam nāma hoti parikkhīṇajavattā, katham sattamajavanacetanā upapajjavedanīyā, ānantariyā ca hotīti? Nāyam viseso āsevanapaccayalābhena balappattiyā. Kiñcarahi kiriyāpatthāvisesato. Kiriyāvattā hi ārambhamajjhāpariyosānavasena tividhā. Tattha ca pariyosānavattāya sannitṭhāpakacetanābhāvena upapajjavedanīyādītā hoti, na balavabhāvenāti daṭṭhabbam. Paṭisandhiyā anantarapaccayabhāvino vipākasantānassa anantarapaccayabhāvena tathā abhisankhatattāti ca vadanti. Tasmā chaṭṭhasattamānam papātābhimukhatāya parikkhīṇajavatā na sakkā nivāretuṃ. Tathā hi “**yathā hi puriso**”ti-ādi vuttam.

---

1. Paṭṭhāna 1. 7 piṭṭhe.

**Sā ca pana** appanā. **Addhānaparicchedo**hi kālaparicchedo. So panettha sattasu ṭhānesu katthaci aparimāṇacittakkhaṇatāya, katthaci atittarakhaṇatāya **natthī**ti vutto. Na hettha sampuṇṇajavanavīthi addhā labbhati. Tenevāha “**ettha maggānantaraphalan**”ti-ādi. **Sesatṭhānesū**ti paṭhamappanā, lokiyābhiññā, maggakkhaṇo, nirodhā vuṭṭhahantassa phalakkhaṇoti etesu catūsu ṭhānesu.

**Ettāvatā**ti ettakena bhāvanākkamena **esa** yogāvacaro **paṭhamam jhānam** upasampajja viharati. **Evam** viharatā ca **anena** tadeva **paṭhamam jhānam** adhigataṃ hoti pathavīkasiṇanti sambandho.

70. **Tatthā**ti tasmim jhānapāṭhe. **Viviccitvā**ti visum hutvā. Tenāha “**vinā hutvā apakkamitvā**”ti, pajahanavasena apasakkivāti attho. **Viviceva kāmehī**ti ettha “**vivicca**”ti iminā vivecanam jhānakkhaṇe kāmānam abhāvamattaṃ vuttaṃ. “**Vivicevā**”ti pana iminā ekamsato kāmānam vivecetabbatādīpanena tappaṭipakkhatā jhānassa, kāmavivekassa ca jhānādhigamūpāyatā dassitā hotīti imamattham dassetuṃ “**paṭhamam jhānam**”ti-ādiṃ vatvā tamevattham pākaṭataram kātuṃ “**kathan**”ti-ādi vuttaṃ. “**Andhakāre sati padīpobhāso viyā**”ti etena yathā padīpobhāsābhāvena rattiyam andhakārābhisavo, evam jhānābhāvena sattanantiyam kāmābhāvavoti dasseti.

**Etanti** pubbapadeyeva avadhāraṇavacanam. **Na kho pana evam** **daṭṭhabbam** “**kāmehi evā**”ti avadhāraṇassa akatattā. Nissaranti niggacchanti etena, ettha vāti **nissaraṇam**. Ke niggacchanti? Kāmā, tesam kāmānam nissaraṇam pahānam **tannissaraṇam**, tato. Katham pana samāne vikkhambhane kāmānamevetam nissaraṇam, na byāpādādīnanti codanam yuttito, āgamato ca sodhetuṃ “**kāmadhātū**”ti-ādi vuttaṃ. Tattha **kāmadhātusamatikkamanatoti** sakalassapi kāmabhavassa samatikkamapaṭipadābhāvato. Tena imassa jhānassa kāmāpariññābhāvamāha. **Kāmarāgapaṭipakkhatoti** vakkhamānavibhāvassa kilesakāmassa paccatthikabhāvato. Tena yathā mettā byāpadassa, karuṇā vihiṃsāya, evamidam jhānam kāmarāgassa ujuvipaccanīkabhūtanti dasseti. Evamattano pavattiyā, vipākappavattiyā ca kāmarāgato,

kāmadhātuto ca vinivattasabhāvattā idaṃ jhānaṃ visesato kāmānameva nissaraṇaṃ. Svāyamattho pāṭhagato evāti āha “**yathāhā**”ti-ādi.

Kāmañcetamatthaṃ dīpetuṃ purimapadeyeva avadhāraṇaṃ gahitaṃ, uttarapadepi pana taṃ gahetabbameva tathā atthasambhavatoti dassetuṃ “**uttarapadepi**”ti-ādi vuttaṃ. **Itoti** kāmaccchandato. **Esa** niyamo.

**Sādhāraṇavacanena**ti avisesavacanena.

Tadaṅgavikkhambhanasamucchedappaṭipassaddhinissaraṇavivekā **tadaṅgavivekādayo**. Cittakāya-upadhivivekā **cittavivekādayo**. **Tayo eva idha** jhānakathāyaṃ **daṭṭhabbā** samucchedavivekādīnaṃ asambhavato.

**Niddeseti** mahāniddese<sup>1</sup>. Tattha hi “uddānato dve kāmā vatthukāmā kilesakāmā cā”ti uddisitvā “tattha katame vatthukāmā? Manāpiyā rūpā -pa-manāpiyā phoṭṭhabbā”ti-ādinā vatthukāmā niddiṭṭhā. Te pana kāmīyantīti **kāmā**ti veditabbā. **Tatthevā**ti niddese eva. **Vibhaṅgeti** jhānavibhaṅge<sup>2</sup>. Patthanākārena pavatto dubbalo lobho chandanaṭṭhena **chando**, tato balavā rañcanaṭṭhena **rāgo**, tatopi balavataro bahalarāgo **chandarāgo**. Nimittānubyañjanaṇi saṅkappeti etenāti **saṅkappo**, tathāpavatto lobho, tato balavā rañjanaṭṭhena **rāgo**, saṅkappanavaseneva pavatto tatopi balavataro **saṅkapparāgoti**. Svāyaṃ pabhedo ekasseva lobhassa pavatti-ākāravasena, avatthābhedavasena ca veditabbo yathā “vaccho dammo balībaddo”ti. Ime **kilesakāmā**. Kāmentīti kāmā, kāmenti etehīti vā.

**Evañhi satīti** evaṃ ubhayesampi kāmānaṃ saṅgahe sati. **Vatthukāmehipīti** “vatthukāmehi vivicceva”tipi attho yujjatīti evaṃ yujjamānatthantarasamuccayattho **pi**-saddo, na kilesakāmasamuccayattho. Kasmā? Imasmiṃ atthe kilesakāmehi vivekassa dutiyapadena vuttattā. **Tenāti** vatthukāmavivekena. **Kāyaviveko vutto hoti** puttadārādi pariggaha vivekadīpanato. **Purimenāti** kāyavivekena. **Etthāti** “vivicceva kāmehi, vivicca akusalehi dhammehī”ti etasmiṃ padadvaye, ito vā niddhārite vivekadvaye. Akusala-saddena

1. Khu 7. 2, 21 piṭṭhādīsu.

2. Abhi 2. 266 piṭṭhe.

yadipi kilesakāmā, sabbākusalāpi vā gahitā, sabbathā pana kilesakāmehi viveko vuttoti āha “**dutiyena kilesakāmehi vivekavacananato**”ti. **Dutiyenāti** ca cittavivekenāti attho. **Etesanti** yathāvuttānaṃ dvinnaṃ padānaṃ, niddhāraṇe cetaṃ sāmivacanaṃ. Taṇhādisaṃkilesānaṃ vatthuno pahānaṃ **saṃkilesavatthuppahānaṃ**. **Lolabhāvo** nāma tattha tattha rūpādīsu taṇhuppādo, tassa **hetu** vatthukāmā eva veditabbā. **Bālabhāvo** avijjā, duccintitacintitādi vā, tassa ayonisomanasikāro, sabbepi vā akusalā dhammā **hetu**. Kāmaguṇādhigama hetupi pāṇātipātādi-asuddhapayogo hotīti tabbivekena **payogasuddhi** vibhāvītā. Taṇhāsāṃkilesasodhanena, vivaṭṭūpanissayasāmvaddhanena ca ajjhāsaya visodhanaṃ **āsaya posanaṃ**. **Kāmesūti** niddhāraṇe bhuttaṃ.

**Anekabhedoti** kāmasavakāmarāgasāmyo janādivasena, rūpataṇhādivasena ca anekappabhedo. **Kāmacchandoyevāti** kāmasabhāvoyeva chando, na kattukamyatāchando, nāpi kusalacchandoti adhippāyo. **Jhānapaṭipakkhatoti** jhānassa paṭipakkhabhāvato taṃhetu tannimittaṃ **visuṃ vutto**. Akusalabhāvasāmaññaṇa aggahetvā visuṃ sarūpena gahito. Yadi kilesakāmovā purimāpade vutto, kathaṃ bahuvacananāti āha “**anekabhedato**”ti-ādi.

**Aññesampi** diṭṭhimāna-ahirikānottappādīnaṃ, taṃsahitaphassādīnaṃ. Uparivuccamānāni jhānaṅgāni **uparijhānaṅgāni**, tesāṃ attano paccanīkānaṃ **paṭipakkhabhāvadassanato** tappaccanīkanīvaraṇavacanaṃ. **Nīvaraṇāni hi jhānaṅgapaccanīkāni** tesāṃ pavattinīvaraṇato. **Samādhi kāmacchandassa paṭipakkho** rāgappaṇidhiyā ujuvipaccanīkabhāvato, nānārammaṇehi palobhitassa paribbhamantassa cittassa samādhānato ca. **Pīti byāpādassa paṭipakkhā** pāmojjena samānayogakkhemattā. **Vitakko thinamiddhassa paṭipakkho** yoniso saṅkappanavasena savipphārapavattito. **Sukhaṃ avūpasamānutāpasabhāvassa uddhaccakukkuccassa paṭipakkhiṃ vūpasantasītalasabhāvattā**. **Vicārovicikicchāya paṭipakkho** ārammaṇe anumajjanavasena paññāpaṭirūpasabhāvattā. **Mahākaccānattherena** desitaṃ piṭakānaṃ saṃvaṇṇanā peṭakaṃ, tasmim **peṭake**.

**Pañcakāmaguṇabhedavisayassāti** rūpādipañcakāmaguṇavisesavisayassa. **Āghātavatthubhedādivisayānanti** byāpādavivekavacanena “anattam me acari”<sup>1</sup> ādi-āghātavatthubhedavisayassa dosassa, mohādhikehi thinamiddhādīhi vivekavacanena paṭicchādanavasena dukkhādipubbantādibhedavisayassa mohassa vikkhambhanaviveko vutto. Kāmarāgabyāpādatadekaṭṭhathinamiddhādivikkhambhakañcetaṃ sabbākusalapaṭipukkhasabhāvattā. Sabbakusalānaṃ tena sabhāvena sabbākusalappahāyakaṃ hoti, hontampi kāmarāgādivikkhambhanasabhāvameva hoti taṃsabhāvattāti avisesetvā nīvaraṇākusalamūlādīnaṃ **“vikkhambhanaviveko vutto hoti”**ti āha.

71. Yathāpaccayaṃ pavattamānānaṃ sabhāvadhammānaṃ natthi kāci vasavattitāti vasavattibhāvanivāraṇattham **“vitakkaṇaṃ vitakko”**ti vuttaṃ. Tayidaṃ “vitakkaṇaṃ īdisamidan”ti ārammaṇassa parikkappananti āha **“ūhananti vuttaṃ hoti”**ti. Yasmā cittaṃ vitakkabaleṇa ārammaṇaṃ abhinirulhaṃ viya hoti, tasmā so **ārammaṇābhiniropanalakkaṇo** vutto. Yathā hi koci rājavallabhaṃ, taṃsambandhinaṃ mittam vā nissāya rājageham ārohati anupavisati, evaṃ vitakkaṃ nissāya cittaṃ ārammaṇaṃ ārohati. Yadi evaṃ kathaṃ avitakkaṃ cittaṃ ārammaṇaṃ ārohatīti? Vitakkabaleṇeva. Yathā hi so puriso paricayena tena vināpi nirāsaṅko rājageham pavisati, evaṃ paricayena vitakkena vināpi avitakkaṃ cittaṃ ārammaṇaṃ ārohati. **Paricayenāti** ca santāne pavattavitakkabhāvanāsankhātena paricayena. Vitakkassa hi santāne abhiṇhaṃ pavattassa vasena cittaṃ ārammaṇābhīruhaṇaṃ ciraparicitaṃ. Tena taṃ kadāci vitakkena vināpi tattha pavattateva. Yathā taṃ nīṇasahitaṃ hutvā sammasanavasena ciraparicitaṃ kadāci nīṇavirahitampi sammasanavasena pavattati, yathā vā kilesasahitaṃ hutvā pavattam sabbaso kilesarahitampi paricayena kilesavāsanāvasena pavattati, evaṃsampadamidaṃ daṭṭhabbaṃ. Ādito, abhimukhaṃ vā hananaṃ **āhananaṃ**. Parito, parivattetvā vā āhananaṃ **pariyāhananaṃ**. “Rūpaṃ rūpaṃ, pathavī pathavī”ti ākoṭentassa viya pavatti **“āhananaṃ, pariyāhananaṃ”**ti ca veditabbaṃ. **Ānayaṇaṃ** cittaṃ ārammaṇe upanayaṇaṃ, ākaḍḍhanaṃ vā.

1. Dī 3. 218; Am 3. 208; Abhi 2. 403 piṭṭhādīsu.

**Anusañcaraṇaṃ** anuparibbhamanaṃ. Svāyaṃ viseso santānamhi labbhamāno eva santāne pākaṭo hotīti daṭṭhabbo. Sesesupi eseva nayo. **Anumajjanaṃ** ārammaṇe cittassa anumasaṇaṃ, parimajjananti attho. Tathā hi vicāro “parimajjanahattho viya, sañcaraṇa<sup>1</sup> hattho viyā”ti ca vutto. **Tatthāti** ārammaṇe. Sahaajātānaṃ anuyojanaṃ ārammaṇe anuvicāraṇasaṅkhāta-anumajjanavaseneva veditabbaṃ. **Anuppabandhanaṃ** ārammaṇe cittassa avicchinnassa viya pavatti. Tathā hi so “anusandhānatā”ti<sup>2</sup> niddiṭṭho. Teneva ca “ghaṇḍānuravo viya, paribbhamanaṃ viyā”ti ca vutto.

**Katthacīti** paṭhamajjhāne, parittacittuppādesu ca. Vicārato **oḷārikatṭhena**, vicārasseva ca **pubbaṅgamatṭhena** anuravato oḷāriko, tassa ca pubbaṅgamo **ghaṇḍābhighāto viya vitakko**. Yathā hi ghaṇḍābhighāto paṭhamābhiniṇipāto hoti, evaṃ ārammaṇābhimukhaniropanaṭṭhena **vitakko cetaso paṭhamābhiniṇipāto** hoti. **Abhighātaggahaṇena** cettha abhighātaḷo saddo gahitoti veditabbo. **Vipphāravāti** vicalanayutto saporipphando. **Paribbhamanaṃ viya** parissayābhāvavīmaṃsanatthaṃ. **Anuppabandhena pavattiyanti** upacāre vā appanāyaṃ vā santānena pavattiyaṃ. Tattha hi vitakko niccalo hutvā ārammaṇaṃ anupavisitvā viya pavattati, na paṭhamābhiniṇipāte. **Pākaṭo hotīti** vitakkassa viseso abhiniropanaḷāro oḷārikatṭā paṭhamajjhāne pākaṭo hoti, tadabhāvato pañcakanaye dutiyajjhāne vicārassa viseso anumajjanāḷāro pākaṭo hoti.

**Vālaṇḍupakaṃ** eḷakalomādīhi katacumbaṭakaṃ. **Uppīlanahatthoti** piṇḍassa uppīlanahattho. Tasseva ito cito ca **sañcaraṇahattho**. **Maṇḍalanti** kamsabhājanādīsu kiñci maṇḍalaṃ vaṭṭalekhaṃ karontassa. Yathā pupphaphalasākhādi-avayavavinimutto avijjamānopi rukkho “sapuppho, saphalo”ti voharīyati, evaṃ vitakkādi-aṅgavinimuttaṃ avijjamānampi jhānaṃ “savitakkaṃ, savicāraṇaṃ”ti voharīyatīti dassetuṃ “**rukkho viyā**”ti-ādi vuttaṃ. Jhānabhāvanāya puggalavasena desetabbatā “idha bhikkhu vivicceva kāmehi”ti-ādinā puggalādhiṭṭhānena jhānāni uddiṭṭhānīti. Yadi **vibhaṅge**<sup>3</sup> puggalādhiṭṭhānā desanā katā, **attho pana tatrāpi** vibhaṅgepi yathā idha

1. Saṃsaraṇa (Sī, Ka)

2. Abhi 1. 18 piṭṭhe.

3. Abhi 2. 267 piṭṭhe.

“iminā ca vitakkenā”ti-ādinā dhammavasena vutto, **evameva daṭṭhabbo**, paramatthato puggalasseva abhāvatoti adhippāyo. **Attho -pa- daṭṭhabbo** jhānasamaṅgino vitakkavicārasamaṅgitādassanena, jhānasseva ca savitakkasavicāratāya vuttattāti evaṃ vā ettha attho daṭṭhabbo.

**Vivekā**ti vivekā hetubhūṭāti viveka-saddassa bhāvasādhanataṃ sandhāyāha. **Viveketi** kattusādhanataṃ, kammāsādhanataṃ vā. “Vivitto”ti hi iminā nīvaraṇehi vinābhūto tehi vivecitoti ca sādhanadvayampi saṅgahitamevāti.

72. **Piṇayatī**ti tappeti, vaḍḍheti vā. **Sampiyāyanalakkhaṇā**ti paritussanalakkhaṇā. **Piṇanarasā**ti paribrūhanarasā. **Pharaṇarasā**ti paṇītarūpehi kāyassa byāpanarasā. Udaggabhāvo **odagyaṃ**. **Khuddikā** lahuṃ lomahaṃsanamattaṃ katvā bhinnā na puna uppajjati. **Khaṇikā** bahulaṃ uppajjati. Ubbegato **pharaṇā** niccalattā, ciraṭṭhitikattā ca paṇītatara. **Cetiyaṅgaṇaṃ gantvā**ti puṇṇavallikavihāre cetiyaṅgaṇaṃ gantvā. **Pakatiyā diṭṭhārammaṇavasena**ti pubbe mahācetiyaṃ gahitārammaṇavasena. **Citrageṇḍuko** vicitrākārena katageṇḍuko. **Upanissayeti** samīpe, tassa vā vihārassa nissayabhūte, gocaraṭṭhānabhūteti attho.

**Gharājireti** gehaṅgaṇe. Pabbatasikhare katacetiyaṃ “**ākāsacetiyaṃ**”ti<sup>1</sup> vuttaṃ. **Gahitanimittenevā**ti cetiyavandanaṃ, dhammassavanañca uddissa “dhaññā vatime”ti-ādinā gahitakusalanimitteneva kāraṇabhūtena. Gahitaṃ vā nimittaṃ etenāti gahitanimittaṃ, vuttākārena pavattacittaṃ, tena gahitanimitteneva cittena saha. **Pakkhandanti** anupaviṭṭhaṃ. **Anupariṭṭhanti** anu anu samantato phuṭaṃ, sabbaso anuvisaṭṭanti attho.

Passaddhiyā nimittabhāvena **gabbhaṃ gaṇhantī**. Paripācanavasena **paripākaṃ gacchantī**. Appanāsampayuttāva pīti appanāsamādhipūrikā. Khaṇikasamādhipūrikā ca upacārasamādhipūrikā ca appanāsamādhissa vidūratarāti tadubhayaṃ anāmasanto “**tāsu yā appanāsamādhissā**”ti-ādimāha. **Samādhisampayogaṃ gatā**ti pubbe upacārasamādhinā sampayuttā hutvā anukkamena vaḍḍhitvā appanāsamādhinā sampayogaṃ gatā.

---

1. Ākāsacetiyaṅgaṇanti (Aṭṭhakathāyaṃ vuttaṃ.)



73. Sukhayatīti **sukhaṃ**, attanā sampayuttadhamme laddhassāde karotīti attho. Svāyaṃ kattuniddeso pariyāyaladdho dhammato aññassa kattu nivattanattho, nippariyāyena pana bhāvasādhanameva labbhatīti “**sukhanam sukhan**”ti vuttaṃ. Itthasabhāvattā taṃsamaṅgīpuggalaṃ, sampayuttadhamme vā attani sādayatīti **sātaṃ** da-kārassa ta-kāraṃ katvā. Sātaṃ “madhuran”ti vadanti. Sātaṃ lakkhaṇaṃ etassāti **sātalakkhaṇaṃ**. **Upabrūhanaṃ** sampayuttadhammānaṃ saṃvaḍḍhanaṃ. Dukkhaṃ viya avissajjetvā adukkhamasukhā viya anajjupekkhitvā anu anu gaṇhanaṃ, upakāritā vā **anuggaho**. **Katthaci** paṭhamajjhānādike. **Paṭilābhatuṭṭhī** paṭilābhavasena uppajjanakatuṭṭhī. **Paṭiladdharasānubhavananti** paṭiladdhassa ārammaṇarasassa anubhavananti sabhāvato pītisukhāni vibhajitvā dasseti. **Yattha pīti, tattha sukhan**ti vitakkassa viya itarena pītiyā sukkena accantasamyogamāha. “Yattha sukhaṃ, tattha na niyamato pīti”ti vicārassa viya vitakkena sukhasa pītiyā anaccantasamyogaṃ. Tena accantānaccantasamyogitāya pītisukhānaṃ visesaṃ dasseti. Kaṃ tārenti etthāti **kantāraṃ**, nirudakamaruṭṭhānaṃ. Vanameva **vanantaṃ**. **Tasmim tasmim samayeti** itthārammaṇassa paṭilābhasamaye, paṭiladdhassa rasānubhavasamaye, vanacchāyādīnaṃ savanadassanasamaye, pavesaparibhosamaye ca. **Pākaṭabhāvatoti** yathākkamaṃ pītisukhānaṃ vibhūtabhāvato.

**Vivekajaṃ pītisukhan**ti ettha purimasmiṃ atthe **vivekajanti** jhānaṃ vuttaṃ. Pītisukhasaddato ca atthi-atthavisesato “assa jhānassa, asmiṃ vā jhāne”ti ettha a-kāro datṭhabbo. Dutiye pītisukhameva vivekajaṃ. Vivekajampītisukhan”ti ca aññapadatthasamāso, paccattaniddesassa ca alopo kato. Lope vā sati “vivekajapītisukhan”ti pāṭhoti ayaṃ viseso.

**Upasampajjāti** ettha **upa-sarṃ**-saddā “upalabbhati, sambhuñjati”ti-ādīsu viya nirattakāti dassetuṃ “upagantvā”ti-ādīnaṃ vatvā puna tesāṃ sātthakabhāvaṃ dassetuṃ “**upasampādayitvā**”ti-ādi vuttaṃ, tasmā patvā, sādhetvāti vā attho. **Iriyanti** kiriyaṃ. **Vutti**-ādīni tasseva vevacanāni. **Pālanāti** hi ekaṃ iriyāpathabādhanam iriyāpathantarehi rakkhaṇā.

### Pañcaṅgavippahīnādivaṇṇanā

74. Pañca aṅgāni vikkhambhanavasena pahīnāni etassāti **pañcaṅgavippahīnaṃ**. “Agyāhito”ti ettha āhita-saddassa viya vippahīna-saddassettha paravacanāṃ daṭṭhabbāṃ, pañcahi aṅgehi vippahīnanti vā **pañcaṅgavippahīnaṃ**. Nanu aññeṇi akusalā dhammā iminā jhānena pahīyanti, atha kasmā pañcaṅgavippahīnatāva vuccatīti āha “**kiñcāpī**”ti-ādi. Jhānalābhinopi ajhānasamaṅgikāle jhānapaṭipakkhalobhacittādīnaṃ pavattisabbhāvato “**jhānakkhaṇe**”ti vuttaṃ. **Pahīyantīti** vigacchanti, nappavattantīti attho. **Ekattārammaṇeti** pathavīkasiṇādivasena ekasabhāve, ekaggatāsaṅkhāte ekattāvahe vā ārammaṇe. **Tanti** taṃ nānāvisayapalobhitāṃ cittaṃ. **Kāmadhātuppahānāyāti** nānāvisayasamūpabyūḷhāya kāmadhātuyā pahānāya samatikkamāya paṭipadaṃ jhānaṃ nappaṭipajjati. **Nirantaranti** vikkhepena anantaritaṃ, sahitanti<sup>1</sup> attho. **Akammaññanti** akammaṇīyaṃ, bhāvanākammassa ayogyanti attho. **Uddhaccakukkucaparetanti** uddhaccakukkucena abhibhūtaṃ. **Paribbhamati** anavaṭṭhānato, avaṭṭhānassa samādhānassa abhāvato attho. **Vicikicchāya upahatanti** sātisayassa vicārassa abhāvato “sammāsambuddho nu kho bhagavā, na nu kho”ti, “pathavī pathavī”ti-ādinā manasikārena, “jhānaṃ siyā nu kho, na nu kho”ti-ādinā ca pavattāya vicikicchāya upahataṃ. **Nārohati** appaṭipattinimitattā. **Visesena jhānantarāyakarattāti** samādhi-ādīnaṃ ujuvipaccanīkabhāvena jhānādhiḡamassa antarāyakaṇato.

**Tehīti** jhānādhiḡamassa paccayabhūtehi vitakkavicārehi. **Avikkhepāya sampāditappayogassāti** tato evaṃ samādhānāya nipphāditabhāvanāpayogassa. **Cetaso payogasampattisambhavāti** yathāvuttabhāvanāpayogasampattisamuṭṭhānā. **Pīti pīṇanaṃ** bhāvanāvasena tappanaṃ. **Upabrūhanaṃ** bhāvanāvasena parivuddhiṃ cetaso **karotīti** sambandho. **Nanti** cittaṃ. **Sasesasampayuttadhammanti** avasiṭṭhaphassādidhammasahitaṃ, samaṃ, sammā ca ādhiyatīti sambandho. Indriyasamatāvasena **samaṃ**, paṭipakkhadhammānaṃ. Dūribhāve līnuddhaccābhāvena **sammā** ca ṭhapetīti attho. Ekaggatā hi samādhānakiccena cittaṃ, sampayuttadhamme ca attānaṃ anuvattāpentī jhānakkhaṇe sātisayaṃ samāhite karotīti. **Uppattivaseṇāti** yathāvaccayaṃ

---

1. Samāhitanti (Si, Ka)

uppajjanavasena. Etesu vitakkādīsu jhānaṃ **uppannaṃ nāma** hoti tattheva jhānavohārato. Tenāha “**tasmā**”ti-ādi. “**Yathā panā**”ti-ādināpi upamāvasena tamevattham pākaṭataram karoti.

**Pakaticittatoti** pākatikakāmāvacaracittato. **Suvisadenāti** suṭṭhu visadena, paṭutarenāti attho. **Sabbāvantanti** sabbāvayavavantaṃ, anavasesanti attho. **Apphuṭanti** asamphuṭṭham. **Ārammaṇesu phusitāti** appanāvasena pavattamānā cित्तेkaggatā samantato ārammaṇaṃ pharantīviya hotīti katvā vuttaṃ. Kasmā panettha jhānapāṭhe aggahitā cित्तेkaggatā gahitāti anuyogaṃ sandhāya “**tattha cित्तेkaggatā**”ti-ādi vuttaṃ. **Tatthāti** tesu jhānaṅgesu. **Na niddiṭṭhāti** sarūpato na niddiṭṭhā, sāmāññato pana jhānaggahaṇena gahitā. **Evaṃ vuttattāti** sarūpeneva vuttattā, aṅgameva cित्तेkaggatāti sambandho. **Yena adhippāyenāti** yena vitakkādīhi saha vattantaṃ dhammaṃ dīpetum tassa pakāsanādhippāyena “savitakkaṃ savicāraṃ”ti-ādinā **uddeso kato**. **So eva** adhippāyo **tena** bhagavatā **vitāṅge** “cित्तेkaggatā”ti niddisantena **pakāsito**. Tasmā sā jhānapāṭhe aggahitāti na cintetabbam.

### Tividhakalyāṇavaṇṇanā

75. **Ādimajjhapariyosānavasena**ti jhānassa ādimajjhapariyosānavasena. **Lakkhaṇavasena**ti tesamīeva appanāyaṃ lakkhitabbabhāvavasena.

**Tatrāti** tasmim kalyāṇatālakkaṇānaṃ vibhāvane. **Paṭipadāvisuddhī**ti paṭipajjati jhānaṃ etāyāti paṭipadā, gotrabhupariyosāno pubbhāgiyo bhāvanānayo. Paripanthato visujjhaṇaṃ visuddhi, paṭipadāya visuddhi **paṭipadāvisuddhi**. Sā panāyaṃ yasmā jhānassa uppādakkhaṇe labbhati, tasmā vuttaṃ “**paṭipadāvisuddhi ādī**”ti. **Upekkhānubrūhanāti** visodhetabbatādīnaṃ abhāvato jhānapariyāpannāya tatramajjhattupekkhāya kiccanipphattiyā anubrūhanā. Sā panāyaṃ visesato jhānassa ṭhitikkhaṇe labbhati. Tena vuttaṃ “**upekkhānubrūhanā majjhe**”ti. **Sampahaṃsanāti** tattha dhammānaṃ anativattanādisādhakassa ñāṇassa kiccanipphattivasena pariyoḍapanā. Sā pana yasmā jhānassa osānakkhaṇe pākaṭā

hoti, tasmā vuttaṃ “**sampahaṃsanā pariyosānan**”ti. **Imāni tīṇilakkhaṇāni** paripanthato cittassa visujjhanākāro, majjhimassa samathanimittassa paṭipajjanākāro, tattha pakkhandanākāroti imāni tīṇi jhānassa ādito uppādakkhaṇe appanāpattilakkhaṇāni tehi ākārehi vinā appanāpattiyā abhāvato, asati ca appanāya tadabhāvato. **Ādikalyāṇañceva** visuddhipaṭipadattā. Yathāvuttehi lakkhaṇehi samannāgatattā, sampannalakkhaṇattā ca **tilakkhaṇasampannañca**. Iminā nayena majjhapariyosānalakkhaṇānañca yojanā veditabbā.

Sambharīyati jhānaṃ etenāti sambhāro, nānāvajjanaparikkammaṃ. Saha sambhārenāti sasambhāro, so eva **sasambhāriko**. **Upacāroti** ekāvajjanūpacāramāha. Paggahādikiccassa pubbhāge bhāvanāya eva sādhitattā yā tattha ekāvajjanūpacāre siddhā ajjupekkhanā, sā jhānakkhaṇe paribrūhitā nāma hotīti vuttaṃ “**upekkhānubrūhanā nāma appanā**”ti. Yathādhigataṃ jhānaṃ nissāya yo pahaṭṭhākāro cittassa paritosa, taṃ paccavekkhaṇāvasena pavattaṃ sandhāyāha “**sampahaṃsanā nāma paccavekkhaṇā**”ti. **Eketi** abhayagirivāsino. Te hi evaṃ paṭipadāvisuddhi-ādike gaṇṇayanti, tadayuttaṃ. Tathā hi sati ajjhānadhammehi jhānassa guṇasamkittanaṃ nāma kataṃ hoti. Na hi bhūmantaraṃ bhūmantarapariyāpannaṃ hoti. Pāḷiyā cetāṃ viruddhanti dassetuṃ “**yasmā panā**”ti-ādi vuttaṃ. Tattha **ekattagataṃ cittanti** indriyānaṃ ekarasabhāvena, ekaggatāya ca sikhāpattiyā tadanuguṇaṃ ekattaṃ gatanti ekattagataṃ, sasampayuttaṃ appanāpattacittaṃ. Tasseva paṭipadāvisuddhipakkhandatādi anantameva vuccati. **Tasmāti** yasmā ekasmiṃyeva appanācittakkhaṇe paṭipadāvisuddhi-ādi pāḷiyaṃ vuttaṃ, tasmā **āgamanavasenāti** parikkammāgamanavasena. **anativattanādīti ādi**-saddena indriyekarasatādudapagavīriyavāhanāsevanāni saṅgaṇhāti. **Pariyodāpakassāti** parisodhakassa pabhassarabhāvakarassa. **Anativattanādibhāvasādhanameva** cettha nāṇassa kiccanipphatti veditabbā.

**Tasminti** tasmim vāre, catupañcacittaparimāṇāya appanāvīthiyanti attho. **Tato** paripanthato. **Cittaṃ visujjhatīti** yadipi āgamaṃ gahetuṃ avisesena viya vuttaṃ, parikkammavisuddhito pana appanāvisuddhi sātisayāva. Tenāha “**visuddhattā**”ti-ādi. **Āvaraṇavirahitaṃ hutvāti**

yenāvaraṇena āvaṭattā cittaṃ tato pubbe majjhimam samathanimittam paṭipajjitum na sakkoti, tena vivittam hutvā, tam vikkhambhetvāti attho. Linuddhaccasaṅkhātānam ubhinnaṃ antānam anupagamanena majjhimo, savisesam paccanīkadhammānam vūpasamanato samatho, yogino sukhavisesānam kāraṇabhāvato nimittañcāti **majjhimam samathanimittam**. Tenāha “**samappavatto appanāsamādhievā**”ti. **Tadanantaram pana purimacittanti** tassa appanācittassa anantarapaccayabhūtam purimam cittaṃ, gotrabhucittanti attho. **Ekasantati pariṇāmanayenāti** yathā “tadeva khīram dadhisampanna”ti, evam satipi parittamahaggatabhāvabhede, paccayapaccayuppannabhāvabhede ca ekissā eva santatiyā pariṇāmūpagamananayena ekattanayavasena. **Tathattanti** tathabhāvam appanāsamādhivasena samāhitabhāvam. **Evam paṭipannattāti** vuttākarena paṭipajjamāntā. Yasmiñhi khaṇe tathattam majjhimam samathanimittam paṭipajjati, tasmimyeva khaṇe **tathattupagamanena** appanāsamādhinā samāhitabhāvūpagamanena **tattha pakkhandati nāma**. **Purimacitteti** appanācittassa purimasmim citte gotrabhucitte. **Vijjamānākāranipphādikāti** tasmim citte vijjamānānam paripanthavisuddhimajjhimasamathapaṭipattipakkhandanākārānam nipphādikā, tenākārena nipphajjamānāti attho. Teyeva hi ākāra paccayavisesato jhānakkhaṇe nipphajjamānā “paṭipadāvisuddhi”ti laddhasamaññā jhānassa tam visesam nipphādentā viya vuttā. **Uppādakkhaṇeyevāti** attalābhavelāyameva. Yadi evam katham te ākāra nipphajjantīti āha “**āgamanavasenā**”ti.

**Tassāti** cittassa. “Visuddham cittaṃ ajjhupekkhati”ti **pāliyam**<sup>1</sup> puggalādhiṭṭhānena āgatāti “**byāpāram akaronto**”ti āha. Samathapaṭipattitathattupagamanañca idha samathabhāvāpattiyevāti āha “**samathabhāvūpagamanenā**”ti. **Kilesasaṃsaggam pahāya ekattena upaṭṭhitassāti** pubbe “katham nu kho kilesasaṃsaggam pajaheyyam”ti paṭipannassa idāni samathapaṭipattiyā tassa pahīnattā kilesasaṅgaṇikābhāvena ekattena upaṭṭhitassa jhānacittassa. Paripanthavisuddhimajjhimasamathapaṭipattipakkhandanehi vuddhippattiyā anubrūhite jhānacitte laddhokāsā tatramajjhattupekkhā sampayuttesu samavāhitabhāvena pavattamānā te anubrūhentī viya hotīti āha “**tatramajjhattupekkhāya kiccavasena upekkhānubrūhanā veditabbā**”ti.

---

1. Khu 9. 167 piṭṭhe Paṭisambhidāmagge.

Ye panete yuganaddhadhammāti sambandho. **Tatthā**ti tasmim̄ jhānacitte. Aññamaññānativattanavasena kiccakaraṇato yuge naddhā baddhā viya **yuganaddhā**. **Vimuttirasenā**ti vimuccanakiccena, vimuccanasampattiyā vā. **Esa** yogī. **Vāhayatī**ti pavatteti. **Assā**ti jhānacittassa. **Tasmim̄ khaṇeti** bhaṅgakkhaṇe. Uppādakkhaṇe atīte hi ṭhitikkhaṇato paṭṭhāya **āsevanā** pavattati nāma. **Te ākārā**ti aññamaññānativattanādayo tattha dhammānaṃ pavatti-ākāroyeva. **Āsevanā**pi hi āsevanapaccayabhāvīnaṃ dhammānaṃ pavatti-ākāroyeva. **Samkilesavodānesū**ti samādhipaññānaṃ samarasatāya akaraṇaṃ bhāvanāya samkilesa, karaṇaṃ vodānaṃ. Tathā sesesupi. Evametesu samkilesavodānesu **taṃ taṃ ādīnavaṃ** dosaṃ **ānisaṃsaṃ** guṇaṃ puretaraṃ pāṭihāriyañāṇena **disvā** yathā aññamaññānativattanādayo honti, **tathā** bhāvanāya **sampahaṃsitattā** teneva ñāṇena **visodhitattā**. Visodhanaṃ hettha sampahaṃsanaṃ. Te ākārā yasmā nipphannā, tasmā “**dhammānaṃ -pa-veditabbāti vuttaṃ**”ti lakkhaṇasaṃvaṇṇanāya ādimhi vuttaṃ nigamanavasena dasseti.

“Yasmā upekkhāvasena ñāṇaṃ pākaṭaṃ hotī”ti ko sambandho. Kasmā sampahaṃsanāva pariyoṣānanti vuttā, na upekkhānubrūhanāti cedanaṃ sandhāya “**tattha yasmā upekkhāvasena ñāṇaṃ pākaṭaṃ hotī**”ti vuttaṃ. **Tatthā**ti tasmim̄ bhāvanācittē. **Upakkhāvasena ñāṇaṃ pākaṭaṃ hotī**ti appanākāle bhāvanāya samappavattiyā, paṭipakkhassa ca pahānato paggahādīsu byāpārassa akātabbato ajjupekkhanāva hoti. Yaṃ sandhāya vuttaṃ “samaye cittassa ajjupekkhanā, visuddhaṃ cittaṃ ajjupekkhatī”ti ca ādi. Sā panāyaṃ ajjupekkhanā ñāṇassa kiccāsiddhiyā hoti, visesato ñāṇasādhanattā appanābyāpārassāti phalena kāraṇānumānañāyena. Yasmā upekkhāvasena ñāṇaṃ pākaṭaṃ hoti, tasmā ñāṇakiccabhūtā sampahaṃsanā pariyoṣānanti vuttāti sambandho.

Idāni yathāvuttamatthaṃ pāḷiyā samatthetum̄ “**yathāhā**”ti-ādi vuttaṃ. **Tathāpaggahitaṃ cittanti** yathā bhāvanācittaṃ kosajjapakkhe na patati, tathā vīriyasambojjhaṅgaṭṭhāniyānaṃ dhammānaṃ bahulikārasena paggahitaṃ. **Sādhukaṃ ajjupekkhatī**ti paggaṇhantenāpi samādhissa vīriyasamatāyojanavasena paggahitattā sakkaccaṃ ajjupekkhati, tatramajjhattupekkhā

okāsaṃ labhati. Taṃ pana ajjhupekkhanaṃ upekkhāvasena pubbe pavattapārihāriyapaññāvasena appanāpaññāya kiccadhikatāti āha “**paññāvasena paññindriyaṃ adhimattaṃ hotī**”ti. Tassa adhimattattā eva ajjhupekkhantasseva nānāsabhāvehi nīvaraṇapamukhehi kilesehi appanācittaṃ vimuccati. **Vimokkhasena** vimuccanavasena. **Paññāvasenāti** pubbe pavattapārihāriyapaññāvasena. **Vimuttattāti** nānākilesehi vimuttattā eva. **Te dhammā** saddhādayo, visesato saddhāpaññāvīriyasamādhayo ca **ekarasā** samānakiccā **honti**. Evamayam indriyānaṃ ekarasatthena bhāvanā nipphajjamānā ñāṇabyāpāroti āha “**ñāṇakiccabhūtā sampahaṃsanā pariyoṣāna**”ti. Evaṃ tividhāya paṭipadāvisuddhiyā laddhavisēsāya tividhāya upekkhānubrūhanāya sātisaṃsaṃ paññindriyassa adhimuttabhāvena catubbidhāpi sampahaṃsanā sījjhatīti āgamanupekkhā<sup>1</sup> ñāṇakiccavasena dasapi ākāraṃ jhāne eva vedītabbā.

**Gaṇanānupubbatāti** gaṇanānupubbatāya, gaṇanānupubbatāmattaṃ vā paṭhamanti idanti attho. Tena desanākkamaṃ ulliṅgeti. “**Paṭhamam uppananti paṭhaman**”ti iminā paṭipattikkamaṃ, uppananti hi adhiḡatanti attho. “Paṭhamam samāpajjitabbanti paṭhaman”ti idaṃ pana na ekantalakkhaṇanti **aṭṭhakathāyam**<sup>2</sup> paṭisiddhattā idha na gaḡitam. Ārammaṇūpaniḡjhānaṃ lakkhaṇūpaniḡjhānanti duvidhe jhāne idhādhippetajjhānameva dassetuṃ “**ārammaṇūpaniḡjhānato**”ti vuttaṃ. Pathavīkasiṇasaṅkhātassa attano attano ārammaṇassa rūpaṃ viya cakkhunā upaniḡjhāyanato. **Paccanīkajhāpanatoti** nīvaraṇādīnaṃ paccanīkadhammaṇaṃ dahanato vikkhambhanavasena pajahanato. **Sakalatṭṭhenāti** heṭṭhā vuttanayena kate vā akate vā paricchiḡa gaḡite pathavībhāḡe pathavīmaṇḡale sakalārammaṇakaraṇaṭṭhena. Na hi tassa ekadesamārammaṇaṃ karīyati. Pathavīkasiṇasannissayatāya nimittaṃ **pathavīkasiṇam** yathā “mañcā ukkuṭṭhim karontī”ti. Tamsahacaraṇato jhānaṃ **pathavīkasiṇam** yathā “kuntā pacarantī”ti.

### Ciraṭṭhitisampādanavaṇṇanā

76. Lakkhatṭhāne ṭṭhitaṃ sarena vālaṃ vijjhatīti vālavedhī. Idha pana anekadhābhinnassa vālassa aṃsum vijjhanto “vālavedhī”ti adhippeto.

1. Bhāvanānupekkhā (Ka)

2. Abhi-ṭṭha 1. 211 piṭṭhe.

**Tena vāavedhinā. Sūdenāti** bhattakārena. “**Ākāra pariggahetabbā**”ti saṅkhepato vuttamatthaṃ vivarituṃ “**yathā hī**”ti-ādi vuttaṃ. Tattha **sukusaloti** suṭṭhu cheko. **Dhanuggahoti** issāso. **Kammanti** yogyaṃ. **Akkantapadānanti** vijjhanakāle akkamanavasena pavattapadānaṃ. **Ākāranti** dhanujyāsarānaṃ gahitākāraṃ. **Pariggaṇheyyāti** upadhāreyya. **Bhojanasappāyādayoti ādi**-saddo avuttākārānampi saṅgāhako daṭṭhabbo. Tena utubhāvanānimittādīnampi<sup>1</sup> pariggaṇhanaṃ vuttaṃ hoti. **Tasminti** tasmim taruṇasamādhimhi.

**Bhattāranti** sāminaṃ, bhattavettanādīhi posakanti attho. **Parivisantoti** bhojento. Tassa ruccitvā bhīṇjanākāraṃ sallakkhetvā tassa upanāmentoti yojanā. **Ayampi** yogī. **Adhigatakkhaṇe bhojanādayo ākāreti** pubbe jhānassa adhigatakkhaṇe kiccasādhake bhojanādigate ākāre. **Gahetvāti** pariggahetvā sallakkhetvā. **Naṭṭhe naṭṭhe** samādhimhi **punappunaṃ appanāya**.

Mahānasavijjāparicayena **paṇḍito**. Tattha visadañāṇatāya **byatto**. Ṭhānuppattikakosallayogena **kusalo**. **Nānaccayehīti** nānaccayehi nānāsabhāvehi, nānārasehīti attho. Tenāha “**ambilaggehi**”ti-ādi. **Sūpehīti** byañjanehi. **Ambilaggehīti** ambilakoṭṭhāsehi, ye vā ambhilarasā hutvā aggabhūtā, tehi caturambilādīmissēhi. Esa nayo **tittakaggādisupi**. **Khārikehīti** vātiṅgaṇakalīrādīmissēhi. **Nimittanti** ākāraṃ ruccanavasena bhūñjanākāraṃ. **Uggaṇhātīti** uparūpari gaṇhāti upadhāreti. **Imassa vā** sūpeyyassa atthāya hatthaṃ **abhiharati**. **Abhihārānanti** abhimukhena haritabbānaṃ paṇṇākārānaṃ, pūjābhīhārānaṃ vā. **Nimittaṃ uggaṇhātīti** “evaṃ me cittaṃ samāhitaṃ ahoṣī”ti nimittaṃ gaṇhāti sallakkheti.

**Samādhiparipanthānanti** samādhissa paripantabhūtānaṃ. **Dhammānanti** kāmacchandādinīvaraṇadhammānaṃ. **Suvisodhitattāti** suṭṭhu visodhitattā, vikkhambhanavaseneva sammadeva pahīnattāti attho. **Kāmādinavapaccavekkhaṇādīhīti ādi**-saddena asubhamanasikāranekkhamaṇisaṃsapaccavekkhaṇādīni saṅgaṇhāti.

---

1. Utubhojanānimittādīnampi (Syā, Ka)



Nekkhammaguṇadassanenāpi hi tassa vibandhabhūte kāmaccchande ādīnavo visesato pākaṭo hotīti. **Kāyaduṭṭhullanti** kāyadaratham sāraddhakāyatam. Tena kāyacittānam sārambhanimittassa byāpādanīvaraṇassa na visodhanamāha. **Ārambhadhātumanasikārādīti ādi-**saddena vīriyasambojjhaṅganimittānam, ālokasaññādīnañca saṅgaho daṭṭhabbo. **Samathanimittamanasikārādīti ādi-**saddena samādhisambojjhaṅgaṭṭhāniyānam dhammānam saṅgaho daṭṭhabbo. **Aññepi samādhiparipantheti** vicikicchāṭṭhāniye, madamānādike ca sandhāyāha. **Āsayanti** vasanakasusiram. **Suparisuddhanti** āsaṅkanīyattābhāvena suṭṭhu parisuddham. Etthāhananu cāyam pageva kāmādīnavam paccavekkhitvā samathapaṭipadam paṭipanno upacārakkhaṇeyeva jhānena nīvaraṇāni vikkhambhitāni, atha kasmā puna kāmādīnavapaccavekkhaṇādi gahitanti? Saccametaṃ. Tam pana pahānamattanti jhānassa ciraṭṭhitiyā atisayapahānattham puna gahitam.

**Uddhacca middhanti** kukkucam, thinañca tadekaṭṭhatāya gahitamevāti katvā vuttam. **Suddhantagatoti** suparisuddhapariyantam sabbaso visodhitakoṇapariyantam uyyānam gato. **Tahim rameti** tasmim jhāne rameyya divasabhāgampi jhānasamaṅgī eva bhaveyya.

**Cittabhāvanāvepullatthanti** samādhibhāvanāya vipulabhāvāya. Yathā hi bhāvanāvasena nimittassa uppatti, evamassa bhāvanāvaseneva vaḍḍhanampi. Tasmā ekaṅgulādivasena nimittam vaḍḍhentassa punappunam bahulīkārena jhānam bhāvanāpi vuddhim viruḷhim vepullam āpajjati. Tena vuttam “**cittabhāvanā vepullatthañca yathāladdham paṭibhāganimittam vaḍḍhetabban**”ti. Tassāti paṭibhāganimittassa.

### Nimittavaḍḍhananayavaṇṇanā

77. **Tatrāti** sāmi-atthe bhumavacanam, tassāti attho. **Avadḍhetvāti** yathā kumbhakāro mattikāya pattam karonto paṭhamam aparicchinditvāva pattam vaḍḍheti, evam **pattavaḍḍhanayogena** pattavaḍḍhanayuttīyā avadḍhetvā pavikassa **pūvavaḍḍhanam**. Bhattassa upari bhattapakkipanam **bhattavaḍḍhanam**. Vatthassa tintassa añchānādi **dussavaḍḍhanam**. Paccekam yoga-saddo yojetabbo.

Aparicchinditvā na vaḍḍhetabbaṃ sapaṛicchede eva bhāvanāpavattito. Tathā hi vuttaṃ “sāntake no anantake”<sup>1</sup>.

**Haṃsapotakā**ti javanaḥaṃsapotakā. **Ukkūlaṃ** unnataṭṭhānaṃ. **Vikūlaṃ** ninnataṭṭhānaṃ. Nadīsotena kataṃ viduggaṃ **nadīviduggaṃ**. Visamākārena ṭhito pabbatapadeso **pabbatavisamo**.

**Thūlāni hutvā upaṭṭhahanti** paccavekkhaṇābāhullena vibhūtabhāvato. **Dubbālāni hutvā upaṭṭhahanti** paṇḍabalavabhāvassa anāpādikattā. **Upari-ussukkanāyāti** bhāvanāya upari ārohanāya, dutiyajjhānādhiḡamāyāti attho.

**Pabbateyyāti** pabbate bahulacārinī. **Akhettaññūti** agocaraññū. Samādhiparipanthānaṃ visodhanānabhiññātāya **bālo**. Jhānassa paṇḍabhāvāpādanaveyyattiyassa abhāvena **abyatto**. Uparijhānassa padaṭṭhānabhāvānavabodhena **akhettaññū**. Sabbathāpi samāpattikosallābhāvena **akusalo**. Samādhinimittassa vā anāsevanāya **bālo**. Abhāvanāya **abyatto**. Abahulīkārena **akhettaññū**. Sammadeva anadhiṭṭhānato **akusaloti** yojetabbaṃ. **Ubhato bhaṭṭhoti** ubhayato jhānato bhaṭṭho. So hi appaṇḍatāya na suppatiṭṭhitatāya sa-ussāhopi vināsato, asāmatthiyato ca jhānadvayato parihīno. **Ciṇṇavasināti** āsevitavasinā.

### Pañcavasīkathāvaṇṇanā

78. Vasanaṃ vasīti dhātuniddesatāya kiriyāniddesoti adhippāyenāha “vasiyo”<sup>ti</sup>, yathārucci pavattiyoti attho. Āvajjanāya vasī, āvajjanāvasena vā vasī **āvajjanavasī**. Jhānaṃ āvajjitum yattha yattha padese icchā **yatthicchakaṃ**. Yadā yadā, yasmim̐ yasmim̐ vā jhānaṅge icchā **yadicchakaṃ**. Yāva yāva icchā **yāvadicchakaṃ**, da-kāro padasandhikaro. “Yāvā”<sup>ti</sup> ca idaṃ bahūnaṃ javanavārānaṃ nirantaraṃ viya tathāpavattanaṃ sandhāya vuttaṃ, na ekameva. So hi paṛicchinnacittakkaṇḍoti. **Āvajjanāya dandhāyitattaṃ natthīti** vuttanayena yattha katthaci ṭhāne yadā

1. Visuddhi 1. 120 piṭṭhe.

yadā yaṃ kiñci jhānaṅgaṃ āvajjentassa yathicchitaṃ kālaṃ āvajjanāya āvajjanappavattiyā dandhāyitattaṃ vitthāyitattaṃ, cirāyitattaṃ vā natthi. Evaṃ āvajjanavasī siddhā nāma hotīti attho. **Sesāti** vuṭṭhāna-adhiṭṭhānapaccavekkhaṇāvasiyo.

Āngasamudāyabhāvato jhānassa jhāne āvajjanavasim̄ nipphādetukāmena paṭipāṭiyā jhānaṅgāni āvajjetabbānīti āha “**paṭhamam̄ vitakkaṃ āvajjayato**”ti. Yadi pi āvajjanamevettha icchitaṃ āvajjanavasīyā adhippetattā, āvajjanāya pana uppannāya javanehi bhavitabbaṃ. Tāni ca kho āvajjanatapparātāya cittābhinihārassa yathāvajjitajhānaṅgārammaṇāni katipayāneva hontī, na paripuṇṇānīti vuttaṃ “**vitakkārammaṇāneva cattāri pañca vā javanāni javantī**”ti. **Cattāri** tikkhindriyassa. **Pañca** nātitikkhindriyassāti daṭṭhabbaṃ. **Nirantaranti** visabhāgehi nirantaram̄. **Ayam̄ panāti** bhavaṅgadvayantaritā catujavanacittā yathāvuttā **āvajjanavasī**. **Aññesaṃ vā** dhammasenāpati-ādīnam̄. **Evarūpe kāleti** uṭṭhāya samuṭṭhāya lahutaram̄ āvajjanavasīnibbattanakāle. Sā ca kho ittarā parittakālā, na satthu yamakamahāpāṭihāriye viya ciratarappabandhapatī. Tathā hi taṃ sāvakehi asādhāraṇam̄ vuttaṃ. Adhigamena samaṃ sasampayuttassa jhānassa sammā āpajjanam̄ paṭipajjanam̄ **samāpajjanam̄**, jhānasamaṅgitā.

**Sīghanti** ettha samāpajjitukāmatānantaram̄ dvīsu bhavaṅgesu uppannesu bhavaṅgaṃ upacchinditvā uppannāvajjanānantaram̄ samāpajjanam̄ sīgham̄ **samāpajjanasamatthata**. Ayañca matthakappattā **samāpajjanavasī** satthu dhammadesanāyaṃ labbhati. Yaṃ sandhāya vuttaṃ “so kho ahaṃ aggivessana tassā eva kathāya pariyosāne tasmim̄yeva purimasmim̄ samādhinimitte ajjhattameva cittaṃ saṅṭhapemi sannisādemi ekodim̄ karomi samādahāmi yenassudaṃ niccakappaṃ viharāmi”ti<sup>1</sup>. Ito sīghatarā hi samāpajjanavasī nāma natthi. Juṇhāya rattiyā navoropitehi kesehi kapotakandarāyaṃ viharantassa āyasmato sārīputtassa yakkhena mahantampi pabbatakūṭam̄ padāletum̄ samatthe pahāre sīse dinne samāpajjanampettha nidassetabbaṃ. Tathā hi vakkhati “tadā thero tassa paharaṇasamaye samāpattim̄ appesī”ti<sup>2</sup>. **Pāliyam̄** pana “aññataram̄ samādhim̄ samāpajjitvā nisinno”ti<sup>3</sup> vuttaṃ. Ime pana

1. Ma 1. 316 piṭṭhe.

2. Visuddhi 2. 9 piṭṭhe.

3. Khu 1. 123 piṭṭhe Udāne.

therā “samāpattito vuṭṭhānasamakālaṃ tena pahāro dinno”ti vadanti.

**Accharāmattanti** aṅguliphoṭamattaṃ **khaṇaṃ**. **Ṭhāpetunti** setu viya sīghasotāya nadiyā oghaṃ vegena pavattitum adavā yathāvuttakkhaṇaṃ jhānaṃ **ṭhāpetum samatthā**. Abhibhuyya ṭhapanam, adhiṭṭhānaṃ viyāti vā adhiṭṭhānaṃ. Tattha vaṣi **adhiṭṭhānavasī**. **Tatheva lahum vuṭṭhātunti** accharāmattaṃ vā dasaccharāmattaṃ vā lahum khaṇaṃ jhānasamaṅgī hutvā jhānato vuṭṭhātum samatthā. Bhavaṅgacittuppattiyeva hettha jhānato vuṭṭhānaṃ nāma. Ettha ca yathā “ettakameva khaṇaṃ jhānaṃ ṭhāpessāmī”ti pubbaparikkammavasena adhiṭṭhānasamatthā **adhiṭṭhānavasī**, evaṃ “ettakameva khaṇaṃ jhānasamaṅgī hutvā jhānato vuṭṭhahissāmī”ti pubbaparikkammavasena vuṭṭhānasamatthā **vuṭṭhānavasī** veditabbā, yā samāpatti “vuṭṭhānakusalatā”ti vuccati. **Tadubhayadassanathanti** adhiṭṭhānavuṭṭhānavasīdassanatham.

**Tathā**ti tasmim nimmitapabbate tassa vivare. Kiñcāpi ekaṃyeva taṃ abhiññācittam yena pabbataṃ nimmineyya, abhiññāpādakassa pana jhānassa lahutaraṃ ṭhapanam, vuṭṭhānaṃca idha nidassanti daṭṭhabbam. “Ettakā iddhimantā ekaṃ upaṭṭhākaṃ garuḷato rakkhitum na sakkhimsū”ti gārayhā assāma.

**Āvajjanānantarānī**ti āvajjanavasībhāvāya yathākkamaṃ vitakkādīnaṃ jhānaṅgānaṃ āvajjanāya parato yāni javanāni pavattāni, tāni tesam paccavekkhaṇāni. Yadaggena āvajjanavasīsiddhi, tadaggena paccavekkhaṇāvasīsiddhi veditabbā.

### Dutiyajjhānakathāvaṇṇanā

79. Nīvaraṇappahānassa tappaṭhamatāya **āsannaṇīvaraṇapaccatthikā**. Thūlam nāma vipulampi pheggu viya sukhabhañjanīyanti āha “**oḷārikattā aṅgadubbalā**”ti. **Santato manasi karitvāti** paṭhamajjhānaṃ viya anoḷārikaṅgattā, santadhammasamaṅgitāya ca “santan”ti<sup>1</sup> manasi katvā. Ye hi dhammā dutiyajjhāne pītisukhādayo, kāmaṃ te paṭhamajjhānepi santi, tehi pana te santatarā ceva paṇītarā ca bhavanti. **Nikantinti** nikāmanam,

1. Santaṃ dhammanti (Syā, Ka)

apekkhanti attho. **Pariyādāyāti** khepetvā. **Cattāri pañcāti** vā-saddo luttaniddiṭṭho. Dutiyaḥhānaṃ etassa atthīti dutiyaḥhānikam. **Vuttappakārānevāti** paṭhamajjhāne vuttappakārāniyeva, parikkammādināmakānīti attho.

80. **Vūpasamāti** vūpasamahetu, **vūpasamoti** cettha pahānaṃ adhippetam, tañca vitakkavicārānaṃ. Atikkamo atthato dutiyaḥhānakkhaṇe anuppādoti āha “**samatikkamā**”ti-ādi. Katamesam panettha vitakkavicārānaṃ vūpasamo adhippeto, kim paṭhamajjhānikānaṃ, udāhu dutiyaḥhānikānanti. Kiñcettha yadi paṭhamajjhānikānaṃ, natthi tesmā vūpasamo. Na hi kadāci paṭhamajjhānaṃ vitakkavicārarahitaṃ atthi. Atha dutiyaḥhānikānaṃ, evampi nattheva vūpasamo, sabbena sabbam tesam tattha abhāvato? Vuccate—yehi vitakkavicārehi paṭhamajjhānassa oḷārikatā, tesmā samatikkamā dutiyassa jhānassa samadhigamo, na sabhāvato anoḷārikānaṃ phassādīnaṃ samatikkamāti ayamattho “vitakkavicārānaṃ vūpasamā”ti etena dīpito. Tasmā “kim paṭhamajjhānikānaṃ vitakkavicārānaṃ vūpasamo idhādhippeto, udāhu dutiyaḥhānikānaṃ”ti edisī codanā anokāsāva. Yasmā dīṭṭhādīnavassa taṃtaṃjhānakkhaṇe anuppattidhammatāpādanam vūpasamanaṃ adhippetam. Vitakkādayo eva jhānaṅgabhūtā tathā karīyanti, na taṃsampayuttā phassādayo, tasmā vitakkādīnaṃyeva vūpasamādivacanaṃ ñāyāgataṃ. Yasmā pana vitakkādīnaṃ viya taṃsampayuttadhammānampi etena “etaṃ oḷārikan”ti-ādīnavadassanaṃ sutte āgataṃ, tasmā avisesena vitakkādīnaṃ, taṃsahagatānañca vūpasamādike vattabbe vitakkādīnaṃyeva vūpasamo vuccamāno adhikavacanaṃ aññaṃ attham bodhetīti katvā kiñci visesaṃ dīpetīti dassetuṃ **aṭṭhakathāyaṃ “oḷārikassa panā**”ti-ādi gahitanti idha “yehi vitakkavicārehi”ti-ādi vuttanti daṭṭhabbam. “Pītiyā ca virāgā”ti-ādīsupi eseva nayo. Tasmā vitakkavicārapītisukhasamatikkamavacanāni oḷārikoḷārikaṅgasamatikkamā dutiyādi-adhigamadīpakānīti tesam ekadesabhūtaṃ vitakkavicārasamatikkamavacanaṃ taṃdīpakam vuttaṃ. Visuṃ visuṃ ṭhitepi hi vitakkavicārasamatikkamavacanādike paheyyaṅganiddesatāsāmaññaṃ cittaṃ samūhato gahite vitakkavicāravūpasamavacanassa tadekadesatā daṭṭhabbā. Ayañca

attho avayavena samudāyopalakkhaṇanayena vutto. Atha vā vitakkavicāravūpasamavacaneneva taṁsamattikkamā dutiyādhigamadīpakena pītivirāgādivacanānam pīti-ādisamattikkamā tatiyādi-adhigamadīpakatā dīpitā hotīti tassa taṁdīpakatā vuttā.

**Niyakajjhattamadhippetam** na ajjhattajjhattādi. Tattha kāraṇamāha “**vibhaṅge panā**”ti-ādi. **Nīlavaṇṇayogato nīlavattham viyāti** nīlayogato vattham nīlam viyāti adhippāyo. Yena sampasādanena yogā jhānam **sampasādanam**. Tasmim dassite “sampasādanam jhānam”ti samānādhikaraṇaniddeseneva taṁyogā jhāne taṁsaddappavatti dassitāti avirodho yutto. Ekodibhāve kathanti ekodimhi dassite ekodibhāvam jhānanti samānādhikaraṇaniddeseneva jhānassa ekodivaḍḍhanatā vuttā hotīti ce? “Ekodibhāvan”ti padaṁ uddharitvā ekodissa niddeso na kātabbo siyāti ekodibhāvasaddo eva samādhimhi pavatto sampasādanasaddo viya jhāne pavattatīti yuttam. **Imasmīṇca atthavikappeti** “cetaso sampasādayatī”ti etasmim pakkhe “cetaso”ti ca upayogathe sāmivacanam. **Purimasminti** “sampasādanayogato jhānam sampasādanam”ti vuttapakkhe. **Cetasoti** sambandhe sāmivacanam.

**Seṭṭhopi loke “eko”ti vuccati** “yāva pare ekāham te<sup>1</sup> karomī”ti-ādīsu. Eko adutiyo “ekākībhi khuddakehi jitan”ti-ādīsu asahāyatthopi eka-saddo diṭṭhoti āha “**eko asahāyo hutvā**”ti. Saddhādayopi kāmam sampayuttadhammānam sādharmaṇato, asādharmaṇato ca paccayā hontiyeva, samādhī pana jhānakkhaṇe sampayuttadhammānam avikkhepalakkhaṇe indaṭṭhakarāṇena sātīsayam paccayo hotīti dassento “**sampayuttadhamme -pa- adhivacanam**”ti āha.

“Sampasādanam, cetaso ekodibhāvan”ti visesanadvayam jhānassa atīsayavacanicchāvasena gahitam. Svāyamatisayo yathā imasmim jhāne labbhati, na tathā paṭhamajjhāneti imam visesam dassetuṁ “**nanu cā**”ti-ādi vuttam. Ārammaṇe āhananapariyāhananavasena, anumajjana-anuyojanavasena ca pavattamānā dhammā satipi nīvaraṇappahānena

kilesakālussiyāpagame sampayuttānaṃ kañci khobhaṃ karontā viya tehi ca te na sannisinnā hontīti vuttaṃ “**vitakkavicārakkhobhena na suppasanna**”ti. Khuddikā ūmiyo **vīciyo**. Mahatiyo **taraṅgā**. Satipi indriyasamatte, vīriyasamatāya ca teneva khobhena, sampasādābhāvena ca **samādhipi na suṭṭhu pākaṭo** bahale viya jale maccho. Yathāvuttakkhobho eva **palibodho**. **Evaṃ vuttenā**ti yassā saddhāya vasena sampasādanāṃ, yassā ca cittekaggatāya vasena ekodibhāvanti ca jhānaṃ vuttaṃ. Tāsaṃ eva “saddahanā”ti-ādinā pavatti-ākārassa visesavibhāvanāvāsena vuttena. **Tena** vibhaṅgapāḥhena. “Sampasādanayogato, sampasādanato vā sampasādanāṃ, ekodiṃ bhāvetīti ekodibhāvanti jhānaṃ vuttaṃ”ti evaṃ pavattā **ayaṃ atthavaṇṇanā na virujjhati**. Yathā pana avirodho, so vutto eva.

81. **Santā**ti samaṃ nirodhaṃ gatā. **Samitā**ti bhāvanāya samaṃ<sup>1</sup> gamitā nirodhitā. **Vūpasantā**ti tato eva suṭṭhu upasantā. **Atthaṅgatā**ti atthaṃ vināsaṃ gatā. **Abbatthaṅgatā**ti upasaggena padaṃ vaḍḍhetvā vuttaṃ. **Appitā**ti vināsaṃ gamitā. **Sositā**ti pavattisaṅkhātassa santānassa abhāvena sosaṃ sukkhabhāvaṃ ito. **Byantikātā**ti vigatantakatā.

**Ayamathhoti** bhāvanāya pahīnattā vitakkavicārānaṃ abhāvo. Codakena vuttamatthaṃ sampañcchitvā pariharitum “evametaṃ siddhovāya mattho”ti vatvā “**na panetan**”ti-ādi vuttaṃ. Tattha **etanti** “vitakkavicārānaṃ vūpasamā”ti etaṃ vacanaṃ. **Tadatthadīpakanti** tassa vitakkavicārābhāvamattasaṅkhātassa atthassa dīpakam. Ayañcetha attho—dutiyaṃjjhānādi-adhigamūpāyadīpakena ajjhattasampasādanatāya, cetaso ekodibhāvatāya ca hetudīpakena, avitakka-avicārābhāvahetudīpakena ca vitakkavicārāvūpasamavacaneneva vitakkavicārābhāvo dīpitoti kiṃ puna avitakka-avicāravacanena katenāti? Na, adīpitattā. Na hi vitakkavicārāvūpasamavacanena vitakkavicārānaṃ appavatti vuttā hoti. Vitakkavicāresu hi taṇhāppahānaṃ etesaṃ vūpasamanaṃ, ye ca saṅkhāresu taṇhāppahānaṃ karonti, tesu maggesu, pahīnataṇhesu ca phalesu saṅkhārapavatti hoti

---

1. Samathaṃ (Sī)

eva, evamevidhāpi vikkhambhitavitakkavicāraṇhāssa dutiyajjhānassa vitakkavicārasampayogo purimena na nivārito siyāti taṃ nivāraṇatthaṃ āvajjitukāmatādi-atikkamova tesāṃ vūpasamoti dassanatthañca “**avitakkaṃ avicāraṇ**”ti vuttam. **Paṭhamampī**ti paṭhamam jhānampi.

“Dutiyam uppannanti dutiyan”ti vuttum vaṭṭatiyeva. **Na tathā imassa vitakkavicārā**ti yathā paṭhamajjhānassa upacārakkhaṇe nīvaraṇāni pahīyanti tathā imassa dutiyajjhānassa upacārakkhaṇe vitakkavicārā na pahīyanti asaṃkiliṭṭhasabhāvattā, upacārabhāvanāya ca te pahātuṃ asamatthabhāvato. Yadipi tāya tesu taṇhā pahīyati, na pana savisesaṃ savisesaṃhi tattha taṇhāppahānaṃ appanāya eva hoti. Tena vuttam “**appanākkhaṇeyevā**”ti-ādi. Pahānaṅgatāpi atisayappahānavaseneva veditabbā yathā nīvaraṇānaṃ paṭhamajjhānassa. **Tasmā**ti yasmā tivaṅgamevetam jhānaṃ, tasmā. **Tanti** vibhaṅge vacanaṃ. Rathassa paṇḍukambalaṃ viya sampasādo jhānassa parikkhāro, na jhānaṅgati āha “**saparikkhānaṃ jhānaṃ dassetun**”ti.

### Tatiyajjhānakathāvaṇṇanā

82. **Uppilāvanti** kāmañcāyam pariggahesu apariccattapemassa anādinavadassino taṇhāsahagatāya pītiyā pavatti-ākāro, idha pana dutiyajjhānapīti adhippetā. Tathāpi sabbaso pītiyam avirattam, sāpi anubandheyāti vuttam. Uppilāvitaṃ viyāti vā **uppilāvitaṃ**. Ādinavam hi tattha pākaṭataram katvā dassetuṃ evam vuttanti daṭṭhabbam.

83. Virajjanam **virāgo**. Tam pana virajjanam nibbindanamukhena hīlanam vā tappaṭibaddharāgappahānam vāti tadubhayaṃ dassetuṃ “**vuttappakārāya pītiyā jigucchanam vā samatikkamo vā**”ti āha. **Vuttappakārāyāti** “yadeva tattha pīti”ti-ādinā vuttappakārāya. **Sampiṇḍanam** samuccayo.

**Maggoti** upāyo. **Tadadhigamāyāti** tatiyamaggādhigamāya.

84. **Upapattitoti** samavāhitabhāvena patirūpato. Jhānapekkhāpi samavāhitameva antonītam katvā pavattatīti āha “**samam passatī**”ti.



**Visadāyāti** paribiyattāya saṅkilesavigamena. **Vipulāyāti** mahatīyā sātīsayam mahaggatabhāvappatthiyā. **Thāmagatāyāti** pītivigamena thirabhāvappattāya.

**Parisuddhapakati** khīṇāsavapakati nikkilesatā. Sattesu kammassakatādassanahetuko samabhāvadassanākāro majjhattākāro **brahmavīhārupekkhā**.

**Sahajātadhammānanti** niddhāraṇe sāmivacanam. Samappavattiyā bhāvanāya vītipaṭipannāha alīnānuddhatā nirassādatāya paggahaniggahasampahaṃsanesu byāpārābhāvato sampayuttadhammesu majjhattākārabhūtā **bojjhaṅgupekkhā**.

**Upekkhānimittanti** ettha līnuddhaccapakkhapātarahitam majjhattam vīriyam upekkhā. Tadeva tam ākāram gahetvā pavattetabbassa tādisassa vīriyassa nimittabhāvato upekkhānimittam bhāvanaya samappavattikāle upekkhīyatīti upekkhā, vīriyameva upekkhā **vīriyupekkhā**.

“Paṭhamam jhānam paṭilābhatthāya nīvaraṇe -pa-nevasaññānāsaññāyatanaśamāpattim paṭilābhatthāya ākiñcaññāyatanaśaññam paṭisaṅkhā santiṭṭhanā paññā saṅkhārupekkhāsu ṇāṇam”<sup>1</sup>ti<sup>1</sup> evamāgatā imā **aṭṭha samādhivasena uppajjanti**. “Sotāpattimaggaṃ paṭilābhatthāya uppādam pavattam nimittam āyūhanam paṭisandhim gatim nibbattim upapattim jātim jaram byādhim maraṇam sokaṃ paridevam upāyāsam. Sotāpattiphalaśamāpattatthāya uppādam pavattam -pa-. Arahattamaggaṃ paṭilābhatthāya uppādam -pa- upāyāsam -pa-. Arahattaphalaśamāpattatthāya suññatāvīhāraśamāpattatthāya animittavīhāraśamāpattatthāya uppādam pavattam nimittam āyūhanam paṭisandhim gatim nibbattim upapattim jātim jaram byādhim maraṇam sokaṃ paridevam upāyāsam paṭisaṅkhā santiṭṭhanā paññā saṅkhārupekkhāsu ṇāṇam”<sup>1</sup>ti<sup>1</sup> evamāgatā imā **dasā vipassanāvasena uppajjanti**. Ettha ca paṭhamajjhānādīhi vikkhambhitāni nīvaraṇavitakkavicārādīni paṭisaṅkhāya sabhāvato upaparikkhitvā sannīṭṭhānavasena tiṭṭhamānā **nīvaraṇādīpaṭisaṅkhāsantiṭṭhanā** dīṭṭhādīnavattā tesam **gahaṇe** uppādane ajjhūpekkhantī vipassanāpaññā gahaṇe **majjhatabhūtā upekkhā**.

1. Khu 9. 62 piṭṭhe Paṭisambhidāmagge.

Tattha **uppādanti** purimakammaṭṭhāyā khandhānaṃ idha uppattimāha. **Pavattanti** tathā-uppannaṃ pavattim. **Nimittanti** sabbampi tebhūmakasaṅkhāragataṃ nimittabhāvena upaṭṭhānato. **Āyūhananti** āyatim paṭisandhihetubhūtaṃ kammaṃ. **Paṭisandhinti** āyatim uppattim. **Gatinti** yāya gatiyā sā paṭisandhi hoti. **Nibbattinti** khandhānaṃ nibbattanaṃ. **Upapattinti** “samāpannaṃ vā upapannaṃ vā”<sup>1</sup> ettha “upapannaṃ”<sup>1</sup> ti vuttavipākappavattim. **Jātinti** jarādīnaṃ paccayabhūtaṃ bhavapaccayā jātim. **Jarābyādhimaraṇā**dayo pākaṭā eva. Ettha ca uppādādayo pañceva saṅkhārupekkhāññāssa visayavasena vuttā, sesā tesāṃ vevacanasena. “Nibbatti, jāti”<sup>1</sup> ti idaṃhi dvayaṃ uppādassa cega paṭisandhiyā ca vevacanaṃ, “gati, upapatti cā”<sup>1</sup> ti idaṃ dvayaṃ pavattassa, jarādayo nimittassāti veditabbaṃ. Appaṇihitavimokkhasena magguppattihetubhūtaṃ catasso, tathā phalasaṃpattiyā catasso, suññatavihāra-animittavihārasena dveti dasa saṅkhārupekkhā.

**Yāti** vipassanāpaññā. **Yadatthīti** yaṃ aniccādilakkhaṇāttayaṃ upalabbhati. **Yaṃ bhūtanti** yaṃ paccayanibbattattā bhūtaṃ khandhapañcakaṃ. **Taṃ pajāhatīti** aniccānupassanādihi niccasaññādayo pajahanto sammadeva diṭṭhādīnavattā tappaṭibaddhacchandarāgappahānena pajahati, yathā āyatim ādānaṃ na hoti, tathā paṭipattiyā pajahati. Tathābhūto ca tattha **upekkhaṃ paṭilabhati**. **Vicināneti** aniccādivasena sammasanepi.

Sampayuttadhammānaṃ samappavattihetutāya **samavāhitabhūta**. Nīvaraṇavitakkavicārādisabbapaccanīkehi vimuttattā **sabbapaccanīkapaṭisuddhā**. Tesāṃ vūpasantattā **paccanīkavūpasamanepi abyāpārabhūta** abyāpārabhāvena pavattā, abyāpāratam vā pattā.

Yadi atthato ekā, kathamaṃyaṃ bhedoti āha “**tena tenā**”<sup>1</sup> ti-ādi. **Tasmāti** yasmā satipi sabhāvato abhedeyehi pana paccayavisesehi svāyamimāsaṃ avatthābhedo, tesāṃ ekajjhaṃ appavattito na tāsāṃ abhedo, ekajjhaṃ vā pavatti, tasmā. Tenāha “**yattha chaḷaṅgupekkhā**”<sup>1</sup> ti-ādi.

---

1. Khu 9. 81 piṭṭhe Paṭisambhidāmagge.

**Ekībhāvoti** ekatā. Satipi majjhattābhāvasāmaññe visayabhedena paṇassā bhedo. Yamattham sandhāya “**kiccavasena dvidhā bhinnā**”ti vuttam, tam vitthārato dassento “**yathā hī**”ti-ādimāha. **Ayam vipassanupekkhā**. Yam sandhāya vuttam **pāliyam** “yadatthi yam bhūtam tam pajahati, upekkham paṭilabhatī”ti<sup>1</sup>. Tatha **yadatthi yam bhūtanti** khandhapañcakaṃ, tam muñcitukamyatāññānena pajahati. Diṭṭhasovattikattayassa sabbalakkhaṇavicinane viya diṭṭhalakkhaṇattayassa bhūtassa saṅkhāralakkhaṇavicinane upekkham paṭilabhati. Saṅkhārānaṃ aniccādilakkhaṇassa sudiṭṭhattā tesam vicinane majjhattabhūtāya **vipassanupekkhāya siddhāya** tathā diṭṭhādīnavānā tesam gahaṇepi ajjhūpekkhanā **siddhāva hoti**, sabbaso visaṅkhāraninnattā ajjhāsayaṣsa.

**Anābhogarasāti** paṇītasukhepi tasmim avanati paṭipakkhaciccāti attho. **Abyāpārapaccupaṭṭhānāti** satipi sukhaṇāpāramippattiyam tasmim sukhe abyāvaṭā hutvā paccupaṭṭhāti, sampayuttānaṃ vā tatha abyāpāraṃ paccupaṭṭhāpetīti attho. Sampayuttadhammānaṃ khobham, uppilavañca āvahantehi vitakkādīhi abhibhūtattā **aparibyattam**. Tatha tatra majjhattatāya **kiccaṃ**. Tadabhāvato **idha paribyattam**.

Niṭṭhitā “upekkhako ca viharatī”ti etassa sabbaso atthavaṇṇanā.

85. “**Saratīti sato**”ti padassa kattusādhanatamāha. **Sampajānātīti** sammadeva pajānāti. Saraṇam cintanam upaṭṭhānam lakkhaṇametissāti **saraṇalakkhaṇā**. Sammussanapaṭipakkho asammussanam, tam kiccaṃ etissāti **asammussanarasā**. Kilesehi ārakkhā hutvā paccupaṭṭhāti, tato vā ārakkham paccupaṭṭhāpetīti **ārakkhapaccupaṭṭhānā**. Asammuyhanam sammadeva pajānanam, sammohapaṭipakkho vā **asammoho**. **Tīraṇam** kiccassa pāragamanam. **Pavicayo** vīmaṃsā.

Kāmaṃ upacārajjhānādini upādāya paṭhamadutiyaajjhānānīpi sukhumāneva, imam pana uparijhanam upādāya “**oḷārikattā**”ti vuttam. Sā ca oḷārikatā vitakkādithūlaṅgatāya veditabbā. Keci “bahucetasikatāyā”ti ca

1. Ma 3. 5; Am 2. 450 piṭṭhesu.

vadanti. **Gati sukhā hoti** tattha jhānesūti adhippāyo. **Abyattaṃ tattha satisampajaññakiccaṃ** “idaṃ nāma dukkaraṃ karīyatī”ti vattabbassa abhāvato. **Oḷārikaṅgappahānena sukhumattāti** ayamatto kāmāṃ dutiyajjhānepi sambhavati, tathāpi yebhuyyena avippayogibhāvena vattamānesu pītisukhesu pītisaṅkhātassa oḷārikaṅgassa pahānena, sukhumatāya idha sātisayo satisampajaññabyāpāroti vuttaṃ “**purissassā**”ti-ādi. **Punadeva pītiṃ upagaccheyyāti** hānabhāgiyaṃ jhānaṃ siyā dutiyajjhānameva sampajjeyyāti attho. Tenāha “**pītisampayuttameva siyā**”ti. “**Idaṅca atimadhuraṃ sukhaṃ**”ti tatiyajjhānasukhaṃ sandhāyāha. Atimadhuratā cassa pahāsodagyasabhāvāya pītiyā abhāveneva veditabbā. **Idanti** “sato, sampajāno”ti padadvayaṃ.

**Tasmā etamattaraṃ dassentoti** yasmā tassa jhānasamaṅgino yaṃ nāmakāyena sampayuttaṃ sukhaṃ, taṃ so paṭisaṃvedeyya. **Yaṃ vā tanti** aha vā yaṃ taṃ yathāvuttaṃ **nāmakāyasampayuttaṃ sukhaṃ**. **Tamsamuṭṭhānena** tato samuṭṭhitena **atipaṇītena rūpena** assa jhānasamaṅgino **rūpakāyo yasmā phuṭo**. **Yassa rūpakāyassa phuṭattā jhānā vuṭṭhitopi** jānasamaṅgi kāyikaṃ **sukhaṃ paṭisaṃvedeyya**. Tasmā **etaṃ** cetasikakāyikasukhapaṭisaṃvedanasāṅkhātaraṃ **attharaṃ** dassento “**sukhaṅca kāyena paṭisaṃvedetīti āhā**”ti yojanā. Ayaṅhettha saṅkhepattho—nāmakāyena cetasikasukhaṃ, kāyikasukhaheturūpasamuṭṭhāpanena kāyikasukhaṅca jhānasamaṅgi paṭisaṃvedetīti vuccati. **Phuṭattāti** byāpitattāti attho. Yathā hi udakena phuṭasarīrassa tādise nātipaccanīke vātādiphoṭṭhabbe phuṭe sukhaṃ uppajjati, evametehi phuṭasarīrassāti. Aparo nayo—**sukhaṅca kāyena paṭisaṃvedetīti** ettha kathamābhogena vinā sukhapaṭisaṃvedanāti codanāyaṃ “kiñcāpi -pa-”. Evaṃ santepī”ti. Yasmā tassa nāmakāyena sampayuttaṃ sukhaṃ, tasmā sukhaṅca kāyena paṭisaṃvedetīti yojanā. Idāni sahāpi ābhogena sukhapaṭisaṃvedanaṃ dassetum “**yaṃ vā taṃ**”ti-ādi vuttaṃ.

86. **Yanti** hetu-atthe nipāto, yasmāti attho. Tenāha “**yaṃjhānahetū**”ti. “**Ācikkhanti**”ti-ādīni padāni kittanattāhānīti adhippāyenāha “**pasamsantīti adhippāyo**”ti. **Kintīti** pasamsanākārapucchā.

Edisesu ṭhānesu satiggahaṇeneva sampajaññampi gahitaṃ hotīti idha pāḷiyaṃ satiyā eva gahitattā evaṃ upaṭṭhitasatitāya “**satimā**” icceva vuttam, “sampajāno”ti heṭṭhā vuttattā vā.

Jhānakkhaṇe cetasikasukhameva labbhatīti “**sukhaṃ nāmakāyena paṭisaṃvedetī**”ti ca vuttam. **Tatīyanti gaṇanānupubbatā**ti ito paṭṭhāya dutiyatatiyajjhānakathāhi aviseso, viseso ca vuttoti.

### Catutthajjhānakathāvaṇṇanā

87. Idāni nibbattitavisesaṃ dassento “**ayaṃ pana viseso**”ti vatvā “**yasmā**”ti-ādimāha. Āsevanapaccayena paccayo na hoti, aniṭṭhe ṭhāne padantarasaṅgahitassa āsevanapaccayattābhāvato. **Adukkhamasukhāya vedanāya uppajjitabbaṃ** sātisaṃsukhāya sukhavirāgabhāvanābhāvato. **Tānīti** appanāvīthiyaṃ javanāni sandhāyāha.

88. “**Pubbevā**”ti vuttattā kadā pana tesam pahānaṃ hotīti codanāyaṃ āha “**catunnaṃ jhānaṃ upacārakkhaṇe**”ti. Evaṃ veditabbanti sambandho. **Pahānakkamo** nāma pahāyakkadhammānaṃ uppattipaṭipāṭi. Tena pana vuccamāne “**dukkhaṃ domanassaṃ sukhaṃ somanassaṃ**”ti vattabbaṃ siyā. Kasmā ito aññathā vacananti āha “**indriyavibhaṅge**”ti-ādi. Atha kasmā jhānesveva nirodho vuttoti sambandho.

**Kattha cuppannaṃ dukkhindriyanti** attano paccayehi uppannaṃ dukkhindriyaṃ. **Kattha ca aparisesaṃ nirujjhatīti** nirodhatṭhānaṃ pucchati. Tena “**kattā**”ti pucchāyaṃ, “**ettā**”ti vissajjanepi hetumhi bhummavacanāṃ daṭṭhabbaṃ. Jhānānubhāvanimittam hi anuppajjantaṃ “**dukkhindriyaṃ aparisesaṃ nirujjhatī**”ti vuttam. **Atisayanirodho** suṭṭhu pahānaṃjupaṭipakkhena vūpasamo.

**Nānāvajjaneti** yena āvajjanena appanāvīthi, tato bhinnāvajjane, anekāvajjane vā. Appanāvīthiyañhi upacāro ekāvajjano, itaro anekāvajjano anekakkhattum pavattanato. Visamanisajjāya uppannakilamatho **visamosanupatāpo**. **Pītipharaṇenāti** pītiyā pharaṇarasattā, pītisamuṭṭhānānaṃ vā paṇītarūpānaṃ kāyassa byāpanato vuttam. Tenāha “**sabbo kāyo sukhokkanto hotī**”ti. **Vitakkavicārapaccayepīti**

**pi-saddo aṭṭhānappayutto**, so “pahīnassā”ti ettha ānetvā sambandhitabbo “pahīnassāpi domanassindriyassā”ti. Etaṃ domanassindriyaṃ uppajjati sambandho. “Tassa mayhaṃ aticiraṃ vitakkayato vicārayato kāyopi kilamī cittampi uhaññī”ti<sup>1</sup> vacanato kāyacittakhedānaṃ vitakkavicārappaccayatā veditabbā. “Vitakkavicārabhāve uppajjati domanassindriyaṃ”ti ānetvā sambandhitabbaṃ. **Tatthassa siyā uppattī** tattha dutiyajjhānūpacāre assa domanassassa uppatti bhaveyya.

Ettha ca yadeke<sup>2</sup> “tatthassa siyā uppattī”ti vadantena jhānalābhīnampi domanassuppatti atthīti dassitaṃ hoti. Tena ca anīvaraṇasabhāvo lobho viya dosopi atthīti dīpeti. Na hi dosena vinā domanassaṃ pavattati. Na cettha **paṭṭhānapāliya**<sup>3</sup> virodho cintetabbo. Yasmā tattha parihīnaṃ jhānaṃ ārammaṇaṃ katvā pavattamānaṃ domanassaṃ dassitaṃ, aparihīnājjhānamārammaṇaṃ katvā uppajjamānassa domanassassa asambhavato. Jhānalābhīnaṃ sabbaso domanassaṃ nuppajjati ca na sakkā vuttuṃ aṭṭhasamāpattilābhino api tassa<sup>4</sup> uppannattā. Na heva kho so pahīnājjhāno ahoṣīti vadanti, taṃ ayuttaṃ anīvaraṇasabhāvassa dosassa<sup>5</sup> abhāvato. Yadi siyā, rūpārūpāvacarasattānampi uppajjeyya na ca uppajjati. Tathā hi “arūpe kāmacchandanivaraṇaṃ paṭicca thinmiddhanivaraṇaṃ uddhaccanivaraṇaṃ avijjānivaraṇaṃ”ti-ādīsu<sup>6</sup> byāpādakukkucchanīvaraṇāni anuddhaṭāni. Na cettha nīvaraṇattā parihāro, kāmacchandādinampi anīvaraṇaṃyeva nīvaraṇasadisatāya nīvaraṇapariyāyassa vuttattā. Yaṃ pana vuttaṃ “aṭṭhasamāpattilābhino api tassa<sup>4</sup> uppannattā”ti, tampi akāraṇaṃ uppajjamānena ca domanassena jhānato parihāyanato. Lahukena pana paccayena parihīnaṃ tādīsā<sup>7</sup> appakasireneva paṭipākatikaṃ karontiti daṭṭhabbaṃ. “Tatthassa siyā uppattī”ti idaṃ pana parikappavacanāṃ upacārakkhaṇe domanassassa appahīna<sup>8</sup> bhāvadassanattamaṃ. Tathā hi vuttaṃ “na tveva anto-appanāyaṃ”ti. Yadi pana tadā domanassaṃ uppajjeyya, paṭhamajjhānampissa parihīnamevāti daṭṭhabbaṃ. Pahīnampi somanassindriyaṃ pīti viya na dūreti

1. Ma 1. 163 piṭṭhe.

2. Ettha ca (Sī)

3. Paṭṭhāna 1. 133 piṭṭhe.

4. Asitassa (Sī)

5. Domanassassa (Sī, Ka)

6. Paṭṭhāna 3. 300 piṭṭhe.

7. Tādīsānaṃ (Syā), tādīsāṃ (Ka)

8. Asuppahīna (Sī)

katvā “**āsannattā**”ti vuttaṃ. Nānāvajjanūpacāre pahīnampi pahānaṅgaṃ paṭipakkhena avihatattā antarantarā uppajjeyya vāti imamatthaṃ dassento “**appanāppattāyā**”ti-ādimāha. Tādisāya-āsevanāya icchitabbattā yathā **maggavīthito pubbe dve tayo javanavārā sadisānupassanāva pavattanti**, evamidhāpi appanāvārato pubbe dve tayo javanavārā upekkhāsahagatāva pavattantīti vadanti.

**Samāhaṭā**ti samānītā, saṅgahetvā vuttāti attho. Sukhadukkhāni viya anolārikattā avibhūtatāya **sukhumā**. Tato eva anuminitabbasabhāvattā **duviññeyyā**. **Duṭṭhassāti** duṭṭhapayogassa, duddammassāti attho. **Sakkā hoti esā gāhayitum** aññāpohanayanenāti adhippāyo.

**Adukkhamasukhāya cetovimuttiyā**ti idameva catutthajjhānaṃ daṭṭhabbāṃ. **Paccayadassanattanti** adhigamassa upāyabhūtapaccayadassanattam. Tenāha “**dukkhappahānādayo hi tassā paccayā**”ti. **Dukkhappahānādayoti** ca sopacārā paṭhamajjhānādayovettha adhippetā.

**Pahīnāti vuttā** “pañcannaṃ orambhāgiyānaṃ saññojanānaṃ parikkhayā”ti. **Etāti** sukhādayo vedanā.

**Somanassaṃ rāgassa** paccayo. Vuttañhi “sukhāya kho āvuso visākha vedanāya rāgānusayo anusetī”ti<sup>1</sup>. **Domanassaṃ dosassa** paccayo. Vuttampi cetam “dukkhāya kho āvuso visākha vedanāya paṭighānusayo anusetī”ti<sup>1</sup>. **Sukhādighātenāti** sukhādīnaṃ pahānena. **Assa** jhānassa.

Na dukkhanti **adukkhāṃ**, dukkhavidhuraṃ. Yasmā tattha dukkhāṃ natthi, tasmā vuttaṃ “**dukkhābhāvenā**”ti. **Asukhanti** etthapi eseva nayo. **Etenāti** dukkhasukhapaṭikkhepavacanena. “**Paṭipakkkhabhūtan**”ti idam idha tatiyavedanāya dukkhādīnaṃ samatikkamavasena pattabbattā vuttaṃ, na kusalākusalānaṃ viya ujuvipaccanīkatāya. Itthāniṭṭhaviparītassa majjhattārammaṇassa, itthāniṭṭhaviparītaṃ vā majjhattākārena anabhavanalakkhaṇā **itthāniṭṭhaviparītānubhavanalakkhaṇā**. Tato eva **majjhattarasā**. **Avibhūtapaccupattānāti** sukhadukkhāni viya na

---

1. Ma 1. 377 piṭṭhe.

vibhūtākārā, piṭṭhipāsāṇe migagatamaggo piya tehi anumātabbā avibhūtākāropaṭṭhānā. Sukhanirodho nāma idha catutthajjhānūpacāro so padaṭṭhānam etissāti **sukhanirodhapadaṭṭhānā**.

89. **“Upekkhāsati pārisuddhin”**ti purimapade uttarapadalopenetaṃ samāsapadanti āha **“upekkhāya janitasati pārisuddhin”**ti. Sabbapaccanīkadhammaparisuddhāya paccanīkasamanepi abyāvaṭāya pārisuddhi-upekkhāya vattamānāya catutthajjhāne sati sampahaṃsanapaññā viya suparisuddhā, suvisadā ca hotīti āha **“yā ca tassā satiyā pārisuddhi, sā upekkhāya katā, na aññenā”**ti. Yadi tatramajjhattatā idha “upekkhā”ti adhippetā kathaṃ satiyeva “parisuddhā”ti vuttāti āha **“na kevalan”**ti-ādi.

Evampi kasmā ayameva sati<sup>1</sup> **“upekkhāsati pārisuddhī”**ti vuttāti anuyogaṃ sandhāya **“tattha kiñcāpī”**ti-ādi vuttaṃ. Tattha heṭṭhā tisu jhānesu vijjāmānāyapi tatramajjhattatāya paccanīkābhāvato, sahāyapaccayavekallato ca apārisuddhi, tathā taṃsampayuttānam. Tadabhāvato idha pārisuddhīti imamattam rūpakavasena dassetuṃ **“yathā panā”**ti-ādi vuttaṃ. **Sūriyappabhābhāvātī** sūriyappabhāya abhibhuyyāmānattā atikkhatāya candalekhā viya rattipi sommasabhāvā sabhāgāya rattiyameva ca candalekhā samujjalatīti sā tassā sabhāgātīdassento **“sommabhāvena ca attano upakārakattena vā sabhāgāya ratthiyā”**ti āha.

**“Ekavīthiyan”**ti idaṃ tattha somanassassa ekaṃsena abhāvato vuttaṃ, na tato purimataresu ekaṃsena bhāvato. Yathā pana vitakkādayo dutiyādījjhānakkhaṇeyeva pahīyanti, na tesam ekavīthiyam purimajjānesu, na evametanti dassetuṃ vuttaṃ. **Catukkajjhāneti** catukkanayavasena nibbattitajjhānacatukke.

### Pañcakajjhānakathāvaṇṇanā

90. **Tatthāti** paṭhamajjhāne. **Catukkanayassa dutiyajjhāne viyāti** catukkanayasambandhini dutiyajjhāne viya. **Tam dvidhā bhinditvāti** catukkanaye

1. Ivdheva sabhi (Sī, Syā, Ka)



dutiyaṃ “avitakkaṃ vicāramattaṃ, avitakkaṃ avicāran”ti ca evaṃ dvidhā bhinditvā **pañcakanaye dutiyañceva tatiyañca hoti** abhidhammeti<sup>1</sup> adhippāyo. Suttantesu pana sarūpato pañcakanayo na gahito.

Kasmā panettha nayadvayavibhāgo gahitoti? Abhidhamme nayadvayavasena jhānānaṃ desitattā. Kasmā ca tatha tathā tāni desitāni? Puggalajjhāsayato, desanāvilāsato ca. Sannipatita<sup>2</sup> devaparisāya kira yesaṃ yathādesite paṭhamajjhāne vitakko eva oḷārikato upaṭṭhāsi, itare santato. Tesāṃ ajjhāsayavasena ca caturaṅgikaṃ avitakkaṃ vicāramattaṃ jhānaṃ desitaṃ. Yesaṃ vicāro, yesaṃ pīti, yesaṃ sukhaṃ oḷārikato upaṭṭhāsi, itare santato. Tesāṃ tesāṃ ajjhāsayavasena tatiyādīni jhānāni desitāni. Ayaṃ tāva puggalajjāsāyo.

Yassā pana dhammadhātuyā suppaṭividdhattā bhagavā yasmā desanāvilāsappatto, tasmā nāṇamahantaṭāya desanāya sukusalo yaṃ yaṃ aṅgaṃ labbhati, tassa tassa vasena yathārucciṃ desanaṃ niyāmento catukkanayavasena, pañcakanayavasena ca. Tatha ca pañcaṅgikaṃ paṭhamāṃ caturaṅgikaṃ dutiyaṃ, tivaṅgikaṃ tatiyaṃ, duvaṅgikaṃ catutthāṃ, duvaṅgikameva pañcamaṃ jhānaṃ desesīti ayaṃ desanāvilāso. Ettha ca pañcakanaye dutiyajjhānaṃ catukkanaye dutiyajjhānapakkhikaṃ katvā vibhattaṃ “yasmaṃ samaye rūpūpapattiyā maggaṃ bhāveti avitakkaṃ vicāramattaṃ samādhijaṃ pītisukhaṃ dutiyaṃ jhānaṃ upasampajja viharatī”ti<sup>3</sup>. Kasmā? Ekattakāyanānattasaññīsattāvāsaphalatāya dutiyajjhānena samānaphalattā, paṭhamajjhānasamādhito jātattā ca. Paṭhamajjhānameva hi “kāmehi akusalehi ca vivittan”ti tadabhāvā na idha “viviceva kāmehi vivicca akusalehi”ti sakkā vattum, nāpi “vivekajan”ti. Suttantadesanāsu pañcakanaye dutiyatatiyajjhānāni dutiyajjhānameva bhajanti vitakkavūpasamā vicāravūpasamā avitakkattā, avicārattā ca. Evañca katvā suttantadesanāyapi pañcakanayo labbhatevāti siddhaṃ hoti. Nanu suttante cattāriyeva jhānāni vibhattānīti pañcakanayo na labbhatīti? Na, “savitakkasavicāro samādhī”ti-ādinā<sup>4</sup> samādhittayāpadesena

1. Abhi 1. 46-7 piṭṭhesu. 2. Sannisinna (Sī) 3. Abhi 1. 47 piṭṭhe. 4. Dī 3. 184 piṭṭhe.

pañcakanayassa labbhamānattā. Catukkanayanissito pana katvā pañcakanayo vibhattoti suttantadesanāyapi pañcakanayo niddhāretabbo.

“Vitakkavicārānaṃ vūpasamā”ti hi vitakkassa, vicārassa, vitakkavicārānaṃca “vitakkavicārānaṃ”ti sakkā vattum. Tathā “avitakkaṃ, avicāraṃ”ti ca vinā, saha ca vicārena vitakkappahānena avitakkaṃ, saha, vinā ca vitakkena vicārappahānena avicāranti avitakkaṃ, avicāraṃ, avitakkaṃca avicāraṃcāti vā tividhampi sakkā saṅgahetum.

**Dutiyaṃ** ca vitakkarahite, vitakkavicāradvayarahite ca ñāyāgatā desanā dutiyaṃ adhigantabbattā, vicāramattarahitepi dvayappahānādhiगतasamānadhammattā. Evaṃca katvā pañcakanayaniddese dutiye vūpasantopi vitakko sahāyabhūtavīcārāvūpasamena na sammā vūpasantoti vitakkavicāradvayarahite viya vicāravūpasameneva tadupasaṃ, sesadhammānaṃ samānataṃca dassentena “vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ tatiyaṃ jhānaṃ upasampajja viharatī”ti tatiyaṃ catukkanaye dutiyena nibbisesaṃ vibhattaṃ. Duvidhassāpi sahāyavirahena, aññathā ca vitakkappahānena avitakkattaṃ, samādhijaṃ pītisukhattaṃca samānanti samānadhammattāpi **dutiyaṃ** niddeso. Vicāramattampi hi vitakkavicāradvayarahitaṃ viya “yasmiṃ samaye rūpūpapattiyā maggaṃ bhāveti avitakkaṃ vicāramattaṃ samādhijaṃ pītisukhaṃ dutiyaṃ jhānaṃ upasampajja viharatī”ti<sup>1</sup> avitakkaṃ samādhijaṃ pītisukhanti vibhattaṃ. Paṭhamajjhāne vā sahacārīsu vitakkavicāresu ekaṃ atikkamivā dutiyampi tatraṭṭhameva dosato disvā ubhayampi sahātikkamantassa pañcakanaye **tatiyaṃ** vuttaṃ, tatiyaṃ adhigantabbattā. Paṭhamato anantarabhāvena panassa dutiya bhāvo ca uppajjatīti. Kasmā panevaṃ sarūpato pañcakanayo na vibhattoti? Vineyyajjhāsayato. Yathānulomadesanā hi suttanta desanāti.

Pathavīkasiṇaniddesavaṇṇanā niṭṭhitā.

**Iti catutthaparicchedavaṇṇanā.**

---

1. Abhi 1. 47 piṭṭhe.

## 5. Sesakaṣiṇaniddesaṅṅaṇā

### Āpokasiṇakathāṅṅaṇā

91. Yathāvitthāritassa atthassa atidesopi vitthāraṭṭhāneyeva tiṭṭhatīti āha “**vitthārakathā hotī**”ti. **Āpokasiṇanti** āpokasiṇajjhānaṃ, āpokasiṇakammaṭṭhānaṃ vā. **Sabbaṃ vitthāretabbanti** pathavīkaṣiṇakammaṭṭhāne vuttanayena vitthāretabbaṃ. **Ettakampīti** “kate vā akate vāti sabbaṃ vitthāretabban”ti ettakampi avatvā. Sāmuddikena loṇudakena bharito jalāsayo **loṇī**. Nīlādivaṅṅasaṅkarapariharaṇatthaṃ “**suddhavatthena gahitaṇ**”ti vuttam. **Aññanti** bhūmim sampattam. **Tathārūpanti** yādisaṃ ākāsaṃ udakaṃ, tādisaṃ. Tenāha “**vippasannaṃ anāvilaṇ**”ti, yaṃ pana udakanti sambandho. “**Na vaṅṅo paccavekkhitabbo**”ti-ādīsu yaṃ vattabbaṃ, taṃ pathavīkaṣiṇakathāyaṃ vuttameva. **Lakkhaṇaṃ** pana idha paggharaṇalakkhaṇaṃ veditabbaṃ.

**Vuttanayenevāti** pathavīkaṣiṇabhāvanāyaṃ vuttanayeneva. Taraṅguṭṭhānādi, pheṇamissatādi ca idha **kaṣiṇadoso**. **Soti** yogāvacaṇo. **Tassāti** paṭibhāganimitassa.

### Tejokaṣiṇakathāṅṅaṇā

92. **Siniddhāni** sinehavantāni. **Sāradārūni** na pheggudārūni. Jālāya ciraṭṭhitatthaṃ siniddhasāradāruggahaṇaṃ. **Ghaṭikaṃ ghaṭikaṃ katvāti** khandhaso karitvā. **Ālimpetvāti** jāletvā. **Ghanajālāyāti** aviraṇavasena pavatta-aggijālāyaṃ.

**Patanasadisanti** patamānasadisam. **Akate gaṇhantassāti** vuttanayena yathā kaṣiṇamaṇḍalaṃ paññāyati, evaṃ anabhisaṅkhate kevale tejasmiṃ nimittaṃ gaṇhantassa.

### Vāyokaṣiṇakathāṅṅaṇā

93. **Vuttañhetanti** ettha **hi**-saddo hetu-attho, yasmāti attho. Tassa “**tasmā**”ti iminā sambandho. **Ucchagganti** ucchukhette yathāṭṭhitānaṃ aggaṃ.

**Eritanti** vātena calitaṃ. **Sameritanti** sabbaso calitaṃ. **Tasmāti** yasmā “vāyokasiṇaṃ -pa- upalakkhetī”ti evaṃ vuttaṃ aṭṭhakathāyaṃ, tasmā. **Samasīsattḥitanti** upari pattānaṃ vasena samasīsaṃ hutvā ṭhitaṃ. **Veḷum vā rukkhaṃ vāti** etthāpi “samasīsaṃ ṭhitaṃ ghanapattaveḷum vā ghanapattarukkhaṃ vā”ti ānetvā yojetabbaṃ. Ekaṅgulādippamaṅgesu kesesu rassabhāvato, dīghataresu olambanato, viraḷesu anuppavesato vātappahāro na paññāyatīti **caturaṅgulappamāṇa**ggahaṇaṃ, **ghana**ggahaṇaṃ kaṭaṃ. **Etasmim ṭhāne paharati**ti **satim ṭhapetvāti** ucchaggādīnaṃ pacalanākāraggahaṇamukhena tesam pahārake vātasāṅghāte satim upaṭṭhapetvā. **Tattha satim ṭhapetvāti** tasmim kāyapadesassa saṅghaṭṭanavasena pavatte vāyupiṇḍe saṅghaṭṭanākāraggahaṇamukhena satim upaṭṭhapetvā. Usumavaṭṭisadisānaṃ”ti evenā purimakasiṇassa viya imassāpi nimittassa samviggahataṃ dasseti. “Niccalan”ti iminā niccalabhāvoyeva uggahanimittato imassa visesoti paṭibhāganimittassāpi usumavaṭṭisadisatāva vibhāvitā hoti.

### Nīlakaṣiṇakathāvaṇṇanā

94. Añjanarājivaṭṭadi<sup>1</sup> **vaṇṇadhātuyā vā. Tathārūpaṃ mālāgacchanti** aviraḷavikasitanīlavaṇṇapupphasañchannaṃ pupphagacchaṃ. **Itarenāti** akatādihikārena. **Girikaṇṇikagga**hanena nīlaṃ girikaṇṇikamāha. **Karaṇḍapaṭalam** samuggapīdhānaṃ. **Pattehiyevāti** nīluppalādīnaṃ kesarapaṇḍāni apānetvā kevalehi pattehiyeva. **Pūretabbanti** nīlavaṇṇaṃ vatthaṃ gahetvā bhaṇḍikaṃ viya bandhitvā yathā nīlamaṇḍalaṃ hutvā paññāyati, tathā **caṅgoṭakaṃ vā karaṇḍapaṭalam vā pūretabbaṃ. Mukhavatṭiyaṃ vā assāti** assa caṅgoṭakassa, karaṇḍapaṭalassa vā mukhavatṭiyaṃ **bandhitabbaṃ. Maṇitālavaṇṇaṃ** indanīlamaṇimayaṃ tīlavaṇḍaṃ.

### Pītakasiṇakathāvaṇṇanā

95. Pītakasiṇe **mālāgacchanti** ikkaṭṭadimālāgacchaṃ. Haritālaṃ, manosilā vā **dhātu. Pattaṅgapupphēhīti** pattaṅganāmikā pītavaṇṇapupphā-ekā gacchajāti, tassa pupphēhi. **Āsanapūjanti** cetiyaṅgaṇe kaṭaṃ

---

1. Añjanarājapaṭṭādi (Sī)

āsanapūjaṃ. **Kaṇikārapupphādīnāti ādi-saddena ākulikiṅkirātapupphādīnaṃ saṅgaho daṭṭhabbo.**

### Lohitakasiṇakathāvaṇṇanā

96. **Lohitamaṇi** lohitaṅgamaṇi-ādi. **Lohitadhātu** gerukajātihiṅgulikādi.

### Odātakasiṇakathāvaṇṇanā

97. Odātakasiṇe **mālāgacchanti** nandiyāvattādīmālāgacchaṃ. **Dhātukakkaṭimuttasetikādi**<sup>1</sup>.

### Ālokakasiṇakathāvaṇṇanā

98. **Tathā asakkontenāti** yathā sūriyālokādivasena obhāsanimittuppādanaṃ vuttaṃ, tassa obhāsamaṅḍalassa na ciraṭṭhititāya<sup>2</sup> tathā nimittuppādanaṃ kātuṃ asakkontena. Ghaṭamukhena niggacchanaka-obhāsassa mahantabhāvato “**ghaṭamukhaṃ pidahitvā**”ti vuttaṃ. **Bhittimukhanti** bhitti-abhimukhaṃ. **Uṭṭhitamaṅḍalasadisanti** bhitti-ādīsu uṭṭhitapākatika-ālokamaṅḍalasadisanti. **Ghanavippasannaṃ ālokapuñjasadisanti** bhagavato byāmapabhā viya balalo, vippasanno ca hutvā puñjabhūto āloko atthi ce, taṃsadisoti attho.

### Paricchinnākāsakasiṇakathāvaṇṇanā

99. **Chiddasadisameva hotīti** yehi bhittipariyantādīhi paricchinnaṃ, taṃ siddhaṃ, taṃsadisanti, tenavākārena uggahanimittaṃ upaṭṭhātīti attho. “**Vaḍḍhiyamānampi na vaḍḍhati**”ti uggahanimittassa avaḍḍhanīyataṃ dassetuṃ vuttaṃ. Sabbampi hi uggahanimittaṃ vaḍḍhiyamānaṃ na vaḍḍhatiyeva. Satipi ca vaḍḍhetukāmatāyaṃ vaḍḍhanā na sambhavati bhāvanāya paridubbalattā. Bhāvanāvasena hi nimittavaḍḍhanā. Paṭibhāganimittaṃ pana tasmim uppanne bhāvanā thirāti katvā “**vaḍḍhiyamānaṃ vaḍḍhati**”ti vuttaṃ.

1. Kakkhatimuttaseti-ādi (Syā, Ka)

2. Na ciraṭṭhāyitāya (Sī, Ka)

Kiñcāpi **pāḷiyam**<sup>1</sup> “pathavīkasiṇādīni rūpajhānārammaṇāni aṭṭheva kasiṇāni sarūpato āgatāni, odātakasiṇe pana ālokakasiṇam, ākāsakasiṇe ca paricchinnākāsakasiṇam antogadham katvā desanā katā”ti adhippāyenāha “**iti kasiṇāni dasabalo, dasayāni avocā**”ti. **Pakiṇṇakakathāpi viññeyyāti** pubbe viya asādhāraṇam tasmim tasmim kasiṇe paṭinīyatameva attham aggahetvā asādhāraṇato, sādhāraṇato ca tattha tattha pakiṇṇakam viṣaṭam attham gahetvā pavattā pakiṇṇakakathāpi vijānitabbā.

### **Pakiṇṇakakathāvaṇṇanā**

100. **Ādibhāvoti** ettha **ādi**-saddena yassa kassaci pathavīpakkhiyassa vatthuno nimmānādīm saṅgaṇhāti. **Ṭhānanisajjādikappanam vāti** etthāpi “ākāse vā udake vā”ti ānetvā sambandhitabbam. **Paritta-appamāṇanayenāti** nīlādivaṇṇam anāmasitvā paritta-appamāṇanayeneva. **Evamādīnīti ādi**-saddena sarīrato udakadhārānimmānādīm saṅgaṇhāti.

**Yadeva so icchati tassa ḍahanasamatthatāti** bahūsu kappāsapicusārādāru-ādīsu ekajjham rāsibhūtesu ṭhitesu yaṃ yadeva icchati, tassa tasseva ḍahanasamatthatā. Idha **ādi**-saddena andhakāraavidhamanādīm saṅgaṇhāti.

Vāyugatiyā gamanam **vāyugatigamanam**, atisīghagamanam. Idha **ādi**-saddena yadicchitadesantaram pāpuṇanādīm saṅgaṇhāti.

**Suvaṇṇanti adhimuccanā** suvaṇṇabhāvādhiṭṭhānam seyyathāpi āyasmā pilindavaccho<sup>2</sup> tiṇaṇḍupagapāsādādīnam. **Vuttanayenāti** suvaṇṇadubbaṇṇanayena.

Vaṇṇakasiṇesu tattha tattha **ādi**-saddena nīlobhāsanimmānādīnam saṅgaho daṭṭhabbo. **Pathavīpabbatādīti ādi**-saddena samuddādīnam saṅgaho daṭṭhabbo.

1. Abhi 1. 44 piṭṭhādīsu.

2. Vi 1. 361 piṭṭhe.

**Sabbāneva** dasapi kasiṇāni. **Imaṃ pabhedam labhanti** imaṃ vaḍḍhanādivisesaṃ pāpuṇanti. **Ekoti ekacco. Sañjānāti** bhāvanāpaññāya sañjānāti. **Ādi**-saddena “āpokasiṇan”ti-ādipāliṃ saṅgaṇhāti.

**Uparigaganatalābhimukham** “pathavīkasiṇameko sañjānāti”ti pālīpadāni ānetvā sambandhitabbaṃ. Tañca kho vaḍḍhanavasena. Tenāha “**ekacco hi uddhameva kasiṇam vaḍḍheti**”ti. **Heṭṭhābhūmitalābhimukhanti**-ādīsupi eseva nayo. Pubbe vaḍḍhanakāle payojanaṃ anapekkhitvā vaḍḍhentānaṃ vasena vuttattā idāni “**tena tena vā kāraṇena evam pasāreti**”ti āha, kasiṇam vaḍḍhetīti attho. Yathā kinti āha “**ālokaṃiva dibbacakkhunā rūpadassanakāmo**”ti. Uddhañce rūpaṃ daṭṭhukāmo uddham ālokaṃ pasāreti, adho ce rūpaṃ daṭṭhukāmo adho ālokaṃ pasāreti, samantato ce rūpaṃ daṭṭhukāmo samantato ālokaṃ pasāreti, evamayam kasiṇanti attho.

**Ekassāti** pathavīkasiṇādīsu ekekassa. **Aññabhāvānupagamanatthanti** aññakasiṇabhāvānupagamanadīpanattham, na aññaṃ pathavī-ādī. Na hi udakena ṭhitatṭhāne sasambhārapathavī atthi. **Añño kasiṇasambhedoti** āpokasiṇādinā saṅkaro. **Sabbatthāti** sabbesu āpokasiṇādīsu sesakasiṇesu. Ekadese aṭṭhatvā anavasesena pharaṇappamañassa aggahaṇato pharaṇam **appamaṇam**. Teneva hi nesaṃ kasiṇasamaññā. Tathā cāha “**tañhī**”ti-ādī. Tattha **cetasā pharantoti** bhāvanācittena ālambanaṃ karonto. Bhāvanācittañhi kasiṇam parittam vā vipulam vā ekakkaṇe sakalameva manasi karoti, na ekadesanti.

101. **Ānantariyakammaṅginoti** pañcasu ānantariyakammesu yena kenaci samannāgatā. **Niyatamicchādiṭṭhikāti** ahētukadiṭṭhi akiriyaḍṭhi natthi-akadiṭṭhīti tīsu micchādiṭṭhīsu yāya kāyaci niyatāya micchādiṭṭhiyā samannāgatā. **Ubhatobyañjanakaṇḍakāti** ubhatobyañjanakā, paṇḍakā ca. Kāmañcete ahētukaṭṭhisandhikattā vipākāvaraṇena samannāgatā honti, tathāpi tibbakilesattā kilesāvaraṇena samannāgatā vuttā. **Ahetukadvihetukaṭṭhisandhikāti** ahētukaṭṭhisandhikā, dvihetukaṭṭhisandhikā ca. Duhetukaṭṭhisandhikānampi hi ariyamaggapaṭivedho,

jhānapaṭilābho ca natthi, tasmā tepi vipākāvaraṇena samannāgatā eva.

**Appaccanīkapaṭipadāyanti** maggassa anulomapaṭipadāyaṃ saccānulomikāyaṃ vipassanāyaṃ. **Acchandikāti** “kattukamyatāchandarāhitā”ti **sammohavinodaniyaṃ** vuttaṃ, tampi nibbānādhigamatthameva kattukamyatāchandaṃ sandhāya vuttanti daṭṭhabbaṃ. Uttarakurukāpi manussā mārādayo viya acchandikaṭṭhānaṃ pavitṭhā nibbutichandarāhitattā. **Duppaññāti** bhavaṅgapaññāya parihīnā. “Bhavaṅgapaññāya paripuṇṇāyapi yassa bhavaṅgaṃ lokuttarassa pādakaṃ na hoti, sopi duppaññoyevā”ti **sammohavinodaniyaṃ** vuttaṃ. Yasmiṃ hi bhavaṅge vattamāne taṃsantatiyaṃ lokuttaraṃ nibbattati, taṃ tassa pādakaṃ nāma hoti.

**Kusalesu dhammesūti** anavajjadhammesu, sukhavipākadhammesu vā. **Okkamitunti** adhigantaṃ. **Kasiṇeyevāti** kasiṇakammaṭṭhāneyeva. **Etesanti** kammāvaraṇasamannāgatādīnaṃ. **Tasmāti** yasmā ete vipākantarāyādayo evaṃ atthajānikarā, anattahetubhūtā ca, tasmā. Tiṇṇameva cettha antarāyānaṃ gahaṇaṃ itarassa sappāṭikārattā, kammantarāyapakkhikattā vāti daṭṭhabbaṃ. **Sappurisūpanissayādīhīti** ādi-saddena tajjaṃ yonisomanasikārādīṃ saṅgaṇhāti. **Saddhanti** kammaphalasaddhaṃ, ratanattayasaddhaṃ. **Chandanti** bhāvanānuyoge tikkakattukamyatāsaṅkhātāṃ kusalacchandaṃ. **Paññanti** pārihāriyapaññāṃ. **Vaḍḍhetvāti** yathā bhāvanā ijjhati, tathā paribrūhetvā. Yaṃ panettha atthato na vibhattaṃ, taṃ suviññeyyattā, heṭṭhā vuttanayattā ca na vibhattaṃ.

Sesakasiṇaniddesavaṇṇanā niṭṭhitā.

**Iti pañcamaparicchedavaṇṇanā.**



## 6. Asubhakammaṭṭhānaniddesavaṇṇanā

### Uddhumātakādipadatthavaṇṇanā

102. “**Aviññāṇakāsubhesū**”ti idaṃ uddhumātakādīnaṃ sabhāvadassanavasena vuttaṃ. Tasmā bhūtakathamanaṃ mattaṃ daṭṭhabbāṃ, na saviññāṇaka-asubbassa akammaṭṭhānabhāvato. Tathā hi vakkhati “na kevalaṃ matasarīraṃ”ti-ādi<sup>1</sup>. **Uddham jīvitapariyādānā**ti jīvitakkhayato upari maraṇato paraṃ. **Samuggatenā**ti uṭṭhitena. **Uddhumātattā**ti uddham uddham dhumātattā sūnattā. **Uddhumātameva uddhumātakanti ka-kārena** padavaḍḍhanamāha anantantarato yathā “pītakam lohitakan”ti. **Paṭikkūlattā**ti jigucchaniyattā. **Kucchitaṃ uddhumātaṃ uddhumātakanti** kucchanatthe vā ayaṃ **ka-kāro**ti dassetuṃ vuttaṃ yathā “pāpako kittisaddo abbhuggacchatī”ti<sup>2</sup>. **Tathārūpassā**ti “bhastā<sup>3</sup> viya vāyunā”ti-ādinā yathārūpaṃ vuttaṃ, tathārūpassa.

Setaratthehi paribhinnaṃ vimissitaṃ nīlaṃ **vinīlaṃ**, purimavaṇṇavipariṇāmaḥ bhūtaṃ vā nīlaṃ **vinīlaṃ**.

**Paribhinnaṭṭhānesu** kākakaṅkādihi. **Vissandamānapubbanti** vissavantapubbaṃ, tahaṃ tahaṃ paggharantapubbanti attho.

**Apadhāritanti** vivaṭaṃ ugghāṭitaṃ. **Khittanti** chaḍḍitaṃ, soṇasiṅgālādīhi visuṃ katvā khādanena sarīrasaṅghātato luñcivā tahaṃ tahaṃ chaḍḍitaṃ. Vividhaṃ khittanti **vikkhittaṃ**.

**Purimanayenā**ti “vividhaṃ khittan”ti-ādinā pubbe vuttanayena. **Satthena hanitvā**ti verīhi khaggakaravālādīnā satthena paharivā. **Vuttanayenā**ti “aññena hatthan”ti-ādinā pubbe vuttanayena.

Abbhantarato nikkhamantehi kimīhi paggharantakimikulaṃ puḷavakanti āha “**kimiparipuṇṇassā**”ti.

1. Visuddhi 1. 188 piṭṭhe.

2. Vi 3. 322; Vi 5. 235; Dī 2. 73; Am 2. 221 piṭṭhesu.

3. Bhastrā (Sī)

**Uddhumātakādīni** āmakasusānādīsu chaḍḍitāsubhāni. **Nissāyāti** paṭicca tānipi ārabba. **Nimittānanti** uggahapaṭibhāganimittānaṃ. **Etāneva** uddhumātakādīneva **nāmāni**.

### Uddhumātakakammaṭṭhānavāṇṇā

103. **Bhāvetukāmenāti** uppādetukāmena. **Tenāti** ācariyena. **Assāti** yogino. **Asubhanimittatthāyāti** asubhanimittassa uggaṇhanatthāya, asubhe vā uggahanimittassa atthāya. **Gamanavidhānanti** gamanavidhi. Yena vidhinā gantabbaṃ, so vidhi. Uggahanimittassa uppannakālato paṭṭhāya pathavīkaṣiṇe vuttaṃ paṭipajjanavidhiṃ sandhāyāha “**appanāvidhānapariyosānaṃ**”ti.

104. **Tāvadevāti** sutakkhaṇeyeva. **Atitthena** puṇṇanadī-ādīṃ **pakkhandantena viya** anupavisantena viya. **Kedāraakoṭiyāti** kedāramariyādāya. **Visabhāgarūpanti** khettarakkhikādivisabhāgavatthurūpaṃ. **Sarīranti** uddhumātakakaḷevaraṃ. **Adhunāmatanti** aciramataṃ uddhumātakabhāvaṃ appattaṃ. **Takkayatīti** sambhāveti bhāriyaṃ katvā na maññati.

105. **Rūpasaddādīti** ettha amanussānaṃ rūpehi, sīhabyagghādīnaṃ saddādīhi, amanussānampi vā rūpasaddādīhi. Tathā **sīhabyagghādīnanti** yathārahaṃ yojetabbaṃ. **Aniṭṭhārammaṇābhībhūtassāti** bheravādibhāvena aniṭṭhehi ārammaṇehi abhibhūtassa ajjhotthaṭassa. **Na paṭisaṅṭhātīti** vidāhavasena āsaye na tiṭṭhati, ucchaḍḍetabbaṃ hotīti attho. **Aññoti** amanussādīnaṃ vasena vā aññathā vā vuttappakārato añño ābādho hoti. **Soti** saṃghatthero, abhiññātabhikkhu vā. Yassānena ārocitaṃ, so. **Katakammāti** katatheyyakammā. **Akatakammāti** theyyakammaṃ kātukāmā. Katakammā pana idhāhhippetā. Tasmā **teti** katakammā corā. Saha oḍḍhenāti **sahoḍḍhaṃ**, thenetvā gahiyamānabhaṇḍena saddhinti attho. **Yajamānoti** yaññaṃ yajanto yaññasāmiko. “Addhā imāya paṭipattiyā jarāmaraṇato muccissāmi”ti **pītisomanassaṃ uppādetvā**.

Evam gamanavidhānam ekadesena vatvā idāni aṭṭhakathāsu āgatanayena tam dassetuṃ “**aṭṭhakathāsu vuttena vidhinā**”ti-ādimāha. Tattha **uggaṇhantoti** uggaṇhanahetu. **Ekoti** ayam **eka**-saddo asahāyattho, na aññādi-atthoti “**adutiyo**”ti vuttaṃ. Yathā vaṇṇādito vavatthānam ekamāsato samuditameva icchitabbaṃ sabbatthakabhāvato, na tathā sandhi-āditoti dassanattam “**vaṇṇatopi**”ti-ādinā chasu ṭhānesu sampiṇḍanattho **pi**-saddo gahito. **Puna eko adutiyoti**-ādi gahitanimittassa yogino nivattitvā vasaṇṇatthānagamanam sandhāya vuttaṃ. **Tabbhāgiyaññevāti** tappakkhiyamyeva asubhanimittamanasikārasahitameva. **Āsanam paññāpetīti** nisajjam kappeti. Yam pana “asubhanimittadisābhimukhe bhūmippadese”<sup>1</sup>ti vakkhati, tampi imamevattham sandhāya vuttaṃ. Na hi kevalena disābhimukhabhāvena kiñci ijjhāti.

**Samantā nimittupalakkhaṇāti** uddhumātakassa samantā pāsāṇādinimittasallakkhaṇā. **Asammohatthāti** uggahanimitte upaṭṭhite uppajjanakasammohavigamatthā. **Ekādasavidhenāti** vaṇṇādivasena ekādasavidhena. **Upanibandhanatthoti** asubhārammaṇe cittaṃ upanetvā nibandhanattho. **Vithisampaṭipādanatthāti** kammaṭṭhānavīthiyā sammadeva paṭipādanatthā. Puññakiriyavatthu adhigatam hotīti sambandho.

106. **Tasmāti** yasmā asubhanimittassa uggaṇhanam ariyamaggapadaṭṭhānassa paṭhamajjhānassa adhigamupāyo, yasmā vā “asubhanimittam uggaṇhanto eko adutiyo gacchatī”ti vuttaṃ, tasmā. **Cittasaññatthāyāti** sarīrasabhāvasallakkhaṇena, samvegajananena ca attano cittassa saññatti-attham saññāpanattham. “Cittasaññatthāyā”ti vā pāṭho, kilesavasena samyatatassa cittassa samyamanattham damanattham, na kammaṭṭhānatthanti attho. **Kammaṭṭhānasisenāti** kammaṭṭhānena sīsabhūtena, tam uttamaṅgam padhānam kāraṇam katvā. **Mūlakammaṭṭhānanti** pakatiyā attanā kālena kālam parihariyamānam buddhānussati-ādisabbatthakakammaṭṭhānam. “Kammaṭṭhānasisena gacchāmi”ti tam **avissajjetvā**. Tenāha “**tam manasikarontenevā**”ti. **Sūpaṭṭhitabhāvasampādanenāti** mūlakammaṭṭhāne suṭṭhu upaṭṭhitabhāvassa sampādanena.

---

1. Visuddhi 1. 181 piṭṭhe.

Evam hi sati asammuṭṭhā nāma hoti. Bahiddhā puthuttārammaṇe appavattitvā kammaṭṭhāneyeva pavattamānaṃ mānasaṃ **abahigataṃ** nāma. Tathābhūtena cānena rūpindriyāni appavattakiccāni katāni hontīti āha “**manacchaṭṭhānaṃ -pa- gantabban**”ti.

**Dvāraṃ sallakkhetabbanti** vihāre puratthimādīsu disāsu asukadisāya idaṃ dvāraṃ, tato eva tāya disāya sallakkhitena asukadvārena nikkhantomhīti dvāraṃ upadhāretabbaṃ. **Tatoti** dvārasallakkhaṇato pacchā. **Yena maggena gacchati** sayam. **Nimittaṭṭhānanti** asubhanimittassa gaṇhanaṭṭhānaṃ. **Āhāraṃ chaddāpeyyāti** vamaṇaṃ kāraṇeyya. **Kaṇḍakaṭṭhānanti** kaṇḍakavantaṃ ṭhānaṃ.

107. **Disā vavathhapetabbāti** saṅkhepato vuttamatthaṃ vivarituṃ “**ekasmim hi**”ti-ādi vuttaṃ. **Khāyatīti** upaṭṭhāti. **Kammaniyaṃ** bhāvanāya kammakkhamaṃ. **Ubbāḷhassāti** bādhitassa. **Vidhāvati**ti nānārammaṇe visarati. **Ukkammāti** ujukaṃ anuvātato apakkamma. Matakaḷevaram puthujjanassa yebhuyyena bhayato upaṭṭhātīti āha “**accāsanne bhayamuppajjati**”ti. **Anupādanti** pādasamīpaṃ, yattha ṭhitassa sukhena oloketuṃ sakkā, taṃ **olokentassa phāsukaṭṭhānaṃ**.

108. **Samantāti** samantato. Puna **samantāti** sāmantaṃ samīpe. **Kacchakoti** kāḷakacchako, “pilakkho”<sup>1</sup>tipi vadanti. **Kapītanoti** pippalitukkho. **Sindīti** khuddakakhajjurī. **Karamandādayo** pākaṭā eva. **Sāmāti** sāmalaṭā. **Kāḷavallīti** kāḷavaṇṇā apattikā ekā laṭajāti. **Pūtilatāti** jīvanavalli, yā “galocī”ti vuccati.

109. **Tam** nimittakaraṇādi **idheva** yathāvutte pāsāṇādinimittakaraṇe eva **antogadham** pariyāpannaṃ. **Sanimittam karotīti** saha nimittam karoti asubham pāsāṇādinimittena saha karoti vavathhapeti. Atha vā asubhanimittam pāsāṇādinimittañca saha ekajjham karonto vavathhapento “**sanimittamkarotī**”ti vutto. Samānakālatādīpakena hi saha-saddena ayaṃ samāso yathā “sacakkaṃ dehī”ti. Tayidaṃ nimittakaraṇam aparāparam

---

1. Milakkhu (Syā, Ka)

sallakkhaṇena hoti, na ekavāramevāti āha “**punappunam vavatthapento hi sanimittam karoti**”ti. Dveti pāsāṇasubhanimittāni. **Samāsetvā** saṅgahetvā ekajjham katvā. **Sārammaṇanti** asubhārammaṇena saddhim pāsāṇādim samānārammaṇam karoti, saha vā ārammaṇam karoti, ekārammaṇam viya ubhayaṁ ārammaṇam karoti, ekajjham viya ca aparāparam sallakkhento pāsāṇādim, asubhanimittañcāti dvayaṁ ārammaṇam karotīti atto.

**Attaniyoti sako. Vaṇṭanti sūnam. Sabhāvena sarasenāti** uddhumātakabhāvasaṅkhātena attano lakkhaṇāne, paresam jigucchuppādanasaṅkhātena attano kiccena ca, sabhāvo eva vā tathā nipphajjanato “raso”ti vutto.

110. **Chabbidhena nimittam gahetabbanti** vaṇṇādinā chappakārena tāva uddhumāta-*asubhanimittam gahetabbam*. Keci “kaḷavarassa dīgharassādippamāṇena saddhim sattavidhenā”ti vadanti, tam aṭṭhakathāyam natthi. **Liṅgatoti** ettha **liṅgam** nāma vayo liṅgam, na thanamassu-ādi itthipurisaliṅganti dassentena “**itthiliṅgam vā**”ti-ādi vuttam. **Ṭhitassa** sattassa **idam sarīranti** sambandho. **Uddhumātakasaṅṭhānavaseneva**, na pākatikasaṅṭhānavasena. Etena yadi tattha koci anuddhumātakabhāvappatto padeso siyā, so na gahetabboti dasseti. Oḷārikāvayavavasena idam saṅṭhānavavatthānam, na sukhumāvayavavasenāti sīsasaṅṭhānādikam navavidhameva saṅṭhānam gahitam.

**Imissā disāyāti** imissā puratthimāya, dakkhiṇapacchima-uttarāya disāya, anudisāya vā ṭhitoti yojanā. **Imasmim nāma okāse hatthāti** imasmim nāma bhūmippadese imassa kaḷavarassa hatthā ṭhitāti vavatthapetabbanti yojanā.

**Adho pādatalenāti**-ādi nābhiyā heṭṭhā adho, tato uddham uparīti imassa vavatthānassa vasena vuttam. **Hatthaparicchedo** heṭṭhā aṅguli-aggena upari amsakūṭasandhinā tiriyaṁ tacapariyantena gahetabbo. Esa nayo **pādaparicchedādīsupi. Yattakam vā pana ṭhānam gaṇhatīti** sace sabbam sarīram paricchinditvā gahetum na sakkoti, padeso tassa uddhumāto,

so yattakaṃ sarīrapadesaṃ uddhumātakavasena ñāṇena pariggaṇhāti, **tattakameva** yathāpariggahitameva. **Idaṃ īdisanti** idaṃ hatthādikaṃ īdisaṃ evamākāraṃ. **Uddhumātakanti** yathāsabhāvato **paricchinditabbaṃ**. **Visabhāge sarīre ārammaṇanti** kammaṭṭhānaṃ paṭikkūlakāro **na upaṭṭhāti** na khāyati, subhato upaṭṭhaheyya. Tenāha “**vipphandanasseva paccayo hotī**”ti, kilesapariṭṭhanasseva nimittaṃ hotīti attho. **Ugghāṭitāpīti** uddhumātabhāvappattāpi, sabbaso kuthitasarīrāpīti vā attho. Svāyamattho **paṭhamapārājike**<sup>1</sup> vinītavatthūthi dīpetabbo.

111. **Āsevitakammaṭṭhānoti** asubhakammaṭṭhāne kataparicayo. Soṣānikaṅgādīnaṃ vasena **parihatadhutaṅgo**. Catudhātuvavatthānavasena **parimadditamahābhūto**. Salakkhaṇato ñāṇena **pariggahitasāṅkhāro**. Paccayapariggahavasena **vavatthāpitanāmarūpo**. Salakkhaṇārammaṇikavipassanāya ukkaṃsanena suññatānupassanābalena **ugghāṭitasattasañño**. Vipassanāya paṭipadāñāṇadassanavisuddhisampapanena **katasamaṇadhammo**. Tato eva sabbaso kuslavāsanāya, kusalabhāvanāya ca pūraṇena **vāsitavāsano bhāvitabhāvano**. Vivaṭṭūpanissayakusalābījēna **sabījo**. Ñāṇassa paripakka bhāvena **ñāṇuttaro**. Yathāvuttāya paṭipattiyā kilesānaṃ tanukaraṇena **appakilesa**. **Olokitolokitaṭṭhāneyevāti** uddhumātakādi-asubhassa yattha yattha olokitolokitaṭṭhāne eva, tādisassa kālaviseso, asubhassa padesaviseso vā apekkhitabbo natthīti attho. **No ce evaṃ upaṭṭhātīti** evaṃ yathāvuttapurisavisesassa viya paṭibhāganimittaṃ no ce upaṭṭhāti. **Evaṃ chabbidhenāti** evaṃ vuttākārena vaṇṇādivasena chabbidhena. **Punapīti pi-saddo** sampiṇḍanattho. Tena nimittaggaṇavidhiṃ sampiṇḍeti, na pañcavidhataṃ. Chabbidhena hi pubbe nimittaggaṇaṃ vihitam.

112. **Asītisatasandhitoti** sabbepi sandhaya tadāpi atthevāti dassanattham vatvā uddhumātabhāvena yebhuyyena na paññāyanti. Ye pana paññāyanti, te vavatthapetabbāti dassetuṃ “**uddhumātake panā**”ti-ādi vuttaṃ. Tattha **tayo dakkhiṇahatthasandhīti** aṃsakapparamaṇibandānaṃ

---

1. Vi 1. 42 piṭṭhādīsu.

vasena tayo dakkhiṇahatthasandhayo. Tathā vāmahatthasandhayo. Kaṭijaṇṇugopphakānaṃ vasena tayo dakkhiṇapādasandhayo. Tathā vāmapādasandhayo. **Eko kaṭisandhī**ti kaṭiyā saddhim piṭṭhikaṇṭakasandhim sandhāya vadati. **Hatthantaranti** dakkhiṇahatthadakkhiṇapassānaṃ, vāpahatthavāmapassānaṃ antaraṃ vivaraṃ. **Pādantaranti** ubhinnaṃ pādānaṃ vemajjhaṃ. **Udarantaranti** nābhiṭṭhānāsāññitaṃ kucchivemajjhaṃ, udarassa vā abbhantaraṃ. **Kaṇṇantaranti** kaṇṇachiddaṃ. **Iti**-saddo ādi-attho, tena nāsacchiddādīnampi saṅgaho daṭṭhabbo. Akkhīnaṃ, mukhassa ca vasenāpi vivaraṃ labbhatevāti dassetuṃ “**akkhīnampi**”ti-ādi vuttaṃ. **Samantatoti** evaṃ sandhi-ādito uddhumātaṃ vavatthapentassa ce nimittaṃ upaṭṭhāti, iccetaṃ kusalaṃ. No ce, samantato vavatthapetabbanti vavatthāpanavidhim dassetuṃ “**sakalasarīre**”ti-ādi vuttaṃ. Tattha **ñāṇaṃ cāretvāti** sabbatthakameva sarīraṃ āvajjtvā tattha paṭikkūlākārasahitaṃ uddhumātakabhāvaṃ ārabha nirantaraṃ bhāvanāññaṃ pavattetvā. **Yaṃ ṭhānanti** evaṃ pana ññaṃ cārentassa tasmim sarīre yo padeso vibhūto hutvā uddhumātakākārena vibhūtabhāvena upaṭṭhāti. **Udarapariyosānaṃ** uparimasarīraṃ.

### Vinicchayakathāvaṇṇanā

113. **Vinicchayakathā**ti vinicchayasahitā atthavaṇṇanā<sup>1</sup>.

**Yathāvuttanimittaggāhavasena**ti vaṇṇādito, sandhi-ādito ca vuttappakāra-uddhumātakanimittaggahaṇavasena. **Suṭṭhu nimittaṃ gaṇhitabbanti** yathā uggahanimittaṃ upaṭṭhahati, evaṃ sammadeva asubhanimittaṃ gaṇhetabbaṃ. Idāni tameva nimittassa suṭṭhu gahaṇākārā upadisanto “**satiṃ sūpaṭṭhitaṃ katvā**”ti-ādimāha. Tattha **evaṃ punappunaṃ karontenāti** yathā “imāya paṭipadāya jarāmaṇato muccissāmi”ti sañjātādarena satisampajaññaṃ ca suṭṭhu upaṭṭhapetvā uddhumātaka-asubhaṃ paṭhamaṃ āvajjitaṃ, evaṃ punappunaṃ tattha āvajjanaṃ karontena. **Sādhukaṃ upadhāretabbañceva vavatthapetabbañcāti** sakkaccaṃ satiyā sallakkhetabbañceva paññāya nicchetabbañca. Sati hi “dhāraṇā”ti niddiṭṭhā, **dhāraṇā**ñcetha sallakkhaṇaṃ. Paññā “pavicayo”ti<sup>2</sup> niddiṭṭhā, **pavicayo** cetha nicchayoti. Atha vā **upadhāretabbanti** satipubbaṅgamāya paññāya

1. Atthakathā attavaṇṇanā (Sī, Ka)

2. Abhi 1. 19 piṭṭhe.

upalakkhetabbaṃ. Na hi kadāci satirahitā paññā atthi. **Vavatthapetabbanti** paññāpubbaṅgamāya satiyā nicchinitabbaṃ. Paññāsahitā eva hi sati idhādhippetā, na tabbirahitā. Addhakkhi-apaṅgādivasenāpi olokanam atthīti “**ummīletvā oloketvā**”ti vuttaṃ. Tena paribyattameva olokanam dasseti. **Evam punappunam karontassā**ti vuttappakārena cakkhum ummīletvā olokanam, nimmīletvā āvajjanañca aparāparam anekavāram karontassa. **Uggahanimittanti** uddhumātake uggaṇhananimittam. **Sugahitanti** suṭṭhu gahitam. Yathā na vinassati na pamuṭṭham hoti, evam gahitam. **Ekasadisanti** samānasadisam. Samānattho hi ayam **eka**-saddo, yathā “ariyavinayeti vā, sappurisavinayeti vā, esese eke ekaṭṭhe same samabhāge tajjāte taññevā”ti.

**Āgamanakā**leti vihārato susānam uddissa āgamanakāle.

**Vuttanayenevā**ti atidesavasena dīpitampi attham “ekakenā”ti-ādinā sarūpato dasseti. Tattha **tadeva kammaṭṭhānanti** uddhumātakakammaṭṭhānam, mūlakammaṭṭhānanti eke, tadayuttam. Upaṭṭhitanimittam hi kammaṭṭhānam vissajetvā kammaṭṭhānantaramanasikāro rañño rajjam chaḍḍetvā videsagamanam viyāti. **Āgatenā**ti attano vasanaṭṭhānam āgatena.

114. **Avelāyanti** sañjhāvelādi-ayuttavelāyam. **Bībhacchanti** virūpaṃ. **Bheravārammaṇanti** vetālasadisam bhayānakam visayam. **Vikkhittacittoti** bhīrukapuriso viya pisācādim disvā cittavikkhepaṃ patto. **Ummattako viyāti** yakkhumattako viya ekacco hoti. **Jhānavibbhantakoti** jhānato viccutako sīlavibbhantakamantavibbhantakā viya. **Santhambhetvā**ti uppannaparittāsavūpasamanena vigatakampatāya<sup>1</sup> niccalo hutvā. **Satim sūpaṭṭhitanti**-ādi santhambhanassa upāyadassanam. **Matasarīram uṭṭhahitvā anu bandhanakam** nāma natthi asati tādise mantappayoge. Sopi uddhumātakādibhāvamappatte avinaṭṭharūpe ijjhati, tathā devatādhihgaho, na evarūpeti adhippāyo. **Saññajoti** bhāvanāparikappasaññāya<sup>2</sup> jāto. Tato eva **saññosambhavo** saññāmatasamuṭṭhāno. **Tāsam vinodetvā**ti nimittupaṭṭhānanimittam uppannacittasantāsam vuttappakārena vinodetvā

1. Vigatagatakampatāya (Syā, Ka)

2. Bhāvanāparikammasaññāya (Syā, Ka)



vūpasamētvā. “Idāni tava pariṣṣamo sapphalo jāto”ti **hāsaṃ** pītiṃ pamodanaṃ **uppādetvā**. **Cittaṃ sañcarāpetabbanti** bhāvanācittaṃ pavattetabbaṃ manasikātabbaṃ.

**Nimittaggāhanti** nimittassa uggaṇhanaṃ, uggahanimittaṃ.

**Sampādentoti** sādiento nipphādentoti. **Kammaṭṭhānaṃ upanibandhatī** bhāvanaṃ yathāvutte nimitte upanento nibandhati. Yogakammaṃ hi yogino sukhavisesānaṃ kāraṇabhāvato “kammaṭṭhānaṃ”ti adhippetāṃ yogakammaṃ vā pavattiṭṭhānatāya yathā upaṭṭhitanimittaṃ kammaṭṭhānaṃ, taṃ bhāvanācittē upanibandhati. Taṃ paṇassa upanibandhanaṃ sandhāya cittaṃ sañcarāpetabbaṃ. Evaṃ “visesamadhigacchati”ti vuttanti dassento “**tassa hi**”ti-ādimāha. Tattha **tassāti** yogino, tassa vā uddhumātakāsubhassa. **Mānasaṃ cārentassāti** bhāvanācittaṃ aparāparaṃ pavattentassa, uggahanimittaṃ punappunaṃ manasi karontassāti attho.

115. “**Vīthisampañipādanatthā**”ti padassa “kammaṭṭhānavīthiyā sampañipādanatthā”ti atthaṃ vatvā taṃ pana kammaṭṭhānavīthim, tassā ca sampañipādanavidhim vitthārato dassetuṃ “**sace hi**”ti-ādi vuttaṃ. Tattha **katimīti** pakkhassa katamī, kim dutiyā, tatiyādīsu vā aññatarāti attho. **Tuṇhībhūtena gantuṃ na vaṭṭati** pucchantānaṃ cittassa aññathattapariharaṇatthaṃ. Appasannānañhi pasādāya, pasannānañca bhīyobhāvāya sāsanasampañipatti. **Nassatīti** na dissati, na upaṭṭhātīti attho. “**Āgantukapaṭṭisanthāro kātabbo**”ti iminā āgantukavattaṃ ekadesena dassitanti “avasesānipī”ti vatvā āgantukavattaṃ paripuṇṇaṃ gahetuṃ puna **āgantukaggahaṇaṃ** kataṃ. **Gamikavattādīnīti ādi**-saddena āvāsika-anumodanapiṇḍacārika-anumodana piṇḍacārika āraññika senāsana vaccaḷivattādīnaṃ saṅgaho daṭṭhabbo. **Vattakkhandhake**<sup>1</sup> hi āgatāni mahāvattāni idha “**khandhakavattāni**”ti vuttāni. Tajjanīyakammakatādīkāle, pana pārvāsīkādi kāle ca caritabbāni imassa bhikkhuno asambhavato idha nādhippetāni. **Nimittaṃ vā antaradhāyatīti** susāne ṭhitāṃ asubhanimittaṃ uddhumātakabhāvāpagamena antaradhāyati. Tenāha “**uddhumātakan**”ti-ādi. **Tasmāti**

1. Vi 4. 373 piṭṭhe.

tena kāraṇena, imassa kammaṭṭhānassa dullabhattāti attho. Nisīditvā paccavekkhitabboti sambandho.

Nimittam gahetum gamane viya nimittam gahetvā nivattanepi yathāsllakkhitadisādipaccavekkhaṇam yāva nimittavināsā pavattitakiriyāya avicchedena upadhāraṇattham. Sati hi tassa nirantarūpadhāraṇe vihāram pavisitvā nisinnakāle kammaṭṭhānassa upaṭṭhitākāro samathanimittassa gahaṇe cittassa samāhitākāro viya pākaṭo hutvā upaṭṭitheyāti. Tenāha “**tassevam -pa- vīthim paṭipajjati**”ti. Purimākāreṇa nimittassa pākaṭabhāvena upaṭṭhitattā purimākāreṇeva kammaṭṭhānamanasikāro bhāvanāvīthim paṭipajjati.

116. Uddhumātakaṃ nāma ativiya suciduggandhajegucchapaṭikkūlam bībhaccham, bhayānakaṇca, evarūpe ārammaṇe bhāvanamanuyuñjantassa evam ābaddha parikamassa thirībhūtasseva yogino adhippāyo samijjhatīti dassetum “**ānisaṃsadassāvī**”ti-ādi vuttam. **Evanti** evameva vuttapakāreṇeva ānisaṃsadassāvinā. **Tam rakkheyāti** “addhā iminā sukham jīviṣāmi”ti attano jīvitam viya tam maṇiratanam rakkheyā. **Catudhātukammaṭṭhānikoti**-ādi nesam kammaṭṭhānānam sulabhatādassanam. Tattha **catudhātukammaṭṭhānikoti** catudhātukammaṭṭhānam vā tattha vā niyutto, catudhātukammaṭṭhānam vā pariharanto. **Itarānīti** vuttāvasiṭṭhāni anussatibrahmavihārādīni. **Tam nimittanti** tam yathāladdham uggahanimittam. “**Rakkhitabban**”ti vatvā rakkhaṇavidhim puna dassetum “**rattiṭṭhāne**”ti-ādi vuttam.

117. Nānā kariyati etenāti **nānākaraṇam**, bhedo. **Bībhaccham bheravadassanam hutvā upaṭṭhāti** manasikārassa anulāratāya, anupasantatāya ca ārammaṇassa. Tabbipariyāyato “paṭibhāganimittam thūlaṅgapaccaṅgapuriso viya upaṭṭhāti”ti ānetvā sambandhitabban. **Bahiddhāti** gocarajjhata bahiddhā. **Kāmānam amanasikārāti** asubhabhāvanānubhāvena kāmasaññāya dūrasamussāritattā kāmaguṇe ārabha manasikārasseva abhāvā. **Amanasikārāti** vā manasikārapaṭipakkhahetu. Yāya hi kāmasaññāya vasena sattā kāme manasi karonti, tassā paṭipakkhabhūtā asubhasaññā kāmānam amanasikāro, tannimittanti attho.

Tenāha “**vikkhambhanavasena kāmacchando pahīyati**”ti.

Paṭibhāganimitṭārammaṇāya hi asubhasaññāya saddhim balappatto samādhi uppajjamanova kāmacchandaṃ vikkhambheti, anurodhamūlako āghāto mūlakāraṇe vikkhambhite vikkhambhitoyeva hotīti āha “**anunaya -pa-pahīyati**”ti. Na hi kadāci pahīnānunayassa byāpādo sambhavati. Yathāvutta-asubhasaññāsahagatā hi pīti sātisayā pavattamānāva byāpādaṃ vikkhambhentī pavattati. **Tathā āraddhavīriyatāyāti** yathā upacārajjhānaṃ uppajjati, tathā kammaṭṭhānāmanasikāravasena paggaḥitavīriyatāya. Vīriyañhi paggaṇhantassa sammāsaṅkappo micchāsaṅkappaṃ viya savipphāratāya **thinamidham** vikkhambhentameva uppajjati.

Vipphaṭṭisāro pacchānutāpo, tappaṭipakkhato **avipphaṭṭisāro** darathapariḷāhābhāvena cittassa nibbutatā. Tassa avipphaṭṭisārassa paccayabhūtaṃ sīlaṃ, taṃsahagatā tadupanissayo ca pītipassaddhisukhādayo sabhāvato, hetuto ca<sup>1</sup> santasabhāvā, tesāṃ anyuñjanena avūpasantasabhāvāṃ uddhaccakukkuccaṃ pahīyatīti āha “**avipphaṭṭisāra karasantadhammānuyogavasena uddhaccakukkuccaṃ pahīyati**”ti. Bhāvanāya hi pubbenāparaṃ viśesaṃ āvahantiyā yaṃ sātisayaṃ sukhaṃ labbhati, taṃ anupasantasabhāvāṃ uddhaccakukkuccaṃ vikkhambhentameva uppajjati. **Adhigatavisesassāti** yathādhigatassa bhāvanāvisesassa. **Paccakkhatāyāti** paṭipajjantassa yogino paccakkhabhāvato “sammāsambuddho vata so bhagavā, yo evarūpim sammāpaṭipattim deseti”ti **paṭipattidesake satthari**. **Paṭipattiyanti** paṭipajjamānājjhānapaṭipattiyāṃ. **Paṭipattiphaleti** tāya sādhetabbe lokiyalokuttaraphale. **Vicikicchā pahīyati** dhammanvayavicārāhitabalena vicārabalena. **Iti pañca nīvaraṇāni pahīyantīti** evaṃ paṭibhāganimitṭapaṭilābhasamakārameva heṭṭhā pavattabhāvanānubhāvanipphannehi samādhi-ādīhi kāmacchandādīni pañca nīvaraṇāni vikkhambhanavasena pahīyanti. Na hi paṭipakkhena vinā pahātabba pahānaṃ sambhavati, paṭipakkhā ca samādhi-ādayo kāmacchandādīnaṃ. Yathāha **peṭake** “samādhi kāmacchandassa paṭipakkho”ti-ādi.

---

1. Hetuto tāva (Syā, Ka)

Teneva ca “imehi tesam nīvaraṇānaṃ pahānaṃ”ti pahānaparidīpanamukhena jhānaṅgāni sarūpato dassetuṃ “**tasmiññeva cā**”ti-ādi vuttaṃ. Tattha **tasmiññeva cāti** yaṃ taṃ yathā-upaṭṭhitaṃ uggahanimittaṃ bhinditvā viya upaṭṭhitaṃ, tassa paticchannabhūtaṃ paṭibhāganimittaṃ, tasmiññeva nimitte. **Cetasoti** attanā sampayuttacittassa. **Abhiniropanalakkhaṇāti** āropanalakkhaṇo, appanāsabhāvoti attho. Nimittānumajjanaṃ paṭibhāganimitte anuvicāraṇaṃ. Ārammaṇe hi bhamarassa padumassūpari anuparibbhamanaṃ viya vicārasa anuvicāraṇākāreṇa pavatti **anumajjanakiccaṃ**. Viseso eva adhigantabbato visesādhigamo, paṭiladdho ca so visesādhigamo cāti paṭi -pa- gamo, tappaccayā taṃhetukā **paṭiladdhavisesādhigamapaccayā pīti**. **Pītimanassa** pītisahitacittassa. **Passaddhisambhavatoti** kāyacittapassaddhīnaṃ saṃsijjhanato. “Pītimanassa kāyo passambhatī”ti<sup>1</sup> hi vuttaṃ. **Passaddhinimittaṃ** passaddhihetukaṃ **sukhaṃ** “passaddhakāyo sukhaṃ vediyatī”ti<sup>1</sup> vacanato. **Sukhanimittā** sukhapaccayā **ekaggatā**. “Sukhino cittaṃ samādhīyatī”ti<sup>1</sup> hi vuttaṃ. **Iti jhānaṅgāni pātubhavantīti** evaṃ etāni vitakkādīni jhānaṅgāni tasmiṃyeva nimitte uppajjanti. **Paṭhamajjhānapaṭibimbabhūtanti** paṭhamajjhānassapaṭicchannabhūtaṃ. **Taṅkhaṇaṅñeva** paṭibhāganimittaṃpaṭilābhasamakārameva upacārajjhānampi **nibbattati**, na nīvaraṇappahānamevāti adhippāyo.

### Vinīlakādikammaṭṭhānavaṇṇanā

118. **Vinīlakādīsipi** kammaṭṭhānesu. **Lakkhaṇaṃ vuttanti** yaṃ taṃ nimittagahaṇalakkhaṇaṃ vuttaṃ. **Vuttanayenevāti** uddhumātake vuttanayeneva. Saha vinicchayena, adhippāyena cāti **savinicchayādhippāyaṃ**. **Taṃ sabbam** lakkhaṇaṃ **veditabbanti** sambandho.

**Kabarakabaravaṇṇanti** yebhuyyena sabalavaṇṇaṃ. **Ussadavasenāti** rattasetanīlavaṇṇesu ussadassa vaṇṇassa vasena.

**Sannisinnanti** niccalabhāveneva sabbaso thirataṃ.

**Corāṭaviyanti** corehi pariyuṭṭhita-araññe. **Yatthāti** yasmim āghātane. **Chinnapurisaṭṭhāneti** chinnapurisavante ṭhāne. **Nānādisāyaṃ**

1. Dī 1. 195; Aṃ 1. 245; Aṃ 3. 535 piṭṭhādīsu.

**patitampī**ti chinnam hutvā sarīrassa khaṇḍadvayaṃ visuṃ disāsu patitampi. **Ekāvajjanenā**ti ekasamannāhārena. **Āpāthamāgacchatī**ti ekajjham āpātham āgacchati. **Vissāsam āpajjati**ti ajegucchitaṃ upagaccheyya seyyathāpi chavaḍāhako. Sahatthā aparāmasane jigucchā saṅghātiyevāti āha “**kattarayattīyā vā daṇḍakena vā -pa- upanāmetabban**”ti. Vicchiddakabhāvapaññāyanattham ekaṅgulantarakaraṇam. **Upanāmetabbanti** upanetabban.

**Khāyitasadisamevā**ti khāyitāsubhasadisameva. **Aṅgulaṅgulantaranti** vividham khittam sarīravayavaṃ aṅgulantaram aṅgulantaram. **Katvāvā**ti kattarayattīyā vā daṇḍakena vā sayam katvā vā.

**Laddhappahārānanti** laddhāvudhappahārānam mukhatoti sambandho. **Mukhatoti** pahārādimukhato. **Paggharamānakā**leti lohitaṃ paggharamānakāle. Lohitakam labbhatīti yojanā.

**Tanti** puḷavakam. **Tesū**ti soṇādisarīresu. **Aṭṭhikanti** aṭṭhika-asubham nānappakārato vuttanti sambandho. **Purimanayenevā**ti pubbe uddhumātake vuttanayeneva.

119. **Tanti** aṭṭhikam. **Na upaṭṭhātī**ti sabhāvato na upaṭṭhāti, paṭikkūlavasena na upaṭṭhātīti attho. Tenāha “**odātakasiṇasambhedo hotī**”ti. Aṭṭhike paṭhamavayādisaṃlakkhaṇam na sakkāti “**liṅganti idha hatthādīnam nāman**”ti vuttam. Aṭṭhikasankhalikā pana “ayam daharassa, ayam yobbane ṭhitassa, ayam avayavehi vuddhipattissā”ti evam vayavasena avatthapetum sakuṇeyyāva, abyāpitāya pana na gahitanti veditabban. Yadi pi aṭṭhikasankhalikāyam sandhito vavatthāpanam labbhati, aṭṭhike pana na labbhatīti tassa aniyatabhāvadīpanattham kamavilāṅghanam katvā “**tassa tassa aṭṭhino ninnatṭhānathalatṭhānavasena**”ti-ādi vuttam. Tattha **ninnatṭhānam** nāma aṭṭhino vinatappadeso. **Thalatṭhānam** unnatappadeso. **Ghaṭitaghaṭitattṭhānavasena**ti anupagatanhārubandhānam, itaresaṅca aññamaññam saṃkiliṭṭhasaṃkiliṭṭhatṭhānavasena. **Antaravasena**ti aññamaññassa antaravasena susiravasena ca. **Sabbatthevā**ti sakalāya aṭṭhisankhalikāya, sabbasmim vā aṭṭhike.

120. **Etthā**ti etasmim̐ aṭṭhikāsubhe. **Yujjamānavasena sallakkhetabbanti** yaṃ nimittaggahaṇaṃ yattha yujjati, taṃ tattha uggaṇhanatthaṃ nimittaggahaṇavasena upalakkhetabbaṃ. **Sakalāyā**ti anavasesabhāgāya paripuṇṇāvayavāya. **Sampajjati** nimittupaṭṭhānavasena. **Tesū**ti aṭṭhikasaṅkhalikaṭṭhikesu. **Vuttaṃ** aṭṭhakathāyaṃ. **Tanti** “ekasadisamevā”ti vacanaṃ. **Ekasmim̐ aṭṭhike yuttanti** ekaṃ yathā vinīlakādīsu ubhinnāṃ nimittānaṃ yathārahaṃ vaṇṇavisesato, paripuṇṇāparipuṇṇato, savivarāvivarato, calācalato ca viseso labbhati, na evametassāti katvā vuttaṃ, na pana sabbena sabbaṃ visesābhāvato. Tenevāha “**ekaṭṭhikepi cā**”ti-ādi. Tattha **bībhacchenā**ti pākatikasattānaṃ bhayāvahena. **Pītisomanassajankenā**ti saṅhamaṭṭhabhāvena upaṭṭhānato, bhāvanāya ca savisesattā pītiyā, somanassassa ca uppādakena. Tenevāha “**upacārāvahattā**”ti.

**Imasmim̐ okāseti** uggahapaṭibhāganimittānaṃ vuttaṭṭhāne. **Dvāre datvā vā**ti “paṭikkūlabhāveveva diṭṭhe nimittāṃ nāma hoti”ti ettake eva aṭṭhatvā anantameva “duvidhaṃ idha nimittānaṃ”ti-ādinā uggahapaṭibhāvanimittāni vibhajitvā vacanena yathāvuttassa nimittavibhāgassa dvāraṃ datvā vuttaṃ. **Nibbikappanti** “subhaṇ”ti vikappena nibbikappaṃ, asubhantvevāti attho. **Vicāretvā**ti “ekasmim̐ aṭṭhike vuttaṃ”ti-ādinā vicāretvā.

**Mahātissattherassā**ti cetiyapabbatavāsīmahātissattherassa. **Niddassanā**ti dantaṭṭhikamattadassanena sakalassāpi tassā itthiyā **sarīrassa aṭṭhisāṅghātabhāvena upaṭṭhānādīni ettha** aṭṭhikakammaṭṭhāne uggahapaṭibhāganimittānaṃ visesavibhāvanāni udāharaṇāni.

**Subhaguṇoti** savāsanānaṃ kilesānaṃ pahīnattā suparisuddhaguṇo. **Dasasatalocanenā**ti saḥassakkhena devānamindena. So hi ekāsaneneva saḥassa-atthānaṃ vicāraṇasamatthena paññācakkhunā samannāgatattā “saḥassakko”ti vuccati. **Thutakittī**ti “yo mīrosabbadhi danto”ti-ādinā<sup>1</sup> abhitthutakittisaddo.

### Pakiṇṇakakathāvaṇṇanā

121. Ujupaṭipakkhena pahīnabhāvaṃ sandhāyāha “**suvikkhambhitarāgattā**”ti. **Asubhappabhedoti** uddhumātakādi-asubhavibhāgo. **Sarīrasabhāvappattivasenāti** sarīrasa attano sabhāvūpagamanavasena. Sarīrañhi vinassamānaṃ aññarūpena ṭhitassa rakkhasassa viya sabhāvappattivaseneva vinassati. **Rāgacaritabhedavasenāti** rāgacaritavibhāgavasena. Yadi sarīrasabhāvappattivasena ayamsubhappabhedo vutto, **mahāsatiṭṭhānādīsu**<sup>1</sup> kathaṃ navappabhedoti? So sarasato eva sabhāvappattivasena vutto, ayaṃ pana parūpakkamenāpi. Tattha ca idhāgatesu dasasu asubhesu ekaccāneva gahitāni, aṭṭhikañca pañcavidhā vibhattaṃ. Tāni ca vipassanāvasena, imāni samathavasenāti pākaṭoyaṃ bhedoti.

Imesaṃ pana dassanampi asubhabhāvasāmaññena satipi avisesato rāgacaritānaṃ sappāyabhāve yaṃ vuttaṃ “rāgacaritabhedavasena cā”ti, taṃ vibhajitvā dassetuṃ “**visesato**”ti-ādi vuttaṃ. Sūnabhāvena susaṅghitampi sarīraṃ dussaṅghitameva hotīti uddhumātakasarīre saṅghānavipattiṃ dīpetīti āha “**sarīrasaṅghānavipattipakāsanato**”ti. Saṅghānasampattiyaṃ ratto **saṅghānarāgī**, tassa **sappāyaṃ** saṅghānarāgassa vikkhambhanupāyabhāvato. Kāyo eva **kāyavaṇṇo**<sup>2</sup>, tattha **paṭibaddhassa** nissitassa. **Susirabhāvappakāsanatoti** susirassa vivarassa atthibhāvappakāsanato. **Sarīre ghanabhāvarāginoti** sarīre aṅgapaccaṅgānaṃ thirabhāvaṃ paṭicca uppajjanakarāgavato. **Vikkhepappakāsanatoti** soṇasiṅgalādīhi ito cito ca vikkhepassa pakāsanato **aṅgapaccaṅgalīlārāgino sappāyaṃ**. Īdisānaṃ kira anavaṭṭhitarūpanaṃ avayavānaṃ ko<sup>3</sup> līlavilāsoti virāgasambhavato. **Saṅghātabhedavikārapakāsanatoti** saṅghātassa aṅgapaccaṅgānaṃ saṃhatabhāvassa susambandhatāya bhedo eva vikāro saṅghātabhedavikāro, tassa pakāsanato. Lohitaṃ makkhitaṃ hutvā paṭikkūlabhāvo **lohitamakkhitapaṭikkūlabhāvo**, tassa **pakāsanato**. **Mamattarāginoti** “mama ayan”ti uppajjanakarāgavato. **Dantasampattirāginoti** dantasampattiyaṃ rajjanasīlassa.

1. Dī 2. 231; Ma 1. 70 piṭṭhādīsu.

2. Kāyavaṇṇo (Sī, Syā)

3. Sā (Syā, Ka)

Kasmā panettha uddhumātakādike paṭhamajjhānameva uppajjati, na dutiyādīnīti anuyogaṃ manasi katvā āha “**yasmā panā**”ti-ādi.

**Aparisaṅṭhitajalāyāti** sotavasena pavattiyā samantato aṭṭhitajalāya asannisinnasalilāya. **Arittabalenāti** pājanadaṇḍabalena. **Dubbalattā ārammaṇassāti** paṭikkūlabhāvena attani cittaṃ ṭhapetum asamatthabhāvo ārammaṇassa dubbalatā. Paṭikkūle hi ārammaṇe sarasato cittaṃ pavattitum na sakkoti, abhiniropanalakkhaṇena pana vitakkena abhiniropiyamānameva cittaṃ ekaggataṃ labhati. **Na vinā vitakkenāti** vitakkarahitāni dutiyādijjhānāni tattha paṭiṭṭhaṃ na labhanti. Tenāha “**vitakkabalenevā**”ti-ādi.

Yadi paṭikkūlabhāvato uddhumātādi-ārammaṇe dutiyādijjhānāni na pavattanti, evaṃ sante paṭhamajjhānenāpi tattha na uppajjitabbaṃ. Na hi tattha pītisomanassānaṃ sambhavo yuttoti codanaṃ sandhāyāha “**paṭikkūlepi ca etasmin**”ti-ādi. Tattha ānisaṃsadassāvitā, nīvaraṇasantāparogavūpasamānaṃ yathākkamaṃ pupphacchaddaka, vamanavirecana-upamā yojetabbā.

122. Yathāvuttakāraṇena dasadhā vavatthitampi sabhāvato ekavidhamevāti dassetum “**dasavidhampi cetan**”ti-ādiṃ vatvā svāyaṃ sabhāvo yathā aviññāṇakesu, evaṃ saviññāṇakesupi labbhateva. Tasmā tatthāpi yonisomanasikāravato bhāvanā ijjhatevāti dassento “**tadetaṃ iminā lakkhaṇenā**”ti-ādimāha. **Etthāti** etasmiṃ jīvamānakasarīre. **Alaṅkārenāti** paṭijjaggaṇapubbakena alaṅkāraṇena. **Na paññāyati** pacurajanassāti adhippāyo. **Atirekatisata-aṭṭhikasamussayaṃ** dantaṭṭhikehi saddhiṃ, tehi pana vinā “timattāni aṭṭhisatāni”ti kāyagatāsatiyaṃ<sup>1</sup> vakkhati. **Chiddāvachiddanti** khuddānukhuddachiddavantaṃ. **Medakathālikā** medabharitabhājanaṃ. **Niccuggharitamaggharitanti** niccakālaṃ upari, heṭṭhā ca vissavantaṃ. **Vemattanti** nānattaṃ. **Nānāvattthehīti** nānavaṇṇehi vattthehi. Hiriyā lajjāya kopanato vināsanato **hirikopināṃ**, uccārapassāvamaggaṃ. **Yāthāvasarasanti** yathābhūtaṃ sabhāvaṃ. Yāthāvato rasiyati ññāyatīti hi **raso**, sabhāvo. **Ratinti** abhiratiṃ abhiruciṃ.

1. Visuddhi 1. 246 piṭṭhe.



Attasinehasaṅkhātena rāgena rattā **attasineharāgarattā**. **Vihaññamānenāti** icchitālābhena vighātaṃ āpajjantena.

**Kim sukanti** pālibhaddakaṃ<sup>1</sup>, palāsoti keci, simbalīti apare. **Atilolupoti** ativiya lolasabhāvo. **Adunti** etaṃ. **Nanti** kesādisarīrakoṭṭhāsaraṃ. **Mucchitāti** mohitā, mucchāpāpikāya vā taṇhāya vasena mucchaṃ pattā. **Sabhāvanti** paṭikkūlabhāvaṃ.

**Ukkarūpamoti** uccārapassāvaṭṭhānasamo, vaccakūpasamo vā. **Cakkhubhūtehi** cakkhuṃ pattehi paṭiladdhapaññācakkhukehi, lokassa vā cakkhubhūtehi. **Allacammaṭṭicchannoti** allacamma pariyaṇṇaddho.

**Dabbajātikenāti** uttarimanussadhamme paṭiladdhuṃ bhabbarūpena. **Yattha yattha** sarīre, sarīrassa vā yattha yattha koṭṭhāse. **Nimittaṃ gahetvāti** asubhākārassa suṭṭhu sallakkhaṇavasena yathā uggahanimittaṃ uppajjati, evaṃ uggaṇhanavasena nimittaṃ gahetvā, uggahanimittaṃ uppādetvāti attho. **Kammaṭṭhānaṃ appanaṃ pāpetabbanti** yathāladdhe uggahanimitte kammaṃ karontena paṭibhāganimittaṃ uppādetvā upacārajjhāne ṭhitena tameva bhāvaṇaṃ ussukkāpentena asubhakammaṭṭhānaṃ appanaṃ pāpetabbaṃ. Adhigatappano hi paṭhamajjhāne ṭhito tameva jhānaṃ pādakaṃ katvā vipassanaṃ ārabhitvā saṅkhāre sammasanto nacirasseva sabbāsava khepetīti.

Asubhakammaṭṭhānaniddesavaṇṇanā niṭṭhitā.

**Iti chaṭṭhaparicchedavaṇṇanā.**

---

1. Pāribhaddakaṃ (Sī)

## 7. Cha-anussatiniddesavaṇṇanā

### 1. Buddhānussatikathāvaṇṇanā

123. **Asubhānantaranti** asubhakammaṭṭhānānantaram. **Anussatisūti** anussatikammaṭṭhānesu. “Anu anu sati anussatī”ti imamattham dassetum “**punappunam uppajjanato**”ti vatvā na ettha **anu-saddayogena** sati-saddo atthantaravācakoti dassetum “**satiyeva anussatī**”ti vuttam. Tena nāyamanu-saddo “upalabbhati”ti-ādīsu upa-saddo viya anattako, nāpi “sañjānanam pajānanam”ti-ādīsu sam-saddādayo viya atthantaradīpakoti dasseti. “Pavattitabbaṭṭhānamhiyeva vā pavattattā”ti iminā ca anussatiyā anussaritabbānurūpatā vuttā hotīti pavattakasseva anurūpatam dassetum “**kulaputtassa anurūpā**”ti vuttam, saddhāpabbajitassa vā kulaputtassa. Anurūpatā nāma pavattitabbaṭṭhānassa anurūpatāya eva hotīti pavattakasseva anurūpatā vuttā, na ubhayassa. **Anurūpāti** ca yuttāti attho. **Buddhanti** ye guṇe upādāya bhagavati “buddho”ti paññatti, te guṇe ekajjham gahetvā vuttam. Tenāha “**buddhaguṇārammaṇāya satiyā etamadhivacanam**”ti. **Ārabbhāti** ālambitvā. **Dhammanti** pariyattidhammena saddhim navavidhampi lokuttaradhammam. Nanu ca nibbānam visum kammaṭṭhānabhāvena vakkhati? Kiñcāpi vakkhati, dhammabhāvasāmaññena pana maggaphalehi saddhim idha pāḷiyā saṅgahitattā tassāpi dhammānussatikammaṭṭhāne gahaṇam daṭṭhabbam, asaṅkhatāmatādibhāvena pana maggaphalehi viṣiṭṭhatāya tassa visum kammaṭṭhānabhāvena gahaṇam katam. **Silānussati**-ādīnam pana tissannam anussatīnam visum kammaṭṭhānabhāvena gahaṇam yogāvacarassa attano eva silassa, cāgassa, saddhādīnañca anussatiṭṭhānabhāvena gahetabbattā. **Rūpakāyam gatāti** attano karajakāyam ārabbhā-ārammaṇakaraṇavasena pavattā. **Kāyeti** kāye visayabhūte. **Koṭṭhāsanimittārammaṇāyāti** kesādikoṭṭhāsesu paṭikkūlanimittārammaṇāya. Ito purimāsu sattasu anussatīsu natthi nimittupatti, idha atthīti dassanattam **nimitta**ggahaṇam. Tathā **assāsapassāsanimittārammaṇāyāti** etthāpi. **Upasamanti** sabbasaṅkhārūpasamam. Nibbānanti attho.

124. Avecca buddhaguṇe yāthāvato ñatvā uppanno pasādo **aveccappasādo**, ariyamaggena āgatappasādo, taṁsadisopi vā yo diṭṭhigatavātehi acalo asampakampiyo, tena **samannāgatena**. Tādisassa buddhānussatibhāvanā ijjhati, na itarassa. **Patirūpasenāsaneti** yathāvutta-aṭṭhārasadosavajjite pañcaṅgasamannāgate senāsane. **Rahogatenāti** rahasi gahena. Tena kāyavivekaṁ dasseti. **Paṭisallīnenāti** nānārammaṇato paṭisallīnena, bahiddhā puthuttārammaṇato paṭikkamavapetvā kammaṭṭhāne sallīnena, susiliṭṭhacittenāti attho. **Evanti** imāya pāḷiyā āgatanayena.

**So bhagavāti** ettha **soti** yo so samatiṁsa pāramiyo pūretvā sabbakilese bhañjivā anuttaraṁ sammāsambodhiṁ abhisambuddho devānaṁ atidevo brāhmānaṁ atibrahmā lokanātho bhāgyavantatādīhi kāraṇehi sadevake loka “bhagavā”ti patthaṭakittisaddo, so. **Bhagavāti** idam satthu nāmakittanaṁ. Tathā hi vuttam “bhagavāti netam nāmaṁ mātarā katan”ti-ādi<sup>1</sup>. Parato pana **bhagavāti** guṇakittanaṁ. **Arahanti**-ādīsu navasu ṭhānesu paccakaṁ itipi-saddam yojetvā buddhaguṇā anussaritabbāti dassento “**itipi arahaṁ -pa- itipi bhagavāti anussarati**”ti āha. “Itipetaṁ bhūtaṁ itipetaṁ tacchan”ti-ādīsu<sup>2</sup> viya **iti**-saddo āsanna-paccakkhakaṇaṭtho, **pi**-saddo sampiṇḍanaṭtho. Tena nesaṁ bahubhāvo dīpito, tāni ca guṇasallakkhaṇakāraṇāni bhāventena cittassa sammukhībhūtāni kātabbānīti dassento “**iminā ca iminā ca kāraṇenāti vuttam hoti**”ti āha.

125. Dūratā nāma āsannatā viya upādāyupādāya vuccatīti ramukkamsagataṁ dūrabhāvaṁ dassento “**suvidūravisūre**”ti āha, suṭṭhu vidūrabhāveneva vidūreti attho. Sā panassa kilesato dūratā tesam sabbaso pahīnattāti dassento āha “**maggena kilesānaṁ viddhamsitattā**”ti. Nanu aññesampi khīṇāsavānaṁ te pahīnā evāti anuyogaṁ manasi katvā vuttam “**savāsanānan**”ti. Na hi bhagavantaṁ ṭhapetvā aññe saha vāsanāya kilese pahātum sakkonti, etena aññehi

1. Khu 7. 384, 410; Khu 8. 26 piṭṭhesu.

2. Dī 1. 3 piṭṭhe.

asādhāraṇaṃ bhagavato arahattanti dassitaṃ hoti. Kā panāyaṃ vāsanā nāma? Pahīnakilesassāpi appahīnakilesassa payogasadisapayogahetubhūto kilesanihito sāmattiya-viseso āyasmato **pilindavacchassa**<sup>1</sup> vasalasaṃmudācāranimittaṃ viya. Kathaṃ pana “ārakā”ti vutte “kilesehī”ti ayamatto labbhatīti? Sāmaññajotanāya visese avatṭhānato, visesatthinā ca visesassa anupayojetabbato, “ārakāssa honti pāpakā akusalā dhammā”ti-ādīni<sup>2</sup> suttapadānettha udāharitabbāni. **Ārakā**ti cettha ā-kārassa rassattaṃ, ka-kārassa ca ha-kāraṃ, sānusāraṃ katvā niruttinayena “**arahā**”ti padasiddhi veditabbā. Vuttamevatthaṃ sukhaggahaṇatthaṃ “**sotato ārakā nāmā**”ti gāthābandhamāha. Tattha samaññanasīlo samaṅgī, na samaṅgītā **asamaṅgītā**<sup>3</sup> asamannāgamo asahavuttitā.

126. Anattacaraṇena<sup>4</sup> kilesā eva arayoti **kilesārayo**. “Arīnaṃ hatattā arihā”ti vattabbe niruttinayena “**arahā**”ti vuttaṃ.

127. Yañcetaṃ saṃsāracakkanti sambandho. Rathacakkassa nābhi viya mūlavayavabhūtaṃ anto, bahi ca samavatṭhitaṃ avijjābhavataṇhāmayaṃ dvayanti vuttaṃ “**avijjābhavataṇhāmayaṇābhī**”ti. Nābhīyā, nemiya ca sambandhā arasadisā paccayaphalabhūtehi avijjātaṇhājarāmaṇehi sambandhā puññādisaṅkhārāti vuttaṃ “**puññādi-abhisāṅkhārāraṇa**”ti. Tattha tattha bhava pariyaṇtabhāvena pākaṭaṃ jarāmaṇanti taṃ nemiṭṭhāniyaṃ katvā āha “**jarāmaṇaṇemī**”ti. Yathā ca rathacakkapavattiyā padhānakāraṇaṃ akkho, evaṃ saṃsāracakkapavattiyā āsavaṃsamudayoti āha “**āsavaṃsamudayamayena akkhena vijjhītvā**”ti. Āsavā eva avijjādīnaṃ kāraṇattā āsavaṃsamudayo. Yathāha “āsavaṃsamudayā avijjāsamudayo”<sup>5</sup>ti. Vipākakaṭattārūpappabhedo kāmabhavādiko tibhavo eva ratho, tasmim **tibhavarathe**. Attano paccayehi samaṃ, sabbaso vā ādito paṭṭhāya yojitanti **samāyojitaṃ**. Ādirahitaṃ kālaṃ pavattatīti katvā **anādikālappavattaṃ**.

1. Vi 1. 362 piṭṭhe.

2. Ma 1. 348 piṭṭhe.

3. Samaṅgīti asamāṅgīthā (Sī, Syā), samaṅgīti na samaṅgītā asamāṅgītā (Ka)

4. Haraṇena (Syā)

5. Ma 1. 67 piṭṭhe.

“Khandhānañca paṭipāṭi, dhātu-āyatanāna ca.

Abbochinnam vattamānā, ‘saṃsāro’ti pavuccatī”<sup>1</sup>—

evam vuttasaṃsārova **saṃsāracakkaṃ**. **Anenā**ti bhagavatā. **Bodhimaṇḍeti** bodhisāṅkhātassa ñāṇassa maṇḍabhāvappatte ṭhāne, kāle vā. **Vīriyapādehī**ti saṃkilesavodānapakkhiyesu sannirumbhanasannikkhipanakiccatāya dvidhā pavattehi attano vīriyasāṅkhātehi pādehi. **Sīlathaviyanti** paṭiṭṭhāṭṭhena sīlameva pathavī, tassaṃ. **Paṭiṭṭhāyā**ti sampādanavasena paṭiṭṭhahitvā. **Saddhāhatthenā**ti anavajjadhammādānasādhanato saddhāvahattho, tena. **Kammakkhayakaranti** kāyakammādibhedassa sabbassapi kammaṃ khayakaraṇato kammakkhayakaraṃ. **Ñāṇapharasunti** samādhisīlāyaṃ sunisitamaggañāṇapharasuṃ gahetvā.

128. Evam “arānaṃ hatattā”ti ettha vutta-araghāte<sup>2</sup> saṃsāraṃ cakkaṃ viya cakkanti gahetvā atthayojanam katvā idāni paṭiccasamuppādadesanākkamenapi tam dassetuṃ “**atha vā**”ti-ādi vuttam. Tattha **anamataggaṃ saṃsāravatṭanti** anu anu amataggaṃ aviññātaḷḷikam saṃsāramaṇḍalam. **Sesādasa dhammā** saṅkhārādayo jātipariyosānā **arā**. Katham? Nābhīyā avijjāya mūlato, nemiya jarāmarāṇena antato sambandhattāti dassento āha “**avijjāmūlakattā jarāmarāṇapariyantattā cā**”ti. **Dukkhadīsū**ti dukkhasamudayanirodhamaggesu. Tattha dukkhe **aññānaṃ** tadantogadhattā, tappaṭicchādanato ca, sesesu paṭicchādanatova. **Dukkanti** cettha dukkham ariyasaccaṃ adhippetanti tam kāmabhavādivasena tidhā bhinditvā tathā tappaṭicchādikaṃ avijjāṃ, avijjādipaccaye tīsu bhavesu saṅkhārādike ca paṭipāṭiyā dassento “**kāmabhava ca avijjā**”ti-ādimāha. Tattha **kāmabhava avijjā**ti kāmabhava ādīnavappaṭicchādikā avijjā. **Rūpabhava arūpabhava avijjā**ti etthāpi eseva nayo. **Kāmabhava saṅkhārānanti** kāmabhūmipariyāpannānaṃ saṅkhārānaṃ, kāmabhava vā nipphādetabbā ye saṅkhārā, tesam kāmabhavūpapattinibbattakasaṅkhārānanti attho **paccayo hotī**ti puññābhisaṅkhārānaṃ tāva ārammaṇapaccayena ceva upanissayapaccayena cāti dvidhā paccayo hoti. Apuññābhisaṅkhāresu sahaḷḷatassa

1. Dī-Ṭṭha 2. 86; Saṃ-Ṭṭha 2. 89; Am-Ṭṭha 2. 386 piṭṭhādīsu.

2. Vuttam arasaṅkhātam (Sārattha-Ṭṭi 1. 218 piṭṭhe.)

sahajātādivasena, asahajātassa anantarasamanantarādivasena, nānantarassa pana ārammaṇavasena ceva upanissayavasena ca paccayo hoti. **Arūpabhav**e **saṅkhārānanti** āneñjābhisaṅkhārānaṃ. **Paccayo hoti** upanissayavaseva. Imasmiṃ panatthe ettha vitthāriyamāne atippapañco hoti, sayameva ca parato āgamissatīti na naṃ vitthārayāma.

**Tiṇṇaṃ āyatanānanti** cakkhusotamanāyatanānaṃ. **Ekassāyatanassāti** manāyatanassa. Iminā nayena phassādīnampi vibhāgo veditabbo. **Tattha tattha sā sā taṇhāti** rūpataṇhādibhedā tattha tattha kāmabhavādīsu uppajjanakā taṇhā.

Taṇhādīmūlikā kathā atisaṅkhittāti taṃ, upādānabhav

e ca vibhajitvā vitthāretvā dassetuṃ **“kathan”**ti-ādi vuttaṃ. Tattha **“kāme paribhuñjissāmi”**ti iminā kāmataṇhāpavattimāha. Tathā **“saggasampattim anubhavissāmi”**ti-ādīhi. Sā pana taṇhā yasmā bhusamādānavasena pavattamānā kāmupādānaṃ nāma hoti, tasmā vuttaṃ **“kāmupādānapaccayā”**ti. **Tathevāti** kāmupādānapaccayā eva.

**Brāhmalokasampattinti** rūpībrahmaloke sampattim. “Sabbepi tebhūmakā dhammā kāmanīyaṭṭhena kāmā”ti<sup>1</sup> vacanato bhavarāgopi kāmupādānamevāti katvā **“kāmupādānapaccayā eva mettāṃ bhāveti”**ti-ādi vuttaṃ. **Sesupādānamūlikāsupīti** etthāyaṃ yojanā—idhekacco “natthi paro loko”ti natthikadiṭṭhim gaṇhāti, so diṭṭhupādānapaccayā kāyena duccharitaṃ caratīti-ādi vuttanayena yojetabbaṃ. Aparo “asukasmiṃ sampattibhave attā ucchijjati”ti ucchedadiṭṭhim gaṇhāti, so tatrūpapattiyā kāyena sucaritaṃ caratīti-ādi vuttanayeneva yojetabbaṃ. Aparo “rūpī manomayo hutvā attā ucchijjati”ti rūpūpapattiyā maggaṃ bhāveti. **Bhāvanāpāripūriyāti** sabbaṃ vuttanayeneva veditabbaṃ. Aparo “arūpabhav

e uppajjitvā attā ucchijjati”ti arūpūpapattiyā maggaṃ bhāveti. **Bhāvanāpāripūriyāti** sabbaṃ vuttanayeneva veditabbaṃ. Etāhiyeva attavādupādānamūlikāpi yojanā samvaṇṇitāti daṭṭhabbaṃ. Evaṃ

1. Khu 7. 1; Khu 8. 36 piṭṭhādīsu thokaṃ visadisāṃ.

diṭṭhadhammanibbānavādavasenāpi yojanā veditabbā. aparo “sīlena suddhī”ti asuddhimaggaṃ suddhimaggo”ti parāmasanto sīlabbatupādānapaccayā kāyena duccharitaṃ caratīti-ādinā sabbam vuttanayeneva yojetabbaṃ.

Idāni yvāyaṃ saṃsāracakkaṃ dassentena “kāmaḥhave avijjā kāmaḥhave saṅkhārānaṃ paccayo hotī”ti-ādinā avijjādīnaṃ paccayabhāvo, saṅkhārādīnaṃ paccayuppannabhāvo ca dassito, tameva **paṭisambhidāmaggaṃ**<sup>1</sup> ānetvā nigamanavasena dassento “**evaṃ ayaṃ**”ti-ādimāha. Tattha yathā saṅkhārā hetunibbattā, evaṃ avijjāpi kāmasāvādīnaṃ sahetukā evāti āha “**ubhopete hetusamuppannā**”ti. **Paccayapariggaheti** nāmarūpassa paccayānaṃ avijjādīnaṃ paricchinna gahaṇe, nipphadetabbe bhumbaṃ. **Paññāti** kaṅkhāvitaraṇavisuddhisāṅkhātā pakārato jānaṇā. **Dhammaṭṭhitiñāṇanti** paṭiccasamuppādāvabodho. Idañca dhammaṭṭhitiñāṇaṃ yasmā addhāttaye kaṅkhāmalavitaraṇavasena pavattati, tasmā “**atītampi addhānaṃ**”ti-ādi vuttaṃ. **Eteneva nāyena**ti etena “avijjā hetū”ti-ādinā avijjāyaṃ vuttana nāyena. “Saṅkhārā hetu, viññāṇaṃ hetusamuppannaṃ”ti-ādinā<sup>1</sup> **sabbapadāni vitthāretabbāni**.

Saṅkhippanti ettha avijjādayo, viññāṇādayo cāti **saṅkhepo**, hetu, vipāko ca. Hetu vipākoti vā saṅkhippatīti **saṅkhepo**, avijjādayo, viññāṇādayo ca. Saṅkhepabhāvasāmaññaṇa pana ekavacanānaṃ katanti daṭṭhabbaṃ. Te pana saṅkhepā atīte hetu, etarahi vipāko, etarahi hetu, āyatim vipākoti evaṃ kālavibhāgena cattāro jātā. Tenāha “**purimasāṅkhepo cettha atīto addhā**”ti-ādi. Saṅkhepa-saddo vā bhāgādhivacananti atīto hetubhāgo paṭhamo saṅkhepo. Esa nayo sesesupi. **Taṇhupādānabhavā gahitāva honti** kilesakammabhāvasāmaññaṇato, tehi vinā avijjāsāṅkhārānaṃ sakiccākaraṇato ca. Kammaṃ, taṇhā ca tassa saḥakārikāraṇaṃ hutvā vaṭṭanathena **kammavaṭṭaṃ**.

Viññāṇanāmarūpasalāyatanaphassavedanānaṃ jātijarābhaṅgāvatthā “jātijarāmarāṇaṃ”ti vuttāti āha “**jātijarāmarāṇāpadesena**

1. Khu 9. 49 piṭṭhe.

**viññāṇādīnaṃ niddiṭṭhattā**”ti. **Imeti viññāṇādayo. Āyatirū vipākavattāraṃ** paccuppanahetuto bhāvīnaṃ anāgatānaṃ gahitattā. **Teti avijjādayo. Ākāratoti sarūpato avuttāpi tasmim tasmim saṅgahe ākirīyanti avijjāsāṅkhārādiggahaṇehi pakāsīyantīti ākāra, atītahetu-ādīnaṃ vā pakārā ākāra, tato ākāro. Vīsativdhā honti** atītehetupañcakādibhedato.

**Saṅkhāravīññāṇānaṃ antarā eko sandhīti** hetuto phalassa avicchedappavattibhāvato hetuphalasambandhabhūto eko sandhi. **Tathā bhavajātīnamantarā. Vedanātaṅhānamantarā** pana phalato hetuno avicchedappavattibhāvato phalahetusambandhabhūto eko sandhi. Phalabhūtopi hi dhammo aññassa hetusabhāvassa dhammassa paccayo hotīti.

**Itīti vuttappakāraparāmasanaṃ. Tenāha “catusāṅkhepan”ti-ādi. Sabbākāratoti idha vuttehi, avuttehi ca paṭiccasamuppādavibhaṅge<sup>1</sup>, anantanayasamantapaṭṭhānādīsu ca āgatehi sabbehi ākārehi. Jānātīti** avabujjhati. **Passatīti** dassanabhūtena ṇāṇacakkhunā paccakkhato passati, **aññātīti paṭivijjhatīti** tesamīyeva vevacanaṃ. **Tanti taṃ jānanaṃ. Nātaṭṭhenāti** yathāsabhāvato jānanaṭṭhena. **Pajānanaṭṭhenāti** aniccādīhi pakārehi paṭivijjhanatṭhena.

Idāni yadatthamidaṃ bhavacakkaṃ idhānītaṃ, taṃ dassetuṃ **“iminā”ti-ādi vuttaṃ tattha te dhammeti** te avijjādike dhamme. **Yathābhūtaṃ ṇatvāti** mahāvajiraññena yāthāvato jānitvā. **Nibbindanto** balavavipassanāya **virajjanto vimuccanto** ariyamaggehi **are hanīti** yojanā. Tattha yadā bhagavā virajjati vimuccati, tadā are hanati nāma. Tato paraṃ pana abhisambuddhaṇaṃ gahetvā vuttaṃ **“hani vihani viddhamsesi”ti.**

129. Cakkavattino acetane cakkaratane uppanne tattheva loko pūjaṃ karoti, aññattha pūjāvīsesā pacchijjanti, kimaṅgaṃ pana sammāsambuddhe uppanneti dassento **“uppanne tathāgate”ti-ādimāha. Ko pana vādo aññesaṃ pūjāvīsesānanti** yathāvuttato aññesaṃ amahasakkhehi devamanussehi kariyamānaṃ nāti-ujārānaṃ pūjāvīsesānaṃ

1. Abhi 2. 142 piṭṭhādīsu.



arahabhāve kā nāma kathā. **Atthānurūpanti** arahattatthassa anurūpaṃ anvatthaṃ.

130. **Asilokabhayenāti** akittibhayena. **Raho pāpaṃ karonti** “mā nam<sup>1</sup> koci jaññā”ti **esa** bhagavā **na kadāci karoti** pāpahetūnaṃ bodhimaṇḍe eva suppahīnattā. aparo nayo—ārakāti **arahaṃ**, suvidūrabhāvato icceva attho. Kuto pana suvidūrabhāvatoti? Ye abhāvitakāyā abhāvitasīlā abhāvitacittā abhāvitapaññā, tato eva appahīnarāgadosamohā ariyadhammassa akovidā ariyadhamme avinītā ariyadhammassa adassāvino appaṭipannā micchāpaṭipannā ca, tato suvidūrabhāvato. Vuttañhetam bhagavatā—

“Saṅghāṭikaṇṇe cepi me bhikkhave bhikkhu gahetvā piṭṭhito piṭṭhito anubandho assa pāde pādam nikkhipanto, so ca hoti abhijjhālu kāmesu tibbasārāgo byāpannacitto paduṭṭhamanasāṅkappo muṭṭhassati asampajāno asamāhito vibbhantacitto pākatindriyo. Atha kho so ārakāva mayham, ahañca tassa. Tam kissa hetu? Dhammam hi so bhikkhave bhikkhu na passati, dhammam apassanto mam na passati”ti<sup>2</sup>.

Yathāvuttapuggalā hi sacepi sāyaṃ pātam satthu santikāvacarāva siyūṃ, na te tāvatā “satthu santikā”ti vattabbā, tathā satthāpi nesam. Iti asappurisānaṃ ārakā dūreti **arahaṃ**.

“Sammā na paṭipajjanti, ye nihīnāsayā narā.  
Ārakā tehi bhagavā, dūre ten**arahaṃ** mato”ti.

Tathā ārakāti **arahaṃ**, āsannabhāvatoti attho. Kuto pana āsannabhāvatoti? Ye bhāvitakāyā bhāvitasīlā bhāvitacittā bhāvitapaññā, tato eva pahīnarāgadosamohā ariyadhammassa kovidā ariyadhamme suvinītā ariyadhammassa dassāvino sammāpaṭipannā, tato āsannabhāvato. Vuttampi cetam bhagavatā—

1. Mā mam (Syā)

2. Khu 1. 256 piṭṭhe Itivuttake.

“Yojanasate cepi me bhikkhave bhikkhu vihareyya, so ca hoti anabhihjhālu kāmesu na tibbasārāgo abyāpannacitto appaduṭṭhamanasāṅkappo upaṭṭhitassati sampajāno samāhito ekaggacitto saṁvutindriyo. Atha kho so santikeva mayhaṃ, ahañca tassa. Taṃ kissa hetu? Dhammaṃ hi so bhikkhave bhikkhu passati, dhammaṃ passanto maṃ passati”<sup>1</sup>.

Tathārūpā hi puggalā satthu yojanasahassantarikāpi honti, na tāvatā te “satthu dūrācārino”<sup>2</sup>ti vattabbā, tathā satthāpi nesam. Iti sappurisānaṃ ārakā āsanneti **araham**.

Ye sammā paṭipajjanti, suppaṇīṭādhimuttikā.  
Ārakā<sup>2</sup> tehi āsanne, tenāpi **araham** jino.

Ye ime rāgādayo pāpadhammā yasmim santāne uppajjanti, tassa diṭṭhadhammikampi samparāyikampi anatthaṃ āvahanti. Nibbānagāminiyā paṭipadāya ekamseneva ujuvipaccanīkabhūtā ca, te attahitaṃ, parahitañca paripūretuṃ sammā paṭipajjantehi sādhuhi dūrato rahitabbā pariccajitabbā pahātabbāti **rahā** nāma, te ca yasmā bhagavato bodhimūleyeva ariyamaggena sabbaso pahīnā samucchinnā. Yathāha—

“Tathāgatassa kho brāhmaṇa rāgo pahīno doso moho, sabbepi pāpakā akusalā dhammā pahīnā ucchinnamūlā tālavatthukatā anabhāvaṃkatā āyatim anuppādadhammā”<sup>3</sup>.

Tasmā sabbaso na santi etassa rahāti arahoti vattabbe okārassa sānusāraṃ a-kārādesaṃ katvā “**arahan**”<sup>3</sup>ti vuttaṃ.

Pāpadhammā rahā nāma, sādhuhi rahitabbato.  
Tesaṃ suṭṭhu pahīnattā, bhagavā **araham** mato.

Ye te sabbaso pariññātakkhandhā pahīnakilesā bhāvitamaggā sacchikatanirodhā arahanto khīṇāsavā, ye ca sekkhā appattamānasā

1. Khu 1. 256 piṭṭhe Itivuttake. 2. Bhagavā (Mūlapaṇṇāsake sāleyyakasuttaṭīkāyaṃ.)

3. Vi 1. 4; Aṃ 3. 20 piṭṭhesu atthato samānaṃ.

anuttaraṃ yogakkhemaṃ patthayamānā viharanti, ye ca parisuddhapayogā kalyāṇajjhāsayā saddhāsīlasutādiguṇasampannā puggalā, tehi na rahitabbo na pariccejitabbo, te ca bhagavatāti **araham**. Tathā hi ariyapuggalā satthārā diṭṭhadhammassa paccakkhakarāṇato satthu dhammasarīrena avirahitā eva honti. Yathāha āyasmā **piṅgiyo**—

“Passāmi naṃ manasā cakkhunāva,  
Rattindivaṃ brāhmaṇa appamatto.  
Namassamāno vivasemi rattim,  
Teneva maññāmi avippavāsam.

Saddhā ca pīti ca mano sati ca,  
Nā’penti’me gotamasāsanamhā.  
Yaṃ yaṃ disaṃ vajati bhūripañño,  
Sa tena teneva natohamasmī”ti<sup>1</sup>.

Teneva ca te aññaṃ satthāraṃ na uddisanti. Yathāha—

“Aṭṭhānametaṃ bhikkhave anavakāso, yaṃ diṭṭhisampanno puggalo aññaṃ satthāraṃ uddiseyyāti netam ṭhānaṃ vijjatī”ti<sup>2</sup>.

Kalyāṇaputhujjanāpi yebhuyyena satthari niccalasaddhā eva honti. Iti suppaṭipannehi purisavisesehi avirahitabbato, tesaṅca avirahanato na santi etassa rahā pariccejanakā, natthi vā etassa raho sādhuhi pariccejitabbatāti **araham**.

“Ye sacchikatasaddhammā, ariyā suddhagocarā.  
Na tehi rahito hoti, nātho tenā**raham** mato”ti.

**Rahoti** ca gamanaṃ vuccati, bhagavato ca nānāgatīsu paribbhamanaṅkhātaṃ saṃsāre gamanaṃ natthi kammakkhayakarena ariyamaggena bodhimūleyeva sabbaso sasambhārassa kammavaṭṭassa viddhaṃsitattā. Yathāha—

“Yena devūpapatyassa, gandhabbo vā vihaṅgamo.  
Yakkhattaṃ yena gaccheyyaṃ, manussattaṅca abbaje.  
Te mayhaṃ āsavā khīṇā, viddhastā vinaḷikatā”ti<sup>3</sup>.

1. Khu 1. 451 piṭṭhe.

2. Ma 3. 110; Aṃ 1. 29 piṭṭhesu.

3. Aṃ 1. 348 piṭṭhe.

Evam natthi etassa rahogamanam gatīsu paccājātītipi **arahaṃ**.

Raho vā gamanam yassa, saṃsāre natthi sabbaso.

Pahīnajātīmaraṇo, **arahaṃ** sugato mato.

Pāsaṃsattā vā bhagavā **arahaṃ**. Akkharacintakā hi pasāsaṃsāyam araha-saddam vaṇṇenti. Pāsaṃsabhāvo ca bhagavato anaññasādhāraṇo yathābhuccaguṇādhigato sadevake loke suppatiṭṭhito. Tathā hesa anuttarena sīlena anuttarena samādhinā anuttarāya paññāya anuttarāya vimuttiyā asamo asamasamo appaṭimo appaṭibhāgo appaṭipuggaloti evam tasmim tasmim guṇe vibhajitvā vuccamāne paṇḍitapurisehi devehi brahmehi bhagavatā vā pana pariyoṣāpetum asakkuṇeyyarūpo. Iti pāsaṃsattāpi bhagavā **arahaṃ**.

Guṇehi sadiso natthi, yasmā loke sadevake.

Tasmā pāsaṃsiyattāpi, **arahaṃ** dvipaduttamo.

Evam sabbathāpi—

“Ārakā mandabuddhīnam, ārakā<sup>1</sup> ca vijānataṃ.

Rahānam suppahīnattā, vidūnāmarāheyyato.

Bhavesu ca rahābhāvā, pāsaṃsā **arahaṃ** jino”ti.

131. **Sammā**ti aviparītaṃ. **Sāma**nti sayameva. **Sambuddho**ti hi ettha **saṃ**-saddo “sayan”ti etassa atthassa bodhako daṭṭhabbo. **Sabbadhammānanti** anavasesānam ñeyyadhammānam. Katham panettha sabbadhammāvabodho labbhatīti? Ekadesassa aggahaṇato. Padesaggahaṇe hi asati gahetabbassa nippadesatāva viññāyati yathā “dikkhito<sup>2</sup> na dadāti”ti. Evañca katvā atthavisesānekkhā kattari eva buddhasaddasiddhi veditabbā kammavacanicchāya abhāvato. “Sammā sāmaṃ buddhattā sammāsambuddho”ti ettakameva hi idha saddato labbhati, “sabbadhammānan”ti pana atthato labbhamānam gahetvā vuttam. Na hi bujjanakiriyā avisayā yujjati.

1. Āsannā (Mūlapaṇṇāsake sāleyyakasuttaṭīkāyam.)

2. Dakkhito (Syā), saddanītidhātumālā passitabbā.

Idāni tassā visayaṃ “sabbadhamme”ti sāmaññato vuttaṃ vibhajitvā dassetuṃ “**abhiññeyye dhamme**”ti-ādi vuttaṃ. Tattha **abhiññeyyeti** abhivisiṭṭhena ñāṇena jānitabbe. Ke pana teti? Catusaccadhamme. **Abhiññeyyato buddhoti** abhiññeyyabhāvato bujji. Pubbabhāge vipassanāpaññāya, adhigamakkhaṇe maggapaññāya, aparabhāge sabbaññutaññādihi aññāsīti attho. Ito paresupi eseva nayo. **Pariññeyye dhammeti** dukkhaṃ ariyasaccamāha. **Pahātābbeti** samudayapakkhiye. **Sacchikātabbeti** nibbānaṃ sandhāyāha. Bahuvacananiddeso pana sopādisesādikaṃ pariyāyasiddhiṃ bhedaṃ gahetvā kato, uddeso vā ayaṃ catusaccadhammānti. Tathā hi vakkhati “cakkhuṃ dukkhasaccaṃ”ti-ādi. Uddeso ca avinichitatthaparicchedassa dhammassa vasena karīyati. Uddesena hi uddisiyamānānaṃ dhammānaṃ atthitāmattaṃ vuccati, na paricchedoti aparicchedena bahuvacanaena vuttaṃ yathā “appaccayā dhammā, asaṅkhatā dhammā”ti<sup>1</sup>. **Sacchikātabbeti** vā phalavimuttīnampi gahaṇaṃ, na nibbānassevāti bahuvacananiddeso kato. Evañca **bhāvetābbeti** ettha jhānānampi gahaṇaṃ daṭṭhabbaṃ.

Gāthāyaṃ **bhāvetābbañcāti** ettha **ca**-saddo avuttasamuccayattho, tena sacchikātabbassa gahaṇaṃ veditabbaṃ. **Tasmā buddhosmīti** yasmā cattāri saccāni mayā buddhāni, saccavinimuttañca kiñci ñeyyaṃ natthi, tasmā sabbampi ñeyyaṃ buddhosmi, abbaññāsīti attho.

132. Evaṃ saccavasena sāmaññato vuttamatthaṃ dvārārammaṇehi saddhiṃ dvārappavattadhammehi, khandhādīhi ca saccavaseneva vibhajitvā dassetuṃ “**apicā**”ti-ādi āradhmaṃ. Tattha **mūlakāraṇabhāvenāti** santesupi avijjādīsu aññesu kāraṇesu tesampi mūlabhūtakāraṇabhāvena. Taṇhā hi kammaṃsa vicittabhāvahetuto, sahāyabhāvūpagamanato ca dukkhavicittatāya padhānakāraṇaṃ. **Samuṭṭhāpikāti** uppādikā. **Purimataṇhāti** purimabhavasiddhā taṇhā. **Ubhinnanti** cakkhussa, taṃsamudayassa ca. **Appavattīti** appavattinimittāṃ. **Nirodhapajānanāti** sacchikiriyaḥhisamayavasena nirodhassa paṭivijjhanā. **Ekekapaduddhārenāti** “cakkhuṃ cakkhusamudayo”ti-ādinaṃ

---

1. Abhi 1. 4 piṭṭhe.

ekekakoṭṭhāsaniddhāraṇena. Taṇhāyapi pariññeyyabhāvasabbhāvato, upādānakkhandhantogadhattā ca dukkhasaccasaṅgaham dassetuṃ “rūpatañhādayo cha taṇhākāyā”ti vuttaṃ.

**Kasiṇānī**ti kasiṇajjhānāni. **Dvattimsākārā**ti dvattimsa koṭṭhāsā, tadārammaṇajjhānāni ca. **Nava bhavā**ti kāmabhavādayo tayo, saññībhavādayo tayo, ekavokārabhavādayo tayoti nava bhavā. **Cattāri jhānānī**ti aggahitārammaṇavisesāni cattāri rūpāvacaraṇajjhānāni, vipākajjhānānam vā etaṃ gahaṇam. Ettha ca kusaladhammānam upanissayabhūtā taṇhā samuṭṭhāpikā purimataṇhāti veditabbā. Kiriyadhammānam pana yattha te tassa attabhāvassa kāraṇabhūtā.

**Anubuddhoti** bujjhitabbadhammassa anurūpato buddho. **Tenā**ti tasmā. Yasmā sāmāññato, visesato ca ekekapaduddhārena sabbadhamme buddho, tasmā vuttaṃ. Kinti āha “**sammā sāmāñca sabbadhammānam buddhattā**”ti, sabbassapi ñeyyassa sabbākārato aviparītaṃ sayameva abhisambuddhattāti attho. Imināssa paropadesarahitassa sabbākārena sabbadhammāvabodhanasamatthassa ākaṅkhappaṭibaddhavuttino anāvaraṇaññāsaṅkhātassa sabbaññutaññāṇassa adhigamo dassito.

Nanu ca sabbaññutaññāṇato aññam anāvaraṇaññam, aññathā “cha asādhāraṇaññāni buddhaññāṇāni”ti<sup>1</sup> vacanam virujjheyāti? Na virujjhati visayapavattibhedavasena aññehi asādhāraṇabhāvadassanattaṃ ekasseva ñāṇassa dvidhā vuttattā. Ekameva hi taṃ ñāṇam anavasesasaṅkhatāsaṅkhatasammuditammavisayatāya sabbaññutaññāṇam, tattha ca āvaraṇābhāvato nissaṅgacāramupādāya “anāvaraṇaññāṇam”ti vuttaṃ. Yathāha paṭisambhidāyaṃ “sabbaṃ saṅkhatamasāṅkhatam anavasesam jānātīti sabbaññutaññāṇam, tattha āvaraṇam natthīti anāvaraṇaññāṇam”ti-ādi<sup>2</sup>. Tasmā natthi nesaṃ atthato bhedo, ekantena cetam evamicchitabbari. Aññathā sabbaññutanāvaraṇaññāṇam sādharmaṇatā, asabbadhammārammaṇatā ca āpajjeyya. Na hi bhagavato ñāṇassa aṇumattampi āvaraṇam atthi, anāvaraṇaññāṇassa ca asabbadhammārammaṇabhāve yattha taṃ na pavattati, tathāvaraṇasabbhāvato anāvaraṇabhāvoyeva na siyā. Atha vā pana

1. Khu 9. 5 piṭṭhe.

2. Khu 9. 125 piṭṭhe.

hotu aññameva anāvaraṇaññāṇaṃ sabbaññutaññāṇato, idha pana sabbattha appaṭihata vuttitāya anāvaraṇaññāṇanti sabbaññutaññāṇameva adhippetam. Tassa cādhigamena bhagavā “sabbaññū, sabbavidū, sammāsambuddho”ti ca vuccati na sakimyeva sabbadhammāvabodhato. Tathā ca vuttaṃ **paṭisambhidāyaṃ**<sup>1</sup> “vimokkhantikametam buddhānaṃ bhagavantānaṃ bodhiyā mūle saha sabbaññutaññāṇassa paṭilābhā sacchikā paññatti yadidaṃ “buddho”ti. Sabbadhammāvabodhanasamatthaññāṇasamadhigamena hi bhagavato santāne anavasesadhamme paṭivijjhitaṃ samatthatā ahoṣīti.

Etthāha—kim panidaṃ ñāṇaṃ pavattamānaṃ sakimyeva sabbasmim visaye pavattati, udāhu kamenāti? Kiñcettha—yadi tāva sakimyeva sabbasmim visaye pavattati, atītānāgatapaccuppanna-ajjhatabhiddhādibhedabhinnānaṃ saṅkhatadhammānaṃ, asaṅkhatasammutidhammānaṃca ekajjhaṃ upaṭṭhāne dūrato cittapaṭaṃ pekkhantassa viya paṭivibhāgenāvabodho<sup>2</sup> na siyā, tathā ca sati “sabbe dhammā anattā”ti vipassantānaṃ anattākārena viya sabbadhammā anirūpitarūpena bhagavato ñāṇassa visayā hontīti āpajjati. Yepi “sabbañeyyadhammānaṃ ṭhitalakkhaṇavisayaṃ vikapparahitaṃ sabbakālaṃ buddhānaṃ ñāṇaṃ pavattati, tena te ‘sabbavidū’ti vuccanti, evaṃca katvā ‘caraṃ samāhito nāgo, tiṭṭhantopi samāhito’ti idampi vacanaṃ suvuttaṃ hotī”ti vadanti, tesampi vuttadosā nātivatti, ṭhitalakkhaṇārammaṇatāya ca abhītānāgatasammutidhammānaṃ tadabhāvato ekadesavisayameva bhagavato ñāṇaṃ siyā. Tasmā sakimyeva ñāṇaṃ pavattatīti na yujjati.

Atha kamena sabbasmim visaye ñāṇaṃ pavattati? Evampi na yujjati. Na hi jātibhūmisabhāvādivasena, disādesakālādivasena ca anekabhedabhinne ñeyye kamena gayhamāne tassa anavasesapaṭivedho sambhavati, apariyantabhāvato ñeyyassa. Ye pana “atthassa avisaṃvādanato ñeyyassa ekadesaṃ paccakkaṃ katvā ‘sesepi evan’ti adhimuccitvā vavatthāpanena sabbaññū bhagavā, taṅca ñāṇaṃ na anumānikaṃ saṃsayābhāvato. Saṃsayānubaddhaṃ hi loke anumānaññāṇaṃ”ti vadanti, tesampi taṃ na yuttaṃ. Sabbassa hi appaccakkhabhāve atthāvisaṃvādanena ñeyyassa ekadesaṃ

1. Khu 9. 172 piṭṭhe.

2. Paṭibhāgenā... (Sī, Syā) savibhāgenā... (Ka)

paccakkham katvā “sesepi evan”ti adhimuccivā vavatthāpanassa asamभवतो. Yañhi taṃ sesaṃ, taṃ appaccakkhanti.

Atha tampi paccakkham, tassa sesabhāvo eva na siyāti? Sabbametam akāraṇam. Ksmā? Avisayavicāraṇabhāvato. Vuttam hetam bhagavatā “buddhavisayo bhikkhave acinteyyo na cintetabbo. Yo cinteyya, ummādassa vighātassa bhāgī assā”ti<sup>1</sup>. Idam panettha sannitthānam—yamkiñci bhagavatā nātum icchitam sakalam, ekadeso vā, tattha appaṭihataavuttitāya paccakkhato nānam pavattati, niccasamādhānañca vikkhepābhāvato. Nātum icchitassa ca sakalassa avisayabhāve tassa ākaṅkhappaṭibaddhavuttitā na siyā, ekanteneva sā icchitabbā “sabbe dhammā buddhassa bhagavato āvajjanappaṭibaddhā ākaṅkhappaṭibaddhā manasikārappaṭibaddhā cittuppādappaṭibaddhā”ti<sup>2</sup> vacanato. Atītānāgatavisayampi bhagavato nānam anumānāgamatakkaggahaṇavirahitattā paccakkhameva.

Nanu ca etasmiṃ pakkhe yadā sakalam nātum icchitam, tadā sakimyeva sakalavisayatāya anirūpitarūpena bhagavato nānam pavatteyyāti vuttadosā nātivattiyevāti? Na, tassa visodhitattā. Visodhito hi so buddhavisayo acinteyyoti. Aññathā pacurajanañāṇasamānavuttitāya buddhānam bhagavantānam nāṇassa acinteyyatā na siyā. Tasmā sakaladhammārammaṇampi taṃ ekadhammārammaṇam viya suvatthāpīteyeva te dhamme katvā pavattatīti idamettha acinteyyam. Vuttañhetam “yāvatakaṃ ñeyyam, tāvatakaṃ nāṇam. Yāvatakaṃ nāṇam, tāvatakaṃ ñeyyam. Ñeyyapariyantikaṃ nāṇam, nāṇapariyantikaṃ ñeyyan”ti<sup>2</sup>. Evamekajjham, visum, sakim, kamena vā icchānurūpaṃ sammā sāmāñca sabbadhammānam buddhattā sammāsambuddho.

133. **Vijjāhīti** ettha vindiyam vindatīti vijjā, yāthāvato upalabbhatīti attho. Attano vā paṭipakkhassa vijjhatthēna vijjā, tamokkhandhādikassa padālanatthenāti attho. Tato eva attano visayassa viditakaraṇatthenapi vijjā. **Sampannattāti** samannāgatattā, paripuṇṇattā vā, avikalattāti attho. Tissannam, atthannam ca vijjānam tattha tattha sutte gahaṇam

1. Am 1. 392 piṭṭhe.

2. Khu 7. 139; Khu 8. 176; Khu 9. 376 piṭṭhesu.



vineyyajjhāsayavasenāti daṭṭhabbam. **Satta saddhammā** nāma saddhā hiri ottappam bāhusaccam vīriyam sati paññā ca. Ye sandhāya vuttam “idha bhikkhu saddho hoti”ti-ādi<sup>1</sup>. **Cattāri jhānānī**ti yāni kānici cattāri rūpāvacarajjhānāni.

Kasmā panettha silādayo pannaraseva “caraṇam”ti vuttāti codanam sandhāyāha “**imeyeva hi**”ti-ādi. Tena tesam sikkhattayasāṅgahato nibbānupagamane ekaṃsato sādhanabhāvamāha. Idāni tadatthasādhanāya āgamaṃ dassento “**yathāhā**”ti-ādimāha. **Bhagavāti**-ādi vuttassevatthassa nigamanavasena vuttam.

Nanu cāyam vijjācaraṇasampadā sāvakesupi labbhatīti? Kiñcāpi labbhati, na pana tathā, yathā bhagavatoti dassetuṃ “**tattha vijjāsampadā**”ti-ādi vuttam. Caraṇadhammapariyāpannattā karuṇābrahmavihārassa, so cettha mahaggatabhāvappattā sādharāṇabhāvoti āha “**caraṇasampadā mahākāruṇikataṃ pūretvā thitā**”ti. Yathā sattānam anattam paripajjetvā atthe niyojanam paññāya vinā nahoti, evam nesam atthānatthajānanam satthu karuṇāya vinā na hotīti ubhayampi ubhayattha sakiccakameva siyā. Yattha pana yassā padhānabhāvo, tam dassetuṃ “**so sabbaññutāyā**”ti-ādi vuttam. Tattha **yathā tam vijjācaraṇasampannoti** yathā aññopi vijjācaraṇasampanno, tena vijjācaraṇasampannassevāyam āveṇikā paṭipattīti dasseti. Sāpanāyam satthu vijjācaraṇasampadā sāsanassa niyyānikatāya sāvakānam sammāpaṭipattiyā ekantakāraṇanti dassetuṃ “**tenassā**”ti-ādi vuttam. Tam suviññeyyameva.

Ettha ca vijjāsampadāya satthu paññāmahattam pakāsitam hoti, caraṇasampadāya karuṇāmahattam. Tesu paññāya bhagavato dhammarajjappatti, karuṇāya dhammasamvibhāgo. Paññāya saṃsāradukkhanibbidā, karuṇāya saṃsāradukkhasahanam. Paññāya paradukkhaparijānanam, karuṇāya paradukkhapatikārārambho. Paññāya parinibbānābhimukhabhāvo, karuṇāya tadadhigamo. Paññāya sayam taraṇam, karuṇāya paresam tārāṇam. Paññāya buddhabhāvasiddhi, karuṇāya buddhakiccasiddhi. Karuṇāya vā bodhisattabhūmiyam saṃsārābhimukhabhāvo, paññāya tattha anabhirati. Tathā karuṇāya paresam

---

1. Am 3. 268 piṭṭhe.

abhimsāpanaṃ, paññāya sayāṃ parehi abhāyanaṃ. Karuṇāya paraṃ rakkhanto attānaṃ rakkhati, paññāya attānaṃ rakkhanto paraṃ rakkhati. Tathā karuṇāya aparantapo, paññāya anattantapo. Tena attahitāya paṭipannādīsu catūsu puggalesu catutthapuggalabhāvo siddho hoti. Tathā karuṇāya lokanāthata, paññāya attanāthakā. Karuṇāya cassa ninnatābhāvo, paññāya unnamābhāvo. Tathā karuṇāya sabbasattesu janitānuggaho paññānugatatā na ca na sabbattha virattacitto, paññāya sabbadhammesu virattacitto karuṇānugatatā na ca na sabbasattānuggahāya pavatto. Yathā hi karuṇā bhagavato sinehasokavirahitā, evaṃ paññā ahaṃkāramamaṃkāravanimuttāti aññamaññāvisodhitā paramavisuddhā guṇavisesā vijjācaraṇasampadāhi pakāsītāti daṭṭhabbāṃ.

134. **Gamanampi hi gatanti vuccati** “gate ṭhite”ti-ādīsu<sup>1</sup>. **Sobhananti** subhaṃ. Subhabhāvo visuddhatāya, visuddhatā dosavigamenāti āha “**parisuddhamanavajjan**”ti. Gamanañca nāma bahuvidhanti idhādhippetam gamaṇaṃ dassento “**ariyamaggo**”ti āha. So hi nibbānassa gati adhigamoti katvā “gataṃ, gamaṇaṃ”ti ca vuccati. Idāni tasseva gahaṇe kāraṇaṃ dassetuṃ “**tena hesā**”ti-ādī vuttaṃ. **Khemaṃ disanti** nibbānaṃ. **Asajjāmānoti** paripanthābhāvena sugatigamanepi asajjanto saṅgaṃ akaronto, pageva itarattha. Atha vā ekāsane nisīditvā khippabhiññāvaseneva catunnampi maggānaṃ paṭiladdhabhāvato asajjamāno asajjanto gato. Yaṃ gamaṇaṃ gacchanto sabba’manatthaṃ apaharati<sup>2</sup>, sabbañca anuttaraṃ sampattiṃ āvahati, tadeva sobhanaṃ nāma. Tena ca bhagavā gatoti āha “**iti sobhanagamanattā sugato**”ti sobhanattho su-saddoti katvā.

Asundarānaṃ dukkhānaṃ saṅkhārappavattīnaṃ abhāvato accantasukhattā ekantato sundaraṃ nāma asaṅkhatā dhātūti āha “**sundarañcesa ṭhānaṃ gato amataṃ nibbānaṃ**”ti. Tenāha bhagavā “nibbānaṃ paramaṃ sukhaṃ”ti<sup>3</sup>. **Sammāti** suṭṭhu. Suṭṭhu gamanañca nāma paṭipakkhena anabhibhūtassa gamaṇanti āha “**pahīne kilese puna apaccāgacchanto**”ti. Idañca sikhāppattaṃ sammāgamaṇaṃ, yāya āgamaṇīyapaṭipadāya siddhaṃ, sāpi sammāgamaṇamevāti

1. Dī 1. 67; Dī 2. 233 piṭṭhādīsu.

2. Āpohati (Syā, Ka)

3. Ma 2. 176; Khu 1. 43 piṭṭhesu.

evampi bhagavā sugatoti dassetuṃ “**sammā vā gato**”ti-ādi vuttaṃ. **Sammāpaṭipattiyā**ti sammāsambodhiyā sampāpane aviparītaṭṭipattiyā. “**Sabbalokassa hitasukhameva karonto**”ti etena mahābodhiyā<sup>1</sup> paṭipadā avibhāgena sabbasattānaṃ sabbadā hitasukhāvahabhāveno pavattatīti dasseti. “**Sassataṃ ucchedanti ime ante anupagacchanto gato**”ti etena paṭiccasamuppādagatim dasseti. “**Kāmasukhaṃ attakilamathanti ime anupagacchanto gato**”ti etena ariyamaggatim dasseti.

**Tatrā**ti yuttaṭṭhāne yuttasseva bhāsane nipphādetabbe, sādhetabbe cetam bhummaṃ. **Abhūtaṃ**ti abhūtatthaṃ. Atthamukhena hi vācāya abhūtā, bhūtā vā. **Atacchanti** tasseva vevacanaṃ. **Abhūtaṃ**ti vā asantaṃ avijjamānaṃ. **Atacchanti** atathākāraṃ aññathāsantaṃ. **Anatthasañhitanti** diṭṭhadhammikenā, samparāyikenā vā anatthena sañhitaṃ, anathāvahaṃ. Na atthoti anattho, atthassa paṭipakkho, abhāvo ca, tena sañhitaṃ, piṣuṇavācaṃ, sammappalāpañcāti attho. Evamettha catubbidhassāpi vacīduccaritassa saṅgaho daṭṭhabbo. Ettha ca paṭhamā vācā silavantaṃ “dussīlo”ti, acaṇḍālādimeva “caṇḍālo”ti-ādinā bhāsamānassa daṭṭhabbā. Dutiyā dussīlaṃ “dussīlo”ti, caṇḍālādimeva “caṇḍālo”ti-ādinā avinayena bhāsamānassa. Tatiyā nerayikādikassa nerayikādibhāvavibhāvanīkathā yathā “āpāyiko devadatto nerayiko”ti-ādikā<sup>2</sup>. Catutthī “vedavihitena yaññavidhinā pāṇātipātādikataṃ sugatim āvahaṃ”ti lokassa byāmohanakathā. Pañcamī bhūtena pesuññūpasamhārādīkathā. Chaṭṭhā yuttappattaṭṭhāne pavattitā dānasīlādīkathā veditabbā. **Evaṃ sammā gadattā**ti yathāvuttaṃ abhūtādīm vajjetvā bhūtaṃ tacchaṃ atthasañhitaṃ piyaṃ manāpaṃ tato eva sammā suṭṭhu gadanato **sugato** da-kārassa ta-kāraṃ katvā. Āpāthagamanamattena kassaci appiyampi hi bhagavato vacanaṃ piyaṃ manāpameva atthasiddhiyā lokassa hitasukhāvahattā.

Apica sobhanaṃ gataṃ gamaṇaṃ etassāti **sugato**. Bhagavato hi veneyyajanupasaṅkamaṇaṃ ekantena tesam hitasukhanipphādanato sobhanaṃ

1. Mahābodhiyāna (Sī, Ka), mahābodhiñāṇaṃ (Syā)

2. Vi 4. 365 piṭṭhe.

bhaddakaṃ. Tathā lakkhaṇānubyañjanapaṭimaṇḍitarūpakāyatāya dutavilambitakhalitānukaḍḍhana nippīlanakkuṭika kuṭilākulatādidosarahita vilāsitarājahaṃsa vasabhavāraṇa migarājagamaṇaṃ kāyagamaṇaṃ, ñāṇagamaṇaṃca vipulanimmalakarūṇāsativīriyādiguṇavisesayahitaṃ abhinīhārato yāva mahābodhi anavajjatāya, sattānaṃ hitasukhāvahatāya ca sobhānameva. Atha vā sayambhūñāṇena sakalampi lokāṃ pariññābhisamayavasena pariḷānanto sammā gato avagatoti **sugato**. Tathā lokasamudayaṃ pahānābhisamayavasena pajahanto anuppattidhammataṃ āpādentō sammā gato atītoti **sugato**. Lokanīrodhaṃ nibbānaṃ sacchikiriyābhisamayavasena sammā gato adhigatoti **sugato**. Lokanīrodhagāminiṃ paṭipadaṃ bhāvanābhisamayavasena sammā gato paṭipannoṭi **sugato**. Tathā yaṃ imassa sadevakassa lokassa diṭṭhaṃ sutāṃ mutaṃ viññātaṃ pattaṃ pariyesitaṃ anuvicaritaṃ manasā, sabbaṃ taṃ hatthatale āmalakaṃ viya sammā paccakkhato gato abbhaññāsīti **sugato**.

135. **Sabbathā**ti sabbappakārena. Yo yo loko yathā yathā veditabbo, tathā tathā. Te pana pakāre dassetuṃ “**sabhāvato**”ti-ādi vuttaṃ. Tattha **sabhāvato**ti dukkhasabhāvato. Sabbo hi loko dukkhasabhāvo. Yathāha “saṃkhittena pañcupādānakkhandhā dukkhā”ti<sup>1</sup>. **Samudayatoti** yato so samudeti, tato taṇhādito. **Nirodhatoti** yattha so nirujjhati, tato visāṅkhārato. **Nirodhūpāyatoti** yena vidhinā so nirodho pattabbo, tato ariyamaggato, ito aññassa pakārassa abhāvā.

Iti “sabbathā lokāṃ aveḍī”ti vatvā tadatthasādhakaṃ suttaṃ dassento “**yattha kho āvuso**”ti-ādimāha. Tattha “**na jāyatī**”ti-ādinā ujukaṃ jāti-ādīni paṭikkhipitvā “**na cavati na upapajjati**”ti padadvayena aparāparaṃ cavanupapajjanāni paṭikkhipati. Keci pana “na jāyatīti-ādi gabbhaseyyakavasena vuttaṃ, itaraṃ opapātikavasena”ti vadanti. **Tanti** jāti-ādirahitaṃ. **Gamanenāti** padasā gamanena. **Ñāteyyanti** jānitabbaṃ. “**Ñātāyan**”ti vā paṭho, ñātā yaṃ nibbānatthikoti adhippāyo.

---

1. Vi 3. 14; Dī 2. 243 piṭṭhādīsu.

Kāmaṃ pādaganena gantvā lokassantaṃ ñātuṃ, daṭṭhuṃ, pattuṃ vā na sakkā, apica parimitaparicchinnatṭhāne taṃ paññāpetvā dassemīti dassento “**apicā**”ti-ādimāha. Tattha **sasaññimhīti** saññāsahite. Tato eva **samanake** saviññāṇake. Aviññāṇake pana utusamuṭṭhānarūpasamudāyamatte paññāpetuṃ na sakkāti adhippāyo. **Lokanti** khandhādilokaṃ.

**Lokanirodhanti** tassa lokassa nirujjhaṇaṃ, nibbānameva vā. Adesampi hi taṃ yesaṃ nirodho, tesāṃ vasena upacārato, desatopi niddisīyati yathā “cakkhuṃ loke piyarūpaṃ sātārūpaṃ, etthesā taṇhā pahīyamānā pahīyati, ettha nirujjhamānā nirujjhatī”ti<sup>1</sup>.

**Gamanenāti** pākatikaganena. **Lokassantoti** saṅkhāralokassa anto antakiriyaḥetubhūtaṃ nibbānaṃ. **Kudācananti** kadācipi. **Apatvāti** aggamaggena anadhigantvā. **Pamocananti** pamutti nissaraṇaṃ. **Tasmāti** yasmā lokassantaṃ apatvā vaṭṭadukkhato mutti natthi, tasmā. **Haveti** nipātamattaṃ. **Lokavidūti** sabhāvādito sabbaṃ lokaṃ jānanto. **Sumedhoti** sundarapañño. **Lokantagūti** pariññābhisamayena lokaṃ viditvā pahānābhisamayena lokantagū. Maggabrahmacariyavāsassa pariniṭṭhitattā **vusitabrahmacariyo**. Sabbesaṃ kilesānaṃ samitattā, catusaccadhammānaṃ vā abhisamitattā **samitāvī**. **Nāsīsati** na pattheti. Yathā imaṃ lokaṃ, evaṃ parañca lokaṃ appaṭṭisandhikattā.

136. Evaṃ yadipi lokavidutā anavasesato dassitā sabhāvato dassitattā, loko pana ekadeseneva vuttoti taṃ anavasesato dassetuṃ “**apica tayo lokā**”ti-ādi vuttaṃ. Tattha indriyabaddhānaṃ khandhānaṃ samūho, santāno ca **sattaloko**. Rūpādīsu sattavisattatāya satto, lokīyanti ettha kusalākusalaṃ, tabbipāko cāti lokoti. Anindriyabaddhānaṃ rūpādīnaṃ samūho, santāno ca **okāsaloko** lokiyanti ettha tasā, thāvarā ca, tesañca okāsabhūtoti. Tadādhāratāya hesa “bhājanaloko”tipi vuccati. Ubhayepi khandhā **saṅkhāraloko** paccayehi saṅkharīyanti, lujjanti palujjanti cāti. **Āhāraṭṭhitikāti** paccayaṭṭhitikā,

1. Dī 2. 248; Ma 1. 86; Abhi 2. 109 piṭṭhesu.

paccayāyattavuttikāti attho. Paccayattho hettha **āhāra**-saddo “ayamāhāro anuppannessa vā kāmaccchandassa uppādāyā”ti-ādīsu<sup>1</sup> viya. Evaṃ hi “sabbe sattā”ti iminā asaṅṅasattāpi pariggahitā honti. Sā panāyaṃ āhāraṭṭhitikātaṃ nippariyāyato saṅkhāradhammo, na sattadhammoti āha “**āhāraṭṭhitikāti āgataṭṭhāne saṅkhāraloko veditabbo**”ti.

Yadi evaṃ “sabbe sattā”ti idaṃ kathanti? Puggalādhiṭṭhānā desanāti nāyaṃ doso. Yathā aṅṅatthāpi “ekadhamme bhikkhave bhikkhu sammā nibbindamāno sammā virajjamāno sammā vimuccamāno sammā pariyantadassāvī sammadattham abhisamecca diṭṭheva dhamme dukkhassantakaro hoti. Katamasmiṃ ekadhamme? Sabbe sattā āhāraṭṭhitikā”ti<sup>2</sup>. Diṭṭhigatikānaṃ sassatādivasena “attā, loko”ti ca parikkappānā yebhuyyena sattavisayā, na saṅkhāravīsayaṭi āha “**sassato lokoti vā asassato lokoti vā āgataṭṭhāne sattaloko veditabbo**”ti.

**Yāvata candimasūriyā pariharantīti** yattake ṭhāne candimasūriyā parivattanti paribbhamanti. **Disā bhanti virocāmānāti** tesam paribbhamaneneva tā disā pabhassarā hutvā virocanti. **Tāva saḥassadhā lokoti** tattakaṃ saḥassappakāro okāsaloko, saḥassalokadhātuyoti attho. “Tāvasaḥsavā”ti vā pāṭho.

**Tampīti** taṃ tividhampi lokaṃ. Tathā hissa sabbathāpi veditoti sambandho. **Eko lokoti** “sabbe sattā āhāraṭṭhitikā”ti yāya puggalādhiṭṭhānāya kathāya sabbesaṃ saṅkhārānaṃ paccayāyattavuttitā vuttā, tāya sabbo saṅkhāraloko eko ekavidho pakārantarassa abhāvato. **Dve lokāti**-ādīsupi iminā nayena attho veditabbo. **Nāmaggaḥaṇena** cettha nibbānassa aggahaṇaṃ, tassa alokasabhāvattā. Nanu ca “āhāraṭṭhitikā”ti ettha paccayāyattavuttitāya maggaphaladhammānampi lokatā āpajjati? Nāpajjati, pariññeyyānaṃ dukkhasaccadhammānaṃ idha “loko”ti adhippetattā. Atha vā “na lujjati na

1. Saṃ 3. 90 piṭṭhe.

2. Aṃ 3. 297 piṭṭhe.

palujjati”ti yo gahito tathā na hoti, so lokoti taṃgahaṇarahitānaṃ lokuttarānaṃ natthi lokatā. Upādānānaṃ ārammaṇabhūtā khandhā **upādānakkhandhā. Dasāyatanānī**ti dasa rūpāyatanāni.

Ettha ca “āhāraṭṭhitikā”ti paccayāyattavuttitāvacaṇena saṅkhārānaṃ aniccatā. Tāya ca “yadaniccaṃ, taṃ dukkhaṃ. Yaṃ dukkhaṃ, tadanattā”ti<sup>1</sup> vacanato dukkhānattatā ca pakāsitā hontīti tīṇipi sāmāññalakkhaṇāni gahitāni. **Nāma**nti cattāro arūpino khandhā, te ca atthato phassādayo. **Rūpa**nti bhūtopādāyarūpāni, tāni ca atthato pathavī-ādayoti aviseseneva salakkhaṇato saṅkhārā gahitā. Taggahaṇeneva ye tesāṃ visesā kusalādayo, hetu-ādayo ca, tepi gahitā eva hontīti āha “**iti ayaṃ saṅkhāralokopi sabbathā vidito**”ti.

Āgamma cittaṃ seti etthāti **āsayo** migāsayo viya. Yathā migo gocarāya gantvā paccāgantvā tattheva vanagahane sayatīti so tassa āsayo, evaṃ aññathā pavattitvāpi cittaṃ āgamma yattha seti, so tassa āsayoti vuccati. So pana sassatadiṭṭhi-ādivasena catubbidho. Vuttañce—

“Sassatucchedadiṭṭhi ca, khanti cevānulomikā.

Yathābhūtañca yaṃ ñāṇaṃ, etaṃ āsayasadditaṃ”ti.

Tattha sabbadiṭṭhīnaṃ sassatucchedadiṭṭhīhi saṅgahitattā sabbepi diṭṭhigatikā sattā imā eva dve diṭṭhiyo sannissitā. Yathāha “dvayanissito khvāyaṃ kaccāna loko yebhuyyena atthitañca natthitañcā”ti<sup>2</sup>. **Atthitā**ti hi sassataggāho adhippeto, **na tthitā**ti ucchedaggāho. Ayaṃ tāva vaṭṭanissitānaṃ puthujjanānaṃ āsayo. Vivatṭanissitānaṃ pana suddhasattānaṃ anulomikā khanti, yathābhūtaññāṇanti duvidho āsayo.

**Āsayam jānāti**ti catubbidhampi sattānaṃ āsayam jānāti. Jānanto ca tesāṃ diṭṭhigatānaṃ, tesañca ñāṇānaṃ appavattikkhaṇepi jānāti. Vuttañhetam—

1. Sam 2. 19 piṭṭhe.

2. Sam 1. 257 piṭṭhe.

“Kāmaṃ sevantaññeva jānāti ‘ayaṃ puggalo kāmagaruko  
kāmāsayo kāmādhimutto’ti, kāmaṃ sevantaññeva jānāti ‘ayaṃ puggalo  
nekkhammagaruko nekkhammāsayo nekkhammādhimutto’ti”<sup>1</sup>.

Appahīnabhāvena santāne anu anu sayantīti **anusayā**, anurūpaṃ  
kāraṇaṃ labhitvā uppajjantīti attho. Etena nesaṃ kāraṇalābhe  
uppajjanārahataṃ dasseti. Appahīnā hi kilesā kāraṇalābhe sati uppajjanti. Ke  
pana te? Rāgādayo satta anāgatā kilesā, atītā, paccuppannā ca taṃsabhāvattā  
tathā vuccanti. Na hi dhammānaṃ kālabhedena sabhāvabhedo atthi. Taṃ  
sattavidhaṃ anusayaṃ tassa tassa sattassa santāne paroparabhāvena  
pavattamānaṃ jānāti.

**Caritanti** sucaritaduccaritaṃ. Taṃ hi **vibhaṅge**<sup>2</sup> caritaniddese  
niddiṭṭhaṃ. Atha vā **caritanti** cariyā veditabbā. Tā pana  
rāgadosamohasaddhābuddhivītakavasena cha mūlacariyā, tāsaṃ aperiyaṃto  
antarabhedo, saṃsaggabhedo pana tesatṭhividho. Taṃ caritaṃ sabhāvato  
saṃkilesavodānato samuṭṭhānato phalato nissandatoti evamādinā pakārenā  
**jānāti**.

**Adhimutti** ajjhāsayaadhātu. Sā duvidhā hīnādhimutti paṇītādhimuttīti.  
Yāya hīnādhimuttikā sattā hīnādhimuttikeyeva sevanti, paṇītādhimuttikā ca  
paṇītādhimuttikeyeva. Sā ajjhāsayaadhātu ajjhāsayasabhāvo adhimutti. Taṃ  
**adhimuttiṃ jānāti** “imassa adhimutti hīnā, imassa paṇītā”ti, tatthāpi “imassa  
mudu, imassa mudutarā, imassa mudutama”ti-ādinā. Indriyānaṃ hi  
tikkhamudubhāvādinā yathārahaṃ adhimuttiyā tikkhamudubhāvādikō  
veditabbo. Tathā hi vuttaṃ **sammohavinodanīyaṃ**<sup>3</sup> “hetṭhā gahitāpi  
adhimutti idha sattānaṃ tikkhindriyamudindriyabhāvadassanattaṃ puna  
gahitā”ti.

Apparajaṃ akkhaṃ etesanti apparajakkhā, appaṃ vā rajaṃ paññāmaye  
akkhimhi etesanti apparajakkhā, anussadarāgādirajā sattā, te **apparajakkhe**.  
**Mahārajakkheti** etthāpi esevanayo. Ussadarāgādirajā mahārajakkhā.

1. Khu 9. 118 piṭṭhe.

2. Abhi 2. 353 piṭṭhe.

3. Abhi-Ṭṭha 2. 442 piṭṭhe.



**Tikkhindriyeti** tikhiṇehi saddhādīhi indriyehi samannāgate. **Mudindriyeti** mudukehi saddhādīhi indriyehi samannāgate. Upanissaya-indriyāni nāma idhādhippetāni. **Svākāreti** sundarākāre kalyāṇapakatike, vivattaṭṭajjhāsayeti attho. **Suviññāpayeti** sammattaniyāmaṃ viññāpetuṃ sukare saddhe, paññavante ca. **Bhabbe abhabbeti** ettha **bhabbeti** kammāvaraṇakilesāvaraṇavipākāvaraṇarahite. Vuttapipariyāyena **dvākāraduviññāpayābhabbā** veditabbā. Ettha ca “imassa rāgarajo appo, imassa dosarajo appo”ti-ādinā apparajakkhesu jānanam veditabbam. Sesesupi eseva nayo. **Tasmāti** yasmā bhagavā aparimāṇe satte āsayādito anavasesetvā jānāti, tasmā assa bhagavato sattalokopi sabbathā vidito.

Nanu ca sattesu pamāṇadipi jānitabbo atthīti? Atthi. Tassa pana jānanam na nibbidāya virāgāya nirodhāyāti idha na gahitam, bhagavato pana tampi suviditam suvatthāpitameva, payo janābhāvā desanam naruḷham. Tena vuttam—

“Atha kho bhagavā parittam nakhasikhāyam paṃsum āropetvā bhikkhū āmantesi ‘tam kiṃ maññatha bhikkhave, katamam nu kho bahutaram, yo vāyam mayā parittho nakhasikhāyam paṃsu āropito, ayam vā mahāpathavī’ti”ādī<sup>1</sup>.

137. Okāsalokopi sabbathā viditoti sambandho. **Cakkavāḷanti** lokadhātu. Sā hi nemimaṇḍalasadisena cakkavāḷapabbatena samantato parikkhittattā “cakkavāḷan”ti vuccati. **Catutimsasatāni cāti** catu-adhikāni timsasatāni, tīṇisahasāni, cattārisatāni cāti attho. **Aḍḍhuḍḍhānīti** upaḍḍhacattutthāni, tīṇisatāni, paññāsañcāti attho. **Nahutānīti** dasasahasāni. **Sanḅhātāti** kathitā. **Sanḅhitīti** heṭṭhā, uparito cāti sabbaso ṭhiti.

**Evam sanḅhītetī** evamavaṭṭhite. **Etthāti** cakkavāḷe. **Accuggato tāvadevāti** tattakameva caturāsīti yojanasahasāniyeva

---

1. Sam 3. 400 piṭṭhe.

ubbedho. Na kevalam cettha ubbedhova, atha kho āyānavitthārāpissa tattakāyeva. Vuttañhetam—

“Sineru bhikkhave pabbatarājā caturāsīti yojanasahassāni āyāmena, caturāsīti yojanasahassāni vitthārenā”<sup>1</sup>.

**Tatoti** sinerussa heṭṭhā, upari ca vuttappamāṇato. **Upaḍḍhupadḍhenāti** upaḍḍhena upaḍḍhena. Idam vuttam hoti—dvācattālīsa yojanasahassāni samudde ajjhogāḷho tattakameva ca upari uggato **yugandharapabbato**, ekavīsa yojanasahassāni samudde ajjhogāḷho tattakameva ca upari uggato **īsadharo** pabbatoti iminā nayena sesesupi upaḍḍhupadḍhapamāṇatā veditabbā. Yathā mahāsamuddo yāva cakkavāḷapādamūlā anupubbaninno, evam yāva sinerupādamūlāti heṭṭhā sinerupamāṇato upaḍḍhapamāṇopi yugandharapabbato pathaviyam suppatiṭṭhito, evam īsadharādayopīti daṭṭhabbam. Vuttam hetam “mahāsamuddo bhikkhave anupubbaninno anupubbapoṇo anupubbapabbhāro”<sup>2</sup>. Sineruyugandharādīnam antare **sīdantarasmuddā**<sup>3</sup> nāma. Te vitthārato yathākkamam sineru-ādīnam accuggatasamāparimāṇāti vadanti. **Brahāti** mahanto.

**Sinerussa samantatoti** parikkhipanavasena sinerussa samantato ṭhitā. Sinerum tāva parikkhipitvā ṭhito yugandharo, tam parikkhipitvā īsadharo. Evam tam tam parikkhipitvā ṭhitā “sinerussa samantato”<sup>3</sup>ti vuttā.

**Yojanānam satānucco, himavā pañca pabbatoti** himavā pabbato pañca yojanānam satāni ucco ubbedho. **Nagavhayāti naga-**saddena avhātabbā rukkhābhidhānā. **Paññāsajoyanakkhandhasākhāyāmāti** ubbedhato paññāsajoyanakkhandhāyāmā, ubbedhato, **samantato** ca paññāsajoyanasākhāyāmā ca. Tato eva **satayojanavitthiṇṇā, tāvadeva ca uggatā. Yassānubhāvenāti** yassā mahantatā kappatṭhāyitādippakārena pabhāvena.

**Garulānam simbalirukkho** sinerussa dutiyaparibhaṇḍe patiṭṭhito.

1. Am 2. 474 piṭṭhe.

2. Khu 1. 139; Vi 4. 419; Am 3. 39 piṭṭhesu.

3. Sīdantasamuddā (Sī)

**Sirīsenā**ti paccatte karaṇavacanāṃ. **Sattamanti** liṅgavipallāsenā vuttāṃ, sirīso bhavati sattamoti attho.

Tattha **caṇḍamaṇḍalaṃ** heṭṭhā, **sūriyamaṇḍalaṃ** upari. Tassa āsannabhāvena candamaṇḍalaṃ attano chāyāya vikalabhāvena upaṭṭhāti. Tāni yojanantarikāni yugandharaggapamāṇe ākāse vicaranti. **Asurabhavanaṃ** sinerussa heṭṭhā. **Avīci** jambudīpassa. **Jambudīpo** sakaṭasaṇṭhāno. **Aparagoyānaṃ** ādāsasaṇṭhāno. **Pubbavideho** addhacandasanaṇṭhāno. **Uttarakuru** pīṭhasanaṇṭhāno. Taṃtaṃnivāsīnaṃ, taṃtaṃparivāradīpavāsīnaṃca manussānaṃ mukhampi taṃtaṃsaṇṭhānanti vadanti. **Tadantaresū**ti tesāṃ cakkavāḷānaṃ antaresu. Tiṇṇaṃ hi pattānaṃ aññamañña-āsannabhāvena ṭhapitānaṃ antarasadise tiṇṇaṃ tiṇṇaṃ cakkavāḷānaṃ antare ekeko **lokantaranirayo**.

**Anantānī**ti aparimāṇāni, “ettakānī”ti aññehi minitum asakkuṇeyyāni. **Bhagavā anantena buddhañāṇena avedi** “ananto ākāso, ananto sattanikāyo, anantāni cakkavāḷānī”ti tividhampi anantaṃ buddhañāṇaṃ paricchindati sayampi anantattā. Yāvatakaṃ hi ñeyyaṃ, tāvatakaṃ ñāṇaṃ. Yāvatakaṃ ñāṇaṃ, tāvatakaṃ ñeyyaṃ. Ñeyyapariyantikaṃ ñāṇaṃ, ñāṇapariyantikaṃ ñeyyanti. Tena vuttāṃ “anantena buddhañāṇena avedi”ti. Anantatā cassa anantaṇe yapaṭivijjaneneva veditabbā tattha appaṭihatacārattā. Nanu cettha vivaṭṭādīnampi viditatā vattabbāti? Saccāṃ vattabbaṃ, sā pana parato abhiññākathāyaṃ āgamiṣṣatīti idha na gahitā.

138. **Attanā**ti nissakkavacanametāṃ. Guṇehi attanā viṣiṭṭhatarassāti sambandho. **Taraggahaṇaṃ** cettha “**anuttaro**”ti padassa atthaniddesatāya katāṃ, na viṣiṭṭhassa kassaci atthitāya. Sadevake hi loke sadisakappopi nāma koci tathāgatassa natthi, kato sadiso. Viṣiṭṭhe pana kā kathā. **Kassacī**ti kassacipi. **Abhibhavatī**ti silasampadāya upanissayabhūtānaṃ hirottappamettākaruṇānaṃ, viṣesapaccayānaṃ saddhāsativīriyapaññānaṃca ukkaṃsappattiyā samudāgamato paṭṭhāya anaññasādhāraṇo savāsanapaṭipakkhassa pahīnattā ukkaṃsapāramippatto satthu silaguṇo. Tena bhagavā sadevakaṃ lokaṃ aññadatthu

abhibhuyya pavattati, na sayam kenaci abhibhuyyatīti adhippāyo. Evaṃ samādhiguṇādīsupi yathārahaṃ vattabbaṃ. Sīlādayo cete lokiyalokuttaramissakā veditabbā. **Vimuttiñāṇadassanaṃ** pana lokiyaṃ kāmāvacarameva.

Yadi evaṃ kathaṃ tena sadevakaṃ lokaṃ abhibhavatīti? Tassāpi ānubhāvato asadisattā. Tampi hi visayato, pavattito, pavatti ākārato ca uttaritarameva. Taṃ hi anaññasādhāraṇaṃ satthu vimuttiguṇaṃ ārabba pavattati, pavattamānaṃ atakkāvacaraṃ paramagambhīraṃ saṅhasukhumaṃ savisayaṃ paṭipakkhadhammānaṃ suppahīnattā suṭṭhu pākaṭaṃ vibhūtataṃ katvā pavattati, sammadeva ca vasībhāvassa pāpitattā, bhavaṅgaparivāsassa ca atiparittakattā lahuṃ lahuṃ pavattatīti.

Evaṃ sīlādiguṇehi bhagavato uttaritarassa abhāvaṃ dassetvā idāni sadisassāpi abhāvaṃ dassetuṃ “**asamo**”ti-ādi vuttaṃ. Tattha **asamoti** ekasmiṃ kāle natthi etassa sīlādiguṇena samā sadisāti asamo. Tathā asamehi atītānāgatabuddhehi samo, asamā vā samā etassāti **asamasamo**. Sīlādiguṇena natthi etassa paṭimāti **appaṭimo**. Sesapadadvayepi eseva nayo. Tattha upamāmatṭaṃ paṭimā, sadisūpamā paṭibhāgo, yugaggāhavasena ṭhito paṭipuggalo veditabbo.

**Na kho panāhaṃ samanupassāmīti** mama samantacakkhunā hatthatale āmalakaṃ viya sabbalokaṃ passantopi tattha sadevake -pa- pajāya attanā attato sīlasampannataraṃ sampannatarasīlaṃ kañci puggalaṃ na kho pana passāmi, tādisassa abhāvati adhippāyo. **Aggappasādasuttādīnīti** ettha—

“Yāvatā bhikkhave sattā apadā vā dvipadā vācatuppadā vā bahuppadā vā rūpino vā arūpino vā saññino vā asaññino vā nevasaññināsaññino vā, tathāgato tesam aggamakkhāyati arahaṃ sammāsambuddho. Ye bhikkhave buddhe pasannā, agge te pasannā. Agge kho pana pasannānaṃ aggo vipāko hotī”ti<sup>1</sup>

---

1. Am 1. 343; Am 2. 29; Am 3. 273; Khu 1. 254 piṭṭhesu.

idaṃ aggappasādasuttaṃ. **Ādi-saddena**—

“Sadevake -pa- sadevamanussāya tathāgato abhibhū anabhibhūto  
aññadatthudaso vasavattī, tasmā ‘tathāgato’ti vuccatī”<sup>1</sup>—

Evamādīni suttapadāni veditabbāni. **Ādikā gāthāyoti** ettha—

“Ahaṃ hi arahā loke, ahaṃ satthā anuttaro.

Ekomhi sammāsambuddho, sīthibhūtosmi nibbuto<sup>2</sup>.

Danto damayataṃ seṭṭho, santho samayataṃ isi.

Mutto mocayataṃ aggo, tiṇṇo tārayataṃ varo<sup>3</sup>.

Nayimasmiṃ loke parasmim vā pana,

Buddhena seṭṭho sadiso ca vijjati.

Yamāhu dakkhiṇeyyānaṃ aggataṃ gato,

Puññatthikānaṃ vipulaphalesinaṃ”<sup>4</sup>—

evamādikā gāthā **vitthāretabbā**.

139. **Dametīti** sameti, kāyasamādīhi yojetīti attho. Taṃ pana  
kāyasamādīhi yojanaṃ yathārahaṃ tadaṅgavinayādīsu patiṭṭhāpanaṃ hotīti  
āha “**vinetīti vuttaṃ hoti**”<sup>1</sup>ti. **Dametum yuttāti** damanārahā.

**Amanussapurisāti** ettha na manussāti amanussā. Taṃsadisakā ettha<sup>5</sup> jotīyati,  
tena manussattamattaṃ natthi, aññaṃ samānanti yakkhādayo “amanussā”<sup>1</sup>ti  
adhippetā, na ye keci manussehi aññe. Tathā hi tiracchānapurisānaṃ visum  
gahaṇaṃ kataṃ, yakkhādayo eva ca niddiṭṭhā. **Apalālo** himavantavāsī.

**Cūlodaramahodarā** nāgadīpavāsino. **Aggisikhadhūmasikhā** sīhaḷadīpavāsino.  
**Nibbisā katā** dosavisassa vinodanena. Tenāha “**saraṇesu ca sīlesu ca**  
**patiṭṭhāpitā**”<sup>2</sup>ti. **Kūṭadantādayoti ādi-saddena** Ghoṭamukha<sup>6</sup> Upāli gahapati-  
ādīnaṃ saṅgaho daṭṭhabbo. **Sakkadevarājādayoti ādi-saddena**

1. Am 1. 33; Dī 3. 110 piṭṭhesu.

3. Khu 1. 77 piṭṭhe.

5. Ettha na-kārena (Ka)

6. Ghoramukhara (Syā), gheramukha (Ka) Ma 2. 364 piṭṭhe passitabbaṃ.

2. Vi 3. 12; Ma 1. 227; Ma 2. 95 piṭṭhesu.

4. Khu 2. 95; Abhi 4. 483 piṭṭhesu.

ajakalāpayakkhabakabrahmādīnaṃ saṅgaho daṭṭhabbo. **Idaṃ cettha suttanti** idaṃ kesisuttam. **Vinīṭā vicitrehi vinayanūpāyehīti** etasmim atthe vitthāretabbam yathārahaṃ saṅhādīhi upāyehi vinayassa dīpanato.

**Visuddhasīlādīnaṃ paṭhamajjhānādīnīti** “visuddhasīlassa paṭhamajjhānaṃ, paṭhamajjhānalābhino dutiyajjhānan”ti-ādinā tassa tassa uparūpari visesaṃ ācikkhantoti sambandho. **Sotāpannādīnanti** etthāpi eseva nayo. **“Dantepe dametiyevā”**ti idaṃ pubbe “sabbena sabbam damatham anupagatā puridasammā”ti vuttāti katvā vuttam. Ye pana vippakatadammabhāvā sabbathā dametabbatam nātivattā, te satte sandhāya “dantepe dametiyevā”ti vuttam. Tepi hi purisadammā evāti, yato ne satthā dameti.

**Atthapadanti** atthābhībyañjakapadam, vākyanti attho. Vākyena hi atthobhībyatti, na nāmādīpadamattena. Ekapadabhāvena ca anaññasādhāraṇo satthu purisadammasārathibhāvo dassito hoti. Tenāha **“bhagavā hī”**ti-ādi. **Aṭṭha disāti** aṭṭha samāpattiyo. Tā hi aññamaññasambandhāpi asaṃkiṇṇabhāvena dissanti apadissantīti **disā**, disā viyāti vā **disā**. **Asajjamānāti** na sajjamānā vasībhāvappattiyā nissaṅgacārā. **Dhāvanti** javanavuttiyogato. **Ekamyeva disam dhāvati**, attano kāyaṃ aparivattentoti adhippāyo. Satthārā pana damitā purisadammā ekiriyāpatheneva aṭṭha disā dhāvanti. Tenāha **“ekapallaṅkeneva nisinnā”**ti. **Aṭṭha disāti** ca nidassanamattametam, lokiyehi agatapubbam nirodhasamāpattidisam, amatadisañca pakkhandanato.

140. Diṭṭhadhammo vuccati paccakkho attabhāvo, tattha niyuttoti diṭṭhadhammiko, idha lokattho. Kammakilesavasena samparetabbato sammā gantabbato samparāyo, paraloko, tattha niyuttoti samparāyiko, paralokattho. Paramo uttamo attho paramattho, nibbānaṃ. Tehi **diṭṭhadhammikasamparāyikaparamatthehi**. Yathārahanti yathānurūpaṃ. Tesu atthesu yo yo puggalo yaṃ yaṃ arahati, tadanurūpaṃ. **Anusāsati**ti vineti tasmim atthe patiṭṭhapeti, saha atthena vattatīti **sattho**, bhaṇḍamūlena vāñijjāya desantaram gacchanto janasaṃmūho. Hitupadesādivasena paripāletabbo sāsītabbo so

etassa atthīti **satthā**, satthavāho. So viya bhagavāti āha “**satthā viyāti satthā, bhagavā satthavāho**”ti.

Idāni tamattham niddesapāḷinayena dassetuṃ “**yathā satthavāho**”ti-ādi vuttaṃ. Tattha **sattheti** satthike jane. Kam tārenti etthāti **kantāro**, nirudako araṇṇappadeso. Ruḥhīvasena pana itaropi araṇṇappadeso tathā vuccati.

**Corakantāranti** corehi adhiṭṭhitakantāram. Tathā **vāḷakantāram**.

**Dubbhikkhakantāranti** dullabhabhikkham kantāram. **Tāretīti**

akhemantaṭṭhānam atikkāmeti. **Uttāretīti**-ādi upasaggena padam vaḍḍhetvā

vuttaṃ. Atha vā **uttāretīti** khemantabhūmim upanento tāreti. **Nittāretīti**

akhemantaṭṭhānato nikkhāmento tāreti. **Patāretīti** pariggahetvā tāreti,

hatthena pariggahetvā viya tāretīti attho. Sabbampetaṃ tāraṇuttāraṇādi

khemaṭṭhāne ṭhapanamevāti āha “**khemantabhūmim sampāpeti**”ti. **Satteti**

veneyyasatte. Mahāgahanatāya, mahānatthatāya, dunnittharaṇatāya

cajātiyeva kantāro jātikantāro, tam **jātikantāram**.

**Ukkaṭṭhaparicchedavasenāti** ukkaṭṭhasattaparicchedavasena.

Devamanussā eva hi ukkaṭṭhasattā, na tiracchānādayo.

**Bhappapuggalaparicchedavasenāti** sammattaniyāmokkamanassa

yogyapuggalassa paricchandanavasena. **Etanti** “devamanassānan”ti etaṃ

vacanaṃ. **Bhagavatoti** nissakkavacanaṃ yathā “upajjhāyato ajjhetī”ti,

bhagavato santiketī vā attho. **Upanissayasampattinti** tihetukapaṭṭisandhi-

ādikaṃ maggaphalādhigamassa balavakāraṇaṃ.

**Gaggarāyāti** gaggarāya nāma raṇṇo deviyā, tāya vā kāritattā

“gaggarā”ti laddhanāmāya. **Sare nimittam aggahesīti** “dhammo eso

vuccatī”ti dhammasaṇṇāya sare nimittam gaṇhi, gaṇhanto ca pasannacitto

parisapariyante nipajji. **Sannirumbhitvā aṭṭhāsīti** tassa sīse daṇḍassa

ṭhavitabhāvaṃ apassanto tattha daṇḍam uppīletvā aṭṭhāsī. Maṇḍūkopi daṇḍe

ṭhapitepi uppīlitepi dhammagatena pasādena vissaramakarontova

kālamakāsi. Devaloke nibbattasattānam ayam dhammatā, yā “kutoham idha

nibbatto, tattha kim nu kho kammamakāsin”ti āvajjanā. Tasmā attano

purimabhavassa diṭṭhatto āha “**are ahampi nāma idha**

niḅbatto”ti. **Bhagavato pāde vandi** kataññutāsamaṅvaḍḍhitena<sup>1</sup>  
pemagāravabahumānena.

**Bhagavā jānantova** mahājanassa kammaphalaṃ, buddhānubhāvañca  
paccakkhaṃ kātukāmo “ko me vandatī”ti gāthāya **pucchi**. Tattha **koti**  
devanāgayakkhagandhabādīsu ko, katamoti attho. **Meti** mama. **Pādānīti**  
pāde. **Iddhiyāti** imāya evarūpāya deviddhiyā. “**Yasassā**”ti iminā edisena  
parivārena, paricchena ca. **Jalanti** vijjotamāno. **Abhikkantenāti** ativiya  
kantena kamañiyena sundarena. **Paññenāti** chavivaññena  
sarīravaññanibhāya. **Sabbā obhāsayaṃ disāti** sabbā dasapidisā pabhāsento,  
cando viya, sūriyo viya ca ekobhāsam ekālokaṃ karontoti attho.

Evam pana bhagavatā pucchito devaputto attānaṃ pavedento  
“**maṅḍūkohaṃ pure āsin**”ti gāthamāha. Tattha **pureti** purimajātiyaṃ.  
“**Udake**”ti idaṃ tadā attano uppattiṭṭhānadassanaṃ. “**Udake maṅḍūko**”ti  
etena uddhamāyikādikassa thale maṅḍūkassa nivattanaṃ kataṃ hoti. Gāvo  
caranti etthāti gocaro, gunnaṃ ghāsesanaṭṭhānaṃ. Idha pana gocaro viyāti  
gocaro, vāri udakaṃ gocaro etassāti **vārigocaro**. Udakacārīpi hi koci  
kacchapādi avārigocaropi hotīti “vārigocaro”ti visesetvā vuttaṃ. **Tava**  
**dhammaṃ suṇantassāti** brahmassarena karavīkarutamañjunā desentassa tava  
dhammaṃ “dhammo eso vuccatī”ti sare nimittaggāhavasena suṇantassa.  
anādare cetam sāmivacanaṃ. **Avadhi vacchapālakoti** vacche rakkhanto  
gopāladārako mama samīpaṃ āgantvā daṇḍamolubbha tiṭṭhanto mama sīse  
daṇḍaṃ sannirumbhitvā maṃ māresīti attho.

**Sitaṃ katvāti** “tathā parittatarenāpi puññānubhāvena evaṃ ativiya uḷārā  
lokiyalokuttarā sampattiyā labbhantī”ti pītisomanassajāto  
bhāsurataradhavala<sup>2</sup> vipphurantadassanakiraṇāvalīhi bhiyyoso mattāya taṃ  
padesaṃ obhāsento sitaṃ katvā. Pītisomanassavasena hi so—

1. Sambandhitena (Syā, Ka)

2. Bhāsuratarātīdhavala (Sī)



“Muhuttaṃ cittapasādassa, iddhiṃ passa yasañca me.

Ānubhāvañca me passa, vaṇṇaṃ passa jutiñca me.

Ye ca te dīghamaddhānaṃ, dhammaṃ assosuraṃ gotama.

Pattā te acalaṭṭhānaṃ, yattha gantvā na socare”ti<sup>1</sup>.

Imā dve gāthā vatvā pakkāmi.

141. **Yaṃ pana kiñcīti** ettha **yanti** aniyamitavacanaṃ. Tathā **kiñcīti**. **Panāti** vacanālaṅkāramattaṃ. Tasmā **yaṃ kiñcīti** ñeyyassa anavasesapariyādānaṃ kataṃ hoti. **Panāti** vā visesatthadīpako nipāto. Tena “sammāsambuddho”ti iminā saṅkhepato, vitthārato ca satthu catusaccābhisambodho vutto. “Buddho”ti pana iminā tadaññassapi ñeyyassāvabodho. Purimāna vā satthu paṭivedhaññāṇānubhāvo, pacchimena desanāññāṇānubhāvo. **Pīti** upari vuccamāno viseso jotiyati. Sabbaso paṭipakkhehi vimuccatīti vimokkho, aggamaggo. Tassa anto aggaphalaṃ, tattha bhavaṃ tasmim laddhe laddhabbato **vimokkhantikaññaṃ**, sabbaññutaññāṇena saddhiṃ sabbampi buddhaññaṃ. **Evam pavattoti** ettha—

“Sabbaññutāya buddho, sabbadassāvitāya buddho, anaññaneyyatāya buddho, visavitāya buddho, khīṇāsavasaṅkhātena buddho, nirupalepasaṅkhātena buddho, ekantavītarāgoti buddho, ekantavītadosoti buddho, ekantavītamohoti buddho, ekantanikkilesoti buddho, ekāyanamaggaṃ gatoti buddho, eko anuttaraṃ sammāsambodhiṃ abhisambuddhoti buddho, abuddhivihatattā buddhipaṭilābhā buddho. Buddhoti netam nāmaṃ mātaraṃ kataṃ, na pītarā kataṃ, na bhātaraṃ kataṃ, na bhaginiyā kataṃ, na mittāmaccehi kataṃ, na ñāṭisālohitehi kataṃ, na samaṇabrāhmaṇehi kataṃ, na devatāhi kataṃ, vimokkhantikametam buddhānaṃ bhagavantānaṃ bodhiyā mūle saha sabbaññutaññāṇassa paṭilābhā sacchikā paññatti yadidaṃ buddho”ti<sup>2</sup>—

1. Khu 2. 73 piṭṭhe Vimāne.

2. Khu 7. 363 piṭṭhe.

ayaṃ **niddesapālinayo**. Yasmā cettha tassā paṭisambhidāpāliyā bhedo natthi, tasmā dvīsu ekenāpi atthasiddhīti dassanattamā “**paṭisambhidānayo vā**”ti aniyamattho **vā-saddo** vutto.

Tattha yathā loke avagantā “avagato”ti vuccati, evaṃ **bujjhītā saccānīti buddho** suddhakattuvasena. Yathā paṇṇasosā vātā “paṇṇasusā”ti vuccanti, evaṃ **bodhetā pajāyāti buddho** hetukattuvasena, hetu-attho cettha antonīto.

**Sabbaññūtāya buddhoti** sabbadhammabujjhanasamatthāya buddhiyā buddhoti attho. **Sabbadassāvitāya buddhoti** sabbadhammānaṃ nāṇacakkhunā diṭṭhattā<sup>1</sup> buddhoti attho. **Anaññaneyyatāya buddhoti** aññena abodhanīto sayameva buddhattā buddhoti attho. **Visavitāya buddhoti** nānāguṇavisavanato padumamiva vikanatṭhena<sup>2</sup> buddhoti attho. **Khīṇāsavasāṅkhātena buddhoti** evamādihi chahi pariyāyehi niddakkhayavibuddho puriso viyasabbakilesaniddakkhayavibuddhattā buddhoti vuttamā hoti. **Ekāyanamaggam gatoti buddhoti** gamanattānaṃ buddhi-atthattāya buddhi-atthānampi gamanattatā labbhatīti. **Ekāpanamaggam gatattā buddhoti** vuccatīti attho. **Eko anuttaram sammāsambodhim abhisambuddhoti buddhoti** na parehi buddhattā buddho, atha kho sayameva anuttaram sammāsambodhim abhisambuddhattā buddhoti attho. **Abuddhivihatattā buddhipaṭilābhā buddhoti** buddhi buddham bodhoti anattantaram. Tattha yathā rattaguṇayogato ratto paṭo, evaṃ buddhaguṇayogato buddhoti nāpanattamā vuttamā. Tato param **buddhoti netam nāmanti-ādi atthānugatāyaṃ paññattīti**, bodhanattamā vuttanti evamettha imināpi kāraṇena bhagavā buddhoti veditabbam.

142. **Assāti** bhagavato.

**Guṇavisitṭhasabbasattuttamagarugāravādhivacananti** sabbehi sīlādiguṇehi visiṭṭhassa tato eva sabbasattehi uttamassa garuno gāravavasena vuttavacanamidam<sup>3</sup> bhagavāti. Tathā hi lokanātho aparimitanirupamappabhāvasīlādiguṇavisesasamaṅgitāya

1. Sabbadhammabodhanasamatthāya buddhiyā (Syā, Ka), Sārattha-Ṭī 1. 296 piṭṭhepi.

2. Visaneṭṭhena (Sī)

3. Vuccamānavacanamidam (Sī)

sabbānatthaparihārapubbaṅgamāya niravasesahitasukhavidhānatapparāya  
niratisayāya payogasampattiyā sadevamanussāya pajāya, accantupakāritāya  
ca aparimāṇāsu lokadhātūsu aparimāṇānaṃ sattānaṃ uttamagāraṇavattānanti.

**Bhagavāti vacanaṃ seṭṭhanti** seṭṭhavācakaṃ vacanaṃ  
seṭṭhaguṇasahacaraṇato “seṭṭhan”ti vuttaṃ. Atha vā vuccatīti vacanaṃ,  
attho. Tasmā yo “bhagavā”ti vacanena vacanīyo attho, so seṭṭhoti attho.  
**Bhagavāti vacanamuttamanti** etthāpi eseṇa nayo. **Gāravayuttoti**  
garuthāvayutto garugūṇayogato, garukaraṇaṃ vā sātisayaṃ arahatīti  
gāravayutto, gāravārahoti attho.

Guṇavisesahetukaṃ “bhagavā”ti idaṃ bhagavato nāmaṃ saṅkhepato  
vuttamatthaṃ vitthārato vibhajitukāmo nāmaṃyeva tāva atthuddhārasena  
dassento “**catubbidhaṃ vā nāmaṃ**”ti-ādimāha. Tattha **āvattikanti** avattāya  
viditaṃ taṃ taṃ avatthaṃ upādāya paññattaṃ voharitaṃ. Tathā **siṅgikaṃ**  
tena tena liṅgena voharitaṃ. **Nemittikanti** nimittato āgataṃ.

**Adhiccasmuppānanti** yadicchāya pavattaṃ, yadicchāya āgataṃ  
**yadicchakaṃ**. Paṭhamena **ādi**-saddena bālo, yuvā, vuḍḍhoti evamādim  
saṅgaṇhāti, dutiyena muṇḍī, jaṭīti evamādim, tatiyena bahussuto,  
dhammakathiko, jhāyīti evamādim, catutthena aghamarisanaṃ<sup>1</sup> pāvacaṇanti  
evamādim saṅgaṇhāti. “Nemittikaṃ”ti vuttamatthaṃ byatirekavasena  
patiṭṭhāpetuṃ “**na mahāmāyāyā**”ti-ādi vuttaṃ. “**Vimokkhantikaṃ**”ti iminā  
idaṃ nāmaṃ ariyāya jātiyā jātakkaṇḍeyeva jātanti dasseti. Yadi  
vimokkhantikaṃ, atha kasmā aññehi khīṇāsavehi asādhāraṇanti āha “**saha**  
**sabbaññutaññāṇassa paṭilābhā**”ti. Buddhānañhi arahattaphalaṃ  
nippajjamānaṃ sabbaññutaññāṇādīhi sabbehi buddhaguṇehi saddhimyeva  
nippajjati. Tena vuttaṃ “vimokkhantikaṃ”ti. **Sacchikā paññattīti**  
sabbadhammānaṃ sacchikiriyānimittā paññatti. Atha vā **sacchikā paññattīti**  
paccakkhasiddhā paññatti. Yaṃguṇanimittā hi sā, te satthu paccakkhabhūtāti  
guṇā viya sāpi sacchikatā eva nāma hoti, na paresaṃ vohāramattenāti  
adhippāyo.

---

1. Aghapadīpanaṃ (Ka)

143. **Vadantī** mahātherassa garubhāvato bahuvacanenāha, saṅgītikārehi vā katamanuvādaṃ sandhāya. Issariyādibhedo bhago assa atthīti **bhagī**. **Akāsi bhagganti** rāgādipāpadhammaṃ bhaggaṃ akāsi, bhaggavāti attho. **Bahūhi nāyehīti** kāyabhāvanādikehi anekehi bhāvanākkamehi. **Subhāvitattanoti** sammadeva bhāvitasabhāvassa. Paccatte cetam sāmivacanam.

**Niddese vuttanayenāti** etthāyaṃ niddesanayo—

Bhagavāti gāravādhivacanametaṃ. Apica bhaggarāgoti bhagavā, bhaggadosoti bhagavā, bhaggamohoti bhagavā, bhaggamānoti bhagavā, bhaggadiṭṭhīti bhagavā, bhaggataṇhoti bhagavā, bhaggakilesoti bhagavā, bhaji vibhaji pavibhaji dhammaratananti bhagavā, bhāvānaṃ antakaroti bhagavā, bhāvitakāyo bhāvitasīlo bhāvitacitto bhāvitapaññoti bhagavā, bhaji vā bhagavā araññavanapatthāni pantāni senāsanāni appasaddāni appanigghosāni vijanavātāni manussarāhasseyyakāni paṭisallānasārubbānīti bhagavā, bhāgī vā bhagavā cīvarapiṇḍapātasenāsanagilānapaccayabhesajjaparikkhārānanti bhagavā, bhāgī vā bhagavā attharasassa dhammarasassa vimuttirasassa adhisīlassa adhiccittassa adhipaññāyāti bhagavā, bhāgī vā bhagavā catunnaṃ jhānānaṃ catunnaṃ appamaññānaṃ catunnaṃ arūpasamāpattīnanti bhagavā, bhāgī vā bhagavā aṭṭhannaṃ vimokkhānaṃ aṭṭhannaṃ abhibhāyatanānaṃ navannaṃ anupubbavīhārasamāpattīnanti bhagavā, bhāgī vā bhagavā dasannaṃ aññābhāvanānaṃ dasannaṃ kaṣiṇasamāpattīnaṃ ānāpānassatisamādhissa asubhasamāpattiyāti bhagavā, bhāgī vā bhagavā catunnaṃ satipaṭṭhānānaṃ catunnaṃ sammappadhānānaṃ catunnaṃ iddhipādānaṃ pañcannaṃ indriyānaṃ pañcannaṃ balānaṃ sattannaṃ bojjaṅgānaṃ ariyassa aṭṭhaṅgikassa maggassāti bhagavā, bhāgī vā bhagavā dasannaṃ tathāgatabalānaṃ catunnaṃ vesārajjanaṃ catunnaṃ paṭisambhidānaṃ channaṃ abhiññānaṃ channaṃ buddhadhammānanti bhagavā, bhagavāti netaṃ nāmaṃ -pa- sacchikā paññatti yadidaṃ bhagavā”ti<sup>1</sup>.

1. Khu 7. 162 piṭṭhe.

Ettha ca “**gāravādhivacanan**”ti-ādīni yadipi gāthāyaṃ āgatapadānukkamena na niddiṭṭhāni, yathārahaṃ pana tesam sabbesampi niddesabhāvena veditabbāni. Tattha **gāravādhivacanan**ti garūnaṃ garubhāvavācakaṃ vacanaṃ. **Bhagī**ti bhāgaso kathesi. Tenāha “**vibhajī**”ti. **Dhammaratananti** maggaphalādi-ariyadhammaratanam. Puna **bhajī**ti sevi. **Bhāgī**ti bhāgadheyyavā. Puna **bhāgī**ti bhajanasīlo. **Attharasassāti** atthasannissayassa rasassa. Vimuttāyatanaśise hi ṭha tvā dhammaṃ kathentassa, suṇantassa ca tadatthaṃ ārabba uppajjanakapītisomanassaṃ attharaso. Dhammaṃ ārabba **dhammaraso**. Yaṃ sandhāya vuttaṃ “labhati atthavedaṃ, labhati dhammavedaṃ”ti<sup>1</sup>. **Vimuttirasassāti** vimuttibhūtaṃ, vimuttisannissayassa vā rasassa. **Saññābhāvanānanti** aniccasaññādinam dasannaṃ saññābhāvanānam. **Channaṃ buddhadhammānanti** cha asādhāraṇaṇāni sandhāya vuttaṃ. Tattha tattha “bhagavā”ti saddasiddhi niruttinayena veditabbā.

144. Yadipi “bhāgyavā”ti-ādīhi padehi vuccamāno attho “bhagī bhajī”ti niddesagāthāya saṅgahito eva, tathāpi padasiddhi atthavibhāga-atthayojanādisahito saṃvaṇṇanānayo tato aññākāroti vuttaṃ “**ayaṃ pana aparo nayo**”ti. **Ādikanti ādi**-saddena vaṇṇavikāro, vaṇṇalopo, dhātu-atthena niyojanañcāti imaṃ tividhaṃ lakkhaṇaṃ saṅgaṇhāti. **Saddanayenāti** byākaraṇanayena. Pisodarādīnaṃ saddānaṃ ākatigaṇabhāvato vuttaṃ “**pisodarādīpakkhepalakkhaṇaṃ gahetvā**”ti. Pakkhipanameva lakkhaṇaṃ. Tappariyāpannatākaraṇaṃ hi pakkhipanaṃ. **Pārappattanti** paramukkamsagataṃ pāramibhāvappattaṃ. **Bhāgyanti** kusalam. Tattha maggakusalam lokuttarasukhanibbattakaṃ, itaraṃ lokiyasukhanibbattakaṃ, itarampi vā vivaṭṭūpanissayaṃ pariyāyato lokuttarasukhanibbattakaṃ siyā.

Lobhādayo ekakavasena gahitā. Tathā viparītamanasikāro vipallāsabhāvasāmaññena, ahirikādayo dukavasena. Lobhādayo ca puna “**tividhākusalamūlan**”ti tikavasena gahitā. Kāyaduccaritādītaṇhāsamkilesādirāgamalādirāgavisamādikāmasaññādikāma vitakkādītaṇhāpapañcādayo **tividhaduccaritā**dayo. Subhasaññādikā **catubbidhaviariyesā**. “Cīvarahetu vā bhikkhuno taṇhā uppajjamānā uppajjati,

---

1. Am 2. 252 piṭṭhe.

piṇḍapāta, senāsana, itibhavābhavahetu vā”<sup>1</sup>ti<sup>1</sup> evamāgatā **cattāro taṇhuppādā**. “Buddhe kaṅkhati, dhamme, saṅghe, sikkhāya, sabrahmacārīsu kupito hoti anattamano āhatacitto khīlajāto”<sup>2</sup>ti<sup>2</sup> evamāgatāni **pañcacetokhīlāni**. “Kāme avītarāgo hoti, kāye avītarāgo, rūpe avītarāgo, yāvadattham udarāvadehakaṃ bhuñjitvā seyyasukhaṃ passasukhaṃ middhasukhaṃ anuyutto viharati, aññataraṃ devanikāyaṃ paṇidhāya brahmacariyaṃ caratī”<sup>3</sup>ti<sup>3</sup> āgatā **pañca vinibandhā**. Rūpābhinandanādayo **pañcābhinandanā**. Kodho, makkho, issā, sātheyyaṃ, pāpicchātā, sandiṭṭhiparāmāsoti imāni **cha vivādamūlāni**. Rūpataṇhādayo **cha taṇhākāyā**.

Kāmarāgapaṭighadiṭṭhivicikicchābhavarāgamānavijjā **sattānusayā**. Micchādiṭṭhi-ādayo **aṭṭha micchattā**. “Taṇhaṃ paṭicca pariyesanā, pariyesanaṃ paṭicca lābho, lābhaṃ paṭicca vinicchayo, vinicchayaṃ paṭicca chandarāgo, chandarāgaṃ paṭicca ajjhosānaṃ, ajjhosānaṃ paṭicca pariggaho, pariggahaṃ paṭicca macchariyaṃ, macchariyaṃ paṭicca ārakkhā, ārakkhādihikaraṇaṃ daṇḍādānādayo”<sup>4</sup>ti<sup>4</sup> ete **nava taṇhāmūlakā**. Cattāro sassatavādā, cattāro ekaccasassabhavādā, cattāro antānantikā, cattāro amarāvikkhepikā, dve adhiccassamuppannikā, soḷasa saññivādā, aṭṭha asaññivādā, aṭṭha nevasaññināsaññivādā, satta ucchedavādā, pañca paramadiṭṭhadhammanibbānavādāti etāni **dvāsaṭṭhi diṭṭhigatāni**. Ajjhattikassa upādāya “asmī”<sup>5</sup>ti hoti<sup>5</sup>, “itthasmī”<sup>5</sup>ti, “evasmī”<sup>5</sup>ti, “aññathāsmī”<sup>5</sup>ti “bhavissan”<sup>5</sup>ti “itthaṃ bhavissan”<sup>5</sup>ti, “evaṃ bhavissan”<sup>5</sup>ti, “aññathā bhavissan”<sup>5</sup>ti, “asasmī”<sup>5</sup>ti, “sāasmī”<sup>5</sup>ti, “siyan”<sup>5</sup>ti, “itthaṃ siyan”<sup>5</sup>ti “evaṃ siyan”<sup>5</sup>ti, “aññathā siyan”<sup>5</sup>ti, “apāhaṃ siyan”<sup>5</sup>ti, “apāhaṃ itthaṃ siyan”<sup>5</sup>ti, “apāhaṃ evaṃ siyan”<sup>5</sup>ti, “apāhaṃ aññathā siyan”<sup>5</sup>ti hotīti aṭṭhārasa, bāhirassupādāya “iminā asmī”<sup>6</sup>ti hoti, “iminā itthasmī”<sup>6</sup>ti, “iminā evasmī”<sup>6</sup>ti, “iminā aññathāsmī”<sup>6</sup>ti-ādika<sup>6</sup> vuttanayā aṭṭhārasāti chattimsa, atītā chattimsa, anāgatā chattimsa, paccuppannā chattimsāti **aṭṭhasatataṇhāvicarītāni**.

1. Am 1. 316 piṭṭhe.

2. Dī 3. 198; Ma 1. 145; Am 2. 217; Am 3. 253; Abhi 2. 391 piṭṭhesu.

3. Dī 3. 199; Ma 1. 146 piṭṭhesu.

4. Dī 2. 50; Dī 3. 253 piṭṭhesu.

5. Sati (Syā, Ka)

6. Abhi 2. 410 piṭṭhe.

**Pabheda-saddo** paccekam sambandhitabbo. Tathāyaṃ yojanā— lobhappabhedā dosappabhedā yāva aṭṭhasatataṇhāvicaritappabhedāti. Sabbāni sattānaṃ darathapariḷāhakarāni kilesānaṃ anekāni satasahassāni abhañjīti yojanā. Ārammaṇādivibhāgato, hi pavatti-ākāravibhāgato ca anantappabhedā kilesāti. **Saṅkhepatoti** ettha samucchedappahānavasena sabbaso appavattikaraṇena **kilesamāraṃ**, samudayappahānapariññāvasena **khandhamāraṃ**, saḥāyavekallakaraṇavasena sabbathā appavattikaraṇena **abhisaṅkhāramāraṃ**, balavidhamanavisayātikkamānavasena **devaputtamaccumāraṇa** **abhañji** bhagge akāsi. **Parissayānanti** upaddavānaṃ sampati, āyatiṇca sattānaṃ anattāvaḥattā māraṇaṭṭhena vibādhanattānaṃ kilesāva māroti **kilesamāro**. Vadhakattānaṃ khandhāva māroti **khandhamāro**. Tathā hi vuttaṃ “vadhakam rūpaṃ ‘vadhakam rūpaṃ’ti yathābhūtaṃ nappajānāti”ti-ādi<sup>1</sup>. Jātijarādimaḥābyasananibbattanena abhisaṅkhārova māroti **abhisaṅkhāramāro**. Saṅkilesanimittaṃ hutvā guṇamāraṇaṭṭhena devaputtova māroti **devaputtamāro**. Sattānaṃ jīvitassa, jīvitaparikkhāraṇaṇca jānikaraṇena mahābādharūpattā maccu eva māroti **maccumāro**.

#### **Satapuññalakkhaṇadharassāti**

anekasatapuññanibbattamahāpurisalakkhaṇavahato **rūpakāyasampatti dīpitā hoti**, itarāsaṃ phalasampadānaṃ mūlabhāvato, adhiṭṭhānabhāvato ca. **Dhammakāyasampattidīpitā hoti**, pahānasampadāpubbakattā ñāṇasampadādīnaṃ. Bhāgyavatāya lokiyānaṃ **bahumatabhāvo**. Bhaggadosatāya parikkhānaṃ bahumatabhāvoti yojanā. Evaṃ ito paresupi yathāsaṅkhyāṃ yojetabbaṃ. Puññavantaṃ hi **gahaṭṭhā** khattiyādayo abhigacchanti, pahīnadosaṃ **pabbajitā** tāsapaṇibbājādayo “dosavinayāya dhammaṃ deseti”ti. **Abhigatānaṃ nesaṃ kāyacittadukkhāpanayane paṭibalabhāvo**, āmisadānadhammadānehi upakārasabbhāvato. Rūpakāyaṃ tassa pasādacakkhunā, dhammakāyaṃ paññācakkhunā disvā dukkhadvayassa paṭippassambhanato upagatānaṃca tesam āmisadānadhammadānehi **upakāritā**, “pubbe āmisadānadhammadānehi mayā

1. Saṃ 2. 93 piṭṭhe.

ayaṃ lokaggabhāvo adhigato, tasmā tumhehipi evameva paṭipajjitabban”ti evaṃ sammāpaṭipattiyāṃ niyojanena abhigatānaṃ **lokiyalokuttarasukhehi saññojanasamatthatā ca dīpitā hoti.**

**Sakacitte issariyaṃ** attano cittassa vasībhāvāpādanaṃ, yena paṭikkūlādīsu appaṭikkūlasaññitādivihārasiddhi, adhiṭṭhāniddhi-ādiko iddhividhopi cittissariyameva cittabhāvanāya vasībhāvappattiyā ijghanato. **Aṇimālaghimā<sup>1</sup>dikanti ādi**-saddena matimā patti pākammaṃ īsitā vasitā yatthakāmāvasāyitāti ime chapi saṅgahitā. Tattha kāyassa aṇubhāvakaraṇaṃ **aṇimā.** Lahubhāvo **laghimā<sup>1</sup>** ākāse padasā gamanādinā. Mahattaṃ **mahimā** kāyassamahantatāpādanaṃ. Itṭhadesappatti **patti.** Adhiṭṭhānādivasena icchitanipphādanaṃ **pākammaṃ.** Sayāṃvasitā issarabhāvo **īsitā.** Iddhividhe vasībhāvo **vasitā.** Ākāseṇa vā gacchato, aññaṃ vā kiñci karoto yattha katthaci vosānappatti **yatthakāmāvasāyitā.** “Kumārakarūpādidassanaṃ”tipi vadanti. Evamidaṃ atṭhavidhaṃ **lokiyasammatam** issariyaṃ. Taṃ pana bhagavato iddhividhantogadhaṃ, anaññasādhāraṇaṅcāti āha “**sabbākāraparipūrāṃ atthī**”ti.

Kesañci padesaṃvutti, ayathābhūtaguṇasannissayattā aparisuddho ca yaso hoti, na evaṃ tathāgatassāti dassetuṃ “**lokattayabyāpako**”ti-ādi vuttaṃ. Tattha idha adhigatasatthuguṇānaṃ āruppe uppannānaṃ “itipi so bhagavā”ti-ādinā bhagavato guṇe anussarantānaṃ yaso pākaṭo hotīti āha “lokattayabyāpako”ti. Yathābhuccaguṇādhigatattā eva **ativiya parisuddho.** Anavasesalakkhaṇānubyañjanādisampattiyā **sabbākāraparipūrā.** **Sabbaṅgapaccaṅgasirī** sabbesaṃ aṅgapaccaṅgānaṃ sobhā. “Tiṇṇo tāreyyan”ti-ādinā **yaṃ yaṃ etena** lokanāthena **icchitaṃ** manovacīpaṇidhānavasena, **patthitaṃ** kāyapaṇidhānavasena. **Tathevāti** paṇidhānānurūpameva. Vīriyapāramibhāvappatto, ariyamaggapariyāpanno ca **sammāvāyāmasaṅkhāto payatto.**

**Bhedehīti** sabbattikadukapadasaṃhitehi pabhedehi. **Paṭiccasamuppādādhīti ādi**-saddena na kevalaṃ **vibhaṅgapāḷiyaṃ** āgatā satipaṭṭhānādayova saṅgahitā, atha kho saṅgahādayo, samayavimuttādayo,

---

1. Laṅghimā (Syā, Ka)



ṭhapanādayo, tikapaṭṭhānādayo ca saṅgahitāhi veditabbaṃ. **Dukkhasaccassa pīlanatṭho** taṃsamaṅgino sattassa hiṃsanam avipphārikatākaraṇam. **Saṅkhatatṭho** samecca sambhūya paccayehi katabhāvo. **Santāpatṭho** dukkhadukkhatādīhi santappanam paridahanam. **Vipariṇāmatṭho** jarāya, maraṇena cāti dvidhā vipariṇāmetabbatā. **Samudayassa āyūhanatṭho** dukkhassa nibbattanavasena sampiṇḍanam. **Nidānatṭho** “idaṃ taṃ dukkhan”ti nidadantassa viya samuṭṭhāpanam. **Samyogatṭho** saṃsāradukkheṇa saṃyojanam. **Palibodhatṭho** maggādhigamassa nivāraṇam. Nirodhassa **nissaraṇatṭho** sabbūpadhīnam paṭinissaggasabhāvattā tato vinissaṭatā, tannissaraṇanimittatā vā. **Vivekatṭho** sabbasaṅkhāravisamūyuttatā. **Asaṅkhatatṭho** kenacipi paccayena anabhisāṅkhatatā. **Amatatṭho** niccasabhāvattā maraṇābhāvo, sattānam maraṇābhāvahetutā vā. **Maggassa niyyānatṭho** vaṭṭadukkhato niggamanatṭho. **Hetu-attho** nibbānassa sampāpakabhāvo. **Dassanatṭho** accantasukhumassa nibbānassa sacchikaraṇam. **Ādhipateyyatṭho** catusaccadassane sampayuttānam ādhipaccakaraṇam, ārammaṇādhipatibhāvo vā visesato maggādhipativacanato. Satipi hi jhānādīnam ārammaṇādhipatibhāve “jhānādhipatino dhammā”ti evamādim avatvā “maggādhipatino dhammā”icceva vuttaṃ, tasmā viññāyati “atthi maggassa ārammaṇādhipatibhāve viseso”ti. Ete ca pīlanādayo soḷasākārā nāma. Kasmā panettha aññesu rogagaṇḍādi-ākāresu vijjamānesu eteva pariggayhantīti? Salakkhaṇato ca saccantaradassanato ca āvibhāvato. Svāyamattho parato saccakathāyameva āvi bhavissati.

**Dibbavihāro** kasiṇādi-ārammaṇāni rūpāvacarajjhānāni. Mettādiijjhānāni **brahmavihāro**. Phalasaṃpatti **ariyavihāro**. Kāmehi vivekatṭhakāyatāvasena ekībhāvo **kāyaviveko**. Paṭhamajjhānādinā nīvaraṇādīhi vivittacittatā **cittaviveko**. **Upadhiviveko** nibbānam. **Aññeti** lokiyābhiññādike.

Kilesābhisāṅkhāravasena bhavesu paribbhamanam, so ca taṇhāppadhānoti vuttaṃ “**taṇhāsāṅkhātāṃ gamanan**”ti. **Vantanti** ariyamaggamukhena uggiritaṃ puna apaccāvamanavasena<sup>1</sup> chadditaṃ. **Bhagavāti vuccati** niruttinayenāti dassento āha “**yathā -pa- mekhalā**”ti.

---

1. Gamanavasena (Syā, Ka)

Aparo nayo—bhāgavāti bhagavā, bhataṅgavāti bhagavā, bhāge vanīti bhagavā, bhage vanīti bhagavā, bhattavāti bhagavā, bhage vamīti bhagavā. Bhāge vamīti bhagavā.

Bhāgavā bhataṅgavā bhāge, bhage ca vani bhattavā.

Bhage vami tathā bhāge, vamīti bhagavā jino.

Tattha katham **bhāgavāti bhagavā**? Ye te sīlādayo dhammakhandhā guṇakoṭṭhāsā, te anaññasādhāraṇā niratisayā tathāgatassa atthi upalabbhanti. Tathā hissa sīlaṃ samādhi paññā vimutti vimuttiñāṇadassanaṃ, hirī ottappaṃ, saddhā vīriyaṃ, sati sampajaññaṃ, sīlavisuddhi diṭṭhivisuddhi, samatho vipassanā, tīṇi kusalamūlāni, tīṇi sucaritāni, tayo sammāvitakkā, tisso anavajjasāññā, tisso dhātuyo, cattāro satipaṭṭhānā, cattāro sammappadhānā, cattāro iddhipādā, cattāro ariyamaggā, cattāri ariyaphalāni, catasso paṭisambhidā, catuyoniparicchedakañāṇāni, cattāro ariyavamsā, cattāri vesārajjāñāṇāni, pañca padhāniyaṅgāni, pañcaṅgiko sammāsamādhi, pañcañāṇiko sammāsamādhi, pañcindriyāni, pañca balāni, pañca nissāraṇīyā dhātuyo, pañca vimuttāyatanañāṇāni, pañca vimutti-paripācanīyā saññā, cha anussatiṭṭhānāni, cha gāravā, cha nissāraṇīyā dhātuyo, cha satatavihārā, cha anuttariyāni, cha nibbedhabhāgiyā saññā, cha abhiññā, cha asādhāraṇāñāṇāni, satta aparihāniyā dhammā, satta ariyadhammā, satta ariyadhanāni, satta bojjhaṅgā, satta sappurisadhammā, satta nijjaravatthūni, satta saññā, sattadakkhiṇeyyapuggaladesanā, sattaviññāṇaṭṭhitidesanā, sattakhīṇāsavabaladesanā, aṭṭhapaññāpaṭilābhahetudesanā, aṭṭha sammattāni, aṭṭhalokadhammātikamā, aṭṭha ārambhavatthūni, aṭṭha-akkhaṇadesanā, aṭṭha mahāpurisavitakkā, aṭṭha-abhibhāyatanadesanā, aṭṭha vimokkhā, nava yonisomanasikāramūlakā dhammā, nava pārisuddhipadhāniyaṅgāni, navasattāvāsadesanā, nava āghāṭapaṭivīniyā, nava saññā, nava nānattā, nava anupubbavīhārā, dasa nāthakāraṇā dhammā, dasa kasiṇāyatanāni, dasa kusalakammāpathā, dasa sammattāni, dasa ariyavāsā, dasa-asekkhadhammā, dasa tathāgatabalāni, ekādasa mettānisamsā ( )<sup>1</sup>,

1. Ekādasa sīlānisamsā (Sī)

dvādasa dhammacakkākārā, terasa dhutaḡuṇā, cuddasa buddhañāṇāni,  
pañcadasa vimuttipariṇāṇāni dhammā, soḷasavidhā ānāpānassati, soḷasa  
aparantapanīyā dhammā,

( )<sup>1</sup> aṭṭhārasa buddhadhammā, ekūnavīsati paccavekkhaṇāñāṇāni,  
catucattālīsa ñāṇavatthūni, paññāsa udayabbayañāṇāni, paropaññāsa  
kusaladhammā, sattasattati ñāṇavatthūni,  
catuvīsati koṭṭisatasahassasamāpattisañcārimahāvajirañāṇāni,  
anantanayasamantapaṭṭhānapavicayapaccavekkhaṇadesanāñāṇāni, tathā  
anantāsu lokadhātūsu anantānaṃ sattānaṃ āsayādivibhāvanāñāṇāni cāti  
evamādayo anantāparimāṇabhedā anaññāsādhāraṇā niraṭṭhāyā ḡuṇabhāḡā  
ḡuṇakoṭṭhāsā saṃvijjanti upalabbhanti. Tasmā yathāvuttavibhāḡā ḡuṇabhāḡā  
assa atthīti bhāḡavāti vattabbe ā-kārassa rassattānaṃ katvā “bhāḡavā”ti vutto.  
Evānaṃ tāva bhāḡavāti bhāḡavā.

Yasmā silādayo sabbe, ḡuṇabhāḡā asesato.

Vijjanti sugate tasmā, “bhāḡavā”ti pavuccati.

Kathamā bhāṭavāti bhāḡavā? Ye te sabbalokahitāya ussukkamāpannehi  
manussattādiḡe aṭṭha dhamme samodhānetvā sammāsambodhiyā  
katamahābhinihārehi mahābodhisattehi pariṇāṇānaṃ dānaṇānaṃ, silā,  
nekkhamma, paññā, vīriya, khanti, sacca adhiṭṭhāna, mettā, upekkhā  
ṇāṇānaṃ dānaṇānaṃ, dānaṇānaṃ upaṇāṇānaṃ, dānaṇānaṃ paramatthapāramiyoti  
samatimsa pāramiyoti, dānaṇānaṃ cattāri saṅgahavatthūni, saccāḡāni<sup>2</sup> cattāri  
adhiṭṭhānaṇāni, attapariccāḡo, nayana, dhana, rajja, puttadārapariccāḡoti pañca  
mahāpariccāḡā, pubbayogo, pubbacariyā, dhammakkhānaṃ, ñāṭṭhacariyā,  
lokatthacariyā, buddhatthacariyā<sup>3</sup> evamādayo, saṅkheṇānaṃ vā sabbe  
ṇāṇānaṃ sambhārañāṇānaṃ sambhārabuddhakāradhammā, te mahābhinihāro  
ṇāṇānaṃ kappānaṃ sataṇāṇānaṃ cattāri asaṅkheṇānaṃ yathā  
hānaṇānaṃ saṅkheṇānaṃ, ṇāṇānaṃ vā na honti, atha kho uttaruttari  
ṇāṇānaṃ honti, evānaṃ sakkaccaṃ nirantaraṃ anavaṇṇānaṃ bhāṭā  
sambhāṭā assa atthīti bhāṭavāti vattabbe “bhāḡavā”ti vutto niruttinayena ta-  
kāraṇānaṃ ga-kāraṇānaṃ katvā. Atha vā bhāṭavāti teyeva yathāvutte  
buddhakāradhamme vuttanayena bhāri sambhāri, pariṇāṇānaṃ attho.  
Evānaṃ bhāṭavāti bhāḡavā.

1. Soḷasa saccākārā, (Sī)

2. Natthi (Sī) paññāḡāni (Dī 3. 191 piṭṭhe)

3. Buddhacariyā (Sī, Ka)

Sammāsambodhiyā sabbe, dānapārami-ādike.

Sambhāre bhatavā nātho, tasmāpi bhagavā mato.

Katham **bhāge vanīti bhagavā**? Ye te catuvīsatikotīśasahasasāṅkhā devasikaṃ vaḷaṅjanakasamāpattibhāgā, te anavasesato lokahitattamā, attano ca diṭṭhadhammasukhavihārattamā niccakappaṃ niccakappaṃ vanibhaji sevi bahulamakāsīti bhāge vanīti bhagavā. Atha vā abhiññeyya dhammesu, kusalādīsu, khandhādīsu ca ye te pariññeyyādivasena saṅkhepato vā catubbidhā abhisamayabhāgā, vitthārato pana “cakkhum pariññeyyaṃ -pa-jarāmaṇaṃ pariññeyyaṃ”ti-ādinā<sup>1</sup> anekapariññeyyabhāgā, “cakkhussa samudayo pahātabbo -pa- jarāmaṇassa samudayo pahātabbo”ti-ādinā pahātabbabhāgā, “cakkhussa nirodho -pa- jarāmaṇassa nirodho sacchikātabbo”ti-ādinā, sacchikātabbabhāgā, “cakkhussa nirodhagāminī paṭipadā”ti-ādinā, “cattāro satipaṭṭhānā”ti-ādinā ca anekabhedā bhāvetabbabhāgā ca dhammā, te sabbe vani bhaji yathārahaṃ gocarabhāvanāsevanānaṃ vasena sevi. Evampi bhāge vanīti bhagavā. Atha vā ye ime silādayo dhammakhandhā sāvakehi sādharmaṇa guṇakoṭṭhāsā guṇabhāgā, “kinti nu kho te veneyyasantānesu patiṭṭhapeyyaṃ”ti<sup>2</sup> mahākaruṇāya vani abhipatthayi, sā cassa abhipatthana yathādhippetaphalāvahā ahosi. Evampi bhāge vanīti bhagavā.

Yasmā ñe yyasamāpatti-guṇabhāge tathāgato.

Bhaji patthayi sattānaṃ, hitāya bhagavā tato.

Katham **bhage vanīti bhagavā**? Samāpato tāva katapuññehi payogasampannehi yathāvibhavaṃ bhajīyantīti bhagā, lokiyalokuttarasampattiyo. Tattha lokiye tāva tathāgato sambodhito pubbe bodhisattabhūto paramukkaṃsagate vani bhaji sevi, yattha patiṭṭhāya niravasesato buddhakāradhamme samannānto buddhadhamme paripācesī.

1. Khu 9. 23 piṭṭhe Paṭisambhidāmagge.

2. Patiṭṭhaheyyunti (Syā, Ka)

Buddhabhūto pana te niravajjasukhūpasamhite anaññasādhāraṇe lokuttarepi vani bhaji sevi. Vitthārato pana padesarajja-  
issariyacakkavattisampattidevarajjasampatti-ādivasena,  
jhānavimokkhasamādhisamāpattiñāṇadassanamaggabhāvanāphalasadchikiriyā  
ādi-uttarimanussadhammavasena ca anekavihite anaññasādhāraṇe bhage  
vani bhaji sevi. Evampi bhage vanīti bhagavā.

Yā tā sampattiyo loke, yā ca lokuttarā puthū.

Sabbā tā bhaji sambuddho, tasmāpi bhagavā mato.

Katham **bhattavāti bhagavā**? Bhattā daḷhabhattikā assa bahū atthīti bhattavā. Tathāgato hi mahākaruṇāsabbaññutaññādi-  
aparimitanirupamappabhāvaguṇavisesasamaṅgibhāvato<sup>1</sup> sabbasattuttamo  
sabbānatthaparihārapubbaṅgamāya niravasesahitasukhavidhāna-apparāya  
niratisayāya payogasampattiyā sadevamanussāya pajāya accantupakāritāya  
dvattiṃsamahāpurisalakkhaṇa-asīti-anubyañjanabyāmappabhādi-  
anaññasādhāraṇaguṇavisesapaṭimaṇḍitarūpakāyatāya  
yathābhuccaguṇādhigatena “itipi so bhagavā”ti-ādinayappavattena  
lokattayabyāpinā suvipulena, suvisuddhena ca thutighosena samannāgatattā,  
ukkamaṃsapāramippattāsu appicchatāsantuṭṭhi-ādīsu supatiṭṭhitabhāvato,  
dasabalacatuvesārājādīniratisayaguṇavisesasamaṅgibhāvato ca  
“rūpappamāṇo rūpappasanno, ghosappamāṇo ghosappasanno,  
lūkhappamāṇo, lūkhappasanno, dhammappamāṇo dhammappasanno”ti evaṃ  
catuppamāṇike lokasannivāse sabbathāpi pasādāvaha bhāvena  
samantapāsādikattā aparimāṇānaṃ sattānaṃ sadevamanussānaṃ  
ādarabahumānagāravāyatanatāya paramapemasambhattiṭṭhānaṃ. Ye tassa  
ovāde patiṭṭhitā aveccappasādena samannāgatā honti, kenaci asaṃhāriyā  
tesaṃ sambhatti samaṇena vā brāhmaṇena vā devena vā mārena vā  
brahmunā vāti. Tathā hi te attano jīvitapariccāgepi tattha pasādaṃ na  
pariccajanti, tassa vā āṇaṃ daḷhabhattibhāvato. Tenevāha—

“Yo ve kataññū katavedī dhīro,

Kalyāṇamitto daḷhabhatti ca hotī”ti.<sup>2</sup>

1. Bhāgībhāvato (Sī, Syā)

2. Khu 6. 10 piṭṭhe.

“Seyyathāpi bhikkhave mahāsamuddo ʘhitadhammo velaṃ  
nātivattati, evameva kho bhikkhave yaṃ mayā sāvakānaṃ sikkhāpadaṃ  
paññattaṃ, taṃ mama sāvakā jīvitahetupi nātikkamantī”<sup>1</sup> ca.

Evam bhattavāti bhagavā niruttinayena ekassa ta-kārassa lopam katvā  
itarassa ga-kāram katvā.

Guṇātisayayu-uttassa, yasmā lokahitesino.

Sambhattā bahavo satthu, bhagavā tena vuccati.

Katham **bhage vamīti bhagavā?** Yasmā tathāgato bodhisattabhūtopi  
purimāsu jāṭisu pāramiyo pūrento bhagasaṅkhātāṃ sirim, issariyaṃ yasaṅca  
vami uggiri khelapiṇḍam viya anapekkho chaḍḍayi. Tathā hissa  
**somanassakumārakāle<sup>2</sup> hatthipālakumārakāle<sup>3</sup> ayogharapaṇḍitakāle<sup>4</sup>**  
**mūgapakkhapaṇḍitakāle<sup>5</sup> Cūlasutasomakāleti<sup>6</sup>** evamādisu  
nekkhammapāramipūraṇavasena devarajjasadisāya rajjasiriyā pariccatta-  
attabhāvānaṃ parimāṇaṃ natthi. Carimattabhāvepi hatthagataṃ  
cakkavattisirim devalokādhipaccasadisam catudīpissariyaṃ,  
cakkavatthisampattisannissa yaṃ sattaratanasamujjalaṃ yasaṅca tiṇāyapi  
amaññaṃāno nirapekkho pahāya abhinikkhamitvā sammāsambodhiṃ  
abhisambuddho, tasmā ime siri-ādike bhage vamīti bhagavā. Atha vā bhāni  
nāma nakkhattāni, tehi samaṃ gacchanti pavattantīti bhagā,  
sineruyugandhara-uttarakuruhimavantādibhājanalokavisesasannissayā sobhā  
kappaṭṭhiyabhāvato. Tepi bhagavā vami tannivāsasattāvāsasamatikkamanato  
tappaṭṭibaddhachandarāgappahānena pajahīti. Evampi bhage vamīti bhagavā.

Cakkavattisirim yasmā, yasaṃ issariyaṃ sukham.

Pahāsi lokacittaṅca, sugato bhagavā tato.

Katham **bhāge vamīti bhagavā?** Bhāgā nāma sabhāvadhammakotṭhāsā,  
te khandhāyatanadhātādivasena, tatthāpi rūpavedanādivasena, atītādivasena  
ca anekavidhā, te ca bhagavā “sabbaṃ papañcaṃ, sabbaṃ yogaṃ,

1. Am 3. 45; Khu 1. 142; Vi 4. 421 piṭṭhesu.

3. Khu 5. 350 piṭṭhe Jātake.

5. Khu 6. 149 piṭṭhe Jātake.

2. Khu 5. 134 piṭṭhe Jātake.

4. Khu 5. 353 piṭṭhe Jātake.

6. Khu 6. 25 piṭṭhe Jātake.

sabbaṃ ganthaṃ, sabbaṃ saṃyojanaṃ samucchinditvā amataṃ dhātuṃ samadhigacchanto vami uggiri anapekkho chaḍḍayi na paccāvami<sup>1</sup>. Tathā hesa sabbatthakameva pathaviṃ āpaṃ tejaṃ vāyaṃ, cakkhuṃ sotaṃ ghānaṃ jivhaṃ kāyaṃ manaṃ, rūpe sadde gandhe rase phoṭṭhabbe dhamme, cakkhuviññāṇaṃ -pa- manoviññāṇaṃ, cakkhusamphassaṃ -pa- manosamphassaṃ, cakkhusamphassajaṃ vedanaṃ -pa- manosamphassajaṃ vedanaṃ, cakkhusamphassajaṃ saññaṃ -pa- manosamphassajaṃ saññaṃ, cakkhusamphassajaṃ cetanaṃ -pa- manosamphassajaṃ cetanaṃ, rūpaṇaṃ -pa- dhammaṇaṃ, rūpavitakkaṃ -pa- dhammavitakkaṃ, rūpavicāraṃ -pa- dhammavicāraṃ”ti-ādinā anupadadhammavibhāgavasena sabbeva dhammakotṭhāse anavasesato vami uggiri anapekkhapariccāgena chaḍḍayi. Vuttaṃ hettaṃ—

“Yaṃ taṃ ānanda cattaṃ vantaṃ muttaṃ pahīnaṃ paṭinissaṭṭhaṃ, taṃ tathāgato puna paccāvamissatīti netaṃ ṭhānaṃ vijjati”ti.<sup>2</sup>

Evampi bhāge vamiṃ bhagavā. Atha vā **bhāge vamiṃ** sabbepi kusalākusale sāvajjānavajje hīnapaṇīte kaṇusukkasappaṭibhāge dhamme ariyamaggañāṇamukhena vami uggiri anapekkho pariccaji pajahi, paresaṅca tathattāya dhammaṃ desesi. Vuttampi cettaṃ—

“Dhammāpi vo bhikkhave pahātabbā, pageva adhammā<sup>3</sup>.

Kullūpamaṃ vo bhikkhave dhammaṃ desessāmi nittharaṇatthāya, no gahaṇatthāya”ti-ādi<sup>4</sup>.

Evampi bhāge vamiṃ bhagavā.

Khandhāyatanadhātādi-dhammabhedā mahesinā.

Kaṇhā sukkā yato vantaṃ, tatopi bhagavā mato.

Tena vuttaṃ—

“Bhāgavā bhataṃ bhāge, bhage ca vami bhataṃ.

Bhage vami tathā bhāge, vamiṃ bhagavā jino”ti.

Ettha ca yasmā saṅkhepato attahitasampattiparahitapaṭipattivasena duvidhā buddhaguṇā, tāsu attahitasampatti pahānasampadāñāṇasampadābhedato duvidhā, ānubhāvasampadādīnaṃ tadavinābhāvena tadantogatto.

1. Na paccāgami (Syā) Itivuttaka-Ṭṭha 10; Sārattha-Ṭṭi 1. 319 piṭṭhesu passitabbaṃ.

2. Dī 2. 99 piṭṭhe.

3. Ma 1. 188 piṭṭhe.

4. Ma 1. 187 piṭṭhe.

parahitapaṭipatti payogāsayabhedato duvidhā. Tattha payogato lābhasakkārādinirapekkhacittassa sabbadukkhaniiyānikadhammūpadeso, āsayato paṭiviruddhesupi niccam hitesitā, ñāṇaparipākakālāgamanādiparahitapaṭipatti ca, āmisapaṭiggahaṇādināpi atthacariyā parahitapaṭipatti hotiyeva. Tasmā tesam vibhāvanavasena pāḷiyam “arahan”ti-ādīnam padānam gahaṇam vedītabbam.

Tattha **“arahan”**ti iminā padena pahānasampadāvasena bhagavato attahitasampatti vibhāvitā. **“Sammāsambuddho, lokavidū”**ti ca imehi padehi ñāṇasampadāvasena. Nanu ca “lokavidū”ti imināpi sammāsambuddhatā vibhāvīyatīti? Saccam vibhāvīyati atthi pana viseso, “sammāsambuddho”ti iminā sabbaññutaññāṇānubhāvo vibhāvito, “lokavidū”ti pana iminā āsayānusayaññāṇādināpi ānubhāvo vibhāvitoti. **“Vijjācaraṇasampanno”**ti iminā sabbāpi bhagavato attahitasampatti vibhāvitā. **“Sugato”**ti pana iminā samudāgamato paṭṭhāya bhagavato attahitasampatti, parahitapaṭipatti ca vibhāvitā. **“Anuttaro purisadammasārathi satthā devamanussānan”**ti imehi padehi bhagavato parahitapaṭipatti vibhāvitā. **“Buddho”**ti iminā bhagavato attahitasampatti, parahitapaṭipatti ca vibhāvitā. Evañca katvā “sammāsambuddho”ti vatvā “buddho”ti vacanam samatthitam hoti. Tenevāha “attanāpi bujji aññepi satte bodhesī”ti-ādi. **“Bhagavā”**ti ca imināpi samudāgamato paṭṭhāya bhagavato sabbā attahitasampatti, parahitapaṭipatti ca vibhāvitā.

Aparo nayo—hetuphalasattūpakāravasena saṅkhepato tividhā buddhaguṇā. Tattha “araham sammāsambuddho vijjācaraṇasampanno lokavidū”ti imehi padehi phalasampattivasena buddhaguṇā vibhāvitā. “Anuttaro purisadammasārathi satthā devamanussānan”ti imehi sattūpakāravasena buddhaguṇā pakāsītā. “Buddho”ti iminā phalavasena, sattūpakāravasena ca buddhaguṇā vibhāvitā. “Sugato bhagavā”ti pana imehi padehi hetuphalasattūpakāravasena buddhaguṇā vibhāvitāti vedītabbam.



145. **Tassāti** buddhānussatikammaṭṭhānikassa yogino. **Evanti** “tatrāyaṃ nayo”ti-ādinā vuttappakārena. **Tasmim samayeti** buddhaguṇānussaraṇasamaye. **Rāgapariyuṭṭhitanti** rāgena pariyuṭṭhitam, pariyuṭṭhānappattehi rāgehi sahitam cittam araṇṇamiva corehi tena pariyuṭṭhitanti vuttam, tassa pariyuṭṭhānaṭṭhānabhāvato, pariyuṭṭhitarāganti attho. Yam vā rāgassa pariyuṭṭhānam, tam taṃsahite citte upacaritanti daṭṭhabbam. Etasmim pakkhe **rāgenāti** rāgena hetunāti attho. **Ujugatamevāti** pageva kāyavaṅkādinam apanītattā, cittassa ca anujubhāvakarānam māyādīnam abhāvato, rāgādipariyuṭṭhānābhāvena vā onati-unnavirahato ujubhāvameva katam. Atha vā **ujugatamevāti** kammaṭṭhānassa vīthim otiṇṇatāya līnuddhaccavigamanato majjhimasamathanimittapaṭipattiyā ujubhāvameva gataṃ. **Tathāgataṃ ārabbhāti** tathāgataguṇe ārammaṇam katvā.

**Iccassāti** iti assa. “So bhagavā itipi arahan”ti-ādinā pubbe vuttappakārena buddhaguṇe anuvitakkayatoti sambandho. **Evanti** “neva tasmim samaye”ti-ādinā vuttanayena. **Buddhaguṇaṇonāti** buddhaguṇaninnā. **“Vitakkavicārā pavattanti”**ti etena buddhaguṇasaṅkhātam kammaṭṭhānam vitakkāhatam, vitakkapariyāhatam, punappunam anumajjanaṅca karotīti dasseti. **Pīti uppajjati**ti bhāvanāvasena upacārajjhānanipphādikā balavatī pīti uppajjati. **Pītimanassa** vuttappakārapītisahitacittassa. **Kāyacittadarathāti** kāyacittapassaddhīnam paṭipakkhabhūtā sukhumāvatthā uddhaccasahagatā kilesā. **Paṭippassambhantī**ti sannisīdanti. **Anukkamena ekakkhaṇeti** yadā buddhaguṇārammaṇā bhāvanā uparūpari visesaṃ āvahantī pavattati, tadā nīvaraṇāni vikkhambhitāneva honti, kilesā sannisinnāva honti, suvisadāni saddhādīni indriyāni honti, bhāvanāya paṇatāya vitakkavicārā sātisaṃ paṭukiccāva honti, balavatī pīti uppajjati, pītipadaṭṭhānā passaddhi savisesā jāyati, passaddhakāyassa samādhipadaṭṭhānam sukham thiratarānam hutvā pavattati, sukkena anubrūhitam cittam kammaṭṭhāne sammadeva samādhiyati, evaṃ anukkamena pubbabhāge vitakkādayo uparūpari paṭupaṭutarabhāvena pavattitvā bhāvanāya majjhimasamathapaṭipattiyā indriyānaṅca ekarasabhāvena paṭutamāni hutvā ekakkhaṇe **jhānaṅgāni uppajjanti**. Yam sandhāya vuttam bhagavatā—

“Yasmim mahānāma samaye ariyasāvako tathāgataṃ anussarati, nevassa tasmim samaye rāgapariyuṭṭhitaṃ cittaṃ hoti -pa- sukhino cittaṃ samādhiyati”<sup>1</sup>.

Kasmā panettha jhānaṃ appanāpattaṃ na hotīti āha “**buddhaguṇānaṃ pana gambhīratāyā**”<sup>2</sup>ti-ādi. Gambhīre hi ārammaṇe gambhīre udake patitanāvā viya samathabhāvanā paṭiṭṭhaṃ na labhati, “gambhīratāyā”<sup>2</sup>ti ca iminā sabhāvadhammatāpi saṅgahitā. Sabhāvadhammo hi gambhīro na paññatti. Nanu ca tadjjāpaññattivaseṇa sabhāvadhammo gayhatīti? Saccam gayhati pubbhāge, bhāvanāya pana vaḍḍhamānāya paññattim samatikkamitvā sabhāveyeva cittaṃ tiṭṭhati. Nanu ca sabhāvadhammepi katthaci appanā samijjhati dutiyārūppajjhānādīti? Saccam samijjhati, tañca kho ekappakāre ārammaṇe, idaṃ pana nānappakāraṇti dassento “**nānappakāraguṇānussaraṇādhimuttatāyā**”<sup>2</sup>ti āha. Evampi yathā nānappakāreṇa kesādikoṭṭhāsesu manasikāraṃ pavattentassa ekasmiṃyeva koṭṭhāse appanāvasena bhāvanā avatiṭṭhati, evamidha kasmā na hotīti? Viṣamoyaṃ upaññāso. Tattha hi satipi koṭṭhāsabahubhāve ekappakāreṇa bhāvanā vattati paṭikkūlakārasseva gahaṇato, idha pana nānappakāreṇa guṇānaṃ nānappakāratā, na ayamekasmiṃyeva guṇe ṭhātum sakkoti bhāvanābalena paccakkhato buddhaguṇesu upaṭṭhahantesu saddhāya balavabhāvato. Teneva hi “**adhimuttatāyā**”<sup>2</sup>ti vuttaṃ. Yadi upacārapattaṃ jhānaṃhoti, kathaṃ buddhānussatīti vuttanti āha “**tadetan**”<sup>2</sup>ti-ādi.

**Sagāravo hoti sappatisso**, satthugūṇasarīrassa paccakkhato upaṭṭhahanato. Tatoyeva **saddhāvepullaṃ** aveccappasādasadisamā saddhāmahattaṃ. Buddhaguṇānaṃ anussaraṇavasena bhāvanāya pavattattā **sativepullaṃ**. Tesam paramagambhīratāya, nānappakāratāya ca **paññāvepullaṃ**. Tesam uḷārapuññakkhattatāya **puññavepullaṃ** **adhigacchati**. **Pītipāmojjabahulo hoti** pīti sambojjhaṅgaṭṭhānīyattā buddhānussa tiyā. **Bhayabheravasaho** buddhaguṇārammaṇāya satiyā bhayabheravābhībhavanato. Tenāha bhagavā “anussaretha sambuddham, bhayaṃ tumhāka no siyā”<sup>2</sup>. **Dukkādhivāsanasamattho** buddhānussatīyā sarīradukkassa padumapālāse udakāssa viya

1. Am 2. 252 piṭṭhe.

2. Sam 1. 221 piṭṭhe.

vinivaṭṭanato. **Sarivāsasaññanti** sahaṅvāsasaññam. **Buddhabhūmiyaṃ cittam namati** buddhaguṇānam mahantabhāvassa paccakkhato upaṭṭhānato. Buddhānussatibhāvanāya sabbadā buddhaguṇānam citte viparivattanato vuttam “**sammukhā satthāram bassato viyā**”ti. **Uttari appaṭivijjhantoti** imāya bhāvanāya upari tam adhiṭṭhānam katvā saccāni appaṭivijjhanto. **Sugatiparāyaṇoti** sugatisamparāyo.

**Appamādanti** appamajjanam sakkaccam anuyogam. **Kayirāthāti** kareyya. **Sumedhasoti** sundarapañño. **Evam mahānubhāvāyāti** vuttappakārena nīvaraṇavikkhambhanādisamatthena satthari sagāravabhāvādihetubhūtena mahatā sāmattihiyena samannāgatāya.

## 2. Dhammānussatikathāvaṇṇanā

146. **Dhammānussatinti** ettha padattho, sabhāvattho ca ādito vuttōyevāti tam anāmasitvā bhāvanāvīdhānameva dassetuṃ “**dhammānussatim bhāvetukāmenāpi**”ti-ādi āradham. Kasmā panettha buddhānussatiyaṃ viya “aveccappasādasamannāgatenā”ti na vuttam. Nanu etā paṭipāṭiyā cha anussatiyo ariyasāvakaṇam vasena desanam āruḥhāti? Saccametam, evam santepi “parisuddhasīlādiguṇānam puthujjanānampi ijjhantī”ti dassanattham “aveccappasādasamannāgatenā”ti idha na vuttam, ariyasāvakaṇam pana sukhena ijjhantīti. Tathāpi pāṭiyam āgatattā ca buddhānussatiniddese vuttanti daṭṭhabbam, ayañca vicāro parato āgamissateva.

147. **Pariyattidhammopīti pi-saddena** lokuttaradhammam sampiṇḍeti. **Itaresūti** sandiṭṭhikādipadesu. **Lokuttaradhammovāti** avadhāraṇam nippariyāyena sandiṭṭhikādi-attham sandhāya vuttam, pariyāyato panete pariyattidhammepi sambhavanteva. Tathā hi **pariyattidhammo** bahussutena āgatāgamena paramena satinepakkena samannāgatena paññavatā ādikalyāṇatādivisesato sayam daṭṭhabboti **sandiṭṭhiko**. Ācariyapayirupāsānāya vinā na labbhāti ce? Lokuttaradhammepi samāne kalyāṇamittasannissayeneva sijjhanato, tathā satthusandassanepi. “Sandiṭṭhiyā jayati”ti ayam panattho titthiyanimmaddane nippariyāyatova

labbhati, kilesajaye pariyāyato paramparāhetubhāvato. “Sandiṭṭhaṃ arahatī”ti ayampi attho labbhateva, sabbaso saṃkilesadhammānaṃ pahānaṃ, vodānadhammānaṃ paribrūhanañca uddissa pavattattā. Ayañca attho “ye kho tvaṃ gotami dhamme jāneyyāsi, ime dhammā sarāgāya saṃvattanti no virāgāya, saññogāya saṃvattanti no visaññogāya, sa-upādānāya saṃvattanti no anupādānāya, ekamsena gotami dhāreyyāsi ‘neso dhammo, neso vinayo, netaṃ satthusāsanaṃ’ti”<sup>1</sup>, “dhammāpi vo bhikkhave pahātabbā, pageva adhammā”ti<sup>2</sup> ca evamādihi suttapadehi vibhāvetabbo. Akālikādhigamupāyatāya **akāliko**. Vijjamānatāparisuddhatāhi ehipassavidhiṃ arahatīti **ehipassiko**. Tato eva vaṭṭadukkhanittharaṇatthikehi attano citte upanayanaṃ, cittassa vā tattha upanayanaṃ arahatīti **opaneyyiko**. Vimuttāyatanasīse ṭhatvā paricayena sammadeva atthavedaṃ, dhammavedaṃca labhantehi **paccatthaṃ veditabbo viññūhīti**. Evaṃ sandiṭṭhikādipadesu pariyattidhammampi pakkhipitvā anasikāro yujjateva.

**Sāti gāthā. Samantabhadrakattā**ti sabbabhāgehi sundarattā.

**Dhammassāti** sāsanaḍḍhammassa. Kiñcāpi avayavavinimutto samudāyo nāma paramatthato koci natthi, yesu pana avayavesu samudāyarūpena avekkhitesu “gāthā”ti samaññā, taṃ tato bhinnaṃ viya katvā saṃsānivohāraṃ<sup>3</sup> āropetvā dassento “**paṭhamena pādena ādikalyāṇā**”ti-ādimāha. “**Ekānusandhikan**”ti idaṃ nātibahuvibhāgaṃ yathānusandhinā ekānusandhikaṃ sandhāya vuttaṃ, itarassa pana teneva desetabhadhammavibhāgena ādimajjhapariyosānabhāgā labbhantīti. **Nidānenāti** kāladesadesakaparisādi-apadisanaḍḍakkaṇaṃ nidānaganthena. **Nigamanenāti** “idamavocā”ti-ādikena<sup>4</sup>, “iti yaṃ taṃ vuttaṃ, idametaṃ paṭicca vuttan”ti<sup>5</sup> vā yathāvuttatthanigamanena.

Ayaṃ kathā visesato suttaṭṭakasaṃvaṇṇanāti katvā suttaṭṭakavasena dhammassa ādikalyāṇādikaṃ dassetvā idāni suttaṭṭakavinayapaṭṭakānaṃ vasena taṃ dassetuṃ “**sanidānasa-uppattikattā**”ti-ādi vuttaṃ. Tattha **sanidānasa-uppattikattā**ti yathāvuttanidānena sanidānatāya,

1. Vi 4. 449; Aṃ 3. 107 piṭṭhesu.

2. Ma 1. 188 piṭṭhe.

3. Saṃsānivohāraṃ (Sī)

4. Saṃ 1. 222 piṭṭhe.

5. Aṃ 3. 297 piṭṭhe.

sa-aṭṭhuppattikatāya ca. **Veneyyānaṃ anurūpatoti** sikkhāpadapaññattiyā, dhammadesanāya ca taṃtaṃsikkhāpadabhāvena paññāpiyamānassa veneyyajjhāsayanurūpaṃ pavattisamānassa anurūpato. **Atthassāti** desiyamānassa ca sīlādi-atthassa. “Taṃ kissa hetu?<sup>1</sup>, seyyathāpi bhikkhave”ti-ādīnā<sup>2</sup> tattha tattha hetūpamāgahaṇena **hetudāharaṇayuttato**.

Evam suttavinayavasena pariyattidhammassa ādimajjhapariyosānakalyāṇataṃ dassetvā idāni tīṇi piṭakāni ekajjham gahetvā taṃ dassetuṃ “**sakalopī**”ti-ādi vuttam. Tattha **sāsanadhammoti**—

“Sabbapāpassa akaraṇaṃ, kusalassa upasampadā.

Sacittapariyodapanam, etaṃ buddhāna sāsanan”ti<sup>3</sup>—

evam vuttassa satthusāsanassa pakāsako pariyattidhammo. **Sīlena ādikalyāṇo** sīlamūlakattā sāsanaṃ. Samathādīhi **majjhekalyāṇo** tesam sāsanasampattiyā vemajjhabhāvato. **Nibbānena pariyosānakalyāṇo** tadadhigamato uttarikaraṇīyābhāvato. Sāsane sammāpaṭipatti nāma paññāya hoti, tassā ca sīlam, samādhi ca mūlanti āha “**sīlasamādhihi ādikalyāṇo**”ti. Paññā pana anubodhapaṭivedhavasena duvidhāti tadubhayampi gaṇhanto “**vipassanāmaggehi majjhekalyāṇo**”ti āha. Tassa nipphatti phalam, kiccaṃ nibbānasacchikiriyā, tato param kattaḃbam natthīti dassento āha “**phalanibbānehi pariyosānakalyāṇo**”ti. Phalaggahaṇena vā sa-upādisesanibbānamāha, itarena itaram, tadubhayañca sāsanasampattiyā osānanti āha “**phalanibbānehi pariyosānakalyāṇo**”ti.

Buddhassa subodhitā sammāsambuddhatā, tāya **ādikalyāṇo** tappabhavattā. Sabbaso saṃkilesappahānaṃ vodānaṃ, pāripūrī ca dhammasudhammatā, tāya **majjhekalyāṇo** taṃsarīrattā. Satthārā yathānusiṭṭham tathāpaṭipatti **saṃghasuppaṭipatti**, tāya **pariyosānakalyāṇo**, tāya sāsanaṃ loka suppaṭiṭṭhitabhāvato. **Tanti** sāsanaḃdhammaṃ. **Tathattāyāti** yathatthāya bhagavato dhammo desito, tathattāya tathabhāvāya. So pana abhisambodhi paccakabodhi sāvakaḃbodhīti

1. Saṃ 1. 222 piṭṭhe.

2. Saṃ 2. 115 piṭṭhe.

3. Khu 1. 41; Di 2. 42 piṭṭhesu.

tividho, ito aññathā nibbānādhigamassa abhāvato. Tattha sabbaguṇehi aggabhāvato, itarabodhidvayamūlatāya ca paṭhamāya bodhiyā **ādikalyāṇatā**, guṇehi vemajjhabhāvato dutiyāya **majjhekalyāṇatā**, tadubhayāvaratāya, tadosānatāya ca sāsanaadhammassa tatiyāya **pariyosānakalyāṇatā** vuttā.

**Esoti sāsanaadhammo. Nīvaraṇavikkhambhanatoti** vimuttāyatanaśise thatvā saddhammaṃ suṇantassa nīvaraṇānaṃ vikkhambhanasambhavato. Vuttam̄ hetam̄—

“Yathā yathāvuso bhikkhuno satthā vā dhammaṃ deseti, aññataro vā garuṭṭhāniyo sabrahmacārī, tathā tathā so tattha labhati atthavedaṃ labhati dhammavedaṃ”<sup>1</sup>.

“Yasmiṃ bhikkhave samaye ariyasāvako ohitasoto dhammaṃ suṇāti, pañcassa nīvaraṇāni tasmīṃ samaye pahīnāni hontī”<sup>2</sup>—

ca ādi. **Samathavipassanāsukhāvahanatoti** samathasukhassa ca vipassanāsukhassa ca sampādanato. Vuttampi cetam̄—

“So vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ”<sup>3</sup> ti-ādi<sup>3</sup>.

Tathā—

“Yato yato sammasati, khandhānaṃ udayabbayaṃ.

Labhatī pītipāmojjaṃ, amataṃ taṃ vijānataṃ.

Amānusi ratī hoti, sammā dhammaṃ vipassato”<sup>4</sup> ca.

**Tathāpaṭipannoti** yathā samathavipassanāsukhaṃ āvahati, yathā vāsathārā anuṣiṭṭhaṃ, tathā paṭipanno sāsanaadhammo. **Tādibhāvāvahanatoti** chaḷaṅgupekkhāvasena iṭṭhādīsu tādibhāvassa lokadhammehi anupalepassa āvahanato. Esa bhagavā vuttanayena tividhakalyāṇaṃ dhammaṃ desento yaṃ sāsanaabrahmacariyaṃ, maggabrahmacariyaṃ pakāseti, taṃ yathānurūpaṃ atthasampattiyā sātthaṃ, byañjanasampattiyā sabyañjananti yojanā.

1. Am̄ 2. 18 piṭṭhe.

3. Dī 1. 94; Ma 2. 104 piṭṭhesu.

2. Sam̄ 3. 84 piṭṭhe.

4. Khu 1. 67 piṭṭhe.

Tattha avisesena tisso sikkhā, sakalo ca tantidhammo **sāsanabrahmacariyaṃ**. Yaṃ sandhāya vuttam “katamesānaṃ kho bhante buddhānaṃ bhagavantāna brahmacariyaṃ naciraṭṭhitikaṃ ahoṣī”ti-ādi<sup>1</sup>. Sabbasikkhānaṃ maṇḍabhūtasikkhattayasaṅgahito ariyamaggo **maggabrahmacariyaṃ**. Yaṃ sandhāya vuttam “khīṇā jāti vusitaṃ, brahmacariyaṃ, kataṃ karaṇīyaṃ”ti<sup>2</sup>. **Yathānurūpanti** yathārahaṃ. Sikkhattayasaṅgahaṃ hi sāsanabrahmacariyaṃ atthasampattiyā **sāttham**. Maggabrahmacariye vattabbameva natthi. **Atthasampattiyā**ti sampannatthātāya. Sampatti-attho hi idha saha-saddo. Itaraṃ pana yathāvuttenatthena **sāttham**, **sabyañjana**ṇca. Ye panettha “vacanasabhāvaṃ **sāttham**, atthasabhāvaṃ **sabyañjanan**”ti vibhajtvā vadanti, taṃ na sundaraṃ, tathā vibhattassa pariyaṭṭhammassa abhāvato. Saddatthā hi abhinnarūpā viya hutvā viniyogaṃ gacchanti. Tathā hi nesam lokiyāmissībhāvaṃ paṭijānanti. Satipi vā bhede “sabyañjanan”ti ettha yadi tulyāyogo adhippeto “saputto āgato”ti-ādīsu viya, evaṃ sati “atthapaṭisaraṇā bhikkhave hotha, mā byañjanapaṭisaraṇā”ti atthappadhānavādo bādhitō<sup>3</sup> siyā, atha vijjamaṇatāmattaṃ “salomako sapakkhako”ti-ādīsu viya byañjanasampatti aggahitā siyā. Tasmā aṭṭhakathāyaṃ vuttanayeneva attho gahetabbo.

**Sāttham sabyañjananti** ettha netthinayenāpi atthaṃ dassetuṃ “**saṅkāsaṇa -pa- sabyañjanan**”ti vuttam. Tattha yadipi nettiyaṃ byañjanamukhena byañjanatthaggaṇaṃ hotīti “akkharaṃ padan”ti-ādinā<sup>4</sup> byañjanapadāni paṭhamaṃ uddiṭṭhāni, idha pana pāḷiyaṃ “sāttham sabyañjanan”ti āgatattā atthapadāniyena paṭhamaṃ dassetuṃ “**saṅkāsanapakāsanā**”ti-ādi vuttam. Tattha saṅkhepato kāsaṇaṃ dīpaṇaṃ **saṅkāsaṇaṃ** “maññaṃāno bhikkhu baddho māraṇa, amaññaṃāno mutto”ti-ādīsu<sup>5</sup> viya. Tattakena hi tena bhikkhunā paṭividdhaṃ. Tenāha “aññātaṃ bhagavā”ti-ādi. Paṭhamaṃ kāsaṇaṃ **pakāsaṇaṃ**. Ādikammaṃ hi ayaṃ **pa-saddo** “paññaṇeti paṭṭhapi”ti-ādīsu<sup>6</sup> viya. Tikkhindriyāpekkhaṃ cetam padadvayaṃ uddesabhāvato. Tikkhindriyo hi saṅkhepato paṭhamaṇca vuttamattham

1. Vi 1. 8 piṭṭhe.

3. Atthappadhānabhāvo dīpito (Syā, Ka)

5. Saṃ 2. 62 piṭṭhe.

2. Vi 3. 20; Saṃ 3. 65 piṭṭhādīsu.

4. Khu 10. 5 piṭṭhe.

6. Saṃ 1. 264 piṭṭhe.

paṭipajjati. Saṅkhittassa vitthāravacanaṃ sakirū vuttassa puna vacanañca **vivaraṇavibhajanāni**. Yathā “kusalā dhammā”ti saṅkhepato sakirūyeva ca vuttassa atthassa “katame dhammā kusalā? Yasmim samaye kāmāvacaraṃ kusalaṃ cittaṃ”ti-ādinā<sup>1</sup> vitthārato vivaraṇavasena, vibhajanavasena ca puna vacanaṃ. Majjhimindriyāpekkhametaṃ padadvayaṃ niddesabhāvato. Vivaṭassa vitthāratarābhidhānaṃ, vibhattassa ca pakārehi nāpanaṃ veneyyānaṃ cittaparitosanaṃ **uttānikaraṇapaññāpanāni**. Yathā “phasso hoti”ti-ādinā<sup>2</sup> vivaṭavibhattassa atthassa “katamo tasmim samaye phasso? Yo tasmim samaye phasso phusanā samphusanā”ti-ādinā<sup>2</sup> uttānikiriyā, paññāpanā ca. Mudindriyāpekkhametaṃ padadvayaṃ paṭiniddesabhāvato. “Paññāpanapaṭṭhapanavivaraṇavibhajana-uttānikaraṇapakāsana-atthapadasamāyogato”tipi pāṭho.

Kathaṃ panāyaṃ pāṭhavikappo jātoti? Vuccate—netthipāḷiyam āgatanayena purimapāṭho. Tattha hi—

“Saṅkāsanā pakāsanaṃ,  
Vivaraṇā vibhajanuttānikammapaññatti.  
Etehi chahi padehi,  
Attho kammañca niddiṭṭhan”ti<sup>3</sup>—

desanāhārayojanāya ca etassevatthassa “saṅkāsanā pakāsanaṃ”ti-ādinā āgataṃ. Pacchimo pana “paññāpeti paṭṭhāpeti vivarati vibhajati uttānikaroti ‘passathā’ti cāhā”ti<sup>4</sup> sutte āgatanayena byañjanamattakato. Evañca nesam dvinnam pāṭhānaṃ viseso, na atthato. Tathā hi saṅkhepato “paṭṭhamam nāpanam **paññāpanam**, paṭṭhamameva ṭhapanam **paṭṭhapanam**”ti imāni padāni saṅkāsanapakāsana-padehi atthato avasiṭṭhāni. Yañca purimapāṭhe chaṭṭham padam “pakārato nāpanam”ti paññāpanam vuttam, tam dutiyapāṭhe pakāsana-padena “nibbisesam pakārato kāsanam”ti katvā. Yasmā nāpanakāsanaṃ atthāvabhāsanābhāvātāya abhinnāni, sabbesañca veneyyānaṃ cittaṃ tosanam, buddhiyā ca nisānaṃ yāthāvato vatthusabhāvāvabhāsane jāyatīti. Evaṃ atthapadarūpattā pariyatti-atthassa yathāvuttacha-atthapadasamāyogato **sāttam** sāsanam.

1. Abhi 3. 17 piṭṭhe. 2. Abhi 1. 18 piṭṭhe. 3. Khu 10. 5 piṭṭhe. 4. Saṃ 1. 264 piṭṭhe.



**Akkharapadabyañjanākāraniruttiniddesasampattiya**ti ettha uccāraṇavelāyaṃ apariyosite pade vaṇṇo **akkharam**. “Ekakkharam padam akkharan”ti eke “ā evaṃ kira tan”ti-ādīsu ā-kārādayo viya. “Visuddhakaraṇānam manasā desanāvācāya akkharāṇato akkharan”ti aññe. Vibhattiyantaṃ atthañāpanato **padam**. Saṅkhepato vuttam padābhīhitam attham byañjetīti **byañjanam**, vākyam. “Kiriyaṇapadam abyayakāravisesanayuttam vākyan”ti hi vadanti. Pakārato vākyavibhāgo **ākāro**. Ākārabhīhitam nibbacaṇam **nirutti**. Nibbacaṇavitthāro nissesupadesato **niddeso**. Etesam akkharādīnam byañjanapadānam sampattiya sampannaṭāya **sabyañjanam**.

Tatrāyamaṣṣa atthapadasamāyogo, byañjanasampatti ca—akkharehi saṅkāseti, padehi pakāseti, byañjanehi vivarati, ākārehi vibhajati, niruttīhi uttānikaroti, niddesehi paññapeti, tathā akkharehi ugghāṭetvā padehi vineti ugghāṭitaññum, byañjanehi vipaṇcetvā ākārehi vineti vipaṇcitaññum, niruttīhi netvā niddesehi vineti neyyam. Evañcāyam dhammo ugghāṭiyamāno ugghāṭitaññum vineti, vipaṇciyamāno vipaṇcitaññum, niyyamāno neyyam. Tattha ugghāṇā ādi, vipaṇcāna majjhe, nayanamante. Evaṃ tīsu kālesu tidhā desito dosattayavidhamano guṇattayāvaho tividhaveneyyavinayanoti. Evampi tividhakalyāṇoyam dhammo atthabyañjanapāripūriyā “sāttho sabyañjano”ti veditabbo “paripuṇṇo, parisuddho”ti ca.

**Atthagambhīratā**ti-ādīsu **attho** nāma tanti-attho. **Dhammo** tanti. **Paṭivedho** tantiyā, tanti-atthassa ca yathābhūtāvabodho. **Desanā** manasā vavathāpitāya tantiyā desanā. Te panete atthādayo yasmā sasādīhi viya mahāsamuddo mandabuddhīhi dukkhogāhā, alabbhaneyyapatiṭṭhā ca, tasmā **gambhīrā**. Atha vā **attho** nāma hetuphalam. **Dhammo** hetu. **Desanā** paññatti, yathādhammam dhammābhilāpo, anulomapaṭilomasāṅkhepavitthārādivasena vā kathanam. **Paṭivedho** abhisamayo, atthānurūpaṃ dhammesu, dhammānurūpaṃ atthesu, paññattipathānurūpaṃ paññattīsu avabodho, tesam tesam vā dhammānam paṭivijjhitabbo salakkhaṇasaṅkhāto aviparītasabhāvo. Tepi cete atthādayo yasmā anupacitakusalasambhārehi

duppaññehi sasādīhi viya mahāsamuddo dukkhogāhā, alabbhaneyyapatiṭṭhā ca, tasmā **gambhīrā**. Tesu paṭivedhassāpi atthasannissitattā vuttamā **“atthagambhīratāpaṭivedhagambhīratāhi sātthan”**ti atthaguṇadīpanato. Tāsam dhammadesanānam byañjanasannissitattā vuttamā **“dhammagambhīratādesanā gambhīratāhi sabyañjanan”**ti tāsam byañjanasampattidīpanato.

Atthesu pabhedagataṃ nāṇam **atthapaṭisambhidā**. Atthadhammaniruttipaṭisambhidāsu pabhedagataṃ nāṇam **paṭibhānapaṭisambhidāti** imissāpi paṭisambhidāya atthavisayattā āha **“atthapaṭibhānapaṭisambhidāvisayato sātthan”**ti, atthasampattiyā asati tadabhāvato. **Dhammoti** tanti. **Niruttīti** tantipadānam niddhāretvā vacanam. Tattha pabhedagatāni nāṇāni dhammaniruttipaṭisambhidāti āha **“dhammaniruttipaṭisambhidāvisayato sabyañjananti**, asati byañjanasampattiyā tadabhāvato. **Parikkhakajanappasādakanti** ettha **iti-saddo** hetu-attho. Yasmā parikkhakajanānam kinkusalagavesīnam pasādāvaham, tasmā **sāttham**. Atthasampannanti phalena hetuno anumānam nadīpūrena viya upari vuṭṭhippavattiyā. Sātthakatā panassa paṇḍitavedanīyatāya, sā paramagambhīrasaṅhasukhumabhāvato veditabbā. Vuttañhetam “gambhīro duddaso”ti-ādi<sup>1</sup>. **Lokiyajanappasādakanti sabyañjananti** yasmā lokiyajanassa pasādāvaham<sup>2</sup>, tasmā **sabyañjanam**. Lokiyajano hi byañjanasampattiyā tussati, idhāpi phalena hetuno anumānam. Sabyañjanatā panassa saddheyyatāya, sā ādikalyāṇādibhāvato veditabbā.

Atha vā **paṇḍitavedanīyato sātthan**”ti paññāpadaṭṭhānatāya atthasampannatam āha, tato parikkhakajanappasādakam. **Saddheyyato sabyañjananti** saddhāpadaṭṭhānatāya byañjanasampannatam, tato lokiyajanappasādakanti evamettha attho daṭṭhabbo. **Gambīrādhippāyato sātthanti** adhippāyato agādhipāratāya atthasampannam<sup>3</sup> aññathā tadabhāvato. **Uttānapadato sabyañjananti** subodhasaddatāya byañjanasampannam, paramagambhīrassapi atthassa veneyyānam suviññeyyabhāvāpādanato. Sabbopesa paṭhamassa atthadvayassa pabhedo<sup>4</sup> daṭṭhabbo, tathā ceva tattha tattha samvaṇṇitam. Tathā

1. Vi 3. 7 piṭṭhe.2. Pasādāvahati (Syā, Ka)

3. Atthasampannam uttānādhippāye sati (Syā), attasampannatam. Uttānādhippāye sati (Ka)

4. Papañco (Sī)

hettha vikappassa, samuccayassa vā aggahaṇaṃ. **Upanetabbassāti** pakkhipitabbassa vodānatthassa avuttassa **abhāvato**.

**Sakalaparipuṇṇabhāvenāti** sabbabhāgehi paripuṇṇatāya. **Apanetabbassāti** saṃkilesadhammassa.

**Paṭipattiyāti** sīlavissuddhiyādisammāpaṭipattiyā, tannimittāṃ.  
**Adhigamabyattitoti** saccapaṭivedhena adhigamaveyyattiyasabbhāvato **sātham** kapilavatādi<sup>1</sup> viya tucchāṃ niratthakāṃ ahutvā atthasampannanti katvā. **Pariyattiyāti** pariyaṭṭidhammaparicayena. **Āgamabyattitoti** durakkhātadhammesu paricayaṃ karontassa viya sammohaṃ ajanetvā bāhusaccaveyyattiyasabbhāvato **sabyañcanaṃ**. Byañjanasampattiyā hi sati āgamabyattitī. **Sīlādipaṇcadhammakkhandhayuttatoti** sīlādīhi pañcahi dhammakotṭhāsehi avirahitattā. **Kevalaparipuṇṇam** anavasesena samantato puṇṇam pūritāṃ. **Nirupakkilesatoti** diṭṭhimānādi-upakkilesābhāvato. **Nittharaṇatthāyāti** vaṭṭadukkhato nissaraṇāya. **Lokāmisānirapekkhatoti** kathaṅcīpi taṇhāsannissayassa anissayanato.

Evam ādikalyāṇatādi-apadesena satthu purimavesārajjadvayavasena dhammassa svākkhātataṃ vibhāvetvā idāni pacchimavesārajjadvayavasenaṇāpi taṃ dassetuṃ “**atthavipallāsābhāvato vā suṭṭhu akkhātoti svākkhāto**”ti vatvā tamattham byatirekamukhena vibhāvento “**yathā hī**”ti-ādimāha. Tattha **vipallāsamāpajjātī** tesam dhamme “antarāyikā”ti vuttadhammānaṃ vipākādīnaṃ antarāyikattābhāvato ekaṃsena apāyūpapattihetutāya abhāvato. **Niyyānikattābhāvato**ti atammayatābhāvato, saṃsārato ca niyyānikāti vuttadhammānaṃ ekaccayaṇṇakiriyāpakatipurisantaraṇṇāṇādīnaṃ<sup>2</sup> tato niyyānikattābhāvato viparīto eva hoti. **Tenāti** atthassa vipallāsāpajjanena. **Te** aññatitthiyā. **Tathābhāvānatikkamanatoti** kammantarāyādīnaṃ pañcannaṃ antarāyikabhāvassa ariyamaggadhammānaṃ niyyānikabhāvassa kadācīpi anativattanato.

**Nibbānānurūpāya paṭipattiyāti** adhigantabbassa sabbasaṅkhatavinissaṭṭassa nibbānassa anurūpāya sabbasaṅkhāranissaraṇūpāyabhūtāya sapubbabhāgāya

1. Kapilamatādi (Syā, Ka)

2. Purisantarayaṇṇādīnaṃ (Ka)

sammāpaṭipattiyā akkhātattāti yojanā. **Paṭipadānurūpassāti** sabbadukkhaniyyānikabhūtā ārammaṇakaraṇamattenāpi kilesehi anāmasanīyā<sup>1</sup> yādisi paṭipadā, tadanurūpassa. **Supaññattāti** sīlādikkhandhattayasaṅgahitā sammādiṭṭhi-ādippabhedā micchādiṭṭhi-ādīnaṃ pahāyikabhāvena suṭṭhu sammadeva vihitā. **Saṃsandati** kilesamalavisuddhitāya **sameti**. Evaṃ magganibbānānaṃ paṭipadāpaṭipajjanīyabhāvehi aññamaññānurūpatāya svākkhātataṃ dassetvā idāni tividhassāpi lokuttaradhammassa paccekaṃ svākkhātataṃ dassetuṃ “**ariyamaggo cetthā**”ti-ādi vuttaṃ. Tattha **antadvayanti** sassatucchedaṃ, kāmasukha-attakilamathānuyogaṃ, līnuddhaccaṃ, paṭiṭṭhānāyūhananti evaṃ pabhedāntadvayaṃ. **Anupagammāti** anupagantvā, anupagamanahetu vā. **Paṭipassaddhakilesānīti** suṭṭhu vūpasantakilesāni, paṭipassaddhipphānavasena sammadeva pahīnadosāni. **Sassatādisabhāvavasenāti** “sassatañca vo bhikkhave dhammaṃ desessāmi amatañca tāṇaṃca leṇaṃcā”ti-ādīnā tesu tesu suttesu sassatādisabhāvavakittanavasena.

148. “**Rāgādīnaṃ abhāvaṃ karontena ariyapuggalena sāmānaṃ daṭṭhabbo**”ti iminā “ariyamaggena mama rāgādayo pahīnā”ti sayāṃ attanā anaññaneyyena daṭṭhabboti sandiṭṭhi, sandiṭṭhi eva **sandiṭṭhiko**.

**Tena tena** ariyasāvakena **parasaddhāya** parassa saddahanena paraneyyena **gantabbataṃ hitvā** nāpetabbataṃ pahāya **paccavekkhaṇaññāna** karaṇabhūtena. **Pasatthā diṭṭhi sandiṭṭhi** yathā sambojjhaṅgo. Ariyamaggo attanā sampayuttāya sandiṭṭhiyā kilese jayati, ariyaphalaṃ tāya eva attano kāraṇabhūtāya, nibbānaṃ ārammaṇakaraṇena attano visayībhūtāya sandiṭṭhiyā kilese jayatīti yojanā.

**Bhāvanābhisamayavasena** maggadhammo. **Sacchikiriyābhisamayavasena** nibbānadhammo. Phalampi heṭṭhimāṃ sakadāgāmiyapassanādīnaṃ paccayabhāvena upari maggādhihamassa upanissayabhāvato pariyāyato “**dissamāno vaṭṭabhayaṃ nivatteti**”ti vaṭṭabbataṃ labhati.

---

1. Anāmasanīyatādīnā (Syā, Ka)

149. **Nāssa kāloti** nāssa āgametabbo kālo atthi. Yathā hi lokiyakusalassa “upapajje, aparapariyāye”ti-ādinā phaladānaṃ pati āgametabbo kālo atthi, na evametassāti attho. Tenāha “**na pañcāhā**”ti-ādi. **Pakaṭṭhoti** dūro. Phaladānaṃ pati kālo pakaṭṭho assāti **kāliko**, kālantaraphaladāyī. Tenāha “**attano phaladāne**”ti. **Pattoti** upanīto. **Idanti** “akāliko”ti padam.

150. **Vidhinti** vidhānaṃ, “ehi passā”ti evaṃpavattavidhivacanaṃ. **Vijjamānattāti** paramatthato upalabbhamānattā. **Parisuddhattāti** kilesamalavirahena sabbathā visuddhattā. Amanuññampi kadāci payojanavasena yathāsabhāvappakāsanena dassettabbaṃ bhavyeyyāti tadabhāvaṃ dassento āha “**manuññabhāvappakāsanenā**”ti.

151. Upanetabboti upaneyyo, upaneyyova opaneyyikoti imassa atthassa adhippetattā āha “**upanetabboti opaneyyiko**”ti. Citte upanayanaṃ uppādananti āha “**idaṃ saṅkhate lokuttaradhamme yujjati**”ti. Citte **upanayananti** pana ārammaṇabhūtassa dhammassa ārammaṇabhāvūpanayane adhippete asaṅkhatepi yujjeyya “ārammaṇakaraṇasaṅkhātāṃ **upanayanaṃ arahatīti opaneyyiko**”ti. **Allīyananti** phusanaṃ. **Nibbānaṃ upaneti** ariyapuggalanti adhippāyo.

152. **Viññūhīti** vidūhi, paṭividdhasacchēti attho. Te pana ekaṃsato ugghaṭṭitaññū-ādayo hontīti āha “**ugghaṭṭitaññū-ādīhī**”ti. “**Paccattan**”ti etassa “pati attanī”ti bhummavasena attho gahetabboti āha “**attani attanī**”ti. **Veditabboti** vuttaṃ, kathaṃ veditabboti āha “**bhāvito me**”ti-ādi. Tattha “**me**”ti iminā “paccattan”ti padena vuttamatthaṃ anvayato dassetvā puna byatirekena dassetuṃ “**na hī**”ti-ādi vuttaṃ, taṃ suviññeyyameva. “**Viññūhī**”ti idaṃ antogadhāvadhāraṇanti dassento “**bālānaṃ pana avisayo cesā**”ti āha.

Evaṃ ādikalyāṇatādinā aññamaññassa anurūpadesanāya dhammassa svākkhātataṃ dassetvā idāni purimassa purimassa pacchimaṃ pacchimaṃ padam kāraṇavacanaṃti dassento “**apicā**”ti-ādimāha. Tattha **sandiṭṭhikattāti**

yasmā ayaṃ dhammo vuttanayena sāmaṃ daṭṭhabbo, sandiṭṭhiyā kilese viddhamseti, sandassanañca arahati, tasmā **svākkhāto** durakkhāte tiṭṭhiyadhamme tadabhāvato. Iminā nayena sesapadesupi yathārahaṃ attho daṭṭhabbo.

153. **Tassevanti**-ādīsu yaṃ vattabbaṃ, taṃ buddhānussatiyaṃ vuttanayena veditabbaṃ.

### 3. Saṃghānussatikathāvaṇṇanā

154. **Ariyaśaṃghaguṇā**ti ārakattā kilesehi, anaye na-iriyanato, aye ca iriyanato, sadevakena ca lokena “saraṇaṃ”ti araṇīyato ariyo ca so śaṃgho ca, ariyānaṃ vā śaṃgho ariyaśaṃgho, tassa guṇā.

155. Yaṃ sammāpaṭipadaṃ paṭipanno “suṭṭhu paṭipanno”ti vuccati. Sā ariyamaggapaṭipadā paṭipakkhadhamme anivattidhamme katvā pajahanato payojanābhāvā sayampi anivattidhammā, adhigantabbassa ca nibbānassa ekamsato anulomīti. Tato eva apaccanīkā, anudhammabhūtā ca, tassā ca paṭipannattā ariyaśaṃgho “suppaṭipanno”ti vuttoti dassetuṃ “**suṭṭhu paṭipanno**”ti-ādi vuttaṃ. Tattha “**anivattipaṭipadan**”ti iminā ujuppaṭipattiṃ dasseti. Punappunaṃ nivattane hi sati ujuppaṭipatti na hoti. “**Anulomapaṭipadaṃ apaccanīkapaṭipadan**”ti iminā ñāyappaṭipattiṃ. Paṭipajjitabbassa hi nibbānassa anulomanena, apaccanīkatāya cassā ñāyato. “**Dhammānudhammapaṭipadan**”ti iminā sāmīcippaṭipattiṃ anucchavikabhāvadīpanato. Etena paṭhamapadassa papañcaniddeso, itarāni tīṇi padānīti dasseti. Tenāha “**yasmāpanā**”ti-ādi.

Yathānusiṭṭhaṃ paṭipajjanena kiccāsiddhito ariyabhāvāvahaṃ savanaṃ sakkaccasavanaṃ nāmāti vuttaṃ “**sakkaccaṃ suṇantīti sāvakā**”ti, tena ariyā eva nipariyāyato satthu sāvakā nāmāti dasseti. **Sīladiṭṭhisāmaññātāyāti** ariyena sīlena, ariyāya ca diṭṭhiyā samānabhāvena. Ariyānañhi sīladiṭṭhiyo majjhe bhinnasuvaṇṇaṃ viya ninnānākaraṇaṃ maggenāgatattā.

Tena te yattha katthaci t̥hitāpi saṁhatāva. Tenāha “**saṁghātabhāvamāpanno**”ti. Māyāsāṭṭheyādīpāpadhammasamucchedena **uju**. Tato eva gomuttavaṅkābhāvena **avaṅkā**. Candalekhāvaṅkābhāvena **akuṭilā**. Naṅgalakoṭivaṅkābhāvena **ajimhā**. Avaṅkādhābhāvena vā **uju**. Parisuddhaṭṭhena **ariyā**. Apaṇṇakabhāvena ñāyati kamati nibbānaṁ, taṁ vā ñāyati paṭivijjhīyati etenāti **ñāyo**. Vaṭṭadukkhaniyyānāya **anucchavikattā**. Anurūpattā **sāmīci** opāyikātipi **saṅkham** samaññaṁ **gatā** sammāpaṭipatti, tāya samaṅgitāya **suppaṭipannā** “sammā paṭipajjantī”ti katvā. Vattamānattho hi ayaṁ **paṭipanna**-saddo yathā “sotāpattīphalasaṅgahāyā paṭipanno”ti<sup>1</sup>. **Atītaṁ paṭipadanti** yathāvuttamaggasammāpaṭipattim vadati. Ubhayena ca sāmāññaniddesena, “suppaṭipannā ca suppaṭipannā ca suppaṭipannā”ti ekasesanayena vā gahitānaṁ samūho “suppaṭipanno”ti vuttoti dasseti.

Evam ādīpadatthaniddesabhāvena itarapadānaṁ attham vatvā idāni catunnampi padānaṁ avomissakaṁ attham dassetuṁ “**apicā**”ti-ādi vuttaṁ. Tatha **yathānusit̥thanti** satthārā yathā anusit̥tham, tathā anusāsanī-anurūpanti attho. **Apaṇṇakapaṭipadanti** avirajjhanakapaṭipadaṁ, anavajjapaṭipattinti attho. Ettha ca svākkhāte dhammavinaye apaṇṇakapaṭipadaṁ paṭipannattāti evam sambandhitabbaṁ. Purimapadena sambandhe dutiyapadaṁ na vattabbaṁ siyā, nanu ca dutiyapadena sambandhepi paṭhamam padaṁ na vattabbaṁ siyāti? Na tassa paṭhamam apekkhitattā. Sā pana sāvakaṇaṁ apaṇṇakapaṭipadā yathānusit̥tham paṭipadāti dassanattham “yathānusit̥tham paṭipannattā”ti vattabbaṁ. Ubhayassāpi vā suppaṭipannabhāvasādhanattā ubhayaṁ vuttaṁ. Tathā hi pi-saddena ubhayaṁ samuccinoti.

Kilesajimhavasena antadvayagāhoti<sup>2</sup> sabbaso taṁ pahāya sammāpaṭipadā kāyādivaṅkappahāyiniṁ ujuppaṭipatti hotīti āha “**majjhimāya paṭipadāya -pa- ujuppaṭipanno**”ti.

Ñāyo nāma yuttappattapaṭipatti, nibbānañca, sabbasaṅkhārasamathatāya ādittam celam, sīsam vā ajjupekkhitvāpi paṭipajjitabbamevāti āha “**ñāyo vuccati nibbānan**”ti. Nibbāyanakiriyāmukhena cettha nibbānaṁ vuttanti

1. Abhi 3. 183 piṭṭhe.

2. ...pātoti (Sī, Ka)

daṭṭhabbāṃ, maggañāṇādīhi vā ñāyati paṭivijjhīyati sacchikariyati cāti **ñāyo nibbānanti** evamettha attho daṭṭhabbo.

Guṇasambhāvanāya parehi kayiramānaṃ  
paccupaṭṭhānādisāmīcikammaṃ arahantīti **sāmīcikammārahā**.

156. **Yadidanti** antogadhaliṅgavacanabhedo nipātoti tassa vacanabhedenā atthamāha “**yā imāni**”ti. **Evanti** pakāratthe nipāto, iminā pakārenāti attho. Tena itarāni tīṇi yugaḷāni dassitāni hontīti āha “**evaṃ cattāri purisayugaḷāni honti**”ti. **Etanti** etaṃ “purisapuggalā”ti bahuvacanavasena vuttaṃ padaṃ. Purisā ca te puggalā ca **purisapuggalā**. Tattha “**purisā**”ti iminā paṭhamāya, pakatīyā gahaṇaṃ, “**puggalā**”ti pana dutiyāyapi sattasāmaññenāti evaṃ vā ettha attho daṭṭhabbo. **Catunnaṃ paccayānaṃ** kīdisānaṃ? Ānetvā hunitabbānanti adhikārato pākaṭoyamattho. **Dātābanti** vā paccattavacanaṃ “catunnaṃ paccayānaṃ”ti padaṃ apekkhitvā sāmivasena pariṇāmetabbāṃ, aññathā yesaṃ kesañci catunnaṃ paccayānaṃ “āhunaṃ”ti samaññā siyā. Āhunaṃ arahatīti vā **āhuneyyo**. **Sakkādīnampi vā āhavananti** sakkādīhipi diyyamānaṃ dānaṃ. **Yattha hutāṃ mahapphalanti** yasmiṃ āvahanīyaggimhi hutāṃ dadhi-ādi āhuneyyaggigahapataggidakkhiṇeyyaggīsu<sup>1</sup> hutato uḷāraphalanti **tesaṃ** brāhmaṇānaṃ **laddhi**. **Hutanti** dinnāṃ. **Nikāyantareti** sabbatthikavādinikāye.

**Ṭhapetvā teti** te piyamaṇāpe ñātimitte apanetvā, tesaṃ adatvāti adhippāyo. **Esa** eso. **Ekabuddhantare ca dissatīti** ekasmiṃ buddhantare vītivatte dissati. **Ca**-saddena kadāci asaṅkhyeyyepi kappe vītivatteti dasseti. **Abbokiṇṇanti** paṭipakkhehi avomissaṃ, kiriyāvisesakañcetaṃ. **Piyamaṇāpattakaradhammā** nāma sīlādayo, te ariyasaṅghe suppatiṭṭhitā. Ayam hettha adhippāyo—ñātimitṭā vippayuttā na cirasseva samāgacchanti, anavaṭṭhitā ca tesu piyamaṇāpatā, na evamariyasaṅgho. Tasmā saṅghova **pāhuneyyoti**. **Pubbakāranti** aggakiriyaṃ. **Sabbappakārenāti** ādaragāravabahuṃānādinā, deyyadhammassa

1. Dakkhiṇeyyaggigahapatēyyaggīsu (Sī)



sakkaccakaraṇādinā ca sabbena pakārena. Svāyaṃ **pāhavanīya**-saddo “pāhuneyyo”ti vuccati pariyāyabhāvena.

Dakkhanti etāya sattā yathādhippetāhi sampattīhi vaḍḍhantīti **dakḍhiṇā**. Tathābhāvakaṇena **dakḍhiṇaṃ arahati**. Yathā uḷārātivipuludrayalābhena visodhitam nāma hoti, evam dakḍhiṇā vipulaphalatāyāti vuttam “**mahapphalakaraṇatāya visodheti**”ti.

Puññatthikehi añjali karaṇīyā etthāti **añjalikaraṇīyo**.

Yadipi pāḷiyam “anuttaran”ti vuttam. Natthi ito uttaram gisiṭṭhanti hi **anuttaram**. Samampissa pana natthīti dassento “**asadisan**”ti āha. Khittam vuttam bījam mahapphalabhāvakaṇena tāyati rakkhati, khipanti vapanti ettha bījanīti vā khettam, kedārādi, khettam viya khettam, puññānam khettam **puññakkhettam**. Sesam buddhānussatiyam vuttanayānusārena veditabbam.

#### 4. Sīlānussatikathāvaṇṇanā

158. Aho vata sīlāni<sup>1</sup> akhaṇḍāni, aho vata acchiddānīti evam sabbattha yojetabbam. **Aho vatāti** ca sambhāvane nipāto. Tenāha “**akhaṇḍatādiguṇavasena**”ti. Akhaṇḍabhāvādisampattivasenāti attho. Parassa sīlāni anussariyamānāni piyamanāpabhāvāvahanena kevalam mettāya padaṭṭhānam honti, na visum kammatṭhānanti āha “**attano sīlāni anussaritabbāni**”ti. **Cāgādisupi** eseva nayo.

**Yesanti** sīlādīnam. Paṭipāṭiyā samādāne samādānakkamena, ekajjham samādāne uddesakkamena sīlānam ādi-antam veditabbam. **Pariyante chinnaṣāṭako** viyāti vatthante, dasante vā chinnavattham viya, visadisūdāharaṇam cetam. Evam sesānipi udāharaṇāni. Vinivedhavasena chinnaṣāṭako **vinividdhasāṭako**. Visabhāgavaṇṇena gāvī viyāti sambandho. Sabalarahitāni vā **asabalāni**. Tathā **akammāsāni**. Sattavidhamethunasamyogo heṭṭhā sīlakathāyaṃ vutto eva. **Kodhūpanāhādīhīti ādi**-saddena makkhapaḷāsa-issāmacchariyamāyāsāṭheyamānātīmānādayo gahitā. **Tāniyeva** akhaṇḍādiguṇāni sīlāni. Sīlassa

1. Me sīlāni aho vata (Sī, Ka)

**taṇhādāsabyato** mocanaṃ vivaṭṭūpanissayabhāvāpādanaṃ. Tato eva taṃsamaṅgīpuggalo serī sayamvasī bhujisso nāma hoti. Tenāha “**bhujissabhāvakaraṇena bhujissānī**”ti. “Imināhaṃ sīlena devo vā bhaveyyaṃ devaṅṅataro vā, tattha nicco dhuvo sassato”ti, “sīlena suddhī”ti ca evamādinā **taṇhādiṭṭhīhi** aparāmaṭṭhattā **ayaṃ te sīlesu dosoti** catūsu vipattīsu yāya kāyaci vipattiyā dassanena **paramaṭṭhuṃ** anuddhaṃsetuṃ. Samādhisaṃvattanappayojanāni **samādhisaṃvattanikāni**.

159. **Sikkhāya sagāravoti** sīladhanaṃ nissāya paṭiladdhasamādānattā<sup>1</sup> sātīsayam sikkhāya sagāravo sappatisso hoti. **Sabhāgavuttīti** sampannasīlehi sabhāvavuttiko, tāya eva vā sikkhāya sabhāgavutti. Yo hi sikkhāgāravarahito, so tāya visabhāgavutti nāma hoti vilomanato. Yathā parehi saddhiṃ attano chiddaṃ na hoti, evaṃ dhammāmisehi paṭisantharaṇaṃ **paṭisanthāro**. Sikkhāya sagāravattā eva tattha **appamatto** hoti. Attānuvādabhayaṃ parānuvādabhayaṃ daṇḍabhayaṃ duggatibhayanti evamādīni bhayāni imassa dūrasamussarītānīti āha “**attānuvādādbhayavirahito**”ti. Sesam suviññeyyameva.

### 5. Cāgānussatikathāvaṇṇanā

160. **Pakatiyāti** sabhāvena. **Cāgādhimuttenāti** deyyadhammapariccāge yuttappayuttena tanninnena tapponena. Niccaṃ sadā pavattā dānasamvibhāgā yassa so **niccapavattadānasamvibhāgo**, tena. Idhāpi “pakatiyā”ti ānetvā sambandhitabbaṃ. Yaṃ parassa paṭiyattaṃ diyyati, taṃ **dānaṃ**. Yaṃ attanā paribhuñjitabbato samvibhajati, so **samvibhāgo**. **Ito dāni pabhutīti** ito paṭṭhāya dāni ajjatagge ajjadivasam ādiṃ katvā. **Adatvā na bhuñjissāmīti** dānasamādānaṃ katvā. **Taṃdivasanti** tasmim bhāvanārambhadvase. Tattha **nimittaṃ gaṇhitvāti** tasmim dāne pariccāgacetanāya pavatti-ākārassa sallakkhaṇavasena nimittaṃ gahetvā. **Vigatamalamaccheratādiguṇavasena**ti vigatāni malamaccherāni etasmāti vigatamalamacchero, cāgo, tassa bhāvo **vigatamalamaccheratā**. Tadādīnaṃ guṇānaṃ, sampattīnaṃ, ānisaṃsānaṃ vā vasena.

1. Paṭiladdhasamādānattā (Sī)

**Sataṃ dhammaṃ anukkamanti** sādhūnaṃ bodhisattānaṃ dhammaṃ paveṇim̐ anu anu kamanto okkamanto, avokkamanto vā. Ye ime **dāyakassa lābhā** āyuvaṇṇasukhabalapaṭibhānādayo, piyabhāvādayo ca bhagavatā **saṃvaṇṇitā** pakittitā. **Manussattaṃ vāti vā**-saddo avuttavikappattho, tena indriyapāṭavabhāvakammassakatāññāṇādīnaṃ saṅgaho daṭṭhabbo.

**Maccheramalenāti** maccherasaṅkhātena malena. Atha vā maccherañca malañca maccheramalaṃ, tena maccherena ceva lobhādimalena cāti attho. **Pajāyanavasenāti** yathāsakaṃ kammanibbattanavasena. **Kaṇhadhammānanti** lobhādi-ekantakālakānaṃ pāpadhammānaṃ. **Vigatattāti** pahinattā. **Vigatamalamaccherena cetasāti** itthambhūtalakkhaṇe karaṇavacanaṃ. **Sotāpannassa satoti** gehaṃ āvasantassa sotāpannassa samānassa. **Nissayavīhāranti** nissāya viharitabbavīhāraṃ, devasikaṃ vaḷaṅjanakammaṭṭhānanti attho. **Abhibhavitvāti** agāraṃ āvasantānaṃ aññesaṃ uppajjanakarāgādi-upakkilese abhibhuyya.

Yo kiñci dentopi sāpekkhova deti, so muttacāgo na hoti, ayaṃ pana na evanti **“muttacāgo”**ti vuttaṃ. **Vissatṭhacāgoti** nirapekkhapariccāgoti attho. Yathā pāṇātipātabahulo puggalo “lohitapāṇī”ti vuccati, evaṃ dānabahulo puggalo “payatapāṇī”ti vuttoti dassento **“dātuṃ sadā dhotahatthoyevā”**ti āha. Tattha **sadāti** niccaṃ, abhiṅhanti attho. **Pariccāgoti** deyyadhammapariccāgoti adhikārato viññāyati. **Yaṃ yaṃ** deyyadhammaṃ **pare** yācanaḱā. Yācane yogo **yācanayogo**, parehi yācituṃ yuttoti attho. **Yājena yuttoti** dānena yutto sadā pariccajanato. **Ubhayeti** yathāvutte dāne, saṃvibhāge ca **rato** abhirato.

161. Yathā parisuddhasīlassa puggalassa akhaṇḍatādiguṇavasena attano sīlassa anussarantassa sīlānussatibhāvanā ijjhati, evaṃ parisuddha-  
uḷārapariccāgassa puggalassa anupakkiliṭṭhameva attano pariccāgaṃ  
anassarantassa bhāvanā ijjhatīti dassetuṃ  
**“vigatamalamaccheratādiguṇavasena”**ti-ādi vuttaṃ, taṃ vuttatthameva.

**Bhiyyosoti** uparipi. **Mattāya** pamāṇassa mahatīyā mattāya, vipulena pamāṇenāti attho. **Cāgādhimuttoti** pariccāge adhimutto ninnapoṇapabbhāro. Tato eva **alobhajjhāsayo** kattacipi anabhisaṅgacitto. Paṭiggāhakesu mettāyanavasena pariccāgo hotīti **mettāya** mettābhāvanāya **anulomakārī** anurūpapaṭipatti. **Visāradoti** visado attanova guṇena katthacipi amaṅkubhūto abhibhuyya vihārī. Sesam̐ suviññeyyameva.

## 6. Devatānussatikathāvaṇṇanā

162. **Ariyamaggavasenāti** ariyamaggassa adhigamavasena.

**Samudāgatehīti** sammadeva taduppattito uddham̐ āgatehi. Yādisā hi ariyānam̐ santāne lokiyāpi saddhādayo, na tādisā kadācipi pothujjanikā saddhādayo. Dibbantīti **devā**. Cattāro mahārājāno etesanti catumahārājā, te eva **cātumahārājikā**. Tettiṃsa sahapuññakārino tatthūpapannāti taṃsahacaritam̐ thānam̐ tāvatim̐sam̐, tannivāsinopi devā taṃsahacaraṇato eva **tāvatim̐sā**, dukkhato yātā apayātāti **yāmā**. Tusāya pītiyā itā upagatāti **tusitā**. Bhogānam̐ nimmāne rati etesanti **nimmānaratino**. Paranimmitesu bhogesu vasam̐ vattentīti **paranimmitavasavattino**. Brāhmānam̐ kāyo samūho brahmakāyo, tappariyāpannatāya tattha bhavāti **brahmakāyikā**. **Tatuttarīti** tato brahmakāyikehi uttari, upari parittābhādike sandhāya vadati. **Devatā sakkhiṭṭhāne ṭhapetvāti** “yathārūpāya maggenāgatāya **saddhāya samannāgatā, sīlena sutena cāgena paññāya samannāgatā ito cutā tattha upapannā tā devatā**, mayhampi tathārūpā saddhā sīlam̐ sutam̐ cāgo paññā ca sam̐vijjatī”ti devatā sakkhiṭṭhāne ṭhapetvā sakkhim̐ otārentena viya **attano saddhādiguṇā anussaritabbā**.

Yadi evam̐ **sutte**<sup>1</sup> ubhayaguṇānussaraṇam̐ vuttam̐, tam̐ kathanti anuyogam̐ manasi katvā āha “**sutte panā**”ti-ādi. Tattha **kiñcāpi vuttanti** “atthano ca, tāsāṅca devatānan”ti ubhayam̐ samadhuram̐ viya **sutte**<sup>1</sup> kiñcāpi vuttam̐.

1. Am̐ 2. 254 piṭṭhe.

Atha kho **taṃ** “devatānaṃ saddhañca sīlañcā”ti-ādivacanāṃ. **Sakkhiṭṭhāne ṭhapetabbanti** “vuttan”ti parato padāṃ ānetvā sambandhitabbāṃ. Kimatthaṃ pana sakkhiṭṭhāne ṭhapananti āha “**devatānaṃ attano saddhādīhi samānaguṇadīpanatthanti veditabban**”ti. Kasmā pana sutte yathārutavasena atthaṃ aggahetvā evaṃ attho gayhatīti āha “**aṭṭhakathāyañhī**”ti-ādi.

163. **Tasmāti** yasmā aṭṭhakathāyaṃ devatā sakkhiṭṭhāne ṭhapetvā attano guṇānussaraṇaṃ dalhaṃ katvā vuttaṃ, silacāgānussatīsu viya idhāpi attano guṇānussaraṇaṃ jhānuppattinimittaṃ yuttaṃ, tasmā. **Pubbabhāge** bhāvanārambhe. **Aparabhāgeti** yathā bhāventassa upacārajjhānaṃ ijjhāti, tathā bhāvanākāle. Yadi attano eva idha guṇā anussaritabbā, kathamayāṃ devatānussatīti āha “**devatānaṃ guṇasadisasaddhādiguṇānussaraṇavasena**”ti. Tena sadisakappanāya ayaṃ bhāvanā “devatānussatī”ti vuttā, na devatānaṃ, tāsāṃ guṇānaṃ vā anussaraṇenāti dasseti. Pubbabhāge vā pavattaṃ devatāguṇānussaraṇaṃ upādāya “devatānussatī”ti imissā samaññā veditabbā. Tathā hi vakkhati “pubbabhāge devatā ārabba pavattacittavasena”ti. Sesāṃ suviññeyyameva.

### Pakiṇṇakakathāvaṇṇanā

164. **Etāsanti** etāsaṃ buddhānussati-ādīnaṃ channaṃ anussatīnaṃ. **Vitthāradesanāyanti** vitthāravasena pavattadesanāyaṃ, **mahānāmasuttaṃ**<sup>1</sup> sandhāya vadati. **Bhagavāti-ādīnaṃ atthanti** bhagavāti-ādīnaṃ padānaṃ atthaṃ. **Atthavedanti** vā hetuphalaṃ paṭicca uppannaṃ tuṭṭhimāha. **Dhammavedanti** hetuṃ paṭicca uppannaṃ tuṭṭhim. “Ārakattā arahan”ti anussarantassa hi yaṃ taṃ bhagavato kilesehi ārakattaṃ, so hetu. Ñāpako cettha hetu adhippeto, na kārako, sampāpako vā. Yo’nena nāyamāno arahattattho, taṃ phalaṃ. Iminā nayena sesapadesupi hetuphalavibhāgo veditabbo. Dhammānussati-ādīsipi “ādīmajjhāpariyosānakalyāṇattā”ti-ādīnā, “yasmā pana sā sammāpaṭipadā”ti-ādīnā ca tattha tattha hetu-apadeso katoyevāti. **Dhammūpasamhitanti** yathāvuttahetuhetuphalasaṅkhāttaguṇūpasamhitāṃ. **Guṇeti** attano guṇe.

1. Am 2. 251; Am 3. 530 piṭṭhesu.

165. **Ariyasāvakaṇāṇṇeva ijjhantīti** ariyasāvakaṇāṇāṃ ijjhantiyevāti uttarapadāvadhāraṇāṃ daṭṭhabbāṃ, avadhāraṇāṇca tesāṃ sukhasiddhidassanattamā. Tenāha “**tesāṃ hī**”ti-ādi. Na puthujjanāṇāṃ sabbena sabbāṃ ijjhantīti. Tathā hi vakkhati “evam santepī”ti-ādi. Yadi evam kasmā **mahānāmasuttā**dīsu<sup>1</sup> bahūsu suttesu ariyasāvakaggahaṇāṃ katanti? Tesāṃ bahulavihāratāyāti ācariyā.

**Nikkhantanti** niggataṃ nissaṭam. **Muttanti** vissaṭṭham. **Vuṭṭhitanti** apetaṃ. Sabbametaṃ vikkhambhanameva sandhāya vadati. **Gedhamhāti** palibodhato<sup>2</sup>. **Idampīti** buddhānussativasena laddham upacārajjhānamāha. **Ārammaṇam karitvāti** paccayaṃ katvā, pādakaṃ katvāti attho. **Visujjhantīti** paramatthavisuddhiṃ pāpuṇanti.

**Sambādheti** taṇhāsamkilesādinā sampīle samkaṭe gharāvāse. **Okāsādhigamo** lokuttaradhammassa adhigamāya adhigantabba-okāso. Anussatiyo eva **anussatiṭṭhānāni**. **Visuddhidhammāti** visujjhanasabhāvā, visujjhituṃ vā bhabbā. **Paramatthavisuddhidhammatāyāti** paramatthavisuddhiyā nibbānassa bhabbabhāvena. **Upakkamenāti** payogena. **Pariyodapanāti** visodhanā.

166. **Evam santepīti evam mahānāmasuttā**dīsu<sup>1</sup> anekesu suttesu ariyasāvakasseva vasena chasu anussatīsu desitāsupi. **Yassānubhāvenāti** yassa cittappasādassa balena. **Pītiṃ paṭilabhitvāti** anussavavasena<sup>3</sup> buddhārammaṇāṃ pītiṃ uppādetvā.

Cha-anussatiniddesavaṇṇanā niṭṭhitā.

**Iti sattamaparicchedavaṇṇanā.**

---

1. Am 2. 251; Am 3. 530 piṭṭhesu.    2. Paḷipato (Sī)    3. Anussaraṇavasena (Syā)

## 8. Anussatikammaṭṭhānaniddesavaṇṇanā

### Maraṇassatikathāvaṇṇanā

167. **Itoti** devatānussatiyā. Sā hi chasu anussatīsu sabbapacchā niddiṭṭhattā āsannā, paccakkhā ca. **Anantarāyāti** tadanantaram uddiṭṭhattā vuttam. Maraṇassa sati maraṇassatīti maraṇam tāva dassetum “**tattha maraṇam**”ti-ādi vuttam. Kāmañcetha khandhānam bhedo “jarāmarāṇam dvīhi khandhehi saṅgahitan”ti<sup>1</sup> vacanato cuti khandhānam vināso maraṇanti vattabbam, visesato pana tam jīvitindriyassa vināsabhāvena kammaṭṭhānikānam paccupatiṭṭhatīti “**jīvitindriyassa upacchedo**”ti vuttam. Tenevāha **niddese** “kaḷavarassa nikkhepo jīvitindriyassupacchedo”ti<sup>2</sup>. Tattha **ekabhavapariyāpannassāti** ekena bhavena paricchinnassa. **Jīvitindriyassa upacchedoti** jīvitindriyappabandhassa vicchedo āyukkhayādivasena antaradhānam. **Samucchedamarāṇanti** arahato santānassa sabbaso ucchedabhūtam maraṇam. **Saṅkhārānam khaṇabhaṅgasaṅkhātanti** saṅkhatadhammānam udayavayaparicchinnassa pavattikhaṇassa bhaṅgo nirodhoti saṅkham gataṃ. **Khaṇikamarāṇanti** yathāvuttakhaṇavantaṃ tasmīnyeva khaṇe labbhamānam maraṇam. Yam khandhappabandham upādāya rukkhādisamaññā, tasmīn anupacchinnepi allatādivgamanam nissāya tamavohāro **sammutimaraṇam**. **Na tam idha adhippetanti** tam samucchedakhaṇikasammutimaraṇam idha maraṇānussatiyam nādhippetam abāhullato, anupaṭṭhahanato, asmāvegavatthuto cāti adhippāyo.

**Adhippetam** sati yā ārammaṇabhāvena. Āyu-ādīnam khayakāle maraṇam **kālamaraṇam**. Tesam aparikkhīṇakāle maraṇam **akālamaraṇam**. “**Kālamaraṇam puññakkhayenā**”ti idam yathādhikāram sampattibhavavasena vuttam, vipattibhavavasena pana “pāpakkhayenā”ti vattabbam.

**Āyusantājanakapaccayasampattiyāti** āyuppabandhassa pavattāpanakānam āhārādipaccayānam sampattiyam. **Vipakkavipākattāti** attano phalānurūpaṃ dātabbavipākassa dinnattā. **Gatikālāhārādisampattiyā**

1. Abhi 3. 13 piṭṭhe.

2. Abhi 2. 144; Di 2. 244; Ma 1. 61, 82 piṭṭhādīsu.

**abhāvenā**ti devānaṃ viya gatisampattiyā, paṭhamakappiyānaṃ viya kālasampattiyā, uttarakurukādīnaṃ viya āhārasampattiyā ca abhāvena. **Ādi-**saddena utusukkasoṇitādim pariggayhati. **Ajjatanakālapurisānaṃ viyāti viya-**saddo aṭṭhāne paṭṭhapito<sup>1</sup>, ajjatanakālapurisānaṃ vassasatamattaparimāṇassa viya āyuno khayavasenāti yojanā. Evaṃ hi anāgatepi paramāyuno saṅgaho kato hoti, atīte pana gatisampattiyā viya kālāhārādisampattiyā bhāvena anekavassasahassa<sup>2</sup> parimāṇopi āyu ahoṣi. Ayañca vibhāgo vattamānassa antarakappassa vasena vuttoti daṭṭhabbānaṃ. **Kalāburājādīnanti ādi-**saddena nandayakkhanandamāṇavakādīnaṃ saṅgaho daṭṭhabbo. **Taṃ sabbampīti** yaṃ “kālamaraṇaṃ akālamaraṇaṃ, tatthāpi vuññakkhayamaraṇaṃ āyukkhayamaraṇaṃ ubhayakkhayamaraṇaṃ upakkamamaraṇaṃ”ti vuttappabhedam maraṇaṃ, taṃ sabbampi.

168. **Yonisoti** upāyena. **Manasikāro**ti maraṇārammaṇo manasikāro. Yena pana upāyena manasikāro pavattetabbo, taṃ byatirekamukhena dassetuṃ “**ayoniso pavattayato**”ti-ādi vuttaṃ. Tattha **ayoniso pavattayato**ti anupāyena satim, saṃvegānaṃ, ñāṇaṃñca anupaṭṭhapetvā maraṇaṃ anussarato. **Tadetaṃ sabbampīti** sokapāmojjānaṃ uppajjanaṃ, saṃvegassa anuppajjanaṃ, santāsaṃ uppajjanañca yathākkamaṃ **satisaṃvegañānaviharato hoti**. Yo hi “maraṇaṃ nāmetaṃ jātassa ekantikaṃ”ti paṇḍitānaṃ vacanaṃ sarati, tattha saṃvegajāto hoti sampajāno ca, tassa iṭṭhajanamaraṇādininimittaṃ sokādayo anokāsāva. **Tasmāti** yasmā ayoniso manasikāraṃ pavattayato ete dosā, tasmā. **Tattha tatthāti** araṇṇāsasānādīsu. **Hatamatasatteti** corādīhi hate, sarasena mate ca satte. Diṭṭhapubbā sampatti yesaṃ te diṭṭhapubbāsampattī, tesāṃ **diṭṭhapubbāsampattīnaṃ**. **Yojetvāti** upaṭṭhapetvā, **ekaccassāti** tikkhindriyassa ñāṇuttarassa.

169. **Vadhakapaccupaṭṭhānatoti** ghātakassa viya pati pati upaṭṭhānato āsannabhāvato. **Sampattivipattitoti** ārogyādisampattīnaṃ viya jīvitasampattiyā vipajjanato. **Upasaṃharaṇatoti** paresaṃ maraṇaṃ dassetvā

1. Paṭṭhito (Si), ṭhito (Syā), patito (Ka)

2. Vassasatasahassa... (Sī, Ka)



attano maraṇassa upanayanato. **Kāyabahusādhāraṇatoti** sarīrassa bahūnaṃ sādhāraṇabhāvato. **Āyudubbalatoti** jīvitassa dubbalabhāvato. **Animittatoti** maraṇassa vavattḥitanimittābhāvato. **Addhānaparicchedatoti** kālassa paricchannabhāvato. **Khaṇaparittatoti** jīvitakkhaṇassa ittarabhāvato.

**Vadhakapaccupaṭṭhānatoti** ettha viya-saddo luttaniddiṭṭhoti dassento “**vadhakassa viya paccupaṭṭhānato**”ti vatvā tamevatthaṃ vivaranto “**yathā hī**”ti-ādimāha. Tattha **cārayamānoti** āgurento paharaṇākāraṃ karonto. **Paccupaṭṭhitova** upagantvā ṭhito samīpe eva. **Jarāmarāṇaṃ gahetvāva nibbattanti** “yathā hi ahicchattakamakūlaṃ uggacchantāṃ paṃsuvirahitaṃ na hoti, evaṃ sattā nibbattantā jarāmarāṇavirahitā na hontī”ti ettakena upamā. Ahicchattakamakūlaṃ kadāci katthacipaṃsuvirahitampi bhaveyya, sattā pana kathaṅcīpi jarāmarāṇavirahitā na hontīti khaṇikamarāṇaṃ tāva upamābhāvena dassetvā-idhādhīpetāṃ marāṇaṃ dassetuṃ “**tathā hī**”ti-ādi vuttaṃ. Atha vā yadime sattā jarāmarāṇaṃ gahetvāva nibbattanti, nibbattisamanantameva maritabbanti codanaṃ sandhāyāha “**tathā hī**”ti-ādi. **Avassaṃmaraṇatoti** avassaṃ maritabbato, ekantena maraṇasabbhāvato vā. **Pabbateyyāti** pabbatato āgatā. **Hārahārīnīti** pavāhe patitassa tiṇapaṇṇādikassa ativiya haraṇasīlā. **Sandatevāti** savati eva. **Vattatevāti** pavāhavasena vattati eva na tiṭṭhati.

**Yamekarattinti** yassaṃ ekarattiyaṃ, bhummatthe upayogavacanaṃ daṭṭhabbaṃ, accantasāmyoge vā. **Paṭhamanti** sabbapaṭṭhamaṃ paṭisandhikkhaṇe. **Gabbheti** mātukucchiyaṃ. **Māṇavoti** satto. Yebhuyyena sattā rattiyaṃ paṭisandhiṃ gaṇhantīti **rattiggahaṇaṃ**. **Abbhutṭhitovāti** uṭṭhita-abbho viya, abhimukhabhāvena vā uṭṭhitova maraṇassāti adhippāyo. **So yātīti** so māṇavo yāti, paṭhamakkhaṇato paṭṭhāya gacchateva. **Sa gacchaṃ na nivattatīti** so evaṃ gacchanto khaṇamattampi na nivattati, aññadatthu maraṇaṃyeva upagacchati.

**Kunnadīnanti** pabbabhato patitānaṃ khuddakanadīnaṃ. **Pāto āporasānugatabandhanānanti** purimadvase divā sūriyasantāpena anto anupavisitvā puna rattiyaṃ bandhanamūlaṃ upagatena āporasena tintasithilabandhanatāya pāto āporasānugatabandhanānaṃ.

**Accayantī**ti atikkamanti. **Uparujjhatī**ti nirujjhati. Udakameva **odakaṃ**, udakoghaṃ vā. Yasmā accayanti ahorattā, tasmā jīvitaṃ uparujjhati. Yasmā jīvitaṃ uparujjhati, tasmā **āyu khyati maccānaṃ**. **Papatakoti** papatanato **bhayaṃ** sāmikānaṃ rukkhe thatvā kamme viniyuñjitukāmānaṃ, heṭṭhā pavitṭhānaṃ vā. **Uggamanaṃ pati** uggamananimittaṃ. **Mā maṃ amma nivāraya** pabbajjāyāti adhippāyo.

Koci mittamukhasattu randhagavesī saha vattamānopi na haneyya, ayaṃ pana ekaṃsena hanatīyevāti dassetuṃ “**saha jātiyā āgatato**”ti vatvā “**jīvitaharaṇato cā**”ti vuttaṃ.

170. **Nanti** sampattiṃ. **Sukhī**ti dibbasadisēhi bhogēhi, ādhipateyyena ca sukhasamaṅgī. **Dehabandhenā**ti sarīrena. **Asokoti** asokamahārājā. **Sokamāgatoti** socitabbataṃ gato.

**Ārogyaṃ** yobbanānaṃ. Byādhijarāpariyosānatā jīvitassa maraṇapariyosānatāya udāharaṇavasena ānīhā, paccayabhāgavasena vā. Lokoyeva **lokasannivāso** yathā sattāvāsāti, sannivasitabbatāya vā sattanikāyo **lokasannivāso**. **Anu gatoti** anubandho paccatthikena viya. **Anusaṭoti** anupavitṭho upavisena viya. **Abhibhūtoti** ajjhotṭhaṭṭo maddahatthīhi viya. **Abbhāhatoti** pahaṭṭo bhūtehi viya.

**Selā**ti silāmayā, na paṃsu-ādimayā. **Vipulā**ti mahantā anekayojanāyāmavittārā. **Nabhaṃ āhaccā**ti vipulattā eva ākāsaṃ abhivhacca sabbadisāsu pharivā. **Anupariyeyyunti** anuviceyyuṃ. **Nippothenā**ti attanā āghātitaṃ<sup>1</sup> cuṇṇavicuṇṇaṃ karontā. **Adhivattantī**ti adhibhavanti. Kulena vā rūpena vā sīlena vā sutena vā saddhādīhi vā seṭṭhoti sambhāvanāya **khattiyādīsu na kañci parivajjeti**. Tehi eva nihīnoti avamaññamānāya **suddādīsu na kañci parivajjeti**. Aññadatthu **sabbameva abhimaddati** nimmathati. Daṇḍādi-upāyā ca tattha avisayā evāti dassetuṃ “**na tattha hatthīnaṃ bhūmī**”ti-ādi vuttaṃ. Tattha

---

1. Āsāditaṃ (Sī)

**mantayuddhenā**ti āthabbaṇavedavihitena mantasaṅgāmappayogena.  
**Dhanenā**ti dhanadānena. **Vā**-saddo avuttavikappanatto. Tena sāmāṃ,  
 bhedañca saṅgaṇhāti.

171. **Parehi saddhiṃ attano upasaṃharaṇatoti** parehi matehi saddhiṃ  
 “tepi nāma matā, kimaṅgaṃ pana mādisā”ti attano maraṇassa upanayanato.  
**Yasamahattatoti** parivāramahattato, vibhavamahattato ca. **Puññamahattatoti**  
 mahāpuññabhāvato. **Thāmamahattatoti** vīriyabalamahattato. **Yudhiṭṭhilo**  
 dhammaputto. **Cānuro** yo baladevena nibbuddhaṃ katvā mārito.

**Saha iddhīhīti** vejayantakampananandopanandadamanādīsu  
 diṭṭhānubhāvāhi attano iddhīhi saddhiṃ **maccumukhaṃ pavīṭṭho**.

**Kalaṃ nagghanti soḷasinti** soḷasannaṃ pūraṇabhāgaṃ na agghanti.  
 Idaṃ vuttaṃ hoti—āyasmato therassa sārīputtassa paññaṃ soḷasabhāge  
 katvā tato ekaṃ bhāgaṃ soḷasadhā gahetvā laddhaṃ ekabhāgasāṅkhātāṃ  
 kalaṃ sammāsambuddhaṃ ṭhapetvā aññesaṃ sattānaṃ paññaṃ na agghantīti.

Sabbassāpi saṃkilesapakkhassa samugghāto ñāyena āradhavīriyassa  
 hotīti āha “**ñāṇavīriyabalenā**”ti. Sammādiṭṭhisammāvāyāmesu hi siddhesu  
 aṭṭhaṅgiko ariyamaggo siddhova hotīti. Ekākībhāvena **khaggavisāṇakappā**.  
 Paratoghosena vinā sayameva bhūtā paṭividdhākuppāti **sayambhuno**.

Hatthagatasuvaṇṇavalayānaṃ aññaṃaññaṃ saṃghaṭṭanaṃ  
 vaṃsakaḷīrassa katthaci asattatāti evamādikaṃ **taṃ taṃ nimittaṃ** kāraṇaṃ  
**āgama**. **Vimaṃsantāti** pavattinivattiyo upaparikkhantā. Mahantānaṃ  
 sīlakkhandhādīnaṃ esanaṭṭhena **mahesayo**. **Ekacariyanivāsenāti**  
 ekacariyanivāsamattena, na sīlādīnā. Khaggamigasiṅgasamā upamā yesaṃ,  
 khaggamigasiṅgaṃ vā samūpamā yesaṃ te **khaggasiṅgasamūpamā**.

Tambanakhatuṅganakhatādi-asīti-anubyañjanapaṭimaṇḍitehi  
 suppatiṭṭhitapādātādīhi dvattiṃsāya mahāpurisalakkhaṇehi vicitro  
 acchariyabbhuto rūpakāyo etassāti **asīti -pa- rūpakāyo**. Saha vāsanāya  
 sabbesaṃ

kilesānaṃ pahīnattā sabbākāraparisuddhasīlakkhandhādiguṇaratanehi samiddho dhammakāyo etassāti **sabbākāra -pa- dhammakāyo**. **Ṭhānasoti** taṅkhaṇeyeva.

**Evam mahānubhāvassāti** evaṃ yathāvuttarūpakāyasampattiyā, dhammakāyasampattiyā ca viññāyamānavipulāparimeyyabuddhānubhāvassa, **vasaṃ nāgataṃ** anupagamanavasenaṭi adhippāyo.

Maraṇaṃ sāmaññaṃ etassāti maraṇasāmañña, tassa bhāvo **marāṇasāmaññaṭā**, tāya.

172. **Kimikulānanti** kimisamūhānaṃ, kimijātīnaṃ vā. **Jīyantīti** jaraṃ pāpuṇanti.

**Nikkhanteti** vītivatte. **Paṭihitāyāti** paccānugatāya. **So mamassa antarāyoti** sā yathāvuttā na kevalaṃ kālakiriyāva. Atha kho mama atidullabhaṃ khaṇaṃ labhitvā ṭhitassa<sup>1</sup> satthusāsanamanasikārassa antarāyo **assa** bhaveyya. **Byāpajjeyyāti** vipattiṃ gaccheyya. Satthakena viya aṅgapaccaṅgānaṃ kantanakā maraṇakāle sandhibandhanacchedanakavātā **satthakavātā**.

173. **Abalanti** balahīnaṃ. **Dubbalanti** tasseva vevacanaṃ. Abhāvatto hi yaṃ **du-saddo** “dussīlo<sup>2</sup> duppañño”ti-ādīsu<sup>3</sup> viya. **Tadetaṃ** āyu. **Assāsapassāsānaṃ** samavuttitā aparāparaṃ pavesanikkhamova. **Bahi nikkhantānāsikavāte anto apavisante, pavitṭhe vā anikkhamanteti** ekasseva pavesanikkhamo viya vuttaṃ, taṃ nāsikavātabhāvasāmaññaṇaṭi daṭṭhabbaṃ. **Adhimattatāya** accāsanna-adhiṭṭhānādinā. Tadabhāvo hi iriyāpathānaṃ samavuttitā. **Atisītena** abhibhūtassa kāyassa vipajjanaṃ mahimsaraṭṭhādīsu<sup>4</sup> himapātakālena dīpetabbaṃ. Tattha hi sattā sītena bhinnasarīrā jīvitakkhayaṃ pāpuṇanti. **Ati-uṇhena** abhibhūtassa vipajjanaṃ marukantāre uṇhābhittatāya pacchim, tattha ṭhapitaṃ upari sāṭakaṃ, puttañca akkamitvā matāya itthiyā dīpetabbaṃ. **Mahābhūtānaṃ** samavuttitā

1. Jīvitassa (Syā, Ka)

3. Ma 1. 366 piṭṭhe.

2. Am 2. 221; Am 3. 367 piṭṭhesu.

4. Mahisaraṭṭha (Sī, Syā)

pakopābhāvo. **Pathaviḍhātu**-ādīnaṃ pakopena sarīrassa vikārāpatti parato **dhātukammaṭṭhānakathāyaṃ**<sup>1</sup> āgamissati. **Yuttakāletī** bhuñjituṃ yuttakāle khuddābhibhūtakāle.

174. **Avavatthānatoti** kālādivasena vavatthānābhāvato. **Vavatthānanti** cettha paricchedo adhippeto, na asaṅkarato vavatthānaṃ, nicchayo cāti āha “**paricchedābhāvato**”ti. **Na nāyareti** na ñāyanti.

**Ito paranti** ettha **paranti** paraṃ aññaṃ kālanti attho. Tena orakālassāpi saṅgaho siddho hoti. Paramāyuto orakālaṃ eva cettha “paran”ti adhippetam. Tato paraṃ sattānaṃ jīvanassa abhāvato “**vavatthānābhāvato**”ti vattuṃ na sakkāti. **Abbudapesīti**-ādīsu “abbudakāle pesikāle”ti-ādīnā **kāla**-saddo paccekaṃ yojetabbo. **Kāloti** idha pubbaṅhādivelā adhippetā. Tenāha “**pubbaṅhepi hī**”ti-ādī. Idheva dehena patitabbanti dambandho. **Anekuppakāratoti** nagare jātānaṃ gāme, gāme jātānaṃ nagare, vane jātānaṃ janapade, janapade jātānaṃ vaneti-ādīnā anekappakārato. **Ito cutenāti** ito gatito cutena. **Idha** imissaṃ gatiyaṃ. **Yantayuttagoṇo viyāti** yathā yante yuttagoṇo yantaṃ nātivattati, evaṃ **loko** gatipañcakanti ettakena upamā.

175. **Appaṃ vā bhiiyoti** vassasatato upari “dasa vā vassāni, vīsati vā”ti-ādīnā dutiyaṃ vassasataṃ apāpuṇanto appakaṃ vā jīvatīti attho. **Gamanīyoti** gandhabbo upapajjanavasena. **Samparāyoti** paraloko.

**Hīleyyāti** paribhaveyya na sambhāveyya. **Nanti** āyurū. **Suporisoti** sādhipuriso paññavā. **Careyyāti** sucaritaṃ careyya. Tenāha “**ādittasīsovā**”ti.

**Sattahi upamāhīti**—

Seyyathāpi brāhmaṇa tiṅagge ussāvabindu sūriye uggacchante khippaṃyeva paṭivigacchati, na ciraṭṭhitikaṃ hoti. Udake udakapubbuḷaṃ.

---

1. Visuddhi 1. 164 piṭṭhe.

udake daṇḍarāji. Nadī pabbateyyā dūraṅgamā sīghasotā hārahārinī.  
Balavā puriso jivhagge khelapiṇḍam saṃyūhitvā akasireneva vameyya.  
Divasaṃ santatte ayokaṭāhe maṃsapesi pakkhittā khippaṃyeva  
paṭivigacchati, na ciraṭṭhitikā hoti. Gāvī vajjhā āghātanam nīyamānā  
yam yadeva pādam uddharati, santikeva hoti vadhassa, santikeva  
maraṇassa, evamevaṃ kho brāhmaṇa govajjhūpamaṃ jīvitam  
manussānam parittam lahukam bahudukkham bahupāyāsam mantāyam  
boddhabbam, kattabbam kusalam, caritabbam brahmacariyam, natthi  
jātassa amaraṇam”ti<sup>1</sup>—

evamāgatāhi imāhi sattahi upamāhi **alaṅkatam**.

**Rattindivanti** ekaṃ rattindivam. **Bhagavato sāsanti**  
ariyamaggapaṭivedhāvaham satthu ovādam. **Bahum vata me katam assāti**  
bahum vata mayā attahitam pabbajitakiccam katam bhavēyya. **Tadantaranti**  
tam khaṇam tattakam velam. **Ekaṃ piṇḍapātanti** ekaṃ divasaṃ  
yāpanappahonakam piṇḍapātam. **Dandhanti** mandam cirāya. **Avissāsiyo**  
avissāsaniyo.

176. Citte dharanteyeva sattānam jīvitavohāro, cittassa ca ati-ittaro  
khaṇo lahuparivattibhāvato. Yathāha bhagavā “nāham bhikkhave aññam  
ekadhammampi samanupassāmi, yam evam lahuparivattam, yathayidam  
cittam”ti<sup>2</sup>. Tasmā sattānam jīvitam ekacittakkhaṇikattā lahusam ittaranti  
dassento **“paramatthato”**ti-ādimāha. Tattha **“paramatthato”**ti iminā yāyam  
“yo ciram jīvati, so vassasatan”ti-ādinā<sup>3</sup> sattānam jīvitappavatti vuttā, sā  
pabandhavisayattā vohāravasenāti tam paṭikkhipati. **“Atiparitto”**ti iminā—

“Seyyathāpi bhikkhave cattāro daḷadhammā dhanuggahā susikkhitā  
katahatthā katūpāsanaṃ catuddisā ṭhitā assu, atha puriso āgaccheyya  
‘aham imesam -pa- katūpāsanaṃ catuddisā kaṇḍe khitte appaṭiṭṭhite  
pathaviyam gahetvā āharissāmī’ti.

1. Am 2. 502 piṭṭhe.

2. Am 1. 9; Abhi 4. 157 piṭṭhesu.

3. Dī 2. 3; Sam 1. 109; Am 2. 503 piṭṭhādīsu.

Yathā ca bhikkhave tassa purisassa javo, yathā ca candimasūriyānaṃ javo, tato sīghataro. Yathā ca bhikkhave tassa purisassa javo, yathā ca candimasūriyānaṃ javo, yathā ca yā devatā candimasūriyānaṃ purato dhāvanti, tāsāṃ devatānaṃ javo, tato sīghataraṃ āyusaṅkhārā khīyanti”ti<sup>1</sup>—

evaṃ vuttaṃ parittampi paṭikkhipati. Tatra hi gamanassādānaṃ devaputtānaṃ heṭṭhupariyena paṭimukhaṃ dhāvantaṇaṃ sirasi, pāde ca baddhakhuradhārāsannipātatoṇi parittako rūpajīvitindriyassa so khaṇo vutto, cittassa pana ativiya parittataro, yassa upamāpi natthi. Tenevāha “yāvañcidaṃ bhikkhave upamāpi na sukarā, yāva lahuparivattaṃ cittaṃ”ti<sup>2</sup>. **Jīvitakkhaṇoti** jīvanakkhaṇo. **Ekacittappavattimattoyeva** ekassa cittassa pavattimatteneva sattānaṃ paramatthato jīvanakkhaṇassa paricchinnatā. Idāni tamatthaṃ upamāya pakāseto “**yathā nāmā**”ti-ādimāha. Tattha **pavattamānanti** pavattantaṃ. **Ekacittakkhaṇikanti** ekacittakkhaṇamattavantaṃ. **Tasmi citte niruddhamatteti** yena vattamānacittakkhaṇena “jīvatī”ti vuccati, tasmim citte nirodhaṃ bhaṅgaṃ pattamatte taṃsamaṅgi **satto niruddho** matoti **vuccati**. Vuttamevatthaṃ pāliya vibhāvetuṃ “**yathāhā**”ti-ādi vuttaṃ. Tena tīsupi kālesu sattānaṃ paramatthato jīvanaṃ nāma cittakkhaṇavasenevāti dasseti.

**Jīvanti** jīvitindriyaṃ. **Sukhadukkhaṃ**ti sukhadukkhavedanā. Upekkhāpi hi sukhadukkhāsu eva antogadhā iṭṭhāniṭṭhabhāvato. **Attabhāvoti** jīvitavedanāviññāṇāni ṭhapetvā avasiṭṭhadhammā vuttā. **Kevalāti** attanā, niccabhāvena vā avomissā. **Ekacittasamāyuttāti** ekekena cittaṇa sahitā. **Lahuso vattati khaṇoti** vuttanayena ekacittakkaṇikatāya lahuko ati-ittaro jīvitādīnaṃ khaṇo vattati.

**Ye niruddhā marantassāti** cavantassa sattassa cutito uddhaṃ “niruddhā”ti vattabbāye khandhā. **Tiṭṭhamānassa vā idhāti** ye vā idha pavattiyāṃ tiṭṭhantassa dharantassa bhaṅgappattiyā ciruddhā khandhā. **Sabbepisadisāte** sabbepi ekasadisā. Kathaṃ? **Gatā appaṭisandhikā** puna āgantvā paṭisandhānābhāvena vigatā.

1. Saṃ 1. 456 piṭṭhe.

2. Am 1. 9 piṭṭhe.

Yathā hi cutikhandhā na nivattanti, evaṃ tato pubbepi khandhā, tasmā ekacittakkhaṇikam sattānaṃ jīvitanti adhippāyo.

**Anibbattena na jātoti** anuppannena cittena jāto na hoti ajāto nāma hoti. **Paccuppannena** vattamānena cittena **jīvati** jīvamāno nāma hoti. **Cittabhaṅgā mato lokoti** cuticittassa viya sabbassapi tassa tassa cittassa bhaṅgappattiyā ayaṃ loko paramatthato mato nāma hoti niruddhassa appaṭisandhikattā. Evaṃ santepi **paññatti paramatthiyā** yā taṃ taṃ dharantaṃ cittaṃ upādāya “tisso jīvati, phusso jīvati”ti vacanappavattiyā visayabhūtā santānapaññatti, sā ettha **paramatthiyā** paramatthabhūtā. Tathā hi vadanti “nāmagotta na jīratī”ti<sup>1</sup>.

177. **Aññataraññatarena** ākārena. **Cittanti** kammaṭṭhānārammaṇaṃ cittaṃ. **Āsevanam labhatī** bhāvanāsevanam labhati, bahiddhā vikkhepaṃ pahāya ekattavasena maraṇārammaṇameva hotīti. Tenāha “**marañārammaṇā satisantiṭṭhatī**”ti. Sabhāvadhammānaṃ bhedo ( )<sup>2</sup> sabhāvadhammagatiko evāti āha “**sabhāvadhammattā pana ārammaṇassā**”ti. Tenāha bhagavā “jarāmaraṇaṃ bhikkhave aniccaṃ saṅkhataṃ paṭiccasamuppannaṃ”ti-ādi<sup>3</sup>. **Samvejanīyattā**ti samvegajananato mahābhūtesu mahāvīkārātā viya gayhamānā maraṇaṃ anussariyamānaṃ uparūpari ubbegaṃ eva āvahaṭīti tattha na bhāvanācittaṃ appetuṃ sakkoti. Yadi sabhāvadhammattā appanaṃ na pāpuṇāti, lokuttarajjhānaṃ, ekaccāni arūpajjhānāni ca kathanti āha “**lokuttarajjhānaṃ panā**”ti-ādi. **Visuddhibhāvanānukkamavasenā**ti heṭṭhimavisuddhiyā ānubhāvena adhigatātisayāya paṭipadāññāṇadassanavisuddhibhāvanāya, sabbasaṅkhārehi nibbindanavirajanādivisaṃyogādhimutti-appanāya ca paṭipakkhabhūtānaṃ pāpadhammānaṃ vigamoti evambhūtassa visuddhibhāvanānukkamassa vasena lokuttarajjhānaṃ appanāpattameva hoti. **Ārammaṇasamatikkamanamattaṃ tattha hotīti** aññesaṃ sabhāvadhammārammaṇakammaṭṭhānānaṃ viya cittassa samādhāne byāpāro natthi. Yathāsamāhitena pana cittena ārammaṇasamatikkamanamattameva bhāvanāya kātabbāṃ, tasmā sabhāvadhammepi āruppajjhānaṃ appetīti.

1. Sam 1. 40 piṭṭhe.

2. Sabhāvadhammānaṃ khayō sabhāvadhammānaṃ vayo (Sī)

3. Sam 1. 264 piṭṭhe.



**Sataṃ appamatto hoti** saṃvegabahulattā, tato evassa sabbabhavesu anabhiratisaññāpaṭilābho. **Jvitanikantiṃ jahāti** maraṇassa avassambhāvitādassanato. **Pāpagarahī hoti** aniccasaññāpaṭilābhato, tato eva asannidhibahulatā, vigatamalamaccheratā ca. **Tadanusārenāti** aniccasaññāparicayānusārena. **Abhāvitamaraṇāti** abhāvitamaraṇānussaraṇā. **Abhayo asammūlho kālaṃ karoti** pageva maraṇasaññāya sūpaṭṭhitattā.

### Kāyagatāsaticathāvaṇṇanā

178. Buddhā uppajjanti etthāti **buddhuppādo**, buddhānaṃ uppajjanakālo, tasmā. **Aññatra** taṃ ṭhapetvā, aññasmiṃ kāleti attho. Na pavattapubbanti **apavattapubbaṃ**. Tato eva **sabbatitthiyānaṃ avisayabhūtaṃ**. Nanu ca **sunettasatthārādayo**<sup>1</sup>, aññe ca tāpasaribbājakā sarīraṃ “asubhan”ti jānimsu. Tathā hi **sumedhatāpasena** sarīraṃ jigucchantena vuttaṃ—

“Yannūnimaṃ pūtikāyaṃ, nānākuṇapapūritaṃ.

Chaddayitvāna gaccheyyaṃ, anapekkhā anattiko”ti—

ādi. Kāmaṃ bodhisattā, aññe ca tāpasādayo sarīraṃ “asubhan”ti jānanti, kammaṭṭhānabhāvena pana na jānanti. Tena vuttaṃ “**aññatra buddhuppādā**”ti-ādi. **Saṃvegāya saṃvattati** yāthāvato kāyasabhāvappavedanato. **Atthāyāti** diṭṭhadhammikādi-atthāya. **Yogakkhemāyāti** catūhi yogehi khemabhāvāya. **Satisampajaññāyāti** sabbattha sati-avippavāsāya ca sattaṭṭhānisayasampajaññāya ca. **Ñānadassanapaṭilābhāyāti** vipassanāññādhigamāya. **Vijjāvimutti phalacchikiriyāyāti** tisso vijjā, cittassa adhimutti nibbānaṃ, cattāri sāmāññaphalānīti etesaṃ paccakkhakarāyāya. Amatassa nibbānassa adhigamahetutāya, amatasadisātappakasukhasahitatāya ca kāyagatāsati “**amataṃ**”ti vuttā. **Paribhuñjanti**ti jhānasamāpajjanena vaḷaṅganti. **Parihīnanti** jinaṃ. **Viraddhanti** anadhigamena virajjhitaṃ. **Āraddhanti** sādhitāṃ nipphāditaṃ. Anekehi ākārehi tesu tesu suttantesu pasamsitvā yaṃ taṃ kāyagatāsaticammaṭṭhānaṃ niddiṭṭhanti

1. Am 2. 327, 476, 500 piṭṭhesu.

2. Khu 4. 307 piṭṭhe Buddhavaṃse.

sambandho. Kattha pana niddiṭṭhanti? **Kāyagatāsatisutte**<sup>1</sup>. Tattha hi “kathaṃ bhāvitā ca bhikkhave”ti-ādinā ayaṃ desanā āgatā. Tatrāyaṃ saṅkhepattho— bhikkhave kena pakārena kāyagatāsati bhāvanā bhāvitā, kena ca pakārena punappunam katā ānāpānājjhānādīnaṃ nipphattiyā mahapphalā, tesam tesam vijjābhāgiyānaṃ, abhiññāsacchikaraṇīyānaṃca dhammaṃ, aratiratisahanatādīnaṃca saṃsiddhiyā mahānisamsā ca hotīti?

**Ānāpānapabbanti** ānāpānakammaṭṭhānāvadhī<sup>2</sup>. Esa nayo sesesupi.

Dhātumanasikāra kammaṭṭhānena yadipi upacārasamādhī ijjhati, sammasanavāro pana tattha sātisayoti dhātumanasikārapabbampi “**vipassanāvasena vuttan**”ti vuttam. “Ayampi kho kāyo evaṃdhammo evaṃbhāvī evaṃanatīto”ti<sup>3</sup> tattha tattha asubhāniccatādīhi saddhim kāye ādinavassa vibhāvanavasena desanāya āgatattā “**navasivathika -pa-vuttānī**”ti vuttam. **Ettha uddhumātakādīsūti** etesu sivathikapabbesu āgata-uddhumātakādīsu. **Ānāpānassativasenāti** ānāpānassati bhāvanāvasena. Yo upari “karīsaṃ matthaluṅgaṃ”ti matthaluṅgakoṭṭhāso gayhati, taṃ idha **pāliyaṃ**<sup>4</sup> aṭṭhimiṅjeneva saṅgaṇhitvā desanā āgatāti dassento “**matthaluṅgaṃ aṭṭhimiṅjena saṅgahetvā**”ti āha. **Idhāti** imasmim anussatiniddese. Kāyaṃ gatā, kāye vā gatā sati **kāyagatāsātīti** sātīsīna idam dvattimsākāra kammaṭṭhānaṃ adhippetanti yojanā.

179. **Catumahābhūtikanti** catumahābhūtasannissayaṃ. **Pūtīkāyanti** pūtībhūtaṃ paramaduggandhakāyaṃ. Ṭhānagamanāvattamaṃ sarīraṃ sandhāya, tassa vā avayavesu sabbaheṭṭhimaṃ pādatalanti vuttam “**uddham pādatalā**”ti. **Tiriyaṃ tacaparicchinanti** ettha nanu kesalomanakhānaṃ, tacassa ca atacaparicchinatā atthīti? Kiñcāpi atthi, tacaparicchinabahulatāya pana kāyassa tacaparicchinatā hotīti evam vuttam. Taco pariyaṃto assāti tacapariyaṃtoti etena pana vacanena kāyekadesabhūto taco gahito eva, tappaṭibaddhā ca kesādayo tadanupaviṭṭhamulā tacapariyaṃtāva

1. Ma 3. 131 piṭṭhe.

3. Dī 2. 235; Ma 1. 73 piṭṭhesu.

2. Kammaṭṭhānevadhī (Sī, Syā)

4. Ma 3. 133 piṭṭhe.

hontīti dvattiṃsākārasamūho sabbopi kāyo tacapariyanto vuttoti veditabbo.

**Atthīti** vacanavipallāsena vuttaṃ, nipātapadaṃ vā etaṃ. Tasmā tīsupi saṅkhāyu tadevassa rūpaṃ. Tenāha “**saṃvijjantī**”ti. Akkharacintakehi sarīre kāya-saddaṃ vaṇṇantehipi asucisamudāyabhāveneva icchitabboti dassento “asucisañcayato”ti vatvā puna naṃ niruttinayena dassetuṃ “**kucchitānan**”ti-ādi vuttaṃ. Tattha **āyabhūtatoti** uppattiṭṭhānabhūtatā. “**Pūraṃ nānappakārassā**”ti vuttaṃ. “Ke pana te pakārā? Yehi nānappakāraṃ asuci vuttan”ti te kesādi ke dassetuṃ pāḷiyāṃ “kesā lomā”ti-ādi vuttanti imamatthaṃ dīpento āha “**ete kesādayo dvatti sākārā**”ti. Ākāra pakārāti hi eko atthoti. **Evam sambandhoti** “atthi imasmiṃ kāye nakhā”ti-ādinā sabbakoṭṭhāsesu “atthi imasmiṃ kāye”ti padattayena sambandho veditabbo.

**Paritoti** tiriyaṃ, samantato vā pādatalakesamūlesu ca tacassa labbhanato. **Sucibhāvanti** sucino sabbhāvaṃ, sucimeva vā.

180. Yena vidhinā uggāhe kusalo hoti, so sattavidho vidhi “**uggahakosallan**”ti vuccati, tannibbattaṃ vā ñāṇaṃ. **Manasikāra**kosallepi eseva nayo.

**Sajjhāyantāvāti** sajjhāyaṃ karontā eva. Tesāṃ kira cattāro māse sajjhāyantānaṃ sajjhāyamaggeneva koṭṭhāse upadhārentānaṃ paṭipāṭiyā dvattiṃsākārā vibhūtatārā hutvā khāyimsu, paṭikkūlasaññā saṅṭhāsi, te tasmim nimitte jhānaṃ appetvājhānapādakaṃ vipassanaṃ vaḍḍhetvā dassanamaggaṃ paṭivijjhimsu. Tena vuttaṃ “**sajjhāyantāva sotāpannā ahesun**”ti.

**Paricchinditvāti** tacapañcakādivaseneva paricchedaṃ katvā. Pathavīdhātubahulabhāvato mattaluṅgassa karīsāvasāne tanti-āropanamāha. Ettha ca **maṃsaṃ, nhāru, aṭṭhi, aṭṭhimiñjaṃ, vakkāṃ, vakkāṃ, aṭṭhimiñjaṃ, aṭṭhi, nhāru, maṃsaṃ, taco, dantā, na khā, lomā, kesāti** evaṃ vakkapañcakādīsū anulomasajjhāyaṃ vatvā paṭilomasajjhāyo purimehi sambandho vutto. Svāyaṃ

**sammohavinodanīyaṃ** visuṃ tipañcāhaṃ, purimehi ekato tipañcāhanti chapañcāhaṃ sajjhāyo vutto, tattha ādi-antadassanavasena vuttoti daṭṭhabbo. Anulomapaṭilomasajjhāyepi hi paṭilomasajjhāyo antimo hoti, sajjhāyappakārantaraṃ vā etampīti veditabbaṃ.

**Hatthasaṅkhalikā**ti aṅgulipantimāha.

**Manasā sajjhāyoti** cittena cintanamāha, yaṃ mānasaṃ “jappanaṃ”ti vuccati, sammadeva ajjhāyoti vā sajjhāyo, cintananti attho. Cirataraṃ suṭṭhu vapattanena<sup>2</sup> paṇḍabhūtā kammaṭṭhānatanti samāvajjitvā manasikarontassa ādito paṭṭhāya yāva pariyoṣānā katthaci asajjamānā niraṇṭarameva upaṭṭhāti, tadanusārena tadatthopi vibhūtataro hutvā khāyatīti āha “**vacasā sajjhāyo hi -pa- paṭivedhassa paccayo hotī**”ti. **Lakkhaṇapaṭivedhassā**ti asubhalakkhaṇapaṭivedhassa.

Paṭikkūlasabhāvasallakkhaṇassa kassaci vaṇṇaggahaṇamukhena koṭṭhāsā vavattānaṃ gacchanti, kassaci saṅghānaggahaṇamukhena, kassaci disāvibhāggahaṇamukhena, kassaci paṭiṭṭhitokāsaggahaṇamukhena, kassaci sabbaso paricchiṇṇaggahaṇamukhenāti vaṇṇādito sallakkhaṇaṃ uggahakosallāvahaṃ vuttanti taṃ dassento “**kesādīnaṃ vaṇṇo vavattāpetabbo**”ti-ādimāha.

Attano bhāgo sabhāgo, sabhāgena paricchedo **sabhāgaparicchedo**, heṭṭhuparitiriyapariyantehi, sakoṭṭhāsikakesantarādīhi ca paricchedoti attho. **Amissakatāvasenā**ti koṭṭhāsantarehi avomissakatāvasena. Asabhāgo hi idha “**visabhāgo**”ti adhippeto, na viruddhasabhāgo. Svāyamattho kesādisaddato eva labbhati. Saddantarattāpohavasena saddo atthaṃ vadatīti “kesā”ti vutte “akesā na hontī”ti ayamattho viññāyati. Ke pana te akesā? Lomādayo, na ca ghaṭādīsu pasaṅgopakaraṇeneva tesāṃ nivattitattā.

**Paṭikkūlavaseneva kathitaṃ** dhātuvibhāgassa sāmāññatopi agahitattā. Tattheva visuṃ dhātukammaṭṭhānassa kathitattā ca dhātuvibhaṅgo

1. Abhi-Ṭṭha 2. 237 piṭṭhe.

2. Paṭhanena (Sī)

**Pakkusātisuttam**<sup>1</sup> vibhaṅgappakaraṇe **dhātu vibhaṅgapāli**<sup>2</sup> ca. Yassa vaṇṇato upaṭṭhāti kesādi, **taṃ** puggalaṃ **sandhāya jhānāni** kesādīsu vaṇṇakasiṇārammaṇāni **vibhattāni**. Ña tvā ācikkhitabbanti yadattham vuttam, taṃ dassetuṃ “**tattha dhātuvasenā**”ti-ādi vuttam. **Idhāti** imasmim paṭikkūlamanasikārapabbe. **Kāyagatāsatisutte**<sup>3</sup> hi paṭikkūlamanasikārapabbaṃ gahetvā idha sāyagatāsatibhāvanā niddisīyati.

181. **Na ekantarikāyāti** ekantarikāyapi na manasi kātappaṃ, pageva dvantarikādīnāti adhippāyo. Na bhāvanam sampādeti, lakkhaṇapaṭivedham na pāpuṇāti ekantarikāya manasi karontoti sambandho.

**Okkamanavissajjananti** paṭipajjitabbavissajjetabbe magge. **Pucchitvāva gantappaṃ hoti** gahetabbavissajjetabbaṭṭhānassa asallakkhaṇato. **Kammaṭṭhānam pariyoṣānam pāpuṇātīti** ādito paṭṭhāya yāva pariyoṣānā manasikāramattam hotīti adhippāyo. **Avibhūtam pana hoti** paṭikkūlākārassa suṭṭhu asallakkhaṇato. Tato eva **na visesam āvahati**.

**Kammaṭṭhānam pariyoṣānam na gacchatīti** paṭipāṭiyā sabbakoṭṭhāse manasi karotoyeva vibhūtā hutvā upaṭṭhahanti. Te sātisayam pāṭikkūlato manasi karontassa kammaṭṭhānam pariyoṣānam gaccheyya, imassa pana ativiya dandham manasi karoti vibhūtato upaṭṭhānameva natthi, kuto paṭikkūlatāya saṅṭhānam. Tenāha “**visesādhigamassa paccayo na hotī**”ti.

**Bahiddhā puthuttārammaṇeti** “asuci paṭikkūlan”ti kesādīsu pavattetappaṃ asubhānupassanam hitvā subhādivasena gayhamānā kesādayopi idha “bahiddhā puthuttārammaṇamevā”ti veditabbā. Rūpādayo hi nīlādivasena puthusabhāvatāya puthuttārammaṇam nāma, nānārammaṇanti attho. Asamādhānam **cetaso** virūpo khepoti **vikkhepo**. So satim supaṭṭhitam katvā sakkaccaṃ kammaṭṭhānam manasi karontena **paṭibāhitabbo**. **Parihāyatīti** hāyati. **Paridhamasatīti** vinassati.

1. Ma 3. 281 piṭṭhe.

2. Abhi 2. 84 piṭṭhe.

3. Ma 3. 131 piṭṭhe.

**Yā ayaṃ kesā lomāti-ādikā** lokasaṅketānugatā. **Paṇṇattīti** aṭṭha dhamme upādāya paṇṇatti. **Taṃ** kesādipaṇṇattim. **Atikkamitvā**ti paṭikkūlabhāvanāya atikkamitvā ugghāṭetvā. Tassā ugghāṭitattā tasmim tasmim koṭṭhāse paṭikkūlato upaṭṭhahante “**paṭikkūlan**”ti **cittaṃ ṭhapetabbaṃ**. Idāni tamattham upamāya vibhāvento “**yathā hī**”ti-ādimāha. Tatridam upamāsaṃsandanaṃ—manussā viya yogāvacarō. Udapānaṃ viya koṭṭhāsā. Tālapaṇṇādisaññānaṃ viya kesādipaññatti. Tena manussānaṃ udapāne nhānapivanādi viya yogāvacarassa pubbhāge kesā lomāti paṇṇattivasena manasikāro. Abhiṇhasañcārena manussānaṃ saññānaṃ vinā udapāne kiccakaraṇaṃ viya yogāvacarassa manasikārabalena paṇṇattim atikkamitvā paṭikkūlabhāveveva cittaṃ ṭhapetvā bhāvanānuyogo. **Pubbabhāge -pa-pākaṭo hotīti** “kesā lomā”ti-ādinā<sup>1</sup> bhāvanamanuyuñjantassa kesādipaññattiyā saddhimyeva koṭṭhāsānaṃ paṭikkūlabhāvo pubbhāge pākaṭo hoti. **Athāti** pacchā bhāvanāya vīhipaṭipannakāle. **Paṭikkūlabhāveveva cittaṃ ṭhapetabbanti** koṭṭhāsānaṃ paṭikkūlakāreyeva bhāvanācittaṃ pavattetabbaṃ.

Anupubbena muñcanaṃ **anupubbamuñcanaṃ**, anupaṭṭhahantassa anupaṭṭhahantassa muñcananti attho. Kathaṃ pana anupaṭṭhānaṃ hotīti āha “**ādikkammikassā**”ti-ādi. **Pariyosānakoṭṭhāsameva āhacca tiṭṭhatīti** idaṃ kammaṭṭhānaṃ tanti-anusārena ādito kammaṭṭhānamanasi-kāro pavattatīti katvā vuttaṃ. Tathā hissa manasā sajjhāyo viya manasi-kāro te te koṭṭhāse āmaṭṭhamatte katvā gacchati, na lakkhaṇasallakkhaṇavasena. Yādā pana ne lakkhaṇasallakkhaṇavasena suṭṭhu upadhārento manasi karoti, tadā keci upaṭṭhahanti, kecina upaṭṭhahanti. Tattha paṭipajjanavidhim dassento “**athassā**”ti-ādimāha. Tattha **kammanti** manasi-kārakammaṃ **tāva kātabbaṃ**. Kīva ciranti? **Yāva dvīsu upaṭṭhitesu**, tasampi dvinnaṃ **eko suṭṭhutarāṃ upaṭṭhahati** tāva.

**Ukkuṭṭhukkuṭṭhiṭṭhāneyeva uṭṭhahitvā**ti pubbe viya ekatthakatāya ukkuṭṭhiyā kamena sabbatālesu patitvā uṭṭhahitvā uṭṭhahitvā

---

1. Ma 3. 133 piṭṭhe.

pariyantatālaṃ, āditālaṃca āgantvā<sup>1</sup> tato tato tattha tattheva katāya ukkuṭṭhiyā uṭṭhahitvāti attho.

**Dve bhikkhāti** dvīsu gehesu laddhabhikkhā<sup>2</sup>.

**Appanātoti** appanākārato dvattimsākāre appanā honti. Kim paccekam koṭṭhāsesu hoti udāhu aññathāti vicāraṇāyaṃ āha “**appanākoṭṭhāsato**”ti, koṭṭhāsato koṭṭhāsatotī attho. Tenāha “**kesādīsū**”ti-ādi.

**Adhicittanti** samathavipassanācittam.

**Anuyuttenāti** yuttappayuttena, bhāventenāti attho. **Kālenakālanti** kāle kāle. **Samādhinimittam** upalakkhitasamādhānākāro samādhi eva. **Manasi kātabbanti** citte kātabbam, uppādetabbanti attho. Samādhikāraṇam vā ārammaṇa **samādhinimittam**, tam āvajjitabbanti attho. **Paggahanimittupekkhānimittesupi** eseva nayo. **Ṭhānam** atthīti vacanaseso. **Tam** bhāvanācittam **kosajjāya samvatteyya**, etassa samvattanassa ṭhānam kāraṇam atthīti attho. **Tam** vā manasikaraṇacittam **kosajjāya samvatteyya**, etassa ṭhānam kāraṇam atthīti attho. **Mudunti** subhāvitabhāvena mudubhūtam, vasībhāvappattanti attho. Muduttā eva **kammaññaṃ** kammakkhamam kammayoggam. **Pabhassaranti** upakkilesavigamena parisuddham, pariyoḍātanti attho. **Na ca pabhaṅgūti** kammaniya bhāvūpagamanena na ca pabhijjanasabhāvam suddhantam viya suvaṇṇam viniyogakkhamam. Tenāha “**sammā samādhiyati āsavānam khayāyā**”ti.

**Ukkaṃ bandhatīti** mūsam sampādeti. **Ālimpetīti** ādīpeti jāleti. **Taṅcāti** tam piḷandhanavikatisaṅkhātam attham payojanam **assa** suvaṇṇakārassa **anubhoti** pahoti sādheti. **Assa** vā suvaṇṇassa attham suvaṇṇakāro **anubhoti** pāpuṇāti.

Abhiññāya iddhividhādiññāṇena sacchikaraṇīyassa iddhividhapaccanubhavanādikassa **abhiññā sacchikaraṇīyassa**. Yassa paccakkham atthi, so sakkhi. Sakkhino bhabbatā **sakkhibhabbatā**, sakkhibhavananti vuttam hoti. Sakkhi ca

1. Agantvā (Ka)

2. Laddhabbhabhikkhā (Ka)

so bhabbo cāti vā sakkhibhabbo. Ayañhi iddhividhādīnaṃ bhabbo, tattha ca sakkhīti sakkhibhabbo, tassa bhāvo **sakkhibhabbatā**, taṃ **pāpuṇāti**. **Sati sati āyataneti** tasmim̐ tasmim̐ pubbahetu-ādike kāraṇe sati.

**Sītibhāvanti** nibbānaṃ, kilesadarathavūpasamaṃ vā. **Niggaṇhātīti** uddhaṭaṃ cittaṃ uddhaccapātato rakkhaṇavasena niggaṇhāti. **Paggaṇhātīti** līnaṃ cittaṃ kosajjapātato rakkhaṇavasena paggaṇhāti. **Sampahaṃsetīti** samappavattaṃ cittaṃ tathāpavattiyāṃ paññāya toseti, uttejeti vā. Yadā vā nirassādaṃ cittaṃ bhāvanāya na pakkhandati, tadā jāti-ādīni **samvegavatthūni**<sup>1</sup> paccavekkhitvā sampahaṃseti samuttejeti. **Ajjhupekkhatīti** yadā pana cittaṃ alīna anuddhataṃ sammadeva bhāvanāvīthim̐ otiṇṇaṃ hoti, tadā pagghaniggahasampahaṃsanesu kañci byāpāraṃ akatvā samappavattesu yugesu<sup>2</sup> sārathi viya ajjhupekkhati upekkhakova hoti. **Paṇītādhimuttikoti** paṇīte uttame maggaphale adhimutto ninnapoṇapabbhāro.

**Suggahitaṃ katvāti** yathāvuttaṃ uggahakosallasāṅkhātāṃ vidhiṃ suṭṭhu uggahitaṃ pariyāpuṇanādīnā supariggahitaṃ katvā. **Suṭṭhu vavattthapetvāti** manasikāraṃkosallasāṅkhātāṃ vidhiṃ sammadeva sallakkhaṇavasena upadhāretvā. **Visesanti** pubbenāparaṃ bhāvanāya visesaṃ. **Punappunaṃ parivattetvāti** kammaṭṭhānatantiṃ paguṇabhāvaṃ pāpento bhiyyo bhiyyo vācāya, manasā ca parivattetvā. **Gaṇṭhiṭṭhānanti** yathā rukkhasa dubbinihbhedo araṇṇassa vā gahanabhūto padeso “gaṇṭhiṭṭhānaṃ”ti vuccati, evaṃ kammaṭṭhānatantiyā atthato dubbinihbhedo gahanabhūto ca padeso “gaṇṭhiṭṭhānaṃ”ti vuccati. Taṃ paripucchanādiladdhena ñāṇapharasunā **chinditvā**.

**Nimittanti** kammaṭṭhānanimittaṃ, asubhākāro. Edisena payojanena. Luñcanampi anavajjanti dassetuṃ “luñcivā”ti vuttaṃ. **Chinnaṭṭhāneti** muṇḍitaṭṭhāne<sup>3</sup>. **Vaṭṭatiyeva** nissaraṇajjhāsayaena olokanato. **Ussadavasena**ti aphalitānaṃ, phalitānaṃ vā bahulatāvasena. **Disvāva nimittaṃ gahettabbaṃ** dassanayogyatāya tacapañcakassa itaresu sutvā ca ñatvā ca nimittaṃ gahettabbaṃ.

1. Am-Ṭṭha 1. 401; Itivuttaka-Ṭṭha 109 piṭṭhesu.

2. Yoggesu (Sī), yuttasu (Syā)

3. Chinnaṭṭhāneti luñcitaṭṭhāne (Sī)



**Koṭṭhāsavavattthāpanakathāvaṇṇanā**

182. **Addāriṭṭhakavaṇṇā**ti abhinavāriṭṭhaphalavaṇṇā. **Kaṇṇacūlikā**ti uparikaṇṇasakkhalikāya parabhāgaṃ sandhāya vuttaṃ. **Tiriyaṃ aññamaññaena paricchinnā**, katham? **Dve kesā ekato natthī**.

**Āsayoti** nissayo, paccayoti attho.

184. **Asambhinnakālakā** aññaena vaṇṇena asammissakālakā.

185. Pattasadisattā nakhā eva **nakhapattāni**. Nakhā **tiriyaṃ aññamaññaena paricchinnā**ti visuṃ vavattthitataṃ sandhāya vuttaṃ. Tameva hi attham dassetuṃ “**dve nakhā ekato natthī**”ti āha.

186. **Dantapāliya**ti dantāvaliyā. **Yānaka-upatthambhinī**ti sakaṭassa dhuraṭṭhāne upatthambhakadaṇḍo. Dantānaṃ ādhārabhūtā aṭṭhi **hanukaṭṭhi**.

187. **Saṅkaddhiyamānā**ti sampiṇḍiyamānā. **Kosakārakakoso** upallīṇdupoṭṭalakam<sup>1</sup>, yaṃ “koseyyaphalan”tipi vuccati. **Puṭabandha-upāhano** sakalapiṭṭhipādacchādāna-upāhano. **Ānisadam** āsanapadeso. **Tūṇiro** sarāvāso<sup>2</sup>. **Galakañcukam** kaṇṭhattāṇam. **Kīṭakulāvakam** kharamukhakuṭi<sup>3</sup>.

**Anulomena paṭilomena cāti** ettha aṃsapadesato paṭṭhāya bāhuno piṭṭhipadesena otaraṇam anulomo, maṇibandhato paṭṭhāya bāhuno purimabhāgena ārohanam paṭilomo. **Teneva nayanā**ti dakkhiṇahatthe vuttana nayena anulomena paṭilomena cāti attho. **Sukhumampī**ti yathāvutta-olārikacammato sukhuman. Antomukhacammādikoṭṭhāsesu vā tacena paricchinnattā yaṃ durupalakkhaṇiyam<sup>4</sup>, tam “sukhuman”ti vuttaṃ. Tañhi vuttanayena ñāṇena tacam vivarivā passantassa pākaṭam hoti. Idha chavipi tacagatikā evāti “taco **upari ākāsenā paricchinnō**”ti vutto.

1. Upalaṇḍapodḍalakam (Sī), upalaṇḍapotalikam (Ka)

2. Saracāpo (Sī), sarācāpo (Syā)

3. Kharamukhakūṭapam (Sī, Syā)

4. Durūpalakkhaṇam (Sī)

188. **Nisadapoto** kilāputtako. **Uddhanakoṭṭi** mattikāpiṇḍena kata-uddhanassa hoṭi. **Tālaguḷapaṭalam** nāma pakkatālaphalalasikam tālapaṭṭikādīsu limpitvā sukkhāpetvā uddharitvā gahitapaṭalam. **Sukhumanti** yathāvuttamaṁsato sukhumaṁ. Paṇhikamaṁsādithūlānam sakalasarīrassa kisānam yebhuyyena maṁsena paṭicchāditattā vuttam **“tīriyam aññamaññaena paricchinnan”**ti.

189. Jālākāro kaṅcuko **jālakaṅcuko**. Visuṁ vavatthitabhāveneva nhārū **tīriyam aññamaññaena paricchinnā**.

190. Dantānam visuṁ gahitattā **“ṭhapetvā dvattirṁsa dantaṭṭhīnī”**ti vuttam. **Ekam jaṇṇukaṭṭhi, ekam ūruṭṭhīti eka**-ggahaṇam “ekekasmim pāde”ti adhikatattā. **Evaṁ timattānīti** evaṁ mattasaddehi ānisadaṭṭhi-ādīni idha avuttānīpi dassētīti veditabbam. Evañca katvā “atirekatisata-aṭṭhikasamussayan”ti<sup>1</sup> idañca vacanam samatthitam hoti.

**Kīḷāgoḷakāni** suttena bandhitvā aññamaññaṁ ghaṭṭetvā kīḷanagoḷakāni. **Dhanukadaṇḍo** dārakānam kīḷanakakhuddakadhanukam. Tattha **jaṅghaṭṭhikassa patiṭṭhitatṭhānanti** jaṇṇukaṭṭhimhi pavisitvā ṭhitatṭhānanti adhippāyo. **Tena ūruṭṭhinava patiṭṭhitam ṭhānam yam kaṭṭṭhino**, tam **aggacchinnamahāpunnāgaphalasadisam**.

Kumbhakārena nipphāditam uddhanam **kumbhakārika-uddhanam**. **Sīsakapaṭṭavethakam** veṭhetvā ṭhapitam sīsamayam paṭṭakam. Yena suttam kantanti, tasmim takkamhi vijjhivā ṭhipitagolāka vaṭṭanā nāma, vaṭṭanānam āvaḷi **vaṭṭanāvaḷi**.

Maṇḍalākārena chinnavam sakalīrakhaṇḍāni **vam sakalīracakkalakāni**. **Avalekhanasatthakam** ucchutacāvalekhanasatthakam.

192. **Vakkabhāgena paricchinnanti** vakkapariyantena bhāgena paricchinnam. Ito paresupi evarūpesu eseva nayo.

193. **Yam nissāyāti** yam lohitaṁ nissāya, nissayanissayopi “nissayo”tveva vuccati. Bhagati hi kāraṇakāraṇepi kāraṇavohāro yathā “corehi gāmo daḍḍho”ti. Atha vā yasmiṁ rūpakalāpe

1. Visuddhi 1. 189 piṭṭhe.

hadayavatthu, tampilohitagatikameva hutvā tiṭṭhatīti “yaṃ nissāyā”ti vuttaṃ.

194. **Paṇḍukadhātukanti** paṇḍusabhāvaṃ.

195. **Pariyonahanamaṃsanti** paṭicchādakamaṃsaṃ.

196. **Udrajivhāmaṃsanti** jivhāsaṅṭhānaṃ udarassa matthakapasse tiṭṭhanakamaṃsaṃ. “Nīlan”ti vatvā nīlaṃ nāma bahudhātukanti āha “nigguṇḍipuppavaṇṇan”ti.

197. **Papphāsamaṃsanti** yathāṭṭhāne eva lambitvā thokaṃ parivattakamaṃsaṃ. **Nirasanti** nihīnaraṃsaṃ. **Nirojanti** nippataṃ, ojārahitaṃ vā.

198. **Obhaggāti** avabhujitvā ṭhitā. **Sakkharasudhāvaṇṇanti** marumbhi katasudhāvaṇṇaṃ. “Setasakkharasudhāvaṇṇan”tipi pāṭho, setasakkharavaṇṇaṃ, sudhāvaṇṇaṅcāti attho.

199. Antassa ābhujitvā ābhujitvā ṭhitappadesā **antabhogaṭṭhānāni**. Tesāṃ bandhanabhūtaṃ antaḡuṇaṃ nāmāti dassento āha “**antaguṇanti antabhogaṭṭhānesu bandhanan**”ti. **Kuddālarasukammādīni karontānaṃ antabhoge aḡaḡante ekato ābandhitvā**, kiṃ viya? Yantasuttakamivayantaphalakānīti. Kimiva tattha ṭhitanti<sup>1</sup> āha “**pādapuñchana -pa- thitan**”ti. Purimañcetta ābandhanassa, dutiyaṃ ṭhānākārassa nidassananti daṭṭhabbaṃ.

200. **Asitaṃ** nāma bhuttaṃ odanādi. **Pītaṃ** nāma pivanavasena ajjhohaṭapānakādi. **Khāyitaṃ** nāma saṃkhāditaṃ piṭṭhamūlaphalakhajjādi. **Sāyitaṃ** nāma assāditaṃ ambapakkamadhuphāṇitādi.

**Yatthāti** yasiṃ udare. **Yanti** ca udarameva paccāmasati. Yattha pānabhojanādīni patitvā tiṭṭhatīti sambandho. **Suvānavamathu** sārameyyavantaṃ. **Vivekanti** vibhāgaṃ.

---

1. Kattha ṭhitanti (Sī)

201. **Heṭṭhānābhipiṭṭhikaṇṭakamūlānaṃ** antareti purimabhāgavasena nāṭiyā heṭṭhāpadesassa pacchimabhāgavasena heṭṭhimapiṭṭhikaṇṭakānaṃ vemajjhe. **Veḷunālikasadiso** padesoti adhippāyo.

202. **Samohitanti** nicitam.

204. Pūtibhāvaṃ āpannam kukkuṭaṇḍam **pūtikukkuṭaṇḍam**. **Uddeko** piṭṭādīhi vinā kevalo uddhaṅgamavāto.

205. **Ācāmo** avassāvanakanjikaṃ<sup>1</sup>.

206. **Vakkahadayayakanapphāse** temayamānanti ettha yakanam heṭṭhābhāgapūraṇeneva temeti, itarāni tesam upari thokam thokam paggharaṇenāti daṭṭhabbari.

207. **Utuvikāro** uṅhavalāhakādihetuko. Visamacchinno bhisādikalāpo visamaṃ udakaṃ paggharati, evamevaṃ sarīraṃ kesakūpādivivarehi upari, heṭṭhā, tiriyaṅca sedam visamaṃ paggharatīti dassetum **visamacchinna-**ggahaṇam kataṃ.

208. **Visamāhāranti** tadā pavattamānasarīravatthāya asappāyāhāraṃ atikaṭuka-accuṅhādivisabhāgāhāraṃ vā. **Sammohavinodaniyam**<sup>2</sup> pana “visabhāgāhāraṃ”tveva vuttam tadā pavattamānānaṃ dhātūnaṃ visabhāgattā.

209. “**Nhānakāle**”ti idam udakassa upari sinehassa sambhavadassanattam vuttam. **Paribbhamantasinehabinduvisaṭasaṅṭhānāti** visaṭam hutvā paribbhamantasinehabindusaṅṭhānā. **Utuvisaḥāgo** bahiddhāsamuṭṭhāno. **Dhātuvisaḥāgo** antosamuṭṭhāno. **Te** padesāti te hatthatalādīpadesā.

210. **Kiñcīti** uṅhādirasānaṃ aññataraṃ āhāravatthu. **Nesanti** sattānaṃ. **Hadayaṃ āgilāyatīti** visabhāgāhārādīm paṭicca hadayappadeso vivattati.

---

1. Avassāvitakañcikaṃ (Sī), avassāvanakañcikaṃ (Syā) 2. Abhi-Ṭṭha 2. 234 piṭṭhe.

211. Dadhino vissandana-accharaso **dadhimuttam**<sup>1</sup>. **Galitvā**ti sanditvā. **Tālumatthakavivarena otarivā**ti matthakavivarato āgantvā tālumatthakena otarivā.

212. Telam viya sakaṭassa nābhi-akkhasīsānam **aṭṭhisandhīnam abbhāñjanakiccam sādhayamānā**. **Kaṭakaṭāyantī**ti “kaṭa kaṭā”ti saddam karonti. Anuravadassanam hetam. **Dukkhantī**ti dukkhitāni sañjātadukkhāni honti.

213. Samūlakūlamāsam jhāpetvā chārikam avassāvetvā gahitayūso **māsakhāro**. Ucchiṭṭhodakagabbhamalādīnam chaḍḍanaṭṭhānam **candanikā**. **Ravaṇaghaṭam** nāma pakatiyā sammukhameva hoti. Yassa pana āraggamattampi udakassa pavisanamukham natthi, tam dassetum “**amukhe ravaṇaghaṭe**”ti vuttam. **Āyūhananti** samīhanam.

214. **Evañhī**ti-ādi yathāvuttāya uggahakosallapaṭipattiyā nigamanam. Idāni yathāvuttam manasikāra-kosallapaṭipattimpi nigamanavasena gahetvā kammaṭṭhānam matthakam pāpetvā dassetum “**anupubbato**”ti-ādi āradham. Tattha **paṇṇattisamatikkamāvasāneti** kesādipaṇṇattisamatikkamavasena pavattāya bhāvanāya avasāne. **Apubbāpariyamivā**ti ekajjhamiva. **Kesāti iti-**saddo ādi-attho, pakārattho vā, evamādinā iminā pakārena vāti attho. **Te dhammā**ti vaṇṇādivasena vavatthāpitā paṭikkūlākārato upaṭṭhitā koṭṭhāsadhammā.

**Bahiddhāpī**ti sasantānato bahipi, parasantānakāyepīti attho. **Manasikāram upasamharatī**<sup>2</sup> yathāvuttam paṭikkūlamanasikāram upaneti. Yathā idam, tathā etanti. **Evam sabbakoṭṭhāsesu pākāṭibhūtesū**ti yathā attano kāye, evam paresampi kāye sabbesu kesādikoṭṭhāsesu paṭikkūlavasena vibhūtabhāvena upaṭṭhitesūti attho. Ayamettha kaṣiṇesu vaḍḍhanasadiso yogino bhāvanāviseso dassito.

**Anupubbamuñcanādī**ti ādi-saddena suttantanayena vibhāvitam vīriyasamatāyojanam saṅgaṇhāti. **Punappunam manasi karototi** vuttanayena

1. Dadhimatthu (Sī), dadhiṭṭham (Syā)

2. Upanetīti (Syā, Ka)

attano kāye kesādike “paṭikkūlā paṭikkūlā”ti abhiñhaso manasikāraṃ pavattentassa yadā saddhādīni indriyāni laddhasamathāni visadāni pavattanti, tadā assaddhiyādīnaṃ dūrībhāvena sātisayaṃ balappattehi sattahi saddhammehi laddhūpatthambhāni vitakkādīni jhānaṅgāni paṭutarāni hutvā pātubhavanti. Tesam̐ ujuvipaccanikatāya nīvaraṇāni vikkhambhi tāneva honti saddhiṃ tadekaṭṭhehi pāpadhammehi. Upacārasamādhinā cittaṃ samādhīyati, so taṃyeva nimittaṃ āsevanto bhāvento bahuḷīkaronto appanaṃ pāpuṇāti. Tena vuttaṃ “**anukkamena appanā uppajjati**”ti. **Sabbākāratoti** vaṇṇādivasena pañcadhāpi. **Sāti** appanā.

Yadi panetaṃ kammaṭṭhānaṃ aviññāṇakāsubhakammaṭṭhānāni viya paṭhamajjhānavasena sijjhati, atha kasmā “kāyagatāsati”ti vuttanti āha “**evaṃ paṭhamajjhānavasenā**”ti-ādi. Nānāvaṇṇasaṅṭhānādīsu dvattiṃsāya koṭṭhāsesu pavattamānāya satiyā kiccamettha sātisayanti āha “**satibalena ijghanabho**”ti.

Pantasenāsanesu, adhikusalesu ca aratiṃ, kāmaguṇesu ca ratiṃ sahati abhibhavatīti **aratiratisaho** sarīrasabhāvacintanena anabhiratiyā pahīnattā. Tathā koṭṭhāsbhāvanāya attasinehassa parikkhīṇattā **bhayabheravaṃ sahati**, sītādīnaṃca **adhivāsakajātiko** hoti. Attasinehavasena hi purisassa bhayabheravaṃ hoti, dukkhassa ca nadhivāsanaṃ. Imaṃ pana koṭṭhāsbhāvanamanuyuttassa na kevalaṃ paṭhamajjhānamattameva, uttaripi paṭivedho atthīti dassetuṃ “**kesādīnaṃ**”ti-ādi vuttaṃ.

### Ānāpānassatikathāvaṇṇanā

215. Yaṃ taṃ evaṃ pasaṃsitvā ānāpānassatikammaṭṭhānaṃ niddiṭṭhanti sambandho. Tattha yasmā “**kathaṃ bhāvito**”ti-ādikāya pucchāpāḷiyā atthe vibhāvite thomanāpāḷiyāpi attho vibhāvito yeva hoti bhedābhāvato, tasmā taṃ laṅghitvā “**kathaṃ bhāvito cā**”ti-ādīnā ārabhati. Tattha hi ito pasaṃsābhāvo “ayampi kho”ti vacanaṃca viseso. Tesu pasaṃsābhāvaṃ dassetuṃ “**evaṃ pasaṃsitvā**”ti vuttaṃ. Pasaṃsā ca tattha abhirucijananena ussāhanattā. Tañhi sutvā bhikkhū “bhagavā imaṃ samādhim̐ anekehi ākārehi pasaṃsati,

santo kirāyaṃ samādhi paṇīto ca asecanako ca sukho ca vihāro pāpadhamme ca ṭhānaso antaradhāpetī”ti sañjātābhirucayo ussāhajātā sakkaccaṃ anuyuñjītabbaṃ paṭipajjitabbaṃ maññanti. “Ayampi kho”ti padassa ye ime mayā nibbānamahāsarassa otaraṇatitthabhūtā kasiṇajjhāna-asubhajjhānādayo desitā, na kevalaṃ te eva, ayampi khoti bhagavā attano paccakkhabhūtaṃ samādhiṃ desanānubhāvena tesampi bhikkhūnaṃ āsannaṃ, paccakkhañca karonto sampiṇḍanavasena evamāhāti sambandhamukhena attho veditabbo.

**Soḷasavatthukanti** catūsu anupassanāsu catunnaṃ catukkānaṃ vasena soḷasaṭṭhānaṃ. **Sabbākāraparipūro**ti kammaṭṭhānapāḷiyā padattho piṇḍattho upamā codanā parihāro payojananti evamādihi sabbehi ākārehi paripuṇṇo. **Niddesoti** kammaṭṭhānassa nissesato vitthoro.

216. **Kathanti** idam pucchanākāravibhāvanapadam. Pucchā cettha kathetukamyatāvasena aññāsaṃ asambhavato. Sā ca upari desanaṃ āruḷhānaṃ sabbesaṃ pakāravisesānaṃ āmasanavasenāti imamatthaṃ dassento “**kathanti -pa- kamyatāpucchā**”ti āha. **Kathaṃ bahulīkatoti** etthāpi “ānāpānassatisamādhi”ti padam ānetvā sambandhitabbaṃ. Tatha **katanti** ānāpānassatisamādhibahulīkāraṃ nānappakārato vitthāretukamyatāpucchā. **Bahulīkato ānāpānassatisamādhi**ti tathāpuṭṭhadhammanidassananti imamatthaṃ “**eseva nayo**”ti iminā atidisati. Tathā santabhāvādayopi tassa yehi bhāvanābahulīkārehi siddhā, taggahaṇeneva gahitā hontīti dassetum “**kathaṃ bahulīkato -pa- vūpasametīti etthāpi eseva nayo**”ti vuttham.

“Puna caparam udāyi akkhātā mayā sāvakānaṃ paṭipadā, yathāpaṭipannā me sāvakā cattāro satipaṭṭhāne bhāventī”ti-ādīsu<sup>1</sup> uppādanavaḍḍhanaṭṭhena bhāvanā vuccatīti tadubhayavasena attham dassento “**bhāvitoti uppādito vaḍḍhito vā**”ti āha. Tatha bhāvaṃ vijjamaṇataṃ ito gatoti **bhāvito**, uppādito paṭiladdhamattoti attho. **Uppanno** pana laddhāsevano, **bhāvito** paṇaḥbhāvaṃ āpādito, vaḍḍhitoti

---

1. Ma 2. 203 piṭṭhe.

attho. **Ānāpānapariggāhikāyā**ti dīgharassādivisesehi saddhiṃ assāsapassāse paricchijjagāhikāya, te ārabha pavattāya, satiyaṃ paccayabhūtāyanti attho. Purimasmimñhi atthe samādhissa satiyā saha-jātādipaccayabhāvo vutto sampayuttavacanato, dutiyasmim̃ pana upanissayabhāvopi.

Upacārajjhānasahagatā hi sati appanāsamādhissa upanissayo hotīti.

**Bahulīkatoti** bahulaṃ pavattito, tena āvajjanādivasībhāvappattimāha. Yo hi vasībhāvaṃ āpādito, so icchiticchitakkhaṇe samāpajjitabbato punappunaṃ pavattīyati. Tena vuttaṃ “**punappunaṃ kato**”ti. Yathā “idheva bhikkhave samaṇo”ti<sup>1</sup>, “viviceva kāmehī”ti<sup>2</sup> ca evamādīsu paṭhamapade vutto eva-saddo dutiyādīsupi vutto eva hoti, evamidhāpīti āha “**ubhayattha evasaddena niyamo veditabbo**”ti. Ubhayapadaniyameṇa laddhaguṇaṃ dassetuṃ “**ayañhi**”ti-ādi vuttaṃ.

**Asubhakammaṭṭhānanti** asubhārammaṇajhānamāha. Taṃ hi asubhesu yogakammabhāvato, yogino sukhavisesānaṃ kāraṇabhāvato ca “asubhakammaṭṭhānaṃ”ti vuccati. “**Kevalan**”ti iminā ārammaṇaṃ nivatteti. **Paṭivedhavasenā**ti jhānapaṭivedhavasena. Jhānañhi bhāvanāvisesena ijjhantaṃ attano visayaṃ paṭivijjhantameva pavattati, yathāsabhāvato paṭivijjhīyati cāti “paṭivedho”ti vuccati. **Oḷārikārammaṇattā**ti bībhacchārammaṇattā. **Paṭikkūlārammaṇattā**ti jigucchitabbārammaṇattā. **Pariyāyenā**ti kāraṇena, lesantarena vā. **Ārammaṇasantatāyā**ti anukkamena vicetabbataṃ pattaṃ ārammaṇassa paramasukhumataṃ sandhāyāha. Sante hi sannisinne ārammaṇe pavattamāno dhammo sayampi sannisinnova hoti. Tenāha “**santo vūpasanto nibbuto**”ti, nibbutasabbapariḷāhoti attho. **Ārammaṇasantatāya** tadārammaṇadhammānaṃ santatā lokuttaradhammārammaṇāti paccevekkhaṇāhi dīpetabbā.

Nāssa santapaṇītabhāvāvaham̃ kiñci secananti **asecanako**. Asecanakattā **anāsittako**. Anāsittakattā eva **abbokiṇṇo** asammiṣso parikammādinā. Tato eva **pātiyekko** visum̃yeveko. **Āveniko** asādhāraṇo. Sabbametaṃ sarasato evaṃ santabhāvaṃ

1. Ma 1. 92; Am̃ 1. 560 piṭṭhesu.

2. Dī 1. 69; Sam̃ 1. 412; Am̃ 1. 442 piṭṭhādīsu.



dassetum vuttam. **Parikammaṃ** vā santabhāvanimittam, **parikammanti** ca kaṣiṇakaraṇādīni nimittuppādapariyosānam, tādisaṃ idha natthīti adhippāyo. Tadā hi kammaṭṭhānam nirassādattā asantamappaṇītam siyā. **Upacārena** vā natthi ettha santatāti yojanā. Yathā upacārakkhaṇe nīvaraṇavigamena, aṅgapātubhāvena ca paresam santatā hoti, na evamimassa. Ayaṃ pana ādisamannā -pa- paṇīto cāti yojanā. **Kecīti** uttaravihāravāsike sandhāyāha. **Anāsittakoti** upasecanena na āsittako. Tenāha “**ojavanto**”ti, ojavantasadisoti attho. **Madhūroti** iṭṭho, cetasikasukhapaṭilābhasamvattanam tikacatukkajjhānavasena, upekkhāya vā santabhāvena sukhagatikattā sabbesampi vasena veditabbam.

Jhānasamuṭṭhānapaṇītarūpaphuṭṭhasarīratāvasena pana kāyikasukhapaṭilābhasamvattanam daṭṭhabbam, tañca kho jhānato vuṭṭhitakāle. Imasmiṃ pakkhe “**appitappitakkhaṇe**”ti idam hetumhi bhummavacanam daṭṭhabbam. **Avikkhambhīti** jhānena sakasantānato anīhaṇe appahīne. **Akosallasambhūti** akosallam vuccati avijjā, tato sambhūte. Avijjāpubbaṅgamā hi sabbe pāpadhammā. **Khaṇenevāti** attano pavattikkhaṇeneva. **Antaradhāpetīti** ettha antaradhāpanam vināsanam, tam pana jhānakattukassa idhādhippetattā pariyuṭṭhānappahānam hotīti āha “**vikkhambhīti**”ti. **Vūpasametīti** visesena upasameti. Visesena upasamanam pana sammadeva upasamanam hotīti āha “**suṭṭhu upasametīti**”ti.

Nanu ca aññopi samādhi attano pavattikkhaṇeneva paṭipakkhadhamme antaradhāpeti vūpasameti, atha kasmā ayameva samādhi evam visesetvā vuttoti? Pubbabhāgato paṭṭhāya nānāvittakkavūpasamasabbhāvato. Vuttañhetam “ānāpānassati bhāvetabbā vitakkupacchedāyā”ti<sup>1</sup>. Apica tikkhapaññassa nānuttarassetam kammaṭṭhānam, nānuttarassa ca kilesappahānam itarehi sātisayam, yathā saddhādhimuttehi diṭṭhippattassa. Tasmā imam visesam sandhāya “**ṭhānaso antaradhāpeti vūpasametīti**”ti vuttam. Atha vā nimittapātubhāve sati khaṇeneva aṅgapātubhāvasabbhāvato ayameva samādhi “ṭhānaso antaradhāpeti vūpasametīti”ti vutto. Yathā tam mahato akālameghassa uṭṭhitassa dhārānipāte khaṇeneva

---

1. Am 3. 165; Khu 1. 120 piṭṭhesu.

pathaviyaṃ rajojallassa vūpasamo. Tenāha “seyyathāpi bhikkhave mahā-akālamegho uṭṭhito”ti-ādi<sup>1</sup>. Sāsanikassa jhānabhāvanā yebhuyyena nibbedhabhāgiyāva hotīti āha “**nibbedhabhāgiyattā**”ti. Buddhānaṃ pana ekamsena nibbedhabhāgiyāva hoti. Imameva hi kammaṭṭhānaṃ bhāvetvā sabbepi sammāsambuddhā sammāsambodhiṃ adhigacchanti. Ariyamaggassa pādakabhūto ayaṃ samādhī anukkamenu vaḍḍhitvā ariyamaggabhāvaṃ upagato viya hotīti āha “**anupubbena ariyamaggavuddhippatto**”ti.

Ayaṃ panattho virāganirodhapaṭinissaggānupassanānaṃ vasena sammadeva yujjati. Heṭṭhā papañcavasena vuttamatthaṃ sukhaggahaṇatthaṃ saṅgahetvā dassento “**ayaṃ panettha saṅkhepattho**”ti āha, piṇḍatthoti vuttaṃ hoti.

217. **Tamatthanti** taṃ “kathaṃ bhāvito”ti-ādinā pucchāvasena saṅkhepato vuttamatthaṃ. “Idha tathāgato loke uppajjati”ti-ādīsu<sup>2</sup> idha-saddo lokaṃ upādāya vutto, “idheva tiṭṭhamānassā”ti-ādīsu<sup>3</sup> okāsaṃ, “idhāhaṃ bhikkhave bhuttāvī assaṃ pavārito”ti-ādīsu<sup>4</sup> padapūraṇamattaṃ, “idha bhikkhu dhammaṃ pariyāpuṇāti”ti-ādīsu<sup>5</sup> pana sāsaṇaṃ “idha bhikkhave bhikkhū”ti idhāpi sāsaṇamevāti dassento “bhikkhave imasmim sāsaṇe bhikkhū”ti vatvā tamatthaṃ pākāṭaṃ katvā dassetuṃ “**ayañhī**”ti-ādi vuttaṃ. Tattha **sabbappakāra-ānāpānassatisamādhinibbattakassāti** sabbappakāraggaṇaṃ soḷassa pakāre sandhāya. Tehi imasmimyeva sāsaṇe. Bāhirakā hi jānanta ādito catuppakārameva jānanti. Tenāha “**aññasāsaṇassa tathābhāvapaṭisedhanaṃ**”ti, yathāvuttassa puggalassa nissayabhāvapaṭisedhanoti attho. Etena “**idha bhikkhave**”ti idaṃ antogadhevasaddanti dasseti. Santi hi ekapadānīpi sāvadhāraṇāni yathā “vāyubhakkho”ti. Tenevāha “**idheva bhikkhave samaṇo**”ti-ādi. Paripuṇṇasamaṇakaraṇadhammo hi so, yo sabbappakāra-ānāpānassatisamādhinibbattako. **Parappavādāti** paresaṃ aññatitthiyānaṃ nānappakārā vādā titthāyatanāni.

1. Saṃ 1. 280; Vi 1. 88 piṭṭhesu.

3. Dī 2. 227 piṭṭhe.

2. Dī 1. 58; Ma 1. 236; Am 1. 168 piṭṭhesu.

4. Ma 1. 16 piṭṭhe.

5. Am 2. 76 piṭṭhe.

Araññādikasēva bhāvanānurūpasenāsanatāṃ dassetuṃ “**imassahī**”ti-ādi vuttaṃ. Duddamo damathāṃ anupagato goṇo **kūṭagoṇo**. Yathā thanehi sabbaso khīraṃ na paggharati, evaṃ dohapaṭibandhini **kūṭadhenu**. Rūpasaddādikē paṭicca uppajjanako assādo **rūpārammaṇādiraso**. **Pubbe āciṇṇārammaṇanti** pabbajjato pubbe, anādimati saṃsāre paricitārammaṇaṃ.

**Nibandheyyāti** bandheyya. **Satiyāti** sammadeva kammaṭṭhānasallakkaṇasampavattāya satiyā. **Ārammaṇeti** kammaṭṭhānārammaṇe. **Daḷhanti** thiraṃ, yathā satokāriṣsa upacārappanābhedo samādhi ijjhati, tathā thāmagataṃ katvāti attho.

**Visesādhigamadiṭṭhadhammasukhavihārapadaṭṭhānanti** sabbesaṃ buddhānaṃ, ekaccānaṃ paccēkabuddhānaṃ, buddhasāvakaṇāṇca visesādhigamassa ceva aññakammaṭṭhānena adhigatavisesānaṃ diṭṭhadhammasukhavihāraṣsa ca padaṭṭhānabhūtaṃ.

**Vatthuvijjācariyo viya bhagavā** yogīnaṃ anurūpanivāsaṭṭhānupadisaṇato.

**Bhikkhu dīpisadiso** araṇṇe ekiko viharitvā paṭipakkhanimmathanena icchitattasādhanaṇato. **Phalamuttamanti** sāmāññaphalamāha. **Parakkamajavayogabhūminti** bhāvanussāhajavassa yoggākaraṇabhūmibhūtaṃ.

218. **Evaṃ vuttalakkhaṇesūti abhidhammapariyāyena**<sup>1</sup>, **suttantapariyāyena**<sup>2</sup> ca vuttalakkhaṇesu. **Rukkhasamīpanti** “yāvataṃ majjhanhike kāle samantā chāyā pharati, nivāte paṇṇāni patanti, ettāvataṃ rukkhamūlanti vuccatī”ti evaṃ vuttaṃ rukkhasa samīpaṭṭhānaṃ. **Avasesasattavidhasenāsananti** pabbataṃ kandaraṃ giriguhaṃ susānaṃ vanapatthaṃ abbhokāsaṃ palālapuñjanti evaṃ vuttaṃ.

**Ututtayānukūlaṃ dhatucariyānukūlanti** gimhādi-ututtayassa, semhādidhātuttayassa, mohādicariyattayassa ca anukūlaṃ. Tathā hi gimhakāle ca araṇṇaṃ anukūlaṃ, hemante rukkhamūlaṃ, vassakāle suññāgāraṃ, semhadhātukassa semhapakatikassa araṇṇaṃ, pittadhātukassa

1. Abhi 2. 260 piṭṭhe.

2. Vi 1. 377 piṭṭhe.

rukkhamūlaṃ, vādhātukassa suññāgāraṃ anukūlaṃ, mohacaritassa araññaṃ, dosacaritassa rukkhamūlaṃ, rāgacaritassa suññāgāraṃ anukūlaṃ. **Alinānuddhaccapakkhikanti** asaṅkocāvikkhepapakkhikaṃ. Sayanañhi kosajjapakkhikaṃ, ṭhānacaṅkamanāni uddhaccapakkhikāni, na evaṃ nisajjā. Tato evassa santatā. **Nisajjāya dalhabhāvaṃ** pallaṅkābhujanena, **assāsapassāsānaṃ pavattanasukhataṃ** uparimakāyassa ujukaṭṭhapanena, **ārammaṇapariggahūpāyaṃ** parimukhaṃ satiyā ṭhapanena **dassento**. **Ūrubaddhāsananti** ūrūnamadhobandhana<sup>1</sup> vasena nisajjā. Heṭṭhimakāyassa anujukaṃ ṭhapanam nisajjāvacaṇeṇeva bodhitanti “**ujum kāyaṃ**”ti ettha **kāya**-saddo uparimakāyavisayoti āha “**uparimasarīraṃ ujukaṃ ṭhapetvā**”ti. taṃ pana ujukaṭṭhapanam sarūpato, payojanato ca dassetuṃ “**aṭṭhārassā**”ti-ādi vuttaṃ. **Napaṇamantī**ti na onamanti. **Na paripataṭī**ti na vigacchati vīthim na vilaṅghati tato eva pubbenāparaṃ visesuppattiyā **vuddhim phātim upagacchati**. Idha **pari**-saddo **abhi**-saddena samānatthoti āha “**kammaṭṭhānābhimukhaṃ**”ti, bahiddhā puthuttārammaṇato nivāretvā kammaṭṭhānamyeva purakkhitvāti attho. **Parīti pariggahaṭṭho** “pariṇāyikā”ti-ādīsu<sup>2</sup> viya. **Niyyānaṭṭho** paṭipakkhato niggamanaṭṭho. Tasmā **pariggahitaniyyānanti** sabbathā gahitāsammosaṃ pariccattasammosaṃ satim katvā, paramaṃ satinepakkam upaṭṭhāpetvāti attho.

219. **Satovā**ti satiyā samannāgato eva saranto eva **assasati** nāssa kāci sativirahitā assāsappavatti hotīti attho. **Sato passasatī**ti etthāpi satova passasatīti eva-saddo ānetvā vattabbo. **Satokārī**ti sato eva hutvā, satiyā eva vā kātabbassa kattā, karaṇasiḷo vā. Yadi “satova assasati sato passasatī”ti etassa **vibhaṅge**<sup>3</sup> vuttaṃ, atha kasmā “assasati passasati”cceva avatvā “satokārī”ti vuttaṃ? Ekarasaṃ desanaṃ kātukāmatāya. Paṭhamacatukke padadvayameva hi vattamānakālavasena āgataṃ, itarāni anāgatakālavasena. Tasmā ekarasaṃ desanaṃ kātukāmatāya **sabbattha**<sup>4</sup> “satokārī”cceva vuttaṃ.

1. Mithobandhana... (Sī)

3. Ma 3. 125; Saṃ 3. 281; Vi 1. 89 piṭṭhādīsu.

2. Abhi 1. 20 piṭṭhe.

4. Khu 9. 173 piṭṭhādīsu.

**Dīgham assāsavasenā**ti dīgha-assāsavasena vibhatti-alopaṃ katvā niddeṣo. **Dīghanti** vā bhagavatā vutta-assāsavasena. **Cittassa ekaggataṃ avikkhepanti** vikkhepassa paṭipakkhabhāvato “avikkhepo”ti laddhanāmacittassa ekaggabhāvaṃ pajānato. **Sati upaṭṭhitā hotīti** ārammaṇaṃ upagantvā ṭhitā hoti. **Tāya satiyā tena nāṇenā**ti yathāvuttāya satiyā, yathāvuttena ca nāṇena. Idaṃ vutta hoti—dīghaṃ assāsaṃ ārammaṇabhūtaṃ avikkhittacittassa<sup>1</sup>, asammohato vā pajānantassa tath satī upaṭṭhitā eva hoti, taṃ sampajānantassa ārammaṇakaraṇavasena, asammohavasena vā sampajaññaṃ, tadadhīnasati sampajañña<sup>2</sup> taṃsamaṅgī yogāvacarō satokārī nāma hotīti. **Paṭinissaggānupassī assāvasenā**ti paṭinissaggānupassī hutvā assasanaṃ vasena. “Paṭinissaggānupassī-assāsavasena”ti vā pāḷho. Tassa paṭinissaggānupassino assāsā paṭinissaggānupassī-assāsā, tesāṃ pasenāti attho. Vinayanayena anto uṭṭhitasasanaṃ **assāso**, bahi uṭṭhitasasanaṃ **passāso**. Suttantanayena pana bahi-uṭṭhahitvāti anto sasanato **passāso**. Suttantanayena pana bahi-uṭṭhahitvāpi anto sasanato **assāso**, anto uṭṭhahitvāti bahi sasanato **passāso**. Ayameva ca nayo—

“Assāsādimaṃjhapariyosānaṃ satiyā anugacchato ajjhataṃ vikkhepagatena cittena kāyopi cittampi sāraddhā ca honti iñjitā ca phanditā cā”ti, “passāsādimaṃjhapariyosānaṃ satiyā anugacchato bahiddhā vikkhepagatena cittena kāyopi cittampi sāraddhā ca honti iñjito ca phanditā cā”ti<sup>3</sup>—

imāya **pāliya** sameti.

**Paṭhamaṃ abhantaravāto bahinikkhamati**, tasmā pavattikkamena assāso paṭhamaṃ vuttoti vadanti. **Tāluṃ āhacca nibbāyatīti** tāluṃ āhacca nirujjhati. Tena kira sampatijāto bāladārako khipitaṃ karoti. **Evaṃ tāvā**”ti-ādi yathāvuttassa atthassa nigamaṃ. Keci “evaṃ tāvāti anena pavattikkamena assāso bahinikkhamanavātoti gahetabbanti adhippāyo”ti vadanti.

1. Avikkhittacittanti ca (Ka) Sārattha-Ṭī 2. 188 piṭṭhe passitabbaṃ.

2. Tadinā satisampajañña (Si)

3. Khu 9. 165 piṭṭhe Paṭisambhidāmagge.

**Addhānavasenā**ti kāladdhānavasena. Ayam hi **addhāna**-saddo kālassa, desassa ca vācako. Tattha desaddhānaṃ udāharaṇabhāvena dassetvā kāladdhānavasena assāsapassāsānaṃ dīgharassataṃ vibhāvetuṃ “**yathā hī**”ti-ādi vuttaṃ. Tattha **okāsaddhānanti** okāsabhūtaṃ addhānaṃ. **Pharivāti** byāpetvā. **Cuṇṇavicuṇṇāpi** anekakalāpabhāvena. **Dīghaṃ addhānanti** dīghaṃ padesaṃ. **Tasmāti** saṇikaṃ pavattiyā dīghasantānatāya “dīghā”ti vuccanti. Ettha ca hatthi-ādisarīre, sunakhādisarīre ca assāsapassāsānaṃ desaddhānavasiṭṭhena kāladdhānavaseneva dīgharassatā vuttāti veditabbā. “Saṇikaṃ pūretvā saṇikameva nikkhamanti”, “sīghaṃ pūretvā sīghameva nikkhamanti”ti ca vacanato. **Manussesūti** samānappamāṇesupi manussasarīresu. **Dīghaṃ assasantīti** dīghaṃ assāsappabandhaṃ pavattentīti attho. **Passasantīti** etthāpi eseva nayo. Sunakhasasādayo viya rassaṃ assasanti ca passasanti cāti yojanā. Idaṃ pana dīghaṃ, rassaṅca assasanaṃ, passasanaṅca tesāṃ sattānaṃ sarīrasabhāvoti daṭṭhabbaṃ. **Tesanti** sattānaṃ. **Teti** assāsapassāsā. **Ittaramaddhānanti** appakaṃ kālaṃ.

**Navahākārehīti** bhāvanamanuyuñjantassa pubbenāparaṃ aladdhavisesaṃ kevalaṃ addhānavasena ādito vutto tayo ākāra, te ca kho ekacco assāsaṃ suṭṭhu sallakkheti, ekacco passāsaṃ, ekacco tadubhayanti imesaṃ tiṇṇaṃ puggalānaṃ vasena. Keci pana “assāsatiṇṇaṃ passasatiṇṇaṃ ekajjhaṃ vacanaṃ bhāvanāya nirantaraṃ pavattidassanathan”ti vadanti. Chandavasena pubbe viya tayo, tathā pāmojjavasenaṃ imehi navahākārehi.

Kāmaṃ cettha ekassa puggalassa tayo eva ākāra labbhanti, tantivasena pana sabbesaṃ pāḷi-āruḷhattā, tesāṃ vasena parikammaṃ katabbattā ca “**tatrāyaṃ bhikkhu navahākārehi**”ti vuttaṃ. Evaṃ **pajānatoti** evaṃ yathāvuttehi ākārehi assāsapassāsāse pajānato, tattha manasikāraṃ pavattentassa. **Ekenākārenāti** dīghaṃ assāsādīsu catūsu ākārena ekena ākārena, navasu, tīsu vā ekena. Tathā hi vakkhati—

“Dīgho rasso ca assāso, passāsopi ca tādiso.

Cattāro vaṇṇā vattanti, nāsikagge va bhikkhuno”ti.

Ayam bhāvanā assāsapassāsakāyānupassanāti katvā vuttam  
 “kāyānupassanāsatiṭṭhānabhāvanā sampajjati”ti.

Idāni pālīvaseneva te nava ākāre, bhāvanāvidhiṅca dassetuṃ  
 “yathāhā”ti-ādi āradham. Tattha **katham pajānātīti** pajānanavidhiṃ  
 kathetukamyatāya pucchati. **Dīgham assāsanti** vuttalakkhaṇam dīgham  
 assāsam. **Addhānasaṅkhātetī** “addhānan”ti saṅkham gate dīghe kāle, dīgham  
 khaṇanti attho. Koṭṭhāsapariyāyo vā saṅkhāta-saddo “theyyasaṅkhātan”ti-  
 ādisu<sup>1</sup> viya, tasmā addhānasaṅkhātetī addhānakoṭṭhāse, desabhāgeti attho.  
**Chando uppajjati**ti bhāvanāya pubbenāparam visesaṃ āvahantiyā  
 laddhassādattā tattha sātisayo kattukāmatālakkaṇo kusalacchando uppajjati.  
**Chandavasenā**ti tathāpavattachandassa vasena savisesaṃ  
 bhāvanamanuyuñjantassa kammaṭṭhānam vuddhiṃ phātim gamentassa. **Tato**  
**sukhumataranti** yathāvuttachandappavattiyā purimato sukhumataram.  
 Bhāvanābalena hi paṭippassaddhadarathapariḷāhatāya kāyassa assāsapassāsā  
 sukhumatarā hutvā pavattanti. **Pāmojjam uppajjati**ti assāsapassāsānam  
 sukhumatarabāvena ārammaṇassa santataratāya, kammaṭṭhānassa ca  
 vīthipaṭipannatāya bhāvanācittasahagato pamodo khuddikādibhedā taruṇapīti  
 uppajjati. **Cittam vivattati**ti anukkamena assāsapassāsānam ativiya  
 sukhumatarabhāvappattiyā anupaṭṭhahane vicetabbākārapattehi cittam  
 vinivattati keci. Bhāvanābalena pana sukhumatarabhāvappattesu  
 assāsapassāsāsu tattha paṭibhāganimitte uppane pakati-assāsapassāsato  
 cittam nivattati. **Upekkhā saṅghātīti** tasmim paṭibhāganimitte  
 upacārappanābhede samādhimhi uppane puna jhānanibbattanattham  
 byāpārābhāvato ajjupekkhanam hotīti. Sā panāyam upekkhā  
 tatra majjhātupekkhāti veditabbā.

**Imehi navahi ākārehīti** imehi yathāvuttehi navahi pakārehi pavattā.  
**Dīgham assāsapassāsā kāyoti** dīghākārā assāsapassāsā cuṇṇavicuṇṇāpi  
 samūhaṭṭhena kāyo. Assāsapassāsā nissāya uppannamittampettha  
 assāsapassāsasamaññameva<sup>2</sup> vuttam. **Upaṭṭhānam satīti** ārammaṇam  
 upagantvā tiṭṭhatīti sati upaṭṭhānam nāma.

1. Vi 1. 56 piṭṭhe.

2. Sāmaññameva (Syā, Ka)

**Anupassanā ñāṇanti** samathavasena nimittassa anupassanā, vipassanāvasena assāsapassāse, tannissayañca kāya “rūpan”ti, cittaṃ taṃsampayuttadhamme ca “arūpan”ti vavatthapetvā nāmarūpassa anupassanā ca ñāṇaṃ, tattha yathābhūbhāvabodho. **Kāyo upaṭṭhānanti** so kāyo ārammaṇakaraṇavasena upagantvā sati ettha tiṭṭhatīti upaṭṭhānaṃ nāma. Ettha ca “kāyo upaṭṭhānaṃ”ti iminā itarakāyassāpi saṅgaho hoti yathāvuttasammasanacārassāpi idha icchitattā. **No satīti** so kāyo sati nāma na hoti. **Sati upaṭṭhānañceva sati ca** saraṇaṭṭhena, upatiṭṭhanaṭṭhena ca. **Tāya satiyāti** yathāvuttāya satiyā. **Tena ñāṇenāti** yathāvutteneva ñāṇena. **Taṃ kāyanti** taṃ assāsapassāsakāyañceva tannissayarūpakāyañca. **Anupassatīti** jhānasampayuttañāṇena ceva vipassanāñāṇena ca anu anu passati. **Tena vuccati kāye kāyānupassanāsatiṭṭhānabhāvanāti** tena anupassanena yathāvutte kāye ayaṃ kāyānupassanāsatiṭṭhānabhāvanāti vuccati.

Idaṃ vuttaṃ hoti—yā ayaṃ yathāvutte assāsapassāsakāye, tassa nissayabhūte karajakāye ca kāyasseeva anupassanā anudakabhūtāya marīciyā udakānupassanā viya na aniccādisabhāve kāye niccādisabhāvanupassanā, atha kho yathārahaṃ aniccadukkhānattāsubhabhāvassevānupassanā. Atha vā kāye “ahan”ti vā “maman”ti vā “itthi”ti vā “puriso”ti vā gahetabbassa kassaci abhāvato tādisaṃ ananupassitvā kāyamattasseva anupassanā **kāyānupassanā**, tāya kāyānupassanāya sampayuttā satiyeva upaṭṭhānaṃ **satiṭṭhānaṃ**, tassa bhāvanā vaḍḍhanā **kāyānupassanāsatiṭṭhānabhāvanāti**.

**Esa nayoti** “navahi ākārehi”ti-ādinā vuttavidhiṃ rassapade atidisati. **Etthāti** etasmim yathādassite “kathaṃ dīghaṃ assasanto”ti-ādinā<sup>1</sup> āgate pāḷinaye. **Idhāti** imasmim rassapadavasena āgate pāḷinaye.

**Ayanti** yogāvacarō. **Addhānavasenāti** dīghakālavasena. **Ittaravasenāti** parittakālavasena. **Imehi ākārehi**ti imehi navahi ākārehi.

---

1. Ma 3. 125; Sam 3. 281; Vi 1. 89 piṭṭhādīsu.



**Tādisoti** dīgho, rasso ca. **Cattāro vaṇṇāti** cattāro ākāra, te ca dīghādayo eva. **Nāsikagge va bhikkhunoti** gāthābandhasukhattham rassam katvā vuttam “**nāsikagge vā**”ti, **vā-saddo** aniyamattho, tena uttarotṭham saṅgaṇhāti.

220. **Sabbakāyapaṭisaṃvedīti** sabbassa kāyassa paṭi paṭi paccekam sammadeva vedanasīlo jānanasīlo, tassa vā paṭi paṭi sammadeva vedo etassa atthi, tam vā paṭi paṭi sammadeva vedamānoti attho. Tattha tattha sabbaggahaṇena assāsādikāyassa anavasesapariyādāne siddhepi anekakalāpasamudāyabhāvato tassa sabbesampi bhāgānam saṃvedanadassanattham paṭi-saddaggahaṇam. Tattha sakkaccakārībhāvadassanattham saṃ-saddaggahaṇanti imamattam dassento “**sakalassā**”ti-ādimāha. Tattha yathā samānepi assāsapassāsesu yogino paṭipattivīdhāne paccekam sakkaccaṃyeva paṭipajjitabbanti dassetuṃ visuṃ desanā katā, evaṃ tamevattham dīpetuṃ satipi atthassa samānatāya “**sakalassā**”ti-ādinā padadvayassa visuṃ visuṃ atthavaṇṇanā katāti veditabbanam. **Pākaṭam karontoti** vibhūtam karonto, sabbaso vibhāventoti attho. Pākaṭikaraṇam vibhāvanam tattha asammuyhanam nāṇeneva nesam pavattanena hotīti dassento “**evaṃ viditam karonto**”ti-ādimāha. Tattha **tasmāti** yasmā nāṇasampayuttacitteneva assāsapassāse pavatteti, na vippayuttacittena, tasmā evambhūto sabbakāyapaṭisaṃvedī assasissāmi passasissāmīti sikkhatīti vuccati buddhādīhīti yojanā. **Cuṇṇavicuṇṇavisateti** anekakalāpatāya cuṇṇavicuṇṇabhāvena visaṭe. **Ādi pākaṭo hoti** satiyā, nāṇassa ca vasena tathā pubbābhisaṅkhārassa<sup>1</sup> pavattattā. **Tādisena bhavitabbanti** catutthapuggaladisena bhavitabbanam, pageva satim, nāṇaṅca paccupaṭṭhapetvā tīsupi ṭhānesu nāṇasampayuttameva cittam pavattetabbanti adhippāyo.

**Evanti** vuttappakārena sabbakāyapaṭisaṃvedanavaseneva. **Ghaṭatīti** ussahati. **Vāyamātīti** vāyāmam karoti, manasikāram pavattetīti attho. **Tathābhūtassāti** ānāpānassatim bhāventassa. **Samvaroti**

1. Katapubbābhisaṅkhārassa (Sārattha-Ṭī 2. 193 piṭṭhe.)

sati, vīriyampi vā. **Tāya satiyāti** yā ānāpāne ārabbhā pavattā sati, tāya. **Tena manasikārenāti** yo so tattha satipubbaṅgamo bhāvanāmanasikāro, tena saddhinti adhippāyo. **Āsevatīti** “tisso sikkhāyo”ti vutte adhikusaladhamme āsevatī. Tadāsevanañhettha sikkhananti adhippetāṃ.

**Purimanayeti** purimasmiṃ bhāvanānaye, paṭhamavatthudvayeti adhippāyo. Tatthāpi kāmaṃ nāṇuppādanaṃ labbhateva assāsapassāsānaṃ yāthāvato dīgharassabhāvāvabodhasabbhāvato, tathāpi taṃ na dukkaraṃ yathāpavattānaṃ tesāṃ gahaṇamattabhāvatoṭi tattha vattamānakālappayogo kato. Idaṃ pana dukkaraṃ purisassa khuradhārāyaṃ gamanasadisāṃ, tasmā sātisayenettha pubbābhisaṅkhārena bhavitabbanti dīpetuṃ anāgatakālappayogo katoti imamatthaṃ dassetuṃ “**tattha yasmā**”ti-ādi vuttaṃ. Tattha **nāṇuppādanādīsūti ādi**-saddena kāyasaṅkhārapassambhanapītipaṭisaṃvedanādīṃ saṅgaṇhāti. Keci panettha “saṃvarasamādhānānaṃ<sup>1</sup> saṅgaho”ti vadanti.

**Kāyasaṅkhāranti** assāsapassāsāṃ. So hi cittasamuṭṭhānopi samāno karajakāyappaṭibaddhavuttitāya tena saṅkharīyatīti kāyasaṅkhāroṭi vuccati. Yo pana “kāyasaṅkhāro vacīsaṅkhāro”ti<sup>2</sup> evamāgato kāyasaṅkhāro cetanālakkhaṇo satipi dvārantaruppattiyāṃ yebhuyyavuttīyā, tabbahulavuttīyā ca kāyadvārena lakkhito, so idha nādhippeto.

**Passambhento**ti-ādīsu pacchimaṃ pacchimaṃ padaṃ purimassa purimassa atthavacanaṃ, tasmā passambhanaṃ nāma vūpasamanaṃ, tañca tathāpayoge asati uppajjanārahassa oḷārikassa kāyasaṅkhārassa payogasampattiyā anuppādananti daṭṭhabbaṃ. **Tatrāti** “oḷārikaṃ kāyasaṅkhāraṃ passambhento”ti ettha. **Apariggahitakāle**ti kammaṭṭhānassa anāraddhakāle, tato eva kāyacittānampi apariggahitakāle. “Nisīdati pallaṅkaṃ ābhujitvā ujum kāyaṃ paṇidhāyā”ti hi iminā kāyapariggaho, “parimukhaṃ satim upaṭṭhapetvā”ti iminā cittapariggaho vutto. Tenevāha “**kāyopi cittampi pariggahitā hontī**”ti. **Kāyoti** karajakāyo. **Sadarathāti** sapaṇiḷāhā,

1. Saṃvarasamādhānānaṃ (Sī, Ka)

2. Ma 1. 67 piṭṭhe.

sā canesaṃ sadarathatā garubhāvena viya oḷārikatāya avinābhāvinīti āha “**oḷārikā**”ti. **Balavatarā**ti sabalā<sup>1</sup> thulā. **Santāhontī**ti citta tāva bahiddhā vikkhepābhāvena ekaggaṃ hutvā kammaṭṭhānaṃ pariggahetvā pavattamānaṃ santaṃ hoti vūpasantaṃ, tato eva taṃsamūṭṭhānā rūpadhammā lahumudukammaññabhāvappattā, tadanuguṇatāya sesaṃ tisantatirūpanti evaṃ citte, kāye ca vūpasante pavattamāne tannissitā assāsapassāsā santasabhāvā anukkamena sukhumatarasukhumatamā hutvā pavattanti. Tena vuttaṃ “**yadā panassa kāyopi**”ti-ādi.

Ābhujanaṃ **ābhogo**, “passambhemi”ti paṭhamāvajjanā. Sammā anu anu āharaṇaṃ **samannāhāro**, tasmīnyeva atthe aparāvaram pavatta-āvajjanā. Tasseva atthassa manasi karaṇaṃ citte ṭhapaṇaṃ **manasikāro**. Vīmaṃsā **paccavekkhaṇā**.

**Sāradhetti** sadarathe sapariḷāhe. **Adhimattanti** balavaṃ oḷārikaṃ. Liṅgavipallāsenā vuttaṃ. Kāyasaṅkhāroti hi adhippeto. “Adhimattaṃ hutvā pavattati”ti kiriyāvisesanaṃ vā etaṃ. **Sukhumanti** etthāpi eseva nayo. **Kāyamhīti** ettha “citte cā”ti ānetvā sambandhitabbaṃ.

221. Paṭhamajjhānato vuṭṭhāya kariyamānaṃ dutiyajjhānassa nānāvajjanaṃ parikkammaṃ paṭhamajjhānaṃ viya dūrasamussāritapaṭipakkhanti katvā taṃsamūṭṭhāno kāyasaṅkhāro paṭhamajjhāne ca dutiyajjhānūpacāre ca oḷārikoti sadiso vutto. Esa nayo sesūpacāradvayepi. Atha vā dutiyajjhānādīnaṃ adhigamāya paṭipajjato dukkhāpaṭipadādivasena kilamato yogino kāyakilamathacittūpaghātādivasena, vitakkādīsaṅkhobhena ca sapariphandatāya cittappavattiyā dutiyajjhānādi-upacāresu kāyasaṅkhārassa oḷārikatā veditabbā. **Atisukhumoti** aññattha labbhamāno kāyasaṅkhāro catutthajjhāne atikkantasukhumo. Sukhumabhāvopissa tattha natthi, kuto oḷārikatā appavattanato. Tenāha “**appavattimeva pāpuṇāti**”ti.

---

1. Pabalā (Sī), bahalā (Ka), Sārattha-Ṭī 2. 194 piṭṭhe passitabbaṃ.

Lābhissa sato anupubbasaṃpattisaṃpajjanavelaṃ, ekāsaṇeṇeva vā sabbesaṃ jhānānaṃ paṭilābhaṃ sandhāya **majjhimabhāṇakā** heṭṭhimahetṭhimajjhānato uparūparijhānūpacārepi sukhumataṃ icchanti. Tattha hi sopacārānaṃ jhānānaṃ uparūpari viśesavantaṭā, santatā ca sambhaveyya, ekāvajjanūpacāraṃ vā sandhāya evaṃ vuttaṃ. Evañhi heṭṭhā vuttavādena imassa vādassa avirodho siddho bhinnavisayattā. **Sabbesaññevā**ti ubhayesampi. Yasmā te sabbepi vuccamāneṇa vidhinā passaddhimicchantiyeva. “**Apariggahitakāle pavattakāyasaṅkhāro pariggahitakāle paṭippassambhatī**”ti idaṃ sadisaṇatānāyā vuttaṃ. Na hi te eva oḷārikā assāsādayo sukhumā honti. Passambhanākāro pana neṣaṃ heṭṭhā vuttoyeva.

**Mahābhūtapariggahe sukhumoti** catudhātumukhena vipassanābhinivesaṃ sandhāya vuttaṃ. **Sakalarūpapariggahe sukhumo bhāvanāya** uparūpari paṇṭabhāvato. Tenevāha “**rūpārūpapariggahe sukhumo**”ti. **Lakkhaṇārammaṇikavipassanā**ti kalāpasammasanaṃmāha. Nibbidānupassanato paṭṭhāya **balavavipassanā**. Tato oraṃ **dubbalavipassanā**. **Pubbe vuttanayenā**ti “apariggahitakāle”ti-ādinā samathanāyā vuttana nāyena “apariggahe pavatto kāyasaṅkhāro mahābhūtapariggahe paṭippassambhatī”ti-ādinā vipassanānāyepi paṭippassaddhi yojetabbāti vuttaṃ hoti.

**Assā**ti imassa “passambhayaṃ kāyasaṅkhāraṃ”ti padassa. **Codanāsodhanā**hīti anuyogaparihārehi. **Evanti** idāni vuccamānakāreṇa.

**Kathanti** yaṃ idaṃ “passambhayaṃ -pa- sikkhatī”ti<sup>1</sup> vuttaṃ, taṃ kathaṃ kena pakāreṇa kāyasaṅkhāraṃ passambhanaṃ, yogino ca sikkhanaṃ hotīti kathetukakhyatāya pucchitvā kāyasaṅkhāre sarūpato, oḷārikasukhumato, vūpasamato, anuyogaparihārato ca dassetuṃ “**katame kāyasaṅkhārā**”ti-ādi āradhāṃ. Tattha **kāyikā**ti rūpakāyā bhavā. **Kāyapaṭibaddhā**ti kāyasannissitā. Kāyā sati honti, asati na honti, tato eva te akāyasamuṭṭhānāpi kāyena saṅkharīyanti **kāyasaṅkhārā**. **Passambhenti** oḷārikoḷārikaṃ passambhento. Sesapadadvayaṃ tasseva vevacaṇaṃ. Oḷārikañhi kāyasaṅkhāraṃ avūpasantasabhāvaṃ

sannisīdāpento “**passambhento**”ti vuccati, anuppādanirodham pāpento “**nirodhento**”ti, suṭṭhu santasabhāvaṃ nayanto “**vūpasamento**”ti.

**Yathārūpehī**ti yādisehi. **Kāyasaṅkhārehī**ti oḷārikehi kāyasaṅkhārehi. **Ānamanā**ti abhimukhabhāvena kāyassa namanā. **Vinamanā**ti visuṃ visuṃ passato namanā. **Sannamanā**ti sabbato, suṭṭhu vā namanā. **Paṇamanā**ti pacchato namanā. **Iñjanādīni** ānamanādīnaṃ vevacanāni, adhimattāni vā abhimukhaṃ calanādīni ānamanādayo, mandāni iñjanādayo. **Passambhayaṃ kāyasaṅkhāranti** tathārūpaṃ ānamanādīnaṃ kāraṇabhūtaṃ oḷārikaṃ kāyasaṅkhāraṃ passambhento. Tasmīṃ hi passambhite ānamanādayopi passambhitā eva honti.

**Santaṃ sukhumaṃ**ti yathārūpehi kāyasaṅkhārehi kāyassa aparipphandanahetūti ānamanādayo na honti, tathārūpaṃ darathābhāvato santaṃ, anoḷārikatāya sukhumaṃ. **Passambhayaṃ kāyasaṅkhāranti** sāmāññato ekaṃ katvā vadati. Atha vā pubbe oḷārikoḷārikaṃ kāyasaṅkhāraṃ paṭippassambhento anukkamena kāyassa aparipphandanahetubhūte sukhumasukhumatare uppādetvā tepi paṭippassambhetvā paramasukhumatāya koṭippattaṃ yaṃ kāyasaṅkhāraṃ paṭippassambheti, taṃ sandhāya vuttaṃ “**santaṃ sukhumaṃ passambhayaṃ kāyasaṅkhāraṃ**”ti.

**Itīti**-ādi codakavacanaṃ. Tattha **itīti** pakāratthe nipāto. **Kirāti** arucisūcane, evaṃ ceti attho. Ayañhettha adhippāyo—vuttappakārena yadi atisukhumampi kāyasaṅkhāraṃ passambhetīti. **Evaṃ santeti** evaṃ sati tayā vuttakāre labbhamāne. **Vātūpaladdhiyāti** vātassa upaladdhiyā. **Ca**-saddo samuccayattho, assāsādivātārammaṇassa cittassa pabhāvanā uppādanā pavattanā na hoti, te ca tena passambhetabbāti adhippāyo.

**Assāsapassāsānañca bhāvanāti** oḷārike assāsapassāse bhāvanāya paṭippassambhetvā sukhumānaṃ tesāṃ pabhāvanā ca na hoti, ubhayesaṃ tesāṃ tena paṭippassambhetabbato. **Ānāpānassatiyāti** ānāpānārammaṇāya satiyā ca pavattanaṃ na hoti, ānāpānānaṃ abhāvato. Tato eva taṃsampayuttassa **ānāpānassatisamādhissa ca pabhāvanā** uppādanāpi na hoti. Na hi kadāci ārammaṇena vinā sārammaṇadhammā sambhavanti. **Na canaṃ tanti ettha nanti**

nipātamattaṃ. Taṃ vuttavidhānaṃ samāpattiṃ paṇḍitā paññavanto na ceva samāpajjantipi tato na vuṭṭhahantipīti yojanā. Evaṃ codako sabbena sabbaṃ abhāvūpanayanaṃ passambhananti adhippāyena codeti.

Puna **iti kirāti**-ādi yathāvuttāya codanāya vissajjanā. Tattha **kirāti** “yadī”ti etassa atthe nipāto. Iti kira sikkhati, mahā vuttākārena yadi sikkhatīti attho. **Evaṃ santeti** evaṃ passambhane sati. **Pabhāvanā hotīti** yadipi oḷārikā kāyasaṅkhārā paṭippassambhanti, sukhumā pana atthevāti anukkamena paramasukhumabhāvappattassa vasena nimittupattiyā ānāpānassatiyā ānāpānassatisamādhissa ca pabhāvanā ijjhatevāti adhippāyo.

**Yathā kataṃ viyāti** yathāvuttavidhānaṃ taṃ kathaṃ viya daṭṭhabbaṃ, atthi kiñci tadatthasampañipādane opammanti adhippāyo. Idāni opammaṃ dassetuṃ “**seyyathāpi**”ti-ādi vuttaṃ. Tattha **seyyathāpi**ti opammatthe nipāto. **Kāmeti** kamsabhājane. **Nimittanti** nimittassa, tesaṃ saddānaṃ pavattākārassāti attho. Sāmi-atthe hi idaṃ upayogavacanaṃ. **Suggahitattāti** suṭṭhu gatitattā. **Sumanasikatattāti** suṭṭhu citte ṭhapitattā. **Sūpadhāritattāti** sammadeva upadhāritattā sallakkhitattā. **Sukhumakā saddāti** anurave āha, ye appakā. Appattho hi ayaṃ ka-saddo. **Sukhumasaddanimittārammaṇatāpīti** sukhumo saddova nimittaṃ sukhumasaddanimittaṃ, tadārammaṇatāyapi. Kim vuttaṃ hoti? Kāmaṃ tadā sukhumāpi saddā niruddhā, saddanimittassa pana suggahitattā sukhumatarasaddanimittārammaṇabhāvenāpi cittaṃ pavattati. Āditopaṭṭhāya hi tassa tassa niruddhassa saddassa nimittaṃ avikkhittena cittena upadhārentassa anukkamena pariyosāne atisukhumasaddanimittampi ārammaṇaṃ katvā cittaṃ pavattateva. **Cittaṃ na vikkhepaṃ gacchati** tasmiṃ yathā-upaṭṭhite nimitte samādhānasabbhāvato.

**Evaṃ santeti**-ādi vuttassevatthassa nigamanavasena vuttaṃ. Tattha yassa suttapadassa saddhiṃ codanāsodhanāhi attho vutto, taṃ uddharitvā kāyānupassanāsatipaññānāni vibhāgato dassetuṃ “**passambhayan**”ti-ādi vuttaṃ. Taṃ sabbaṃ vuttanayattā uttānameva.

222. **Ādikammikassa kammaṭṭhānavasenā**ti samathakammaṭṭhānaṃ sandhāya vuttaṃ. vipassanaṃ kammaṭṭhānaṃ pana itaracatukkesupi labbhateva. **Etthā**ti paṭhamacatukke. **Pañcasandhikanti** pañcapabbaṃ, pañcabhāganti attho.

**Kammaṭṭhānassa uggaṇṇanti** kammaṭṭhānaganthassa uggaṇṇanaṃ. Tadatthaparipucchā **kammaṭṭhānassa paripucchānā**. Atha vā ganthato, atthato ca kammaṭṭhānassa uggaṇṇanaṃ **uggaho**. Tattha saṃsayaparipucchānā **paripucchā**. **Kammaṭṭhānassa upaṭṭhānanti** nimittupaṭṭhānaṃ, evaṃ bhāvanamanuyuñjantassa “evamidhanimittaṃ upaṭṭhāti”ti upadhāraṇaṃ, tathā **kammaṭṭhānappanā** “evaṃ jhānamappeti”ti. **Kammaṭṭhānassa lakkhaṇanti** gaṇanānubandhanāphusaṇānaṃ vasena bhāvanaṃ ussukkāpetvā ṭhapanāya sampatti, tato parampi vā sallakkhaṇādivasena matthakappattīti kammaṭṭhānasabhāvassa sallakkhaṇaṃ. Tenāha “**kammaṭṭhānasabhāvūpadhāraṇanti vuttaṃ hoti**”ti.

**Attanāpi na kilamati** odhiso kammaṭṭhānassa uggaṇṇanato. Tato eva **ācariyampi na viheseti** dhammādhikaraṇampi<sup>1</sup> bhāvanāya matthakaṃ pāpanato. **Tasmā**ti taṃ nimittaṃ attano akilamana-ācariyāvihesanahetu. **Thokanti** thokaṃ thokaṃ. Uggahetabbato **uggaho**, sabbopi kammaṭṭhānavidhi, na pubbe vutta-uggahamattaṃ. Ācariyato uggaho **ācariyuggaho**, tato. **Ekapadampī**ti ekakoṭṭhāsampi.

223. **Anuvahanā**ti<sup>2</sup> assāsapassāsānaṃ anugamanavasena satiyā nirantaraṃ anupavattanā. **Phusanā**ti assāsapassāse gaṇentassa gaṇanaṃ paṭisaṃharitvā te satiyā anubandhantassa yathā appanā hoti, tathā cittaṃ ṭhapentassa ca nāsikaggādiṭṭhānassa nesaṃ phusanā. Yasmā pana gaṇanādivasena viya phusanāvasena visuṃ manasikāro natthi, phuṭṭhaphuṭṭhāṭṭhāneyeva gaṇanādi kātābanti dassetuṃ idha phusanāgahaṇanti dīpento “**phusanāti phuṭṭhāṭṭhānan**”ti āha. **Ṭhapanā**ti samādhānaṃ. Taṃ hi sammadeva ārammaṇe cittaṃ ādhānaṃ ṭhapanāṃ hoti. Tathā hi samādhi “cittaṃ ṭhitisāṭṭhitī”ti<sup>3</sup> niddiṭṭho. Samādhippadhānā pana appanāti āha “**ṭhapanāti appanā**”ti. Aniccatādīnaṃ sallakkhaṇato **sallakkhaṇā vipassanā**. Pavattato, nimittato ca vinivaṭṭanato **vivaṭṭanā** nāma maggo.

1. Dhammādhikaraṇampi vā (Sī, Syā), Sārattha-Ṭī 2. 206 piṭṭhe passitabbaṃ.

2. Anuvahanāti (Ka)

3. Abhi 1. 19 piṭṭhe.

Sakalasaṃkilesapaṭippassaddhibhāvato sabbaso suddhīti **pārisuddhi phalaṃ**. **Tesanti** vivaṭṭanāpārisuddhīnaṃ. **Paṭipassanāti** paṭi paṭi dassanaṃ pekkhanaṃ. Tenāha “**paccavekkhaṇā**”ti.

**Khaṇḍanti** ekaṃ tīṇi pañcāti evaṃ gaṇanāya khaṇḍanaṃ. **Okāseti** gaṇanavidhiṃ sandhāyāha. **Gaṇananissitova** na kammaṭṭhānanissito. “**Sikhāpattaraṃ nu kho**”ti idaṃ cirataraṃ gaṇanāya manasi karontassa vasena vuttaṃ. So hi tathā laddhaṃ avikkhepamattaṃ nissāya evaṃ maññeyya. “**Assāsa passāsesu yo upaṭṭhāti, taṃ gahetvā**”ti idaṃ assāsapassāsesu yassa ekova paṭhamaṃ upaṭṭhāti, taṃ sandhāya vuttaṃ, yassa pana ubhopi upaṭṭhahanti, tena ubhayampigahetvā gaṇetabbaṃ. “**Yo-upaṭṭhāti**”ti iminā ca dvīsu nāsāpuṭavātesu yo pākaṭataro upaṭṭhāti, so gahetabboti ayampi attho dīpitoti daṭṭhabbaṃ. **Pavattamānaṃ pavattamānanti** āmedibhavadanena nirantaraṃ assāsapassāsānaṃ upalakkhaṇaṃ dasseti. **Evanti** vuttappakārena upalakkhetvāvāti attho. **Pākaṭā honti** gaṇanāvasena bahiddhā vikkhepābhāvato.

Palighassa parivattanaṃ<sup>1</sup>, taṃ yattha nikkhipanti, so **palighatthambho tiyāmarattinti** accantasamyoge upayogavacanaṃ. **Purimanayenāti** sīghagaṇanāya, gopālakagaṇanāyāti attho. **Eko dve tīṇi cattāri pañcāti** gaṇanāvidhidassanaṃ. Tasmā **aṭṭhāti-ādīsupi** ekato paṭṭhāyeva paccekam aṭṭhādīni pāpetabbāni. **Sīghaṃ sīghaṃ gaṇetabbameva** kasmāti tattha kāraṇaṃ, nidassanañca dasseti “**gaṇanapaṭibaddhe hī**”ti-ādinā. Tattha arīyati tena nāvāti arittaṃ, pājanadaṇḍo. Arittena upatthambhanaṃ **arittupatthambhanaṃ**, tassa vasena.

Nippariyāyato nirantarappavatti nāma ṭhapanāyamevāti āha “**nirantaraṃ pavattaṃ viyā**”ti. Anto pavisantaṃ vātaṃ manasi karonto anto cittaṃ paveseti nāma. Bahi cittaṇiharaṇepi eseva nayo. **Vātabbhāhatanti** abbhantaragataṃ vātaṃ bahulaṃ manasi karontassa vātena taṃ ṭhānaṃ abbhāhataṃ viya, medena pūritaṃ viya ca hoti, tathā upaṭṭhāti. **Nīharato**

---

1. Palighamsaparivattanaṃ (Sī)



phuṭṭhokāsaṃ muñcitvā, tathā pana nīharato vātassa  
gatisamannesanamukhena nānārammaṇesu cittaṃ vidhāvatīti āha  
“**puṭṭhārammaṇe cittaṃ vikkipatī**”ti.

**Etanti** etaṃ assāsapassāsajātaṃ.

224. **Anugamananti** pavattapavattānaṃ assāsapassāsānaṃ  
ārammaṇakaraṇavasena satiyā anu anu pavattanaṃ anugacchanaṃ.  
Tenevāha “**tañca kho na ādimajjhapariyosānānugamanavasenā**”ti. **Nābhi ādi**  
tatha paṭhamaṃ uppajjanato. Paṭhamuppattivasena hi idha ādicintā, na  
uppattimattavasena. Tathā hi te nābhito paṭṭhāya yāva nāsikaggā sabbattha  
uppajjanteva. Yattha yattha ca uppajjanti, tattha tatheva bhijjanti  
dhammānaṃ gamanābhāvato. Yathāpaccayaṃ pana desantaruppattiyaṃ  
gatisamaññā. **Hodayaṃ majjhanti** hadayasamīpaṃ tassa uparibhāgo  
majjhaṃ. **Nāsikaggaṃ<sup>1</sup> pariyoṣānanti** nāsikaṭṭhānaṃ tassa pariyoṣānaṃ  
assāsapassāsasamaññāya tadavadhibhāvato. Tathā hete “**cittasamuṭṭhānā**”ti  
vuttā, na ca bahiddhā cittasamuṭṭhānānaṃ sambhavo atthi. Tenāha  
“**abbhantaraṃ pavisanavātassa nāsikaggaṃ ādi**”ti.  
Pavisananikkhamaṇapariyāyo pana taṃsadisavasena vuttoti veditabbo.  
**Vikkhepagatanti** vikkhepaṃ upagataṃ, vikkhittaṃ asamāhitaṃ attho.  
**Sāraddhāyāti** sadarathabhāvāya. **Iñjānāyāti** kammaṭṭhānāmanasikārassa  
calanāya.

**Vikkhepagatena cittenāti** hetumhi karaṇavacanaṃ, itthambhūtalakkhaṇe  
vā. **Sāraddhāti** sadarathā. **Iñjitāti** iñjanakā calanakā. Tathā **phanditā**.

**Ādimajjhapariyosānavasenāti** ādimajjhapariyosānānugamanavasena na  
manasi kātabbanti sambandho. “Anubandhanāya manasi karontena  
phusanāvasena ca ṭhapanāvasena ca manasi kātabban”ti yenādhippāyena  
vuttaṃ, taṃ vivarituṃ “**gaṇanānubandhanāvasena viyā**”ti-ādimāha. Tattha  
**visuṃ manasikāro natthīti** gaṇanāya, anubandhanāya ca vinā yathākkamaṃ  
kevalaṃ phusanāvasena, ṭhapanāvasena ca kammaṭṭhānāmanasikāro natthi.  
Nanu phusanāya vinā ṭhapanāya viya, phusanāya vinā gaṇanāyapi  
manasikāro natthiyeva? Yadi pi natthi, gaṇanā pana yathā  
kammaṭṭhānāmanasikārassa mūlabhāvato

---

1. Nāsikā (Sī, Syā, Ka)

padhānabhāvena gahetabbā, evaṃ anubandhanā ṭhapanāya, tāya vinā ṭhapanāya asambhavato. Tasmā satipi phusanāya nānantarikabhāve gaṇanānubandhanā eva mūlabhāvato padhānabhāvena gahetvā itarāsaṃ tadabhāvaṃ dassento āha “**gaṇanānubandhanāvasena viya hi phusanāṭhapanāvasena visum manasikāro natthī**”ti. Yadi evaṃ tā kasmā uddese visum gahitāti āha “**phuṭṭhaphuṭṭhatṭhāneye vā**”ti-ādi. Tattha “**phuṭṭhaphuṭṭhatṭhāneyeva gaṇento**”ti iminā gaṇanāya phusanā aṅgati dasseti. Tenāha “**gaṇanāya ca phusanāya ca manasi karotī**”ti. Tatthevāti phuṭṭhaphuṭṭhatṭhāneyeva. Teti assāsapassāse. **Satiyā anubandhantoti** gaṇanāvīthim anugantvā satiyā nibandhanto<sup>2</sup>, phuṭṭhokāseyeva te nirantaram upadhārentoti attho. **Appanāvasena cittaṃ ṭhapentoti** yathā appanā hoti, evaṃ yathā-upaṭṭhite nimitte cittaṃ ṭhapento samādahanto. **Anubandhanāya cāti-ādīsu** anubandhanāya ca phusanāya ca ṭhapanāya ca manasi karotīti vuccatīti yojanā. **Svāyamatthoti** yvāyaṃ “phuṭṭhaphuṭṭhatṭhāneyeva gaṇento, tattheva gaṇanam paṭisamharitvā te satiyā anubandhanto”ti ca vutto, so ayamattho. Yā accantāya na minoti na vinicchīnāti, sā mānassa samīpeti **upamā** yathā “goṇo viya gavayo”ti.

225. **Paṅguloti** pīṭhasappī. **Dolā** pekholo<sup>3</sup>. **Kīlatanti** kīlantānam. **Mātāputtānanti** attano bhariyāya, puttassa ca. **Ubho koṭiyoti** āgacchantassa purimakotiṃ, gacchantassa pacchimakoṭinti dvepi koṭiyo. **Majjhanti** dolāphalakasseva majjham. Upanibandhanathambho viyāti **upanibandhanathambho**, nāsikaggam, mukhanimittam vā, tassa **mūle** samīpe **ṭhatvā**. Katham ṭhatvā? Satiyā vasena. Satiñhi tattha sūpaṭṭhitam karonto yogāvacarō tattha ṭhito nāma hoti, avayavadhammena samudāyassa apadisitabbato. **Nimitteti** nāsikaggādinimitte. **Satiyā nisīdantoti** sativasena nisīdanto. “Satiñhi tatthā”ti-ādinā ṭhāne viya vattabbam. **Tatthāti** phuṭṭhaphuṭṭhatṭhāne.

1. Nāntariyakabhāve (Sī), nānantariyakabhāve (Syā)

2. Anubandhanto (Sī, Syā)

3. Pekhoso (Sī, Syā), preñkholo (Sakkata), pokhepo (Ka)

226. **Teti** nagarassa antobahigatā manussā, tesaṃ saṅghā ca hatthagatā.

227. **Ādīto paṭṭhāyāti** upameyyatthadassanato paṭṭhāya. Gāthāyaṃ **nimittanti** upanibandhanānimittam. **Anārammaṇamekacittassāti** ekassa cittassa na ārammaṇam, ārammaṇam na hontīti attho. **Ajānato ca tayo dhammeti** nimittam assāso passāsoti ime tayo dhamme ārammaṇakaraṇavasena avindantassa. **Ca-saddo** byatireke. **Bhāvanāti** ānāpānassatisamādhībhāvanā. **Nupalabbhatīti** na upalabbhati na sijjhatīti ayaṃ codanāgāthāya attho, dutiyā pana parihāragāthā suviññeyyāva.

**Kathanti** tāsam attham vivaritam kathetukamyatāpucchā. **Ime tayo dhammāti**-ādīsu padayojanāya saddhim ayamatthaniddeso—ime nimittādayo tayo dhammā ekacittassa katham ārammaṇam na honti, tathāpi na cime na ca ime tayo dhammā aviditā honti, katham na ca honti aviditā? Tesañhi aviditatte cittañca katham vikkhepam na gacchati, padhānañca bhāvanāya nipphādakam vīriyañca katham paññāyati, nīvaraṇānam vikkhambhakam sammadeva samādhānāvaham bhāvanānuyogasaṅkhātam payogañca yogī katham sādheti, uparūpari lokiyalokuttarañca visesaṅkathamadhigacchatīti.

Idāni tamattham kakacūpamāya sādhetum “**seyyathāpi**”ti-ādi vuttam. Bhūmibhāgassa visamatāya cañcale rukkhe chedanakiriyā na sukarā siyā, tathā ca satī kakacadantagati dubbīññeyyāti āha “**same bhūmibhāge**”ti.

**Kakacenāti** khuddakena kharapattena. Tenāha “**puriso**”ti.

**Phuṭṭhakakacadantānanti** phuṭṭhaphuṭṭhakakacadantānam vasena. Tena kakacadantehi phuṭṭhaphuṭṭhatṭhāneyeva purisassa satiyā upaṭṭhānam dasseti. Tenāha “**na āgatā vā gatā vā kakacadante manasi karotī**”ti.

Kakacassa ākaḍḍhanakāle purisābhimukham pavattā āgatā. Pellanakāle tato vigatā “gatā”ti vutto. **Na ca āgatā vā gatā vā kakacadantā aviditā honti** sabbattha satiyā upaṭṭhitattā chinditabbaṭṭhānam aphasitvā acchantānam, āgacchantānañca kakacadantānam abhāvato. **Padhānanti** rukkhasa

chedanavīriyaṃ. **Payoganti** tasseva chedanakiriyaṃ. **Visesanti** anekabhāvāpādanāṃ, tena ca sādhetabbaṃ payojanavisesaṃ.

**Yathā rukkhoti**-ādi upamāsamsandanāṃ. Upanibandhati ārammaṇe cittaṃ etāyāti sati upanibandhanā nāma, tassā assāsapassāsānaṃ sallakkhaṇassa nimittanti **upanibandhanānimittaṃ**, nāsikaggaṃ, mukhanimittaṃ vā. **Evamevāti** yathāpi so puriso kakacena rukkhaṃ chindanto āgatagate kakacadante amanasikarontopi phuṭṭhaphuṭṭhāṭṭhāneyeva satiyā upaṭṭhapanena āgatagate kakacadante jānāti, suttapadañca avirajjhanto atthakiccaṃ sādheti, evameva. **Nāsikagge mukhanimitteti** dīghanāsiko nāsikagge itaro mukhaṃ dasanaṃ<sup>1</sup> nimīyati chādīyati etenāti mukhanimittanti laddhanāme uttaroṭṭhe.

**Idaṃ padhānanti** yena vīriyārambhena āraddhavīriyassa yogino kāyopi cittampi kammaniyaṃ bhāvanākammakkhamaṃ bhāvanākammayoggaṃ hoti, idaṃ vīriyaṃ padhānanti phalena hetuṃ dasseti. **Upakkilesā pahīyantīti** cittassa upakkilesabhūtāni nīvaraṇāni vikkhambhanavasena pahīyanti. **Vitakkā vūpasamantīti** tato eva kāmavitakkādayo micchāvitakkā upasamaṃ gacchanti, nīvaraṇappahānena vā paṭhamajjhānādhiḡamaṃ dassetvā vitakkavūpasamāpadesena dutiyajjhādīnamadhiḡamamāha. **Ayaṃ payogoti** ayaṃ jhānādhiḡamassa hetubhūto kammaṭṭhānānuyogo payogo. **Samyojanā pahīyantīti** dasapi samyojanāni maggapaṭipāṭiyā samucchavedavasena pahīyanti. **Anusayā byantī hontīti** tathā sattapi anusayā anuppattidhammatāpādanena bhaṅgamattassapi anavasesato vigatantā honti. Ettha ca samyojanappahānaṃ nāma anusayanirodheneva hoti, pahīnesu ca samyojanesu anusayānaṃ lesopi na bhavissatīti ca dassanatthaṃ “**samyojanā pahīyanti anusayā byantī hontī**”ti vuttaṃ. **Ayaṃ visesoti** imaṃ samādhiraṃ nissāya anukkamena labbhamāno ayaṃ samyojanappahānādiko imassa samādhissa visesoti attho.

**Yassāti** yena. **Anupubbanti** anukkamena. **Paricitāti** pariciṇṇā. Ayaṃ hettha saṅkhepattho—ānāpānassati yathā buddhena bhagavatā

---

1. Āssaṃ (Sī), asanaṃ (Syā, Ka)

desitā, tatheva yena dīgharassapaḷāṇanādividhinā anupubbaṃ paricitā suṭṭhu bhāvitā, tato eva paripuṇṇā soḷasannaṃ vatthūnaṃ pāripūriyā sabbaso puṇṇā. So bhikkhu imaṃ attano khandhādilokaṃ paññobhāsenā pabhāseti. Yathā kiṃ abbhā muttova candimā abbhupakkhilesavimutto candimā tāraḷarājā viyāti.

**Idhāti** kakacūpamāyaṃ. **Assāti** yogino. **Idhāti** vā imasmiṃ ṭhāne. **Assāti** upamābhūtaṃ kakacassa. Āgatagatavasena yathā tassa purissa amanasikāro, evaṃ assāsapassāsānaṃ **āgatagatavasena amanasikāramattameva payojanaṃ**.

228. **Nimittanti** paṭibhāganimittaṃ. **Avasesajhānaṅgaṭṭimaṇḍitāti** appanāvitakkādi-avasesajhānaṅgaṭṭimaṇḍitāti vadanti, vicāradīti<sup>1</sup> pana vattabbaṃ nipariyāyena vitakkassa appanābhāvato. So hi pāliyaṃ “appanā byappanā”ti<sup>2</sup> niddiṭṭho, taṃsampayogato vā yasmā jhānaṃ “appanā”ti aṭṭhakathāvohāro, jhānaṅgesu ca samādhi padhānaṃ, tasmā taṃ “appanā”ti dassento “**avasesajhānaṅgaṭṭimaṇḍitā appanāsaṅkhātā ṭhapanā ca sampajjati**”ti āha. **Kassaci pana gaṇanāvaseneva manasikāraḷalato pabhutīti** ettha “**anukkamato -pa- laṅghanāḷarappattaṃ viya hotī**”ti ettaḷo gantho parihiṇo.

**Sāraddhakāyassa** kassaci puggalassa. **Onamati** paṭṭikādīnaṃ<sup>3</sup> palambanena. **Vikūjati**ti saddaṃkaroti. Gattānisadakappaṛādīnaṃ<sup>4</sup> sandhiṭṭhānesu **valiṃ gaṇhāti** tattha tattha valitaṃ hoti. Kasmā? Yasmā sāraddhakāyo garuko hotīti kāyadarathavūpasameṇa saddhiṃ sijjhamāno oḷārika-assāsapassāsānirodho byatirekamukhena tassa sādhanāṃ viya vutto. **Oḷārika-assāsapassāsānirodhavasenāti** anvayaṇasena tadatthasādhanāṃ. Tattha **kāyadarathe vūpasanteti** cittajarūpānaṃ lahumudukammaññabhāveṇa yo sesatisantatirūpānampi lahu-ādibhāvo, so idha kāyassa lahubhāvoti adhippeto. Svāyaṃ yasmā cittassa lahu-ādibhāveṇa vinā natthi, tasmā vuttaṃ “**kāyopi cittampi lahuḷaṃ hotī**”ti.

1. Vicāradīnīti (Sī)

2. Abhi 1. 18 piṭṭhe.

3. Paṭṭikādīnaṃ (Syā, Ka)

4. Gattanettakappaṛādīnaṃ (Sī), vattanettha kuppalādīnaṃ (Syā)

**Oḷārike assāsapassāse niruddheti-**ādi heṭṭhā vuttanayampi vicetabbākārappattassa kāyasaṅkhārassa vicayanavidhiṃ dassetuṃ ānītaṃ.

229. **Uparūpari vibhūtānī**ti bhāvanābalena uddham uddham pākaṭāni honti. **Desatoti** pakatiyā phusanadesato, pubbe attanā phusanavasena upadhāritaṭṭhānato.

“**Kattha natthī**”ti ṭhānavasena, “**kassa natthī**”ti puggalavasena vīmaṃsiyamānamattham ekajjham katvā vibhāvetuṃ “**antomātukucchiyan**”ti-ādi vuttaṃ. Tattha yathā udake nimuggassa puggalassa niruddhokāsatāya assāsapassāsā na pavattanti, evaṃ antomātukacchiyaṃ. Yathā matānaṃ samuṭṭhāpakacittābhāvato, evaṃ asaṅgībhūtānaṃ mucchāparetānaṃ, asaṅgīsu vā jātānaṃ, tathā nirodhasamāpanānaṃ. Catutthajjhānasamāpanānaṃ pana dhammatāvaseneva nesaṃ anuppajjanaṃ, tathā rūpārūpabhavasamaṅgīnaṃ. Keci pana “anupubbato sukhumabhāvappattiyā catutthajjhānasamāpanassa, rūpabhava rūpānaṃ bhavaṅgassa ca sukhumabhāvato rūpabhavasamaṅgīnaṃ natthī”ti kāraṇaṃ vadanti<sup>1</sup>. **Atthiyeva te assāsapassāsā** pariyesatoti<sup>2</sup> adhippāyo, yathāvuttasattaṭṭhānavinimuttassa assāsapassāsānaṃ anuppajjanaṭṭhānassa abhāvato. **Pakatiphuṭṭhavasena**ti pakatiyā phusaṇaṭṭhānavasena. **Nimittaṃ ṭhapetabbanti** satiyā tattha tattha sukhappavattanattham thiratarasaṅjānaṃ pavattetabbaṃ. Thirasaṅgīpadaṭṭhānā hi sati. **Imamevā**ti imaṃ eva anupaṭṭhahantassa thirasaṅgīpadaṭṭhānā hi sati. **Imamevā**ti imaṃ eva anupaṭṭhahantassa kāyasaṅkhārassa kaṅṭakuṭṭhāpananayena<sup>3</sup> upaṭṭhāpanavidhimeva. **Atthavasanti** hetuṃ. **Atthoti** hi phalaṃ, so yassa vasena pavattati, so attavasoti. **Muṭṭhassatissāti** vinaṭṭhassatissa. **Asampajānassāti** sampajāṅgārahitassa, bhāventassa anukkamena anupaṭṭhahante assāsapassāsevīmaṃsitvā “ime te”ti upadhāretuṃ, sammadeva pajānituṅca samatthāhi satipaṅgīhi virahitassāti adhippāyo.

230. **Ito aṅgānaṃ** kammaṭṭhānaṃ. **Garukanti** sāriyaṃ. Sā cassa garukatā bhāvanāya sudukkarabhāvenāti āha “**garukabhāvanan**”ti.

1. Sukhumabhāvappattiyāti kāraṇaṃ vadanti (Sī)

2. Parisesatoti (Syā), pārisesatoti (Sārattha-Ṭī 2. 217 piṭṭhe.)

3. Kandukuṭṭhāpananayena (Sī), kandakuṭṭhāpananayena (Syā)

Uparūpari santasukhumabhāvappattito “balavatī suvisadā sūrā ca satipaññā ca icchitabbā”ti vatvā sukhumassa nāma atthassa sādhanenāpi sukhumeneva bhavitabbanti dassetuṃ “**yathā hī**”ti-ādi vuttam. Idāni anupaṭṭhahantānaṃ assāsapassāsānaṃ pariyesanupāyaṃ dassento “**tāhi ca panā**”ti-ādimāha. Tattha **gocaramukheti** gocarābhimukhe. **Anupadanti** padānupadaṃ. **Caritvāti** gocaraṃ gahetvā. **Tasmimyeva ṭhāneti** upanibandhanānimittasaññitaṭṭhāne. **Yojetvāti** manasikārena yojetvā. **Satirasmiyā bandhitvāti** vā vuttamevatthamāha “**tasmimyeva ṭhāne yojetvā**”ti. Na hi upameyye bandhanayojanaṭṭhānāni visuṃ labbhanti.

231. **Nimittanti** uggahanimittam, paṭibhāganimittam vā. Ubhayampi hi idha ekajjham vuttam. Tathā hi tūlapicu-ādi-upamattayaṃ uggāhe yujjati, sesam ubhayattha. **Ekacceti** eke ācariyā.

**Tārakarūpaṃ viyāti** tārakāya patārūpaṃ viya. Maṇiguḷikādi-upamā paṭibhāge vaṭṭanti. Kathaṃ panetaṃ ekaṃyeva kammaṭṭhānaṃ anekākārato upaṭṭhātīti āha “**tañca panetan**”ti-ādi. **Suttantanti** ekaṃ suttam. Paṇḍappavattibhāvena avicchedaṃ, mahāvisayatañca sandhāyāha “**mahatī pabbateyyā nadī viyā**”ti. Attabyañjanasampattiyā samantabhaddakaṃ suttam sabbabhāgamanoharā sabbapāliphullā vanaghaṭā viyāti āha “**ekā vanarāji viyā**”ti. Tenāha bhagavā “vanappagumbe yatha phussitagge”<sup>1</sup>. Nānānusandhikaṃ nānāpeyyālaṃ vividhanayanipuṇaṃ bahuvividhakammaṭṭhānamukhasuttantaṃ atthikehi sakkaccaṃ samupajīvitabbanti āha “**sītaccāyo -pa- rukkho viyā**”ti. **Saññānānatāyāti** nimittupaṭṭhānato pubbeva pavattasaññānaṃ nānāvīdhabhāvato.

**Ime tayo dhammāti** assāso, passāso, nimittanti ime tayo dhammā. **Natthīti** kammaṭṭhānavasena manasikātabbhāvena natthi na upalabbhanti. **Na ca upacāranti** upacāraṃpi na pāpuṇāti, pageva appananti adhippāyo. **Yassa panāti** vijjamānapakkho vuttanayānusārena veditabbo.

Idāni vuttasseva atthassa samatthanatthaṃ kakacūpamāyaṃ āgatā “**nimittan**”ti-ādikā gāthā paccānītā.

1. Khu 1. 7, 314 piṭṭhesu.

232. **Nimitteti** yathāvutte paṭibhāganimitte. **Evaṃ hotīti** bhāvanamanuyuttassa eva hoti. Tasmā “punappunaṃ evaṃ manasi karohī”ti vattabbo. **Vosānaṃ āpajjeyyāti** “nimittaṃ nāma dukkaraṃ uppādetuṃ, tayidaṃ laddhaṃ, handāhaṃ dāni yadā vā tadā vā visesaṃ nibbattessāmi”ti saṅkocaṃ āpajjeyya. **Viśideyyāti** “ettakaṃ kālaṃ bhāvanamanuyuttassa nimittampi na uppannaṃ, abhabbo maññe visesassa”ti visādaṃ āpajjeyya.

“Imāya paṭipadāya jarāmaṇaṇato muccissāmīti paṭipannassa nimittan”ti vutte kathaṃ saṅkocāpatti, bhiiyoso mattāya ussāhameva kareyyāti **“nimittamidaṃ -pa- vattabbo”**ti **majjhimabhāṇakā** āhu. **Evanti** vuttappakārena paṭibhāganimitteyeva bhāvanācittassa ṭhapanena. **Ito pabhuṭīti** ito paṭibhāganimituppattito paṭṭhāyaṃ. Pubbe yaṃ vuttaṃ “anubandhanāya ca phusaṇāya ca ṭhapanāya ca manasi karotī”ti<sup>1</sup>, tattha anubandhanaṃ, phusaṇāya ca viśajjetvā **ṭhapanāvasena bhāvanā hotīti** ṭhapanāvaseneva bhāvetabbanti attho.

**Porāṇehi** vuttovāyamatthoti **“nimitte”**ti gāthamāha. Tattha **nimitteti** paṭibhāganimitte. **Ṭhapaṇāyaṃ cittanti** bhāvanācittaṃ ṭhapanāyaṃ, ṭhapanāvasena manasi karontoti attho. **Nānākāraṇti** “cāthāro vaṇṇā”ti<sup>2</sup> evaṃ vuttaṃ nānākāraṃ. Ākārasāmaññavasena hetuṃ ekavacanaṃ. **Vibhāvayanti** vibhāvento antaradhāpento. Nimittuppattito paṭṭhāya hi te ākāraṃ amanasikaroto antarahitā viya honti. **Assāsapassāseti** assāsapassāse yo nānākāro. Taṃ vibhāvayaṃ, assāsapassāsasambhūte vā nimitte. **Sakaṃ cittaṃ nibandhatīti** tāya eva ṭhapanāya attano cittaṃ upanibandhati, appetīti attho. Ye pana “vibhāvayanti vibhāvento viditaṃ pākaṭaṃ karonto”ti atthaṃ vadanti, taṃ pubbabhāgavasena yujjeyya. Ayañhettha attho—  
dhitisampannatā **dhīro** yogī assāsapassāse nānākāraṃ vibhāvento nānākāro te pajānanto vidite pākaṭe karonto, nānākāraṃ vā oḷārikoḷārike passambhento vūpasamento tattha yaṃ laddhaṃ nimittaṃ, tasmim cittaṃ ṭhapanāyaṃ anukkamena sakaṃ cittaṃ nibandhati appetīti.

1. Visuddhi 1. 272 piṭṭhe.

2. Visuddhi 1. 265; Vi-Ṭṭha 2. 216; Paṭisaṃ-Ṭṭha 2. 90 piṭṭhādīsu.



**Vaṇṇatoti** picupiṇḍatārakarūpādīsu viya upaṭṭhitavaṇṇato. **Lakkhaṇatoti** kharabhāvādisabhāvato, aniccādilakkhaṇato vā. Rakkhitabbaṃ taṃ nimittanti sambandho. Nimittassa rakkhaṇaṃ nāma tattha paṭiladdhassa upacārajhānassa rakkhaṇeneva hotīti āha “**punappunaṃ manasikāravasena vuddhiṃ virūliṃ gamayitvā**”ti.

233. **Etthāti** etissaṃ kāyānupassanāyaṃ. **Pārisuddhiṃ pattukāmoti** adhigantukāmo, samāpajjitukāmo ca, tattha sallakkhaṇāvivaṭṭanāvasena adhigantukāmo, sallakkhaṇāvasena samāpajjitukāmoti yojetabbaṃ. **Nāmarūpaṃ vavatthapetvā vipassanaṃ paṭṭhapetīti** saṅkhepato vuttamatthaṃ vitthārato dassetuṃ “**kathan**”ti-ādi vuttaṃ. Tattha **yathāhīti**-ādi kāyassa, cittassa ca assāsapassāsānaṃ samudayabhāvadassanaṃ. **Kammāragaggiyāti** kammārānaṃ ukkāyaṃ aggidhamanabhastā. **Dhamamānāyāti** dhamayantiyā, vātaṃ gāhāpentiyāti attho. **Tajjanti** tadanurūpaṃ. **Evamevāti** ettha kammāragaggiyā viya karajakāyo, vāyāmo viya cittaṃ daṭṭhabbaṃ. Kiñcāpi assāsapassāsā cittasamuṭṭhānā, karajakāyaṃ pana vinā tesāṃ appavattanato “**kāyaṇca cittaṇca paṭicca assāsapassāsā**”ti vuttaṃ.

**Tassāti** nāmarūpassa. **Paccayaṃ pariyesatīti** “avijjāsamudayā rūpasamudayo”ti-ādinā<sup>1</sup> avijjādikaṃ paccayaṃ vīmaṃsati pariggaṇhāti. **Kaṅkhaṃ vitaratīti** “ahosiṃ nu kho ahaṃ atītamaddhānaṃ”ti<sup>2</sup> ādinayappavattaṃ soḷasavatthukaṃ vicikicchaṃ atikkamati pajahati. “Yaṃ kiñci rūpaṃ atītānāgatappaccuppannaṃ”ti<sup>3</sup> ādinayappavattaṃ **kalāpasammasanaṃ. Pabbabhāgeti** paṭipadāñānadassanavisuddhipariyāpannāya udayabbayānupassanāya pabbabhāge **uppanne. Obhāsādayoti** obhāso ñāṇaṃ pīti passaddhi sukhaṃ adhimokkha paggaḥo upekkhā upaṭṭhānaṃ nikaṇṭīti ime obhāsādayo dasa. **Udayaṃ pahāyāti** udayabbayānupassanāya gahitaṃ saṅkhārānaṃ udayaṃ vissajjetvā tesāṃ bhaṅgasseva anupassanato bhaṅgānupassanaṃ ñāṇaṃ **patvā** ādinavānupassanāpubbaṅgamāya nibbidānupassanāya **nibbindanto**. Muñcitukamyatāpaṭisaṅkhānupassanāsaṅkhārupekkhānulomañāṇaṃ ciṇṇapariyante uppannagotrabbhuñāṇānantaraṃ uppannaena maggañāṇena sabbasaṅkhāresu **virajjanto vimuccanto**.

1. Khu 9. 53 piṭṭhe Paṭisambhidāmagge.

2. Ma 1. 10; Saṃ 1. 265 piṭṭhesu.

3. Ma 1. 282, 297; Ma 3. 67; Aṃ 1. 490 piṭṭhādīsu.

Maggakkhaṇe hi ariyo virajjati vimuccatīti ca vuccati. Tenāha

**“yathākkamena cattāro ariyamagge pāpuṇitvā”**ti.

Maggaphalanibbānapahīnāvasiṭṭhakilesasaṅkhātassa paccavekkhitabbassa pabhedena **ekūnavīsati**hedassa****. Arahato hi avasiṭṭhakilesābhāvena ekūnavīsatiṭā. **Assāti** ānāpānakammaṭṭhānikassa.

#### 234. **Visuṃ kammaṭṭhānabhāvanānayo nāma natthi**

paṭhamacatukkavasena adhigatajhānassa

vedanācittadhammānupassanāvasena desitattā. **Tesanti** tiṇṇaṃ catukkānaṃ.

**Pītipaṭisaṃvedīti** pītiyā paṭi paṭi sammadeva vedanāsīlo, tassā vā paṭi paṭi sammadeva vedo etassa atthi, taṃ vā paṭi paṭi sammadeva vedayamāno. Tattha kāmaṃ saṃvedana-ggahaṇeneva pītiyā sakkaccaṃ viditabhāvo bodhito hoti, yehi pana pakārehi tassā saṃvedanaṃ icchitaṃ, taṃ dassetuṃ **paṭi-saddaggahaṇaṃ** “paṭi paṭi saṃvedīti paṭisaṃvedī”ti. Tenāha **“dviḥākārehi”**ti-ādi.

Tattha **kathaṃ ārammaṇato pīti paṭisaṃviditā hotīti** pucchāvacaṇaṃ. **Sappīṭike dve jhāne samāpajjati**ti pītisahagatāni dve paṭhamadutiya**jhānāni** paṭipāṭiyā samāpajjati. **Tassāti** tena. “Paṭisaṃviditā”ti hi padaṃ apekkhitvā kattu-atthe etaṃ sāmivacaṇaṃ. **Samāpattikkhaṇeti** samāpanakkhaṇe. **Jhānapaṭilābhenāti** jhānena samaṅgibhāvena. **Ārammaṇatoti** ārammaṇamukhena, tadārammaṇajhānapariyāpannā pīti paṭisaṃviditā hoti **ārammaṇassa paṭisaṃviditattā**. Kim vuttiṃ hoti? Yathā nāma sappapariyesanaṃ carantena tassa āsaye paṭisaṃvidite sopi paṭisaṃvidito gahito eva hoti mantāgadabalena tassa gahaṇassa sukarattā, evaṃ pītiyā āsayabhūte ārammaṇe paṭisaṃvidite sā pīti paṭisaṃviditā eva hoti salakkhaṇato, sāmāññato ca tassā gahaṇassa sukarattāti.

Kathaṃ asammoḥato pīti paṭisaṃviditā hotīti ānetvā sambandhitabbaṃ. **Vipassanākkhaṇeti** vipassanāpaññāya tikkhavisadappattāya<sup>1</sup>

1. Tikkhavisadavattāya (Si, Ka)

visayato dassanakkhaṇe. **Lakkhaṇapaṭivedhenā**ti pītiyā salakkhaṇassa, sāmāññalakkhaṇassa ca paṭivijjhanena. Yaṃ hi yasa visesato, sāmāññato ca lakkhaṇaṃ, tasmim̐ vidite so yāthāvato vidito eva hoti. Tenāha “**asammohato pīti paṭisaṃveditā hoti**”ti.

Idāni tamatthaṃ pāḷiyā eva vibhāvetuṃ “**vuttañhetan**”ti-ādimāha. Tattha **dīghaṃ assāsavasena**ti-ādīsu yaṃ vattabbaṃ, taṃ heṭṭhā vuttameva. Tattha pana satokāritādassanavasena pāḷi āgatā, idha pītipaṭisaṃveditāvasena, pītipaṭisaṃveditā ca atthato vibhattā eva. Apica ayamettha saṅkhepattho—**dīghaṃ assāsavasena**ti dīghassa assāsassa ārammaṇabhūtaṃ vasena pajānato sā pīti paṭisaṃveditā hotīti sambandho. **Cittassa ekaggataṃ avikkhepaṃ pajānatoti** jhānapariyāpannaṃ “avikkhepo”ti laddhanāmaṃ cittassekaggataṃ taṃsampayuttāya paññāya pajānato. Yatheva hi ārammaṇamukhena pīti paṭisaṃveditā hoti, evaṃ taṃsampayuttadhammāpi ārammaṇamukhena paṭisaṃveditā eva hotīti. **Sati upaṭṭhitā hotīti** dīghaṃ assāsavasena jhānasampayuttā sati tassa ārammaṇe upaṭṭhitā ārammaṇamukhena jhānepi upaṭṭhitā nāma hoti. **Tāya satiyā**ti evaṃ upaṭṭhitāya tāya satiyā yathāvuttena **tena ñāṇena** suppaṭiveditattā ārammaṇassa tassa vasena tadārammaṇā sā pīti **paṭisaṃveditā hoti**. **Dīghaṃ passāsavasena**ti-ādīsupi imināva nayena attho veditabbo.

Evaṃ paṭhamacatukkavasena dassitaṃ pītipaṭisaṃvedanaṃ ārammaṇato, asammohato ca vibhāgaso dassetuṃ “āvajjato”ti-ādi vuttaṃ. Tattha **āvajjatoti** jhānaṃ āvajjantassa. **Sā pīti**ti sā jhānapariyāpannā pīti. **Jānatoti** samāpannakkhaṇe ārammaṇamukhena jānato. Tassa sā pīti paṭisaṃveditā hotīti sambandho. **Passatoti** dassanabhūtena ñāṇena jhānato vuṭṭhāya passantassa. **Paccavekkhatoti** jhānaṃ paccavekkhantassa. **Cittam adhiṭṭhahatoti** “ettakaṃ velaṃ jhānasamaṅgī bhavissāmī”ti jhānacittaṃ adhiṭṭhahantassa. Evaṃ pañcannaṃ vasībhāvānaṃ vasena jhānassa pajānanamukhena ārammaṇato pītiyā paṭisaṃvedanā dassitā.

Idāni yehi dhammehi jhānaṃ, vipassanā ca sijjhanti, tesaṃ jhānapariyāpannānaṃ vipassanāmaggapariyāpannānaṃca saddhādīnaṃ vasena pītipaṭisaṃvedanaṃ dassetuṃ “**saddhāya adhimuccato**”ti-ādi vuttaṃ. Tattha **adhimuccatoti** saddahantassa, samathavipassanāvasenāti adhippāyo. **Vīriyaṃ paggaṇhatoti**-ādīsupi eseva nayo. **Abhiññeyyanti** abhivisiṭṭhāya paññāya jānitabbaṃ. **Abhijānatoti** vipassanāpaññāpubbaṅgamāya maggapaññāya jānato. **Pariññeyyanti** dukkhasaccaṃ tīraṇapariññāya, maggapaññāya ca pari jānato. **Pahātabbanti** samudayasaccaṃ pahānapariññāya, maggapaññāya ca pajahato. **Bhāvayato sacchikaroto bhāvetabbaṃ** maggasaccaṃ, **sacchikātabbaṃ** nirodhasaccaṃ. Keci panettha pītiyā eva vasena abhiññeyyādīni uddharanti, taṃ ayuttaṃ jhānādisamudāyaṃ uddharitvā tato pītiyā niddhāraṇassa adhippetattā.

Ettha ca “dīghaṃ assāsavasena”ti-ādinā paṭhamacatukkavasena ārammaṇato pītipaṭisaṃvedanaṃ vuttaṃ, tathā “āvajjato”ti-ādīhi pañcahi padehi. “Abhiññeyyaṃ abhijānato”ti-ādīhi pana asammohato. “Saddhāya adhimuccato”ti-ādīhi ubhayathāpīti saṅkhepato samathavasena ārammaṇato, vipassanāvasena asammohato pītipaṭisaṃvedanaṃ vuttanti daṭṭhabbaṃ. Kasmā panettha vedanānupassanāyaṃ pītīsīna vedanā gahitā, na sarūpato evāti? Bhūmivibhāgādivasena vedanāmbhinditvā catudhā vedanānupassanaṃ dassetuṃ. Apica vedanākammaṭṭhānaṃ dassento bhagavā pītiyā oḷārikattā taṃsampayuttasukhaṃ sukhaggahaṇatthaṃ pītīsīna dasseti.

**Eteneva nayena avasesapadānīti** “sukhapaṭisaṃvedī cittaśāṅkhārapaṭisaṃvedī”ti padāni pītipaṭisaṃvedipade āgatanayeneva attato vedītabbāni. Sakkā hi “dvihākārehi sukhapaṭisaṃveditā hoti, cittaśāṅkhārapaṭisaṃveditā hoti ārammaṇato”ti-ādinā pītiṭṭhāne sukhādīpadāni pakkhipitvā “sukhasahagatāni tīṇi jhānāni, cattāri vā jhānāni samāpajjati”ti-ādinā atthaṃ viññātuṃ. Tenāha “**tiṇṇaṃ jhānānaṃ vasenā**”ti-ādi. **Vedanādayoti ādi**-saddena saññā gahitā. Tenāha “**dve khandhā**”ti. “**Vipassanābhūmidassanattanti** pakiṇṇakasāṅkhārasammasanavasena vipassanaya bhūmidassanattamā **“sukhanti dve sukhāni**”ti-ādi

vuttaṃ samathe kāyikasukhābhāvato. **Soti** so passambhanapariyāyena vutto nirodho. “Imassa hi bhikkhuno pubbe apariggahitakāle”ti-ādinā<sup>1</sup> vitthārato kāyasaṅkhāre vutto, tasmā vuttanayeneva veditabbo. Tattha kāyasaṅkhāravasena āgato, idha cittasaṅkhāravasenāti ayameva viseso.

Evam cittasaṅkhārassa passambhanaṃ atidesena dassetvā yadaññaṃ imasmim catukke vattabbaṃ, taṃ dassetuṃ “**apicā**”ti-ādi vuttaṃ. Tattha **pītipadeti** “pītipaṭisaṃvedī”ti-ādinā desitakoṭṭhāse. **Pītīsīsenā vedanā vuttāti** pīti-apadesena taṃsampayuttā vedanā vuttā, na pītīti adhippāyo. Tattha kāraṇaṃ heṭṭhā vuttameva. **Dvīsu cittasaṅkhārapadesūti** “cittasaṅkhārapaṭisaṃvedī passambhayaṃ cittasaṅkhāraṇaṃ”ti cittasaṅkhārapaṭisaṃyuttasu dvīsu padesu. “Viññāṇapaccayā nāmarūpan”ti<sup>2</sup> vacanato cittaena paṭibaddhāti **cittapaṭibaddhā**. Tato eva kāmaṃ cittaena saṅkharīyantīti **cittasaṅkhārā**, saññāvedanādayo, idha pana upalakkhaṇamattaṃ saññāvedanāva adhippetāti āha “**saññāsampayuttā vedanā**”ti.

235. Cittapaṭisaṃvedīti ettha dvīhākārehi cittapaṭisaṃveditā hoti ārammaṇato, asammohato ca. Kathaṃ ārammaṇato? Cattāri jhānāni samāpajjati, tassa samāpattikkhaṇe jhānapaṭilābhenāti-ādinā vuttanayānusāreṇa sabbaṃ suviññeyyanti āha “**catunnaṃ jhānānaṃ vasena cittapaṭisaṃveditā veditabbā**”ti. **Cittaṃ modentoti** jhānasampayuttaṃ cittaṃ sampayuttāya pītiyā modayamāno, taṃ vā pītiṃ ārammaṇaṃ katvā pavattaṃ vipassanācittaṃ tāya eva ārammaṇabhūtāya pītiyā modayamāno. **Pamodentoti-ādīni** padāni tasseva vevacanāni pītipariyāyabhāvato.

**Sampayuttāya pītiyā cittaṃ āmodetīti** jhānacittasampayuttāya pītisambojjhaṅgabhūtāya odagyalakkhaṇāya jhānapītiyā tameva jhānacittaṃ sahaajātādipaccayavasena ceva jhānapaccayavasena ca paribrūhento haṭṭhapahaṭṭhākāraṃ pāpento āmodetīti pamodetīti ca. **Ārammaṇaṃ**

1. Visuddhi 1. 266 piṭṭhe.

2. Vi 3. 1; Ma 3. 109; Khu 1. 77 piṭṭhādīsu.

**katvā**ti uḷāraṃ jhānasampayuttaṃ pītiṃ ārammaṇaṃ katvā pavattamānaṃ vipassanā**cittaṃ** tāya eva ārammaṇabhūtāya pītiyā yogāvacarō haṭṭhapahaṭṭhākāraṃ pāpento “āmodeti pamodeti”ti vuccati.

**Samaṃ** ṭhapentoti yathā īsakampi līnapakkhaṃ, uddhaccapakkhaṃca anupagamma anonataṃ anunnataṃ yathā indriyānaṃ samattapaṭipattiyā avisamaṃ, samādhissa vā ukkaṃsagamanena āneñjappattiyā sammadeva ṭhitaṃ hoti, evaṃ appanāvasena ṭhapento. **Lakkaṇapaṭivedhenā**ti aniccādikassa lakkaṇassa paṭi paṭi vijjhanena khaṇe khaṇe avabodhena. **Khaṇikacittekaggatā**ti khaṇamattaṭṭhitiko samādhi. Sopi hi ārammaṇe nirantaraṃ ekākāreṇa pavattamāno paṭipakkhena anabhibhūto appito viya cittaṃ niccalaṃ ṭhapeti. Tena vuttaṃ “**evaṃ uppannāyā**”ti-ādi.

**Mocentoti** vikkhambhanavimuttivasena vivecento viṣuṃ karonto, nīvaraṇāni pajahantoti attho. **Vipassanākkhaṇeti** bhaṅgānupassanākkhaṇe. Bhaṅgo hi nāma aniccatāya paramā koṭi, tasmā tāya bhaṅgānupassako yogāvacarō cittamukhena sabbasaṅkhāragataṃ aniccato passati, no niccato. Aniccassa dukkhattā, dukkhassa ca anattakattā tadeva dukkhato anupassati, no sukhato. anattato anupassati, no attato. Yaṃ pana yaṃ aniccaṃ dukkhaṃ anattā, na taṃ abhinanditabbaṃ. Yaṃca na abhinanditabbaṃ, na taṃ rañjitabbaṃ. Tasmā bhaṅgadassanānusāreṇa “aniccaṃ dukkhaṃ anattā”ti saṅkhāragate diṭṭhe tasmīṃ nibbindati, no nandati. Virajjati, no rajjati. So evaṃ nibbindanto virajjanto lokiyeneva tāva ñāṇena rāgaṃ nirodheti, no samudeti, nāssa samudayaṃ karotīti attho. Atha vā so evaṃ viratto yathā diṭṭhaṃ saṅkhāragataṃ, tathā adiṭṭhaṃ attano ñāṇena nirodheti, no samudeti. Nirodhamevassa manasi karoti, no samudayanti attho. So evaṃ paṭipanno paṭinissajjati, no ādiyati. Kim vuttaṃ hoti? Ayaṃhi aniccādi-anupassanā saddhiṃ khandhābhisaṅkhārehi kilesānaṃ pariccajanato, saṅkhatadosadassanena tabbiparīte nibbāne tanninnatāya pakkhandanato pariccāgapaṭinissaggo pakkhandanapaṭinissaggo cāti vuccati. Tasmā tāya samannāgato yogāvacarō vuttanayena kilese ca pariccajati, nibbāne ca pakkhandati. Tena vuttaṃ “**so vipassanākkhaṇe aniccānupassanāya niccasaññāto cittaṃ mocento**”

**vimocento -pa- paṭinissaggānupassanāya ādānato cittaṃ mocentovimocento assasati ceva passasati cā**”ti.

Tattha aniccassa, aniccanti vā anupassanā **aniccānupassanā**. Tebhūmakadhammānaṃ aniccataṃ gahetvā pavattāya vipassanāya etaṃ nāmaṃ. **Niccasaññātoti** saṅkhatadhamme “niccā sassatā”ti pavattāya micchāsaññāya. Saññāsīsena cittadiṭṭhīnampi gahaṇaṃ daṭṭhabbāṃ. Esa nayo sukhasaññādīsupi. **Nibbidānupassanāyāti** saṅkhāresu nibbindanākārena pavattāya anupassanāya. **Nanditoti** sappītikataṇhāto. **Virāgānupassanāyāti** tathā virajjanākārena pavattāya anupassanāya. Tena vuttaṃ “**rāgato mocento**”ti. **Nirodhānupassanāyāti** saṅkhārānaṃ nirodhassa anupassanāya. Yathā saṅkhārā nirujjhantiyeva, āyatiraṃ punabbhavavasena na uppajjanti, evaṃ vā anupassanā nirodhānupassanā. Muñcitukamyatā hi ayaṃ balappattā. Tenāha “**samudayato mocento**”ti. Paṭinissajjanākārena pavattā anupassanā **paṭinissaggānupassanā**. **Ādānatoti** niccādivasena gahaṇato, paṭisandhiggahaṇato vāti evamettha attho daṭṭhabbo.

236. Aniccanti anupassī, aniccassa vā anupassanasīlo **aniccānupassīti** ettha kiṃ panetaṃ aniccaṃ, kathaṃ vā aniccaṃ, kā vā aniccānupassanā, kassa vā aniccānupassanāti catukkaṃ vibhāvetabbanti taṃ dassento “**aniccaṃ veditabban**”ti-ādimāha.

Tattha niccaṃ nāma dhuvaṃ sassataṃ yathā taṃ nibbānaṃ, na niccanti **aniccaṃ**, udayabbayavantāṃ, atthato saṅkhatā dhammāti āha “**aniccanti pañcakkhandhā. Kasmā? Uppādavayaññathattabhāvā**”ti, uppādavayaññathattasabbhāvāti attho. Tattha saṅkhatadhammānaṃ hetupaccayehi uppajjanaṃ ahutvā sambhavo attalābho **uppādo**. Uppannānaṃ tesaṃ khaṇanirodho vināso **vayo**. Jarāya aññathābhāvo **aññathattaṃ**. Yathā hi uppādāvattāya bhinnāya bhaṅgāvattāyaṃ vatthubhedo natthi, evaṃ ṭhitisāṅkhātāya bhaṅgābhīmukhāvattāyampi vatthubhedo natthi, yatta jarāvohāro. Tasmā ekassāpi dhammassa jarā yujjati, yā khaṇikajarāti vuccati. Ekāmsena ca uppādabhaṅgāvattāsu vatthuno abhedo icchitabbo, aññamthā “año uppajjati, año bhijjati”ti

āpajjeyya. Tayimaṃ khaṇikajaraṃ sandhāyāha “**aññathattan**”ti. Yaṃ panettha vattabbaṃ, taṃ parato kathayissāma.

Yassa lakkhaṇattayassa bhavā khandhesu aniccāsamaññā, tasmim̃ lakkhaṇattaye aniccatāsamaññāti “aniccatāti tesam̃yeva uppādavayaññathattan”ti vatvā visesato dhammānaṃ khaṇikanirodhe aniccatāvohāroti dassento “**hutvā abhāvo vā**”ti-ādimāha. Tattha uppādapubbakattā abhāvassa hutvāgahaṇaṃ. Tena pākabhāvapubbakattaṃ vināsabhāvassa dasseti. **Tenevākārenāti** nibbattanākāreneva.

**Khaṇabhaṅgenāti** khaṇikanirodhena. **Tassā aniccatāyāti** khaṇikabhaṅgasuñkhātāya aniccatāya. **Tāya anupassanāyāti** yathāvuttāya aniccānupassanāya. **Samannāgatoti** samaṅgibhūto yogāvacaro.

**Khayo** saṅkhārānaṃ vināso, virajjanaṃ tesam̃yeva vilujjanaṃ **virāgo**, khayō eva virāgo **khayavirāgo**, khaṇikanirodho. Accantamettha etasmim̃ adhigate saṅkhārā virajjanti nirujjhantīti **accantavirāgo**, nibbānaṃ. Tenāha “**khayavirāgo saṅkhārānaṃ khaṇabhaṅgo, accantavirāgo nibbānaṃ**”ti. **Tadubhayavasena pavattāti** khayavirāgānupassanāvasena vipassanāya, accantavirāgānupassanāvasena maggassa pavatti yojetabbā. Ārammaṇato vā vipassanāya khayavirāgānupassanāvasena pavatti, tanninnabhāvato accantavirāgānupassanāvasena, maggassa pana asammoḥato khayavirāgānupassanāvasena, ārammaṇato accantavirāgānupassanāvasena pavatti veditabbā. “**Eseva nayo**”ti iminā yasmā virāgānupassīpade vuttanāyānusāreṇa “dve nirodhā khayanirodho ca accantanirodho cā”ti evamādi-atthavaṇṇanaṃ atidisati, tasmā virāgaṭṭhāne nirodhapadaṃ pakkhipitvā “khayo saṅkhārānaṃ vināso”ti-ādinā idha vuttanāyena tassa atthavaṇṇanā veditabbā.

Paṭinissajjanaṃ pahātābassa tadaṅgavasena vā samucchēdavasena vā pariccajanaṃ **pariccāgapaṭinissaggo**. Tathā sabbūpadhīnaṃ paṭinissaggabhūte visāṅkhāre attano nissajjanaṃ, tanninnatāya vā tadārammaṇatāya vā tattha pakkhandanaṃ **pakkhandanapaṭinissaggo**.



**Tadaṅgavasenā**ti ettha aniccānupassanā tāva tadaṅgappahānavasena niccasaññaṃ pariccajati, pariccajantī ca tathā appavattiyam ye “niccan”ti gahaṇavasena kilesā, tammūlakā abhisankhārā, tadubhayamūlakā ca vipākakkhandhā anāgate uppajjeyyūṃ, te sabbepi appavattikaraṇavasena pariccajati, tathā dukkhāsaññādayo. Tenāha “**vipassanā hi tadaṅgavasena saddhim khandhābhisankhārehi kilese pariccajati**”ti.

**San̄khatadosadassanenā**ti san̄khate tebhūmake san̄khāragate aniccatādidosadassanena. Niccādibhāvena **tabbiparīte**. **Tanninnatāyā**ti tadadhimuttatāya. **Pakkhandatī**ti anupavisati anupavisantaṃ viya hoti. **Saddhim khandhābhisankhārehi kilese pariccajatī**ti maggena kilesesu pariccatesu avipākadhammatāpādanena abhisankhārā, tammūlakā ca khandhā anuppattirahabhāvena pariccattā nāma hontīti sabbepi te maggo pariccajatīti vuttaṃ. **Ubhayanti** vipassanāññaṃ, maggaññaṃca. Maggaññaṃpi hi gotrabhuññaṃsa anu pacchā nibbānadassanato “**anupassanā**”ti vuccati.

**Soḷasavattuvasena cāti** soḷasannaṃ vattūnaṃ vasenāpi vuccamānasantabhāvādivasenāpīti samuccayattho **ca-saddo**. “**Ānāpānassati bhāvita**”ti padaṃ ānetvā sambandhitabbaṃ.

237. **Assāti** ānāpānassatisamādhissa.

Kāma vitakkādivitakkupacchedasamatthatāyapi mahānisaṃsatā veditabbāti sambandho. **Ayanti** ānāpānassatisamādhi. Uccāvacesu ārammaṇesu pavattiyeva **ito ciso ca cittassa vidhāvanam**.

**Vijjā** nāma maggo. **Vimutti** phalaṃ. **Mūlabhāvo** vipassanāya pādakabhāvo. **Cattāro satipaṭṭhāne paripūreti** kāyānupassanādīnaṃ catunnaṃ anupassanānaṃ vasena tassā bhāvanāya pavattanato. **Satta bojjaṅge paripūrenti** bojjaṅgabhāvanāya vinā satipaṭṭhānabhāvanāparipūriyā abhāvato. **Vijjāvimuttiṃ paripūrenti** bojjaṅgabhāvanāya tāsā sikhāpattibhāvato. **Carimakānanti** antimakānaṃ.

238. **Nirodhavasenā**ti nirujjhanavasena. **Bhavacarimakā**ti bhavavasena carimakā nihīnabhavapavattino<sup>1</sup>. Tathā **jhānacarimakā** veditabbā. **Cuticarimakā**ti cutiyā carimakā cutikkhaṇapavattino<sup>1</sup> sabbapariyosānakā. **Tasmā**ti tīsu bhavesu nihīne kāmabhave pavattanato. **Teti** assāsapassāsā. **Puratoti** hetthā. Yasmā **vibhaṅgaṭṭhakathāyam**<sup>2</sup> rūpadhammānam soḷasacittakkhaṇāyukatā vibhāvitā, tasmā “**soḷasamena cittena saddhiṃ uppajjitvā**”ti vuttaṃ. **Cuticittassa puratoti** vā cuticittam avadhibhāvena gahetvā tato oraṃ soḷasamena cittena saddhiṃ uppajjitvāti evaṃ pana atthe gayhamāne sattarasacittakkhaṇāyukatāva assāsapassāsānam vuttā hoti.

Ime kira imaṃ kammaṭṭhānam anuyuttassa bhikkhuno pākaṭā hontīti ānetvā sambandho. Tatha kāraṇamāha “**ānāpānārammaṇassa suṭṭhu pariggahitattā**”ti. Tamevattham vibhāvetum “**cuticittassā**”ti-ādi vuttaṃ.

Tatha **āyu-antaram** nāma jīvitantaram jīvanakkhaṇāvadhi. **Dhammatāya evā**ti sabhāveneva, rucivasenevāti attho.

**Candālokaṃ oloketvāti** juṇhapakkhe padosavelāyam samantato āsiṅcamānakhīradhāram viya gaganatalaṃ, rajatapattasadisavālikāsanthatañca bhūmibhāgam disvā “ramaṇīyo vatāyam kālo, deso ca mama ajjhāsayasadiso, kīva ciram nu kho ayam dukkhabhāro vahitabbo”ti attano āyusaṅkhāre upadhāretvā parikkhīṇeti adhippāyo. **Lekham katvāti** caṅkame tiriyaṃ lekham katvā.

**Anuyuñjethāti** anuyuñjeyya, bhāveyyāti attho.

### Upasamānussatikathāvaṇṇanā

239. **Evanti** yathāvuttena virāgādiguṇānussaraṇappakārena. **Sabbadukkhūpasamasāṅkhātassāti** dukkhadukkhādibhedam sabbampi dukkham upasammati etthāti sabbadukkhūpasamoti saṅkhātābassa.

“Paññattidhammā”ti-ādīsu asabhāvopi ñāṇena dhārīyati avadhārīyatīti dhammoti vuccatīti tato nivattento “**dhammāti sabhāvā**”ti

1. Vattino (Si)

2. Abhi-Ṭṭha 2. 24 piṭṭhe.

āha. Bhavaṇaṃ paramatthato vijjamānatā bhāvo, saha bhāvenāti **sabhāvā**, sacchikaṭṭhaparamatthato labbhamānarūpāti attho. Te hi attano sabhāvassa dhāraṇato dhammāti, yathāvuttenaṭṭhena sabhāvāti ca vuccanti. **Saṅgammāti** paccayasamodhānalakkhaṇena saṅgamaṇa sannipatitvā. **Samāgammāti** tasseva vevacaṇaṃ. **Paccayehīti** anurūpehi paccayehi. **Katāti** nibbattitā. **Akatāti** kehicipi paccayehi na katā. **Asaṅkhatāti** bahuvacanassa<sup>1</sup> kāraṇaṃ heṭṭhā vuttameva. **Aggamakkhāyatīti** aggo akkhāyati, **ma-kāro** padasandhikaro. So asaṅkhatalakkhaṇo sabhāvadhammo **virāgoti** paccetabbo, virajjati ettha saṅkilesadhammoti. Nibbānaṃ ārammaṇa katvā pavattamānena ariyamaggena pahīyamānā mānamadādayo taṃ patvā pahīyanti nāmāti āha “**tamāgama -pa- vinassanti**”ti. Tattha “seyyohamaṣmī”ti-ādina<sup>2</sup> maññanāvasena pavatto māno eva **mānamado**. Purisabhāvaṃ nissāya uppajjanakamado **purisamado**. **Ādi-saddena** jātimaḍādināṃ saṅgaho daṭṭhabbo. **Nimmaḍāti** vigatamadabhāvā. Imameva hi atthaṃ dassetuṃ “**amadā**”ti vuttaṃ. Madā nimmaḍiyanti ettha amadaḍbhāvaṃ vināsaṃ gacchantīti **madanimmaḍano**. Eseva nayo sesapadesupi. **Kāmapipāsāti** kāmaṇaṃ pātukamyatā, kāmataṇhā. Kāmaguṇā eva āliyaṇti ettha sattāti **kāmaguṇālayā**. **Tebhūmakaraṃ vaṭṭanti** tīsu bhūmīsū kammakilesavipākavaṭṭaṃ. **Esa** asaṅkhatadhammo. **Aparāparabhāvāyāti** aparāparaṃ yoni-ādito yoni-ādibhāvāya. **Ābandhanaṃ** gaṇṭhikaraṇaṃ. **Samsibbanam** tunnakāraṇaṃ. Nikkhamanaṃ, nissaraṇaṇcassa taṇhāya visamīyogo evāti āha “**visamīyutto**”ti.

Ye guṇe nimittaṃ katvā madanimmaḍadanādināmāni nibbāne niruḷhāni te madanimmaḍadanatādike yathāvutte nibbattitanibbānaguṇe eva gahetvā āha “**madanimmaḍadanatādīnaṃ guṇānaṃ vasaṇā**”ti, na pana madā nimmaḍiyanti etenāti evamādike. Te hi ariyamaggaguṇā. Bhagavatā upasamaguṇā vuttāti sambandho. Kattha pana vuttāti? **Asaṅkhatasaṃyuttā**dīsū<sup>3</sup>. Tattha **saccanti** avitathaṃ. Nibbānaṃ hi kenaci pariyaṇena asantabhāvābhāvato ekaṃseneva santattā aviparītaṭṭhena saccam. Tenāha “ekaṃ hi saccam, na

1. Puthu... (Sī, Syā, Ka) 2. Abhi 1. 225; Saṃ 2. 308 piṭṭhādīsū. 3. Saṃ 2. 535 piṭṭhe.

dutiyamatthī”<sup>1</sup>. **Pāraṇti** saṃsāraṃ paratīrabhūtaṃ. Tenevāha “tiṇṇo pāraṅgato thale tiṭṭhati brāhmaṇo”<sup>2</sup>, “appakā te manussesu, ye janā pāragāmino”<sup>3</sup> ca. **Suddasanti** paramagambhīratāya, atisukhumasantasabhāvatāya ca anupacitañāṇasambhārehi daṭṭhūṃ asakkuṇeyyatāya suṭṭhu duddasaṃ. Natthi ettha jarā, etasmiṃ vā adhigate puggalassa jarābhāvoti **ajaram**. Tato eva jarādīhi apalokiyatāya thiraṭṭhena **dhuvaṃ**. Taṇhādipapañcābhāvato **nippapañcam**. Natthi ettha matanti **amataṃ**. Asivabhāvakarānaṃ saṃkilesadhammānaṃ abhāvena **sivaṃ**. Catūhi yogehi anupaddutattā **khemam**. Visaṅkhārabhāvena acchariyatāya, abhūtapubbatāya ca **abbhutaṃ**. Sabbāsaṃ itīnaṃ anattānaṃ abhāvena **anītikaṃ**. Niddukkhatāya **abyābajjham**. Sabbasaṃkilesamalato accantasuddhiyā visesato suddhīti **visuddhi**. Catūhipi oghehi anajjhottharaṇiyatāya **dīpaṃ**. Sakalavaṭṭadukkhato paripālanaṭṭhena **tānaṃ**.

“Saccañca vo bhikkhave desessāmi”<sup>4</sup>ti-ādīkā pāḷi saṃkhittāti veditabbā. **Ādi**-saddena ananta-anāsava nipuṇa ajajjara apalokita-anidassana paṇīta acchariya anītikadhamma mutti leṇa parāyaṇa gambhīrādivacanehi ca bodhitā idha avuttā guṇā saṅgayhanti, tattha natthi etassa uppādanto vā vayanto vāti **ananto**, asaṅkhatadhammo. Āsavānaṃ anārammaṇatāya **anāsavo**. Nipuṇañāṇagocarātāya **nipuṇo**. Saṅkhatadhammo viya jarāya ajajjaritātāya **ajajjaro**. Byādhi-ādīhi apalokiyatāya **apalokitaṃ**. Acakkhuviññāṇaviññeyyatāya **anidassano**. Atittikaraṭṭhena **paṇīto**. Apacuratāya **acchariyo**. Ītihi anabhibhavanīyasabhāvattā, anītikabhāvahetuto ca **anītikadhammo**. Vaṭṭadukkhhamuttinimittatāya **mutti**. Saṃsāraṃ bhayato passantehi nilīyanīyato<sup>4</sup> **leṇaṃ**. Tesāmyeva parā gatīti **parāyaṇo**. Pakatiñāṇena aladdhapatitṭhatāya agādhaṭṭhena **gambhīro**. Katapuññehipi dukkhena kicchena anubujjhitaḥbato **duranubodho**. Sacchikiriyam muñcitvā na takkaññāṇena avacaritabboti

1. Khu 1. 416 piṭṭhe Suttanipāte.

3. Khu 1. 25 piṭṭhe Dhammapade.

2. Khu 1. 235 piṭṭhe Itivuttake.

4. Layanīyato (Sī)

**atakkāvacaro.** Buddhādīhi paṇḍiteheva veditabbato adhigantabbato  
**paṇḍitavedanīyoti** evamattho veditabbo.

**Ariyasāvakasseva ijjhati** sacchikiriyābhisamayavasena nibbānaguṇānaṃ  
pākaṭabhāvato. Aṭṭhāne cāyaṃ **eva**-saddo vutto, ijjhati evāti yojanā.  
Sukhasiddhivasena vā evaṃ vuttam **“ariyasāvakassevā”**ti. Tenevāha **“evaṃ  
santepī”**ti-ādi. **Upasamagarukenāti** nibbānaninnena. **Manasi kātabbā**  
yathāvuttā upasamaguṇaṃ. **Sukhaṃ supatīti**-ādīsu vattabbaṃ mettākathāyaṃ  
āvi bhavissati. **Paṇītādhimuttiko** hoti nibbānādhimuttattā.

Anussatikammaṭṭhānaniddesavaṇṇanā niṭṭhitā.

**Iti aṭṭhamaparichedavaṇṇanā.**

## 9. Brāhmavihāraniddesavaṇṇanā

### Mettābhāvanākathāvaṇṇanā

240. **Mettaṃ** brahmavihāraṃ. **Bhāvetukāmenā**ti uppādetukāmena paccavekkhitabboti sambandho. **Sukhanisinnenā**ti visamaṃ anisīditvā pallaṅkābhujanena sukhanisinnena.

**Kasmā**ti paccavekkhaṇāya kāraṇapucchā, aññaṃ adhigantukāmena aññattha ādīnavānisamsapaccavekkhaṇā kimatthiyāti adhippāyo. Mettā nāma atthato adoso. Tathā hi **adosaniddese** “metti mettāyanā mettāyitattan”<sup>1</sup>ti niddiṭṭhaṃ. **Khantī**ti ca idha adhivāsanakkhanti adhippetā. Sā pana atthato adosappadhānā cattāro arūpakkhandhāti mettāya sījhamānāya titikkhākhanti siddhā eva hotīti āha “**khanti adhigantabbā**”<sup>2</sup>ti. Tena khantiyaṃ ānisamsapaccavekkhaṇā satthikāvāti dasseti. **Abhibhūto** pariyaṭṭhānena. **Pariyādinna**ti kusaluppattiyā okāsālābhena. **Ādīnavo datṭhabbo** pāṇaghātādivasena diṭṭhadhammikasamparāyikādi-anatthamūlabhāvato.

**Khantī paramaṃ tapoti** parāpakārasahanādikā titikkhalakkhaṇā khanti uttamaṃ tapo akattabbākaraṇakattabbakaraṇalakkhaṇāya sammāpaṭipattiyā mūlabhāvato. **Khantibalaṃ balānikanti** paramaṃ maṅgalabhūtā khanti eva balaṃ etassāti kantibalaṃ. Vuttañhi “khantibalā samaṇabrāhmaṇā”<sup>2</sup>ti. Dosādiṭṭhapaṭipakkhavidhamaṇasamatthatāya anīkabhūtena teneva ca khantibalena balānikam. **Khantiyā bhiyyo na vijjatī**ti attano, paresaṅca anattapaṭibāhano atthāvaho ca khantito uttari apassayo natthi.

**Vivecanatthāyāti** vikkhambhanatthāya. **Khantiyā samyojanatthāya** attānanti adhippāyo. Bhāvanaṃ dūsentīti dosā, puggalāyeva dosā **puggaladosā**<sup>3</sup>. Yesu bhāvanā na sampajjati, aññadatthu vipajjateva, te

---

1. Abhi 1. 215 piṭṭhe.

2. Am 3. 58 piṭṭhe.

3. Ādhunika-aṭṭhakathāpotthake “puggalabhedo jānitabbo”<sup>3</sup>tipāṭho, ṭīkāya na sameti.

“Puggaladosā jānitabbā”<sup>3</sup>ti porāṇapotthakesu pāṭho, soyeva yutto.

eva vuttā. **Paṭhamanti** vakkhamānena koṭṭhāsato  
koṭṭhāsantarupasamharaṅanayena vinā sabbapaṭhamam.

Piyāyitabbo piyo, tappaṭipakkho **appiyo**. So saṅkhepato duvidho  
atthassa akārako, anatthassa kārakoti. Tattha yo attano, piyassa ca anatthassa  
kārako, so veripuggalo daṭṭhabbo. Yo pana attano, piyassa ca atthassa  
akārako, appiyassa ca atthassa kārako, “attham me nācarī”ti-ādinā<sup>1</sup>,  
“appiyassa me amanāpassa attham acari”ti-ādinā<sup>1</sup> ca āghātavatthubhūto, so  
**appiyo**, ananukūlavuttiko aniṭṭhoti attho. **Liṅgavisabhāgeti** itthiliṅgādinā  
liṅgena visadise. **Odhisoti** bhāgaso. “Tissa dattā”ti-ādinā odhisakanti attho.

Idāni yathāvuttesu chasu puggalesu abhāvetabbatāya kāraṅam dassento  
“**appiyam hi**”ti-ādimāha. Tattha **appiyam hi piyaṭṭhāne ṭhapento kilamatī**  
dosena bhāvanāya sapaṛissayatamāha. Appiyatā hi piyabhāvassa  
ujupaṭipakkhā, na ca tassa piyaṭṭhāne ṭhapanena vinā bhāvanā sijaṭi.  
**Atippiyasahāyakam majjhataṭṭhāne ṭhapento kilamatī** rāgena bhāvanāya  
sapaṛissayatamāha atippiyasahāyassa gehassitapemaṭṭhānabhāvato. Tenāha  
“**appamattakepi**”ti-ādi. **Majjhataṭṭham** iṭṭhāniṭṭhatāhi majjhasabhāvam neva  
piyam nāpiyanti attho. **Garuṭṭhāne viyaṭṭhāne ca ṭhapento kilamati**  
majjhatte sambhāvanīyapiyāyitabbatānam abhāvā. Na hi ajjuhekkhitabbe  
bhāvanīyatā, manāpatā vā paccupaṭṭhāti, piyagarubhāvasampanne ca  
paṭhamam mettā bhāvetabbā. **Kodho uppajjati**  
koṭṭhāsantarabhāvānupanayanato.

**Tamevā**ti visabhāgaliṅgameva. Liṅgasabhāgeti avisesetvā  
“**piyapullage**”ti āha. **Bhittiyuddhamakāsī**ti sīlam adhiṭṭhāya pihitadvāre  
gabbhe sayanapīṭhe nisīditvā mettā bhāvento mettāmukhena  
uppannarāgena andhīkato bhariyāya santikam gantukāmo dvāram  
asallakkhetvā bhittam bhinditvāpi nikkhamitukāmatāya bhittim pahari.

---

1. Abhi 1. 244 piṭṭhe.

Tenāha “mettāyanāmukhena rāgo vañceti”<sup>1</sup>, “andhatamaṃ adā hoti, yaṃ rāgo sahate naran”<sup>2</sup> ca.

Ādānanikkhepaparicchinne addhāpaccuppanabhūte dharamānatāya paccakkhato viya upalabbhamāne khandhappabandhe idha sattādiggaḥaṇaṃ, na tiyaddhagateti āha “**kālakate panā**”<sup>ti</sup>-ādi. Kasmā pana kālakate mettābhāvanā na ijjhatīti? Mettābyāpārassa ayogyaṭṭhānabhāvato. Na hi matapuggalo hitūpasamhārāraho. Yattha sati sambhave payogato hitūpasamhāro labbheyya, tattheva mānaso hitūpasamhāro yujjeyya. Dukkāpanayanamodappavattīsūpi eseva nayoti karuṇābhāvanādīnampi kālakate anijjhanam vuttanti daṭṭhabbam. Aññattha paguṇamettājhāno ācariyassa kālaṅkatabhāvam ajānanto taṃ mettāya pharitukāmo “**ācariyam ārabha mettam ārabhati**”<sup>ti</sup> vutto. Tenāha “**paguṇāva me mettājhānasamāpatti**”<sup>ti</sup>. **Nimittanti** ārammaṇam. **Gavesāhīti** “yaṃ puggalam uddissa mettam ārabhasi, so jīvati na jīvati”<sup>ti</sup> jānāhīti attho. **Mettāyantoti** mettam karonto, mettam bhāventoti attho.

241. Attani bhāvanā nāma sakkhibhāvatthāti nānāvidhasukhānubandha-  
anavajjasukha-abyāsekasukhādi yaṃ attani upalabbhati, taṃ nidassento tassa  
vattamānatāya āha “**aham sukhito homī**”<sup>ti</sup>. Sarīrasukham nāma  
anekantikam, īdisassa puggalassa anokāsam cittadukkhanti tadabhāvam  
sandhāyāha “**niddukkhoti vā**”<sup>ti</sup>. Homīti sambandho. Tathā **averoti**-ādīsu,  
visesato ca dukkhābhāve sukhasaññā. Sā panāyam niddukkhata verīnam  
puggalānam verasaññitānam pāpadhammānam abhāvato, visesato  
byāpādavirahato iḥhasaññitāya itiyā abhāvato,  
anavajjakāyikasukhasamaṅgitāya ca hotīti dassento āha “**avero abyāpajjo  
anīgho sukhi**”<sup>ti</sup>. **Attānam pariharāmīti** evambhūto hutvā mama attabhāvam  
pavattemi, yāpemīti attho.

Evam sante yaṃ vibhaṅge vuttam, taṃ virujjhatīti sambandho. **Evam  
santeti** evam sati, yadi attanipi mettā bhāvetabbāti attho. “Yaṃ vibhaṅge  
vuttan”<sup>ti</sup>

1. Netti-Ṭṭha 90 piṭṭhe.

2. Yaṃ lobho sahate naranti (Khu 1. 252 piṭṭhe.)



vatvā vibhaṅgadesanāya samānagatikam suttapadam āharanto “**kathaṇca bhikkhū**”ti-ādimāha. Tassattho parato āgamissati.

**Tanti** vibhaṅgādīsu vacanam. **Appanāvasenāti** appanāvahabhāvanāvasena. **Idanti** “aham sukrito homi”ti-ādivacanam. **Sakkhibhāvavasenāti** aham viya sabbe sattā attano sukakāmā, tasmā tesu mayā attani viya sukhūpasamhāro kātabboti evam tattha attānam sakkhibhāve ṭhapanavasena. Tenāha “**sacepi hī**”ti-ādi. Kasmā pana attani bhāvanā appanāvahā na hotīti? Attasinehavasena saporissayabhāvato. Koṭṭhāsantare pana bhāvitabhāvanassa tatthāpi sīmasambhedo hotiyeva.

**Sabbā disāti** anavasesā dasapi disā. **Anuparigamma cetasāti** cittena pariyesanavasena anugantvā. **Nevajjhagā piyataramattanā kvacīti** sabbussāhena pariyesanto atisayena attato piyataram aññam sattam katthaci disāya neva adhigaccheyya na passeyya. **Evam piyo puthu attā paresanti** evam kassāci attato piyatarassa anupalabbhanavasena puthu visum visum tesam tesam sattānam attā piyo. **Tasmā** tena kāraṇena, **attakāmo** attano hitasukham icchanto, **param** sattam antamaso kunthakipillikampi, **na himse** na haneyya, na viheṭheyāti attho.

**Ayam nayoti** sabbehi sattehi, attano ca piyatarabhāvam nidassetvā tesu karuṇāyanam vadatā bhagavatā sukhesitāya “attānam sakkhibhāve ṭhapatvā sattesu mettā bhāvetabbā”ti mettābhāvanāya nayadassanam katamevāti attho.

242. **Sukhapavattanatthanti** sukhena akicchena mettāya pavattanattham. **Yvāssāti** yo puggalo assa yogino. **Piyoti** iṭṭho. **Manāpoti** manavaḍḍhanako. **Garūti** guṇavisesavasena garukātabbo. **Bhāvanīyoti** sambhāvetabbo. **Ācariyamattoti** sīlādīnā ācariyappamāṇo. **Piyavacanādīnīti ādi-**saddena atthacariyādike saṅgaṇhāti. **Sīlasutādīnīti ādi-**saddena saddhādike, dhutadhammajāgariyānuyogādike ca saṅgaṇhāti.

**Kāmanti** yuttappattakāritāsukhasiddhidīpano yaṃ nipāto. Tenetaṃ dīpeti—tādisaṃ puggalaṃ uddissa bhāvanāṃ ārabhanto yogī yuttappattakārī, sukkena cassa tattha bhāvanā ijjhati, tena pana yoginā tāvatā santoso na kātabboti. Tenāha “**appanā sampajjati**”ti-ādi. **Simāsambhedanti** mariyādāpanayanaṃ, attā piyo majjhatto verīti vibhāgākaraṇanti attho. **Tadanantaranti** tato piyamaṇāpagarubhāvanīyato, tattha vā mettādhigamato anantaraṃ. Atippiyasahāyake mettā bhāvetabbāti sambandho, garuṭṭhānīye paṭiladdhaṃ mettāmanasikāraṃ atippiyasahāyake upasaṃharitabbanti attho. Sukhūpasamhāratassa<sup>1</sup> taṃ hoti pageva paṭipakkhadhammaṃ vikkhambhitattā. Atippiyasahāyakato anantaraṃ majjhatte mettā bhāvetabbā majjhataṃ piyaguruṭṭhāne ṭhapetuṃ sukarabhāvato. “Atippiyasahāyakato”ti ca idaṃ purimāvattaṃ gahetvā vuttaṃ. Paṇaṃmanasikārādhigamato paṭṭhāya hissa sopi piyaṭṭhāne eva tiṭṭhati. **Majjhataṃ verīpuggaleti** majjhataṃ puggale mettāyantaṃ tattha paṇaṃmanasikārādhigamena piyabhāvaṃ upasaṃharitvā tadanantaraṃ verīpuggalaṃ bhāvanāya majjhatte ṭhapetvā tato majjhataṃ piyabhāvūpasamhārena verīpuggale **mettā bhāvetabbā**. “Verīpuggale”ti ca idaṃ purimāvattaṃ gahetvā vuttaṃ. **Ekekasmīṃ koṭṭhāse muduṃ kammaniyaṃ cittaṃ katvāti** piyaguruṭṭhānīyo, atippiyo, majjhatto, verīti catūsu puggalakoṭṭhāsesu paṭhamaṃ tāva piyaguruṭṭhānīye mettābhāvanāṃ adhigantvā vasībhāvappattiyā tathāpavattaṃ cittaṃ koṭṭhāsarūpasamhāratthaṃ muduṃ kammaniyaṃ katvā tadanantaraṃ atippiyasahāye atippiyabhāvaṃ vikkhambhetvā piyabhāvamatte cittaṃ ṭhapentaṃ bhāvanā upasaṃharitabbā, tampi vasībhāvāpādanena muduṃ kammaniyaṃ katvā tadanantaraṃ majjhatte udāsinabhāvaṃ vikkhambhetvā piyabhāvaṃ upaṭṭhatvā bhāvanā upasaṃharitabbā, puna tampi<sup>2</sup> vasībhāvāpādanena muduṃ kammaniyaṃ katvā tadanantaraṃ verimhi verisaññaṃ vikkhambhetvā majjhatabhāvūpaṭṭhapanamukhena piyabhāvaṃ uppādentena bhāvanā upasaṃharitabbā. Tena vuttaṃ “**tadanantare tadanantare upasaṃharitabban**”ti, jhānacittaṃ upanetaṃ uppādetabbanti attho.

**Verīpuggalo vā natthi** kammabalena vā etarahi payogasampattiyā vā sabbaso anattakarassa abhāvato. **Mahāpurisajātikattāti**

1. Sukhūpasamhāraṃ tatthassa (Si)

2. Tasmīṃ (Ka)

mahāpurisasabhāvattā cirakālaparicayasamiddhakhantimettānuddayādiguṇa-sampannatāya uḷārajjhāsayattāti attho. Tādiso hi sabbasaho parāparādham tiṇṇāyapi na maññati. Tena vuttam **“anattam karontepi pare verisaññāva nuppajjati”**ti. **Tenāti** tena yoginā. Atthi veripuggaloti sambandho.

243. **Purimapuggalesūti** piyādīsu jhānassa ārammaṇabhūtesu purimesu puggalesu. **Mettam samāpajjitvāti** paṭigham vikkhambhetvā uppāditam mettājhānam samāpajjitvā. **Mettāyantena paṭigham paṭivinodetabbanti** ettha keci pana “upacārajjhānam sampādetvā”ti attham vadanti, tesam upacārajjhānato vuṭṭhānampi icchitabham siyā “vuṭṭhahitvā”ti vuttattā. Pubbe tasmim puggale asatiyā amanasikārena paṭigham anuppādentassa sādharmaṇato tam vikkhambhetvā jhānassa uppādanam, samāpajjanañca vuttam, idāni pana tam anussarantassapi manasi karontassapi yathā paṭigham na uppajjati, tam vidhim dassetuṃ idam vuttam **“tam puggalam mettāyantena paṭigham vinodetabban”**ti. Mettāyaneva hi idha paṭighavinodanam adhippetam. **Na nibbātīti** na vūpasammati.

**Anusāratoti** anugamanato, paccavekkhaṇatoti attho. **Ghaṭitabbanti** vāyamitabham.

**Tañca kho** ghaṭanam vāyamanam. **Iminā** idāni vakkhamānena ākārena.

Ubhato dvīsu ṭhānesu daṇḍo etassāti **ubhatodaṇḍakam**, tena. **Ocarakā** lāmakācārā pāpapurisā. **Tatrāpīti** tesupi āngamaṅgāni okkantesupi. **Tenāti** manopadosena. **Na sāsanakaro**. Sabbapāpassa akaraṇam hi sāsanam. **Tassevāti** tatopi. Nissakke hi idam sāmivacanam, samuccaye ca **eva-saddo**, paṭhamam kuddhapurisetopīti attho. **Tenāti** kujjhanena. **Pāpiyoti** pāpataro. Sārambhādīkassa kilesānubandhassa vatthubhāvato kodhassa sāvajjatanam ṇātvāpi kujjhanato sace kodhe anavajjasaññī kuddhassa puggalassa na paṭikujjheyāti keci. **Ubhinnanti** dvinnam puggalānam. Tenāha **“attano ca parassa cā”**ti. Atha vā **ubhinnanti** ubhayesam lokānam, idhalokaparalokānanti attho.

**Sapattakantā**ti paṭisattūhi icchitā. **Sapattakaraṇā**ti tehi kātabbā. **Kodhananti** kujjhanasīlaṃ. **Kodhanāyanti** kodhano ayaṃ, **ayanti** ca nipātamattaṃ. **Kodhaparetoti** kodhena anugato, parābhībhūto vā. **Dubbaṇṇova hotīti** pakatiyā vaṇṇavāpi alaṅkatapaṭiyattopi mukhavikārādivasena virūpo eva hoti etarahi, āyatim cāti. Kodhābhībhavassa ekantikamidam phalanti dīpetum “dubbaṇṇovā”ti avadhāraṇam katvā puna “**kodhābhībhūto**”ti vuttam. **Na pacuratthoti** na pahūtadhano. **Na bhogavāti** upabhogaparibhogavatthurahito. **Na yasavāti** na kittimā.

**Chavālātanti** chavadahanālātam, citakāyam santajjanummukkantipi vadanti. **Ubhatopadittanti** ubhosu koṭisu daḍḍham. **Majjhe gūthagatanti** vemajjhaṭṭhāne sunakhassa vā siṅgālassa vā uhadena gūthena makkhitam. **Kaṭṭhatthanti** dārukiccam. **Neva pharati** na sādheti. **Tathūpamāhanti** tathūpamam tādisam aham. **Imanti** “so ca hoti abhijjhālū”ti-ādinā<sup>1</sup> heṭṭhā vuttam sandhāya satthā vadati, tasmā kāmesu tibbasārāgatādinā sīlahitanti adhippāyo. Idha pana byāpannacittam paduṭṭhamanasaṅkappatāvasena yojetabbam.

**So dāni tvanti-**ādi yathāvuttehi suttapadehi atthano ovadanākāradassanam.

244. **Yo yo dhammoti** kāyasamācārādīsu yo yo sucaritadhammo. **Vūpasantoti** saṃyato. **Parisuddhoti** kilesamalavigamena visuddho. Kilesadāhābhāvena<sup>2</sup> vā upasanto, anavajjabhāvena parisuddho, kāyasamācārasseva upasamo cirakālam saṃyatakāyakammatāya veditabbo. Evaṃ sesesupi.

**Teti vacīmanosamācāre.**

**Soti upasantavacīsamācāro** puggalo. **Paṭisanthārakusaloti** yathā parehi chiddam na hoti, evam paṭisantharaṇe kusalo. **Sakhiloti**

1. Khu 1. 256 piṭṭhe.

2. Vidāhābhāvena (Sī, Ka)

adhivāsanakhantisāṅkhātena sakhilabhāvena samannāgato. **Sukhasambhāsoti** piyakatho. **Sammodakoti** sammodanīyakathāya sammodanasīlo.

**Uttānamukhoti** vikuṇṭitamukho<sup>1</sup> ahutvā pītisomanassavasena vikasitamukho.

**Pubbabhāsīti** yena kenaci samāgato vasena vikasitamukho. **Pubbabhāsīti** yena kenaci samāgato paṭisanthāravasena paṭhamāṇyeva ābhāsanāsīlo.

**Madhurena sarena dhammaṃ osāreti** sarataññavasena. Sarabhāṇaṃ pana karonto **parimaṇḍalehi** paripuṇṇehi padehi ca byañjanehi ca abyākulehi dhammakathaṃ katheti.

**Sabbajanassa pākaṭo** sakkaccakiriyaṃyāti adhippāyo. Tenāha “yo hī”ti-ādi. **Okappetvāti** saddahitvā. Okappanalakkhaṇā hi saddhā. **Ohitasototi** avahitasoto, sussusanthoti attho. **Atṭhimkatvā** attham<sup>2</sup> katvā, atthiko vā hutvā.

“**Ekopi na vūpasanto hoti**”ti pāṭho, evarūpo puggalo nirayato nirayaṃ upapajjanto bahukālaṃ tattheva saṃsaratīti dassetuṃ

“**aṭṭhamahānirayasola-ussadanirayaparipūrako bhavissati**”ti puttāṃ.

Tattha sañjīvādayo aṭṭha mahānirayā. Avīcimahānirayassa dvāre dvāre

cattāro cattāro katvā kukkuḷādayo soḷasa ussadanirayā. **Kāruṇīyaṃ upaṭṭhapetabbam** mahādukkhabhāgibhāvato. Yasmiṃ puggale aviheṣābhūtā

dukkhāpanayanakāmatā upatiṭṭhati, tattha paṭiḅho anokāsovāti āha

“**kāruṇīyampi paṭicca āghāto vūpasammatī**”ti.

**Imassa ca atthassāti** “yo yo dhammo”ti-ādinā vuttassa atthassa.

245. Yaṃ verī dukkhāpetuṃ sakkoti, so tassa vasena “**attano visaye**”ti vutto bhikkhuno kāyo. **Kinti** kiṃ kāraṇaṃ. **Tassāti** verino. **Avisayeti**

dukkhaṃ uppādetuṃ asakkuṇeyyatāya agocare. **Sacitteti** attano citte.

**Mahānatthakaranti** idhalokatthaparalokatthaparamatthānaṃ virādhanavasena mahato vipulassa, nānāvidhassa ca diṭṭhadhammikādiḅhedassa anathassa

kāraṇaṃ. **Mūlanikantananti** sīlassa mūlāni nāma

hirottappakhanimettānuddayā, tesāṃ chindanaṃ. Kodho hi uppajjamānova

pāṇātipātādivasena hirottappādīni ucchindati. **Jaḷoti** andhabālo.

1. Vikujita...vikudhita... (Ka)

2. Atthim (Ka)

**Anariyaṃ kammanti** verinā katamahāparādhamāha. **Yo sayanti** yo tvaṃ sayampi. **Dosetukāmoti** kodhaṃ uppādetukāmo. **Yadi kari** yadi akāsi. **Dosuppādenāti** dosassa uppādanena. **Dukkhaṃ tassa ca nāmāti** dukkhañca nāma tassa aparādhakassa. **Nāmāti**<sup>1</sup> asambhāvane nipāto, tena tassa kāraṇaṃ anekantikanti dasseti. Tenāha “**kāhasi vā na vā**”ti, karissasi na vā karissasīti attho. **Ahitaṃ magganti** attano ahitāvahaṃ duggatimaggam.

**Aṭṭhāneti** doso tava appiyassa kārāpako, sattu pana tassa vasavattitāya dāsasadisoti aṭṭhānaṃ paccupakiriya. Tasmā **tameva dosaṃ chindassu** ucchinda. **Khaṇikattāti** udayavayaparicchinnō attano pavattikālasaṅkhāto khaṇo etesaṃ atthīti khaṇikā, tabbhāvato khaṇapabhaṅgubhāvatoti attho. **Kassa dānīdha kujjhasīti** aparādhakassa santāne yehi khandhehi te aparādhō kato, te taṃkhaṇaṃyeva sabbaso niruddhā. Idāni pana aññe tiṭṭhantīti kassa tvaṃ idha kujjhasi. Na hi yuttaṃ anaparādhesu kujjhananti adhippāyo. **Taṃ vinā kassa so kareti** yo puggalo yassa dukkhaṃ karoti, taṃ dukkhakiriyaṃ visayabhūtaṃ puggalaṃ vinā kassa nāma so dukkhakārako dukkhaṃ kare kareyya. **Sayampi dukkhahetu tvamitīti** evaṃ sayampi tvaṃ etassa dukkhassa hetu, evaṃ samāne tassa yuthaṅca tassa dukkhassa hetubhāve **kiṃ** kāraṇā **tassa kujjhasi** na tuyhanti attho.

246. Paralokepi anugāmibhāvato kammaṃyeva sakaṃ santakaṃ etesanti kammassakā, tesaṃ bhāvo **kammassakatā**. Paccavekkhaṇā nāma nisedhanatthā, nisedhanañca bhāvino kammassāti āha “**yaṃ kammaṃ parissasī**”ti. Paṭighavasena pana pavattakammaṃ pākaṭabhāvato āsannaṃ, paccakkhañcāti āha “**idañcā**”ti. **Ca**-saddo byatireke, so tassa kammassa phalanissandena “**neva sammāsambodhin**”ti-ādinā byatirekato vuccamānamevatthaṃ joteti. Neva samatthanti sambandho. Niraye niyuttaṃ jātanti vā **nerayikaṃ**. **Attānaṃyeva okirati** dosarajenāti adhippāyo.

---

1. Navāti (Sī)

247. **Satthu pubbacariyaṅgaṇṇā** paccavekkhitabbā, satthu gāraṇenāpi paṭighaṃ vūpasameyyāti.

**Bodhisattopi samāno** nanu te satthā cittaṃ nappadūsesi, pageva abhisambuddhoti adhippāyo. **Deviyā paduṭṭhenāti** deviyā saddhiṃ padubbhinā micchācārasena aparaddhena. Yattha susāne chavasārīraṃ chaḍḍiyati, taṃ **āmakasusānaṃ**. **Nikhaññamānoti** nikhaññamāno. **Purisakāraṃ katvāti** āvāṭato nikkhamaṇatthāya bāhubalena purisakāraṃ katvā. **Yakkhānubhāvenāti** aḍḍavinicchayena ārādhitacittassa yakkhassa ānubhāvena. **Sirigabbhanti** vāsāgāre.

**Āsīsethevāti** yathādhippete atthe nāyato anavajjato āsaṃ kareyya. **Na nibbindeyyāti** “evaṃ kicchāpannaṃ me kuto sotthibhāvo”ti na nibbindeyya. Vuttañhi “āpadāsu kho mahārāja thāmo vedītabbo”ti<sup>1</sup>. **Yathā icchinti** yena pakārena kassaci pīlaṃ akatvā rajje paṭiṭṭhitā attānaṃ icchīṃ, **tathā ahaṃ ahunti passāmi**. **Voti** hi nipātamattāṃ.

**Kāsiraññāti** kalābunā kāsiraññena. **Sakaṇṭakāhīti** ayakaṇṭakehi sakaṇṭakāhi.

**Mahallakoti** vuddho vayo-anuppatto. **Rujjhantīti** nirujjhanti.

**Cittapariggaṇṇanakāloti** visevaṇaṃ<sup>2</sup> kātuṃ adatvā cittaṃ sammadeva damanakālo.

**Puthusallenāti** vipulena sallena. **Nāgoti** hatthināgo. **Vadhīti** vijjhi, māresīti vā attho. Imaṃ ṭhānaṃ āgantvā mayi evaṃ karaṇaṃ nāma na tava vasena hoti, tasmā **kassa vā** rañño, rājamattassa vā **ayaṃ payogo** uyyojanāti attho.

**Chabbaṇṇarasmīti** nilapītalohitādivasena chabbaṇṇamayūkhā<sup>3</sup>. Chabbaṇṇakiraṇavantaḍḍantatāya hi te hatthī “chaddantā”ti vuccanti, na chaddantavantaḍḍantatāya.

**Chātoti** jighacchito. **Khādeyyāti** khādeyyaṃ, ayameva vā pāṭho.

---

1. Khu 1. 157 piṭṭhe Udāne. 2. Visedhanaṃ (Ka) 3. Chabbaṇṇayuttaṃ (Syā, Ka)

**Āhitoti**<sup>1</sup> suhito. **Sambalanti** maggāhāraṃ. Taṃ pana yasmā upacārena pathassa hitanti vuccati, tasmā “**pātheyyan**”tipi vuttaṃ. “Mittadubbhī vatāyaṃ andhabālo”ti kāruññaena **assuṇṇehi netthehi taṃ purisaṃ udikkhamāno**.

**Mā ayyosi me bhadanteti** ettha māti nipātamattaṃ, **māti** vā paṭikkhepo, tena upari tena kātabbaṃ vipakāraṃ paṭisedheti. **Ayyo meti** ayyirako tvaṃ mama atithibhāvato. **Bhadanteti** piyasamudācāro. **Tvaṃ nāmetādisaṃ karīti** tvampi evarūpaṃ akāsi nāma.

Tiracchānabhūtopi pana mahākapi hutvā khemantabhūmim sampāpesīti yojanā.

**Peḷāya pakkhipantepīti** khuddakāya peḷāya pādehi koṭetvā pakkhipantepi. **Maddantepīti** dubbalabhāvakaraṇatthaṃ nānappakārehi maddantepi. **Alampāneti** evanāmake ahituṇḍike.

**Pītaṃ vāti** ettha **vā**-saddo avuttatthavikappe, tena odātamañjittḥādim avuttaṃ saṅgaṇhāti. **Cittānuvattantoti** cittaṃ anuvattanto. **Homi cintitasannibho** evamayaṃ bahuḷābhaṃ labhatūti. Ānubhāvena pana **thalaṃ kareyya udakaṃ -pa- chārikaṃ kare**. **Evam** pana **yadi cittavasī hessaṃ -pa- uttamatto na sijjhatīti** tadā attanā tattha diṭṭhaṃ ādīnavaṃ dasseti bhagavā. Tattha **uttamatthoti** buddhabhāvamāha. **Bhojaputtehīti** luddaputtehi.

**Alārāti** yena sayāṃ tadā luddahatthato mocito, taṃ sathavāhaṃ nāmena ālapati. **Atikassāti** nāsāya āvutarajjūṃ ākaḍḍhitvā. **Samparigalhāti** kāḷavettalatādīhi sabbaso pariggahetvā, acchariyāni dussahānaṃ sahanavaseṇāti adhippāyo.

**Ativiya ayuttaṃ appatirūpaṃ** paṭighacittuppādanena kenaci appaṭisamakhanṭiguṇassa satthusāsanāvokkamanappasaṅgato.

248. “Anamataggoyāṃ bhikkhave saṃsāro”ti-ādinā<sup>2</sup> āgatāni suttapadāni anamataggasaddo, tadattho vā etesanti **anamataggiyāni**.

1. Asito (Sī), āsito (Syā, Ka)

2. Saṃ 1. 387; Saṃ 2. 121; Saṃ 3. 199; Abhi 4. 30 piṭṭhādīsu.



Ajehi gamanamaggo **ajapatho**. Saṅkū laggāpetvā te ālambitvā gamanamaggo **saṅkupatho**. **Saṅkū**ti aṅkusākārena katadīghadaṇḍo vuccati. **Ādi**-saddena papātamaggaduggamaggādiḍe saṅgaṇhāti. **Ubhatobyū**lheti sampahārattham dvīhipi pakkhehi gāḷhasannāhe. **Aññāni ca dukkarāni karitvā** dhanāsāya pabbatavidugganaḍividduggāḍipakkhandanavasenaḍi adhippāyo. **Maṃ posesi, upakāraṃ akāsi, tatra nappatirūpaṃ manam padūsetunti** evaṃ cittaṃ uppādetabbanti sambandho. Evaṃ cittuppādanaṅca etarahi dissamānena puttāḍinaṃ posanāḍinā atītassa anumānato gahaṇavasena veditabbam.

149. **Mettāyāti** mettāsaṅkhātāya, mettāsahitāya vā. **Cetovimuttiyāti** cittasamādhāne. **Āsevitāyāti** ādarena sevitāya. **Bhāvitāyāti** vaḍḍhitāya. **Bahulikatāyāti** punappunam katāya. **Yānikatāyāti** yuttayānam viya katāya. **Vatthukatāyāti** adhiṭṭhānavatthum viya katāya. **Anuṭṭhitāyāti** adhiṭṭhitāya. **Paricitāyāti** paricīṇṇāya cīṇṇavasībhāvāya. **Susamāraddhāyāti** suṭṭhu sampāditāya. **Paṭikāṅkhāti** icchitabbā avassambhāvino. Sesam parato āgamissati.

250. **Dhātuvinibbhogoti** sasambhārasaṅkhepāḍinā dhātūnam vinibbhujanam. Aparāḍho nāma aparajjhantassa puggalassa rūpadhammamukhena gayhatīti katvā āha “**kiṃ kesānam kujjhasī**”ti-ādi, kesādivinimuttassa aparajjhanakassa puggalassa abhāvato. Idāni nibbattitaparamatthadhammaseneva vinibbhogavidhiṃ dassetuṃ “**atha vā panā**”ti-ādi vuttam. Pañcakkhandhe upāḍāya, dvādasāyatanāni upāḍāyāti paccekam upāḍāya-saddo yojetabbo. **Kodhassa patiṭṭhānaṭṭhānam na hotīti** yathā āragge sāsapassa, ākāse ca cittakammassa patiṭṭhānaṭṭhānam natthi, evamassa “verī”ti parikappite puggale kodhassa patiṭṭhānaṭṭhānam na hoti, kesāḍinaṃ akujjhitabbato, tabbinimuttassa ca puggalassa abhāvato.

251. **Samvibhāgoti** āmisasamvibhāgo. **Parassāti** paccatthikassa. **Bhinnājīvoti** aparisuddhājīvo. **Tassevam karototi** evam samvibhāgam karontassa tassa dāyakassa. **Itarassāti** paṭiggāhakassa. “**Mama mātarā**

**upāsikāya dinno**”ti idaṃ **“dhammiyalābho**”ti etassa kāraṇavacanāṃ. Tena pana tassa āgamanasuddhiṃ dasseti.

**Sabbatthasādhakanti** “attattho parattho diṭṭhadhammiko attho samparāyiko attho”ti<sup>1</sup> evamādīnaṃ sabbesaṃ atthānaṃ, hitānaṃ, payojanānaṃ nipphādaṃ. **Unnamanti** dāyakā. **Namanti** paṭiggāhakā.

252. **Evanti** yathāvuttehi kakacūpamovādānussaraṇādīhi attano ovadanākārehi. **Vūpasantapaṭighassāti** paṭisaṅkhānabalena vinoditāghātassa. **Tasmīmpīti** verīpuggalepi. **Verī-**gahaṇeneva cettha appiyapuggalassāpi gahaṇaṃ daṭṭhabbaṃ verimhi mettāya siddhāya tasmimpi mettāsiddhito, piyato pana atippiyasahāyakassa visum gahaṇaṃ āsannapaccatthikassa dubbinimocayabhāvadassanattamaṃ. **Mettāvasenāti** mettāyanavasena. **Samacittatanti** hitūpasamhārena samānacittataṃ. **Sīmāsambhedo** sā eva samacittatā. **Imasmiṃ puggaleti** mettākammaṭṭhānikapuggale. **Nisinni** bhāvenabhāvalakkhaṇe bhummaṃ.

**Hitamajjhatteti** piye, majjhatte ca. **Catubbidheti** catubbidhe jane, yattha katthacīti adhippāyo. **Nānattanti** piyamajjhattādinānākaraṇaṃ. **Hitacittova pāṇinanti** kevalaṃ sattesu hitacitto evāti pavuccati, na pana “mettāya nikāmalābhī”ti vā “kusalī”ti vā pavuccati. Kasmā? Yasmā attādīsu passati nānattanti. Kasmā paṇāyaṃ hitacitto kusalīti na vuccatīti. Kasmā? Yasmā attādīsu passati nānattanti. Kasmā paṇāyaṃ hitacitto kusalīti na vuccatīti, sātīsayassa kusalassa vasena kusalibhāvassa adhippetattā. Imassa ca puggalassa mettābhāvanā na visesavatī. Atha vā **na nikāmalābhī mettāya** yato attādīsu passati nānattanti. **Kusalīti** pavuccati, yasmā hitacittova pāṇinanti evamettha attho daṭṭhabbo. Gāmasīmādayo viya gāmantarādīhi sattaṃsaṅkhāte mettāvisaye bhāvanāya pubbe aññamaññaṃ asaṃkiṇṇamariyādārūpena ṭhitattā attādayo idha sīmā nāmāti āha **“catasso sīmāyo”**ti. **Sambhinnā hontīti** ettha vuttaṃ sambhedaṃ dassetuṃ **“samaṃ pharati mettāyā”**ti-ādi vuttaṃ. **Mahāvisesoti** mahanto bhāvanāya viseso atīsayo. **Purimena** purimato attādinānattadassinā. **Na nāyatīti** na nāyati.

1. Khu 7. 138; Khu 8. 175; Khu 9. 375 piṭṭhesu.

253. **Nimittanti** yathā kaṣiṇakammaṭṭhānādīsū taṁtaṁkaṣiṇamaṇḍalādi-pariggahamukhena bhāvanāvasena laddhaṁ uggahanimittaṁ nissāya jhānassa gocara-bhāvena paṭibhāganimittaṁ upatiṭṭhati, na evamidha upaṭṭhitaṁ nimittaṁ nāma atthi. Yo paṇāyaṁ yathāvutto sīmāsambhedo laddho, sveva nimittaṁ viyāti nimittaṁ. Tasmim hi laddhe bhāvanāya sātisayattā nīvaraṇāni vikkhambhitāneva honti, kilesā sannisinnāva, upacārasamādhinā cittaṁ samāhitameva. Tenāha **“nimittañca upacārañca laddhaṁ hoti”**ti. **Tameva nimittanti** sīmāsambhedavasena pavattasamathanimittaṁ. **Appakasireneva** akiccheneva, pageva paripanthassa visodhitattā.

**Ettāvatāti** ettakena bhāvanānuyogena. **Anena**<sup>1</sup> yoginā. **Pañcaṅgavippahīnanti**-ādīnaṁ padānaṁ attho heṭṭhā vutto eva.

**“Paṭhamajjhānādīnaṁ aññataravasena”**ti idaṁ vakkhamānāya vikubbanāya tesāṁ sādharmaṇatāya vuttaṁ. **Appanāpattacittasseva** na upacāramattalābhino. Paṇaḇabalavabhāvāpādanena vepullādivisesappattassa odhiso, anodhiso ca disāpharaṇādivasena jhānassa pavijambhanā vikubbanā vividhā kiriyāti katvā.

254. **Mettāsahagatenāti** uppādato yāva bhaṅgā mettāya saha pavattena saṁsaṭṭhena sampayuttenāti attho. Yasmā pana taṁ vuttanayena mettāya sahatam, tāya ekuppādādividhinā sammadeva āgataṁ hoti, tasmā vuttaṁ **“mettāya samannāgatenā”**ti. **Ceto**-saddo “adhicetasso”ti-ādīsū<sup>2</sup> samādhipariyāyopi hotīti tato visesetuṁ **“cetasāti cittenā”**ti vuttaṁ. **Etanti** etaṁ padaṁ. Disodhipariggaho sattodhipariggahamukheneva hotīti dassetto āha **“ekissā disāya paṭhamapariggahitaṁ sattaṁ upādāyā”**ti. Disāsu hi ṭhitasattā disāgahaṇena gahitā. Tenāha **“ekadisāpariyāpannasattapharaṇavasena vuttan”**ti. Pharaṇaṇca sārammaṇassa dhammassa attano ārammaṇassa phassānā paccakkhato dassanaṁ gahaṇaṁ ārammaṇakaraṇamevāti āha **“pharivāti phusitvā ārammaṇaṁ katvā”**ti. **Brahmavihārādhiṭṭhanti** mettājāhanupatthambhitaṁ. **Tathāti** niyamaṇaṁ.

1. Tena (sabbattha)

2. Vi 2. 77; Khu 1. 128 piṭṭhesu.

Taṃ aniyamāpekkhasambandhībhāvato upamākāranīyamaṇaṃ. **Dutiyanti** upameyyadassanaṃ, upameyyaṅca nāma upamaṃ, tena sambandhaṅca vinā natthīti tadubhayampi dassetuṃ “**yathā puratthimādīsū**”ti-ādi vutta. Tatha **Tathā dutiyanti** ettha pharivā viharatīti ānetvā sambandhītabbaṃ. Evaṃ **tatiyaṃ catutthanti** etthāpi. **Tadantaranti** ca pharaṇāpekkhaṃ anantaraggahaṇaṃ, na pharitabbadisāpekkhaṃ disānaṃ aniddiṭṭharūpattā. Pharaṇānukkamena hi tāsāṃ dutiyādītā, na sarūpato. Tenevāha “**yaṃ kiñci ekam disan**”ti. Itīti evaṃ yathāvuttaṃ catasso, evaṃ uddhaṃ disaṃ pharivā viharatīti attho. Tenāha “**eteneva nāyena**”ti. Idampi iti-saddasseva atthadassanaṃ. **Pāḷiyam**<sup>1</sup> **adhi tiriyaṃ** ettha pi-saddo luttaniddiṭṭhoti dassetuṃ “**adhodisampi tiriyaṃ disampī**”ti vuttaṃ. Eteneva “**dutiyān**”ti-ādisupi pi-saddassa luttaniddiṭṭhatā dīpitātī veditabbaṃ. **Evaṃevāti** idampi iti-saddasseva atthadassanaṃ. Ettha ca “**adho**”ti iminā yathā nirayesu, nāgabhanādīsū, yattha tattha vā attano heṭṭhimadisāya sattā gayhanti, evaṃ “**uddhan**”ti iminā devaloke, yattha tattha vā attano uparimadisāyaṃ sattā gahitātī veditabbaṃ.

**Majjhattādīti ādi**-saddena itthipurisa-ariyānariyadevamanussādike pabhede saṅgaṇhātī. **Īsakampi bahi avikkhipamānoti** appakampi kammaṭṭhānato bahi vikkhepaṃ anāpajjanto hitūpasamhārato aññathā thokampi avattamāno. **Sabbattatāyāti** vā sabbena attabhāvena yathā sabbabhāvena attani<sup>2</sup> attano attabhāve hitesitā, evaṃ sabbadhi sabbasattesu mettāya pharivā viharatīti attho. Mettāya vuccamānattā sattavisayo **sabba**-saddo, so ca dīghaṃ katvā vutto, tasmā sabbasattakāyasaṅkhātā pajā etassa atthīti sabbāvantoti padattato dassento “**sabbāvantanti sabbasattavantan**”ti āha. Ettha ca **sabbadhīti** disodhinā, desodhinā ca anodhisoparaṇaṃ vuttaṃ, **sabbattatāya sabbāvantanti** sattodhinā. Tathā hi vuttaṃ “anodhiso dassanattan”ti. Ekamevatthaṃ pakārato pariyāyenti ñāpentīti **pariyāyā**, vevacanāni. Vipulādisaddā cettha tādisātī adhippāyo. Tenāha “**vipulenāti evamādi-pariyā yadassanato**”ti. Pariyāyadassene ca pubbe

1. Dī 1. 243; Ma 2. 263; Ma 3. 185; Abhi 2. 284 piṭṭhādīsū.

2. Attanā (Ka)

gahitapadānīpi puna gayhanti, yathā “saddhā saddahanā”<sup>1</sup>ti ettha vuttampi saddhāpadam puna indriyādīpariyāyadassane “saddhā saddhindriyan”<sup>1</sup>ti vuttam. **Tathāsaddo vā itisaddo vā na vuttoti** “mettāsahagatena cetasā ekam disam pharivā viharatī”<sup>2</sup>ti etassa anuvattako tathā-saddo ca iti-saddo ca tesam pharaṇānantarādīṭṭhānam aṭṭhānanti katvā te na vuttāti puna “**mettāsahagatena cetasāti vuttan**”<sup>3</sup>ti attho. Vuttassevatthassa puna vacanam nigamananti āha “**nigamanavasena vā etam vuttan**”<sup>4</sup>ti. Nanu ca samāpanavasena vuttassevatthassa puna vacanam nigamananti? Nāyam doso odhiso-anodhisoparaṇānam samāpane eva vuttatā. **Vipulenāti** mahantena, mahattañcassa asubhakammaṭṭhānādīsu viya ārammaṇassa ekadesameva agghetvā anavasesaggaḥaṇavasenāti āha “**pharaṇavasena vipulatā datṭhabbā**”<sup>5</sup>ti.

Kilesavikkhambhanasamatthatādīhi mahattam gataṃ, mahantehi vā uḷāracchandacittavīriyapaññehi gataṃ paṭipannanti **mahaggatam**. Tayidam yasmā ekantato rūpāvacaram, tasmā vuttam “**bhūmivasena mahaggatan**”<sup>6</sup>ti. Niruḷho hi rūpārūpāvacaressu mahaggatavohāro. **Paguṇavasenāti** pakārato guṇitam bahulīkatam paguṇam, tassa vasena, subhāvitabhāvenāti attho. Tam hi pamāṇam pahetum asakkuṇeyyatāya appamāṇam nāma hoti. **Appamāṇasattārammaṇavasenāti** aparimāṇasattārammaṇakaraṇavasena. Sayampi verarahitattā, taṃsamaṅgino verābhāvahetuttā ca **averam**. Tayidam dvayam yato labhati, tam dassetum “**byāpādapaccatthikappahānenā**”<sup>7</sup>ti vuttam. Cetaso byāpattivasena hananato byāpajjam, cetasikam asātam, tadabhāvato **abyāpajjam**. Tenāha “**niddukkhan**”<sup>8</sup>ti. Tam panassa abyāpajjattam pañcaviññāṇādīnam viya na sabhāvato, atha kho paccatthikavivekatoti dassento “**domanassappahānato**”<sup>9</sup>ti āha. **Ayanti** idha yathānītam **appamaññāvibhaṅge**<sup>10</sup>, tesu tesu ca **suttapadesesu**<sup>11</sup> āgataṃ mettābrahmavihāravikubbanamāha.

255. “**Tathā**”<sup>12</sup>ti iminā imissā “pañcahākārehi, sattahākārehi, dasahākārehi”<sup>13</sup>ti ākāravibhāgena **paṭisambhidāyam**<sup>14</sup> vuttāya ca

1. Abhi 1. 19 piṭṭhādīsu.

3. Ma 1. 371; Ma 2. 263, 269 piṭṭhādīsu.

2. Abhi 2. 284 piṭṭhe.

4. Khu 9. 314 piṭṭhe.

vikubbanāya majjhebhinnasuvaṇṇassa viya bhedābhāvamupasaṃharati odhisoparaṇa-anodhisoparaṇadisāpharaṇavasena desanāya āgatattā. Kevalaṃ panettha **paṭisambhidāmagge**<sup>1</sup> viya sattodhi na gahitoti ayameva viseso. **Yampīti** vikubbanam sandhāyāha.

Idāni bhedābhāvadassanamukhena uddesato ānītaṃ **paṭisambhidāmaggapālim**<sup>1</sup> niddesato dassetvā tassā anuttānapadavaṇṇanam kātum **“tattha cā”**ti-ādimāha.

256. Tattha **sabbe sattāti sabba-**saddo kāmaṃ padesasabbavisayo, na sabbasabbavisayo yathā “sabbaṃ jānātīti sabbaññutaññāṇaṃ”ti<sup>2</sup>, “sattā”ti pana padena paricchinnam<sup>3</sup> attano visayaṃ asesetvāva pariyādiyātīti āha **“anavasesapariyādānametan”**ti.

**Tatrāti** tasmim rūpe. **Sattoti** sajjanakiccena chandādipariyāyena lobhena āsatto laggo. **Tatrāti** vā karaṇe bhummaṃ, tena chandādināti attho.

Yadi sattatāya sattā, kathaṃ vītarāgesūti āha **“ruḥhisaddenā”**ti-ādi. Avītarāgesu ruḥhena, avītarāgesu vā pavattitvā indriyabaddhakhandhasantānatāya taṃsadisesu vītarāgesu ruḥhena saddena. Atha vā kiñci nimittam gahetvā satipi aññasmim tannimittayutte katthaci visaye sammutiyā cirakālatāya nimittavirahepi pavatti ruḥhī nāma yathā “gacchantīti gāvo”ti, evaṃ sattasaddassāpi ruḥhībhāvo daṭṭhabbo. Bhūtapubbagatiyā vā vītarāgesu sattavohāro daṭṭhabbo. **Satvayogatoti** ettha **satvam** nāma buddhi, vīriyam, tejo vā, tena yogato sattā, yathā “nīlaguṇayogato nīlo paṭo”ti.

Pāṇanti etenāti pāṇanam, assāsapassāsā, tassa kammaṃ **pāṇanatā**, tāya, assāsapassāsasampayogenāti attho. **Bhūtattāti** kammakilesehi jātattā. Pūraṇato, galanato ca **puggalāti** neruttā. Sattā hi nibbattantā taṃtaṃsattanikāyam pūrentā viya honti, sabbāvatthanipātītāya ca galanti cavantīti attho. Apariññātavatthukānam

1. Khu 9. 314 piṭṭhe.

2. Khu 9. 125-6 piṭṭhesu.

3. Avacchinnam (Sī), avicchinnam (Syā, Ka)

“attā”ti bhavati ettha abhidhānaṃ, cittañcāti **attabhāvo, sarīraṃ, khandhapañcakameva vā. Tanti** khandhapañcakaṃ. **Upādāyāti** gahetvā upādānaṃ nissayaṃ katvā. **Paññattimattasambhavatoti** paramatthato asantepi sattasaññite paññattimattena sambhavato.

**Yathā ca sattāti vacananti** yathā satta-saddo yathāvuttenaṭṭhena nippariyāyato padasavuttiṇi ruḥhīvasena anavasesapariyādāyako. **Sesānipīti** pāṇādivacanānipi. Tānipi hi rūpārūpabhavūpagacatutthajjhānādisamaṅgīnaṃ assāsapassāsābhāvato avinipātadhammānaṃ pugalanassa<sup>1</sup> abhāvato padasavuttīni. **Ruḥhīvasena āropetvā** yathāvuttāya ruḥhiyā vasena katthaci visaye avijjamānampi pāṇapuggalabhāvaṃ āropetvā. Yadi sādharmaṇato sattavevacanānīti gahetvā anodhisopparaṇā mettā vuccati, atha kasmā pañceheva ākārehi vuttāti anuyogaṃ sandhāyāha “**kāmañcā**”ti-ādi. Keci paṇāhu “na kho panetāni “sattā”ti-ādīni padāni vevacanatāmattaṃ upādāya gahitāni, yato jantu-ādīnampi gahaṇaṃ āpajjeyya, atthavisesaṃ pana nimittabhūtaṃ upādāya gahitāni”ti, te sandhāyāha “**ye paṇā**”ti-ādi. Tattha **atthatotī** sajjanaṭṭhena sattā, pāṇanaṭṭhena pāṇāti evamādi-atthato. Tesāṃ taṃ matimattanti dassento āha “**anodhisopparaṇā virujjhati**”ti. Kasmā? Keci sattā, keci pāṇā, keci puggalāti āpajjanato. **Tathā atthaṃ aggahetvāti** sattādisaddā sappadesavisayāti evamatthaṃ aggahetvā pubbe vuttanayena nippadesavisayāti evamatthaṃ gahetvāti adhippāyo. Tenāha “**imesū**”ti-ādi. **Pañcasu ākāresūti** “sabbe sattā”ti-ādīnā **pāḷiyam**<sup>2</sup> āgatesu pañcasu bhāvanākāresu. **Aññataravasenāti** yassa kassaci vasena.

257. Idāni dvāvīsatiyā<sup>3</sup> bhāvanākāresu appanā pariggahetvā dassetuṃ “**ettha cā**”ti-ādi vuttaṃ. **Byāpādarahitāti** domanassabyāpādarahitā. **Tasmāti** yasmāna kevalaṃ yathāvutta-ākāravibhāgamattato appanāvibhāgo, tasmā. **Imesupi padesūti** “sabbe sattā averā hontū”ti-ādikoṭṭhāsesupi. **Yaṃ yaṃ pākaṭaṃ hotīti** yadipi

1. Pumādīgalanassa (Sī), puggalassa (Syā) 2. Khu 9. 314 piṭṭhe. 3. Vīsatiyā (Sī)

pubbabhāge tattha tattha abhinivese anekakoṭṭhāsavaseneva manasikāraṃ pavatteti, bhāvanāya samijjhanakkhaṇe pana tattha yaṃ paṇḍitaratāya supākaṭaṃ hoti, tassa vasena appanā hoti, yathā taṃ dvattimsākāre. Tattha pana ārammaṇaṃ, idha bhāvanākāroti ayameva viseso. **Catunnanti** catunnaṃ catunnaṃ. Byāpanicchālopena hi niddiṭṭhaṃ. Esa nayo sesesupi.

**Liṅgavasena vuttaṃ** tesāṃ pacurato labbhamānattā. Tatiyā pana pakati yadipi paṭhamadukena na saṅgahitā, dutiyadukena, pana tikena ca saṅgahitā eva.

**Iti sabbānipīti** anodhisopparaṇe vīsati, odhisopparaṇe aṭṭhavīsati, disāparaṇe cattāri satāni, asīti cāti evaṃ sabbānipi. Sata-saddāpekkhāya napumsakaniddeso.

258. Evaṃ mettābhāvanaṃ vibhāvetvā idāni tattha ānisaṃse vibhāvetuṃ “**itī**”ti-ādi āradhaṃ. Tattha **sesā janāti** mettāya cetovimuttiyā alābhino. **Samparivattamānāti** dakkhiṇena passena asayitvā sabbaso parivattamānā. **Kākacchamānāti** ghurughurupassāsavasena vissaraṃ karontā. **Sukhaṃ supatīti** ettha duvidhā supanā sayane piṭṭhippasāraṇalakkhaṇā, kiriyāmayacittehi avokiṇṇabhavaṅgappavattilakkhaṇā ca. Tatthāyaṃ ubhayathāpi sukhaveva supati. Yasmā saṅikaṃ nipajjitvā aṅgapaccaṅgāni samodhāya pāsādikena ākārena sayati, niddokkamanepi jhānaṃ samāpanno viya hoti. Tenāha “**evaṃ asupitvā**”ti-ādi.

Niddākāle sukhaṃ alabhitvā dukkhena suttattā eva paṭibujjhanakāle sarīrakhedena nitthunanaṃ, vijambhanaṃ, ito cito viparivattanaṃ hotīti āha “**nitthunantā vijambhantā samparivattantā dukkhaṃ paṭibujjhantī**”ti. Ayamā pana sukkena suttattā sarīrakhedābhāvato nitthunanādirahitova paṭibujjhati. Tena vuttaṃ “**evaṃ appaṭibujjhivā**”ti-ādi. Sukhapaṭibodho ca sarīravikārābhāvenāti āha “**sukhaṃ nibbikāraṇa**”ti.



“**Bhaddakameva supinaṃ passati**”ti idaṃ anubhūtapubbavasena, devatūpasamhāravasena cassa bhaddakameva supinaṃ hoti, na pāpakanti katvā vuttaṃ. Tenāha “**cetiyaṃ vandanto viyā**”ti-ādi.

Dhātukkhobhahetukampi cassa bahulaṃ bhaddakameva siyā yebhuyyena cittajarūpānugūṇatāya utu-āhārajarūpānaṃ.

**Ure āmuttamuttāhāro viyāti** gīvāya bandhitvā ure lambhitamuttāhāro viyāti kehici vuttaṃ. Taṃ ekāvalivasena vuttaṃ siyā, anekaratanāvalisamūhabhūto pana muttāhāro aṃsappadesato paṭṭhāya yāva kaṭippadesassa heṭṭhābhāgā palambanto ure āmukkoyeva nāma hoti.

**Tatthevāti** pāṭaliputteyyeva. **Sakkā nisīdituṃ vā nipajjituṃ vā** desassa khematāya, tassa tassa padesassa ramaṇīyatāya ca.

Dasāva anto **dasanto**, vatthassa osānanto.

**Samappavattavāsanti** tattha tattha vihāre samappavattavattavāsanaṃ. Thero kira attanā pavīṭṭhapavīṭṭhavihāre “ahamettha āgantuko”ti acintetvā tattha tattha yathārahaṃ attanā kātabbavattāni paripūrento eva vihāsi. Apare pana bhaṇanti sabbasattesu samappavattamettāvihāravāsanaṃ. Ayaṃ hi thero arahattādhigamato pubbepi<sup>1</sup> mettāvihārī ahoṣi.

**Vanantare ṭhitoti** thero kira tathā samappavattavāsavasena caramāno ekadivasanaṃ aññataranaṃ ramaṇīyanaṃ vanantaraṃ disvā tattha aññatarasmiṃ rukkhamūle samāpattiṃ samāpajjitvā yathāparicchedena tato uṭṭhito attano guṇāvajjanahetukena pītisomanassena udānento “yāvataṃ upasampanno”ti gāthanaṃ abhāsi. Tamatthanaṃ dassetuṃ “**vanantare ṭhito**”ti paṭṭhamagāthā ṭhapitā. Tattha **gajjamānakoti** sihagajjitaṃ gajjanto. **Guṇamesantoti** attano guṇasamudayaṃ gavesanto paccavekkhanto.

Maṇilarukkhe nivāsītāya taṃ devataṃ “**maṇiliyā**”ti voharanti, tasmā sā devatāpi “**ahaṃ bhante maṇiliyā**”ti āha. Rukkhadevatānaṃ hi yebhuyyena nivāsarukkhasena vohāro yathā phandanadevatāti. **Tatthevāti** cittalapabbateyyeva.

---

1. Pubbepi pacchāpi (Syā, Ka)

“**Balavapiyacittatāyā**”ti iminā balavapiyacittatāmattenapi sattham na kamati, pageva mettāya cetovimuttiyāti dasseti.

**Khippameva cittaṃ samādhiyati** kenaci paripanthena parihīnajjhānassa byāpādassa dūrasamussāritabhāvato khippameva samādhiyati. Āsavānaṃ khayāyāti keci. Sesam suviññeyyameva. Ettha ca kiñcāpi ito aññakammaṭṭhānavasena adhigatajjhānānampi sukhasupanādayo ānisaṃsā labbhanti, yathāha—

“Sukham supanti munayo, ajjhattaṃ susamāhitā.

Suppabuddham pabujjhanti, sadā gotamasāvaka”ti—

ca ādi, tathāpime ānisaṃsā brahmavihāralābhino anavasesā labbhanti byāpādādīnaṃ ujuvipaccanīkabhāvato brahmavihārānaṃ. Tenevāha “nissaraṇaṃ hetam āvuso byāpādassa, yadidaṃ mettā cetovimutti”ti-ādi<sup>1</sup>. Byāpādādivasena ca sattānaṃ dukkhasupanādayoti tappaṭipakkhabhūtesu brahmavihāresu siddhesu sukhasupanādayo hatthagatā eva hontīti.

### **Karuṇābhāvanāvāṇṇanā**

259. **Karuṇanti** karuṇābrahmavihāraṃ. **Nikkaruṇatāyāti** vihesāya, “idhekacco paṇinā vā leḍḍunā vā daṇḍena vā satthena vā aññataraññatarena vā sattānaṃ viheṭhanajātiko hoti”ti evaṃ vuttaviheṭhaneti attho. **Ādīnavanti** dosaṃ. Yathā tathā sattānaṃ viheṭhanāya pāpako vipāko idha ceva samparāye ca. Tathā hi yo satte jīvitā voropanena vā aṅgapaccaṅgacchedanena vā dhanajāniyā vā alābhāya vā avāsāya vā anattāya vā ayasatthāya vā parisāṃsakkanena vā antamaso yathāvajjadassanenapi viheṭheti, tassa so pamādavihāro diṭṭheva dhamme alābhāyapi hoti, laddhassa parihānāyapi hoti, tannimittaṃ pāpako kittisaddo abbuggacchati,

---

1. Dī 3. 205; Am 2. 257 piṭṭhesu.

avisārado parisam upasaṅkamati maṅkubhūto, sammūlho kālam karoti, kāyassa bheda duggati pāṭikaṅkhā, sugatiyampi manussabhūto dujjaccopi hoti nīcakuliko, dubbaṅgopi hoti duddasiko, bahvābhāhopi hoti rogabahulo, duggatopi hoti appannapāno, appāyukopi hoti parittajīvitoti evamādi- anekānatthānubandhitā vihesāya paccavekkhitabbā, tappaṭipakkhato karuṇāya ānisaṃsā paccavekkhitabbā. Tena vuttam **“nikkaruṇatāya ādinavam karuṇāya ca ānisaṃsam paccavekkhitvā”**ti. **“Piyo hī”**ti-ādinā paṭhamam piyapuggalādīsu anārambhassa kāraṇamāha. Piyam hi puggalam karuṇāyitumārabhantassa na tāva piyabhāvo vigacchati, avigate ca tasmim kuto karuṇāyanā. Tenāha **“piyatthāneyeva tiṭṭhati”**ti. Sesapuggalepi eseva nayo. **Liṅgavisabhāgākālakatānam** akhettabhāve kāraṇam heṭṭhā vuttameva.

Yattha pana paṭhamam ārabhitabbā, tam pāḷinayeneva dassetum **“kathaṅca bhikkhū”**ti-ādi āradham. Tattha **duggatanti** daliddam. So hi bhogapārijuṅṅāto sukhasādhanaṇam abhāvena dukkham gato upagato duggatoti vuccati. Atha vā **duggatanti** dukkhena samaṅgibhāvam gamam. **Durupetanti** kāyaduccarītādīhi upetam. Gatikularūpādivasena vā tamabhāve ṭhito **duggato**. Kāyaduccarītādīhi upetattā tamaparāyaṇabhāve ṭhito **durupetoti** evamettha attho veditabbo. **Paramakicchappattanti** ativiya kicchamāpannam mahābyasanam nimuggam. **Appeva nāmāti** sādhu vata.

**Vadhetha nanti** “ghāthetha nam coran”ti evam pahitāya **raṅṅo āṇāya khādanīyampi -pa- denti** “idāneva māriyamāno ettakampi sukham labhatū”ti. **Susajjitoti** sukhānubhavane sannaddho.

**Eteneva upāyenāti** yena yena vidhinā etarahi yathāvutte paramakicchāpanne āyatim vā dukkhabhāgimhi puggale karuṇāyitum karuṇā uppādītā, eteneva nayena. **Piyapuggaleti** piyāyitabbapuggale. Etarahi vā dissamānam āyatim vā bhāvinim dukkhappattim gahetvā karuṇā pavattetabbāti sambandho. Majjhattaverīsupi eseva nayo. Yo hi so karuṇāya vatthubhūto duvidho puggalo vutto, kāmam tattha karuṇābhāvanā sukheneva ijjhati, iminā pana bhikkhunā tattha bhāvanam paguṇataram

katvā sīmāsambhedam kātuṃ tadanantaram piyapuggale, tato majjhatte, tato veripuggale karuṇā bhāvetabbā. Bhāventena ca ekekasmim koṭṭhāse mudum kammaniyam cittam katvā tadanantare tadanantare upasamharitabbam. Yassa pana veripuggalo vā natthi, mahāpurisajātikattā vā anattam karontepi verisaññāva uppajjati, tena majjhatte me cittam kammaniyam jātam idāni verimhi upasamharāmīti byāpārova na kātabbo. Yassa pana atthi, tam sandhāyāha “**sace panā**”ti-ādi.

Tattha **pubbe vuttanayenevāti** mettākammaṭṭhānikassa<sup>1</sup> vuttanayena. **Tam mettāya vuttanayeneva. Cupasametabbanti** “athānena purimapuggalesū”ti-ādinā<sup>2</sup>, “kakacūpama-ovādādīnam anussarato”ti-ādinā<sup>2</sup> ca mettābhāvanāya vuttana yanena tam paṭigham vūpasametabbam. Evam etarahi mahādukkhappatte sukhitepi akatakusalatāya āyatim dukkhappattiyā vasena karuṇāyanavidhim dassetvā idāni katakalyāṇepi tam dassetum “**yopi cetthā**”ti-ādi vuttam. **Tesanti** byasanānam. **Vatṭadukkham anatikkantattāti** sammāsambuddhenāpi akkhānena pariyosāpetum asakkuṇeyyassa anāgatassa āpāyikassa sugatīsupi jātijarādibhedassāti aparimitassa saṃsāradukkhassa anatikkantabhāvato. **Sabbathāpi karuṇāyivāti** dukkhappattiyā, sukhappattiyā akatakusalatāya vā katākusalatāya vāti sabbapakārenapi karuṇāya vatthubhāvassa sallakkhaṇena tasmim tasmim puggale karuṇam katvā karuṇābhāvanam vaḍḍhetvā. **Vuttanayenevāti** “athānena punappunam mettāyantena”ti-ādinā<sup>2</sup> **mettābhāvanāyam** vuttana nayena. **Tam nimittanti** sīmāsambhedavasena pavattam samathanimittam. **Mettāya vuttanayenevāti** yathā mettābhāvanāyam “appakasirenevā”ti-ādinā<sup>3</sup> **tikacatukkajjhānavasena appanā** “ekam disam pharivā viharatī”ti-ādinā<sup>3</sup> tassā vaḍḍhanā ca vuttā, evamidha karuṇābhāvanāyam tikacatukkajjhānavasena appanā veditabbā ca vaḍḍhetabbā ca, tathevassā vaḍḍhanāvidhipi veditabbāti adhippāyo. **Vuttanayenevāti** avadhāraṇena “paṭhamam veripuggalo karuṇāyitabbo”ti idam yathā pālīviruddham, evam yuttiviruddhampīti

---

1. Visuddhi 1. 288 piṭṭhe.

2. Visuddhi 1. 290 piṭṭhe.

3. Visuddhi 1. 301 piṭṭhe.

imamatthaṃ dīpeti. Paṭhamam hi verim samanussarato komo uppajjeyya, na karuṇā. Attāpi sakkhibhāvena karuṇāyanavasena gahetabbo, so kimiti pacchā gayhatīti. “**Appanā vaḍḍhetabbā**”ti iminā ca appanāppattacittasseva “karuṇāsahagatena cetasā ekaṃ disaṃ pharitvā viharatī”ti-ādinā<sup>1</sup> vuttavikubbanā ijhatīti ayamattho dassito.

Karuṇāpadamattameva cassā pāḷiyā visesoti taṃ anāmasitvā paṭisambhidāyaṃ vuttavikubbanā, mettāya vutta-ānisaṃsā ca idha labbhantīti dassetuṃ “**tato paraṃ -pa- veditabbā**”ti vuttaṃ. Tattha **tato paranti** “karuṇāsahagatena cetasā”ti<sup>1</sup> vuttavikubbanato upari. Sesam uttanayameva.

### Muditābhāvanāvaṅṅaṇā

260. **Piyapuggalādīsūti** piyamajjhattaverīsu na ārabhitabbā. Muditābhāvanāti vibhattim pariṇāmetvā yojanā. **Na hīti**-ādi tattha kāraṇavacanam. **Piyabhāvamattenāti** ettha **matta**-saddo visesanivatti-attho, tena somanassapaṭisandhikatādisiddhā niccappahamsitamukhatā, pubbhāsītā, sukhasambhāsātā, sakhilatā, sammodakatāti evamādike muditāya padaṭṭhānabhūte visese ulliṅgeti, idisehi visesehi virahitoti vuttaṃ hoti. **Eva**-kārena pana piyapuggalassa sukhasamappitatādim, muditāya ca hetubhūtam pamodappavattim nivatteti. Piyapuggalepi hi paramāya sampattiyā pamudite haṭṭhatuṭṭhe bhikkhuno muditokāsam labheyya. Vakkhati hi “piyapuggalam vā”ti-ādi. Ādito majjhattapuggalam anussarantassa udāsinatā saṅṭhāti, verim samanussarantassa kodho uppajjati. Tenāha “**pageva majjhattaverino**”ti.

Pamodappavattiyā soṇḍasadiṣo sahāyo **soṇḍasahāyo**. **Muditamuditovāti** pasādasommatāya ativiya mudito eva. Pasāde hi idam āmeditam. Evam aṭṭhakathānāyena ādito muditābhāvanāya vatthum dassetvā idāni pāḷināyena dassetuṃ “**piyapuggalam vā**”ti-ādi vuttaṃ. Tattha **sukhitanti** saṅjātasukham, sukhattanti attho. **Sajjitanti** sukhānubhavane sannaddham paṭiyattasukhasāghanam. **Aho sādhi**ti tassa sattassa

1. Dī 1. 244; Dī 3. 187; Ma 1. 46, 411; Ma 2. 263, 269, 405, 422; Ma 3. 185 piṭṭhādīsu.

sampattiyam sampajaññapubbapamodanākāradassanam. Puna **aho suṭṭhūti** tassa pamodanassa bahulīkāradassanam. **Piyam manāpanti** ettha **manāpaggahaṇena** pāḷiyampi atippiyasahāyako adhippetoti eke.

**Atītetī** tasmimyeva attabhāve atīte. **Anāgateti** etthāpi eseva nayo. Na hi bhavantaragate brahmavihārabhāvanā ruhati. Yadi evam atītānāgate kathanti? Nāyam doso. “So evāyam datto tisso”ti addhāpaccuppannatāya vijjamānabhāvena gahetabbato. Katham panassa anāgate sampatti ārammaṇam hotīti? Ādesādito, paccuppannāya vā payogasampattiyā anumānato laddhāya gahetabbato.

**Piyapuggaleti** soṇḍasahāyasaññite atippiyapuggale, piyapuggale ca. Duvidhopi cesa idha piyabhāvasāmaññato “piyapuggalo”ti vutto. **Anukkamenāti** atippiyapuggalo piyapuggalo majjhatto verīti catūsu koṭṭhāsesu<sup>1</sup> ekekasmim kammaṭṭhānam paṇaṇam, mudum, kammaniyañca katvā sesesu upasamharaṇānukkamena. Kiñcāpi catūsu janesu samacittatāva **sīmāsambhedo** sīmā sambhijjati etāyāti katvā. Bhāvanāya pana tathā bahuso pavattamānāya purimasiddham hetum, itaram phalañca katvā vuttam “**samacittatāya sīmāsambhedam katvā**”ti. Yathāvuttasīmābhāvo vā sīmāsambhedoti vuttam “**samacittatāya sīmāsambhedam katvā**”ti. Sesamettha yam vattabham, tam heṭṭhā vuttanayameva.

### Upekkhābhāvanāvaṇṇanā

261. **Upekkhābhāvananti** upekkhābrahmavihārabhāvanam. Yasmā purimabrahmavihāratayanissando catutthabrahmavihāro, tasmā vuttam “**mettādīsu paṭiladdhatikacatukkajjhānenā**”ti. **Pagūṇatatiyajjhānāti** subhāvitam vasībhāvam pāpitaṃ paṇaṇam, tathārūpā tatiyabrahmavihārajjhānato. Appaṇaṇam hi uparijhānassa padaṭṭhānam na hoti. Catukkanayavasena cettha tatiyaggahaṇam. **Sukhitā** **hontūti-ādivasenāti** ādi-saddena “niddukkā hontū”ti evamādīnam saṅgaho daṭṭhabbo. **Sattakelāyanam** sattesu

1. Ṭhānesu (Sī)

mamāyaṇaṃ mamattakaraṇaṃ, tathā manasikāreṇa yogo  
**sattakelāyanamanasikārayuttattaṃ**, tasmā. Mettādīnaṃ  
 rāgagheṣitadomanassasomanassānaṃ āsannaṅvuttitāya yathārahaṃ  
**paṭighānunaṅyasaṃpācāritā** veditabbā. Atha vā “sukhitā hontu, dukkhato  
 muccantu modantū”ti hitesitabhāṅvappattiyā tissannaṃpi anunaṅyassa  
 āsannaṅcāritā. Sati ca tabbipariyāye lohitappaṅkope pubbo viya  
 laddhokāsamevettha paṭighanti avisesena tāsāṃ paṭighānunaṅyasaṃpācāritā  
 daṭṭhabbā.

“**Somanassayogena oḷārikattā**”ti idaṃ tatiyaṅjjhānaṃ vasena vuttaṃ,  
 tato vuṭṭhitassa idaṃādīnaṅvadaṅṅananti. Mettādivasena paṇa oḷārikabhāve  
 vuccamaṇe vitakkavicārapītiyogena vā oḷārikatā vattabbā siyā, tāhipi tāsāṃ  
 saṃyogasaṃbhavato, upekkhāya ca tadabhāṅvato. Na vā vattabbā  
 tatiyaṅjjhānikānaṃyeva mettādīnaṃ idhādhippetattā,  
 taṃtaṃjjhānaṃsamatikkameṇa ca taṃtaṃjjhānikā mettādayopi saṃmatikkantā  
 eva nāma honti, jhānaṃsāmaṇṇeṇa viya mettādisāmaṇṇeṇa vohāraṃmattaṃ.

**Purimāsūti** mettākaraṇaṃmuditāsu. **Santabhāṅvato**<sup>1</sup>ti

yathāṅvuttasattakelāyaṇādī-anupaṅsantabhāṅvābhāṅvato upekkhāya saṅtabhāṅvato.  
 “Santabhāṅvato”ti ca idaṃ nidassaṅnaṃmattaṃ daṭṭhabbaṃ. Sukhumaṅtā paṅṅitātā  
 vidūraṅkilesatā vipulaṅphalaṅtāti evamaṅdayopi upekkhāya āṅisaṃsā daṭṭhabbā.

**Pakatimajjhatto**ti kiṅci kāraṇaṃ anaṅpekkhitvā pakatiyā saṅbhāveṇa imassa  
 bhikkhuno udāṅsinaṅpakkeṭṭhito. **Ajjhupekkhitvāti** attanaṅ katakammaṅvaseneṇa  
 ayaṃmāyasmā āgato, gaṅcchati ca, tvappaṅpi attanaṅ katakammaṅvaseneṇa āgato,  
 gaṅcchasi ca, na tassa tava paṅyogena kiṅci sukhaṃ vā upaṅnetuṃ, dukkhaṃ vā  
 aṅpaṅnetuṃ labbhā, kevalaṃ paṅnetāṃ cittaṅsa anujaṅkammaṃ, yaṅdidaṃ  
 mettāyaṇādīnaṅ sattesu kelāyaṇaṃ. Buddhādīhi ariyehi gaṅtamaggo cesa  
 aṅpaṅṅakapaṅṅipadābhūto, yaṅdidaṃ saṅbasattesu majjhataṅtāti evaṃ  
 paṅṅipakkeṭṭhajaṅgucchāṃmukheṇa majjhataṅtāya saṃupaṅjātagāraṅvabahaṃmānāṅdaro  
 taṃ<sup>2</sup> puṅgalaṃ puṅappaṅnaṃ aṅjjeṅpekkhati, taṅttha ca saṅviseṅsaṃ upekkhaṃ  
 paṅcupaṅṅṅhapeti, tassa tathā paṅṅipajjato pakatiyāpi udāṅsinattā sāṅtisayaṃ taṅttha  
 majjhataṅtā

1. Saṅtasabhāṅvato (Syā, Ka)

2. Baṅhumaṅnādibheṅdaṃ (Syā, Ka)

saṅṭhāti. Bhāvanābalena nīvaraṇāni vikkhambhitāneva honti, kilesā sannisinnā evahonti, so taṃ upekkhaṃ piyapuggalādisu upasamharati. Tenāha “**upekkhā uppādetabbā. Tato piyapuggalādisū**”ti. **Ekam puggalanti** ettha aññattho **eka**-saddo “ittheke abhivadanti”ti-ādisu<sup>1</sup> viya. Ekavacaneneva cettha saṅkhyāviseso siddho, tasmā aññaṃ ekam puggalanti ayamettha attho. Tena attānaṃ nivatteti. “**Neva manāpan**”ti iminā piyapuggalaṃ, atippiyasahāyakaṅca nivatteti, attānampi vā attani amanāpatāya abhāvato. “**Na amanāpan**”ti iminā appiyaṃ, veripuggalaṅca, pārisesato majjhattapuggalassa gahaṇaṃ āpannaṃ. Iti “**ekam puggalaṃ neva manāpanā nāmanāpan**”ti iminā attano, piyādīnaṅca paṭikkhepamukhena udāsinapuggalaṃ dasseti.

**Vuttanayenāti** “yvāssa pakatimajjhato”ti-ādinā anantaramvuttana nayena. Attasinehassa balavabhāvato viritopi attani majjhattatāya durūpasamhārattā “imesu ca attani cā”ti attā pacchā vutto. **Pathavīkasiṇe vuttanayenevāti** “ayaṃ samāpatti āsannaṃ pītipaccatthikā”ti-ādinā<sup>2</sup> pathavīkasiṇe vuttanayena. Yaṃ hi heṭṭhā “paṇḍatatiyajjhānā vuṭṭhāyā”ti-ādi<sup>2</sup> vuttaṃ, taṃ heṭṭhā tīsu brahmavihāresu, catutthabrahmavihāre ca ādinavānisaṃsadassanavasena vuttaṃ. Idaṃ pana tatiyajjhāne ādinavaṃ, catutthajjhāne ca ānisaṃsaṃ disvā catutthādhiḡamāya yogaṃ karontassa catutthajjhānassa uppajjanākāradassanaṃ. Tasmā tatha vuttaṃ “pathavīsaddaṃ apanetvā tadeva nimittaṃ ārammaṇaṃ katvā manodvārāvajjanaṃ uppajjati”ti-ādinā yojetabbaṃ.

**Pathavīkasiṇādisūti ādi**-saddena sesakasiṇāni, assāsapassāsanimittaṅca saṅgaṇhāti. Kāmaṃ kasiṇānāpānesu uppānassāpi tatiyajjhānassa upakkhābrahmavihārena rūpāvacaṛajjhānāditāya attheva sabhāgatā, taṃ pana akāraṇaṃ ārammaṇassa visadisatāyāti āha “**ārammaṇavisabhāgatāyā**”ti. Nanu ca aññathāva kasiṇā dibhāvanā, aññathā brahmavihārabhāvanāti bhāvanāvasenāpi yathāvuttajjhānānaṃ attheva visadisatāti? Saccametam, bhāvanāvasena pana visadisatā anuppattiyā na ekantikam kāraṇaṃ. Tathā hi aññathāva

1. Ma 3. 22 piṭṭhe.

2. Visuddhi 1. 159 piṭṭhe.



mettādibhāvanā, aññathā upekkhābhāvanā. Tathāpi sattesu yathāpavattitaṃ hitesitādi-ākāraṃ byatirekamukhena āmasanī tato vinivattamānarūpena ajjhupekkhanākārena brahmavihārupekkhā pavattati. Tathā hi vakkhati “kammassakā sattā, te kassa ruciyā sukhitā vā bhavissantī”ti-ādi<sup>1</sup>. Ārammaṇasabhāgatāpi cettha atthīti mettādivasena paṭiladdhatatiyajjhānassa ijjhati upekkhābrahmavihāro. Tena vuttaṃ “**mettādīsu**”ti-ādi. Tattha **mettādīsūti** mettādīsu nipphādetabbesu, mettādivasenāti attho. Sesarī heṭṭhā vuttanayameva.

### Pakiṇṇakakathāvaṅṅaṇā

262. **Brahmuttamenāti** ettha sammutibrahmāno upapattibrahmāno visuddhibrahmānoti tividhā brahmāno.

“Sampannaṃ sālikedāraṃ, suvā bhuñjanti kosiya.  
Paṭivedemi te brahme, na ne vāretumussahe<sup>2</sup>.”

Paribbaja mahābrahme, pacantaññepi pāṇino”ti<sup>3</sup>—

ca evamādīsu hi brahmasaddena sammutibrahmāno vuttā.

“Apārutā tesarī amatassa dvārā,  
Ye sotavanto samuñcantu saddhaṃ.  
Vihimsasaññī paguṇaṃ na bhāsīṃ,  
Dhammaṃ paṇītaṃ manujesu brahme”.

“Atha kho brahmā sahampatī”ti<sup>4</sup> ca evamādīsu brahmasaddena upapattibrahmāno vuttā. “Brahmacakkaṃ pavatteti”ti-ādi<sup>5</sup> vacanato “brahman”ti ariyadhammo vuccati, tato nibbattattā avisesena sabbepi ariyā visuddhibrahmāno nāma paramatthabrahmatāya. Visesato pana “brahmāti bhikkhave tathāgatassetarī adhivacanan”ti vacanato<sup>6</sup> sammāsambuddho uttamabrahmā nāma sadevake loke brahmabhūtehi guṇehi ukkaṃsapāramippattito. Iti brāhmānaṃ uttamo, brāhmā ca so uttamo cāti

1. Visuddhi 1. 311 piṭṭhe.      2. Khu 5. 276 piṭṭhe Jātake.      3. Vi 2. 268 piṭṭhe.

4. Dī 2. 34; Ma 1. 266; Ma 2. 293; Saṃ 1. 140; Vi 3. 10 piṭṭhesu.

5. Ma 1. 99; Saṃ 1. 266; Am 1. 315; Am 2. 8; Khu 9. 356 piṭṭhādīsu.

6. Ādivacannato (Syā, Ka)

vā **brahmuttamo**, bhagavā. Tena **kathite** “so mettāsahagatena cetasā”ti-  
ādinā<sup>1</sup> tattha tattha veneyyānaṃ desite. **Iti** evaṃ yathāvuttena  
bhāvanākkamena ceva atthavaṇṇanākkamena ca **viditvā** jānitvā.

**Pakiṇṇakakathāpi viññeyyāti** pubbe viya asādhāraṇaṃ  
taṃtaṃbrahmavihārapaṭṭinīyatameva atthaṃ aggahetvā sādharmaṇabhāvato  
tattha tattha pakiṇṇakaṃ viṣaṭaṃ atthaṃ gahetvā pavattitā pakiṇṇakakathāpi  
vijānitabbā.

**Mejjetīti** dhammato aññassa kattunivattanatthaṃ dhammameva  
kattāraṃ katvā niddisati. **Siniyatīti** ettha sattesu byāpajjanavasena  
lūkhabhāvassa paṭipakkhabhūtaṃ ṇāṇapubbaṅgamaṃ hitākārapavattivasena  
sinehanaṃ daṭṭhabbaṃ, na taṇhāyanavasena. Taṃ hi mohapubbaṅgamaṃ  
lubbhanasabhāvaṃ, idaṃ pana adussanasabhāvaṃ alobhasampayuttaṃ.  
Nanu ca taṇhāsinehopi byāpādavirodhī tena sahānavatṭhānato. Yadi pi tena  
saha ekasmiṃ citte nappavattati, virodhī pana na hoti appahāyakato.  
Mejjetīti **mitto**, hitajjhāsayo khandhappabandho, tappariyāpānatāya mitte  
bhavā, mitte vā ārammaṇabhūte piye puggale bhavā, mittassa esā pavatti  
mejjanavasena vāti veditabbā.

**Karotīti karuṇā**, kiṃ karoti, kesaṃ, kiṃ nimittanti āha “**paradukkhe sati**  
**sādhūnaṃ hadayakampanan**”ti. **Kampananti** ca paresaṃ dukkhaṃ disvā  
tassa apanetukāmassa asahanākārena cittassa aññathattaṃ. Tayidaṃ  
sappurisānaṃyeva hotīti āha “**sādhūnan**”ti. Sappurisā hi saparahitasādhanena  
“sādhū”ti vuccanti. **Vināsetīti** adassanaṃ gameti, apanetīti attho. Tenettha  
hiṃsanaṃ apanayananti dasseti. Paradukkhāpanayanākārappavattilakkhaṇā  
hi karuṇā. **Pharaṇavasena**ti phusanavasena, ārammaṇakaraṇavasena ti attho.  
Ārammaṇakaraṇaṅcetta dukkhitesu dukkhāpanayanākārenevāti  
daṭṭhabbaṃ.

**Modanti tāyāti** modanakiriyāya muditāya karaṇabhāvaniddeso, svāyaṃ  
upacārasiddho, muditāvinimutto natthi tattha koci kattāti tameva  
kattubhāvena niddisati “**sayaṃ vā modatī**”ti, ayampi upacāraniddesova.  
Dhammānaṃ avasavattanatotī vasavattibhāvanivāraṇatthaṃ  
“**modanamattameva vā tanti muditā**”ti āha.

---

1. Dī 1. 214; Dī 3. 187; Ma 1. 46, 371, 411; Ma 2. 263, 269, 405, 422; Ma 3. 85  
piṭṭhādīsū.

Piyādīsu pakkhapātupacchedanamukhena udāsinabhāvasaṅkhātā upapattito ikkhā upekkhā. Tenāha “**averā hontū**”ti-ādi. Tattha **upekkhatīti** kattuniddese kāraṇaṃ heṭṭhā vuttameva.

263. **Hito** nāma atthacaro, tasmā **hitākārappavattilakkhaṇā**ti sattānaṃ hitacaraṇākāreṇa pavattilakkhaṇā, hitākārassa vā pavattanalakkhaṇā. **Hitūpasamhārasāti** sattesu hitassa upanayanakiccā, upanayanasampattikā vā. “Anatthaṃ me acarī”ti-ādinā<sup>1</sup> pavattanakassa āghātassa vinayanākāreṇa paccupatiṭṭhāti, nīṇassa gocarabhāvaṃ gacchati, yattha vā sayam uppajjati, tattha āghātavinayanaṃ paccupaṭṭhapetīti **āghātavinayapaccupaṭṭhānā**. Amanāpānampi sattānaṃ paṭikkūle-appaṭikkūlasaṅṅitārūpena, pageva manāpānaṃ yaṃ manāpabhāvadassanaṃ, tathāpavatto yonisomanasikāro, taṃ padaṭṭhānaṃ etissāti **manāpabhāvadassanapadaṭṭhānā**. **Byāpādūpasamoti** byāpādassa vikkhambhanavasena vūpasamo. **Sampattīti** sampajjanaṃ sammadeva nibbatti. **Sinehasambhavoti** taṅhāsinehassa uppatti. **Vipattīti** vināso. Mettāmukhena hi rāgo vañceti.

Karuṇādīnaṃ lakkhaṇādīsu iminā nayena attho veditabbo. Visesamattameva vaṇṇayissāma. Sattānaṃ pavattadukkhassa apanayanākāro. Apanayanaṃ pana hotu vā mā vā, yo dukkhāpanayanākāro, tathāpavattilakkhaṇā **dukkhāpanayanākārappavattilakkhaṇā**. Apanetukāmatāya paresaṃ dukkhassa asanaṃ anadhivāsaṃ **paradukkhāsanaṃ**. Na vihiṃsā avihimsā, sattānaṃ aviheṭṭhanaṃ. Taṃ paccupaṭṭhapeti, vihiṃsāya vā paṭipakkhabhāvena paccupatiṭṭhatīti **avihiṃsāpaccupaṭṭhānā**. **Vihimsūpasamoti** ettha vihiṃsanti etāya satte, vihiṃsanaṃ vā nesaṃ tantivihimsā, sattānaṃ viheṭṭhanākāreṇa pavatto karuṇāya paṭipakkhabhūto paṭighacittuppādo. Karuṇāmukhena soko vañcetiṭṭhāti āha “**sokasambhavo vipattī**”ti.

**Pamodanalakkhaṇā**ti parasampattiyā pamodanalakkhaṇā. **Anissāyanarasāti** issāyanassa usūyanassa paṭipakkhabhāvakkiccā. Sattānaṃ sampattiyā, pantasenāsanesu, adhikusaladhammesu ca asanaṃ aramaṇaṃ<sup>2</sup>

1. Abhi 1. 244; Abhi 2. 376 piṭṭhesu.

2. Aramaṇaṃ riñcanaṃ (Sī)

arati-icceva saṅgahaṃ gacchati, tassā vihananākārena paccupaṭṭhāti, tassa vāvighātam vūpasamaṃ paccupaṭṭhāpetīti **arativighātapaccupaṭṭhānā**.

Pahāso gehasitapīvasena pahaṭṭhabhāvo uppilāvitattam. **Sattesu samabhāvadassanarasāti** piyādibhedesu sabbasattesu udāsinavuttiyā samabhāvasseva dassanakiccā, upapattito ikkhaṇato samabhāveneveva tesam gahaṇakiccāti attho. Sattesu paṭikkūlāpaṭikkūlākārānaṃ aggahaṇato tattha paṭighānunayānaṃ vūpasamanākārena vuttiyā tesam vūpasamaṃ vikkhambhanaṃ paccupaṭṭhāpetīti **paṭighānunayavūpasamapaccupaṭṭhānā**. **Evam pavattakammassakatādassanapadaṭṭhānāti** ettha “**evan**”ti iminā byatirekamukhena hitūpasamhāradukkhāpanayanasampattipamodanākārena paccāmasanto mettādīnaṃ tissannaṃ pavatti-ākārapaṭisedhanamukhena pavattaṃ kammassakatāññaṇaṃ upekkhābrahmavihārassa āsannakāraṇaṃ, na yaṃ kiñcīti dasseti.

264. **Vipassanāsukhañceva bhavasampatti cāti** ettha diṭṭhadhammasukhavihāro cāti vattabbaṃ. Tampi hi nesaṃ sādharmaṇapayojanaṃ. Tathā “sukhaṃ supatī”ti-ādayo<sup>1</sup> ekādasānisamsā. Te pana hetṭhā vuttā evāti idha na gahitā.

Nissarati apagacchati etenāti **nissaraṇaṃ**, pahāyakaṃ. Kāmañcetehi pañcapi nīvaraṇāni, tadekaṭṭhā ca pāpadhammā vikkhambhanavasena pahīyanti, ujuvipaccanīkadassanavasena pana byāpādādayo **pāliyaṃ**<sup>2</sup> vuttā. Evañca katvā rāganissaraṇatāvacaṇaṃ upekkhābrahmavihārassa suṭṭhu samatthitaṃ daṭṭhabbaṃ.

265. **Etthāti** etesu brāhmavihāresu. Mettā sattesu yathārahaṃ dānapiyavacanādisīlasutādiguṇagahaṇavasena pavattati. Tena vuttaṃ “sattānaṃ manāpabhāvadassanapadaṭṭhānā”ti. Rāgopi tattha yathā tathā guṇaggahaṇamukheneva pavattati manāpasaññāpalobhatoti<sup>3</sup> āha “**guṇadassanasabhāgatāyā**”ti. Tasmā mittamukhasapatto viya tulyākārena dūsanato **rāgo** mettāya **āsannapaccatthiko**, **so lahuṃ otāraṃ labhati** satisammosamattenāpi mettaṃ apanīya tassā atthusmim

1. Am 3. 1, 542 piṭṭhesu.

2. Dī 3. 205; Am 2. 257 piṭṭhādīsu.

3. Manāpasaññāpaṭilabhatoti (Syā, Ka)

uppajjanārahattā. **Tatoti** rāgato, rāgassa vā otāralābhato.

**Sabhāgavisabhāgatāyāti** sabhāgassa, sabhāgena vā<sup>1</sup> visabhāgatāya. Sattesu hi manāpākāragāhino mettāsabhāgassa<sup>2</sup> tabbiparītasabhāvo byāpādo tena visabhāgo. Tasmā so otāraṁ labhamāno cireneva labheyyāti purisassa dūre ṭhitasapatto viya mettāya duraneva labheyyāti purisassa dūre ṭhitasapatto viya mettāya dūrapaccatthiko. **Tatoti** byāpādato. **Nibbhayenāti** anussaṅkanaparisaṅkanena, laddhapatiṭṭhāya mettāya byāpādena dūppadhamsiyattāti adhippāyo. Tenāha “**mettāyissatī**”ti-ādi.

**Itṭhānanti** piyānaṁ. **Kantānanti** kamanīyānaṁ. **Manāpānanti** manavaḍḍhanakānaṁ. Tato eva mano ramentīti **manoramānaṁ**. **Lokāmisapaṭisaṁyuttānanti** taṇhāsannissitānaṁ. **Appaṭilābhato samanupassatoti** appaṭilābhena ahamime na labhāmīti paritassato. **Atītanti** atikkantaṁ. **Niruddhanti** nirodhappattaṁ. **Vipariṇatanti** sabhāvavigamena vigataṁ. **Samanussaratoti** anuttthunanavasena cintayato. **Gehasitanti** kāmaguṇanissitaṁ. “**Ādinā**”ti iminā “sotaviññeyyānaṁ saddānaṁ”ti<sup>3</sup> evamādiṁ saṅgaṇhāti. **Vipattidassanasabhāgatāyāti** yesu sattesu bhogādivipattidassanamukhena karuṇā pavattati, tesu tannimittameva ayoniso ābhoge sati yathāvuttadomanassamukhena soko uppajjeyya, so karuṇāya āsannapaccatthiko. Soko hi idha domanassasīsenā vutto. **Sabhāgavisabhāgatāyāti** ettha sattesu dukkhāpanayanakāmatākārassa karuṇāsabhāgassa tesu dukkhūpanayanākāro vihesāsabhāvo visabhāgoti tāya sabhāgavisabhāgatāya sā otāraṁ labhamānā cireneva labheyyāti purisassa dūre ṭhitasapatto viya karuṇāya dūrapaccatthikā vuttā.

**Sampattidassanasabhāgatāyāti** yesusattesu bhogādisampattidassanamukhena muditā pavattati, tesu tannimittameva ayoniso ābhoge sati “cakkhuviññeyyānaṁ rūpānaṁ”ti-ādinā<sup>3</sup> vuttasomanassamukhena pahāso uppajjeyya, so ca muditāya āsannapaccatthiko. Pahāso hi idha somanassasīsenā vutto. **Sabhāgavisabhāgatāyāti**

1. Sabhāvassa sabhāvena vā (Sī), sabhāgassa sabhāvena vā (Syā)

2. Mettāsabhāvassa (Sī) evamupariipi.

3. Ma 3. 260 piṭṭhe.

bhogādisampattīti muditesu sattesu pamodanākārassa muditāsabhāgassa tattha anabhiramanākārā arati visabhāgāti tāya sabhāgavisabhāgatāya sā otāraṃ labhamānā cireneva labheyyāti purisassa dūre ṭhitasapatto viya muditāya dūrapaccatthikā vuttā. **Pamudito cāti-ādi** muditāya siddhāya ayampi arati na hotīti laddhabbaguṇadassanavasena vuttam, na idhādhippeta-aratiniggahadassanavasena. Kāyacittavivekapaṭipakkhāya vā aratiyā vikkhambhitāya muditāya paṭipakkhā arati suvikkhambhaneyyā hotīti dassanattam ekadesena arati dassitāti daṭṭhabbam.

**Adhikusaladhammesūti** samathavipassanādhammesu.

Bālakaradhammayogato **bālassa**. Attahitaparahitabyāmūḷhatāya **mūḷhassa**. Puthūnam kilesādīnam jananādīhi kāraṇehi **puthujjanassa**. Kilesodhīnam maggodhīhi ajitattā **anodhijinassa**, odhijina vā sekkhā odhisova kilesānam jitattā. Tena imassa odhijitabhāvam paṭikkhipati. Sattamabhavādito uddham pavattanavipākassa ajitattā **avipākajinassa**, vipākajina vā arahanto appaṭisandhikattā. Tenassa asekkhattam paṭikkhipati. Anekādīnave sabbesampi pāpadhammānam mūlabhūte sammohe ādīnavānam adassanasīlatāya **anādīnavadassāvino**. Āgamādhigamābhāvā **assutavato**. Ediso ekaṃsena andhaputhujjano nāma hotīti tassa andhaputhujjanabhāvadassanattam punapi “**puthujjanassā**”ti vuttam. **Evarūpāti** vuttākārena sammohapubbikā. **Rūpam sā nātivattatīti** rūpānam samatikkamanāya kāraṇam na hoti, rūpārammaṇe kilese nātivattatīti adhippāyo. Somanassadomanassarahitam aññāṇameva **aññāṇupekkhā**. **Dosaguṇāvicāraṇavasena sabhāgattāti** yathā brahmavihārupekkhā mettādayo viya sattesu hitūpasamhārādivasena guṇadose avicārentī kevalam ajjupekkhanavaseneva pavattati, evam aññāṇupekkhā sattesu vijjamānampi guṇadosam acintentī kevalam ajjupekkhanavaseneva pavattatīti dosaguṇāvicāraṇavasena sabhāgā. Tasmā sā lahuram otāram labhatīti brahmavihārupekkhāya āsannapaccatthikā vuttā. **Sabhāgavisabhāgatāyāti** iṭṭhāniṭṭhesu majjhattākārassa

upekkhāsabhāgassa tattha anurodhavirodhapavatti-ākārā rāgapaṭighā<sup>1</sup> visabhāgāti tāya sabhāgavisabhāgatāya te otāraṃ labhamānā cireneva labheyyunti purisassa dūre ṭhitasapatto viya upekkhābrahmavihārassa dūrapaccatthikā vuttā.

266. **Kattukāmatā chando ādi** “chandamūlakā kusalā dhammā”<sup>2</sup> vacanato, atha vā sattesu hitesitādukkhāpanayanakāmatādinā anavajjābhipatthanāvasena pavattanato “kattukāmatā chando ādī”<sup>3</sup>ti vuttam. Upekkhābrahmavihāropi hi sattesu anirākatahitacchandoyeva “tattha abyāvaṭatā apanṇakapaṭipadā”<sup>4</sup>ti ajjupekkhanākārena pavattati mātā viya sakiccapasute putte. **Nīvaraṇādīti ādi**-saddena tadekaṭṭhakilesānaṃ saṅgho daṭṭhabbo. Katthaci sattaggahaṇampi saṅkhāraggahaṇameva hoti puggalādhiṭṭhānāya desanāya yathā “sabbe sattā āhāraṭṭhitikā”<sup>5</sup>ti<sup>3</sup>, na evamidhāti āha “**paññattidhammavasena eko vā satto aneke vā sattā ārammaṇan**”<sup>4</sup>ti. **Paññattidhammavasenā**ti paññattisaṅkhātadhammavasena. Kāmañcettha “sukhitā hontū”<sup>5</sup>ti-ādinā<sup>4</sup> bhāvanāyaṃ sukhādiggahaṇampi labbhati. Tam pana “sabbe saṅkhārā aniccā”<sup>5</sup>ti<sup>5</sup> vipassanāya aniccalakkhaṇagahaṇaṃ viya appadhānabhūtaṃ, sattapaññatti eva padhānabhāvena gayhatīti daṭṭhabbaṃ. **Upacāre vā** patte **ārammaṇavaḍḍhanaṃ** tatthāpi sīmāsambhedasiddhitoti adhippāyo.

**Ekamāvāsāṃ paricchinditvā**ti ettha “satte mettāya pharissāmi”<sup>6</sup>ti evaṃ ñāṇena paricchedaṃ katvā ekā racchā paricchinditabbāti yojanā. Racchāgahaṇena racchāvāsino sattā gahitā yathā ekam disanti. Evaṃ sabbattha.

267. **Kasiṇānaṃ nissandoti** kasiṇajjhānānaṃ nissandaphalasadisā **ārūppā** arūpajjhānāni, kasiṇajjhānānaṃ pāripūriyāva sijjhanato. Tehi vinā asijjhanatoti keci. **Samādhinissandoti** rūpajjhānasamādhīnaṃ, heṭṭhimānaṃ tiṇṇaṃ arūpajjhānasamādhīnaṃ nissando paṭipāṭiyā te adhigantvāva

1. Vuttikā rāgapaṭighā (Sī), vittikāmarāgapaṭighā (Syā)

3. Am 3. 297; Khu 1. 3 piṭṭhādīsu.

5. Khu 1. 53; Khu 2. 317; Khu 10. 7, 53 piṭṭhesu.

2. Am 3. 153 piṭṭhe.

4. Khu 9. 135 piṭṭhe.

paṭilatitabbato. **Vipassanānissando** vipassanānubhāvena laddhabbato, vipassanāvaseneva ca samāpajjitabbato. **Samathavipassanānissando nirodhasamāpatti**. Yathāha “dvīhi balehi samannāgatattā”ti-ādi<sup>1</sup>. “**Purimabrahmavihārattayanissando**”ti iminā mettādivasena tīṇi jhānāni adhigantvā ṭhitasseva upekkhābrahmavihāro, na itarassāti dasseti. Tamevatthaṃ upamāya pākaṭataraṃ katvā dassetuṃ “**yathā hi**”ti-ādi vuttaṃ. Yaṃ panettha vattabbaṃ, taṃ heṭṭhā vuttameva.

268. **Siyā**ti vuccamānakārena siyā kassaci parivitakko. **Ettā**ti etesu mettādīsu brahmavihāratā vedittabbā, itarakammaṭṭhānāni attahitapaṭipattimattāni. Imāni pana “sabbe sattā sukhitā hontū”ti-ādinā<sup>2</sup> parahitapaṭipattibhūtāni. Tasmā sattesu sammāpaṭipattibhāvena seṭṭhā etc viharā. **Brāhmānoti** upapattibrahmāno. Te hi idha jhānabhāvanāya vinīvaraṇacittā hutvā brahmaloke uppannā tattha yāvātāyukaṃ vinīvaraṇacittāva honti. Tasmā “**niddosacittā viharanti**”ti vadanti. **Brāhmānoti** vā sakalabuddhaguṇahetubhūtānaṃ dānapāramitādīnaṃ<sup>3</sup> buddhakaradhammānaṃ paripūraṇavasena brūhitaguṇā mahāsattā bodhisattā. Te hi sabbasattānaṃ hitesanena, ahitāpanayanena, sampattipamodanena, sabbattha vivajjitāgatigamanamajjhhattabhāvādhiṭṭhānena ca niddosacittā viharanti. **Evanti** yathā te upapattibrahmāno, mahābodhisattābrahmāno vā, evaṃ etehi brahmavihārehi sampayuttā samaṅgībhūtā.

269. **Catassovāti-ādipaṇhassāti** catassoti-ādikassa tividhassa paṇhassa. **Visuddhimaggādivasāti** ettha byāpādasamkilesādito visujjanupāyo visuddhimaggo. **Ādi**-saddena hitūpasamhārādīmanasikāravisesā saṅgahitā. **Āsam** mettādīnaṃ. **Appamāṇeti** pamāṇarahite. **Yenāti** yena kāraṇena. **Tanti** tasmā. **Da**-kāro padasandhikaro.

Byāpādabahulassa visuddhimaggoti ānetvā sambandhitabbaṃ, ujjuvippaccanīkabhāvatoti adhippāyo. Esa nayo sesesupī. Pakkhapātavasena anābhujanamanābhogo majjhattākāroti adhippāyo. Yvāyaṃ catubbidho

1. Visuddhi 2. 344 piṭṭhe.

2. Khu 9. 314 piṭṭhe.

3. Khu 4. 315 piṭṭhe.



sattesu manasikāro vutto, tameva upamāya dassetuṃ **“yasmā ca yathā mātā”**ti-ādi vuttam. Tattha vuttassāpi hitūpasamhārādi-atthassa upameyyabhāvaṃ upanetvā dassetuṃ atthupanayanattho **“yasmā cā”**ti ca-saddo. **Pariyāyēti** vāre, tasmim tasmim kiccavasena parivattanakkameti attho. **Abyāvaṭāti** anussukkā. **Tathāti** yathā mātā daharādīsu puttesu, tathā sabbasattesu mettādivasena mettāyanādivasikena bhavitabbanti yojanā. **Tasmāti** yasmā sabbepi saṃkilesadhammā yathārahaṃ dosamoharāgapakkhiyā, tehi ca visujjhanupāyo appamaññā, hitūpasamhārādivasena catubbidho ca sattesu manasikāro, tasmā visuddhimaggādivasā catasseva appamaññā.

**Catassopi etā bhāvetukāmena** na ekekanti adhippāyo. Sati hi sabbasaṅgahe kamena bhavitabbaṃ. Hitesitā mettāyananti āha **“evaṃ patthitahitānan”**ti. **Sambhāvetvā vāti** “imāya paṭipattiyā ayam nirayādīsu nibbatteyyā”ti parikappetvā vā. Dukkhāpanayanākārappavattivasena paṭipajjitabbanti sambandho. **Tato paranti** tato hitākārappavatti-ādito param. **Kattabbābhāvatoti** catutthassa pakārassa kattabbassa abhāvato. **Ayam kamoti** ayam imāsaṃ appamaññānaṃ yebhuyyena pavattanakkamoti katvā vuttam, na “imināva kamena etāsaṃ pavatti, na aññathā”ti. Mettādīnaṃ hi tissannaṃ bhāvanānaṃ kamaniyamo natthi, yaṃ vā taṃ vā paṭhamam bhāvetuṃ labbhā, desanākkamavasena vā evaṃ vuttam.

**Ekasattassāpīti** ekassāpi sattassa. Appaṭibhāganimitattā paricchedaggahaṇam natthi, na ca sammutisaccavasena pavattaṃ sattaggahaṇam paricchinnarūpādiggahaṇam hotīti appanāppattiyā aparāmāsasattaggahaṇamuddhabhūtānaṃ mettādīnaṃ ekasattārammaṇānampi appamāṇagocaratā vuttā. **Evaṃ pamāṇam aggahetvāti** yathā uddhumātakādīsu atirekuddhumātakādibhāvappatte padese nimittam gayhati, evaṃ pamāṇam aggahetvā. **Sakalapharaṇavasenāti** niravasesapharaṇavasena.

270. **Nissaraṇattāti** ettha yaṃ yassa nissaraṇam, taṃ tassa ujupaṭipakkhabhūtameva hoti. Yathā kāmānaṃ nekkhammaṃ, rūpānaṃ āruppā, saṅkhārānaṃ

nibbānaṃ, evaṃ domanassasahitānaṃ byāpādavihiṃsāratīnaṃ nissaraṇabhūtā mettākaruṇāmuditā na somanassarahitā honti. Nissaraṇaggahaṇeneva ca pubbabhāgiyānaṃ tāsāṃ upekkhāsampayogopi anuññātoti daṭṭhabbaṃ anissaraṇabhāvato. Tathā hi aṭṭhapīsatiyā cittuppādesu karuṇāmuditānaṃ pavattiṃ ācariyā icchanti. Na hi brahmavihārupekkhā upekkhāvedanaṃ vinā vattati pārisuddhi-upekkhā viya. Na hi kadāci pārisuddhi-upekkhā vedanupekkhaṃ vinā vattatīti.

271. **Sātasahagatanti** sukhasahagataṃ. **Tasmāti** yasmā “tato tvaṃ bhikkhū”ti-ādikāya<sup>1</sup> desanāya catunnampi appamaññānaṃ savitakkādibhāvo viya upekkhāsahagatabhāvopi viññāyati, tasmā. **Catassopi appamaññā catukkapañcakajjhānikāti** codakassa adhippāyo. **Evañhi satīti** yadi mūlasamādhimhi vuttamatthaṃ anantaraṃ vuttatāya brahmavihāresu pakkhipati, evaṃ sante kāyānupassanādayopi catukkapañcakajjhānikā siyūṃ, na pana honti vipassanāvasena desitattāti adhippāyo, hontu kāyānupassanādayo ānāpānabhāvanāvasena catukkapañcakajjhānikāti vadeyyāti āsaṅkanto āha “vedanādīsū”ti<sup>2</sup>ādi. **Byañjanacchāyāmattaṃ gahetvāti** “mettā me cetovimutti bhāvitā bhavissatī”ti-ādīhi<sup>1</sup> byañjanehi pakāsito eva cittasamādhī “ajjhattaṃ me cittaṃ ṭhitam bhavissatī”ti-ādīhipi<sup>1</sup> byañjanehi pakāsitoti byañjanato labbhamānasamādhicchāyāmattaṃ gahetvā ubhayattha labbhamānaṃ adhippāyaṃ aggahetvāti attho. Suttatthaṃ hi aññathā vadanto ayathāvāditāya satthāraṃ pavadanto nāma hoti. Tenāha “mā bhagavantaṃ abbhācikkhī”ti.

272. “Tayimaṃ dosaṃ parihāritukāmena na sabbaṃ suttam nītatthameva, tasmā garukulato adhippāyo maggitabbo”ti dassento “gambhīraṃ hī”ti-ādīṃ vatvā tattha ādito paṭṭhāya adhippāyaṃ dassetuṃ “ayañhī”ti-ādīmāha. Āyācitā dhammadesanā etenāti āyācitadhammadesano, taṃ āyācitammedesanaṃ. **Evamevāti** garahane nipāto, mudā-evāti attho. **Ajjhattanti** gocarajjhatte, kammaṭṭhānārammaṇeti

1. Am 3. 121 piṭṭhe.

2. Vedanānupassanādīsū (Sī, Syā, Ka)

attho. Yasmā cित्तेkaggatā nāma sasantatipariyāpannā hoti, tasmā atthavaṇṇanāyaṃ “**niyakajjhattavasena**”ti vuttam. **Cittam** **ṭhitam bhavissatīti** bahiddhā avikkhippamānam ekaggabhāve ṭhitam bhavissati. Tato eva **susaṅṭhitam**, suṭṭhu samāhitanti attho. **Uppannāti** avikkhambhitā. **Pāpakāti** lāmakā. **Akusalā dhammāti** kāmaccchandādayo akosallasambhūtaṭṭhena akusalā dhammā. **Cittam** pariādāya pavattitum okāsādānena kusalacittam khepetvā na ca ṭhassantīti yojanā. Iminā yathāvuttassa samādhānassa kāraṇamāha.

**Cittekaggatāmattoti** bhāvanamanuyuttaena paṭiladdhamattam nātisubhāvitam samādhānam. Tam pana upari vuccamānānam samādhivisesānam mūlakāraṇabhāvato “**mūlasamādhī**”ti vutto. Svāyam cित्तेkaggatāmatto “ajjhattameva cittam saṅṭhapemi sannisādemi ekodim karomi samādahāmī”ti-ādīsu viya khaṇikasamādhī adhippeto. Yatheva hi aññatthāpi “āraddham kho pana me bhikkhave vīriyam ahosi asallīnam -pasamāhitam cittam ekaggam”ti<sup>1</sup> vatvā “vivicceva kāmehī”ti-ādī<sup>2</sup> vacanato paṭhamam vuttacittekaggatā “khaṇikasamādhī”ti viññāyati, evamidhāpīti. **So eva samādhīti** mūlasamādhimāha.

**Assāti** bhikkhuno, assa vā mūlasamādhissa. **Bhāvananti** vaḍḍhanam. **Ayam samādhīti** ca mūlasamādhiyeva adhippeto. **Evaṃ bhāvitoti** yathā araṇisahitena uppādito aggi domayacuṇṇādīhi vaḍḍhito gomayaggi-ādibhāvam pattopi araṇisahitena uppāditamūlaggīveva vuccati, evamidhāpi mūlasamādhī eva mettādivasena vaḍḍhitoti katvā vuttam.

**Aññesupi ārammaṇesu** pathavīkasiṇādīsu. Tattha yathā mettābhāvanāpubbaṅgamaena bhāvanāyena pathavīkasiṇādīsu savitakkādibhāvavasena catukkapañcakajjhānasampāpanavidhinā mūlasamādhissa bhāvanā vuttā, evam karuṇādibhāvanāpubbaṅgamaṃ pathavīkasiṇādīsopi bhāvanāvidhiṃ dassetvā pacchā kāyānupassanādipubbaṅgamaṃ bhāvanāvidhiṃ dassento āsavakkhayāya dhammam desesi. Tena vuttam “**karuṇā me cetovimuttī**”ti-ādī. Yadi evam dhammānupassanāpariyosānāya desanāya arahattādhigamāya

1. Am 3. 21; Vi 1. 4 piṭṭhesu.

2. Am 3. 22 piṭṭhe.

kammaṭṭhānassa kathitattā puna “tato tvaṃ bhikkhu imaṃ samādhiṃ savitakkampī”ti-ādi<sup>1</sup> kasmā vuttanti? Dhammānupassanāya matthakappattidassanattam. Sā hi saṅkhārupekkhābhāvena vattamānā yathāvuttajjhānadhamme sammasanī visesato matthakappattā nāma hoti. Phalasaṃpattibhūmidassanattam vuttanti keci.

Puna **yato kho teti**-ādi arahattappattito uddham laddhabbaphāsuvihāradassanaṃ. Tattha **gagghasīti** gamissasi. **Tasmāti** yasmā “savitakkampī”ti-ādikā desanā mettādīnaṃ ārammaṇato aññasmim ārammaṇe samādhiṃ sandhāya vuttā, na appamaññā, tasmā. “**Tathevā**”ti-ādinā ganthantarenapi tamevattham samattheti. Tattha **tathevāti** tikacatukkajjhānavaseneva. **Abhidhammeti** cittuppādakaṇḍe<sup>2</sup>, appamaññāvibhaṅgādīsū<sup>3</sup> ca tattha tattha abhidhammapadesesu.

273. **Subhaparamādivasenāti subha**-saddo “subhanteva adhimutto hotī”ti<sup>4</sup> evaṃ vuttasubhavimokkham sandhāya vutto uttarapadalopena. **Parama**-saddo ukkaṃsattho. Subho subhavimokkho paramo ukkaṃso paramā koṭi etissāti subhaparamā, mettācetovimutti, tato param tāya sādhetabbaṃ natthīti attho. Asādhāraṇassa atthassa adhippetattā vipassanāsukhādayo idha anavasara. Itaretaravisiṭṭhāpete visesā, pageva parehi. Tenāha “**aññamaññāṃ asadiso ānubhāvaviseso veditabbo**”ti. **Visesetvāti** aññamaññāṃ visiṭṭham katvā.

**Tassa tassa upanissayattāti** subhavimokkhādikassa tassa tassa vimokkhassa pakatūpanissayavasena upanissayapaccayabhāvato. Idāni tamattham pakaṭataram katvā dassetuṃ “**mettāvihārissā**”ti-ādi vuttam. Assa mettāvihārissa cittaṃ upasaṃharatoti sambandho. **Appaṭikkūlaparicayāti** mettābhāvanāvasena sattasaññite yattha kathaci ārammaṇe appaṭikkūlākārenea gahaṇassa paricitattā. Tassa saṅkhārabhūtampi yaṃ kiñci ārammaṇam appaṭikkūlākārenea paccupatiṭṭhati, pageva sabhāvato.

1. Am 3. 121 piṭṭhe.

3. Abhi 2. 289, 293 piṭṭhesu.

2. Abhi 1. 66, 67 piṭṭhesu.

4. Am 3. 126; Khu 9. 235 piṭṭhesu.

“Appaṭikkūlan”ti tatthassa cittaṃ abhirativasena nirāsaṅkaṃ pavattati, paccanīkadhammehi ca sukkena, suṭṭhu ca vimuccati, yata’ssa jhānassa vimokkhapariyāyo vutto. Tenāha “**appaṭikkūlesū**”ti-ādi. Yathāvutto ca attho anattacaraṇādi-adhippāyena sacetane ārammaṇe āghātaṃ uppādentassa paṭikkūlaparicayā acetanepi vātātapādike āghātuppattiyā vibhāvetabbo. **Na tato paranti** tato subhavamokkhato paraṃ kassaci vimokkhassa upanissayo na hotīti attho.

Abhihananti etenāti abhighāto, daṇḍo abhighāto yassa taṃ daṇḍābhighātaṃ, taṃ ādi yassa taṃ daṇḍābhighātādi, daṇḍābhighātādi rūpaṃ nimittaṃ yassa taṃ **daṇḍābhighātādirūpanimittaṃ**. Kim pana tanti āha “**sattadukkhān**”ti, daṇḍappahārādijanitaṃ karajarūpahetukaṃ sattānaṃ uppajjanakadukkhanti attho. **Rūpe ādīnavo superividito hoti** karuṇāvihāriṣṣa rūpanimittatā, dukkhassa karuṇāya ca paraḍukkāsahanarasattāti adhippāyo. **Tattha** ākāse. **Cittaṃ pakkhandati** sabbaso rūpānaṃ abhāvo vivaramapagamoti.

**Tena tenāti**-ādīsu ayaṃ yojanā—tena tena bhogasampatti-ādīnā pāmojjakāraṇena pamuditānaṃ sattānaṃ uppānapāmojjaviññāṇaṃ samanupassantassa yogino “sādhu vatāyaṃ satto pamodati”ti muditāya pavattisambhavato pamuditaviññāṇassa dassanena viññāṇaggahaṇaparicitaṃ cittaṃ hotīti.

**Anukkamādhigatanti** ākāsakasiṇavajje yattha katthaci kasiṇe rūpāvacarajjhānādhigamānukkamena rūpavirāgabhāvanāya adhigataṃ. Ākāsanimittaṃ gocaro etassāti ākāsanimittagocaraṃ, tasmim **ākāsanimittagocare** paṭhamārūppaviññāṇe. **Cittaṃ upasamharatoti** dutiyārūppādhigamāya bhāvanācittaṃ nentassa, tathā bhāvayatoti attho. **Tatthāti** tasmim paṭhamārūppaviññāṇe. **Cittanti** viññāṇaṅcāyatanacittaṃ. **Pakkhandatīti** anupavisati vimokkhabhāvena appeti.

**Abhogābhāvatoti** “sukhitā hontū”ti-ādīnā<sup>1</sup> sukhāsīsanādivasena ābhujanābhāvato. Sattānaṃ sukhāsīsanādivasena

---

1. Khu 9. 314 piṭṭhe.

pavattamānā mettādibhāvanāva paramatthaggaṇamukhena satte ārammaṇaṃ karoti, upekkhābhāvanā pana tathā appavattitvā kevalaṃ ajjupekkhanavaseneva satte ārammaṇaṃ karotīti āha “**upekkhāvihārissa sukhadukkhādiparamatthaggāhavimukhabhāvato avijjamānaggahaṇadukkhaṃ cittaṃ hotī**”ti. Nanu ca “kammassakā sattā, te kassa ruciyā sukhitā vā bhavissanti”ti-ādinā paṭikkhepavasenapi paramatthaggaṇamukheneva upekkhābrahmavihāropi satte ārammaṇaṃ karotīti? Saccametaṃ, taṃ pana bhāvanāya pubbabhāge, matthakappattiyaṃ pana kevalaṃ ajjupekkhanavaseneva satte ārammaṇaṃ karotīti savisesaṃ paramattato avijjamāne eva pisaye tassa pavatti. Avijjamānaggahaṇadukkhatā ca ajjupekkhanavasena appanāppattiyā aparāmāsasattaggaṇamuddhabhūtatāya vedītabbā. Sesaṃ vuttanayameva.

274. **Sabbāpetāti** sabbāpi etā appamaññā. **Dānādīnanti** pāramibhāvappattānaṃ dānādīnaṃ buddhakaradhammānaṃ. **Sabbakalyāṇadhammānanti** sabbesaṃ anavajjadhammānaṃ, samatimsāya pāramitānaṃ, tannimittānaṃ buddhayāniyānaṃca, sabbehi vā sundarasabhāvānaṃ. Na hi lokiyadhammā buddhakaradhammehi ānubhāvato ukkaṭṭhā nāma atthi, buddhadhammesu vattabbameva natthi. **Paripūrikāti** parivuddhikarā<sup>1</sup>. Adhiṭṭhānāni viya hi appamaññā sabbāsaṃ pāramitānaṃ pāripūrikarā. “**Hitajjhāsayatāyā**”ti-ādinā mettābrahmavihārādīnaṃ upekkhābrahmavihārassa adhiṭṭhānabhāvadassanamukhena catūhi appamaññāhi attano santānassa pageva abhisankhatattā mahābodhisattā dānādīpāramiyo pūretuṃ samatthā honti, nāññathāti imamatthaṃ dasseti. **Imassa dātabbam, imassa na dātabbanti** nidassanamattarā daṭṭhabbarā “idaṃ dātabbam, idaṃ na dātabbanti ca vibhāgaṃ akatvā”ti vattabbato. Deyyapaṭiggāhakavikapparahitā hi dānapāramitā. Yathāha—

“Yathāpi kumbho sampuṇṇo, yassa kassaci adhokato.

Vamatevudakaṃ nissesam, na tattha parirakkhatī”ti<sup>2</sup>.

“Sabbasattānaṃ”ti idaṃ “sukhanidānaṃ”ti imināpi sambandhitabbam, “denti”ti iminā ca. Tena deyyadhammena viya dānadhammenāpi mahāsattānaṃ lokassa

1. Pāripūrikarā (Syā), paribuddhikarā (Ka)

2. Khu 4. 315 piṭṭhe Buddhavaṃse.

bahūpakāratā vuttā hoti, tathā tassa pariṇāmanato. Tadatthadīpanattham hi “vibhāgam akatvā”ti vatvāpi “sabbasattānan”ti vuttam. **Tesanti** sabbasattānam. **Upaghātanti** etthāpi “vibhāgam akatvā”ti ānetvā sambandhitabbam. Ayam hettha padayojanā—vibhāgam akatvā upaghātam parivajjayantā sabbasattānam sukhanidānam sīlam samādiyanti. Sattakālavikapparahitā hi sīlapāramitā, lokatthameva cassa phalam pariṇamīyati. **Nekhammam bhajanti**ti pabbajjam upagacchanti. Pabbajitassa hi sabbaso sīlam paripūrati, na gahaṭṭhassa. Idhāpi “vibhāgam akatvā sabbasattānam sukhanidānan”ti idam ānetvā sambandhitabbam. Na hi bodhisattā kālavibhāgam katvā pabbajjam anuṭṭhanti, sīlam vā samādiyanti, nidassanamattañcetaṃ jhānādinekkhammabhajanassāpi icchitabbatā. Sabbasattānam sukhanidānatā heṭṭhā vuttanayāva. Esa nayo sesesupi. **Hitāhitesūti** atthānatthesu. **Asammohatthāyāti** sammohaviddhamsanāya. **Pañnam pariyaodapenti**ti yogavihitam vijjāṭṭhānādim assutam suṇantā sutam vodapentā ahamkāramamākarādim vidhunantā nānam visodhenti. “Aham mamā”ti vikapparahitā hi pañṇāpāramitā. **Hitasukhatthāyāti** sattānam hitasukhādivuddhiyatthameva. **Niccanti** satatam avicchedena paṭipakkhena avokiṇṇam. **Vīriyamārabhanti**ti yathā sattānam anuppannam hitasukham uppajjati, uppannam abhivaḍḍhati, evam parakkamaṃ karonti. Saṅkocavikkheparahitā hi vīriyapāramitā. “**Vīrabhāvam pattāpi**”ti iminā aparaddhānam nigghahasamatthataṃ dasseti. **Nānappakāraṃ aparādham khamanti**ti mammacchedanākārena attani pavattitam nānāvidham aparādham sahanti. Attaparavikappavirahitā hi dosasahanā khantipāramitā.

**Paṭiñnamna visamvādentī**ti avisaṃvādanasāmaññena sabbassapi anariyavohārassa akaraṇamāha. Paṭiññāte, apaṭiññāte ca diṭṭhādike micchāvikkapparahitā hi saccapāramitā. **Avicalādhiṭṭhānāti** yathāsamādinnesu dānādiddhammesu niccalādhiṭṭhāyino acalāsamādānādhiṭṭhānā, samādinnesu ca buddhakaradhammesu sammadeva avaṭṭhānam adhiṭṭhānapāramitā. **Tesūti** sattesu. **Avicalāyāti**ti paṭipakkhena akampanīyāya. **Evanti** yathāvuttena sattesu hitajjhāsayatādi-ākārena. Yathā ca brahmavihārādhiṭṭhānā pāramiyo, evam adhiṭṭhānādhiṭṭhānāpi. Tathā hi yathāpaṭiññam parānuggahāya

pāramīnaṃ anuṭṭhānena saccādhīṭṭhānaṃ, tappaṭipakkhapariccāgato cāgādhīṭṭhānaṃ, pāramīhi sacittupasamato upasamādhīṭṭhānaṃ, tāhi parahitūpāyakosallato paññādhīṭṭhānaṃ. Evaṃ paccekampi pāramitāsu yathārahaṃ netabbaṃ. Ayamettha saṅkhepo, vitthārato pana pāramitāsu yaṃ vattabbaṃ, taṃ paramatthadīpaniyaṃ **cariyāpiṭakavaṇṇanāyaṃ**<sup>1</sup> vuttanayeneva veditabbaṃ, ativithārabhayena na vitthārayimha. Tathā dasabalaññādiketī. **Etāva hontīti** etā hontī evāti yojanā.

Brahmavihāraniddesavaṇṇanā niṭṭhitā.

**Iti navamavaricchedavaṇṇanā.**

---

1. Cariyāpiṭaka-Ṭṭha 21 piṭṭhādīsu.



## 10. Āruppaniddesavaṇṇanā

### Paṭhamāruppavaṇṇanā

275. **Uddiṭṭhesū**ti “cattāro āruppā”ti evaṃ uddiṭṭhesu, niddhāraṇe cetam bhummaṃ. Tenevāha “**catūsu āruppesū**”ti. Tattha rūpavivekena arūpaṃ, arūpameva āruppaṃ jhānaṃ, idha pana tadatthaṃ kammaṭṭhānaṃ adhippetam. Tam bhāvehukāmo catutthajjhānaṃ uppādetīti sambandho. **Rūpādhikaraṇanti** rūpehetu. Hetu-attho hi ettha **adhikaraṇa**-saddo “kāmādhikaraṇaṃ”ti-ādīsu<sup>1</sup> viya. Daṇḍanaṭṭhena daṇḍo, muggarādi. parapīḷādhippāyena tassa ādānaṃ **daṇḍādānaṃ**. Sattānaṃ sasaṇaṭṭhena<sup>2</sup> **satthaṃ**, āvudhaṃ. Bhaṇḍānaṃ **kalaho**. Virodho **viggaho**. Nānāvādo **vivādo**. **Etanti** yathāvuttam daṇḍādānādikaṃ. **Sabbasoti** anavasesato. **Āruppe** arūpabhāve, āruppe vā bhave. **Rūpānaṃyevāti** diṭṭhādīnavānaṃ rūpānaṃyeva, na arūpānanti adhippāyo. **Nibbidāyāti** vikkhambhanavasena nibbindanattāya. **Virāgāyāti** virajjanattāya. **Nirodhāyāti** nirujjhanattāya. Sabbametam samatikkamaṃ sandhāya vuttam. **Daṇḍādānādīnanti ādi**-saddena adinnādānādikaṃ sabbaṃ rūpahetukaṃ anattam saṅgaṇhāti, na idha pāḷiyam āgatamevāti daṭṭhabbam. **Karajarūpeti** yathāvuttādīnavādhikaraṇabhāvayogyam dassetuṃ vuttam, oḷārikarūpeti attho. **Ādīnavanti** dosaṃ. **Tassāti** rūpassa. **Ālokoti** vaṇṇaviseso evāti tattha pavattam paṭibhāganimittam ugghāṭetvā siyā ākāsanimittam ugghāṭetuṃ, na pana paricchānnākāsakaṣiṇam ugghāṭetvā. Tassa hi ugghāṭanā nāma rūpanimitteneva siyāti āha “**ṭhapetvā paricchinnākāsakaṣiṇam navasū**”ti. Keci pana “ālokakaṣiṇampi ṭhapetvā aṭṭhasū”ti vadanti, tassa pana ṭhapane kāraṇam na dissati, karajarūpaṃ atikkantaṃ hoti tassa anālambanato.

Yadi evam kasmā “catutthajjhānavasena”ti vuttam. Nanu paṭhamajjhānādīnipi tassa anālambanavaseneva pavattanti paṭibhāganimittārammaṇattā? Saccametam, oḷārikaṅgappahānato pana santasabhāvena āneṅjappattena catutthajjhānena atikkantaṃ suṭṭhu, atikkantaṃ nāma hotīti “**catutthajjhānavasena**”ti

1. Ma 1. 121, 122 piṭṭhādīsu.

2. Himsanaṭṭhena (Syā)

vuttaṃ. Keci “assāsapassāsānaṃ nirujjhanato, kāmadhātusamatikkamanaso cā”ti vadanti, taṃ akāraṇaṃ, itaresaṃ cittasamuṭṭhānarūpānaṃ sambhavato, heṭṭhimajjhānānañca akāmadhātusamvattanīyato. **Tappaṭibhāgamevāti** karajarūpapaṭibhāgameva nimittaggāhasambhavato. Sadisañca nāma taṃ na hoti, tasmā kiṃ tassa samatikkamanenāti anuyogaṃ sandhāya “**kathaṃ? Yathā**”ti-ādi vuttaṃ. Tattha **kathanti** kathetukamyatāpucchā. **Yathāti** opammatthe nipāto. **Lekhācittanti** kāḷavaṇṇādinā kataparikkammāya lekhāya cittaṃ. **Phalitantaranti** vivaraṃ. **Disvāti** durato disvā. **Samānarūpasaddasamudācāranti** sadisarūpasanṭhānasarappayogaṃ.

**Ārammaṇavasenaṃ**ti “mama cakkhu sobhanaṃ, mama kāyo thiro, mama parikkhārā sundarā”ti evaṃ ārammaṇakaraṇavasena. **Karajarūpasamaṅgikāloti** attano attabhāvarūpena ceva ārammaṇarūpena ca samannāgatakālo. **Tampīti** kasiṇarūpassapi. Sāmi-atthe hi idaṃ upayogavacanaṃ. Bhayasantāsa-adassanakāmatā viya samatikkamitukāmatāti yojanā. Idañca yathāvuttānaṃ nibbidāvirāganirodhānaṃ sādharmaṇavacanaṃ. Te hi tayo apekkhitvā bhayasantāsa-adassanakāmatā vuttā. Eko kira sunakho vane sūkarena pahaṭamatto palāto, so arūpadassanavelāya bhattapacana-ukkhaliṃ dūrato disvā sūkarasaññāya bhīto uttasanto palāyi, pisācabhīruko puriso rattibhāge aparicite dese matthakacchinnaṃ tālakkhandhaṃ disvā pisācasaññāya bhīto uttasanto mucchito papati, taṃ sandhāya vuttaṃ “**sūkarā -pa- veditabbā**”ti.

276. **Evanti** yathāvuttaṃ opammatthaṃ nigamento āha. **Soti** yogāvacarō. Tasmim̄ jhāne ādīnavaṃ passatīti sambandho. **Rūpanti** kasiṇarūpaṃ. **Santavimokkhatoti** arūpajjhānato. Tāni hi “ye te santā vimokkhā atikkamma rūpe aruppā”ti-ādīsu<sup>1</sup> santavimokkhāti āgatā. Santatāsiddhi cassa anussatito<sup>2</sup> daṭṭhabbā. **Yathevāti** eva-kārena yena pakārena etaṃ rūpāvacaracattutthajjhānaṃ duvaṅgikaṃ, evaṃ

1. Am 3. 135, 266 piṭṭhesu.

2. Anussatito (Sī, Syā)

ārappānīpīti upekkhācittēkaggaṭāvasena duvaṅgikattaṃ dasseti, na tatiyajjhāne viya duvaṅgikatāmatṭaṃ. Nanu cettāpi duvaṅgikatāmatṭameva bhūmibhedatoti? Nāsaṃ doso upamopameyyabhāvassa bhinnādhikaraṇato.

**Tatthā**ti tasmim rūpāvacaracattutthajjhāne. **Nikantinti** apekkhaṃ. **Pariyādāyā**ti ādīnavadassanena tasmim jhāne khepetvā, anapekkho hutvāti attho. Santato manasikaraṇeneva paṇītato, sukhumato ca manasikāro siddho hotīti āha “**santato anantato manasi karitvā**”ti. **Pattharivā**ti pageva vadḍhitaṃ, tadā vadḍhanavasena vā pattharivā. **Tenā**ti kasiṇarūpena. **Ugghāṭeti kasiṇanti** rūpāvacaracattutthajjhānassa ārammaṇabhūtaṃ pathavīkasiṇādīkasiṇarūpaṃ apāneti. Ugghāṭanavidhiṃ pana dassento “**ugghāṭento hī**”ti-ādīmāha. Tattha **saṃvelletī**ti paṭisaṃharati. **Aññadatthū**ti ekaṃsena. **Neva ubbaṭṭatī**ti neva utṭhahati. **Na vivatṭatī**ti na vinivatṭati. **Imassā**ti imassa kasiṇarūpassa. **Amanasikāraṇanti** manasi akaraṇaṃ acintanaṃ. **Manasikāraṇca paṭiccā**ti “ākāso ākāso”ti bhāvanāmanasikāraṇca nissāya. Idaṃ vuttaṃ hoti—rūpāvacaracattutthajjhānassa ārammaṇabhūtaṃ kasiṇarūpaṃ na sabbena sabbaṃ manasi karoto, tena ca phuṭṭhokāsaṃ “ākāso ākāso”ti manasi karoto yadā taṃ bhāvanānubhāvena ākāsaṃ hutvā upaṭṭhāti, tadā so kasiṇaṃ ugghāṭeti nāma, tañca tena ugghāṭitaṃ nāma hotīti. Tenāha “**kasiṇugghāṭimākāsamattaṃ paññāyati**”ti. **Sabbametanti** tividhampetaṃ **ekameva** pariyāyabhāvato.

“**Nīvaraṇāni vikkhambhanti**”ti kasmā vuttaṃ? Nanu rūpāvacarapaṭhamajjhānassa upacārakkhaṇeyeva nīvaraṇāni vikkhambhitāni, tato paṭṭhāya cassa na nesaṃ pariyuṭṭhānaṃ. Yadi siyā, jhānato parihāyeyya? Yaṃ paneke vadanti attheva sukhumāni arūpajjhānavikkhambhaneyyāni nīvaraṇāni, tāni sandhāyetaṃ vuttan”ti, taṃ tesāṃ matimattaṃ. Na hi mahaggatakusalesu lokuttarakusalesu viya odhiso pahānaṃ nāma atthi. Yo pana rūpāvacarehi āruppānaṃ uḷāraphalatādiviseso, so bhāvanā visesena santatarapaṇītarabhāvena tesuyeva purimapurimehi

pacchimapacchimānaṃ viyāti daṭṭhabbaṃ. “Vikkhambhanti”ti pana vacanaṃ vaṇṇabhaṇanavasena vuttaṃ. Tathā hi aññatthāpi heṭṭhā pahīnānaṃ upari pahānaṃ vuccati. Ye pana “sabbe kusalā dhammā sabbesaṃ akusalānaṃ paṭipakkhāti katvā evaṃ vuttan”ti vadanti, tehi dutiyajjhānūpacārādīsu nīvaraṇavikkhambhanāvacanassa kāraṇaṃ vattabbaṃ. **Sati santiṭṭhātī** ākāsanimittārammaṇā sati sammā sūpaṭṭhitā hutvā tiṭṭhati. Satisīsenā cettha upacārajjhānānugūṇānaṃ saddhāpañcamānaṃ sakiccayogaṃ dasseti. **Upacārenāti** upacārajjhānena. **Idhāpīti** rūpāvacaracattutthajjhānaṃ sandhāya sampiṇḍanaṃ. Taṃ hi upekkhāvedanāsampayuttaṃ. **Sesanti** “sesāni kāmāvacarānī”ti-ādi. Yaṃ idha vattabbamavuttaṃ, taṃ pana **pathavīkasiṇaniddese**<sup>1</sup> vuttanayānusārena veditabbanti āha “**pathavīkasiṇe vuttanayamevā**”ti.

Evaṃ yaṃ tattha avisiṭṭhaṃ, taṃ atidisitvā idāni visiṭṭhaṃ dasseturā “**ayaṃ pana viseso**”ti-ādimāha. **Yānapputoḷi kumbhimukhādīnanti** oḡuṇṭhanasivikādiyānānaṃ mukhaṃ yānamukhaṃ, puttoḷiyā khuddakadvārassa mukhaṃ puttoḷimukhaṃ, kumbhimukhanti paccekāṃ mukha-saddo sambandhitabbo. **Ākāsaṃyeva** yānamukhādīparicchinnā. **Parikammamanasikārenāti** parikammabhūtena manasikārena upacārajjhānena. Parikammaṃ anulomaṃ upacāroti ca anattantarañhetā. **Pekkhamaṇo** arūpāvacarajjhānacakkhunā.

277. **Sabbākārenāti** rūpanimittaṃ daṇḍādānasambhavadassanādinā sabbena rūpadhammesu, pathavīkasiṇādirūpanimittesu, tadārammaṇajjhānesu ca dosadassanākārena, tesu eva vā rūpādīsu nikantippahāna-anāvajjitukāmatādinā. **Rūpajjhānampi rūpanti vuccati** uttarapadalopena “rūpūpapattiyā maggaṃ bhāvetī”ti-ādīsu<sup>2</sup> yathā rūpabhavo rūpaṃ. **Rūpīti** hi rūpajjhānalābhīti attho. **Ārammaṇampi** kasiṇarūpaṃ **rūpanti vuccati** purimapadalopena yathā “devadatto datto”ti. **Rūpāni passatīti** kasiṇarūpāni jhānacakkhunā passatīti attho. **Tasmāti** yasmā uttarapadalopena, purimapadalopena ca yathākkamaṃ rūpajjhānakasiṇarūpesu rūpavohāro dissati, tasmā. Rūpe rūpajjhāne taṃsahagatā saññā **rūpasaññā**. **Tadārammaṇassa cāti ca**-saddena yathāvuttaṃ rūpāvacarajjhānaṃ sampiṇḍeti,

1. Visuddhi 1. 115 piṭṭhādīsu.

2. Abhi 1. 44; Abhi 2. 276 piṭṭhādīsu.

tena pāḷiyam “rūpasaññānaṃ”ti sarūpekasesena niddeso katoti dasseti. **Virāgā**ti jigucchanato. **Nirodhā**ti tappaṭibandhachandarāgavikkhambhanena nirodhanato. Vuttamevattham pākaṭataram kātum “**kiṃ vuttam hoti**”ti-ādi vuttam. Tassa sabbākārena virāgā anavasesānaṃ nirodhāti evam vā ettha yojanā kātabbā.

“**Ārammaṇe avirattassa saññāsamatikkamo na hoti**”ti idaṃ yasmā imāni jhānāni ārammaṇātikkamena pattaḅbāni, na aṅgātikkaṃenāti katvā vuttam. Yasmā panettha saññāsamatikkamo ārammaṇasamatikkamena vinā na hoti, tasmā “samatikkantāsu ca saññāsu ārammaṇam samatikkantameva hoti”ti āha. Avatvā vuttoti sambandho. **Samāpannassā**ti-ādīsu kusalasaññāvasena samāpannaggahaṇam, vipākasaññāvasena upapannaggahaṇam, kiriyāsaññāvasena diṭṭhadhammasukhavihāraggahaṇam. Arahato hi jhānāni visesato diṭṭhadhammasukhavihāro. Yadi saññāsamatikkamassa anunipphādi-ārammaṇasamatikkamo<sup>1</sup> vibhaṅge ca avutto, atha kasmā idha gahitoti anuyogaṃ sandhāyāha “**yasmā panā**”ti-ādi. **Ārammaṇasamatikkamavasenāpi ayamatthavaṇṇanā katā**, “tadārammaṇassa cetam adhivacanan”ti-ādinā vibhaṅge viya saññāsamatikkamameva avatvāti adhippāyo.

278. **Paṭighātenā**ti paṭihananena visayīvisayasamodhānena. **Atthaṅgamā**ti-ādīsu purimaṃ purimaṃ pacchimassa pacchimassa atthavacanaṃ, tasmā paṭighasaññānaṃ atthaṅgamo jhānasamaṅgikāle anuppattīti tassa idheva gahaṇe kāraṇam anuyogamukhena dassetuṃ “**kāmañceta**”ti-ādi vuttam. **Ussāhajananattham** paṭipajjanakānaṃ. **Etāsam** paṭighasaññānaṃ. **Ettha** paṭhamāruppakathāyaṃ. **Vacanaṃ** atthaṅgamavasena.

Kim vā pasamsākittanena, paṭighasaññānaṃ pana atthaṅgamo idheva vattabbattā vuttoti dassetuṃ “**atha vā**”ti-ādi vuttam. Tattha sabhāvadhammassa abhāvo nāma paṭipakkhena pahīnatāya vā paccayābhāvena vā. Tesu rūpajjhānasamaṅgino paṭighasaññānaṃ abhāvo paccayābhāvamattena, na paṭipakkhādhigamenāti dassento āha “**kiñcāpi**”ti-ādi. Tattha **tāti**

1. Ananipphāditasārammaṇasamatikkamo (Syā, Ka)

paṭighasaññā. **Rūpāvacaranti** rūpāvacarajjhānaṃ. **Samāpannassāti** samāpajjitvā viharantassa. Kiñcāpi na santīti yojanā. **Na pahīnattā na santīti** na tadā paṭighasaññā pahīnabhāvena na santi nāma. Tatha kāraṇamāha “**na hi rūpavirāgāya rūpāvacarabhāvanā samvattati**”ti. Nanu ca paṭighasaññāpi arūpadhammā evāti codanaṃ sandhāyāha “**rūpāyattā ca etāsaṃ pavattī**”ti. **Ayaṃ pana bhāvanāti** arūpabhāvanamāha. **Dhāretunti** avadhāretuṃ. **Idhāti** arūpajjhāne. Āneñjābhisankhāravacanādīhi **āneñjātā**. “Ye te santā vimokkhā atikkamma rūpe āruppā”ti-ādinā<sup>1</sup> **santavimokkhatā ca vuttā**.

279. Dosadassanapubbakapaṭipakkhabhāvanāvasena paṭighasaññānaṃ suppahīnattā mahatāpi saddena arūpasamāpattito na vuṭṭhāti. Tathā pana nasuppahīnattā sabbarūpāvacarasamāpattito vuṭṭhānaṃ siyā, paṭhamajjhānaṃ pana appakampi saddaṃ na sahatīti taṃ samāpannassa saddo kaṅṭakoti vuttaṃ. Āruppabhāvanāya abhāve cutito uddham uppattirahānaṃ rūpasaññāpaṭighasaññānaṃ yāva attano vipākappavatti, tāva anuppattidhammatāpādanena samatikkamo, atthaṅgamo ca vutto. Nānattasaññāsu pana yā tasmīṃ bhave na uppajjanti ekantarūpanissitā, tā anokāsātāya na uppajjanti, na āruppabhāvanāya nivāritattā, anivāritattā ca kāci uppajjanti. Tasmā tāsāṃ amanasikāro anāvajjanaṃ apaccavekkhaṇaṃ, javanapaṭipādakena vā bhavaṅgamanassa anto akaraṇaṃ appavesanaṃ vuttaṃ.

Tena ca nānattasaññāmanasikārahetūnaṃ rūpānaṃ samatikkamā samādhissa thirabhāvaṃ dassetuṃ “**sankhepato**”ti-ādi vuttaṃ. Api ca imehi tīhi padehi ākāsānañcāyatanaṃ samāpattiyā vaṇṇo kathito sotūnaṃ ussāhajananatthaṃ, palobhanatthañca. Ye hi akusalā evaṃgāhino “sabbassādarahite ākāse pavattitasaññāya ko ānisaṃso”ti, te tato micchāgāhato nivattetuṃ tīhi padehi jhānassa ānisaṃso kathito. Taṃ hi sutvā tesāṃ evaṃ bhavissati “evaṃ santā kirāyaṃ samāpatti evaṃ paṇītā, handassā nibbattanatthaṃ ussāhaṃ karissāmi”ti.

---

1. Am 3. 135, 266 piṭṭhesu.

280. **Assāti** ākāsassa. Uppādo eva anto **uppādanto**, tathā **vayanto**. Sabhāvadhammo hi ahutvā sambhavato, hutvā ca vinassanato udayavayaparicchinnō. Ākāso pana asabhāvadhammattā tadubhayābhāvato ananto vutto. Ajaṭākāsaparicchinnākāsānaṃ idha anadhippetattā “**ākāsoti kasiṇugghāṭimākāso vuccatī**”ti āha. Kasiṇaṃ ugghāṭiyati etenāti kasiṇugghāṭo, tadeva **kasiṇugghāṭimaṃ**. **Manasikāravasenāpīti** rūpavivekamattaggahaṇena paricchedassa aggahaṇato anantapharaṇākārena pavattaparikkammamanasikāravasenāpi. **Anantaṃ pharatīti** aggahitaparicchedatāya anantaṃ katvā parikkammassamphassapubbakena jhānasamphassena phusati. Yathā bhisaggameva bhesajjaṃ<sup>1</sup>, evaṃ **ākāsānantameva ākāsānañcaṃ** saṃyogaparassa ta-kārassa ca-kāraṃ katvā. Jhānassa pavattiṭṭhānabhāvato ārammaṇaṃ adhiṭṭhānaṭṭhena “**āyatanaṃ**”ti vuttaṃ, adhiṭṭhānaṭṭhe āyatana-saddassa dassanato. Kāraṇākaraṇasāñjātidesanivāsatthepi āyatana-saddo idha yujjateva.

### Viññāṇañcāyatanakathāvaṇṇanā

281. Ciṇṇo carito paṇṇikato āvajjanādilakkhaṇo vasībhāvo etenāti ciṇṇavasībhāvo, tena **ciṇṇavasībhāvena**. Rūpāvacarasaññaṃ anatikkamitvā anadhigantabbato, taṃsahagatasaññaṃmanasikārasamudācārassa hānabhāgiyabhāvāvahato, taṃsamatikkameneva tadaññesaṃ samatikkamitabbānaṃ samatikkamasiddhito ca vuttaṃ “**āsannarūpāvacarajjhānapaccatthikā**”ti. Vīthipaṭipannāya bhāvanāya uparūparivisesāvahabhāvato, paṇītabhāvasiddhito ca paṭhamārūppato dutiyārūppaṃ santatarasabhāvanti āha “**no ca viññāṇañcāyatanamiva santā**”ti. Vakkhati hi “suppaṇītataraṃ honti, pacchimā pacchimā idhā”ti<sup>2</sup>. **Anantaṃ anantanti** kevalaṃ “anantaṃ anantaṃ”ti **na manasi kātabbaṃ** na bhāvetabbaṃ, “anantaṃ viññāṇaṃ, anantaṃ viññāṇaṃ”ti pana manasi kātabbaṃ, “viññāṇaṃ viññāṇaṃ”ti vā.

**Tasmiṃ nimitteti** tasmiṃ paṭhamārūppaviññāṇasaṅkhāte viññāṇanimitte. **Cittaṃ cārentassāti** bhāvanācittaṃ pavattentassa. **Ākāsaphuṭe**

1. Bhisajjameva bhesajjaṃ (Sī, Syā)

2. Visiddhi 1. 322 piṭṭhe.

**viññāṇeti** kasiṇugghāṭimākāsaṃ pharitvā pavatte paṭhamāruppaviññāṇe ārammaṇabhūte. **Appetīti** appanāvasena pavattati. Sabhāvadhammepi ārammaṇasamatikkamabhāvanābhāvato idaṃ appanāppattaṃ hoti catutthāruppaṃ viya. **Appanānayo panettha vuttanayenevāti** ettha dutiyāruppajjhāne purimabhāge tīṇi, cattāri vā javanāni kāmāvacarāni upekkhāvedanāsampayuttāneva honti. “Catutthaṃ pañcamāṃ vā arūpāvacaran”ti-ādinā<sup>1</sup> paṭhamāruppajjhāne vuttana nayena, atha vā **appanānayo**ti sabhāvadhammepi ārammaṇe jhānassa appanānayo ārammaṇātikkamabhāvanāvasena āruppaṃ appanaṃ pāpuṇāti, “appanāppattasseva hi jhānassa ārammaṇasamatikkamanamattaṃ tathā hoti”ti **marañānussatiniddese**<sup>2</sup> vuttanayena veditabboti attho.

282. **Sabbasoti** sabbākārena paṭhamāruppe

“āsannarūpajjhānapaccatthikatā, asantasabhāvatā”ti evamādinā sabbena dosadassanākārena, tathā vā nikantipahāna-anāvajjitukāmatādi-ākārena, sabbaṃ vā kusalavipākakiriyābhedato anavasesanti attho. Svāyamattho heṭṭhā vuttanayena ñātum sakkāti āha “**sabbasoti idaṃ vuttanayamevā**”ti. Jhānassa ākāśānañcāyatanatā bāhiratthasamāsavasena heṭṭhā vuttāti āha “**pubbe vuttanayena jhānampi ākāśānañcāyatanan**”ti. Ārammaṇassa pana samānādhikaraṇasamāsavasenāti sandassetum “**ārammaṇampi**”ti-ādi vuttaṃ. Tathā “**purimanayenevā**”ti idaṃ “nāssa anto”ti-ādinā vuttapadasiddhiṃ sandhāya vuttaṃ. Yathā adhiṭṭhānaṭṭhena, evaṃ sañjātidesaṭṭhenapi āyatana-saddena idha attho yujjatīti dassetum “**tathā**”ti-ādi vuttaṃ. Tathā sañjāyati etthāti sañjāti, sañjāti eva deso **sañjātideso. Jhānaṃ** appavattikaraṇena. **Ārammaṇaṃ** amanasikaraṇena. **Ubhayampi** vā ubhayatā yojetabbā. Jhānassapi hi anāvajjanaṃ, javanapaṭipādakena vā bhavaṅgamanassa anto akaraṇaṃ amanasikaraṇaṃ, ārammaṇassa ca ārammaṇakaraṇavasena appavattanaṃ **appavattikaraṇanti** atthassa sambhavato **ekajjhāṅkatvā** sāmāññaniddesena, ekasesanayena vā.

1. Visuddhi 1. 321 piṭṭhe.

2. Visuddhi 1. 231 piṭṭhe.



Pubbe anantassa ākāsassa ārammaṇakaraṇavasena paṭhamāruppaviññāṇaṃ attano pharaṇākāreṇeva “anantan”ti manasi kātabbattā “anantaṃ viññāṇan”ti vuttanti puna “**manasikāravasena vā anantan**”ti vuttaṃ, sabbaso manasikaraṇavasenāti adhippāyo. Tenāha “**anavasesato manasi karonto ‘anantan’ti manasi karoti**”ti. **Jhānavibhaṅgepi**<sup>1</sup> ayamevattho vuttoti dassento “**yaṃ pana vibhaṅge vuttan**”ti-ādimāha. Tassā pāḷiyā evaṃ vā attho veditabbo—taṃyeva ākāsaṃ phuṭaṃ viññāṇaṃ viññāṇaṅcāyatanaviññāṇena manasi karotīti. Ayam panattho yutto viya dissati, taṃyeva ākāsaṃ viññāṇena phuṭaṃ tena gahitākāraṃ manasi karoti. Evaṃ taṃ viññāṇaṃ anantaṃ pharatīti. Yaṃ hi ākāsaṃ paṭhamāruppasamaṅgī viññāṇena anantaṃ pharati, taṃ pharaṇākārasahitameva viññāṇaṃ manasi karonto dutiyāruppasamaṅgī anantaṃ pharatīti vuccati.

Manasikāravasena anantapharaṇākāreṇa idha anantaṭā, na ākāsassa viya uppādanṭādi-abhāvenāti “**nāssa antoti anantan**”ti ettakamevāha. “**Rūḷhisaddo**”ti iminā “viññāṇānaṅcaṇ”ti etassa padassa atthe viññāṇaṅca-saddo niruḷhoti dasseti, yathāvuttaṃ vā viññāṇaṃ dutiyāruppajjhānena aṅcīyati vuttākāreṇa ālambiyatīti viññāṇaṅcanti evampettha attho daṭṭhabbo. Sesāṃ vuttattamevāti āha “**sesaṃ purimasadisamevā**”ti.

### Ākiñcaññāyatanakathāvaṇṇanā

283. Tatiyāruppakammaṭṭhāne yaṃ heṭṭhā vuttasadiṣaṃ, taṃ vuttanayānusāreṇa veditabbaṃ, apubbameva vaṇṇayissāma. Tattha **tassevāti** yaṃ ārabha viññāṇaṅcāyatanāṃ pavattaṃ, tasseva. Kiṃ pana tanti āha “**ākāsānaṅcāyatanaviññāṇassa**”ti. Etena tato aññaṃ tatiyāruppajjhānassa ārammaṇaṃ natthīti dasseti. “**Ārammaṇabhūtassā**”ti iminā tassa anārammaṇabhūtaṃ dutiyāruppaviññāṇaṃ nivatteti. **Abhāvoti** natthitā. **Suññatāti** rittatā. **Vivittākāroti** viveko. Tīhi padehi paṭhamāruppaviññāṇassa pagamameva vadati. “Manasi kātabbo”ti

1. Abhi 2. 279 piṭṭhe.

vatvā manasikāraavidhiṃ dassetuṃ “**taṃ viññāṇaṃ**”ti-ādi vuttaṃ. Tattha **amanasikarivā**ti sabbena sabbam manasi akatvā acintetvā. **Vā**-saddo aniyamattho, tena tīsu pakāresu ekenapi atthasiddhīti dasseti.

**Tasmim̐ nimitteti** tasmim̐ paṭhamāruppaviññāṇassa abhāvasaṅkhāte jhānuppattinimitte. **Ākāse phuṭeti** ākāsaṃ pharivā pavatte. “Ākāsapphuṭe”ti vā paṭho. **Suññavivittanattibhāveti** suññabhāve, vivittabhāve, natthibhāve cāti yena ākārena bhāvitam̐, tassa gahaṇattham̐ vuttaṃ. Atha vā **suññavivittanattibhāveti** suññavivittatāsaṅkhāte natthibhāve, tena vināsābhāvameva dasseti, na pure abhāvādike.

**Tasmim̐ hi appanācitteti** ākiñcaññāyatanaññānasampayutte appanāvasena pavatte citte, tasmim̐ vā paṭhamāruppassa apagamasaṅkhāte natthibhāve yathāvutte appanācitte uppanne. So bhikkhu abhāvameva passanto viharatīti sambandho. Puriso katthaci gantvā āgantvā suññameva passati, natthibhāvameva passatīti yojanā. **Tam̐ ṭhānanti** tam̐ sannipātaṭṭhānam̐. “**Parikammamanasikārena antarāhite**”ti iminā ārammaṇakaraṇābhāvena tassa antaradhānam̐ na naṭṭhattāti dasseti. Tatridam̐ opammasamsandanam̐—yathā so puriso tattha sannipatitam̐ bhikkhusaṅgham̐ disvā gato, tato sabbesu bhikkhūsu kenacideva karaṇīyena apagatesu āgantvā tam̐ ṭhānam̐ bhikkhūhi suññameva passati, na bhikkhūnam̐ tatopi apagatakāraṇam̐, evamayam̐ yogāvacarō pubbe viññāṇaṅcāyatanaññānacakkhunā paṭhamāruppaviññāṇam̐ disvā pacchā natthīti parikammamanasikārena tasmim̐ apagate tatiyārūppajjhānacakkhunā tassa natthibhāvameva passanto viharati, na tassa apagamanakāraṇam̐vīmaṃsati jhānassa tādisābhogābhāvatoti. **Sabbaso viññāṇaṅcāyatanaṃ samatikkammā**ti ettha yam̐ vattabbam̐, tam̐ heṭṭhā vuttanayānusārena veditabbam̐.

284. Natthitā pariyāyāsuññavivittabhāvāti “natthī”ti padassa attham̐ vadantena suññavittapadānīpi gahitāni. Āmeditavacanam̐ pana bhāvanākāradassanam̐. Vibhaṅgepi imassa padassa ayamevattho vuttoti dassetuṃ “**yampi vibhaṅge**”ti-ādi vuttaṃ. Tattha **taññīeva viññāṇam̐ abhāvetī**ti yam̐ pubbe “anantam̐ viññāṇaṃ”ti manasi katam̐ paṭhamāruppaviññāṇam̐, tam̐yevāti

attho. Taṃyeva hi ārammaṇabhūtaṃ paṭhamena viya rūpanimittaṃ tatiyenāruppenābhāvetīti. **Khayato sammasananti** bhaṅgānupassanamāha. Sā hi saṅkhatadhammānaṃ bhaṅgābhāvameva passantī “viññāṇampi abhāvetī”ti-ādinā vattabbataṃ labhatīti adhippāyenāya “**khayato sammasanam viya vuttan**”ti. **Assāti** pāṭhassa. Puna **assāti** viññāṇassa. **Abhāvetīti** abhāvaṃ karoti. Yathā ñāṇassa na upatiṭṭhati, evaṃ karoti amanasikaraṇato. Tato eva **vibhāveti** viḡatabhāvaṃ karoti, vināseti vā yathā na dissati, tathā karaṇato. Teneva **antaradhāpeti** tirobhāvaṃ gameti. **Na aññathāti** imissā pāḷiyā evamattho, na ito aññathā ayujjamānakattāti adhippāyo.

**Assāti** paṭhamāruppaviññāṇābhāvassa. **Kiñcananti** kiñcipi. Sabhāvadhammassa appāvasesatā nāma bhaṅgo eva siyāti āha “**bhaṅgamattampi assa avasiṭṭham natthī**”ti. Sati hi bhaṅgamattepi tassa sakiñcanatā siyā. **Akiñcananti** ca viññāṇassa kiñci pakāraṃ aggahetvā sabbena sabbaṃ vibhāvanamāha. Sesam vuttanayameva.

### Nevasaññānāsaññāyatanakathāvaṇṇanā

285. **No ca santāti** yathā nevasaññānāsaññāyatanasamāpatti saṅkhārāvesesasukhumabhāvappattiyā savisesā santā, evamayam ākiñcaññāyatanasamāpatti no ca santā tadabhāvato. Yā ayam khandhesu paccayayāpanīyatāya, rogamūlatāya ca rogasarikkhatā, dukkhatāsūlayogādinā gaṇḍasarikkhatā, piḷājananādinā sallasarikkhatā ca, sā saññāya sati hoti, nāsati vuttam “**saññā rogo, saññā gaṇḍo, saññā sallan**”ti. Sā cettha paṭukiccā pañcavokārabhavato<sup>1</sup> oḷārikasaññā veditabbā. Na kevalam saññā eva, atha kho vedanācetanādīnampi saṅgaho daṭṭhabbo. Saññāsīsena pana niddeso kato. **Etam santanti** etam asantabhāvakararogādisarikkhasaññāviraḡato santam. Tato eva **pañītam**. Kim pana tanti āha “**nevasaññānāsaññā**”ti.

1. Pañcavokārabhavagatā (Sī), pañcavokārabhavagato (Ka)

Tadapadesena taṃsampayuttajjhānamāha “**ādīnavan**”ti. Ettha rogādisarikkhasaññādisabbhāvopi ādīnavo daṭṭhabbo, na āsannaviññāṇañcāyatanapaccatthikatāva. **Uparīti** catutthārurpe. **Sāvāti** sā eva. **Vattitāti** pavattitā nibbattitā vaḷañjitā.

**Tasmim** nimitteti tasmim tatiyārurppasamāpattisaṅkhāte jhānanimitte. **Mānasanti** cittaṃ “mano eva mānasan”ti katvā, bhāvanāmanasikāraṃ vā. Taṃ hi manasi bhavanti mānasanti vuccati. Jhānasampayuttadhammānampi jhānānugūṇatāya samāpattipariyāyo labbhatīti āha “**ākiñcaññāyatanasamāpattisaṅkhātesu catūsu khandhesu**”ti, ārammaṇabhūtesūti adhippāyo.

286. Yathāvuttaṃ ākiñcaññaṃ ārammaṇapaccayabhāvato āyatanam kāraṇamassāti **jhānam ākiñcaññāyatanam**, ākiñcaññameva ārammaṇapaccayabhūtam jhānassa kāraṇanti **ārammaṇam ākiñcaññāyatananti** evaṃ vā attho daṭṭhabbo. Sesamettha heṭṭhā vuttanayānusārena veditabbaṃ.

**Yāya saññāya bhāvatoti** yādisāya saññāya atthibhāvena. Yā hi sā paṭusaññākiccassa abhāvato saññātipi na vattabbā, saññāsabhāvānātivattanato asaññātipi na vattabbā, tassā vijjamānattāti attho. **Tanti** taṃ jhānam. **Taṃ tāva dassetunti** ettha **tanti** taṃ saññāpaṭipadam, yathāvuttasaññam, tassā ca adhigamupāyanti attho. **Nevasaññīnāsaññīti** hi puggalādhiṭṭhānena dhammaṃ uddharantena saññāvantaṃ mukhena saññā uddhaṭā, aññathā nevasaññānāsaññāyatananti uddharitabbaṃ siyā. Sā pana paṭipadā yattha pavattati, yathā ca pavattati, taṃ dassetum “**ākiñcaññāyatanam santato manasi karoti, saṅkhārāvesesasamāpattim bhāveti**”ti vuttaṃ. Ākiñcaññāyatanam hi catutthārurppabhāvanāya pavattiṭṭhānam, saṅkhārāvesesasamāpatti<sup>1</sup> pavatti-ākāroti. **Yatra hi nāmāti** yā nāma. **Natthibhāvampīti** viññāṇassa suññatampi, evaṃsukhumampīti adhippāyo. **Santārammaṇatāyāti** santam ārammaṇam etissāti santārammaṇā, tabbhāvo santārammaṇatā, tāya, na jhānasantatāya. Na hi tatiyārurppasamāpatti catutthārurppajjhānato santā.

1. Samāpattiyā (Sī, Syā, Ka)

Codako “yaṃ santato manasi karoti, na tатtha ādīnavadassanaṃ bhaveyya. Asati ca ādīnavadassane samatikkamo eva na siyā”ti dassento “**santato ce manasi karoti, kathaṃ samatikkamo hoti**”ti āha. Itaro “**asamāpajjitukāmatāyā**”ti parihāramāha, tena ādīnavadassanampi атthevāti dasseti. **So hīti**-ādinā vuttamevatthaṃ pākaṭataraṃ karoti. Tattha yasmaṃ jhāne abhirati, tattha āvajjanasamāpajanādipaṭipattiyā bhavitabbaṃ. Sā panassa tatiyāruppe sabbaso natthi, kevalaṃ aññābhāvato ārammaṇakaraṇamattamevāti dassento “**kiñcāpi**”ti-ādimāha.

**Samatikkamitvāva gacchatīti** tesaṃ sippīnaṃ jīvikaṃ tiṇāyapi amaññamāno te vītivattatiyeva. **Soti** yogāvacaro. **Tanti** tatiyāruppasamāpattim. **Pubbe vuttanayenāti** “santā vatāyaṃ samāpattī”ti-ādinā vuttana nayena santato manasi karonto. **Tanti** yāya nevasaññīnāsaññī nāma hoti, saṅkhārāvesesamāpattim bhāvetīti vuccati, taṃ saññaṃ pāpuṇātīti yojanā. Saññāsīsena hi desanā. **Paramasukhumanti** ukkaṃsagatasukhumabhāvaṃ. **Saṅkhārāvesesamāpattinti** ukkaṃsagatasukhumatāya saṅkhārānaṃ sesatāmattaṃ samāpattim. Tenāha “**accantasukhumabhāvappattasaṅkhāran**”ti. Antamaticca **accantaṃ**. Yato sukhumatamaṃ nāma natthi, tathāparamukkaṃsagatasukhumasaṅkhāranti атtho. Paṭhamajjhānūpacārato paṭṭhāya hi tacchantiyā viya pavattamānāya bhāvanāya anukkamena saṅkhārā tattha antikakoṭṭhāsataṃ pāpitā, tato paraṃ nirodho eva, na saṅkhārappavattīti. Tena vuccati “**saṅkhārāvesesamāpattī**”ti.

287. **Yaṃ taṃ** catukkhandaṃ. **Atthatoti** kusalādivisesavasiṭṭhaparamatthato. Visesato adhipaññāsikkhāya adhiṭṭhānabhūtaṃ idhādhippetanti āha “**idha samāpannassa cittacetāsikā dhammā adhippetā**”ti. **Oḷārikāya saññāya abhāvato**ti yadipi catutthāruppavipākasaññāya catutthāruppakusalasaññā oḷārikā, tathā vipassanāmaggaphalasaññāhi, tathāpi oḷārikasukhumatā nāma upādāyupādāya gahetabbāti pañcavokārabhavapariyāpannāya viya catuvokārepi hetṭhā tīsu bhūmīsu saññāya viya oḷārikāya abhāvato. **Sukhumāyāti** saṅkhārāvesesasukhumabhāvappattiyā sukhumāya saññāya bhāvato vijjamānattā. **Nevasaññāti**

ettha **na-kāro** abhāvattho, **nāsaññanti** ettha **na-kāro** aññattho, **a-kāro** abhāvatthova, asaññam anasaññañcāti attho. **Pariyāpannattāti** ekadesabhāvena antogadhattā. **Etthāti** catutthāruppe. Dutiye atthavikappe **nevasaññāti** ettha **na-kāro** aññattho. Tathā **nāsaññāti** ettha **na-kāro**, **a-kāro** ca aññattho evāti tena dvayena saññābhāvo eva dassitoti dhammāyanapariyāpannatāya āyanabhāvo vuttovāti “**adhiṭṭhānatṭhenā**”ti vuttam nissayapaccayabhāvato.

Kim pana kāraṇam, yenettha saññāva edisī jātāti anuyogam sandhāyāha “**na kevalan**”ti-ādi. Saññāsīsenāyam desanā katā “nānattakāyā nānattasaññino”ti-ādīsu<sup>1</sup> viyāti daṭṭhabbam. Evaṃ **esa atthoti** kañci visesam upādāya sabhāvato atthīti vattabbasseva dhammassa kañci visesam upādāya natthīti vattabbatāsankhāto attho.

Atithokampi yam **telamatthi bhanteti āha** akappiyabhāvam upādāya, tadeva **natthi bhante telanti āha** nālipūraṇam upādāya. Tenāha “**tattha yathā**”ti-ādi.

Yadi ārammaṇasañjānanam saññākiccam, tam saññā samānā kathamayam kātuṃ na sakkotīti āha “**dahanakiccamiṅvā**”ti-ādi. Sañkhārāvasesasukhumabhāvappattiyā eva hesā paṭusaññākiccam kātuṃ na sakkoti, tato eva ca ñāṇassa sugayhāpi na hoti. Tenāha “**nibbidājananampi kātuṃ na sakkoti**”ti. **Akatābhinivesoti** akatavipassanābhiniveso appavattitasammasanacāro. **Pakatīvipassakoti** pakatīyā vipassako. Khandhādīmukhena vipassanam abhinivisitvā dvārālabanēhi saddhīm dvārappavattadhammānam vipassako sakkuṇeyya tabbisaya-udayabbayañāṇam uppādetuṃ, yathā pana sakkoti, tam dassetuṃ “**sopī**”ti-ādi vuttam. **Kalāpasammasanavasenevāti** catutthāruppacittuppādapariyāpanne phassādīdhamme avinibbhujja ekato gahetvā kalāpato samūhato sammasanavasena nayavipassanāsankhātakalāpasammasanavasena. Phassādīdhamme vinibbhujjitvā visum visum sarūpato gahetvā aniccādivasena sammasanam

---

1. Dī 3. 218, 252; Am 3. 201 piṭṭhesu.

**anupadadhammavipassanā. Evaṃ sukhumattaṃ gatā** yathā  
dhammasenāpatināpi nāma anupadaṃ na vipassaneyyāti attho.

**Therassāti** aññatarassa therassa. **Aññāhipīti** ettha ayamaparā upamā—  
eko kira brāhmaṇo aññataram purisaṃ manuññaṃ mattikabhājanam gahetvā  
ṭhitam disvā yāci “dehi me imam bhājanam”ti. So surāsittatam sandhāya  
“nāyyo sakkā dātuṃ, surā ettha atthī”ti āha. Brāhmaṇo attano samīpe ṭhitam  
purisaṃ uddissa āha “tena hi imassa pātuṃ dehī”ti. Itaro “natthayyo”ti āha.  
Tattha yathā brāhmaṇassa ayogyabhāvaṃ upādāya “atthī”tipi vattabbam,  
pātabbatāya tattha abhāvato “natthī”tipi vattabbam jātam, evaṃ idhāpīti  
daṭṭhabbam.

Kasmā panettha yathā heṭṭhā “ananto ākāso, anantaṃ viññāṇam, natthi  
kiñci”ti tattha tattha bhāvanākāro gahito evaṃ koci bhāvanākāro na  
gahitoti? Keci tāva āhu—“bhāvanākāro nāma sopacārassa jhānassa  
yathāsakam ārammaṇe pavatti-ākāro, ārammaṇañcettha  
ākiñcaññāyatanadhammā. Te pana gayhamānā ekassa vā  
pubbaṅgamadhammassa vasena gahetabbā situṃ, sabbe eva vā. Tattha  
paṭhamapakkhe viññāṇassa gahaṇam āpananti ‘viññāṇam viññāṇan’ti  
manasikāre catutthāruppassa viññāṇañcāyatanabhāvo āpajjati. Dutiyapakkhe  
pana sabbaso ākiñcaññāyatanadhammārammaṇatāya jhānassa ‘ākiñcaññam  
ākiñcaññan’ti manasikāre ākiñcaññāyatanatā vā siyā, abhāvārammaṇatā vā.  
Sabbathā nevasaññānāsaññāyatanabhāvo na labbhatī”ti. Tadidamakāraṇam  
tathā jhānassa appavattanato. Na hi catutthāruppabhāvanā  
viññāṇamākiñcaññam vā āmasantī pavattati, kiñcarahi? Tatiyāruppassa  
santataṃ.

Yadi evaṃ kasmā pāḷiyam “santan”ti na gahitanti? Kiñcāpi na  
gahitataṃ **sutte**<sup>1</sup>, **vibhaṅge**<sup>2</sup> pana gahitameva. Yathāha “taññeva  
ākiñcaññāyatanam santato manasi karoti, saṅkhārāvesesasamāpattim  
bhāveti”ti<sup>3</sup>. Atha kasmā **vibhaṅge**<sup>2</sup> viya sutte bhāvanākāro na gahitoti?  
Veneyyajjhābhayato, desanāvilāsato ca. Ye hi veneyyā yathā heṭṭhā

1. Dī 2. 60; Saṃ 1. 413 piṭṭhādīsu. 2. Abhi 2. 272, 273 piṭṭhesu. 3. Abhi 2. 274 piṭṭhe.

tīsu āruppesu “ananto ākāso, anantaṃ viññāṇaṃ, natthi kiñci”ti bhāvanākāro gahito, evaṃ aggahite eva tasmim̄ tamatthaṃ paṭivijjhanti, tesam̄ vasena sutte tathā desanā katā, suttantagatikāva abhidhamme **suttantabhājanīye**<sup>1</sup> uddesadesanā. Ye pana veneyyā vibhajitvā vuttheyeva tasmim̄ tamatthaṃ paṭivijjhanti, tesam̄ vasena **vibhaṅge**<sup>1</sup> bhāvanākāro vutto. Dhammissaro pana bhagavā sammāsambuddho dhammānaṃ desetabbappakāraṃ jānanto katthaci bhāvanākāraṃ gaṇhāti, katthaci bhāvanākāraṃ na gaṇhāti. Sā ca desanā yāvadeva veneyyavinayatthāti ayamettha desanāvilāso. Suttantadesanā vā pariyāyakathāti tattha bhāvanākāro na gahito, abhidhammadesanā pana nippariyāyakathāti tattha bhāvanākāro gahitoti evampettha bhāvanākārassa gahaṇe, aggahaṇe ca kāraṇaṃ veditabbaṃ.

Apare pana bhaṇanti—“catutthāruppe visesadassanatthaṃ **sutte**<sup>2</sup> bhāvanākārassa aggahaṇaṃ, svāyaṃ viseso anupubbabhāvanājanito. Sā ca anupubbabhāvanā pahānakkamopajanitā pahātabbasamatikkamena jhānaṇaṃ adhigantabbato. Tathā hi kāmādivivekavitakkavicāravūpasamapītivirāgasomanassatthaṅgamamukhena rūpāvacarajjhānāni desitāni, rūpasaññādisamatikkamamukhena arūpajjhānāni. Na kevalaṅca jhānāniyeva, atha kho sabbampi sīlaṃ, sabbāpi paññā paṭipakkhadhammappahānavaseneva sampādetabbato pahātabbadhammasamatikkamadassanamukheneva desanā āruḥhā. Tathā hi “pāṇātipātaṃ pahāya pāṇātipātā paṭivirato”ti-ādinā<sup>3</sup> sīlasamvaro, “cakkhunā rūpaṃ disvā na nimittaggāhī hoti nānubyañcanaggāhī”ti-ādinā<sup>4</sup> indriyasamvaro, “neva davāya na madāyā”ti-ādinā<sup>5</sup> bhojane mattaññutā, “idha bhikkhu micchājīvaṃ pahāya sammā-ājīvena jīvikaṃ kappeti”ti-ādinā<sup>6</sup> ājīvapārusuddhi, “abhiijhaṃ loka pahāya vigatābhijjhena cetasā”ti-ādinā<sup>7</sup> jāgariyānuyogo, “aniccasaññā bhāvetabbā asmimānasamugghātāya, aniccasaññīno meghiya

1. Abhi 2. 272, 273 piṭṭhesu.      2. Dī 2. 60 piṭṭhādīsu.      3. Dī 1. 4, 59 piṭṭhesu.

4. Dī 1. 66; Ma 1. 336, 340; Ma 3. 13, 53 piṭṭhādīsu.

5. Ma 1. 12, 341; Ma 2. 18; Ma 3. 54; Saṃ 1. 323; Am̄ 2. 341; Khu 7. 397; Abhi 2. 258 piṭṭhādīsu.

6. Saṃ 3. 8 piṭṭhe.

7. Dī 1. 67; Ma 1. 336, 342; Ma 3. 14, 55 piṭṭhādīsu.



anattasaññā saṅghāti, anattasaññī asmimānasamugghātāṃ gacchati,  
 āsavānaṃ khayā anāsavaṃ cetovimuttiṃ paññāvimuttiṃ diṭṭheva dhamme  
 sayāṃ abhiññāsacchikatvā upasampajja viharatī”ti-ādinā<sup>1</sup> paññā  
 paṭipakkhadhammappahānavaseneva disitā. Tasmā jhānāni desento bhagavā  
 “vivicceva kāmehi”ti-ādinā<sup>2</sup>  
 pahātabbadhammasamatikkamadassanamukheneva desesi. Tena vuttam  
 “kāmadivivekavitakkavicāravūpasamapīti virāgasomanassatthaṅgamamukhen  
 a rūpāvacarajjhānāni desitāni, rūpasaññādisamatikkamamukhena  
 arūpajjhānāni”ti. Tattha yathā rūpāvacaraṃ paṭhamaṃ jhānaṃ  
 bhāvanāvisesādhigatehi vitakkādīhi viya saddhādītipi  
 tikkhavisadasūrasabhāvehi dhammehi samannāgatattā kāmacchandādīnaṃ  
 nīvaraṇānaṃ, tadekaṭṭhānaṃ pāpadhammānaṃ vikkhambhanato  
 uttarimanussadhammabhāvappattaṃ kāmāvacaradhammehi  
 saṅhasukhamaṃ, santaṃ, pañītaṃ hoti, dutiyajjhānādīni pana  
 bhāvanāvisesena oḷārikaṅgappahānato tato sātisaṃsayāṃ  
 saṅhasukhumasaṅhasukhumatarādibhāvappattāni honti. Tathā arūpāvacaraṃ  
 paṭhamajjhānaṃ rūpavirāgabhāvanābhāvena pavattamānaṃ  
 ārammaṇasantatāyapi aṅgasnatatāyapi pākatikaparittadhammehi viya  
 sabbarūpāvacaradhammehi santasukhumabhāvappattaṃ hoti.  
 Ārammaṇasantabhāvenāpi hi tadārammaṇadhammā santasabhāvā honti,  
 seyyathāpi lokuttaradhammārammaṇā dhammā.

Satipi dhammato, mahaggatabhāvenāpi ca abhede rūpāvacaracatutthato  
 āruppaṃ aṅgatopi santameva, ya’tassa santavimokkhatā vuttā.  
 Dutiyāruppādīni pana paṭhamāruppādito aṅgato, ārammaṇato ca  
 santasantatarasantatamabhāvappattāni tathā bhāvanāvisesasaṃyogato,  
 svāyaṃ bhāvanāviseso paṭhamajjhānūpacārato paṭṭhāya  
 taṃtaṃpahātabbasamatikkamanavasena tassa tassa jhānassa  
 santasukhumabhāvaṃ āpādento catutthāruppe  
 saṅkhārāvasesasukhumabhāvaṃ pāpeti. Yato catutthāruppaṃ yathā  
 anupadadhammavipassanāvasena vipassanāya ārammaṇabhāvaṃ upagantvā  
 pakativipassakassāpi nibbiduppattiyā paccayo na hoti  
 saṅkhārāvasesasukhumabhāvappattito, tathā sayāṃ tatiyāruppadhammesu  
 pavattamānaṃ te yāthāvato vibhāvetuṃ na sakkoti, yathā tadaññajjhānāni  
 attano ārammaṇāni. Kevalaṃ pana ārabha pavattimattamevassa tattha

1. Am̐ 3. 196; Khu 1. 120 piṭṭhesu. 2. Dī 1. 69; Saṃ 1. 412; Am̐ 1. 441 piṭṭhādīsu.

hoti, tayidaṃ ārammabhāvenāpi nāma vibhūtākāratāya ṭhātum appahontaṃ ārammaṇakaraṇe kiṃ pahoti. Tasmā tadassa avibhūtakiccatāṃ disvā satthā heṭṭhā tīsu ṭhānesu bhāvanākāraṃ vatvā tādiso idha na labbhatīti dīpetum catutthāruppadesanāyaṃ **sutte**<sup>1</sup> bhāvanākāraṃ pariyāyadesanattā na kathesi.

Yasmā pana sārammaṇassa dhammassa ārammaṇe pavatti-ākāro atthevāti atisukhumabhāvappattāṃ taṃ dassetum “taṃyeva ākiñcaññāyatanāṃ santato manasi karotī”<sup>2</sup> **pibhaṅge** vuttāṃ yathādhammasāsanabhāvato, pubbhāgavasena vā **vibhaṅge** “santato manasi karotī”<sup>2</sup> vuttāṃ tadā yogino tassa vibhūtabhāvato. Appanāvasena pana **sutte**<sup>1</sup> bhāvanākāro na gahito avibhūtabhāvato. Kammatṭhānaṃ hi kiñci ādito avibhūtaṃ hoti, yathā taṃ? Buddhānussati-ādi. Kiñci majjhe yathā taṃ? Ānāpānassati. Kiñci ubhayattha, yathā taṃ? Upasamānussati-ādi. Catutthāruppakammatṭhānaṃ pana pariyosāne avibhūtaṃ bhāvanāya matthakappattiyāṃ ārammaṇassa vibhūtabhāvato. Tasmā catutthārurppe imaṃ visesaṃ dassetum satthāro **sutte**<sup>1</sup> bhāvanākāro na gahito, na sabbena sabbaṃ abhāvatoṭi niṭṭhamettha gantabbāṃ.

### Pakiṇṇakakathāvaṇṇanā

288. **Asadisarūpoti** dvattiṃsamahāpurisalakkhaṇa-asīti-anubyañjana-byāmapabhāketumālādīhi rūpagaṇehi aññehi asādhāraṇarūpakāyo, sabhāvattho vā **rūpa**-saddo “yaṃ loke piyarūpaṃ sātārūpan”<sup>3</sup> ti-ādīsu<sup>3</sup> viya. Tasmā **asadisarūpoti** asadisasabhāvo, tena dasabalacatuvesārajjādiguṇavisesasamāyogadīpanato satthu dhammakāyasampattiyāpi asadisatā dassitā hoti. **Itīti** evaṃ vuttappakārena. **Tasminti** āruppe. **Pakiṇṇakakathāpi viññeyyāti** pubbe viya asādhāraṇaṃ tattha tattha jhāne patiniyatameva atthaṃ aggahetvā sādhāraṇabhāvato tattha tattheva pakiṇṇakaṃ viṣaṭaṃ atthaṃ gahetvā pavattā pakiṇṇakakathāpi vijānitabbā.

1. Dī 2. 60 piṭṭhe.

2. Abhi 2. 274 piṭṭhe.

3. Dī 2. 246; Ma 1. 85; Abhi 2. 106 piṭṭhādīsu.

289. **Rūpanimittātikkkamatoti** kasiṇarūpasaṅkhātassa paṭibhāganimittassa atikkamanato. **Ākāsātikkkamatoti** kasiṇugghāṭimākāsassa atikkamanato. **Ākāse pavattitaviññāṇātikkkamatoti** paṭhamāruppaviññāṇassa atikkamanaso, na dutiyāruppaviññāṇātikkkamanato. Tadatikkamato hi tasseva vibhāvanam hoti. Dutiyāruppaviññāṇavibhāvane hi tadeva atikkantaṃ siyā, na tassa ārammaṇaṃ, na ca ārammaṇe dosaṃ disvā anārammaṇassa vibhāvanātikkkamo yujjati. **Pāliyañca** “viññāṇañcāyatanam sato samāpajjati -pa- sato vuṭṭhahitvā tamyeva viññāṇam abhāvetī”ti vuttaṃ, na vuttaṃ “tamyeva viññāṇañcāyatanam abhāvetī”ti, “tamyeva abhāvetī”ti vā. Anantaṃ viññāṇanti viññāṇañcāyatanam upasampajjā”ti ettha pana dvayam vuttaṃ ārammaṇaṇca viññāṇam, viññāṇañcāyatanañca. Tasmim dvaye yena kenaci, yato vā vuṭṭhito, teneva padhānaniddiṭṭhena tam-saddassa sambandhe āpanne “ayañca ārammaṇātikkkamabhāvanā”ti viññāṇañcāyatanassa nivattanattham viññāṇavacanam. Tasmā paṭhamāruppaviññāṇasseva abhāvanātikkkamo vutto.

290. **Evam santepīti** aṅgātikkkame asatipi. **Suppaṇītataraṭi** suṭṭhu paṇītataraṭi, sundaraṭi paṇītataraṭi cāti vā attho. Satipi catunnam pāsādatalānam, sāṭikānañca tabbhāvato, pamāṇato ca samabhāve uparūpari pana kāmagaṇānam, sukhasamphassādīnañca visesena<sup>1</sup> paṇītataraṭidibhāvo viya etāsam catunnam samāpattīnam āruppabhāvato, aṅgato ca satipi samabhāve bhāvanāvisesasiddho pana sāṭisayo uparūpari paṇītataraṭidibhāvoti imamattham dasseti “**yathā hī**”ti-ādinā.

291. **Nissitoti** nissāya ṭhito. **Duṭṭhitāti** na sammā ṭhitā, dukkham vā ṭhitā. **Tannissitanti** tena nissitam, ṭhānanti attho. **Tannissitanti** vā tam **maṇḍapalaggaṃ purisaṃ** nissāya ṭhitam purisanti attho. Maṇḍapalaggañhi anissāya tena vinābhūte vivitte bahi okāse ṭhānam viya ākāsalaggaṃ viññāṇassa viveke tadapagame tatiyāruppassa ṭhānanti.

---

1. Vasena (Syā, Ka)

292. **Ārammaṇaṃ karoteva, aññābhāvena taṃ idanti**

“āsannaviññāṇaṅcāyatanapaccatthikarūpāsannākāsārammaṇaviññāṇāpagamārammaṇaṃ, no ca santan”ti ca diṭṭhādīnavampi taṃ ākiñcaññāyatanam idam nevasaññānāsaññāyatanajjhānaṃ aññassa tādisassa ārammaṇabhāvayogyassa abhāvena alābhena ārammaṇaṃ karoti eva. “**Sabbadisampatin**”ti idam janassa agatikabhāvadassanattaṃ vuttaṃ. **Vuttinti** jīvikam. **Vattatīti** jīvati.

293. **Āruḷhoti**-ādīsu ayaṃ saṅkhepattho—yathā koci puriso anekaporisaṃ dīghanisṣeṇim āruḷho tassa uparimapade ṭhito tassā nisseṇiyā bāhumeva olubbhati aññassa alābhato, yathā ca paṃsupabbatassa, missakapabbatassa vā aggakoṭim āruḷho tassa matthakameva olubbhati, yathā ca **girim** silāpabbataṃ āruḷho paripphandamāno aññābhāvato attano jaṇṇukameva olubbhati, **tathā** etaṃ catutthāruppajjhānaṃ taṃ tatiyārappaṃ olubbhitvā pavattatīti. Yaṃ panettha atthato avibhattaṃ, taṃ uttānameva.

Āruppaniddesavaṇṇanā niṭṭhitā.

**Iti dasamaṇicchedavaṇṇanā.**

## 11. Samādhiniddesavaṇṇanā

### Āhārepaṭikkūlabhāvanāvaṇṇanā

294. Uddeso nāma niddesattho mudumajjhimapaññābhāhullato, āgato ca bhāro avassamā vahitabboti āha “**ekā saññāti evaṃ uddiṭṭhāya āhāre paṭikkūlasaññāya bhāvanāniddeso anuppatto**”ti. Tatthāyaṃ saññā-saddo “rūpasaññā saddasaññā”ti-ādīsu<sup>1</sup> sañjānanalakkhaṇe dhamme āgato, “aniccasaññā dukkhasaññā”ti-ādīsu<sup>2</sup> vipassanāyaṃ āgato, “uddhumātakasaññāti vā sopākarūpasaññāti vā ime dhammā ekatthā udāhu nānatthā”ti-ādīsu samathe āgato. Idha pana samathassa parikamme daṭṭhabbo. Āhāre hi paṭikkūlakāraggahaṇaṃ, tappabhāvitaṃ vā upacārajjhānaṃ idha “āhāre paṭikkūlasaññā”ti adhippetam. Tattham yasmim āhāre paṭikkūlasaññā bhāvetabbā, tattha nibbedavirāguppādanāya tappasaṅgena sabbampi āhāraṃ kiccappabhedādīnavopammehi vibhāvetum “**āharatīti āhāro**”ti-ādī āradham.

Tattha **āharatīti** āhārapaccayasāṅkhātena uppattiyā, ṭhitiyā vā paccayabhāvena attano phalaṃ āneti nibbatteti pavatteti cāti attho. Kabaḷhaṃ karīyatīti kabaḷikāro, vatthuvāsena cetam vuttaṃ, lakkhaṇato pana ojalakkhaṇo vedītabbo, kabaḷikāro ca so yathāvuttenatthena āhāro cāti **kabaḷikārāhāro**. Esa nayo sesesupi. Phusatīti **phasso**. Ayaṃ hi arūpadhammopi samāno ārammaṇe phusanākārenea pavattati. Tathā hi so phusanalakkhaṇoti vuccati. Cetayatīti cetanā, attano sampayuttadhammehi saddhim ārammaṇe abhisandahatīti attho, manosannissitā cetanā **manosañcetanā**. Upapattiparikappanavasena vijānātīti **viññāṇam**. Evamettha sāmāñnatthato, visatthato ca āhāro vedītabbā. Kasmā panete cattārova vuttā, aññe dhammā kiṃ attano phalassa paccayā na hontīti? No na honti, ime pana tathā ca

---

1. Khu 7. 43 piṭṭhe.

2. Am 3. 75, 294 piṭṭhesu.

honti aññathā cāti samānepi paccayabhāve atirekapaccayā honti, tasmā āhārāti vuccanti.

Katham? Etesu hi paṭhamo sayam yasmiṃ kalāpe tappariyāpannānaṃ yathārahaṃ paccayo hontova ojaṭṭhamakaṃ rūpaṃ āharati, dutiyo tisso vedanā āharati, tatiyo tīsu bhavesu paṭisandhiṃ āharati, catuttho paṭisandhikkhaṇe nāmarūpaṃ āharati. Tenāha “**kabaḷikārāhāro**”ti-ādi. Ettha ca kammajādibhedabhinnā ojaṃ sati paccayalābhe dve tisso paveniyo ghaṭenti ojaṭṭhamakarūpaṃ āharati, sukhavedanīyādibhedabhinno phassāhāro yathārahaṃ tisso vedanā āharati, puññābhisankhārādibhedabhinno manosañcetanāhāro kāmabhavādīsu tīsu bhavesu yathārahaṃ saviññānaṃ, aviññānaṃca paṭisandhiṃ āharati, viññānāhāro yathāpaccayaṃ paṭisandhikkhaṇe nāmaṃ, rūpaṃ, nāmarūpaṃca āharatīti daṭṭhabbaṃ. Atha vā upatthambhakaṭṭhena ime eva dhammā āhārāti vuttā. Yathā hi kabaḷikārāhāro rūpakāyassa upatthambhakaṭṭhena paccayo, evaṃ arūpino āhārā sampayuttadhammānaṃ. Tathā hi vuttaṃ “kabaḷihāro āhāro imassa kāyassa āhārapaccayena paccayo, arūpino āhārā sampayuttakānaṃ dhammānaṃ taṃsamuṭṭhānānaṃca rūpānaṃ āhārapaccayena paccayo”ti<sup>1</sup>. Aparo nayo—ajjhattikasantatiyā visesapaccayattā kabaḷikārāhāro, phassādayo ca tayo dhammā āhārāti vuttā. Visesapaccayo hi kabaḷikārāhārabhakkhānaṃ sattānaṃ rūpakāyassa kabaḷikārāhāro, nāmakāye vedanāya phasso, viññāṇassa manosañcetanā, nāmarūpassa viññāṇaṃ. Yathāha “seyyathāpi bhikkhave ayam kāyo āhāraṭṭhitiko, āhāraṃ paṭicca tiṭṭhati, anāhāro no tiṭṭhati<sup>2</sup>. Tathā phassapaccayā vedanā. Saṅkhārapaccayā viññāṇaṃ. Viññāṇapaccayā nāmarūpan”ti<sup>3</sup>.

**Kabaḷikārāhāre**ti kabaḷikāre āhāre **nikanti** taṇhā, taṃ **bhayaṃ** anattāvaḥato. Gadhitassa hi āhāraparibhogo anattāya hoti. Hetu-atthe bhummaṃ. Evaṃ sesesu. **Nikanti**ti nikāmanā

1. Abhi 8. 7 piṭṭhe Paṭṭhāne.

2. Saṃ 3. 50, 60, 61 piṭṭhesu.

3. Ma 3. 109; Khu 1. 77; Vi 3. 1; Khu 10. 28 piṭṭhādīsu.

chandarāgo. Bhāyati etasmāti bhayaṃ, nikanti eva bhayaṃ **nikantibhayaṃ**. Kabaḷikārāhārahetu imesaṃ sattānaṃ chandarāgo bhayaṃ bhayānakam dīṭṭhadhammikādibhedassa anattassa sakalassāpi vaṭṭadukkhassa hetubhāvato. Tenevāha “kabaḷikāre ce bhikkhave āhāre atthi rāgo, atthi nandī, atthi taṇhā, patiṭṭhitam tattha viññāṇam viruḷhan”ti-ādi<sup>1</sup>.

**Upagamanam** appahīnavipallāsassa ārammaṇena samodhānaṃ saṅgati sukhavedanīyādiphassuppatti **bhayaṃ** bhayānakam tīhi dukkhatāhi aparimuccanato. Tenāha “sukhavedanīyam bhikkhave phasaṃ paṭicca uppajjati sukhā vedanā<sup>2</sup>, tassa vedanāpaccayā taṇhā -pa- dukkhakkhandhassa samudayo hotī”ti<sup>3</sup>. Tattha tattha bhava upapajjati etenāti **upapatti**, upapajjanam vā **upapatti**, khipanam **bhayaṃ** bhayānakam upapattimūlakehi byasanehi aparimuttato. Tenāha “avidvā bhikkhave purisapuggalo puññaṅce saṅkhāraṃ abhisāṅkharoti, puññupagam bhavati viññāṇam. Apuññaṅce saṅkhāraṃ abhisāṅkharoti, apuññupagam bhavati viññāṇan”ti-ādi<sup>4</sup>. **Paṭisandhī**ti bhavantarādīhi paṭisandhānaṃ, tam **bhayaṃ** bhayānakam paṭisandhinimittehi dukkhehi avimuccanato. Tenāha “viññāṅce ce bhikkhave āhāre atthi rāgo, atthi nandī, atthi taṇhā, patiṭṭhitam tattha viññāṇam viruḷhan”ti-ādi<sup>5</sup>.

**Puttamaṃsūpamena** ovādena **dīpetabbo** nicchandarāgaparibhogāya. Evaṃ hi tattha nikantibhayaṃ na hoti. Niccammā gāvī yaṃ yaṃ ṭhānaṃ upagacchati, tattha tattheva naṃ pāṇino khādantiyeva. Evaṃ phasse sati vedanā uppajjati, vedanā ca dukkhasallādito daṭṭhabbāti phasse ādīnavam passantassa upagamanabhayaṃ na hotīti āha “**phassāhāro niccammagāvūpamena dīpetabbo**”ti. Ekādasahi aggīhi sabbaso ādittā bhavā aṅgārakāsusadisāti passato upapattibhayaṃ na hotīti āha “**manosañcetanāhāro aṅgārakāsūpamena dīpetabbo**”ti. Corasadisam viññāṇam anattapātato, pahārasadisī vedanā duradhivāsototi sammadeva passato paṭisandhibhayaṃ na hotīti āha “**viññāṇāhāro sattipatūpamena dīpetabbo**”ti.

1. Saṃ 1. 325; Abhi 4. 114; Khu 7. 19 piṭṭhesu.

2. Saṃ 2. 332 piṭṭhe.

3. Khu 1. 77 piṭṭhe Udāne.

4. Saṃ 1. 310 piṭṭhe.

5. Saṃ 1. 326 piṭṭhe.

Evam kiccādimukhena āhāresu ādīnavam vibhāvetvā idāni tattha yathādhippetaṃ āhāraṃ niddhāretvā paṭikkūlato manasikāravidhiṃ dassetuṃ “imesu panā”ti-ādi vuttaṃ. **Upādāyarūpaniddeseṃpi** “kabaḷikāro āhāro”ti<sup>1</sup> āgatattā tato viśesento “**asitapītakhāyitasāyitappabhedo**”ti āha, bhūtakathanam vā etaṃ. Tattha **asitapītakhāyitasāyitappabhedo**ti asitabba pātabba khāyitabbasāyitabbavibhāgo kālābheda vacanīcchāya abhāvato yathā “duddhan”ti. **Kabaḷikāro āhārovā**ti avadhāraṇam yathā phassāhārādīnīvattanam, evam ojhāhāranīvattanampi daṭṭhabbam. Savatthuko eva hi āhāro idha kammaṭṭhānabhūto, tena āharīyatīti āhāroti evamettha attho daṭṭhabbo. Āharatīti āhāroti ayaṃ panattho nībbattita-ojāvasena vedītabbo. **Imasmiṃ attheti** imasīṃ kammaṭṭhānasāṅkhāte atthe. **Uppannā saññā**ti saññāsīsenā bhāvanam vadati. Tathā hi vakkhati “paṭikkūlakāraggaṇavasena panā”ti-ādi<sup>2</sup>.

**Kammaṭṭhānam uggahetvā**ti kammaṭṭhānam pariyattīdhammato, atthato ca sugghitam sumanasikataṃ sūpadhāritam katvā. Tenāha “**uggahato ekapadampi avirajjhantena**”ti. Tattha **uggahatoti** ācariyuggahato. **Ekapadampī**ti ekampi padaṃ, ekakoṭṭhāsampi vā, padesamattampīti attho. **Dasahākārehi**ti kasmā vuttaṃ, nanu antīmajīvikābhāvato, piṇḍapātassa alābhālābhesu paritassanagedhādīsamuppattito, bhuttassa sammadajananato, kimikulasamvaddhanatoti evamādīhipi ākārehi āhāre paṭikkūlatā paccavekkhitabbā? Vuttaṃ hetam “antamīdam bhikkhave jīvikānam yadīdam piṇḍolyam, abhisāpoyam bhikkhave lokasmiṃ ‘piṇḍolo vicarasi pattapāṇī’ti<sup>3</sup>”, “aladdhā ca piṇḍapātam paritassati, laddhā ca piṇḍapātam gadhito mucchito ajjhosanno anādīnavadassāvī anīssaraṇapaṇṇo parībhūñjati”ti<sup>4</sup>, “bhutto ca āhāro kassaci kadāci maraṇam vā maraṇamattam vā dukkham āvahati, ukkocakādayo, takkoṭakādayo ca dvattīmsa dvattīmsa kulappabhedā kimayo ca nam upanīssāya jīvantī”ti.

---

1. Abhi 1. 156 piṭṭhe.

3. Saṃ 2. 76; Khu 1. 255 piṭṭhesu.

2. Visuddhi 1. 342 piṭṭhe.

4. Am 1. 278 piṭṭhe.



Vuccate—antimakajīvikābhāvo tāva cittasaṅkilesavisodhanatthaṃ kammaṭṭhānābhīnivesato pageva manasi kātabbo “māhaṃ chavālātasadiso bhaveyyan”ti. Tathā piṇḍapātassa alābhalābhesupi paritassanagedhādīsamuppattinivāraṇaṃ pageva anuṭṭhātabbaṃ suparisuddhasīlassa paṭisaṅkhānavato tadabhāvato. Bhattasammado anekantiko, paribhogantogadho vā veditabbo. Kimikulasāmvaddhanaṃ pana na saṅghetabbaṃ, saṅghatameva vā “dasahākārehi”ti ettha niyamassa akatattā. Iminā vā nayena itaresampettha saṅgho daṭṭhabbo yathāsambhavamettha paṭikkūlatāpaccavekkhaṇassa adhippetattā. Tathā hi gharagoḷikavaccamūsikajatukavaccādikaṃ sambhavantāṃ gahitaṃ, na ekantikanti. Tathā pariyesaṇādisupi yathāsambhavaṃ vattabbaṃ.

**Gamanatoti**—ādīsu paccāgamanampi gamanasabhāgattā gamaneneva saṅghataṃ. Paṭikkamanasālādi-upasaṅkamaṇaṃ viya pariyesane samānapaṭikkūlaṃ hi asuciṭṭhānakkamanavirūpaduggandhadassanaghāyanādhiṅgāsaṇehi. **Gamanatoti** bhikkhācāravasena gocaraḡamaṃ uddissa gamanato. **Pariyesanatoti** gocaraḡame bhikkhatthaṃ āhiṇḍanato. **Paribhogatoti** āhārasa paribhuṅjanato. Ubhayaṃ ubhayena āsayati, ekajjhaṃ pavattamānopi kammabalavavatthito hutvā mariyādasena aññaṃaññaṃ asaṅkarato sayati tiṭṭhati pavattatīti āsayo, āmāsayassa upari tiṭṭhanako pittādiko. Mariyādattho hi ayamākāro, tato **āsayato**. Nidadhāti yathābhutto āhāro nicito hutvā tiṭṭhati etthāti nidhānaṃ, āmāsayo, tato **nidhānato**. **Aparipakkatoti** gahaṇīsaṅkhātena kammajatejena aparipakkato. **Paripakkatoti** yathābhuttassa āhārasa vipakkabhāvato. **Phalatoti** nibbattito. **Nissandatoti** ito cito ca vissandanato. **Sammakkhanatoti** sabbaso makkhanato. Sabbattha āhāre paṭikkūlatā paccavekkhitabbāti yojanā. Taṃtaṃkiriyānipphattipaṭipāṭivasena cāyaṃ gamanatoti-ādikā anupubbī ṭhapitā, sammakkhanaṃ pana paribhogādīsu labbhamānampi nissandavasena visesato paṭikkūlanti sabbapacchā ṭhapitanti daṭṭhabbaṃ.

295. **Evam mahānubhāveti** idāni vattabbapaṭipattiyā mahānubhāveti vadanti, sabbatthakakammaṭṭhānapariharaṇādisiddhaṃ vā dhammasudhammataṃ purakkhatvā

yogāvacarena evaṃ paṭipajjitabbanti dassento “**evaṃ mahānubhāve nāma sāsane**”ti-ādimāha. Tattha **nāma**-saddo sambhāvane daṭṭhabbo. Pabbajitena gāmābhimukhena gantabbanti yojanā. Ayañca gamanādito paccavekkhaṇā yogino na attuddesikāva, atha kho anuddesikāpīti dassento “**sakalarattin**”ti-ādinā dhuradvayaṃ pariggahesi. **Pariveṇanti** pariveṇaṅgaṇaṃ.

**Vīsatiṃsavāreti** ettha santatipaccuppannavasena vāraparicchediti keci, apare pana “uṇhāsanaṇā”ti vadanti. Nīvaraṇavikkhambhanañhi appattā bhāvanā paraṇapītiyā abhāvato nisajjāvasena kāyakilamathaṃ na vinodatiyevāti iriyāpathacalanāṃ hotiyeva. Vīsatiṃsaggahaṇaṃ pana yathāsallakkhitabhikkhācaraṇavelāvasena. Atha vā gamanato yāva sammakkhanamanasikāro eko vāro, evaṃ vīsatiṃsavāre kammaṭṭhānaṃ manasi karitvā. **Nijasambādhanīti** janasambādharahitāni, tena appākiṇṇataṃ, appasaddataṃ, appanigghosatañca dasseti. Tato eva **pavivekasukhāni** janavivekena iṭṭhāni, pavivekassa vā jhānānuyogassa upakārāni. Yasmā **chāyūdakasampannāni**, tasmā **sītalāni**. Yasmā **sucīni**, tasmā **ramaṇīyabhūmibhāgāni** purimāni dve pacchimānaṃ dvinnāṃ kāraṇavacanāni. **Ariyanti** niddosaṃ. **Vivekaratinti** jhānānuyogaratim.

Kiñcāpi yogāvacarānaṃ vasanaṭṭhānaṃ nāma sujaggitaṃ susammaṭṭhameva hoti, kadāci pana jagganato pacchā evampi siyāti paṭikkūlatāpaccavekkhaṇāya sambhavadassanattaṃ “**pādarajagharagolikavaccādisamparikiṇṇan**”ti-ādi vuttanti daṭṭhabbaṃ. Tattha **paccattharaṇanti** bhūmiyā chavirakkhaṇatthaṃ attharitaṃ cimilikādi-attharaṇamāha. **Jatukā** khuddakavagguliyo. **Upahatattāti** dūsitattā. **Tatoti** tato tato<sup>1</sup>. Appekadā **ulūkapārāvātādīhīti** idhāpi “appekadā”ti padam ānetvā sambandhitabbaṃ. **Udakacikkhallādīhīti** ādi-saddena kacavarādim saṅgaṇhāti. Pariveṇato vihāraṅgaṇappavesamaggo **vihāraracchā**.

**Vitakkamāḷaketi** “kattha nu kho ajja bhikkhāya caritabban”ti-ādinā vitakkanamāḷake. **Gāmamagganti** gāmagāmimaggam. **Khāṇukaṇṭakamaggoti** khāṇukaṇṭakavanto maggo. **Daṭṭhabbo hotīti** dassanena gamanaṃ upalakkheti.

---

1. Tatoti tato (Ka)

**Paṇḍam paṭicchādentenā**ti-ādi evamajjhāsayaena nivāsanādi kātābbanti vattadassanam, paṇḍaroginā vātātapādi parissayavinodanattam gaṇḍam paṭicchādayamānena viya. Atha vā gaṇḍam viya gaṇḍam paṭicchādayamānenāti ekam gaṇḍa-saddam ānetvā sambandhitabham bhavati. “Gaṇḍoti kho bhikkhave pañcannetaṃ upādānakkhandhānam adhivacanan”<sup>1</sup>ti vacanato **gaṇḍoti** attabhāvassa pariyāyo, visesato rūpakāyassa dukkhatāsūlayogato, asucipaggharaṇato, uppādajarābhaṅgehi uddhumātakapakkapabhiḥjanato. **Vaṇacoḷakanti** vaṇapaṭicchādayamānena viya. **Nīharitvā**ti thavikato uddharitvā. **Kuṇapānīpī**ti pi-saddo garahāyam evarūpānīpi daṭṭhabbāni bhavanti, sambhavadassane vā idampi tattha sambhavatīti. **Adhivāsetabboti** khamitabbo aññathā āhārassa anupalabbhanato. **Gāmadvāreti** gāmadvārasamīpe, ummārabbhantare vā. **Gāmaracchā** vinivijjhivā thitā **oloketabbā honti** yugamattadassināpi satāti adhippāyo.

**Paccattharaṇādī**ti gharagolikavaccādisamkiliṭṭhapaccattharaṇādīkam. **Anekakuṇapariyosānanti** ettha dunnivatthaduppārutamanussasamākulānam gāmaracchānam olokanampi ānetvā vattabham. Tampi hi paṭikkūlamevāti **aho vatāti** garahane nipāto. **Bhoti** dhammālanam. Yāvañcidam paṭikkūlo āhāro yadattam gamanampi nāma evam jeguccham, duradhivāsanañcāti attho.

296. **Gamanapaṭikkūlanti** gamanameva paṭikkūlam gamanapaṭikkūlam. **Adhivāsetvāpī**ti pi-saddo sampiṇḍanattho, tena “ettakenāpi mutti natthi, ito parampi mahantam paṭikkūlam sakalam adhivāsetabbamevā”<sup>1</sup>ti vakkhamānam paṭikkūlam sampiṇḍeti. **Saṅghātipārutenā**ti saṅghāṭiyā kappanapārupanena pārutasarīrena. **Yatthāti** yāsu vithīsu. **Yāva piṇḍikamaṃsāpī**ti yāva jaṅghapiṇḍikamaṃsappadesāpi. **Udakacikkhalleti** udakamisse kaddame. **Ekena cīvaranti** ekena hatthena nivatthacīvaram. Macchā dhovīyanti etenāti **macchadhovanam**, udakam. Sammissa-saddo paccakam sambandhitabbo. **Oḷigallāni** ucchiṭṭhodakagabbhamalādīnam sakaddamānam sandanaṭṭhānāni, yāni jaṅṅumatta-asucibharitānīpi honti. **Candanikāni** kevalānam ucchiṭṭhodakagabbhamalādīnam

1. Am 3. 191; Sam 2. 304 piṭṭhesu.

sandanaṭṭhānāni<sup>1</sup>. **Yatoti** oḷigallādito. **Tā makkhikā**ti tattha saṅdasaṅḍacārino nīlamakkhikā. **Nilīyantī**ti acchanti.

**Dadamānāpī**ti-ādi satipi kesañci saddhānaṃ vasena sakkaccakāre paṭikkūlapaccavekkhaṇāyogyam pana asaddhānaṃ vasena pavattanaka-asakkaccakārameva dassetuṃ āraddham. **Tuṅhī honti** sayameva riñcivā gacchissatīti. **Gacchā**ti apehi. **Reti** ambho. **Muṇḍakā**ti anādarālapanaṃ. **Samudācarantī**ti kathenti. Piṇḍolyassa antimajīvikābhāvenāha “kapaṇamanussena viya gāme piṇḍāya caritvā nikkhamitabban”ti.

297. **Tatthā**ti tasmim pattaḡate āhāre. **Lajjitabbaṃ hoti** “ucchiṭṭhaṃ nu kho ayaṃ mayhaṃ dātukāmo”ti āsaṅkeyyāti, **sedo paggharamāno** āhārassa vā uṇhatāya, bhikkhuno vā sapariḷāhatāyāti adhippāyo. **Sukkhathaddhabhattampī**ti sukkhatāya thaddhampi bhattaṃ, pageva takkakañjikādīnā upasittanti adhippāyo. Tena sedena kilinnatāya paṭikkūlataṃ vadati.

**Tasminti piṇḍapāte. Sambhinnasobheti** sabbaso vinaṭṭhasobhe. **Vemajjhato paṭṭhāyāti** jivhāya majjhato paṭṭhāya. **Dantagūthako** dantamalaṃ. **Vicuṇṇitamakkhitoti** ubhayehi dantehi vicuṇṇito kheḷādīhi samupalitto. Evambhūtassa cassa yāyaṃ pubbe vaṇṇasampadā, gandhasampadā, abhisāṅkhārasampadā ca, sā ekaṃsena vinassati, raso pana nasseyya vā na vāti āha “**antarahitavaṇṇagandhasāṅkhāraviseso**”ti. **Suvānadoṇiyanti** sārameyyānaṃ bhuñjanaka-ambaṇe. **Suvānavamathu viyāti** vantasunakhachāḍḍanaṃ viya. **Cakkhussa āpāthaṃ atītattā ajjhoharitabbo hotīti** ukkaṃsagataṃ tassa paṭikkūlabhāvaṃ vibhāveti.

298. **Paribhoganti** ajjhoharaṇaṃ. **Esa** āhāro anto pavisaṃmāno bahalamadhukatelamakkhito viya paramajeguccho hotīti sambandho. **Antoti** koṭṭhassa abbhantare. Nidhānamanupagato āmāsayaṃ appattoyeva āhāro pittādīhi vimissito hotīti āha “**pavisamāno**”ti. Āmāsayaṃpakkāsayaṃvinimutto koyamāsayo

---

1. Chāḍḍanaṭṭhānāni (Sī)

nāmāti āsaṅkaṃ sandhāyāya “**yasmā**”ti-ādi. Pittamevāsayo **pittāsayo**. **Adhiko hotīti** vuttaṃ mandapuññabāhullato lokassa. **Evaṃ āsayatoti** jeguccho hutvā anto pavīṭṭho jegucchatarehi pittādīhi vimissito ativiya jeguccho hotīti evaṃ āsayato paṭikkūlatā paccavekkhitabbā.

299. **Nidhānatoti** etthāpi eseva nayo. **Soti āhāro**. **Dasavassikenāti** jātiyā dasavassena sattena. **Okāseti** āmāsayaṅkhāte padese.

300. **Evarūpeti** edise, dasavassāni yāva vassasatāṃ adhotavaccakūpasadiseti attho. **Nidhānanti** nidhātābbaṃ. **Yathāvuttappakāreti** sace pana “dasavassikenā”ti-ādinā<sup>1</sup> yathāvutto pakāro etassāti yathāvuttappakāro, tasmim. **Paramandhakāratimiseti** ativiya andhakaraṇamahātamaṃ. Atiduggandhajegucche padese paramajegucchabhāvaṃ upagantvā tiṭṭhatīti sambandho. Kattha kiṃ viyāti āha “**yathā nāmā**”ti-ādi. Kālameghena abhivūṭṭhe āvāṭe bahuso vassanena ekaccaṃ asucijātaṃ uppilavitvā vīgaccheyyāti **akālameghaggahaṇaṃ**. **Tiṇapaṇṇakilañjakhaṇḍaggahaṇaṃ** na asubhassāpi asubhena sammissatāya asubhabhāvappattidassanattamaṃ. **Kāyaggisantāpakuthitakuthanaṣaṇṇjātaphēṇapubbuḷakācitoti** gahaṇitejena pakkuthitanippakkatāya samuppannapheṇapubbuḷanicito. **Aparipakkatoti** aparipakkabhāvato.

301. **Suvaṇṇarajatādihātuyo viyāti** yathā suvaṇṇarajatādihātuyo vidhinā tāpiyamānā suvaṇṇarajatādike muñcantiyo suvaṇṇarajatādibhāvaṃ upagacchantīti vuccanti, na evamayaṃ. Ayaṃ pana āhāro kāyagginā paripakko pheṇapubbuḷake muñcanto saṅhaṃ karonti etthāti “saṅhakaraṇī”ti laddhanāmake nisade pisitvā nālike khuddakaveḷunālikāyaṃ vaṇṇasaṅṭhānamattena pakkhippamānapaṇḍumattikā viya karīsabhāvaṃ upagantvā pakkāsayaṃ pūreti, muttabhāvaṃ upagantvā muttavatthim pūretīti yojanā. Gahaṇiyā indhanabhāgo viya kimibhakkhabhāgo ca

---

1. Visuddhi 1. 339 piṭṭhe.

apākaṭova. Rasabhāgo phalato pakāsiyati, aparipakkasabhāgā ca teti te anāmasitvā karīsamuttabhāgā evettha dassitā.

302. Paṭikkūlassa nāma phalena paṭikkūleneva bhavitabbanti dassento “**sammā paripaccamāno**”ti-ādimāha. **Nakhadantādīnīti ādi**-saddena na kevalam tacādīni eva **dvattimsākārapāliyam**<sup>1</sup> āgatāni, atha kho akkhigūtha kaṇṇagūtha dantamala jallikāsambhavādīni dvattimsakoṭṭhāsavinimuttāni asubhāni saṅgaṇhanto “**nānākuṇapānī**”ti āhāti daṭṭhabbam.

303. **Nissandamāno**ti vissavanto, paggharantoti attho. **Ādinā pakārenāti** ettha **ādi**-saddena nāsikāya siṅghāṇikā, mukhena kheḷo, kadāci pittam, semham, lohitaṃ vamati, vaccamaggena uccāro, passāvamaggena passāvo, sakalakāye lomakūpehi sedajallikāti evampakāraṃ asuciṃ saṅgaṇhāti. “**Paṭhamadivase**”ti idaṃ nissandadivasāpekkhāya vuttam. Tenāha “**dutiyadivase nissandento**”ti. **Vikuṇitamukhoti** jigucchavasena saṅkucitamukho. Tenāha “**jegucchi**”ti. **Maṅkubhūtoti** vimanakajāto “imampi nāma posemī”ti. **Rattoti** vattham viya raṅgajātena cittassa vipariṇāmākārena chandarāgena ratto. **Giddhoti** abhikaṅkhanasabhāvena abhigijjhanena giddho gedham āpanno. **Gadhitoti**<sup>2</sup> dummocaniyabhāvena ganthito viya tattha paṭibaddho. **Mucchitoti** rasataṇhāya muccham moham āpanno. **Virattoti** vigatarāgo. **Aṭṭiyamānoti** dukkhiyamāno. **Harāyamānoti** lajjamāno. **Jigucchamānoti** hīlento.

**Navadvārehīti** pākaṭānam mahantānam vasena vuttam, lokakūpavivarehipi sandatevāti. **Niliyatīti** attānam adassento nigūhati, saṅkucati<sup>3</sup> vā. **Evanti** ekena dvārena pavesanam anekehi dvārehi anekadhā nikkhāmanam, pakāsanam pavesanam, nigūḷham nikkhāmanampīti somanassajātena pavesanam, maṅkubhūtena nikkhāmanam, sārattena pavesanam, virattena nikkhāmananti imehi pakārehi.

1. Ma 3. 133; Khu 1. 2 piṭṭhesu.

2. Gathitoti (Sī)

3. Saṅkupati (Syā)

304. **Paribhogakālepi** pi-saddena paviṭṭhamattopi nāma pavesadvāraṃ jegucchaṃ karoti, pageva laddhaparivāso paripākappatto itaradvārānīti dasseti. **Esa** āhāro. **Gandhaharaṇatthanti** vissagandhāpanayanattham. **Kāyaggināti** gahaṇitejānugatena kāyusmānā. **Pheṇuddehakanti** pheṇāni utṭhapetvā utṭhapetvā. **Paccitvāti** paripākam gantvā. **Uttaramānoti** uppilavanto. **Semhādīti** ādi-saddena pittādike saṅgaṇhāti. **Karīsādīti** ādi-saddena sedajallikādike. **Imāni dvārāni** mukhādīni. **Ekaccanti** passāvamaggaṃ sandhāya vadati. Cokkhajātikā pana mukhādīnīpi dhovivā hattham puna dhovantiyeva. Puna **ekaccanti** vaccamaggaṃ. **Dvittikkhattunti** dvikkhattum, tikkhattum vā. Ettha ca āhāratthāya gamanapariyesanānam paṭikkūlatā āhāre paṭikkūlatā vuttā. Paribhogassa tannissayato, āsayanidhānānam taṃsambandhato, itaresam tabbikāratoti ayampi viseso veditabbo. Kimibhakkhabhāvopi hissavikārapakkhēyeva ṭhapetabboti.

305. **Tam nimittanti** yathāvuttehi ākārehi punappunam manasi karontassa paṭikkūlakārasena upaṭṭhitam kabalīkārāhārasaññitam bhāvanāya nimittam ārammaṇam, na uggahapaṭibhāganimittam. Yadi hi tattha uggahanimittam uppajjeyya, paṭibhāganimittenapi bhavitabbam. Tathā ca satī appanāpattena jhānena bhavitabbam, na ca bhavati, kasmā? Bhāvanāya nānakāro, sabhāvadhamabhāvena ca kammaṭṭhānassa gambhīrabhāvato. Tenāha “**kabalīkārāhārassa sabhāvadhammatāya gambhīrattā**”ti. Ettha hi yadipi paṭikkūlakārasena bhāvanā pavattati. Ye pana dhamme upādāya kabalīkārāhārapaññatti, te eva dhammā paṭikkūlā, na paññattīti paṭikkūlakāraggaṇamukhenapi sabhāvadhammeyeva ārabha bhāvanāya pavattanato, sabhāvadhammānañca sabhāveneva gambhīrabhāvato na tattha jhānam appetum sakkoti. Gambhīrabhāvato hi purimasaccadvayaṃ duddasaṃ jātanti. Yadi upacārasamādhinā cittaṃ samādhīyati, katham kammaṭṭhānam “saññā” icceva voharīyatīti āha “**paṭikkūlakāraggaṇavasena panā**”ti-ādi.

Idāni imissā bhavanāya ānisaṃsam dassetum “**imañca panā**”ti-ādi vuttam. **Rasataṇhāyāti** madhurādirasavisayāya taṇhāya. **Patilīyatīti** saṅkucati anekākāram tattham paṭikkūlatāya saṅghitattā. **Patikuṭatīti**

apasakkati na visarati. **Pativattatī**ti nivattati. **Kantāranittharaṇatthikoti** mahato dubbhikkhakantārassa nittharaṇappayojo. **Vigatamadoti** mānamadādīnaṃ abhāvena nimmado, madābhāvaggahaṇeneva cassa davamaṇḍanavibhūsanādīnampi abhāvo gahitoyevāti daṭṭhabbāṃ. **Kabaḷikārāhārapariññāmukhenāti** vuttanayena paṭikkulākārato kabaḷikārāhārassa paricchijja jānanadvārena. **Pañcakāmaguṇiko rāgoti** anativattanaṭṭhena pañcasu kāmaguṇesu niyutto, tappayojo vā rāgo. **Pariññaṃ** samatikkamaṃ **gacchati**. Rasataṇhāya hi sammadeva vigatāya rūpataṇhādayopi vigatā eva honti bhojane mattaññutāya ukkaṃsagamanato. Sati ca visayisamatikkame visayo samatikkanto eva hotīti āha “**so pañcakāmaguṇapariññāmukhena rūpakkhandhaṃ parijānātī**”ti. Rūpāyatanādīsu hi pariññaṃ gacchantesu tannissayabhūtāni, taggāhakā pasādā ca sukheveva pariññaṃ gacchantīti. **Aparipakkādīti ādi**-saddena āsayanidhānānampi saṅgaho daṭṭhabbo. Tattha **aparipakkaṃ** tāva udariyameva. Āsayaggahaṇena pittasemhapubbalohitānaṃ, paripakkaggahaṇena karīsaputtānaṃ, phalaggahaṇena kesādīnaṃ sabbesaṃ pariggaho siddho hotīti āha “**kāyagatāsati bhāvanāpi pāripūriṃ gacchati**”ti. **Asubhasaññāyāti** asubhabhāvanāya, aviññāṇaka-asubhabhāvanānuyogassāti attho. **Anulomapaṭipadaṃ paṭipanno hoti** paṭikkulākāraggahaṇena kāyassa asuciduggandhājegucchabhāvasallakkhaṇato. **Imaṃ pana paṭipattinti** imaṃ āhāre paṭikkulasaññābhāvanaṃ. **Amatapariyosānatanti** nibbānani-aṭṭhitaṃ<sup>1</sup> āhāre paṭikkulasaññābhāvanāsaṅkhātāṃ upacārajjhānaṃ pādakaṃ katvā vipassanaṃ vaḍḍhetvā nibbānādhigamanti attho.

Āhāre paṭikkulabhāvanāvaṇṇanā niṭṭhitā.

### Catudhātuvatthānabhāvanāvaṇṇanā

306. “**Ekam vavatthānanti evaṃ uddiṭṭhassa catudhātuvavatthānassa bhāvanāniddeso anupatto**”ti uddeso nāma niddesattho

1. Nibbānaniṭṭhakaṃ (Sī)



mudumajjhapaññābhūllato, āgato ca bhāro avassamā vahitabboti katvā vuttam. Tattha satipi visayabhedena vavatthānassa bhede vavatthānabhāvasāmaññena pana tam abhinnaṃ katvā vuttam **“ekam vavatthānan”**ti, pubbabhāge vā satipi visayabhede atthasiddhiyam tassa ekavisayatāvāti **“ekam vavatthānan”**ti vuttam. Yathā hi dvattiṃsākāre kammaṃ karontassa yogino yadipi pubbabhāge visum visum koṭṭhāsesu manasikāro pavattati, aparabhāge pana ekasmiṃ khaṇe ekasmiṃyeva koṭṭhāse atthasiddhi hoti, na sabbesu, evamidhāpīti. Tattha siyā—yathā paṭikkūlabhāvasāmaññena dvattiṃsākārakammaṭṭhāne abhedato manasikāro pavattati, evaṃ idha dhātubhāvasāmaññena abhedato manasikāro pavattatīti **“ekam vavatthānan”**ti vuttanti? Nayidamevaṃ. Tattha hi paṇṇattisamatikkamato paṭṭhāya paṭikkūlavaseneva sabbattha manasikāro pavattetabbo, idha pana sabhāvasarasalakkhaṇato dhātuyo manasi kātabbā, na dhātubhāvasāmaññato. Tenevāha **“sabhāvūpalakkhaṇavasena sannitṭhānan”**ti. Kim vā etena papañcena, aññehi ekūnacattālisāya kammaṭṭhānehi asaṃsaṭṭham catudhātuvavatthānam nāma ekam kammaṭṭhānanti dassetuṃ **“ekam vavatthānan”**ti vuttanti daṭṭhabbāṃ. **“Catudhātuvavatthānassa bhāvanāniddeso”**ti kasmā vuttam, nanu catudhātuvavatthānam bhāvanāva? Saccam bhāvanāva, sakim pavattam pana vavatthānam, tassa bahulīkāro bhāvanāti vacanabhedena vuttam. Katham pana bhāvanā niddisīyati tassā vacīgocarātikkantabhāvatoti? Nāyam doso bhāvanatthe bhāvanāvohārato. Bhāvanattho hi kammaṭṭhānapariggaho idha **“bhāvanā”**ti adhippeto.

**Sabhāvūpalakkhaṇavasenā**ti kakkhaḷattādikassa salakkhaṇassa upadhāraṇavasena. Idam hi kammaṭṭhānam pathavīkasiṇādīkammaṭṭhānam viya na paṇṇattimattasallakkhaṇavasena, nīlakasiṇādīkammaṭṭhānam viya na nīlādivaṇṇasallakkhaṇavasena, nāpi vipassanākammaṭṭhānam viya saṅkhārānam aniccatādisāmaññalakkhaṇasallakkhaṇavasena pavattati, atha kho pathavī-ādīnam sabhāvasallakkhaṇavasena pavattati. Tena vuttam **“sabhāvūpalakkhaṇavasenā”**ti, kakkhaḷattādikassa salakkhaṇassa upadhāraṇavasenāti attho. **Sannitṭhānanti** ñāṇavinicchayo veditabbo, na yevāpanakavinicchayo, nāpi

vitakkādivinicchayo. **Dhātumanasikāro**ti dhātūsu manasikāro, catasso dhātuyo ārabba bhāvanāmanasikāroti attho. Kātabbato kammaṃ, yogino sukhavisesānaṃ kāraṇabhāvato ṭhānañcāti kammaṭṭhānaṃ, catunnaṃ mahābhūtānaṃ sabhāvasallakkhaṇavasena pavattaṃ yogakammaṃ. Tenāha “**dhātumanasikāro, dhātukammaṭṭhānaṃ, catudhātuvavattḥānanti atthato ekan**”ti. **Tayidaṃ** catudhātuvavattḥānaṃ. “**Dvidhā āgatan**”ti kasmā vuttaṃ, nanu dhātuvibhaṅge nātisaṅkhepavittḥārasena āgataṃ, tasmā “tidhā āgatan”ti vattabbanti? Na, tatthāpi ajjhattikānaṃ dhātūnaṃ pabhedato anavaśesapariyādānassa katattā, bāhirānañca dhātūnaṃ pariggahitattā. Atha vā **dvidhā āgatan**ti ettha dvidhāva āgatanti na evaṃ niyamo gaheṭṭabbo, atha kho dvidhā āgatamevāti, tena tatiyassāpi pakārasa saṅgaho siddho hoti. So ca nātisaṅkhepavittḥāranayo “saṅkhepato ca vitthārato cā”ti ettha āvuttivasena, **ca**-saddeneva vā saṅgahoti daṭṭhabbo. Atha vā yo nātisaṅkhepavittḥāranayena atisaṅkhepapaṭikkhepamukhena labbhamāno vitthārabhāgo, taṃ vitthāranayantogadhameva katvā vuttaṃ “dvidhā āgatan”ti. Evañca katvā “nātittikkhapaññassa dhātukammaṭṭhānikassa vasena vitthārato āgatan”ti idañca vacanaṃ samatthitaṃ hoti. “**Mahāsatipaṭṭhāne**”ti ca idaṃ nidassanamattaṃ daṭṭhabbaṃ, **satipaṭṭhāna**<sup>1</sup>**kāyagatāsatisuttādīsūpi**<sup>2</sup> tatheva āgatattā. **Rāhulovādeti** mahārāhulovāde<sup>3</sup>. **Dhātuvibhaṅgeti** dhātuvibhaṅgasutte<sup>4</sup>, abhidhamme dhātuvibhaṅge<sup>5</sup> ca.

Kāmaṃ **mahāsatipaṭṭhāne**<sup>1</sup> atthena upamaṃ parivāretvā desanā āgatā, upamā ca nāma yāvadeva upameyyatthavibhāvanatthāti upamaṃ tāva dassetvā upameyyatthaṃ vibhāvetuṃ “**seyyathāpi**”ti-ādinaṃ pāli ānītā. Kasmā panettha dhātuvasena, tatthāpi catumahābhūtavasena kammaṭṭhānaniddeso katoti? Sattasuññatāsandassanattaṃ, ettha dhātuvasena, tatthāpi oḷārikabhāvena supākaṭāyā, ekaccaveneyyajanacaritānukulatāyā ca mahābhūtavasena kammaṭṭhānaniddeso katoti veditabbo. Tattha **pathavīdhātūti**-ādīsu dhātuttho nāma sabhāvattho,

1. Dī 2. 234; Ma 1. 73 piṭṭhesu.

2. Ma 3. 131 piṭṭhe.

3. Ma 2. 84 piṭṭhe.

4. Ma 3. 281 piṭṭhe.

5. Abhi 2. 84 piṭṭhe.

sabhāvattho nāma suññatatto, suññatatto nāma nissattatto. Evaṃ sabhāvasuññatanissattatthena pathavīyeva dhātu **pathavīdhātu**. **Āpodhātu**-ādīsupi eśeva nayo. **Pathavīdhātū**ti saharūpadhammānaṃ paṭiṭṭhādhdātu, tathā **āpodhātū**ti ābandhanadhātu, **tejodhātū**ti paripācanadhātu, **vāyodhātū**ti vitthambhanadhātūti evamettha samāso, bhāvattho ca vedītabbo. Ayamettha saṅkhepo, vitthāro pana parato āgamissati.

**Evaṃ tikkhapaññassā**ti-ādīsu **evanti** yathādassitaṃ pāḷiṃ paccāmasati. Nāṭitikkhapaññassa vitthāradesanāti katvā āha **“tikkhapaññassā”**ti. Yathā vatthayugaṃ arahatīti vatthayugiko, evaṃ dhātukammaṭṭhānaṃ arahati, dhātukammaṭṭhānapayojanoti vā dhātukammaṭṭhāniko, tassa **dhātukammaṭṭhānikassa**.

**Chekoti** taṃtaṃsamaññāya kusalo, yathājāte sūnasmim<sup>1</sup> naṅguṭṭhakhuravisāṇādivante<sup>2</sup> aṭṭhimaṃsādi-avayavasamudāye avibhatte gāvīsamaññā, na vibhatte, vibhatte pana aṭṭhimaṃsādi-avayavasamaññāti jānanako. **Goghātakoti** jīvikatthāya gunnaṃ ghātako. **Antevāsī**ti kammakaraṇavasena tassa samīpavāsī tassa tannissāya jīvanato. **Vinivijjhītvā**ti ekasmim ṭhāne aññaṃ vinivijjhītvā. **Mahāpathānaṃ vemajjhāṭṭhānasāṅkhā**ti catunnaṃ mahāpathānaṃ tāya eva vinivijjhānaṭṭhānasāṅkhāte. Yasmā te cattāro mahāpathā catūhi disāhi āgantvā samohitā viya honti, tasmā taṃ ṭhānaṃ catumahāpathānaṃ, tasmim **catumahāpathe**. Vilīyanti bhijjanti vibhajjantīti bilā, bhāgā, va-kārassa ba-kāraṃ, i-kārassa ca ī-kāraṃ katvā. Tameva hi bhāgatthaṃ dassetuṃ **“koṭṭhāsaṃ katvā”**ti vuttaṃ. Kiñcāpi ṭhita-saddo **“ṭhito vā”**ti-ādīsu<sup>3</sup> viya ṭhānasāṅkhāta-iriyāpathasamaṅgitāya, gatinivatti-atthātāya vā ṭhā-saddassa aññattha ṭhapetvā gamanaṃ sesa-iriyāpathasamaṅgitāya bodhako, idha pana yathā tathā rūpakāyassa pavatti-ākārabodhako adhippetoti āha **“catunnaṃ iriyāpathānaṃ yena kenaci ākārena ṭhitattā**

1. Sunasmim (Syā, Ka), sūnāyam (?)

2. Sāsanānaṅguṭṭhakakudhakhuravisāṇādivante (Si)

3. Am 2. 22 piṭṭhe.

**yathāṭṭhitān**”ti. Tattha **ākārenā**ti ṭhānādinā rūpakāyassa pavatti-ākārena. Ṭhānādayo hi iriyāsaṅkhātāya kāyikakiriyāya pavattiṭṭhānatāya “iriyāpathā”ti vuccanti. **Yathāṭṭhitanti** yathāpavattam. Yathāvuttaṭṭhānamevettha paṇidhānanti adhippetanti āha “**yathāṭṭhitattāva yathāpaṇihitan**”ti. **Ṭhitanti** vā kāyassa ṭhānasaṅkhātā-iriyāpathasamāyogaparidīpanam. **Paṇihitanti** tadañña-iriyāpathasamāyogaparidīpanam. **Ṭhitanti** vā kāyasaṅkhātānam rūpadhammānam tasmim tasmim khaṇe sakiccavasena avaṭṭhānaparidīpanam. **Paṇihitanti** paccayakiccavasena tehi tehi paccayehi pakārato nihitam paṇihitanti evamettha attho veditabbo. **Dhātusoti** dhātum dhātum pathavī-ādīdhātum visum visum katvā. **Paccavekkhatī**ti pati pati avekkhati ñāṇacakkhunā vinibbhujitvā passati.

Yathā chekoti-ādinā pāḷiyā saddatthavivaraṇavasena vuttamevattham idāni bhāvatthavibhāvanavasena dassetum “**yathā goghātakassā**”ti-ādi vuttam. Tattha **posentassā**ti maṁsūpacayaparibrūhanāya kuṇḍakabhattakappāsattṭhi-ādīhi samvaddhantassa. **Vadhitaṁ matanti** hiṁsitaṁ hutvā mataṁ. **Matanti** ca matamattam. Tenevāha “**tāvadevā**”ti. **Gāvīti saññā na antaradhāyati** yāni aṅgapaccaṅgāni upādāya gāvīsamaññā, matamattāyapi gāvīyā tesam sannivesassa avinaṭṭhattā. **Bilāsoti** bilaṁ bilaṁ katvā. **Vibhajitvāti** aṭṭhisāṅghātato maṁsam vivecetvā, tato vā vivecitam maṁsam bhāgaso katvā. Tenevāha “**maṁsasaññā pavattati**”ti. **Pabbajitassapi** apariggahitakammaṭṭhānassa. **Ghanavinibbhoganti** santatisamūhakkicchanānam vinibbhujanam vivecanam. **Dhātuso paccavekkhatoti** yathāvuttam ghanavinibbhogam katvā dhātuso paccavekkhantassa. **Sattasaññāti** attānudiṭṭhivasena pavattā sattasaññāti vadanti, vohārasena pavattasattasaññāyapi tadā antaradhānam yuttameva yāthāvato ghanavinibbhogassa sampādanato. Evaṁ hi sati yathāvutta-opammatthena opameyyattho aññadatthu saṁsandati sameti. Tenevāha “**dhātuvaseneva cittaṁ santiṭṭhati**”ti.

307. Evaṁ dhātukammaṭṭhānassa saṅkhepato āgataṭṭhānam dassetvā idāni vitthārato āgataṭṭhānam dassetum “**mahāhatthipadūpame**

**panā**”ti-ādi vuttaṃ. **Evanti** iminā **rāhulovāda**<sup>1</sup>**dhātuvibhaṅgesu**<sup>2</sup> dhātukammaṭṭhānassa vitthārato āgamanameva upasaṃharati, na sabbaṃ desanāyamaññathāpi tattha desanāyassa āgatattā.

**Tatrāti** tasmim yathādassite mahāhatthipadūpamapāṭhe. **Ajjhattikāti** sattasantānapariyāpannā. **Ajjhattaṃ paccattanti** padadvayenāpi taṃ taṃ pāṭipuggalikadhammo vuccatīti āha **“ubhayampi niyakassa adhivacanan”**ti. Sasantatipariyāpannatāya pana attani gahetabbabhāvūpagamanavasena attānaṃ adhikicca pavattaṃ **ajjhattaṃ**. Taṃtaṃsantatipariyāpannatāya **paccattaṃ**. Tenevāha **“attani pavattattā ajjhattaṃ, attānaṃ paṭicca paṭicca pavattattā paccattaṃ”**ti. **Kakkhalanti** kathinaṃ. Yasmā taṃ thaddhabhāvena sahaṃjātānaṃ patiṭṭhāhoti, tasmā **“thaddhan”**ti vuttaṃ. **Kharigatanti** kharīsu kharasabhāvesu gataṃ kappariyāpannaṃ, kharasabhāvamevāti attho. Yasmā pana kharasabhāvaṃ pharusākārena upaṭṭhānato pharusākāraṃ hoti, tasmā vuttaṃ **“pharusan”**ti. Tenāha **“dutiyaṃ ākāravacanan”**ti. **Upādinnaṃ** nāma sarīraṭṭhakaṃ. Taṃ pana kammaṣamuṭṭhānataṃ sandhāya upādinnaṃpi atthi anupādinnaṃpi, taṃhādīhi ādinnagahitaparāmaṭṭhavasena sabbampetaṃ upādinnamevāti dassetuṃ **“upādinnaṃti daḷhaṃ ādinnan”**ti-ādi vuttaṃ. Tattha **“maman”**ti gahitaṃ **“ahan”**ti parāmaṭṭhanti yojanā. **Seyyathidanti** kathetukamyatāpucchāvācīti āha **“taṃ katamanti ceti attho”**ti. **Tatoti** pacchā. **Tanti** taṃ ajjhattikādibhedato dassitaṃ pathavīdhātuṃ. **Dassentoti** vatthuvibhāgena dassento. Kiñcāpi matthaluṅgaṃ aṭṭhimiñjeneva saṅgahetvā idha pāḷiyaṃ visuṃ na uddhaṭaṃ, **paṭisambhidāmagge**<sup>3</sup> pana vīsatiyā ākārehi paripuṇṇaṃ katvā dassetuṃ visuṃ gahitanti tampi saṅgaṇhanto thaddhabhāvādhikatāya pathavīdhātukoṭṭhāsesuyeva **“matthaluṅgaṃ pakkhipitvā vīsatiyā ākārehi pathavīdhātu niddiṭṭhāti veditabbā”**ti āha. **“Yaṃ vā panaññaṃpi kiñcī”**ti vā iminā pāḷiyaṃ matthaluṅgassa saṅgaho daṭṭhabbo. Tasmā idha **“yaṃ vā panaññaṃpi kiñcī”**ti idaṃ pubbāparāpekkhaṃ **“matthaluṅgaṃ pakkhipitvā vīsatiyā ākārehi pathavīdhātu niddiṭṭhāti veditabbā, yaṃ vā panaññaṃpi kiñcī”**ti vacanato. Puna **yaṃ vā panaññaṃpi kiñcīti** avasesesu tīsu

1. Ma 2. 84 piṭṭhe.

2. Ma 3. 281; Abhi 2. 84 piṭṭhesu.

3. Khu 9. 8 piṭṭhe.

koṭṭhāsesūti yojetabbaṃ. **Tisu koṭṭhāsesūti** tippakāresu koṭṭhāsesu. Na hi te tayo koṭṭhāsā.

**Vissandanabhāvenāti** paggharaṇasabhāvena. **Appotīti** visarati. **Pappotīti** pāpuṇāti, sasambhāra-āpavasena cetam vuttam. So hi vissandanabhāvena sasambhārapathavīsaṅkhātāṃ taṃ taṃ ṭhānaṃ visarati, pāpuṇāti ca, lakkhaṇāpavaseneva vā. Sopi hi sahaajāta-aññamaññaṇissayādipaccayatāya sesabhūtattayaṅkhātāṃ taṃ taṃ ṭhānaṃ dravabhāvasiddhena vissandanabhāvena ābandhattam, āsattattam, avippakiṇṇaṅca karontam “appoti pappoti”ti vattabbatam arahatīti.

**Tejanavasenāti** nisitabhāvena tikkhabhāvena. **Vuttanayenāti** kammasamuṭṭhānādivasena “nānāvidhesū”ti āpodhātuyam vuttanayena. **Kupitenāti** khubhitena. **Usumajātoti** usmābhibhūto. **Jīratīti** jiṇṇo hoti. Tejodhātuvaseṇa labbhamānā imasmim kāye jarāpavatti pākāṭajarāvasena veditabbāti dassetuṃ “**indriyavekallatan**”ti-ādi vuttam. Sarīre pakati-usumam atikkamivā uṇhabhāvo **santāpo**, sarīrassa dhanavasena pavatto mahādāho **paridāhoti** ayametesam viseso. **Yena jīriyatīti** ca ekāhikādi jararogena jarīyatītipi attho yujjati. Satakkhattum tāpetvā tāpetvā sītudake pakkhipivā uddhaṭā sappi “**satadhotasappi**”ti vadanti. **Asitanti** bhuttham. **Khāyitanti** khāditaṃ. **Sāyitanti** assāditaṃ. **Sammā paripākam gacchatīti** samavepākiniyā gahaṇiyā vaseṇa vuttam, asammāparipākopi pana visamavepākiniyā tassā eva vaseṇa veditabbo. **Rasādibhāvenāti** rasa rudhira maṃsa meda nhāru aṭṭhi aṭṭhimiṅja sukkavasena. **Vivekantanti** puthubhāvaṃ<sup>1</sup> aññamaññaṃ visadisabhāvaṃ. Asitādibhedassa hi āhārassa pariṇāme raso hoti, tam paṭicca rasadhātu uppajjatīti attho. Evaṃ “rasassa pariṇāme rudhiraṇ”ti-ādinā sabbam netabbaṃ.

**Vāyanavasenāti** samudīraṇavasena, savegagamanavasena vā. **Uggārahikkādīti** ettha **ādi**-saddena uddekakhipanādipavattanakavātānaṃ saṅgaho

daṭṭhabbo. **Uccārapassāvādīti ādi-saddena** pittasemhalasikākevaladuggandhādiniharaṇakānaṃ saṅgaho daṭṭhabbo. Yadi pi kucchi-saddo udarapariyāyo, koṭṭha-saddena pana antantarassa vuccamānattā tadavasitṭho udarappadeso idha kucchi-saddena vuccatīti āha “**kucchisayā vātāti antānaṃ bahivātā**”ti. **Samiñjanapasāraṇādīti ādi-saddena** ālokanavilokana-uddharaṇātiharaṇādikā sabbā kāyikakiriyā saṅgahitā. “**Assāsapassāsā cittasamuṭṭhānāvā**”ti etena assāsapassāsānaṃ sarīraṃ muñcitvā pavatti natthīti dīpeti. Na hi bahiddhā cittasamuṭṭhānassa sambhavo atthīti. Yadi evaṃ katham “passāsoti bahinikkhamananāsikavāto, dīghanāsikassa nāsikaggam, itarassa uttaroṭṭham phusanto pavattati”ti vacanaṃ? Tam nikkhamanākārena pavattiyā cittasamuṭṭhānassa, santāne pavatta-utusamuṭṭhānassa ca vasena vuttanti vedittabbaṃ. **Sabbatthāti** āpodhātu-ādīnaṃ tissannaṃ dhātūnaṃ niddesaṃ sandhāyāha. Tattha āpodhātuniddese “yam vā panaññan”ti iminā sambhavassa, tejodhātuniddese sarīre pākatika-usmāya vāyodhātuniddese dhamanijālānusaṭṭassa tattha tattha cammakhīlapīlakādīnibbattakavāyuno saṅgaho daṭṭhabbo. Samiñjanādīnibbattakavātā cittasamuṭṭhānāva. Yadi evaṃ katham “purimā pañca catusamuṭṭhānā”ti vacanaṃ? Na hi samiñjanādīnibbattakā eva aṅgamaṅgānusārino vātā, atha kho tadaññepīti natthi virodho.

**Itīti** vuttappakāraparāmasanaṃ. Tenāha “**vīsatiyā ākārehi**”ti-ādi. **Etthāti** etasmiṃ vitthārato āgate dhātukammaṭṭhāneti attho. Tena ayaṃ vaṇṇanā na kevalaṃ mahāhatthipadūpamasseva<sup>1</sup>, atha kho **mahārāhulovāda<sup>2</sup>dhātuvibhaṅgasuttānampi<sup>3</sup>** atthasaṃvaṇṇanā hotiyevāti dassitaṃ hoti. Bhāvanānāyepi eseva nayo. Tathā hi vuttaṃ “evaṃ rāhulovādadhātuvibhaṅgesupī”ti.

308. **Bhāvanānāyeti** bhāvanāya naye. Yena kammaṭṭhānabhāvanā ijjhati, tasmim bhāvanāvidhimhīti attho. **Etthāti** dhātukammaṭṭhāne. Yasmā yesaṃ “tikkhapañño nātittikkhapañño”ti imesaṃ duvidhānaṃ puggalānaṃ vasena idaṃ kammaṭṭhānaṃ dvidhā āgataṃ dvidhā desitaṃ, tasmā kammaṭṭhānābhīnivesopi tesaṃ dvidhāva icchitabboti taṃ tāva dassetuṃ “**tikkhapaññassa**

1. Ma 1. 242 piṭṭhe.

2. Ma 2. 84 piṭṭhe.

3. Ma 3. 281 piṭṭhe.

**bhikkhuno**”ti-ādi āradham. **Lomā pathavīdhātū**ti ettha **iti**-saddo ādi-attho. **Evam vitthārato dhātupariggahoti** “kesā pathavīdhātu, lomā pathavīdhātū”ti-ādinā evam dvācattālīsāya ākārehi vitthārato dhātukammaṭṭhānapariggaho. **Papañcatoti** dandhato saṅkato. **Yaṃ thaddhalakkhaṇanti** kesādīsu yaṃ thaddhalakkhaṇaṃ kakkhaḷabhāvo. **Yaṃ ābandhanalakkhaṇanti**-ādīsipi eseva nayo. **Evam manasi karototi** vatthum anāmasitvā evam lakkhaṇamattato manasikāraṃ pavattentassa. **Assāti** tikkhapaññaṃ. **Kammaṭṭhānaṃ pākaṭaṃ hoti**ti yogakammasa pavattiṭṭhānabhūtaṃ tadeva lakkhaṇaṃ vibhūtaṃ hoti, tassa vā lakkhaṇassa suṭṭhu upaṭṭhānato taṃ ārabha pavattamānaṃ manasikārasaṅkhātaṃ kammaṭṭhānaṃ vibhūtaṃ visadaṃ hoti, tikkhapaññaṃ indriyapāṭavena<sup>1</sup> saṅkhitarucibhāvato. Sabbaso mandapaññaṃ bhāvanāva na ijjhatīti āha “**nātitikkhapaññaṃ**”ti. **Evam manasi karototi** vuttanayena saṅkhepato manasi karoto. **Andhakāraṃ avibhūtaṃ hoti**ti anupaṭṭhānato andhaṃ viya karontaṃ apākaṭaṃ hoti kammaṭṭhānanti yojanā. **Purimanayenāti** “kesā pathavīdhātū”ti-ādinā pubbe vuttanayena. Vatthu-āmasanena **vitthārato manasi karontassa pākaṭaṃ hoti** kammaṭṭhānaṃ, nātitikkhapaññaṃ akhippanisantitāya vitthārarucibhāvato.

Idāni yathāvuttamatthaṃ upamāya vibhāvetum “**yathā dvīsu bhikkhūsū**”ti-ādi vuttaṃ. Tattha **peyyālamukhanti** peyyālapāḷiyā mukhabhūtaṃ dvārabhūtaṃ ādito vāraṃ, vāradvayaṃ vā. **Vitthāretvāti** anavasesato sajjhāyitvā. **Ubhatokoṭivasenevāti** tassa tassa vārassa ādi-antaggahaṇavaseneva. **Oṭṭhāpariyāhatamattanti** oṭṭhānaṃ samphusanamattaṃ. Yathā ganthaparivattane tikkhapaññaṃ bhikkhuno saṅkhepo rucati, na vitthāro. Itarassa ca vitthāro rucati, na saṅkhepo, evam bhāvanānāyepīti upamāsaṃsandanaṃ vedītabbaṃ.

**Tasmāti** yasmā tikkhapaññaṃ saṅkhepo, nātitikkhapaññaṃ ca vitthāro sappāyo, tasmā. Yasmā kammaṭṭhānaṃ anuyuñjitukāmasa sīlavisodhanādiṭṭhānaṃ icchitabbaṃ, taṃ sabbākārasampannaṃ heṭṭhā vuttamevāti idha na āmaṭṭhaṃ. Yasmā pana vivekaṭṭhakāyassa, vivekaṭṭhacittasseva ca bhāvanā

---

1. Indriyapāṭavavasena (Syā, Ka)



ijjhati, na itarassa, tasmā tadubhayaṃ dassento “**rahogatena paṭisallīnenā**”ti āha. Tattha **rahogatenā**ti rahasi gatena, ekākinā bhāvanānukūlaṭṭhānaṃ upagatenāti attho. **Paṭisallīnenā**ti pati pati puthuttārammaṇato cittaṃ nisedhetvā kammaṭṭhāne sallīnena, tattha saṃsiliṭṭhacittenāti attho. **Sakalampi attano rūpakāyaṃ āvajjetvā**ti uddham pādatalā, adho kesamatthakā, tiriyaṃ tacapariyaṇtaṃ sabbampi attano karajakāyaṃ dhātuvasena manasi karonto yasmā cātumahābhūtika ayaṃ kāyo, tasmā “atthi imasmim kāye pathavīdhātu āpodhātu tejodhātu vāyodhātu”ti cātumahābhūtavasena samannāharitvāti attho. Idāni tāsāṃ dhātūnaṃ lakkhaṇato, upaṭṭhānākārato ca manasikāravidhiṃ dassetuṃ “**yo imasmim kāye**”ti-ādi vuttaṃ.

Tattha **thaddhabhāvoti** lakkhaṇamāha. Thaddhattalakkhaṇā hi pathavīdhātu. **Kharabhāvoti** upaṭṭhānākāraṃ, ñāṇena gahetabbākāranti attho. **Dravabhāvo** lakkhaṇaṃ āpodhātuyā paggharaṇasabhāvattā. **Ābandhanaṃ** upaṭṭhānākāro. **Uṇhabhāvo** lakkhaṇaṃ tejodhātuyā usmāsabhāvattā. **Paripācanaṃ** upaṭṭhānākāro. **Vitthambhanaṃ** lakkhaṇaṃ vāyodhātuyā upatthambhanasabhāvattā. **Samudīraṇaṃ** upaṭṭhānākāro, upaṭṭhānākāro ca nāma dhātūnaṃ sakiccakaraṇavasena ñāṇassa vibhūtākāro. Kasmā panettha ubhayaggahaṇaṃ? Puggalajjhāsayato. Ekaccassa hi dhātuyo manasi karontassa tā sabhāvato gahetabbataṃ gacchanti, ekaccassa sakiccakaraṇato, yo rasoti vuccati. Tatrāyaṃ yogī dhātuyo manasi karonto ādito paccekaṃ salakkhaṇato, sarasatopi pariggaṇhāti. Tenāha “**yo imasmim kāye thaddhabhāvo vā kharabhāvo vā -pa- evaṃ saṃkhittena dhātuyo pariggahetvā**”ti. Tattha **pariggahetvā**ti pariggāhakabhūtena ñāṇena dhātuyo lakkhaṇato, rasato vā paricchijja gahetvā. Ayaṃ tāva saṃkhittato bhāvanānaye kammaṭṭhānābhiniveso.

Evaṃ pana dhātuyo pariggahetvā “atthi imasmim kāye pathavīdhātu thaddhabhāvo vā kharabhāvo vā, āpodhātu dravabhāvo vā ābandhanabhāvo vā. Tejodhātu uṇhabhāvo vā paripācanabhāvo vā, vāyodhātu

vitthambhanabhāvo vā samudīraṇabhāvo vā”ti evaṃ lakkhaṇādīhi saddhimyeva dhātuyo manasi karontena kālasatampi kālasahassampi punappunam āvajjitabbaṃ manasi kātabbaṃ, takkāhataṃ vitakkapariyāhataṃ kātabbaṃ. Tassevaṃ manasi karoto yaṃ lakkhaṇādīsu supākaṭam hutvā upaṭṭhāti, tadeva gahetvā itaram vissajjetvā tena saddhim “pathavīdhātu āpodhātū”ti-ādinā manasikāro pavattetabbo. Evaṃ manasi karontena hi anupubbato, nātisīghato, nātisaṇikato, vikkhepapaṭibāhanato, paṇṇattisamatikkamanato, anupaṭṭhānamuñcanato, lakkhaṇato, tayo ca suttantāti imehi dasahākārehi manasikāraḥkosallaṃ anuṭṭhātabbaṃ.

Tattha **anupubbato**ti anupaṭipāṭito ācariyassa santike uggahitapaṭipāṭito, sā ca desanāpaṭipāṭiyeva. Evaṃ anupubbato manasi karontenāpi nātisīghato manasi kātabbaṃ. Atisīghato manasi karoto hi aparāparaṃ kammaṭṭhānamanasiḥkaro nirantaram pavattati, kammaṭṭhānam pana avibhūtam hoti, na visesam āvahati. Tasmā **nātisīghato** manasi kātabbaṃ. Yathā ca nātisīghato, evaṃ **nātisaṇikatopi**. Atisaṇikato manasi karoto hi kammaṭṭhānam pariyoṣānam na gacchati, visesādhigamassa paccayo na hoti. Atisīgham atisaṇikaṇca maggaṃ gacchantā purisā ettha nidassetabbā. **Vikkhepapaṭibāhanatoti** kammaṭṭhānam vissajjetvā bahiddhā puthuttārammaṇe cetaso vikkhepo paṭibāhitabbo. Bahiddhā vikkhepe hi sati kammaṭṭhānā parihāyati paridhamṣati. Ekapadikamaggagāmī puriso cettha nidassetabbo. **Paṇṇattisamatikkamanatoti** “yā ayaṃ pathavīdhātū”ti-ādikā paṇṇatti, taṃ atikkamitvā lakkhaṇesu eva cittaṃ ṭhapetabbaṃ.

Evaṃ paṇṇattim vijahitvā kakkhaḷalakkhaṇādīsu eva manasikāram pavattentassa lakkhaṇāni supākaṭāni suvibhūtāni hutvā upaṭṭhahanti. Tassevaṃ punappunam manasikāravasena cittaṃ āsevanam labhati. Sabbo rūpakāyo dhātumattato upaṭṭhāti suñño nissatto nijjīvo yantaṃ viya yantasuttena<sup>1</sup> aparāparaṃ parivattamāno. Sace pana bahiddhāpi manasikāram upasamharati, athassa āhiṇḍantā manussatiracchānādayo sattākāram

---

1. Yantasuttena cittasuttena (Syā)

vijahitvā dhātusamūhavaseneva upaṭṭhahanti, tehi kariyamānā kiriyā dhātumayena yantena pavattiyamānā hutvā upaṭṭhāti, tehi ajjhohariyamānaṃ pānabhojanādi dhātusaṅghāte pakkhippamāno dhātusaṅghāto viya upaṭṭhāti. Athassa tathā laddhāsevanampi cittaṃ yadi accāradbhavīriyatāya uddhaccavasena vā atilīnavīriyatāya kosajjivasena vā bhāvanāvidhiṃ na otareyya, tadā **adhicittasuttaṃ**,<sup>1</sup> **anuttarasītibhāvasuttaṃ**<sup>2</sup>, **bojjhaṅgasuttanti**<sup>3</sup> imesu tīsu suttesu āgatanayena vīriyasamādhiyojanā kātabbā. Tena vuttaṃ “**tayo ca suttantā**”ti. Evaṃ pana vīriyasamataṃ yojetvā tasmīyeva lakkhaṇe manasikāraṃ pavattentassa yadā saddhādīni indriyāni laddhasamatāni<sup>4</sup> suvisadāni pavattanti, tadā asaddhiyādīnaṃ dūrībhāvena sātisayaṃ thāmappattehi sattahi balehi laddhūpatthambhāni vitakkādīni jhānaṅgāni paṭutarāni hutvā pātubhavanti, tesam ujuvipaccanīkatāya nīvaraṇāni vikkhambhitāniyeva honti saddhiṃ tadekaṭṭhehi pāpadhammehi. Ettāvata cānena upacārajjhānaṃ samadhigataṃ hoti dhātulakkhaṇārammaṇaṃ. Tena vuttaṃ “**punappunaṃ pathavīdhātu āpodhātūti -pa- upacāramatto samādhi uppajjati**”ti.

Tattha **dhātumattatoti** visesanivatti-attho **matta-saddo**. Tena yaṃ ito bāhirakā, lokiyamahājano ca “satto jīvo”ti-ādikaṃ visesaṃ imasmiṃ attabhāve avijjamānaṃ vikappanāmatteneva samāropenti, taṃ nivatteti. Tenevāha “**nissattato nijjivato**”ti. **Āvajjitabbanti** samannāharitabbaṃ. **Manasi kātabbanti** punappunaṃ bhāvanāvasena dhātumattato dhātulakkhaṇaṃ manasi ṭhapetabbaṃ. **Paccavekkhitabbanti** tadeva dhātulakkhaṇaṃ pati pati avekkhitabbaṃ, bhāvanāsiddhena nāṇacakkhunā aparāparaṃ paccakkhato passitabbaṃ.

**Tassevaṃ vāyamamānassāti** tassa yogino evaṃ vuttappakārena bhāvanaṃ anuyuñjantassa, tattha ca bhāvanā-anuyoge sakkaccakāritāya, sātaccakāritāya, sappāyasevitāya, samathanimittasallakkhaṇena, bojjhaṅgānaṃ anupavattanena, kāye ca jīvite ca nirapekkhavuttitāya, antarā saṅkocaṃ anāpajjantena bhāvanaṃ ussukkāpetvā ussoḷhiyaṃ

1. Am 1. 258 piṭṭhe.

3. Saṃ 3. 71, 72, 73 piṭṭhesu.

2. Am 2. 379 piṭṭhe.

4. Laddhasamathāni (Sī, Syā, Ka)

avaṭṭhānena sammadeva vāyāmaṃ payogaṃ parakkamaṃ pavattentassa.

**Dhātuppabhedāvabhāsanapaññāpariggahitoti** pathavī-ādīnaṃ dhātūnaṃ sabhāvalakkhaṇāvabhāsanena avabhāsanakiccāya bhāvanāpaññāya ādimajjhapariyosānesu avijahanena sabbato gahito mahaggatabhāvaṃ appattatāya upacāramatto sikhāppatto kāmāvacarasamādhi uppajjati.

**Upacārasamādhīti** ca ruḥhīvasena veditabbaṃ. Appanaṃ hi upecca cārī samādhī upacārasamādhī, appanā cettha natthi. Tādisassa pana samādhissa samānalakkhaṇatāya evaṃ vuttaṃ. Kasmā panettha appanā na hotīti? Tattha kāraṇamaḥa “**sabhāvadhammārammaṇattā**”ti. Sabhāvadhamme hi tassa gambhīrabhāvato asati bhāvanāvisese appanājhānaṃ na uppajjati, lokuttaraṃ pana jhānaṃ visuddhibhāvanānukkamavasena, āruppaṃ ārammaṇātikkamabhāvanāvasena appanāppattaṃ hotīti **maraṇānussatiniddese**<sup>1</sup> vuttovāyamattho.

Evaṃ rūpakāye avisesena catunnaṃ dhātūnaṃ pariggaṇhanavasena dhātukammaṭṭhānaṃ dassetvā idāni tattha aṭṭhi-ādīnaṃ vinibbhujanavasena saṅkhepato **sutte**<sup>2</sup> āgataṃ dhātumanasikāraviddhiṃ dassetuṃ “**atha vā panā**”ti-ādi āraddhaṃ. Tattha ye ime cattāro koṭṭhāsā vuttāti sambandho. Yathāpaccayaṃ ṭhitā sannivesaviṣiṭṭhā kaṭṭhavallitiṇamattikāyo upādāya yathā agārasamaññā, na tattha koci agāro nāma atthi, evaṃ yathāpaccayaṃ sannivesaviṣiṭṭhāni pavattamānāni aṭṭhinhārumaṃsacammāni paṭicca sarīrasamaññā, na ettha koci attā jīvo. Kevalaṃ tehi parivāritamākāsamattanti dasseti. Desanā sattaṣuññatāsandassanaparāti imamatthaṃ vibhāvento “**nissattabhāvadassanattā**”ti-ādimāha. Tattha **aṭṭhiṅca paṭiccāti** paṇhikaṭṭhikādibhedam paṭipāṭiyā ussitaṃ hutvā ṭhitaṃ atirekatisatabhedam aṭṭhiṃ upādāya. **Nhāruṅcāti** tameva aṭṭhisāṅghāṭam ābandhitvā ṭhitaṃ navasatappabhedam nhārum. **Māmsanti** tameva aṭṭhisāṅghāṭam anulimpitvā ṭhitaṃ navapesisatappabhedam māmsam. **Camanti** macchikapattakacchāyāya chaviyā sañchāditaṃ sakalasarīraṃ pariyonandhitvā ṭhitaṃ bahalacammaṃ **paṭicca** upādāya. Sabbattha **ca**-saddo samuccayattho. **Ākāso parivāritoti** yathā bhittipādādivasena ṭhapitaṃ kaṭṭham, tasseva ābandhanavalli, anulepanamattikā, chādanatiṇanti etāni kaṭṭhādīni anto, bahi ca parivāretvā ṭhito

1. Visuddhi 1. 231 piṭṭhe.

2. Ma 1. 248 piṭṭhe.

ākāso **agārantveva saṅkhaṃ gacchati**, gehanti vaṇṇattim labhati, evameva yathāvuttāni aṭṭhi-ādīni anto, bahi ca parivāretvā ṭhito ākāso tāneva aṭṭhi-ādīni upādāya **rūpantveva saṅkhaṃ gacchati**, sarīranti vohāraṃ labhati. Yathā ca kaṭṭhādīni paṭicca saṅkhaṃ gataṃ agāraṃ loke “khattiyagehaṃ, brāhmaṇagehaṃ”ti vuccati, evamidampi “khattiyasarīraṃ brāhmaṇasarīraṃ”ti voharīyati, natthettha koci satto vā jīvo vāti adhippāyo.

**Teti** te cattāro koṭṭhāse vinibbhujitvā vinibbhujitvāti yojanā. **Taṃtamantarānusārīnāti** aṭṭhinhārūna nhārumaṃsānaṃ maṃsacammānanti tesāṃ tesāṃ koṭṭhāsānaṃ vivarānupātinā nāṇasaṅkhātena **hatthena**. **Vinibbhujitvā vinibbhujitvāti** anekakkhattum viniveṭhetvā. Atha va **vinibbhujitvā vinibbhujitvāti** paccekāṃ aṭṭhi-ādīnaṃ antarānusārīnā nāṇahatthena vinibbhogaṃ katvā. **Etesūti** sakalampi attano rūpakāyaṃ catudhā katvā vibhatesu yathāvuttesu aṭṭhi-ādīsu catūsu koṭṭhāsesu. **Purimanayenevāti** “yo imasmiṃ kāye thaddhabhāvo vā”ti-ādīnā pubbe vuttanayeneva. Yaṃ panettha vattabbaṃ bhāvanāvīdhānaṃ, taṃ anantaranaye vuttākāreneva vattabbaṃ.

309. Vitthārato āgate pana “catudhātuvavattāne”ti ānetvā yojanā. **Evāṃ** idāni vuccamānākārena **veditabbo** bhāvananayo. “**Dvācattālīsāya ākārehi dhātuyo uggaṇhitvā**”ti kasmā vuttaṃ, nanu ādito dvattimsākārā dhātuyo na hontīti? Vatthusīsenā dhātūnaṃyeva uggaṇhetabbatā nāyaṃ doso. **Vuttappakāreti** “gocaragāmato nātidūranāccāsannatādīhi pañcahi aṅgehi samannāgate”ti-ādīnā<sup>1</sup> vuttappakāre. **Katasabbakiccenāti** palibodhupacchedādikaṃ kataṃ sabbakiccaṃ etenāti katasabbakicco, tenassa sīlavisonodi pana kammaṭṭhānaggahaṇato pageva siddhaṃ hotīti dasseti. **Sasambhārasaṅkhepatoti** sambharīyanti etena buddhivohārāti sambhāro, tannimittāṃ. Kim panetaṃ? Pathavī-ādi. Kesādīsu hi vīsatiyā ākāresu “pathavī”ti buddhivohārā pathavīnimittakā thaddhataṃ upādāya pavattanato.

---

1. Visuddhi 1. 119 piṭṭhe.

Tasmā tattha pathavīsambhāro nāma savisesāya tassā atthitāya kesādayo saha sambhārehīti sasambhārā. Āpokoṭṭhāsādīsupi eseva nayo.

Sasambhārānaṃ saṅkhepo sasambhārasaṅkhepo, tato sasambhārasaṅkhepato bhāvetabbanti yojanā. Saṅkhepato vīsatiyā, dvādasasu, catūsu, chasu ca koṭṭhāsesu yathākkamaṃ pathavī-ādikā catasso dhātuyo pariggahetvā dhātuvavatthānaṃ sasambhārasaṅkhepato bhāvanā. Tenāha “**idha bhikkhu vīsatiyā koṭṭhāsesū**”ti-ādi.

**Sasambhāravibhattitoti** sasambhārānaṃ kesādīnaṃ vibhāgato kesādike vīsati koṭṭhāse pubbe viya ekajjhaṃ aggahetvā vibhāgato pathavīdhātubhāvena vavatthāpanaṃ. Āpokoṭṭhāsādīsupi eseva nayo.

**Salakkhaṇasaṅkhepatoti** lakkhīyati etenāti lakkhaṇaṃ, dhammānaṃ sabhāvo, idha pana thaddhatādi. Tasmā thaddhalakkhaṇādivantatāya saha lakkhaṇehīti salakkhaṇā, kesādayo dvācattālīsa ākāra. Tesā saṅkhepato. Idam vuttam hoti—kesādike vīsati koṭṭhāse ekajjhaṃ gahetvā tattha thaddhatādikaṃ catubbidhampi lakkhaṇaṃ vavatthapetvā bhāvanā salakkhaṇasaṅkhepato bhāvanā. Esa nayo āpokoṭṭhāsādīsupi.

**Sakakkhaṇavibhattitoti** thaddhalakkhaṇādīnā salakkhaṇānaṃ kesādīnaṃ vibhāgato kesādīsū dvācattālīsāya ākāresu paccemaṃ thaddhatādīnaṃ catunnaṃ catunnaṃ lakkhaṇānaṃ vavatthāpanavasena bhāvanā.

Evam catūhi ākārehi uddiṭṭhaṃ bhāvanānayaṃ niddisituṃ “**katham sasambhārasaṅkhepato bhāveti**”ti-ādi āraddham. Ettha ca yathā tikkhapañño puggalo tikkhatāya paropariyattasabbhāvatotikkhindriyamudindriyatāvasena duvidhoti. Tattha tikkhindriyassa vasena saṅkhepato paṭhamanayo vutto, mudindriyassa vasena dutiyo. Evam nātitikkhapaññopi puggaloti. Tattha yo visadindriyo puggalo, tassa vasena sasambhārasaṅkhepato, salakkhaṇasaṅkhepato ca bhāvanānayo niddiṭṭho. Yo pana nātivisadindriyo, tassa vasena sasambhāravibhattito, salakkhaṇavibhattito ca bhāvanānayo niddiṭṭhoti veditabbo. Tassa evam vavatthāpayato eva dhātuyo pākaṭā honti savisesaṃ dhātūnaṃ pariggahitattā. Bhāvanāvidhānaṃ panettha heṭṭhā vuttanayeneva veditabbaṃ.

310. **Yassāti** nātivisadindriyaṃ puggalaṃ sandhāya vadati. **Evaṃ bhāvayatoti** sasambhārasaṅkhepato bhāventassa. Yena vidhinā uggahetvā kusalo hoti, so sattavidho vidhi “**uggahakosallan**”ti vuccati, tannibbattaṃ vā ñāṇaṃ. Evaṃ **manasikāra**kosallampi veditabbaṃ. **Dvattimsākāreti** dhātumanasikāravasena pariggahite kesādike dvattimsavidhe koṭṭhāse. “**Dvattimsākāre**”ti ca idaṃ tejavāyukoṭṭhāsesu vaṇṇādivasena vavatthānassa abhāvato vuttaṃ. **Sabbaṃ tattha vuttavidhānaṃ kātābanti** “vacasā manasā”ti-ādinā vutta-uggahakosalluddesato paṭṭhāya yāva “anupubbamuñcanādivasena”ti padaṃ, tāva āgataṃ sabbaṃ bhāvanāvidhānaṃ kātābbaṃ sampādetabbaṃ. **Vaṇṇādivasenāti** vaṇṇasaṅgāhādisokāsaparicchedavasena. Ayañca vaṇṇādivasena manasikāro dhātupaṭikkūlavanṇamanasikāraṇaṃ sādharmaṇo pubbhāgoti nibbatta<sup>1</sup> dhātumanasikārameva dassetuṃ “**avasāne evaṃ manasikāro pavattetabbo**”ti vuttaṃ.

311. **Aññamaññaṃ ābhogapaccavekkhaṇarahitā ete dhammāti ete** “sīsakaṭāhapaliveṭhanacammaṃ kesā”ti evaṃ vohariyamānā bhūtopādāyadhammā “mayi kesā jātā, mayamettha jātā”ti evaṃ aññamaññaṃ ābhogapaccavekkhaṇasuññā. Iminā kāraṇassa ca phalassa ca abyāpāratāya dhātumattataṃ sandasseti, tena ca ābhogapaccavekkhaṇānampi evameva abyāpāratā dīpitāti daṭṭhabbaṃ. Na hi tāni, tesam kāraṇāni ca tathā tathā ābhujitvā, paccavekkhitvā ca uppajjanti, paccayabhāvaṃ vā gacchantīti. **Itīti** vuttappakāraparāmasanaṃ. **Acetanoti** na cetano, cetanārahito vā. **Abyākatoti** abyākatarāsipariyāpanno. **Suññoti** attasuñño. Tato eva **nissatto**. Thaddhalakkhaṇādhikatāya **thaddho**. Tato eva **pathavīdhātūti** evaṃ manasikāro pavattetabboti sambandho. Evaṃ sabbattha.

312. **Suññagāmaṭṭhāneti** ettha **suññagāma**ggahaṇaṃ paramatthato vedakavirahadassanattaṃ kāyassa.

313. **Madhukaṭṭhiketi** madhukabījāni.

314. Gehathambhānaṃ ādhārabhāvena ṭhapitasilāyo **pāsāṇa-  
udukkhalakānī**ti adhippetāni.

315. Duggandhādibhāve cassa sadisabhāvadassanattham  
**allagocammaggahaṇaṃ**.

316. Yebhuyyena maṃsapesīnaṃ bahalatāya **mahāmattikaggahaṇaṃ**.

317. **Kuṭṭadārūsū**ti dārukuṭṭikāya kuṭiyā bhittipādabhūtesu kaṭṭhesu.

318. Paṇhikaṭṭhi-ādīnaṃ ādhārabhāvo viya gopphakaṭṭhi-ādīnaṃ  
ādheyyabhāvopi asamannāhārasiddhoti dassanattham “**paṇhikaṭṭhi  
gopphakaṭṭhim ukkhipitvā ṭhitan**”ti-ādīm vatvā puna “**sīsattḥi gīvatṭhike  
patiṭṭhitan**”ti-ādi vuttaṃ.

319. **Sinnavettaggādīsū**ti seditavettakaḷīrādīsū.

312. Uraṭṭhisañghāto pañjarasadisatāya “**uraṭṭhipañjaran**”ti vutto. Tassa  
athirabhāvadassanattham **jiṇṇasandamānikapañjaram** nidassanabhāvena  
gahitaṃ.

322. **Yamakam̐sapinḍeti** maṃsapinḍayugaḷe.

323. Kilomakassa setavaṇṇatāya “**pilotikapalivethite**”ti pilotikaṃ  
nidassanabhāvena vuttaṃ. **Evameva na vakkahadayāni sakalasarīre ca  
maṃsam̐ jānātī**ti ettha na vakkahadayāni jānanti “mayam̐  
paṭicchannakilomakena paṭicchannānī”ti, na sakalasarīre ca maṃsam̐ jānāti  
“aham̐ paṭicchannakilomakena paṭicchannan”ti yojetabbam̐.

324. **Koṭṭhamatthakapassanti** kusūlassa abbhantare matthakapassam̐.

325. **Dvinnam̐ thanānamantareti** dvinnam̐ thanappadesānam̐ vemajjhe,  
thanappadeso ca abbhantaravasena veditabbo.

327. **Ekavīsati-antabhogeti** ekavīsatiyā ṭhānesu obhaggobhagge  
antamaṇḍale.



328. Āmāsaye ṭhito paribhuttāhāro udariyanti adhippetanti āha “**udariyaṃ udare ṭhitaṃ asitapītakhāyitasāyitaṃ**”ti.

331. Abaddhapittaṃ saṃsaraṇalohitaṃ viya, kāyusmā viya ca kammajarūpapaṭibaddhavuttikanti āha “**abaddhapittaṃ jīvitindriyapaṭibaddhaṃ sakalasarīraṃ byāpetvā ṭhitaṃ**”ti. Paṭibaddhatāvacaṇena cassa jīvitindriye sati sabbhāvameva dīpeti, na jīvitindriyassa viya ekantakammajatanti daṭṭhabbaṃ. **Pittakosaketi mahākosātakīkosasadise pittādhāre. Yūsabhūtoti rasabhūto.**

332. Ucchiṭṭhodakagabbhamalādīnaṃ chaḍḍanaṭṭhānaṃ candanikā, tassaṃ **candanikāyaṃ.**

333. Pabbāsayo mandapaññānaṃ kesañciveva hotīti katvā asabbasādhāraṇanti adhippāyenāha “**pubbo anibaddhokāso**”ti.

334. **Pittaṃ viyāti** abaddhapittaṃ viya. **Sakalasarīranti** jīvitindriyapaṭibaddhaṃ sabbaṃ sarīrappadesaṃ. **Vakkahadayayakanapapphāsāni tementanti** ettha yakaṇaṃ heṭṭhābhāgapūraṇena, itarāni tesāṃ upari thokaṃ thokaṃ paggharaṇena ca temetīti daṭṭhabbaṃ. **Heṭṭhā leḍḍukhaṇḍādīni temayamāneti** temakatemitabbānaṃ abyāpāratāsāmaññanidassanattamaṃ eva upamā daṭṭhabbā, na ṭhānasāmaññanidassanattamaṃ. Sannicalohitena hi temetabbānaṃ kesañci heṭṭhā, kassaci upari ṭhitatā **kāyagatāsatiniddese**<sup>1</sup> dassitāti. Yakanassa heṭṭhābhāgaṭṭhānaṃ “mayi lohitaṃ ṭhitaṃ”ti na jānāti, vakkādīni “amhe temayamānaṃ lohitaṃ ṭhitaṃ”ti na jānantīti evaṃ yojanā veditabbā.

336. **Patthinnasinehoti** thinabhāvaṃ ghanabhāvaṃ gatasineho. Sakalasarīre maṃsanti yojanā, tañca thūlasarīraṃ sandhāya vuttaṃ. Medassa satipi patthinatāya ghanabhāve maṃsassa viya na baddhatāti vuttaṃ “**patthinnayūso**”ti. Tenevassa āpokoṭṭhāsātā.

---

1. Visuddhi 1. 253 piṭṭhe.

337. **Udakapuñnesu taruṇatālaṭṭhikūpakesūti** nātipariṇatānaṃ sajalakānaṃ aggato chinnānaṃ tālasalāṭṭukānaṃ vivarāni sandhāya vuttaṃ.

338. Vasāya attano ādhāre abhibyāpanamukhena abyāpāratāsāmaññaṃ vibhāvetabbanti ācāmagatatelaṃ nidassitanti daṭṭhabbaṃ.

339. **Kheḷuppattipaccaye** ambulaggamadhuraggādike.

343. Kesādisu manasikāraṃ pavattetvā tejokoṭṭhāsesu pavattetabbo manasikāroti vibhattiṃ pariṇāmetvā yojetabbaṃ. **Yena santappatīti** yena kāyo santappati, ayaṃ santappanakicco. **Tejoti** tassa pariggaṇhanākāro eva paccāmaṭṭho. **Yena jīriyatīti**-ādīsupi eseva nayo.

344. **Assāsapassāsavasenāti** antopavisanabahinikkhamananāsikāvātabhāvena. “**Evam pavattamanasikārassā**”ti iminā vuttākārena sasambhāravibhattito pavattakammaṭṭhānamanasikārassa. **Dhātuyo pākāṭā hontīti** vitthārato pariggahitattā dhātuyo vibhūtā honti. Idhāpi bhāvanāvidhānaṃ heṭṭhā vuttanayeneva veditabbaṃ.

345. **Tatthevāti** tesuyeva vīsatiyā koṭṭhāsesu. **Paripācanalakkhaṇaṃ vitthambhanalakkhaṇanti** etthāpi “tatthevā”ti ānetvā sambandhitabbaṃ.

Puna **tatthevāti** tesuyeva dvādasasu koṭṭhāsesūti attho. Ettha ca kesādikoṭṭhāsānaṃ samviggahatāya tattha vijjamānā āpodhātu-ādayo nhāniyacunṇādīsu udakādayo viya suviññeyyāti “**tattheva ābandhanalakkhaṇaṃ**”ti-ādi vuttaṃ.

Santappanāditejokoṭṭhāsesu pana vāyodhātu-ādayo na tathā suviññeyyāti katvā “**tena avinibhuttan**”ti vuttaṃ, na tatthevāti. Yadi evaṃ vāyukoṭṭhāsesu kathaṃ tatthevāti? Vāyukoṭṭhāsāpi hi uddhaṅgamaṃvātādayo piṇḍākārenea pariggahetabbataṃ upagacchanti, na pana santappanāditejokoṭṭhāsāti nāyaṃ doso. Tattha **tenāti** tena tejena. **Avinibhuttanti** avinābhūtaṃ, taṃtaṃkalāpagatavasena vā evaṃ vuttaṃ. **Evam vavattāpayatoti** vuttākārena salakkhaṇasaṅkhepato dhātuyo

vavatthāpentassa. **Vuttanayenā**ti “tassevaṃ vāyamamānassā”ti-ādina<sup>1</sup> heṭṭhā vuttanayena.

346. **Evampi bhāvayatoti** salakkhaṇasaṅkhepato dhātuyo pariggahetvā bhāventassāpi. **Pubbe vuttanayenā**ti sasambhāravibhattito **bhāvanāyam**<sup>2</sup> vuttana nayena. **Evanti** yathā kese, evaṃ. **Sabbakoṭṭhāsesū**ti ekacattālīsabhedesu sesasabbakoṭṭhāsesu evamettha aṭṭhasaṭṭhidhātusatassa<sup>3</sup> pariggaho vutto hoti. Bhāvanāvīdhānaṃ panettha heṭṭhā vuttanayameva.

Idāni vacanatthādimukhenapi dhātūsu manasikāravīdhānaṃ dassetuṃ “**vacanatthato**”ti-ādi vuttaṃ. Tattha **vacanatthato**ti yasmā sabbapaṭhamāṃ kammaṭṭhānassa uggahaṇaṃ vacanavasena hoti vacanadvārena tadatthassa-ādito gahetabbato, tasmā vacanatthatoṇi dhātūnaṃ manasikātabbatā vuttā. **Kalāpatoti** vacanatthavasena visesato, sāmāññato ca dhātuyo pariggahetvā ṭhitassa yasmā tā piṇḍaso pavattanti, na paccekāṃ, tasmā kalāpatopi manasikātabbatā vuttā. Te pana kalāpā paramāṇuparimāṇā hontīti tappariyāpannānaṃ pathavīdhātu-ādīnaṃ ekasmiṃ sarīre parimeyyaparicchedaṃ dassetuṃ **cuṇṇato** manasikātabbatā vuttā. Sā panāyaṃ tāsāṃ cuṇṇato manasikāro saṅghāṭavasena hotīti nibbaṭṭitasarūpameva<sup>4</sup> pariggahetabbaṃ dassetuṃ **lakkhaṇādito** manasikāro vutto. Lakkhaṇādito dhātuyo pariggaṇhantena salakkhaṇavibhattito kammaṭṭhānābhīnivese yasmā dvācattālīsāya koṭṭhāsānaṃ vasena dhātūsu pariggayhamānāsu ettakā utusamuṭṭhānā, ettakā cittādisamuṭṭhānā”ti ayaṃ vibhāgo ñātabbo hoti, tasmā **samuṭṭhānato** manasikāro vutto.

Evaṃ pariññātasamuṭṭhānānampi tāsāṃ saddānusārena vinā visesasāmāññapariggaho kātabboti dassetuṃ **nānattekattato** manasikāro vutto. Lakkhaṇavisesato vinibhuttarūpāpi etā aniddisitaḥṭṭhānatāya padesena avinibhuttāti ayaṃ viseso pariggahetabboti

1. Visuddhi 1. 347 piṭṭhe.

2. Visuddhi 1. 184 piṭṭhe.

3. Aṭṭhasaṭṭhissa dhātusatassa (Sī), aṭṭhasaṭṭhiyā dhātusatassa (Syā)

4. Nibbajjitaṃ sarūpameva (Syā)

dassetum **vinibbhogāvinibbhogato** manasikāro vutto. Satipi avinibbhogavuttiyaṃ kāciveva kāsañci sabhāgā, kāci visabhāgāti ayampi viseso pariggahetabboti dassetum **sabhāgavisabhāgato** manasikāro vutto. Sabhāgavisabhāgāpi dhātuyo ajjhattikā īdisakiccavisesayuttā, bāhirā tabbiparītāti ayaṃ viseso pariggahetabboti dassetum **ajjhattikabāhiravisesato** manasikāro vutto. Sajātisaṅgahādiko dhātusaṅgahavisesopi pariggahitabboti dassetum **saṅgahato** manasikāro vutto. Sandhāraṇādīhi yathāsakakiccehi aññaṃaññūpatthambhabhāvatoṇi dhātuyo pariggahetabbāti dassetum **paccayato** manasikāro vutto. Abyāpāranayato dhātuyo pariggahetabbāti dassetum **asamannāhārato** manasikāro vutto. Attano paccayadhammavisesato, paccayabhāvavisesato ca dhātuyo pariggahetabbāti dassetum **paccayavibhāgato** manasikāro vuttoti evametesam̐ terasannaṃ ākārānaṃ pariggahe kāraṇaṃ veditabbaṃ. **Ākārehīti** pakārehi, kāraṇehi vā.

347. Tattha **patthaṭṭatīti** puthuttā, tena puthubhāvato puthuvī, puthuvī eva pathavīti niruttinayena saddatthamāha. Patthanatṭhena vā pathavī, patiṭṭhābhāvena patthāyati upatiṭṭhatīti attho. “**Appotī**”ti padassa attho heṭṭhā vutto eva. **Āpiyatīti**<sup>1</sup> sosīyati, pivīyatīti keci. “Ayaṃ panattho sasambhārāpe yujjati”ti vadanti, lakkhaṇāpepi yujjateva. Sopi hi pharusapācanavisosanākārena sesabhūtattayena pīyamāno viya pavattatīti. **Appāyatīti** brūheti. Paribrūhanarasā hi āpodhātu. **Tejatīti** niseti, tikkhābhāvena sesabhūtattayaṃ usmāpayatīti attho. **Vāyatīti** samīreti, desantaruppattihetubhāvena bhūtasāṅghātaṃ gadhetīti attho.

Evam̐ tāva visesato vacanattham̐ vatvā idāni sāmāññato vattum̐ “**avisesena panā**”ti-ādī vuttaṃ. **Salakkhaṇadhāraṇatoti** yathā titthiyaparikkappito “pakati attā”ti evamādiko sabhāvato natthi, na evametā. Etā pana salakkhaṇaṃ sabhāvaṃ dhārentīti dhātuyo.

---

1. Appīyatīti (Sī)

**Dukkhādānatoti** dukkhassa vidahanato. Etā hi dhātuyo kāraṇabhāvena vavatthitā hutvā ayalohādīdhātuyo viya ayalohādīm anekappakāraṇaṃ saṃsāradukkhāṃ vidahanti. **Dukkhādhānatoti** anappakassa dukkhassa vidhānamattato avasavattanato, taṃ vā dukkhāṃ etāhi kāraṇabhūtāti sattehi anuvīdhiyati, tathāvihitañca taṃ etāsveva dhīyati ṭhapīyatīti evaṃ dukkhādhānato, dhātuyo. Apica “najjivaṭṭho dhātuṭṭho”ti vuttovāyamatto. Tathā hi bhagavā “chadhātukoyaṃ bhikkhu puriso”ti-ādīsu<sup>1</sup> jīvasaññāsamūhananattāṃ dhātudesanaṃ akāsīti. Iti vacanattāmmukhenapi asādhāraṇato, sādharāṇato ca dhātūnaṃ sarasalakkaṇameva vibhāvīyatīti āha “evaṃ visesasāmaññavasena vacanattāto manasi kātabbā”ti. Manasikāro pana vacanattāmmukhena dhātuyo pariggahetvā ṭhitassa heṭṭhā vuttanayeneva vedītabbo.

348. **Ākārehi** pakārehi. Atha vā ākarīyanti dissanti ettha dhātuyoti ākāra, koṭṭhāsā. **Aṭṭhadhammasamodhānāti** yathāvuttānaṃ paccayavisesena visiṭṭharūpānaṃ vaṇṇādīnaṃ aṭṭhannaṃ dhammānaṃ samavadhānato sannivesavisesavasena sahāvattāhānato taṃ upādāya. **Kesāti sammuti** samaññāmatāṃ hoti. **Tesaṃyeva vinibbhogāti** tesaṃyeva vaṇṇādīnaṃ vinibbhujanato. Yathā hi vaṇṇādāyo aṭṭha dhammā paññāya vinibbhujjamaṇā aññamaññabyatirekena paramattāto upalabbhanti, na evaṃ vaṇṇādībyatirekena paramattāto kesā upalabbhanti. Tasmā ye ca dhamme samudite upādāya “kesā”ti sammuti, tesu visum visum katesu natthi “kesā”ti sammuti, vohāramattanti attho.

“**Aṭṭhadhammakalāpamattamevā**”ti idaṃ kesapaññattiyā upādāyabhūte vaṇṇādike ekattena gahetvā vuttaṃ, na tesaṃ aṭṭhadhammamattabhāvato. **Kammasamuṭṭhāno koṭṭhāsoti**<sup>2</sup> kesesu tāva kesamūlaṃ, evaṃ lomādīsipi yathārahaṃ vedītabbāṃ. **Dasadhammakalāpopīti** ettha asitādīparipācako tejokoṭṭhāso navadhammakalāpopīti vattabbo. Yadi’me kesādīkoṭṭhāsā yathārahaṃ

1. Ma 3. 282 piṭṭhe.

2. Kammasamuṭṭhāne kesādike (Syā)

aṭṭhanavadasadhammasamūhabhūtā, atha kasmā pathavī-ādihātumattato manasi karīyantīti āha “**ussadavasena panā**”ti-ādi. Yasmā ayaṃ dhātumanasikāro yāvadeva sattasaññāsamugghāṭanatto, dhammavinibbhogo ca sātisayaṃ sattasaññāsamugghāṭāya saṃvattati, tasmā koṭṭhāsesu evaṃ dhammavibhāgo veditabbo. Ettha hi udariyaṃ karisaṃ pubbo muttañca utusamuṭṭhānā, asitādiriparipācakatejo kammamuṭṭhāno, assāsapassāsavāto cittamuṭṭhānoti cha ekamuṭṭhānā, sedo assu kheḷo siṅghāṇikāti cattāro utucittavasena dvisamuṭṭhānā, sesā dvattimsa catusamuṭṭhānā.

Tesu asitādiriparipācake tejokoṭṭhāse eko kalāpo jīvitanaṅkako, aññesu ekamuṭṭhānesu utusamuṭṭhāno, cittamuṭṭhāno vā ekeko aṭṭhako, dvisamuṭṭhānesu utucittavasena dve dve aṭṭhakā, catusamuṭṭhānesu utucittāhārasamuṭṭhānā tayo tayo aṭṭhakā, utucittamuṭṭhānesu saddanaṅkako, aṭṭhasu tejavāyokoṭṭhāsesu aṭṭha jīvitanaṅkako, sesesu catuvīsatiyā koṭṭhāsesu kāyabhāvasakadvayasahitā, cakkhādisaññitesu maṃsakoṭṭhāsesu<sup>1</sup> cakkhusotaghānajivhāvattudāsakasahitā cāti paripuṇṇāyatanake rūpakāye bhedaṃ anāmasitvā ekattavasena gayhamānā sattacattālīsādhikasatarūpakalāpā<sup>2</sup> rūpavibhāgato sādhiṅkako diyaḍḍharūpasahassaṃ hoti, koṭṭhāsānaṃ pana avayavavibhāgena tadavayavakalāpānaṃ bhede gayhamāne rūpadhammānaṃ asaṅkhyeyyabhedaṭṭha veditabbā. Evaṃ dhammavibhāgato anekabhedaḥhinnāpi ime dvācattālīsā koṭṭhāsā ussadaggahaṇena catudhātuvaseneva vavattapetabbā. Tenāha “**ussadavasena pana -pa-manasi kātabbā**”ti. Tattha manasikāraṇidhi vuttanayeneva veditabbo.

349. **Majjhimena pamāṇenā**ti ārohapariṇāhehi majjhimasarīre labbhamānena majjhimena parimāṇena. **Pariggayhamānā**ti paññāya paritakketvā gayhamānā. **Paramāṇubhedasañcunṇā**ti ettha yathā “aṅgulassa aṭṭhamo bhāvo yavo, yavassa aṭṭhamo bhāgo ūkā,

1. Pañcakoṭṭhāsesu (Sī)

2. Tesattatādhikasataṃ rūpakalāpā (Sī)

ūkāya aṭṭhamo tāgo likkhā, likkhāya aṭṭhamo bhāgo rathareṇu, rathareṇussa aṭṭhamo bhāgo tajjārī, tajjārīya aṭṭhamo bhāgo aṇu, evaṃ aṇuno aṭṭhamo bhāgo paramāṇu nāmā”ti keci. **Aṭṭhakathāyaṃ**<sup>1</sup> pana “sattadhaññamāsappamāṇaṃ ekaṃ aṅgulaṃ, satta-ūkāpamāṇo eko dhaññamāso, sattalikkhāpamāṇā ekā ūkā, chattimsarathareṇupparamāṇā ekā likkhā, chattimsatajjārīppamāṇo eko rathareṇu, chattimsa-aṇupparamāṇā ekā tajjārī, chattimsaparamāṇupparamāṇo eko aṇu”ti vuttam. Tasmā aṇuno chattimsatimabhāgamatto paramāṇu nāma ākāsakoṭṭhāsiko maṃsacakkhussa agocarō dibbacakkhussaeva gocarabhūto. Taṃ sandhāyāya “**paramāṇubhedasañcuṇṇā**”ti, yathāvuttaparamāṇupphhedena cuṇṇavicuṇṇabhūtā. **Sukhumarajabhūtā**ti tatoyeva ativiya sukhumarajabhāvaṃ gatā.

**Doṇamattā siyāti** soḷasa nālimattā. Idhāpi “majjhimena pamāṇenā”ti ānetvā sambandhitabbaṃ. Tena “pakatīyā catumuṭṭhikaṃ kuḍuvaṃ, catukuḍuvaṃ nāḷī, tāya nāḷīyā soḷasa nāḷīyo doṇaṃ, taṃ pana magadhanāḷīyā dvādasa nāḷīyo hontī”ti vadanti. **Saṅgahitā**ti yathā na vipakirati, evaṃ ābandhanavasena sampiṇḍitvā gahitā. **Anupālītā**ti yathā paggharaṇasabhāvāya āpodhātuyā vasena kilinnabhāvaṃ, vicchilabhāvaṃ vā nāpajjati, evaṃ anurakkhitā. **Vitthambhitā**ti saṅghātavāyunā ativiya vitthambhanaṃ pāpitā. **Na vikirati na viddhamsatī**ti sukhumarajabhūtāpi pathavīdhātu ābandhanaparipācanasamudīraṇakiccāhi āpotejovāyodhātūhi laddhapaccayā sinehena temitā tejasā paripakkā vāyunā vitthambhanaṃ pāpitā piṭṭhacuṇṇā viya na ito cito ca vikirati na viddhamsati, atha kho piṇḍitā ghanabhūtā hutvā nānappakārena gahetabbataṃ āpajjati. Tenāha “**avikiriyaṃānā**”ti-ādi. Tattha **vikappanti** vibhāgaṃ. Yadi pi tejavāyodhātuyopi saviggahā rūpadhammabhāvato. Yādiso pana ghanabhāvo pathavī-āpodhātūsu labbhati, na tādiso tejavāyodhātūsu labbhatīti meyyabhāvābhāvato tattha cuṇṇabhedo na uddhaṇo. Tathā hi sasambhāratejavāyūsopi meyyabhāvo na labbhateva.

---

1. Abhi-Ṭṭha 2. 328 piṭṭhe.

**Yūsagatā**ti yūsabhāvaṃ dravabhāvaṃ gatā. Tato eva **ābandhanākārahūtā**. Na paggharatīti na ogaḷati. Na **parissavatīti** na vissandati<sup>1</sup>. **Piṇitapīṇitabhāvaṃ dassetīti** āpodhātuyā brūhanarasatāya vuttaṃ.

**Usumākārahūtā**ti etena kāye pākatika-usmāpi gahaṇīsāṅkhātāya tassāyeva tejjodhātuyā vasena hotīti dasseti. **Paripācetīti** santejeti. Sā hi yathābhuttassa āhārassa sammā pariṇāmanena rasādisampattiyā hetubhāvaṃ gacchantī imāṃ kāyaṃ paripāceti santejetīti vuccati. Tenevāha “**na pūtibhāvaṃdassetī**”ti. Kammūpanissayāya, cittappasādahetukāya ca sarīre vaṇṇasampadāya tejjodhātu visesapaccayo, pageva utu-āhārasamuṭṭhānāya rūpasampattiyā yathāvuttatejjodhātūti āha “**vaṇṇasampattiñcassa āvahatī**”ti.

**Samudīraṇavittambhanalakkhaṇā**ti ettha **samudīraṇaṃ** anupellanaṃ, visosananti keci. **Vitthambhanaṃ** sesabhūtattayassa thambhitattāpādanaṃ, uppīlananti eke. **Tāyā**ti vitthambhanalakkhaṇāya vāyodhātuyā. **Aparāyā**ti samudīraṇalakkhaṇāya. Sā hi pellasabhāvā. Tenāha “**samabbhāhato**”ti. **Samabbhāhana**ṇca rūpakalāpassa desantaruppattiyā hetubhāvo. **Avaghaṭṭanaṃ** āsannataruppattiyā. **Lāletīti** parivatteti. Idāni yadattham cuṇṇato manasikāro āgato, taṃ nigamanavasena dassetuṃ “**evametan**”ti-ādi vuttaṃ. Tattha **dhātuyantanti** suttena viya yantarūpakaṃ asatipi kattubhūte attani cittavasena dhātumayaṃ yantaṃ pavattati, idhāpi manasikāravidhi vuttanayeneva veditaḃbo.

350. Yādi pi catunnaṃ dhātūnaṃ lakkhaṇādayo heṭṭhā tattha tattha vuttā eva, tathāpi te anavasesato dassetvā visuṃ kammaṭṭhānapariggahavidhiṃ dassetuṃ “**lakkhaṇādito**”ti-ādi āradḃham. Tattha lakkhīyati etenāti lakkhaṇaṃ, kakkhaḷattaṃ lakkhaṇametissāti **kakkhaḷattalakkhaṇā**. Nanu ca kakkhaḷattameva pathavīdhātūti? Saccametaṃ, tathāpi viññātāviññātasaddatthātasena abhinnepi dhamme kappanāsiddhena bhedenā evaṃ niddeso kato. Evaṃ hi atthavisesāvabodho hotīti. Atha vā

---

1. Vissarati (Sī, Ka)



lakkhīyatīti lakkhaṇaṃ, kakkhaḷattaṃ hutvā lakkhiyamānā dhātu kakkhaḷattalakkhaṇāti evamettha attho daṭṭhabbo. Sesāsupi eseva nayo. **Paṭiṭṭhānarasāti** sahajātadhammānaṃ paṭiṭṭhābhāvakkicā. Tato eva nesam̐ sampaticchanākārena ñāṇassa paccupaṭiṭṭhatīti **sampaticchanapaccupaṭṭhānā**. Padaṭṭhānaṃ panettha aññadhammatāya na uddhaṭaṃ, sādharmaṇabhāvasabbhāvato vā dūrakāraṇaṃ viya. Yathā vā dhammuddesavāraṇṇanādīsu rasādīnā aññesaṃ paccayabhāvaṃ dassetvā paccayavantatādassanattamaṃ padaṭṭhānaṃ uddhaṭaṃ, na evamidha. Idha pana dhātūnaṃ anaññasādharmaṇavisesavibhāvanaparāya codanāya aññadhamabhūtaṃ padaṭṭhānaṃ na uddhaṭanti vaṭṭhabbaṃ. **Brūhanarasāti** sahajātadhammānaṃ vaḍḍhanākicā. Tathā hi sā nesam̐ pīṇitabhāvaṃ dassetīti vuccati. **Saṅghapaccupaṭṭhānāti** bāhira-udakaṃ viya nhānīyacuṇṇassa sahajātadhammānaṃ saṅghapaccupaṭṭhānā. **Maddavānuppādānapaccupaṭṭhānāti** bāhiraggi viya jatuloḥādīnaṃ sahajātadhammānaṃ mudubhāvānuppādānapaccupaṭṭhānā. **Abhinīhāro** bhūtasāṅghāssa desantaruppattihetubhāvo, nīharaṇaṃ vā bijato aṅkurassa viya.

351. **Utusamuṭṭhānāva** kammādivasena anuppattito. **Utucittasamuṭṭhānā** kadāci ututo, kadāci cittato uppajjanato. **Avasesāti** vuttāvasesā kesādayo catuvīsati, ādīto tayo tejokoṭṭhāsā, pañca vāyokoṭṭhāsā cāti dvattimsa. **Sabbepīti** te sabbepi kammādivasena uppajjanato **catusamuṭṭhānā**. Kesādīnampi hi maṃsato avimuttabhāgo kammāhāracittasamuṭṭhānova hotīti.

352. **Nānattekattatoti** visesasāmaññato. Dhammānaṃ hi aññamaññaṃ visadisatā nānattaṃ, samānatā ekattaṃ. **Sabbāsampīti** catunnaṃpi. **Salakkhaṇādītoti** sakaṃ lakkhaṇaṃ salakkhaṇaṃ, tato salakkhaṇādīto. **Ādi-**saddena rasapaccupaṭṭhānānaṃ viya mudusaṅghapharusabhāvādīnampi saṅgaho daṭṭhabbo. “**Kammasamuṭṭhānādivasena nānattabhūtānaṃ**”ti kasmā vuttaṃ, nanu kammasamuṭṭhānādivasena catunnaṃ dhātūnaṃ ekattaṃ hoti sādharmaṇattāti? Na, “aññā eva dhātuyo kammasamuṭṭhānā, aññā utu-ādisamuṭṭhānā”ti-ādikaṃ bhedaṃ sandhāya tathā vacanato. **Etāsaṃ** dhātūnaṃ. **Ruppanalakkhaṇaṃ** ruppanasabhāvaṃ. Kimpanetaṃ ruppanaṃ nāma? Yā sītādivirodhapaccayasannipāte visadisuppatti, tasmim̐ vā sati yo vijjamānasseva

visadisuppattiyā hetubhāvo, taṃ ruppanaṃ. **anatītattā**ti apariccajanato.

**Mahantapātubhāvo** cettha sasambhāradhātuvasena veditabbo, tathā **mahāvīkārātā** mahābhūtasāmaññalakkhaṇadhātuvasena, **mahāparihārātā**, **mahattavijjamānatā** ca ubhayavasenāti. Bhūtasaddāpekkhāya “**etāni**”ti napumsakaniddeso. **Mahantāni pātubhūtāni** anekasatasahassa<sup>1</sup> rūpakalāpasaṅghātatāya samūhavasena, santativasena ca aparimitaparimāṇanaṃ, anekayojanāyāmavittthārānañca uppajjanato. **Cattāri nahutāni**ti cattāri dasasahassāni. **Devadānavādīnaṃ** tigāvutādisarīravasena mahantāni pātubhūtāni.

Tatthāyaṃ vacanattomahantāni bhūtāni jātāni nibbattānīti **mahābhūtāni**ti. Anekābhūtavisesadassanena, anekabbhutadassanena ca anekacchariyadassanavasena mahanto abbhuto, mahantāni vā abhūtāni etthāti **mahābhūto**, māyākāro. Yakkhādayo jātivaseneva mahantā bhūtāti **mahābhūtā**, niruḷho vā ayaṃ tesu mahābhūtasaddo daṭṭhabbo. Pathavī-ādayo pana vañcakatāya, aniddisitabbaṭṭhānatāya ca mahābhūtā viya **mahābhūtā**. Bhūtasaddassa ubhayalingatāya napumsakatā katā. Tattha **vañcakatā** sayam anīlādisabhāvāni hutvā nīlādisabhāvassa upaṭṭhāpanaṃ, anitthipurisādisabhāvāneva hutvā itthipurisādi-ākārassa upaṭṭhāpanaṃ. Tathā aññamaññassa anto, bahi ca aṭṭhitānaṃyeva aññamaññāṃ nissāya avaṭṭhānato **aniddisitabbaṭṭhānatā**. Yadi hi imā dhātuyo aññamaññassa anto ṭhitā, na sakiccarā siyūṃ aññamaññānuppavesanato, atha bahi ṭhitā vinibbhuttā siyūṃ. Tathā sati avinibbhuttavādo hāyeyya, tasmā na niddisitabbaṭṭhānā. Evaṃ santepi patiṭṭhānādinā yathāsakaṃ kiccavisesena sesānaṃ tiṇṇaṃ tiṇṇaṃ upakārikā honti, yena sahaṃjātādinā paccayena paccayā honti. Tenāha “**na ca aññamaññāṃ nissāya na tiṭṭhantī**”ti. **Manāpehī**ti manoharehi cāturiyavantehi. **Vaṇṇasaṅghānavikkhepehī**ti kāḷasāmatādivaṇṇehi, puthulavivarakisatādisaṅghānehī, hatthabhamukādivikkhepehi ca. **Sarasalakkhaṇanti** sabhāvabhūtaṃ lakkhaṇaṃ, sakiccarāṃ vā sabhāvāṃ.

---

1. Anekasahassa (Ka)

**Mahāparihāratoti** ettha vacanatthaṃ vadanto āha “**mahantehi -pa-bhūtāni, mahāparihārāni vā bhūtāni**”ti. Tattha pacchimatthe purimapade uttarapadassa parihārasaddassa lopam katvā “**mahābhūtāni**”ti vuttaṃ.

**Tathā hīti** tato eva vikārassa mahantattā evāti taṃ vikāraṃ dassetuṃ “**bhūmito**”ti-ādi vuttaṃ. Tattha **accimatoti** aggissa. Koṭisatasahassaṃ ekaṃ **koṭisatasahassekam cakkavāḷanti** taṃ sabbaṃ āṇākhettabhāvena ekaṃ katvā davati. **Vilīyatīti** vipattikarameghābhivutṭhena khārudakena lavaṇaṃ viya vilayaṃ gacchati viddhamsati. **Kupitenāti** khubhitena. **Vikīratīti** vidhamati viddhamsati.

Anupādinnesu vikāramahattaṃ dassetvā upādinnesu dassento “**pattaddho**”ti-ādimāha. Tattha **kaṭṭhamukhena vāti vā-saddo** upamattho. Yathā kaṭṭhamukhena sappena ḍaṭṭho patthaddho hoti, evaṃ pathavīdhātuppakopena so kāyo kaṭṭhamukheva hoti, kaṭṭhamukhamukhagato viya pattaddho hotīti attho. Atha vā **vā-saddo** avadhāraṇattho. So “pathavīdhātuppakopena vā”ti evaṃ ānetvā sambandhitabbo. Ayañhettha attho—kaṭṭhamukhena ḍaṭṭhopi kāyo pathavīdhātuppakopeneva patthaddho hoti, tasmā pathavīdhātuyā aviyutto so kāyo sabbadā kaṭṭhamukhamukhagato viya hotīti. **Vā-saddo** vā aniyamattho, tatrāyamattho—kaṭṭhamukhena ḍaṭṭho kāyo patthaddho hoti vā, na vā hoti mantāgadavasena, pathavīdhātuppakopena pana mantāgadarahito so kāyo kaṭṭhamukhamukhagato viya hoti ekantapatthaddhoti.

**Pūtiyoti** kuthito. **Santattoti** sabbaso tatto samuppannadāho. **Sañchinnoti** samantato chinno paramāṇubhedasañcuṇṇo āyasmato upasenattherassa sarīraṃ viya. **Mahāvikārāni bhūtānīti** mahāvikāravantāni bhūtāni mahābhūtānīti purimapade uttarapadalopena niddeso ḍaṭṭhabbo. “**Pathavī**”ti-ādinā sabbalokassa pākāṭānīpi vipallāsaṃ muñcivā yathāsabhāvato pariggaṇhane mahantena vāyāmena vinā na pariggaṇhantīti duviññeyyasabhāvattā “mahantānī”ti vuccanti. Tāni hi suviññeyyāni. “Amahantānī”ti mantvā ṭhitā tesam duppariggahataṃ

disvā “aho mahantāni etāni”ti jānātīti mahābhūtekadesatādīhi vā kāraṇehi **mahābhūtāni**. Etā hi dhātuyo mahābhūtekadesato, mahābhūtasamaññato, mahābhūtasannissayato, mahābhūtabhāvato, mahābhūtapariyosānato cāti imehipi kāraṇehi “**mahābhūtāni**”ti vuccanti.

Tattha **mahābhūtekadesatoti** “bhūtamidanti bhikkhave samanupassathā”ti-ādīsu<sup>1</sup> hi avisesena khandhapañcakaṃ “bhūtan”ti vuccati. Tattha yadidaṃ kāmabhave, rūpabhave, pañcavokārabhave, ekacce ca saññībhave pavattaṃ khandhapañcakaṃ, taṃ mahāvisayatāya “mahābhūtan”ti vattabbaṃ arahati. Pathavī-ādayo pana catasso dhātuyo tassa mahābhūtassa ekadesabhūtā “mahābhūtā”ti vuccanti. Samudāyesu hi pavattavohārā avayavesupi dissanti yathā “samuddo diṭṭho, paṭo dadḍho”ti ca. **Mahābhūtasamaññatoti** tadadhīnavuttitāya bhavanti ettha upādārūpānīti bhūtāni, pathavī-ādayo catasso dhātuyo. Sā panāyametāsu bhūtasamaññā anaññatthavuttitāya upādārūpānaṃ aviparītaṭṭhā<sup>2</sup>, lokassa cetā bahūpakārā, cakkhusamuddādīnaṃ nissayabhūtā cāti mahantāni bhūtānīti samaññāyimsu. **Mahābhūtasannissayatoti** mahantānaṃ mahānubhāvānaṃ mahāsammatamandhātuppabhūtīnaṃ raññaṃ, sakkādīnaṃ devānaṃ, vepacitti-ādīnaṃ asurānaṃ, mahābrāhmādīnaṃ brāhmānaṃ, guṇato vā mahantānaṃ buddhānaṃ, paccekabuddhānaṃ, sāvakānaṃ upādāyupādāya vā sabbesampi bhūtānaṃ sattānaṃ nissayabhūtātāya mahantā bhūtā etesūti mahābhūtā. Cātumahābhūtiko hi nesaṃ kāyoti. **Mahābhūtabhāvatoti** bahubhūtabhāvato. Ayaṃ hi **mahā**-saddo “mahājano sannipatito”ti-ādīsu bahubhāve dissati. Pathavī-ādayo ca dhātuyo ekasmimpi attabhāve aparimeyyappabhedā pavattanti. Tasmā mahantā bahū anekasatasahassappabhedā bhūtāti mahābhūtā. **Mahābhūtapariyosānatoti** mahābhūtassa vasena pariyosānappattito.

“Kālo ghasati bhūtāni, sabbāneva sahattanā.

Yo ca kālaghaso bhūto, sa bhūtapacaniṃ paci”ti<sup>3</sup>—

1. Ma 1. 326 piṭṭhe. 2. Aviparītatthā (Sī), aviparītatā (Syā, Ka) 3. Khu 5. 68 piṭṭhe.

hi evamādīsu khīṇāsavo “bhūto”ti vutto. So hi ucchinnabhavanettikatāya āyatim appaṭisandhikattā ekantato “bhūto”ti vuccati, na itare, bhavissantīti vohāraṃ anatītattā. Bhūto eva idha pūjāvasena “mahābhūto”ti vutto yathā “mahākhīṇāsavo, mahāmoggallāno”ti ca. Imāsañca dhātūnaṃ anādimati saṃsāre pabandhavasena pavattamānānaṃ yathāvuttassa mahābhūtasseva santāne pariyośanappatti, nāññatra. Tasmā mahābhūte bhūtā pariyośanaṃ pattāti mahābhūtā purimāpade bhūta-saddassa lopaṃ katvā. Evametā dhātuyo mahābhūte kadesatādīhi mahābhūtāti vedītabbā. Pathavī-ādīnaṃ kakkhaḷapaggharaṇādivisesalakkhaṇasamaṅgitā apariccattādhātulakkhaṇānaṃ yevāti āha “**dhātulakkhaṇaṃ anatītattā**”ti. Na hi sāmāññapariccāgena viseso, visesanirapekkhaṃ vā sāmāññaṃ pavattati. Tathā hi vadanti—

“Tamattāpekkhato bhedaṃ, sasāmāññaṃ jahāti no.

Gaṇhāti saṃsayuppādā, samevekatthakaṃ dvayan”ti.

**Salakkhaṇadhāraṇena cāti** yena salakkhaṇadhāraṇena “dhātuyo”ti vuccanti, teneva “**dhammā**”tipi vuccanti ubhayathāpi nissattanijjīvatāya eva vibhāvanato. Tenevāha “chadhāturoyaṃ bhikkhu puriso<sup>1</sup>, dhammesu dhammānupassī viharatī”ti<sup>2</sup> ca. Arūpānaṃ khaṇato rūpānaṃ khaṇassa nāti-ittaratāyāha “**attano khaṇānurūpan**”ti. **Dharaṇenāti** ṭhānena<sup>3</sup>, pavattanenāti attho. **Khayaṭṭhenāti** khaṇabhaṅgutāya<sup>4</sup>. **Bhayaṭṭhenāti** udayavayapaṭipīḷanādinā sappaṭibhayatāya. **Asāraṭṭhenāti** attasāravirahena.

353. **Sahuppannāva etāti** etā catasso dhātuyo saha uppannāva saha pavattamānāva samānakāle labbhamānāpi avakaṃsato **sabbapariyantime** utucittāhārasamuṭṭhānesu suddhaṭṭhake, kammajesu jīvitānavaketi ekekasmim **suddhaṭṭhakādikalāpepi padesena avinibbhuttā** visum visum aniddisitabbaṭṭhānatāya. Yattha hi tissannaṃ dhātūnaṃ

1. Ma 2. 283 piṭṭhe.

2. Am 1. 43 piṭṭhādīsu.

3. Dhāraṇena (Sī, Syā, Ka)

4. Khaṇabhaṅgurātāya (Sī), khayaṭṭhānatāya (Syā)

patiṭṭhāvasena pathavī, tattheva tassā  
ābandhanapariṭācanasamudīraṇavasena itarā. Esa nayo sesāsupi.

354. **Purimā dve garukattā sabhāgā** aññamaññanti adhippāyo. Ettha ca nanu pathaviyāpi lahubhāvo atthi. Tathā hi sā “kakkhaḷam mudukam saṅham pharusam garukam lahukan”ti niddiṭṭhā, āpepi lahubhāvo labbhatevāti? Na, nippariyāyagarubhāvassa adhippetattā. Garubhāvo eva hi pathaviḍhātuyā garutaram upādāya lahubhāvoti pariyāyena vutto sītabhāvo viya tejodhātuyā. Yadi evam rūpassa lahutāti katham? Ayampi vuttanayā eva lahutākāram upādāya labbhanato. Na hi paricchadavikāralakkhaṇāni paramatthato labbhanti nipphannarūpānam avatthāvisesasabhāvato. Tasmā paramatthasiddham garubhāvam sandhāya vuttam “purimā dve garukattā sabhāgā”ti. **“Tathā”**ti padena “sabhāgā”ti imamattham upasamharati. **“Dve”**ti pana idam yathā “purimā”ti ettha, evam “pacchimā”ti etthāpi ānetvā sambandhitabbam. **Visabhāgā** garukalahukabhāvatoti adhippāyo. Yathā ca garukalahukabhāvehi, evam peyyabhāvāpeyyabhāvehi<sup>1</sup> ca sabhāgavisabhāgatā yojetabbā.

355. **Ajjhattikā** heṭṭhā vutta-ajjhakkā, sattasantānapariyāpannāti attho. **Viññāṇavatthu viññatti-indriyānanti** cakkhādīnam channaṃ viññāṇavatthūnam, dvinnam viññattīnam, itthipurisindriyajīvitindriyānañca. Ye pana “viññāṇavatthūti hadayavatthu gahitan”ti vadanti, tesam indriyaggaṇena aṭṭhannampi rūpindriyānam gahaṇam veditabbam. **“Vuttaviparītappakārā”**ti idam bahirānam dhātūnam yathā sabbaso viññāṇavatthuviññatti-indriyānam anissayatā ca iriyāpathaviraḥo ca vuttavipariyāyo, evam catusamuṭṭhānatāpīti katvā vuttam, na lakkhaṇarūpassa viya kutocipi samuṭṭhānassa abhāvato-utusamuṭṭhānatāya tāsam. Lahutādinissayatāpi ajjhakkānam dhātūnam vattabbā, na vā vattabbā. Viññatti-ggaṇam hi lakkhaṇanti.

356. **Itarāhīti** āpotejovāyudhātūhi. **Ekasaṅgahāti** sajjāṭisaṅgahena ekasaṅgahā. Samānajātiyānam hi saṅgaho sajjāṭisaṅgaho. Tenāha **“samuṭṭhānanānattābhāvato”**ti.

---

1. Meyyabhāvāmeyyabhāvehi (Sī, Ka), evameva sabhāvehipi (Syā)

357. **Tiṇṇaṃ mahābhūtānaṃ patiṭṭhā hutvā paccayo hotīti** yehi mahābhūtehi sampiṇḍanavasena saṅgahitā, paripācanavasena anupālītā, samudīraṇavasena vitthambhitā ca, tesaṃ attanā sahajātānaṃ tiṇṇaṃ mahābhūtānaṃ patiṭṭhā hutvā tato eva sandhāraṇavasena avassayo hoti, vuttanayena vā patiṭṭhā hutvā sahajātādivasena paccayo hotīti. Esa nayo sesāsupi.

358. Yadipi aññamañña-ābhogapaccavekkhaṇarahitā ete dhammāti heṭṭhā dhātūnaṃ asamannāhāratā dassitā eva, athāpi imināva nayena visuṃ kammaṭṭhānapariggaho kātabboti dassento “**pathavīdhātucetthā**”ti-ādimāha. Tattha **pathavīdhātu cetthāti ca**-saddo sampiṇḍanattho, tena ayampi eko manasikārappakāroti dīpeti. **Etthāti** etāsu dhātūsu. Ayaṃ “pathavīdhātū”ti vā “paccayo homī”ti vā na jānātīti attani viya attano kicce ca ābhogābhāvaṃ dassetvā upakārakassa viya upakattabbānampi ābhogābhāvaṃ dassetuṃ “**itarānīpi**”ti-ādi vuttaṃ. **Sabbatthāti** sabbāsu dhātūsu, tatthāpi attakiccupakattabbabhedesu sabbesu.

359. **Paccayavibhāgatoti** paccayadhammavibhāgato ceva paccayabhāvavibhāgato ca. “Paccayato”ti hi iminā pathavī-ādīnaṃ aññāsādhāraṇo patiṭṭhābhāvādinā sesabhūtattayassa paccayabhāvo vutto. Idha pana yehi dhammehi pathavī-ādīnaṃ uppattī, tesaṃ, pathavī-ādīnaṃ anavasesato paccayabhāvavibhāgo vuccatīti ayaṃ imesaṃ dvinnaṃ ākāraṇaṃ viseso. **Kammanti** kusalākusalaṃ rūpuppādaṃ kammaṃ. **Cittanti** yaṃ kiñci rupuppādaṃ cittaṃ. **Āhāroti** ajjhattiko rūpuppādako āhāro. **Utūti** yo koci utu, atthato tejodhātu. **Kammamevāti** avadhāraṇaṃ samuṭṭhānasaṅkarābhāvadassanattham, tena akammajānampi kesañci kammaṃ pariyāyapaccayabhāvo dīpito hoti. Tathā hi vakkhati “kammapaccayacittasamuṭṭhānan”ti-ādi. Nanu ca kammasamuṭṭhānaṃ kammato aññenapi paccayena bhavitabbanti? Bhavitabbaṃ, so pana kammagatikovāti paṭiyogīnivattanattham avadhāraṇaṃ kataṃ, tenāha “**na cittādayo**”ti. **Cittādisamuṭṭhānānanti** etthāpi ayamatto yathārahaṃ vattabbo. **Itareti**

cittādito aññe. **Janakapaccayoti** samuṭṭhāpakataṃ sandhāya vuttaṃ, paccayo pana kammapaccayova. Vuttaṃ hi “kusalākusalā cetanā vipākānaṃ khandhānaṃ kaṭattā ca rūpānaṃ kammapaccayena paccayo”<sup>1</sup>.

**Sesānanti** cittādisamuṭṭhānānaṃ. **Pariyāyato upanissayapaccayo hotīti paṭṭhāne**<sup>2</sup> arūpānaṃyeva upanissayapaccayassa āgatattā nippariyāyena rūpadhammānaṃ upanissayapaccayo natthi. Sutte pana “puggalaṃ upanissāya vanasaṇḍaṃ upanissāyā”<sup>ti</sup> vacanato suttantikapariyāyena vinā abhāvo upanissayapaccayoti veditabbo. **Cittaṃ janakapaccayo hotīti** saha-jātanissayāhārādivasena paccayo hontaṃ cittaṃ samuṭṭhāpakataṃ upādāya “janakapaccayo hoti”<sup>ti</sup> vuttaṃ. Āhāra-utūsupi eseva nayo.

Evam kammādīnaṃ paccayadhammānaṃ vasena dhātūsu paccayavibhāgaṃ dassetvā idāni taṃsamuṭṭhānānaṃ dhātūnampi vasena paccayavibhāgaṃ dassento paṭhamāṃ tāva “**kammasamuṭṭhānaṃ mahābhūtaṃ**”<sup>ti</sup>-ādinā uddisitvā puna “**tattha kammasamuṭṭhānā pathavīdhātū**”<sup>ti</sup>-ādinā niddisati. **Tattha kammasamuṭṭhānā pathavīdhātūti** “kammasamuṭṭhānaṃ mahābhūtaṃ”<sup>ti</sup> ettha sāmāññato vuttā kammajapathavīdhātu. **Kammasamuṭṭhānānaṃ itarāsanti** kammajānaṃ āpodhātu-ādīnaṃ tissannaṃ dhātūnaṃ sahu-pattiyā attano upakāra-kānaṃ tāsāṃ upakāra-kato, ādhārabhāvato, uppādato yāva bhaṅgā dharaṇato, vigamābhāvato ca saha-jāta-aññamañña-nissaya-atthi-avigatavasena ceva patiṭṭhāvasena ca paccayo hoti, hontī ca kammaṃ viya attano, tāsāṃ na janakavasena paccayo hoti asamuṭṭhāpakattā tāsāṃ. Kāmañcetha nissayapaccaya-ggahaṇeneva patiṭṭhābhāvo saṅgahito, pathavīdhātuyā pana anañña-sādhāraṇakiccaṃ saha-jātānaṃ patiṭṭhābhāvoti imaṃ visesaṃ dassetuṃ “**patiṭṭhāvasena cā**”<sup>ti</sup> visuṃ katvā vuttaṃ. **Ābandhanavasena cāti-**ādīsupi eseva nayo. **Tisantatimahābhūtānanti** utucittāhārasamuṭṭhānānaṃ catumahābhūtānaṃ aññamaññaṃ avokiṇṇānaṃ, avicchedena pavattiṃ upādāya santatīti santatiggahaṇaṃ. Pathavīdhātuyā patiṭṭhābhāvo nāma saha-jātānaṃ dhammānaṃyevāti āha “**na patiṭṭhāvasena**”<sup>ti</sup>. **Na ābandhanavasenāti-**ādīsupi eseva nayo.

1. Abhi 8. 154 piṭṭhe Paṭṭhāne.

2. Abhi 8. 6 piṭṭhe.



**Etthā**ti etesu kammamuṭṭhānamahābhūtesu. “Cittasamuṭṭhānā pathavīdhātu cittasamuṭṭhānānam itarāsan”ti-ādīsu sukaro tantinayo netunti “**citta-āhāra -pa- eseva nayo**”ti atidisati.

**Sahajātādipaccayavasappavattāsu ca panā**ti ettha **ca-saddo** samuccayattho, **pana-saddo** viresettho, tadubhayena ca yathāvuttasahajātādipaccayehi pavattamānā dhātuyo iminā viresetena pavattantīti imamatham dīpeti.

Idāni tam viresetam dassetuṃ “**ekam paṭicca**”tigāthamāha. Tattha ekam dhātuṃ paṭicca tisso dhātuyo catudhā sampavattanti, tisso dhātuyo paṭicca ekāva dhātu catudhā sampavattati, dve dhātuyo paṭicca dve dhātuyo chadhā sampavattantīti yojanā. Attho pana pathavī-ādīsu ekekissā paccayabhāve itarāsam tissannaṃ tissannaṃ paccayuppannatāti ayameko catukko, tissannaṃ tissannaṃ paccayabhāve itarāya ekekissā paccayuppannatāti ayamaparo catukko, paṭhamadutiya, tatiyacatutthā, paṭhamatatiya, dutiyacatutthā, paṭhamacatutthā, dutiyatatiyāti imāsam dvinnam dvinnam paccayabhāve tattha tattha itarāsam dvinnam dvinnam paccayuppannatāti ayameko chakko. Evaṃ paccayabhāvena catudhā, chadhā ca pavattamānānam ekakadvikatikavasena tikaduka-ekakavasena ca yathākkamaṃ paccayapaccayuppannatāvibhāgo veditabbo. Ayañca paccayabhāvo sahajāta-aññamaññanissaya-atthi-avigatapaccayavasena, tatthāpi ca aññamaññamukheneva veditabbo. Yaṃ sandhāya vuttam **paṭiccavāre** “ekam mahābhūtam paṭicca tayo mahābhūtā, tayo mahābhūte paṭicca ekam mahābhūtam, dve mahābhūte paṭicca dve mahābhūtā uppajjantī”ti<sup>1</sup>.

**Abhikkamapaṭikkamādīti ādi-saddena** ādānavissajjanādīkāyīkariyākaraṇassa saṅgaho daṭṭhabbo. **Uppīlanassa paccayo hoti** ghaṭṭanakariyāya pathavīdhātuvasena sijjhanato. **Sāvāti** pathavīdhātuyeva. **Āpodhātuyā anugatā** āpodhātuyā tattha appadhānabhāvaṃ pathavīdhātuyā ca padhānabhāvanti patiṭṭhabhāve viya patiṭṭhāpanepi sātīsayakiccattā tassā patiṭṭhāpanassa pādaṭṭhapanassa paccayo

---

1. Abhi 8. 19 piṭṭhe Paṭṭhāne.

hotīti sambandho. **Avakkhepanassāti** adhonikkhipanassa. Tattha ca garutarasabhāvāya āpodhātuyā sātisayo byāpāroti āha “**pathavīdhātuyā anugata āpodhātū**”ti. Tathā uddhaṅgatikā tejodhātūti uddharaṇe vāyodhātuyā tassā anugatabhāvo vutto. Tiriyaṃ gatikāya vāyodhātuyā atiharaṇavītiharaṇesu sātisayo byāpāroti tejodhātuyā tassā anugatabhāvo gahito. Tattha ṭhitaṭṭhānato abhimukhaṃ pādassa haraṇaṃ **atiharaṇaṃ**, purato haraṇaṃ. Tato thokaṃ vītikkamma haraṇaṃ **vītiharaṇaṃ**, passato haraṇaṃ.

**Ekekena mukhenāti** “patthaṭṭā pathavī”ti-ādinā<sup>1</sup> vibhatesu terasasu ākāresu ekekena dhātūnaṃ pariggaṇhanamukhena. **Svāyanti** so ayaṃ upacārasamādhī. Kathaṃ panassa vavathhānapariyāyoti āha “**catunnaṃ dhātūnaṃ**”ti-ādi.

360. Idāni imissā bhāvanāya ānisaṃse dassetuṃ “**idañca panā**”ti-ādi vuttaṃ. **Suññataṃ avagāhātīti** dhātumattatādassanena rūpakāyassa anattakataṃ vavathhāpayato tadanusārena nāmakāyassāpi anattakatā supākaṭā hotīti sabbaso attasuññataṃ pariyogāhati tattha patiṭṭhahati. **Sattasaññaṃ samugghātetīti** tato eva “satto poso itthī puriso”ti evaṃ pavattaṃ ayāthāvasaññaṃ ugghātetī samūhanati. **Vālamigayakkharakkhasādivikappaṃ anāvajjamānoti** sasantāne viya parasantānepi dhātumattatāya sudiṭṭhattā khīṇāsavo viya “ime sīhabyagghādayo vālamigā, ime yakkharakkhasā”ti evamādivikappaṃ akaronto bhayabheravaṃ sahati abhibhavati. Yathāvuttavikappanāpajjanaṃ hi bhayabheravasahanassa kāraṇaṃ vuttaṃ. **Ugghāto** uppilāvitattaṃ. **Nigghāto** dīnabhāvappatti<sup>2</sup>. **Mahāpañño** ca pana hoti dhātuvasena kāye sammadeva ghanavinibbhogassa karaṇato. Tathā hidaṃ kammaṭṭhānaṃ buddhicarittassa anukūlanti vuttaṃ, **sugatiparāyaṇo vā** indriyānaṃ aparipakkatāyanti adhippāyo.

Ekūnavīsati bhāvanāyapaṭimaṇḍitassa

Catudhātuvavathhānaniddesassa līnatthavaṇṇanā niṭṭhitā.

1. Visuddhi 1. 360 piṭṭhe.

2. Tādibhāvappatti (Syā, Ka), līnabhāvappatti (?)

361. “Ko samādhī”ti-ādinā sarūpādipucchā yāvadeva vibhāgāvabodhanatthā. Sarūpādito hi nātassa pabhedo vuccamāno suviññeyyo hoti saṅkhepapubbakattā vitthārassa, vitthāravidhinā ca saṅkhepavidhi saṅgayhatīti “**samādhissa vitthāraṃ bhāvanānayaṇca dassetun**”ti vuttaṃ. Atha vā “**ko samādhī**”ti-ādināpi samādhisseva pakārabhedo dassīyati, bhāvanānisamsopi bhāvanānayanissito evāti adhippāyena “vitthāraṃ bhāvanānayaṇca dassetun”ti vuttaṃ. **Sabbappakāratoti** palibodhupacchedādikassa sabbassa bhāvanāya pubbakiccassa karaṇappakārato ceva sabbakammaṭṭhānabhāvanāvibhāvanato ca.

“**Samattā hoti**”ti vatvā tameva samattabhāvaṃ vibhāvetuṃ “**duvidhoyevā**”ti-ādi vuttaṃ. **Idha adhippeto samādhīti** lokiyasamādhim āha. **Dasasu kammaṭṭhānesūti** yāni heṭṭhā “upacārāvahānī”ti vuttāni dasa kammaṭṭhānāni, tesu. **Appanāpubbabhāgacittesūti** appanāya pubbabhāgacittesu aṭṭhannaṃ jhānānaṃ pubbabhāgacittuppādesu. **Ekaggatāti** ekāvajjanavīthiyaṃ, nānāvajjanavīthiyaṇca ekaggatā. **Avasesakammaṭṭhānesūti** “appanāvahānī”ti<sup>1</sup> vuttesu tiṃsakammaṭṭhānesu.

### Samādhī-ānisamsakathāvaṇṇanā

362. Diṭṭhadhammo vuccati paccakkhabhūto attabhāvo, tattha sukhavihāro **diṭṭhadhammasukhavihāro**. Kāmaṃ “**samāpajjitvā**”ti etena appanāsamādhīyeva vibhāvito, “**ekaggacittā**”ti pana padena upacārasamādhinopi gahaṇaṃ hotīti tato nivattanatthaṃ “**appanāsamādhībhāvanā**”ti vuttaṃ. **Na kho paneteti** ete bāhirakabhāvitā jhānadhammā cittedaggatāmattakarā. **Ariyassa vinaye** buddhassa bhagavato sāsane “**sallekhā**”ti **na vuccanti** kilesānaṃ sallekhanapaṭipadā na hotīti katvā, sāsane pana avihimsādayopi sallekhāva lokuttarapādakattā.

**Sambādheti** taṇhāsamskilesādinā saṃkiliṭṭhatāya paramasambādhe ativiya saṅkaṭaṭṭhānabhūte<sup>2</sup> saṃsārappavatte. **Okāsādhigamanayenāti** atthapaṭilābhayoggassa navamakhaṇasaṅkhātassa okāsassa adhigamanayena.

1. Ma 3. 138; Am 1. 256 piṭṭhesu.

2. Kasaṭaṭṭhānabhūte (Syā, Ka)

Tassa hi dullabhatāya appanādhigamampi anadhigamayamāno samvegabahulo puggalo upacārasamādhimhiyeva ṭhatvā vipassanāya kammaṃ karoti “sīghaṃ saṃsāradukkhaṃ samatikkamissāmī”ti.

**Abhiññāpādakanti** iddhividhādi-abhiññāñāpādakabhūtaṃ adhiṭṭhānabhūtaṃ. **Hotīti vuttanayāti** ettha **iti**-saddo pakārattho, tena “iminā pakārena vuttanayā”ti sesābhiññānampi vuttappakāraṃ saṅgaṇhāti. **Sati sati āyataneti** purimabhavasiddhe abhiññādhigamassa kāraṇe vijjamāne. Abhiññādhigamassa hi adhikāro icchitabbo, yo “pubbahetū”ti vuccati. Na samāpattīsu vasībhāvo. Tenāha bhagavā “sati sati āyatane”ti<sup>1</sup>.

**Abhiññāsacchikaraṇīyassāti** vakkhamānavibhāgāya abhivisiṭṭhāya paññāya sacchikātabbassa. **Dhammassāti** bhāvetabbassa ceva vibhāvetabbassa ca dhammassa. Abhiññāsacchikiriyāya cittaṃ abhininnāmetīti yojanā. **Tatra tatrevāti** tasmim tasmimyeva sacchikātabbadhamme. Sakkhibhāvāya paccakkhakaritāya bhabbo sakkhibhabbo, tassa bhāvo sakkhibhabbatā, taṃ **sakkhibhabbatam**.

Taṃ taṃ bhavagamikammaṃ ārabba bhavapatthanāya anuppannāyapi kammaṃ katūpacitabhāveneva bhavapatthanākiccaṃ sijjhatīti dassento āha “**apatthayamānā vā**”ti. Saha byeti pavattatīti saha byo, saha byo, idha pana ekabhavūpago adhippeto, tassa bhāvo saha byatā, taṃ **sahabyatam**.

Kim pana appanāsamādhibhāvanāyeva bhavavisesānisamsā, udāhu itarāpīti codanaṃ manasi katvā āha “**upacārasamādhibhāvanāpī**”ti-ādi.

**Nibbānanti** tissannaṃ dukkhatānaṃ nibbutim. Rūpadhamme pariyaṇānā vijjamānāpi saṅkhāradukkhatā cittassa abhāvena asantasamāva<sup>2</sup>. Tenāha “**sukhaṃ viharissāmā**”ti. **Soḷasahi nāṇacariyāhīti** aniccānupassanā, dukkha, anatta, nibbidā, virāga, nirodha, paṇinissagga, vivaṭṭānupassanāti imāhi aṭṭhahi, aṭṭhahi ca ariyamaggaphalañāṇehīti evaṃ soḷasahi. **Navahi**

1. Ma 3. 138; Am 1. 256 piṭṭhesu.

2. Asantasabhāvā (Sī, Syā)

**samādhicariyāhī**ti pañcannaṃ rūpajjhānānaṃ, catunnaṃ arūpajjhānānaṃ vasaṇā evaṃ navahi. Keci pana “cattāro rūpajjhānasamādhī, cattāro arūpajjhānasamādhī, ubhayesaṃ upacārasamādhim ekaṃ katvā evaṃ navā”ti vadanti.

**Samādhībhāvanāyogeti** samādhībhāvanāya anuyoge anuyuñjane, samādhībhāvanāsaṅkhāte vā yoge. **Yogoti** bhāvanā vuccati. Yathāha “yogā ve jāyatī bhūrī”ti<sup>1</sup>.

363. **Samādhīpīti** pi-saddena sīlaṃ sampiṇḍeti.

Samādhiniddesavaṇṇanā niṭṭhitā.

**Iti ekādasamaparicchedavaṇṇanā.**

**Paṭhamo bhāgo niṭṭhito.**

---

1. Khu 1. 53 piṭṭhe Dhammapade.



## Visuddhimaggamahāṭīkāya paṭhamabhāge

### Saṁvaṇṇitapadānaṁ anukkamaṇīkā

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Aṁsakāsāvaṁ	93	Aggahetvā	385
Akatakammā	202	Aggahesi	247
Akatā	347	Aggikkhandham	85
Akatādhikāro	112	Aggikkhandhālīṅganadukkhā-	
Akatābhiniveso	406	dhikadukkhakaṭukaphalaṁ	86
Akate	142	Aggisikhadhūmasikhā	245
Akammaññaṁ	170	Aggihomam	55
Akaraṇam	18	Aghaṭantassa	36
Akālamaraṇam	287	Aṅgam	55, 89
Akāliko	268	Aṅgapaccāṅgalīlārāgino	215
Akiñcanam	403	Aṅgāni	103
Akilamanto	139	Aṅgulaṅgulantaram	213
Akuṭilā	279	Acittikārakato	43
Akusalampi	103	Acetano	439
Akusalā	387	Accantam	405
Akusalo	178	Accantavirāgo	344
Akosallasambhūte	313	Accantasantā	87
Akkantapadānaṁ	176	Accayanti	290
Akkosakaparibhāsakāni	42	Accimato	451
Akkharam	273	Accuggato	241
Akhaṇḍatādiguṇavasena	281	Acchandikā	200
Akhettaññū	178	Acchannamariyādam	100
Agāram	66	Accharāmatam	180
Agocarō	42	Accharikāya	76
Aggadakkhiṇeyyo	17	Acchariyō	348
Aggamakkhāyati	347	Acheko	160

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Ajajjaro	348	Aṭṭhisandhīnaṃ	309
Ajaññaṃ	77	Aḍḍhayogo	53
Ajapatho	361	Aḍḍhuḍḍhāni	241
Ajaraṃ	348	Aṇimā	256
Ajānantā	9	Aṇuppamāṇesu	46
Ajīmhā	279	Aṇusahagatānaṃ	80
Ajjhagā	353	Atakkāvacarō	349
Ajjhattaṃ	386	Atacchaṃ	235
Ajjhattikā	429	Ataramāno	127
Ajjhattikāyatanāni	6	Ati-uṇhena	292
Ajjhāsaya	137	Atikassa	360
Ajjhāsayo	134	Atikkamitvā	302
Ajjhupekkhati	304	Atiparisuddhaṃ	68
Ajjhupekkhanatā	158	Atipāto	25
Ajjhupekkhitvā	375	Atibrahmā	8
Añjalikaraṇīyo	281	Atimāno	84
Aññataraññatarena	41	Atirekalābhaṃ	93
Aññathattaṃ	343	Atilolupo	217
Aññadatthu	395	Atisakko	8
Aññabhāvānupagamanatthaṃ	199	Atisallekhamukhena	105
Aññāṇaṃ	221	Atisītena	292
Aññāṇapakataṃ	76	Atisukhumo	323
Aññāṇupekkhā	382	Atītaṃ	381
Aññāṇupekkhāya	127	Atīte	374
Aṭṭiyāmi	77	Attakāmo	353
Aṭṭo	53	Attakilamathānuyogappa-	
Aṭṭhāne	358	hānaṃ	60
Aṭṭhim katvā	357	Attagaru	35
Aṭṭhikaṃ	213	Attabharassa	94
Aṭṭhike	214	Attabhāvo	6, 367
		Attasinecharāgarattā	217



Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Attādhipateyyaṁ	32, 35	Adhimattam	323
Attānaṁ	352	Adhimattatāya	292
Atthaṅgatā	183	Adhimuccato	340
Atthato	88	Adhimuttatāya	266
Atthadīpanā	160	Adhimutti	240
Atthapaṭisambhidā	274	Adhivattanti	290
Atthapadaṁ	246	Adhivāsetabbo	419
Attharasassa	253	Adhivāseti	26
Atthavasam	334	Adhunāpabbajitena	67
Atthavedaṁ	285	Adhunāmataṁ	202
Atthasampattiyā	271	Anaññaneyyatāya	250
Atthassa	269	Anaññaposino	94
Atthānurūpaṁ	225	Anatikkantattā	372
Atthāya	297	Anatikkamanato	275
Atthitā	239	Anatītattā	450
Attho	273	Anatthakāmāni	43
Atricchatāya	96	Anatthasañhitam	235
Adukkham	191	Ananurūpaṁ	35
Addāriṭṭhakavaṇṇā	305	Ananulomikena	42
Addhānaṁ	318	Anantaṁ	399
Addhānaparicchedato	289	Anantāni	243
Addhānavasena	318	Ananto	348
Addhānasaṅkhāte	319	Anabhibhūtassa	112
Adhikusaladhammesu	382	Anamataggaṁ	221
Adhigatavisesassa	211	Anamatagge	118
Adhigamabyattito	275	Anariyaṁ	358
Adhicittaṁ	303	Anavakhaṇḍanaṁ	89
Adhiṭṭhānavasī	180	Anavajjatā	61
Adhiṭṭhitānaṁ	66	Anavajjarasaṁ	28
Adhipaññādhammavipassanā	80	Anādikālapavattam	220

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Anādīnavadassāvino	382	Anuṭṭhitāya	361
Anāpucchā	44	Anuttaraṃ	281
Anābhogarasā	187	Anuddhataṃ	159
Anāvaraṇañāṇo	8	Anupakhajja	44
Anāsavo	348	Anupagamma	276
Anāsittako	312	Anupadaṃ	335
Aniccaṃ	343	Anupadadhammavipassanā	407
Aniccatāya	344	Anupariṭṭhaṃ	168
Aniccasaññā	133	Anupassati	320
Aniccā	11	Anupahatāni	84
Aniccānupassanā	79, 343	Anupādaṃ	204
Aniṭṭhārammaṇābhībhūtaṃ	202	Anupālita	447
Anidassano	348	Anupubbaṃ	332
Animittato	289	Anupubbato	434
Anirassādaṃ	159	Anupubbamuñcanaṃ	302
Anissāyanarasā	379	Anuppabandhanaṃ	167
Anissitaṃ	31	Anubandhanto	330
Anītikaṃ	348	Anubuddho	230
Anītikadhammo	348	Anubyañjanaso	66
<b>Anu</b>	218	Anubyañjanā	48
Anukūlāni	132	Anubhoti	303
Anukkamaṃ	283	Anumaggaṃ	49
Anukkamādhiḡataṃ	389	Anumajjanaṃ	167
Anugato	290	Anumajjanakiccaṃ	212
Anugamaṃ	329	Anuyuñjetha	346
Anuggahaṇatthaṃ	59	Anuyuttena	303
Anuggahā	74	Anuyogavasena	161
Anuggahetvā	118	Anurūpato	269
Anuggaho	169	Anurūpā	218
Anuññātānaṃ	105	Anulomakārī	284

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Anulomapaṭipadā	88	Apakatassa	52
Anuvahana	327	Apacayo	88
Anucchavikattā	279	Apaccanīkapaṭipadāya	200
Anusañcaraṇaṁ	167	Apaṇṇakapaṭipadaṁ	279
Anusaṭo	290	Apadānena	89
Anusayā	21, 240	Apadhāritaṁ	201
Anusārato	355	Apanetabbassa	275
Anusāsati	246	Aparagoyānaṁ	243
Anussatīsu	218	Aparapositā	94
Anussari	49	Aparabhāge	285
Anekaguṇasaṅgāhakena	24	Aparādhaṁ	391
Anekappakārato	293	Aparāparabhāvāya	347
Anekabhedo	165	Aparāmaṭṭhaṁ	32
Anesanaṁ	68	Aparicchinnaṁ	127
Anodhijinassa	382	Aparicchinnavacanaṁ	124
Antaguṇaṁ	70	Aparipakkato	417, 421
Antadvayaṁ	276	Aparibyattaṁ	187
Antabhogaṭṭhānāni	307	Aparimitabhojanapaccayaṁ	59
Antaraṁ	64	Apariyantapārisuddhisīlaṁ	32
Antaraghamaṁ	45	Aparisaṅṭhitajalāya	216
Antaradhāpeti	313	Apalālo	205
Antaradhāyati	209	Apalokitaṁ	348
Antaravasena	213	Apavattapubbaṁ	297
Antare	440	Apassato	77
Antepurikā	57	Apubbāpariyamiva	309
Antevāsī	427	Apekkhavā	116
Anto	420	Appaṁ	293
Antogadhaṁ	204	Appakasirena	141, 363
Antopūtikassa	86	Appakilesa	206
Andhakāre	163	Appake	131

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Appaggho	85	Appeti	400
Appaṭikkūlaparicayā	388	Appoti	430
Appaṭimo	244	Apphuṭaṃ	171
Appaṭivijjhanto	267	Aphāsukakāmāni	43
Appaṭisaṅkhā	80	Aphāsukaṭṭhānaṃ	95
Appaṭisandhikā	295	Abalaṃ	292
Appaṭihatañāṇacāro	7	Abahigataṃ	204
Appatirūpaṃ	68	Abuddhivihatattā	250
Appanaṃ	217	Abbokiṇṇaṃ	280
Appanācitte	402	Abbokiṇṇo	312
Appanāto	303	Abbhaṅgaṃ	55
Appanānayo	400	Abbhāhato	290
Appanāvasena	353	Abbhuggacchati	29
Appanāsamādhīnaṃ	110	Abbhuggataṭṭhena	89
Appamāṇaṃ	133	Abbhutṭhito	289
Appamāṇe	384	Abbhutaṃ	348
Appamāṇo	109	Abbhokāso	90
Appamādaṃ	267	Abyatto	178
Appamādavihārino	129	Abyākato	439
Apparajakkhe	240	Abyākatāni	103
Appavatti	229	Abyāpajjaṃ	365
Appasannāni	42	Abyāpādena	78
Appasamārambhata	93	Abyāpārapaccupaṭṭhānā	187
Appātaṅkatā	96	Abyāpārabhūtā	186
Appābādhatā	96	Abyābajjhaṃ	64, 348
Appāyati	444	Abyāvaṭā	385
Appicchatā	88, 104	Abrahmacārissa	86
Appiccho	44	Abhañji	255
Appitā	183	Abhāvato	275
Appiyo	351	Abhāvitaṃ	66

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Abhāvitamaraṇā	297	Amanussapurisā	245
Abhāveti	403	Amissakatāvasena	300
Abhāvo	401	Amucchito	74
Abhikkantena	44, 248	Amohaparivārena	126
Abhijānato	340	Ambilaggehi	176
Abhiññā	303	Ayuttapaṭiggahaṇaṃ	61
Abhiññāpādakaṃ	460	Ayuttaparibhogo	60, 61
Abhiññāsacchikaraṇīyassa	460	Ayuttapariyesanā	61
Abhiññeyyaṃ	340	Ayogakkhemakāmāni	43
Abhiññeyyato	229	Ayosaṅkunā	86
Abhiññeyye	229	Arakkhitā	66
Abhiṇṇaṃ	99	Arati	61
Abhiniropanalakkhaṇo	212	Aratiratisaho	310
Abhinivesassa	80	Arasapaṭisaṃvedī	127
Abhinīhāro	449	Arativighātapaccupaṭṭhānā	380
Abhibhavati	243	Arahaṃ	220
Abhibhavitvā	283	Arā	221
Abhibhūto	290, 350	Arittabalena	216
Abhimaddati	290	Arittupatthambhanaṃ	328
Abhirattāni	99	Ariyaṃ	31
Abhisāṅkhāramāro	255	Ariyamaggavuddhippatto	314
Abhūtaṃ	51, 235	Ariyamaggasampayutto	115
Abhedena	84	Ariyavihāro	257
Amaṅkubhūto	30	Ariyasāṅghaguṇā	278
Amataṃ	348	Ariyasāvakasseva	349
Amataṭṭho	257	Ariyā	279
Amanasikarivā	402	Alaṃsāṭako	59
Amanasikāraṃ	395	Alaṅkāraya	81
Amanasikārā	210	Alaṅkārena	216
Amanasikārena	151	Alampāne	360

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Alīnānuddhaccapakkhikaṃ	316	Avipākajinassa	382
Alobhajjhāsaya	137	Avippaṭisārathāni	29
Allacammaṭṭicchanno	217	Avippaṭisārāya	81
Allīyanam	277	Avippaṭisāro	211
Avakkhepanassa	458	Avibhūtapaccupaṭṭhānā	191
Avakhaṇḍanam	89	Avirati	31
Avagāhati	458	Avirādheta	143
Avāṅkā	279	Avisaye	357
Avadḍhite	113	Avissāsiyo	294
Avadḍhetvā	177	Avihimsāpaccupaṭṭhānā	379
Avadhi	248	Avīci	243
Avalekhanasatthakaṃ	306	Avītikkamo	25, 78
Avavatthānato	293	Aveccappasādo	219
Avasesā	449	Averaṃ	365
Avassutassa	86	Avero	352
Avikampanapaccupaṭṭhāno	108	Avelāyaṃ	208
Avikkhambhite	313	Avhānānabhinandanā	95
Avikkhipamānā	108	Asaṃvāsāraho	85
Avikkhepaṃ	317	Asakkontena	197
Avikkhepalakkhaṇo	108	Asaṅkhataṭṭho	257
Avikkhepāya	170	Asajjamāno	234
Avikkhepena	78	Asadisarūpo	410
Avighātī	87	Asantaṃ	51
Avicalādhīṭṭhānā	391	Asantaḡuṇadīpanakāmassa	52
Avicalāya	391	Asantuṭṭhitā	128
Avijjā	221	Asabalāni	281
Avitakkavicāramatto	109	Asamaṅgitā	220
Avitakkasahagatā	114	Asamasamo	244
Avitakkāvicāro	109	Asamāhito	76
Avinibhuttaṃ	442	Asamo	244

Padānukkamo	Piṭṭhaṅko	Padānukkamo	Piṭṭhaṅko
[ A ]		[ A ]	
Asampajānassa	334	Assādeti	83
Asambhinnakālakā	305	Assāsapassāsavasena	442
Asambhinnakhīrapāyāsaraṁ	70	Assāso	317
Asambhinnaṅgāni	105	Assutavato	382
Asammussanarasā	187	Ahitaraṁ	358
Asammūlho	30	Ahitakāmaṇi	43
Asammohatthā	203	Ahetukadvihetuka-	
Asammohatthāya	391	paṭisandhikā	199
Asammoho	187	Aho vata	419
Asitaraṁ	307	Aho suṭṭhu	374
Asilokabhayena	225	Aḷāra	360
Asīlino	86		
Asukharaṁ	191	[ Ā ]	
Asukhāsevanā	112	Ākaṅkheyya	30
Asucisaṅkassarasaṁmācārassa	86	Ākāraṁ	176
Asubhakammaṭṭhānaṁ	312	Ākārato	224
Asubhanimittatthāya	202	Ākārena	428
Asubhappabhedo	215	Ākārehi	444, 445
Asubhasaññaṁ	48	Ākāro	273
Asubhasaññāya	424	Ākāsaṁyeva	396
Asubhā	133	Ākāsanimittagocare	389
Asurabhavanaṁ	243	Ākāsatikkamato	411
Asekkharaṁ	32	Ākiṅcaññāyatanaraṁ	404
Asecanako	312	Āgatāgamā	141
Asoko	290	Āgamanakāle	208
Asmimānasamugghātāya	133	Āgamanavasena	172
Assaddhāni	42	Āgamabyattito	275
Assamaṇassa	86	Āgilāyati	308
Assasati	316	Āghātavinayapaccupaṭṭhānā	379
Assasanti	318	Ācariyamaggo	118

Padānukkamo	Piṭṭhaṅko
[ Ā ]	
Ācariyamatiko	120
Ācariyamatto	353
Ācariyuggaho	327
Ācāmo	308
Āciṇṇārammaṇaṃ	315
Ājīvakāraṇā	51
Ājīvahetu	51
Āṇigaṇṭhikāhato	129
Ātāpī	15
Ādānato	343
Ādānassa	80
Ādāya	46
Ādi	209
Ādikaṃ	253
Ādikalyāṇo	269
Ādito	331
Ādittaṃ	85
Ādittāya	66
Ādibrahmacariyakam	31
Ādīnavam	370
Ādīnavānisamsadassanaṃ	71
Ādīnavo	350
Ādhānaggāhitā	128
Ādhipateyyaṭṭho	257
Ānantariyakammasamaṅgino	199
Ānāmanā	325
Ānāyanaṃ	166
Ānāpānapabbam	298
Ānāpānapariggāhikāya	312
Ānāpānassati	133

Padānukkamo	Piṭṭhaṅko
[ Ā ]	
Ānāpānassatiyā	325
Ānisadaṃ	305
Ānubhāvena	108, 286
Āneñjātā	398
Āpaṃ	74
Āpāṇakoṭikam	31
Āpāthakajjhāyī	54
Āpāyikāni	39
Āpīyati	444
Āpokasiṇam	195
Āporasānugatabandhanānaṃ	289
Ābandhanaṃ	347, 433
Ābādhaṭṭhena	59
Ābhisamācārikam	31-2
Ābhogapaccavekkhaṇa- rahitā	439
Ābhogābhāvato	389
Ābhogo	323
Āmakasusānaṃ	359
Āmuttamuttāhāro	369
Āyatane	460
Āyatim	60
Āyabhūta	299
Āyācitadhammadesanaṃ	386
Āyu-antaraṃ	346
Āyudubbalato	289
Āyūhanaṃ	186, 309
Āyūhanaṭṭho	257
Āyūhanassa	80



Padānukkamo	Piṭṭhaṅko	Padānukkamo	Piṭṭhaṅko
[ Ā ]		[ Ā ]	
Ārakā	220	Āvajjanānantarāni	180
Ārakkhagocaro	44	Āvajjetvā	433
Ārakkhadukkhābhāvo	92	Āvatthikaṃ	251
Ārakkhapaccupaṭṭhānā	187	Āvāso	116
Āraddhaṃ	297	Āveṇiko	312
Āraddhavīriyatāya	211	Āsanapūjaṃ	196
Āraddhavīriyapuggala- sevanatā	157	Āsanne	93
Āraddhavīriyo	12	Āsayam	177
Ārabbha	218	Āsayaposanaṃ	165
Ārammaṇaṃ	101, 286	Āsayo	305
Ārammaṇe	315	Āsīsetheva	359
Ārammaṇapariggahūpāyaṃ	316	Āsevanāya	81
Ārammaṇavisabhāgatāya	376	Āsevitakammaṭṭhāno	206
Ārādhayanto	98	Āsevitāya	361
Ārādhemi	70	Āhacca	290
Āruppā	383	Āhananaṃ	166
Āruppe	393	Āharati	413
Ārogyaṃ	290	Āharahatthako	59
Ārocayāmi	86	Āharitvā	94
Ālayābhiniveso	80	Āhare	74
Āliṅgetvā	85	Āhavanaṃ	280
Ālimpeti	303	Āhāraṃ	57
Ālimpetvā	195	Āhāraṭṭhitikā	237
Ālokaṃ	199	Āhārova	416
Ālokasaññāya	78	Āhito	360
Āloko	393	Āhuneyyo	280
Āloḷayamāno	127		
Āvajjato	339	[ I ]	
Āvajjanavasī	178	Ichchāpakato	51
		Ichchīṃ	359

Padānukkamo	Piṭṭhaṅko	Padānukkamo	Piṭṭhaṅko
	[ I - Ī ]		[ U ]
Icchitaṃ	256	Ukkuṭikaṃ	127
Ijjhanti	286	Ukkūlaṃ	178
Ijjhissati	161	Uggaṇhanto	203
Īñjanā	325	Uggaṇhāti	176
Īñjanāya	329	Uggaho	327
Īñjitā	329	Uggahato	416
Īṭṭhānaṃ	381	Uggahanimittaṃ	208
Īṭṭhāniṭṭhaviparītānubhavana-		Uggahitakammaṭṭhānassa	138
lakkhaṇā	191	Uggahetvā	416
Īṇaparibhogo	72	Ugghāṭeti	395
<b>Īti</b>	3, 59, 219	Ugghāto	458
Ittaraṃ	318	Uccinitvā	52
Itthipurisanimittaṃ	47	Ucco	242
Iddhiyā	248	Ucchaggaṃ	195
Indakhīlā	97	Ucchādanaṃ	83
Indriyāni	68	Ujūṃ	9, 45
Iriyaṃ	169	Uju	279
Iriyati	40	Ujugatameva	265
Iriyāpathasaṅkhātāṃ	54	Ujjaṅgalaṃ	129
Iriyāpathasampanno	44	Ujjāletukāmo	154
Isivātaṭṭhivātāni	43	Uṭṭhahitvā	302
Issā	84, 128	Uṭṭhitamaṇḍalasadisaṃ	197
Īsakampi	364	Uṇhabhāvo	433
Īsadharo	242	Utu	455
Īsitā	256	Ututtayānukūlaṃ	315
	[ U ]	Utupariṇāmanavasena	56
Ukkaṃ	303	Utuvikāro	308
Ukkamma	204	Utuvisaḥhāgo	308
Ukkarūpamo	217	Uttama-ariyavaṃsiko	69
		Uttarakuru	243

Padānukkamo	Piṭṭhaṅko	Padānukkamo	Piṭṭhaṅko
[ U ]		[ U ]	
Uttaramāno	423	Upacārabhūmiyaṁ	111, 147
Uttari	36, 71	Upacārāni	161
Uttarimanussadhammaṁ	51	Upacārena	313
Uttānamukho	357	Upacchinditvā	116
Uttāreti	247	Upacchedo	287
Utrasto	68	Upaṭṭhapetabbaṁ	357
Udakacikkhalle	419	Upaṭṭhākakulaṁ	116
Udakapaṭṭanaṁ	140	Upaṭṭhāti	206, 213
Udake	248	Upaṭṭhānaṁ	320
Udayaṁ	337	Upaṭṭhānaṁ sati	319
Udarajivhāmaṁsaṁ	307	Upaṭṭhānasālā	53
Udarantaraṁ	207	Upaṭṭhitā	317
Udarapariyosānaṁ	207	Upaṭṭhito	74
Udaravātābādho	70	Upaḍḍhupadaḍḍhena	242
Uddaṇḍo	53	Upadhāraṇaṁ	27
Uddisantena	99	Upadhāretabbaṁ	207
Uddisāpentena	99	Upadhiviveko	257
Uddeko	308	Upanayanaṁ	277
Uddesatthaṁ	116	Upanāmetabbaṁ	213
Uddhaccaṁ	128	Upanāho	84, 128
Uddhaccakukkucaparetam	170	Upanijjhāyati	84
Uddhatam	157	Upanibandhagocaro	44
Uddhanaakoṭi	306	Upanibandhati	45, 209
Uddhumātattā	201	Upanibandhanattho	203
Unnamanti	362	Upanibandhanānimittaṁ	332
Unnahanā	54	Upanibandhitvā	138
Unnādayanto	68	Upanisā	34
Upakkamena	286	Upanissayagocaro	44
Upaghātaṁ	391	Upanissayatā	388
Upacārappanāvahato	130	Upanissayasampattiṁ	247

Padānukkamo	Piṭṭhaṅko	Padānukkamo	Piṭṭhaṅko
[ U ]		[ U ]	
Upanissaye	168	Uppannassa	155
Upanissayo	18	Uppannā	387
Upanetabbassa	275	Uppātaṃ	55
Upapajjanti	129	Uppādaṃ	186
Upapatti	415	Uppādakamanasikāro	156
Upapattito	184	Uppādanto	399
Upabrūhanāṃ	169	Uppādāya	155
Uparamatthaṃ	59	Uppādo	343
Uparijhānaṅgāni	165	Uppilāvitaṃ	184
Uparujjhati	290	Uppīlanahattho	167
Upasaṃharati	309	Ubbatṭati	395
Upasaṃharaṇato	288, 291	Ubbāḷhassa	204
Upasaṃharitabbaṃ	354	Ubbijjitvā	87
Upasamaṃ	218	Ubhatokoṭivaseneva	432
Upasamagarukena	349	Ubhatodaṇḍakaṃ	355
Upasampajja	169	Ubhatopadittaṃ	356
Upahataṃ	86	Ubhatobyañjanatapaṇḍakā	199
Upahataṭṭā	418	Ubhatobyūḷhe	361
Upādānakkhandhā	239	Ummīletvā	208
Upādāya	367	Ure	369
Upekkhanā	55	<b>Ula</b>	89
Upekkhā	319	Ullapati	51
Upekkhānimittaṃ	48, 185	Usumajāto	430
Upekkhānubrūhanā	171	Usumākārabhūtā	448
Upekkhābhāvanāṃ	374	Ussadavasena	212, 304
Uposathatthāya	99	Ussannaṭṭā	121
Uposathikaṃ	93	Ussukkanāya	178
Uppattimūlaṃ	70	[ Ū ]	
Uppattivasena	170	Ūrubaddhāsanāṃ	316
Uppannaṃ	26		

Padānukkamo	Piṭṭhaṅko	Padānukkamo	Piṭṭhaṅko
[ E ]		[ O ]	
Ekaggataṃ	317	Okāsādhigamo	286
Ekaggatā	459	Okāsādhigamanayena	459
Ekacariyanivāseṇa	291	Okāse	214, 421
Ekacittakkhaṇikaṃ	295	Okkamanavissajjanaṃ	301
Ekacittasamāyuttā	295	Okkamituṃ	200
Ekattārammaṇe	170	Okkhittacakkhu	45
Ekapadampi	327	Okkhittalocano	96
Ekabuddhantare	280	Oghaṃ	12
Ekabhavapariyāpannassa	287	Ocarakā	355
Ekarasā	175	Ojavanto	313
Ekasaṅgītikassa	90	Oṭṭhapariyāhatamattaṃ	432
Ekasattassa	385	Otaritvā	309
Ekasadisāṃ	208	Odakaṃ	290
Ekānusandhikaṃ	268	Odagyaṃ	168
Ekāyanamaggaṃ	250	Odarikattaṃ	97
Ekāyano	12	Odhisso	351
Ekāvajjana	213	Onamati	333
Ekāsane	89	Opaneyyiko	268
Ekībhāvasukhattaṃ	63	Opānabhūtāni	43
Ekībhāvo	187	Obhaggā	307
Ekekapaduddhāreṇa	229	Obhāsayāṃ	248
Eritaṃ	196	Obhāso	54
Evarūpe	421	Oluggaviluggaṃ	129
Esanto	369	Oloketuṃ	102
Ehipassiko	268	Oloketvā	208
[ O ]		Ohitasoto	357
Okappetvā	357	Oḷārikattā	375
Okappento	153	Oḷārikārammaṇattā	312
Okāsaddhānaṃ	318	Oḷigallāni	419
Okāsaloko	237		

Padānukkamo	Piṭṭhaṅko	Padānukkamo	Piṭṭhaṅko
[ Ka ]		[ Ka ]	
Kaṁse	326	Kampanaṁ	378
Kakacena	331	Kammaṁ	11, 176
Kakkhaḷaṁ	429	Kammakkhayakaraṁ	221
Kaṅkhaṁ	45	Kammajatihetuka-	
Kacchako	204	paṭisandhipaññāya	14
Kaṭakaṭāyanti	309	Kammaññaṁ	303
Kaṭiṭṭhino	306	Kammaṭṭhānaṁ	209
Kaṭisandhi	207	Kammaṭṭhānāni	130
Kaṭṭhatthaṁ	356	Kammaniyaṁ	204
Kaṭṭhamukhena	451	Kammaphacetanā	26
Kaṇṭakattānaṁ	204	Kammavaṭṭaṁ	223
Kaṇṇantaraṁ	207	Kammasamuṭṭhānānaṁ	456
Kaṇhadhammānaṁ	283	Kammassakatā	358
Kaṇhasukkasappaṭibhāgā	155	Kammūpacayo	60
Kaṇhā	155	Kayirātha	267
Katakammā	202	Karajarūpasamaṅgikālo	394
Katapaṭikammaṁ	35	Karajarūpe	393
Katasabbakiccena	437	Karuṇaṁ	370
Katā	347	Karoti	204
Katākate	117	Kalaṁ	291
Katimī	209	Kalaho	393
Kattabbābhāvato	385	Kalāpato	443
Kathā	34	Kalāpasammasanavaseneva	406
Kantānaṁ	381	Kalyāṇamitto	45
Kantāraṁ	169	Kalyāṇo	29
Kantāro	247	Kasambujātassa	86
Kapītano	204	Kasiṇadosā	144
Kabarakabaravaṇṇaṁ	212	Kasiṇānaṁ	383
Kabaḷikārāhāro	413	Kasiṇāni	230
Kamo	385	Kasiṇugghāṭimaṁ	399

Padānukkamo	Piṭṭhaṅko	Padānukkamo	Piṭṭhaṅko
[ Ka ]		[ Ka ]	
Kasiṇeyeva	200	Kāyikavācasiko	41
Kākamāsako	59	Kāyiko	41
Kāmaṃ	354	Kāye	218
Kāmaguṇālayā	347	Kāyo	322
Kāmaguṇūpasamhitam	37	Kāraṇam	22
Kāmaguṇehi	84	Kāraṇavasena	46
Kāmadhātuppahānāya	170	Kāraṇena	116
Kāmadhātusamatikkamanato	163	Kālataram	95
Kāmanissaraṇe	144	Kālapariyantam	31
Kāmapipāsā	347	Kālamaraṇam	287
Kāmabhava	221	Kāliko	277
Kāmarāgapaṭipakkhato	163	Kālena	74
Kāmarāgena	67	Kālenakālam	303
Kāmasahagatā	114	Kāsāvapajjotāni	43
Kāmā	164	Kāsiraññā	359
Kāyagginā	423	Kāḷavallī	204
Kāyacittadarathā	265	Kimasukam	217
Kāyañca	337	Kikīva	65
Kāyaduṭṭhullam	177	Kiccakārī	74
Kāyaparihārikena	93	Kittisaddo	29
Kāyabalam	59	Kimikulānam	292
Kāyabahusādhāraṇato	289	Kimiparipuṇṇassa	201
Kāyavaṇo	215	Kilantarūpo	127
Kāyaviveko	257	Kilamati	351
Kāyasakkhiṃ	117	Kilesamāro	255
Kāyasaṅkhāram	322	Kilesā	113
Kāyasaṅkhārā	324	Kilesārayo	220
Kāyasaṅkhārehi	325	Kilesindriyavasena	112
Kāyassa	30	Kīṭakulāvakaṃ	305
Kāyānupassanā	320	Kīḷatam	330

Padānukkamo	Piṭṭhaṅko	Padānukkamo	Piṭṭhaṅko
[ Ka ]		[ Ka ]	
Kīlāgoḷakāni	306	Kevalā	295
<b>Ku</b>	89	Koṭiyo	330
Kukkuccaṃ	128	Koṭṭhamatthakapassaṃ	440
Kujjhasi	358	Koṭṭhāsanimittārammaṇāya	218
Kuṭṭadārūsu	440	Kodhanaṃ	356
Kunnadīnaṃ	289	Kodhapareto	356
Kupitena	430, 451	Kodhūpanāhādīhi	281
Kumbhakārika-uddhanaṃ	306	Kodho	84
Kumbhimukhādīnaṃ	396	Korajikakorajiko	53
Kulaṃ	116	Kosakārakakoso	305
Kulagehaṃ	101	Kosajjanimmaddanā	94
Kulūpakādīnavā	95	[ Kha ]	
Kusaladhamme	75	Khaggasiṅgasamūpamā	291
Kusalākusalā	155	Khaṇaparittato	289
Kusalānaṃ	18	Khaṇabhaṅgasaṅkhātāṃ	287
Kusalāni	29, 103	Khaṇabhaṅgena	344
Kusalo	176	Khaṇikacittekaggatā	342
Kusītapuggalaparivajjanatā	157	Khaṇikattā	358
Kuhakakuhako	53	Khaṇikamarāṇaṃ	287
Kuhanavattu	52	Khaṇikā	168
Kuhanā	38	Khaṇeneva	313
Kuhāyanā	54	Khaṇḍaṃ	83
Kuhito	54	Khataṃ	86
Kūṭagoṇo	315	Khanti	350
Kūṭadhenu	315	Khantibalaṃ	350
Kedārakoṭiyā	202	Khandhamāro	255
Kerāṭīkapakkhaṃ	153	Khantiyā	92
Kevalaṃ	131	Khantisamvaro	26
Kevalaparipuṇṇaṃ	275	Khantiyā	350



Padānukkamo	Piṭṭhaṅko	Padānukkamo	Piṭṭhaṅko
[ Kha ]		[ Ga ]	
Khamanti	391	Gaṇṭhiṭṭhānaṁ	139, 304
Khamo	26	Gaṇhantena	145
Khayaṭṭhena	453	Gatā	279
Khayavirāgo	344	Gatiṁ	186
Khayo	344	Gadhito	422
Kharabhāvo	433	Gantabbataṁ	276
Kharasamphassaṁ	129	Gandhaharaṇatthaṁ	423
Kharigataṁ	429	Gabbhe	289
Khalaṁ	140	Gamanato	417
Khalamaṇḍale	143	Gamanapaṭikkūlaṁ	419
Khalupacchābhattikaṅgaṁ	106	Gamanavidhānaṁ	202
Khāṇukaṇṭakamaggo	418	Gamanāgamasampannaṁ	141
Khādeyya	359	Gamaṇīyo	293
Khāyati	204	Gamanena	236
Khāyitaṁ	307	Gambhīraṇāṇacariya-	
Khāyitasadisameva	213	paccavekkhaṇā	156
Khārikehi	176	Gambhīratāya	266
Khittaṁ	201	Gambhīrā	273
Khipanā	55	Gambhīro	348
Khuddikā	168	Garu	30, 353
Khemaṁ	9, 348	Garukaṁ	100, 334
Khemantabhūmiṁ	247	Garukattā	454
Kheḷuppattipaccaye	442	Garucittikārabahulo	44
<b>Kho</b>	83	Garuḷānaṁ	242
[ Ga ]		Galakaṇcukaṁ	305
Gaggarāya	247	Gahaṇato	130
Gaṅgāvahe	143	Gahaṇabhāvaṁ	29
Gaccha	420	Gahitanimitteneva	168
Gajjamānako	369	Gahetabbāni	132
		Gahetvā	176
		Gāmadvāre	419

Padānukkamo	Piṭṭhaṅko	Padānukkamo	Piṭṭhaṅko
[ Ga ]		[ Ca ]	
Gāmamaggaṃ	418	<b>Ca</b>	52, 65
Gāravayutto	251	Cakkavāḷaṃ	241
Gāravādhivacaṇaṃ	253	Cakkhudvārādīpavattassā	66
Gāhetvā	92	Cakkhubhūtehi	217
Gāḷhathaddhavisamakārī	127	Caṇḍamaṇḍalaṃ	243
Giddho	422	Catukkajjhānikā	130
Gilānapaccayabhesajja- parikkhārā	52	Catukkajjhāne	192
Guṇaṃ	369	Catukkabhede	114
Guṇadassanasabhāgatāya	380	Catujhānaṅgavasena	110
Guṇe	285	Catutimsasatāni	241
Guttadvāro	44	Catudhātukammaṭṭhāniko	210
Guhā	53	Catupaccayaparibhogo	38
Gūthagataṃ	356	Catumahāpathe	427
Gedhamhā	286	Catumahābhūtikaṃ	298
Gehasitaṃ	381	Catuvesārajjavīsārado	8
Goghātako	427	Candanikā	309
Gocaramukhe	335	Candanikāni	419
Gocarō	42	Candālokaṃ	346
[ Gha ]		Candūpamatā	95
Ghaṃsento	134	Camarīva	65
Ghaṭati	321	Caritaṃ	240
Ghaṭikaṃ ghaṭikaṃ	195	Carimakānaṃ	345
Ghaṭitaḡhaṭitaṭṭhānavasena	213	Cariyānukūlato	130
Ghaṭitabbaṃ	355	Care	70
Ghaṭṭayanto	43	Careyya	293
Ghaṇḍābhigghāto	167	Cāgādhimuttēna	282
Ghanajālāya	195	Cāgādhimutto	284
Ghanabhāvarāgino	215	Cāṭukamyataṃ	41
Ghanasaññāya	80	Cātuddiso	94
Gharājire	168	Cātumahābhūtīkassa	58

Padānukkamo	Piṭṭhaṅko	Padānukkamo	Piṭṭhaṅko
[ Ca ]		[ Ca ]	
Cātumahārājikā	284	Cetaso	212
Cāturiyena	127	Cetiyarukkho	98
Cānuro	291	Cetokhīlāni	254
Cāpalyaṃ	128	Cetovimuttiyā	361
Cārayamāno	289	Codanāsodhanāhi	324
Cārittaṃ	31	Corakantāraṃ	247
Cāretvā	207	Corāṭaviyaṃ	212
Cārentassa	209	[ Cha ]	
Ciṇṇavasina	178	Chaṭṭhepi	162
Ciṇṇavasībhāvena	399	Chandaṃ	200
Cittaṃ	14, 389	Chandarāgo	164
Cittapariggaṇhanakālo	359	Chandavasena	319
Cittapaṭibaddhā	341	Chando	164
Cittabhaṅgā	296	Chabbaṇṇarasmi	359
Cittabhāvanāvepullatthaṃ	177	Chavālātaṃ	85, 356
Cittavivekādayo	164	Chāto	359
Cittaviveko	257	Chiddaṃ	83
Cittasaṅkhārā	341	Chiddāvachiddaṃ	216
Cittasaññattatthāya	203	Chindassu	358
Cittena	47	Chinditvā	304
Citrageṇḍuko	168	Chinnaṭṭhāne	304
Cuṇṇato	443	Chinnapurisaṭṭhāne	212
Cuṇṇavicuṇṇaviṣaṭe	321	Chinnasāṭake	83
Cuṇṇavicuṇṇāpi	318	Chinnasāṭako	281
Cuticirimakā	346	[ Ja ]	
Cuticittassa	346	Jaṅghaṭṭhikassa	306
Cūḷodaramahodarā	245	Jaṅghapesanikaṃ	41
Cetanā	25	Jaññasāṅkhātaṃ	77
Cetasā	199	Jaññā	74
Cetasikaṃ	25		

Padānukkamo	Piṭṭhaṅko	Padānukkamo	Piṭṭhaṅko
[ Ja ]		[ Ña ]	
Jatukā	418	Ñatvā	224
Janakapaccayo	456	Ñāṇacariyāhi	460
Jambudīpo	243	Ñāṇadassanapaṭilābhāya	297
Jarāmarāṇaṃ	289	Ñāṇapharasuṃ	221
Jarāmarāṇanemi	220	Ñāṇavīriyabalena	291
Jalaṃ	248	Ñāṇasaṃvaro	26
Jaḷo	357	Ñāṇuttaro	206
Jāgariyaṃ	44	Ñātaṭṭhena	224
Jātiṃ	186	Ñāteyyaṃ	236
Jātikantāraṃ	247	Ñāyehi	252
Jānato	339	Ñāyo	279
Jānitvā	63		
Jālakaṅcuko	306	[ Tha ]	
Jīyanti	292	Ṭhapanā	327
Jīrati	430	Ṭhabetuṃ	180
Jīvitaṃ	295	Ṭhapemi	121
Jīvitakkhaṇo	295	Ṭhānaso	292
Jīvitaparikkhārā	64	Ṭhitako	44
Jīvitapariyādānā	201	Ṭhiti	58
Jīvitaṃ	11	Ṭhitibhāgiyo	113
		Ṭhitiyā	58
[ Jha ]		[ Da ]	
Jhānaṃ	11	Ḍaṃsā	57
Jhānaṅgāni	212	Ḍaḍḍhappadesaṃ	91
Jhānapaññāvasena	11	Ḍayhāmi	67
Jhānapaṭipakkhato	165	Ḍahanasamatthatā	198
Jhānapaṭilābhena	338		
Jhānapabbhedato	130	[ Ta ]	
Jhānavibbhantako	208	Taṃdivasaṃ	282
Jhānavimokkha-		Takkayati	202
paccavekkhaṇatā	158		

Padānukkamo	Piṭṭhaṅko	Padānukkamo	Piṭṭhaṅko
[ Ta ]		[ Ta ]	
Tacaparicchinnam	298	Tādiso	321
Tajjam	337	Tādī	19
Taṇhā-avijjāvasena	112	Tārakarūpaṃ	335
Taṇhādāsabyato	282	Tāreti	247
Taṇhānissayo	33	Tālaḡuḡapaḡalam	306
Taṇhānissitaṃ	33	Tālaveḡimaggo	91
Taṇhuppādā	254	Tālumattakavivarena	309
Tattāya	66	Tāvatiṃsā	284
Tathattaṃ	173	Tikacatukkajjhānikesu	130
Tathattāya	269	Tikkhindriye	241
Tathāpaḡipanno	270	Titthiyasāvakā	42
Tathābhūtaṣṣa	321	Titthiyā	42
Tadaṅgavivekādayo	164	Tibhavarathe	220
Tadaṅgappahānavasena	21	Timattāni	306
Tadadhigamāya	184	Tiyāmarattim	328
Tadantaram	294	Tirokuḡḡā	84
Tanuṃ	103	Tiropākārā	84
Tantidharo	120	Tilakkhaṅabbhāhataṃ	147
Tannissaraṅam	163	Tilapiḡḡham	101
Tannissitaṃ	411	Tisantatimahābhūtānaṃ	456
Tapo	84	Tīraṅam	187
Tappaccayaṃ	85	Tuḡḡhabbaṃ	102
Tappaḡibhāgameva	394	Tunnakammaṃ	141
Tabbhāgiyañṅeva	203	Tuvaḡakapaḡipadaṃ	117
Taruṅaputtā	68	Tusibhā	284
Taruṅaṅṅavikāradassanena	99	Tūṅiro	305
Tāṅam	348	Tejati	444
Tādino	94	Tejanavasena	430
Tādibhāvāvahanato	19, 270	Tejo	442
Tādibhāvo	19	Tejodhātu	427

Padānukkamo	Piṭṭhaṅko	Padānukkamo	Piṭṭhaṅko
[ Ta ]		[ Da ]	
Temayamāne	441	Dadhimuttam	309
Tementam	441	Dantakaṭṭham	41
Teladhotāya	86	Dantagūthako	420
Telena	161	Dantapāḷiyā	305
[ Tha ]		Dantasampattirāgino	215
Thaddhabhāvo	433	Dantepi	246
Thaddhalakkhaṇam	432	Dandham	294
Thaddhākāram	127	Dandhābhiñño	109
Thaddho	439	Dandhāyitattam	178
Thanānam	440	Dandho	125
Thambho	84	Dabbajātikena	217
Thalaṭṭhānam	213	Dabbihomam	55
Thalapaṭṭanam	140	Dameti	245
Thāmagatāya	185	Dametum	245
Thāmajātāni	148	Darīmukhe	129
Thāmamahattato	291	Dasakathāvatt huguṇasamannā-	
Thinam	128	gato	45
Thutakitti	214	Dasanto	369
Thullakumārikā	42	Dasabaladharo	8
Theyyaparibhogo	72	Dasavassikena	421
Therā	141	Dasasatalocanena	214
Thokam	327	Dassanaṭṭho	257
[ Da ]		Dalham	315
Dakkhiṇahatthasandhi	206	Dalhīkammam	141
Dakkhiṇā	281	Dānam	282
Dakkhiṇāgiri	139	Dāyādā	73
Daṇḍādānam	393	Dārunā	140
Daṇḍābhighātādirūpanimittam	389	Diṭṭhadhammasukhavihāro	459
		Diṭṭhapubbasampattīnam	288
		Diṭṭhārammaṇavasena	168

Padānukkamo	Piṭṭhaṅko	Padānukkamo	Piṭṭhaṅko
[ Da ]		[ Da ]	
Diṭṭhinissayo	33	Duppaññapuggalaparivajjanā	156
Diṭṭhekaṭṭhānaṃ	80	Duppaññā	200
Diṭṭhena	132	Dupparihārā	119
Dibbacakkhunā	199	Dubbaṇṇaṃ	129
Dibbavihāro	257	Dubbaṇṇo	85
Disā	246	Dubbalattā	216
Disāmukhaṃ	129	Dubbisodhano	85
Dīghaṃ	317	Dubbhikkhakantāraṃ	247
Dīpaṃ	348	Duranubodho	348
Dukkhaṃ	221	Durupetaṃ	371
Dukkhanti	309	Durūpaṃ	129
Dukkhasamphasso	85	Duviññeyyā	191
Dukkahetu	358	Duvūpasamayaṃ	157
Dukkhādānato	445	Dussavaḍḍhanaṃ	177
Dukkhādānato	445	Dussīlassa	86
Dukkhādhivāsanasamattho	266	Dussīlyavidhamsanarasam	28
Dukkhāpaṭipadādandhābhiñño	110	Devaññatāro	33
Dukkhāpaṭipado	109	Devatāhi	99
Dukkhito	85	Devadevo	7
Dukkhindriyaṃ	189	Devaputtamaccumāraṃ	255
Duggataṃ	371	Devaputto	5
Duggandhiyaṃ	77	Devā	7, 284
Duccaritaṃ	21	Devo	33
Ducchannaṃ	66	Desanā	273
Duṭṭhassa	191	Desanānayanissitaṃ	10
Duṭṭhitā	411	Desanāsuddhi	73
Duṭṭho	125	Dehabandhena	290
Dutiyaṃ	194	Doṇamattā	447
Dutiyena	165	Dolā	330
Duppaṭinissaggitā	128	Dosaniyame	123

Padānukkamo	Piṭṭhaṅko
[ Da ]	
Dosuppādena	358
Dosūpanissayappahānattham	57
Dosetukāmo	358
Dravabhāvo	433
Dvattiṃsākārā	230
Dvattikkhattum	423
Dvayaṃdvayasamāpattim	83
Dvārāni	423
Dvārārammaṇasaṅghaṭṭe	47
[ Dha ]	
Dhanukadaṇḍo	306
Dhanuggaho	176
Dhanena	291
Dhamamānāya	337
Dhammam	33
Dhammakāyasampatti	255
Dhammatṭhitiññaṃ	223
Dhammatāya	346
Dhammatāsīlam	37
Dhammadharā	141
Dhammarasaṃ	94
Dhammaraso	253
Dhammavavatthānena	78
Dhammavedaṃ	285
Dhammasabhāva- paccavekkhaṇena	151
Dhammānurūpā	54
Dhammūpasamhitam	285
Dhammo	11, 273
Dhātu	196

Padānukkamo	Piṭṭhaṅko
[ Dha ]	
Dhātukammaṭṭhānikassa	427
Dhātucariyānukūlam	315
Dhātunidhānaṭṭhānam	116
Dhātumanasikāro	426
Dhātuyantaṃ	448
Dhātuvinibbhogo	361
Dhātuvisabhāgo	308
Dhātuso	428
Dhāretum	398
Dhāvanti	246
Dhiratthu	77
Dhīro	336
Dhutakilesattā	90
Dhutaṅgam	103
Dhutaṅganiyamānulomena	69
Dhutaṅgasamādānam	88
Dhutaṅgasuddhikena	98
Dhutavādo	52
Dhutādīnam	88
Dhurabhataṃ	93
Dhuvaṃ	348
Dhuvaḍāho	101
Dhuvarodanam	101
Dhuvasaññāya	80
[ Na ]	
Nakhapattāni	305
Nagaraṃ	140
Nagaraparikkhārehi	63



Padānukkamo	Piṭṭhaṅko	Padānukkamo	Piṭṭhaṅko
[ Na ]		[ Na ]	
Nagavhayā	242	Nānāsanabhojanaṃ	95
Naṭā	57	Nālakapaṭipadam	117
Naccakā	57	Nāsaññaṃ	406
Natthitā	239	Nāsīsati	237
Natthibhāvampi	404	Nāḷiṃ	161
Nadīviduggaṃ	178	Nikantiṃ	180
Nadīsamuddanittaraṇatthikā	59	Nikanti	414
Nantakāni	52	Nikantibhayaṃ	415
Nandito	343	Nikāmeti	83
Nandiyā	79	Nikāyantare	280
Nabhaṃ	290	Nikkaraṇatāya	370
Namanti	362	Nikkhantaṃ	286
Nayo	127	Nikkhantaṇāsikavāte	292
Navavedanā	60	Nikkhante	292
Nahutāni	241	Nikhaññaṃāno	359
Nāgo	359	Niggaṇhāti	304
Nāccāsannaṃ	141	Nigghāto	458
Nātidūraṃ	140	Niccaṃ	391
Nātiṣaṇikato	434	Niccanavakatā	95
Nātiṣiḡhato	434	Niccapavattadānaṃvibhāgo	282
Nātiṣubhāvito	110	Niccabyāvaṭo	117
Nānaccayehi	176	Niccasaññaṭo	343
Nānattaṃ	362	Niccasaññaṭāya	79
Nānattekattato	443	Nijanasambādhanī	418
Nānākaraṇaṃ	210	Nijigīsanaṭā	55
Nānādisāyaṃ	212	Niṭṭhitāya	139
Nānārasaṇhāvīnodanaṃ	96	Nittāreti	247
Nānāvajjane	189	Nittaraṇatthāya	275
Nānāvattthehi	216	Nidānaṭṭho	257
		Nidānena	268

Padānukkamo	Piṭṭhaṅko	Padānukkamo	Piṭṭhaṅko
[ Na ]		[ Na ]	
Niddeso	273	Nimittaggāho	66
Nidhānaṃ	421	Nimittaṭṭhānaṃ	204
Ninnaṭṭhānaṃ	213	Nimittābhimukhaṃ	161
Nipako	15	Nimitte	399
Nipajjitvā	127	Nimmadā	347
Nipuṇamadhurasama- sakkaccakārī	127	Nimmānaratino	284
Nipuṇo	348	Niyatapayojanaṃ	57
Nippapañcam	348	Niyatamicchādiṭṭhikā	199
Nippesikatā	38	Niyāmaḥ	161
Nipphoṭṭhā	290	Niyyānaṭṭho	257, 316
Nibandhati	336	Niyyānikattābhāvato	275
Nibandheyya	315	Nirantaraṃ	170
Nibbattiṃ	186	Nirasaṃ	307
Nibbāti	355	Nirāmisasannidhitā	97
Nibbānaṃ	460	Nirāmisasalākā	94
Nibbānānurūpāya	275	Nirutti	273, 274
Nibbāpanaṃ	67	Niruddhaṃ	381
Nibbāyati	317	Niruddhā	295
Nibbikappaṃ	214	Nirupakkilesato	275
Nibbidāṃ	36	Nirojaṃ	307
Nibbidā	34	Nirodhato	236
Nibbidānupassanāya	79, 343	Nirodhapajānaṃ	229
Nibbidāya	393	Nirodhā	397
Nibbindati	11	Nirodhānupassanāya	79
Nibbindanto	337	Nirodhāya	393
Nibbisā	245	Nirodhūpāyato	236
Nibbedhabhāgiyatā	114	Nirodhento	325
Nibbhayena	381	Nilīyati	422
Nimittaṃ	55, 131, 209	Nilīyanti	420
Nimittaggāhaṃ	209	Nisadapoto	306

Padānukkamo	Piṭṭhaṅko	Padānukkamo	Piṭṭhaṅko
[ Na ]		[ Pa ]	
Nissaṅgatā	100	Pakatipi	36
Nissandato	417	Pakatimajjhatto	375
Nissandamāno	422	Pakatiyā	282
Nissando	383	Pakativipassako	406
Nissayavihāraṃ	283	Pakatisīlaṃ	37
Nissaraṇaṃ	138, 163	Pakāsaṇaṃ	271
Nissaraṇaṭṭho	257	Pakkhandam	168
Nissaraṇattā	385	Pakkhandati	389
Nissāya	60	Pakkhandanapaṭinissaggo	344
Nissitaṃ	31	Pakkhandantena	202
Nissito	411	Pakkhikaṃ	93
Nīlāni	99	Pakkhittakāyo	127
Nīvaraṇavikkhambhanaṭo	270	Pakkhipantepi	360
Nīharitvā	419	Pakkhī	93
Nekkhammaṃ	138	Paguṇavasena	365
Nekkhammapaṭipadaṃ	159	Paguṇatatiyajjhānā	374
Nekkhammena	78	Paggaṇhāti	304
Nemittikaṃ	251	Paggharati	448
Nemittikatā	38, 54	Paggharamānakāle	213
Nerayikaṃ	358	Paṅguḷo	330
Nevasaññā	405	Pacurattho	356
Nevasekkhanāsekkhaṃ	32	Paccattaṃ	277
[ Pa ]		Paccattharaṇaṃ	418
Paṃsukūlaṃ	89	Paccanīkajhāpanato	175
Paṃsukūlikaṅgaṃ	89	Paccanīkasamudācāravasena	113
Pakaṭṭho	277	Paccayato	130
Pakatigamanena	127	Paccayadassanatthaṃ	191
Pakaticittato	171	Paccayapaṭisevanasaṅkhātena	54
Pakaticittehi	161	Paccayapariggahe	223
		Paccayavibhāgato	455

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Paccayehi	347	Paññāvasena	175
Paccayo	221	Paññāvepullaṃ	266
Paccavekkhaṇasuddhi	73	Paṭi-ayanaṭṭho	63
Paccavekkhaṇā	323	Paṭikūlavasena	71
Paccavekkhati	428	Paṭikkūlārammaṇattā	312
Paccavekkhato	339	Paṭikkūlepi	216
Paccavekkhitabbaṃ	435	Paṭikkhepavatthūsu	105
Paccavekkhitvā	56	Paṭighātena	397
Paccitvā	423	Paṭighānunanayavūpasama-	
Paccupaṭṭhito	289	paccupaṭṭhānā	380
Paccorasmim	86	Paṭighānunanayasamīpacāritā	375
Pacchābhattaṃ	90	Paṭicchannakammantassa	86
Pajahati	186	Paṭinissaggānupassanā	79, 343
Pajā	77	Paṭipakkhabhūtaṃ	191
Pajānato	318	Paṭipakkho	18
Pajānanaṭṭhena	224	Paṭipattiphale	211
Pajāyanavasena	283	Paṭipattiyam	211
Pañhākammaṃ	24	Paṭipadānurūpassa	276
Pañcakāmaguṇiko	424	Paṭipadāvisuddhi	171
Pañcaṅgavippahīnaṃ	170	Paṭipassanā	328
Pañcajhānaṅgavasena	115	Paṭippassaddham	32, 35
Pañcanikāyamaṇḍale	118	Paṭippassaddhakilesāni	276
Pañcasandhikaṃ	327	Paṭippassaddhipārisuddhisīlam	75
Paññaṃ	200	Paṭippassambhanti	265
Paññavantapuggalasevanā	156	Paṭipādaye	160
Paññavā	12	Paṭibaddhassa	215
Paññā	18	Paṭibhānapaṭisambhidā	274
Paññāpanam	272	Paṭiladdhamatto	110
Paññāya	11	Paṭiladdharasānubhavanam	169

Padānukkamo	Piṭṭhaṅko
[ Pa ]	
Paṭiladdhavisēsādhigama- paccayā	212
Paṭilabhitvā	286
Paṭilābhatuṭṭhi	169
Paṭilābhabhūmiyaṃ	148
Paṭivinodetabbaṃ	355
Paṭivedayāmi	86
Paṭivedhavasena	312
Paṭivedho	273
Paṭisaṃvedeti	188
Paṭisaṅkhā	55
Paṭisaṅkhānāparisuddho	38
Paṭisaṅkhānupassanā	80
Paṭisaṅkhāya	56
Paṭisanthārakusalo	356
Paṭisanthāro	282
Paṭisandhim	186
Paṭisaraṇaṃ	154
Paṭisallānārāmo	63
Paṭisallīnena	219
Paṭisāmitaṃ	116
Paṭisevanamukhena	105
Paṭihaṅkhāmi	59
Paṭihitāya	292
Paṭhamaṃ	289
Paṭhamajjhāna- paṭibimbabhūtaṃ	212
Paṭṭhapanāṃ	272
Paṭṭhāya	38
Paṇamaṇā	325
Paṇamanti	316
Paṇidhāya	54

Padānukkamo	Piṭṭhaṅko
[ Pa ]	
Paṇidhiyā	80
Paṇitaṃ	31
Paṇitā	155
Paṇitādhimuttiko	304, 349
Paṇīto	109, 348
Paṇḍakā	42
Paṇḍitavedanīyo	349
Paṇḍito	176
Paṇḍukadhātukaṃ	307
Paṇḍūni	99
Paṇṇattisamatikkamāvasāne	309
Patanasadiṣaṃ	195
Patāreti	247
Patikuṭṭati	423
Patitṭhā	30
Patitṭhānaṭṭhānaṃ	361
Patitṭhānaṭṭhena	82
Patitṭhānaraṣā	449
Patitṭhāya	13
Patitattā	57
Patitāni	99
Patirūpaṃ	95
Patirūpasenāsane	219
Patirūpāni	106
Patilīyati	423
Pativattati	424
Pattaṃ	41
Pattaṅgapupphehi	196
Pattavaḍḍhanayogena	177
Pattavissaṭṭhaṭṭhānaṃ	95

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Patti	256	Param	293
Pattukāmo	337	Param maraṇā	30
Patto	277	Parakkamajavayoggabhūmim	315
Patthaṭattā	444	Parato	74
Pattharivā	395	Paradukkhāsahanam	379
Patthitam	256	Paranimmitavasavattino	284
Patthinnasineho	441	Parapiṭṭhimaṁsikatā	55
Pathavīkasiṇam	138, 175	Parappavādā	314
Pathavīdhātu	427	Paramam	350
Padam	273	<b>Parama</b>	388
Paduṭṭhena	359	Paramakicchappattam	371
Padhānam	331	Paramatthiyā	296
Panūdati	99	Paramandhakāratimise	421
Panthanim	140	Paramasukhumam	405
Papāte	140	Paramāṇubhedasañcuṇṇā	446
Papphāsamaṁsam	307	Parasaddhāya	276
Pabbatavisamo	178	Parāmaṭṭham	32
Pabbateyyā	178, 289	Parāmaṭṭhattā	35
Pabhassaram	303	Parāmaṭṭhum	282
Pabhuti	282	Parānuggahakiriyā	94
Pabhedato	88	Parāyaṇo	348
Pamattā	77	Parikathā	69
Pamāṇayuttam	96	Parikammaṁ	110, 313
Pamādo	84	Parikammakāle	144
Pamudito	382	Parikammattā	161
Pamocanam	237	Parikkhārāya	81
Pamodanalakkhaṇā	379	Pariggaṇheyya	176
Payirupāsati	43	Pariggayhamānā	446
Payogaṁ	332	Pariggahavasena	131
Payogo	359	Pariggahitakāle	322

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pariggahitaniyyānaṃ	316	Paribbhamati	170
Paricayena	166	Paribyākulāya	127
Paricārayamānaṃ	84	Paribhinnaṭṭhānesu	201
Paricitā	332	Paribhuñjanti	297
Paricitāya	361	Paribhuñjeyya	96
Pariccattajīvitānaṃ	75	Paribhogaṃ	420
Pariccāgapaṭinissaggo	344	Paribhogato	417
Pariccāgo	283	Paribhoge	72
Paricchinditvā	299	Parimaṇḍalehi	357
Paricchedaṃ	30	Pariyattidhammo	267
Pariññeyyaṃ	340	Pariyattiyā	275
Pariññeyye	229	Pariyantaṃ	31
Parito	299	Pariyantapārisuddhisīlaṃ	32
Parittaṃ	129	Pariyantasikkhāpadānaṃ	75
Parittagottaṃ	161	Pariyante	83
Paritto	109	Pariyādāya	181, 395
Paridāho	430	Pariyādinnaṅgato	350
Paridevamānā	116	Pariyāpannattā	406
Paridhamṣati	301	Pariyāyā	364
Paripakkato	417	Pariyāye	385
Paripatati	316	Pariyāhananaṃ	166
Paripācanaṃ	433	Pariyuṭṭhānaṃ	21
Paripucchakatā	156	Pariyeṭṭhisuddhi	73
Paripucchā	327	Pariyesati	337
Paripuṇṇapārisuddhisīlaṃ	32	Pariyesanato	417
Paripūrakārī	22	Pariyodapanā	286
Paripūrakārīnaṃ	75	Pariyodapenti	391
Paripūrayamāno	13	Pariyodātasippo	160
Paripūrikā	390	Pariyodāte	107
Paribāhiro	85	Pariyodāpakassa	172

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pariyodāpeti	45	Pavattamānaṃ	259
Pariyonahanamaṃsam	307	Pavattayato	288
Pariyosānaṃ	19	Pavicayo	207
Pariyosānakalyāṇo	269	Pavivitte	142
Parivattetvā	304	Pavivekatā	105
Parivattessāmi	118	Paviveko	88, 138
Parivārāya	81	Paveṇipālako	120
Parivāro	64	Passati	47
Parivisanto	176	Passato	339
Pariveṇaṃ	418	Passatha	85
Parisahanaṭṭhena	62	Passaddhisambhavato	212
Parisuddhattā	277	Passambhayaṃ	326
Parisuddhapakati	185	Passambhento	325
Parisuddhājīvātā	94	Passāso	312
Parisuddho	356	Pahātabbaṃ	340
Parisussati	77	Pahātabbe	229
Parisodhentena	139	Pahānaṃ	82
Parissavati	448	Pahānakkamo	189
Pariharanti	238	Pahāya	73
Pariharāmi	352	Pahitatto	12
Pariharitabbattā	119	Pahīnattā	398
Parihāyati	301	Pahīyati	211
Parihīnaṃ	297	Paḷāso	84, 128
Palighatthambho	328	Pākaṭaṃ	68, 321
Palipanno	77	Pākaṭabhāvakaṇaṭo	48
Palibodhaṭṭho	257	Pākaṭabhāvato	169
Palibodho	116, 183	Pākaṭībhūtesu	309
Pavattaṃ	186	Pākammaṃ	256
Pavattanti	64	Pācīnakaṇḍarājim	116
Pavattamanasikāro	155	Pāṭikaṅkhā	361



Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pāṭipadikāṃ	93	Pārihārikā	16
Pāṭiyekko	312	Pālanā	169
Pāṇanatā	366	Pāsādikāṃ	127
Pāṇātipātassa	77	Pāsādikatā	92
Pāṇinaṃ	31, 362	Pāsādikena	44
Pāṇo	25	Pāsādo	53
Pātimokkhasaṃvaro	26	Pāhuneyyo	280
Pāṭī	39	<b>Pi</b>	83, 219
Pātubhavanti	212	Piṇḍapātāṃ	89
Pāto	57	Piṇḍapātiko	89
Pātheyyaṃ	360	Piṇḍapāto	57
Pādatalena	205	Piṇḍānaṃ	57
Pādantaraṃ	207	Piṇḍolyena	57
Pādāni	248	Pittāṃ	441
Pānāgāraṃ	42	Pittakosake	441
Pāpakā	387	Piyaṭṭhāne	351
Pāpaṇikāni	52	Piyataraṃ	353
Pāpadhammassa	86	Piyapuggale	371
Pāpanā	55	Piyabhāvamattena	373
Pāpicchatā	128	Piyamaṇāpattakaradhammā	280
Pāpiccho	51	Piyo	30
Pāpiyo	355	Pihayanti	94
Pāmojjaṃ	34, 319	Piṭṭhapaṭo	100
Pāmojjāya	81	Piṇṇarasā	168
Pāraṃ	348	Piṇṇayati	168
Pārappattaṃ	253	Pītaṃ	307
Pāramitāsīlaṃ	35	Pīti	265
Pāripūriyā	81, 155	Pītipaṭisaṃvedī	338
Pāribhaṭyaṃ	41	Pītipāmojjabahulo	266
Pāribhaṭyatā	41, 54		

Padānukkamo	Piṭṭhaṅko	Padānukkamo	Piṭṭhaṅko
[ Pa ]		[ Pa ]	
Pītipharaṇena	189	Purisakāraṃ	359
Pīṭimanassa	212, 265	Purisapuggalā	280
Pītisambojjhaṅgaṭṭhāniyā	156	Purissamado	347
Pītisahagatādivasena	109	Pure	248
Pītisīsena	341	Puḷuvakaṃ	132
Pītisomanassajanakena	214	Pūtikāyaṃ	298
Pīḷanaṭṭho	257	Pūtikukkuṭaṇḍaṃ	308
Puggaladosā	350	Pūtimuttaṃ	52
Puññakkhattaṃ	281	Pūtimuttēna	52
Puññamahattato	291	Pūtiyo	451
Puññavato	143	Pūtilatā	204
Puṭabandha-upāhano	305	Pūtilatāya	66
Puthujjanakalyāṇakassa	35	Pūtiharītakī	69
Puthujjanassa	382	Pūvavaḍḍhanaṃ	177
Puthusallena	359	Pekkhamāno	396
Pupphaṃ	41	Peṭake	165
Puppharāsīṃ	160	Peyyālamukhaṃ	432
Pubbakāraṃ	280	Peḷāya	360
Pubbabhāge	132, 285	Pothujjanikā	119
Pubbabhāsī	357	Porissamadanimittāṃ	57
Pubbavideho	243	Posentassa	428
Pubbasaññaṃ	49		
Pubbahetukasīlaṃ	37	[ Pha ]	
Pubbāciṇṇaṃ	123	Phanditā	329
Purato	95	Pharaṇarasā	168
Purāṇaṃ	59	Pharaṇavasena	378
Purāṇakammaṇḍapaccayavasena	60	Pharati	399
Purāṇavedanā	59	Pharanto	199
Purimacittaṃ	173	Pharitvā	318
Purimataṇhā	229	Phalaṃ	41

Padānukkamo	Piṭṭhaṅko	Padānukkamo	Piṭṭhaṅko
[ Pha ]		[ Ba ]	
Phalato	417	Bālabhāvo	165
Phalanipphatti	92	Bālassa	382
Phalanibbānehi	269	Bālo	68
Phalamuttamaṃ	315	Bāhāvikkhepako	44
Phalitantaraṃ	394	Bāhirāyatanāni	6
Phasso	413	Bāhullikaṇḍapātikā	117
Phāsuvihāro	62	Bilāso	428
Phuṭattā	188	Bībhacchaṃ	208
Phuṭe	402	Bībhacchena	214
Phuṭṭhakakacadantānaṃ	331	Buddhaguṇaṇḍa	265
Phuṭṭhasamphasso	57	Buddhapaṭikuṭṭhena	42
Phusanā	327	Buddhabhūmiyaṃ	267
Phusitā	171	Buddhicarito	125
Pheṇuddehakaṃ	86, 423	Buddhuppādo	297
[ Ba ]		Buddho	264
Bandhati	303	Bodhimaṇḍe	221
Balaṃ	96	Bodhisattā	137
Balamadanimittam	57	Byañjanaṃ	273
Balavatarā	323	Byatto	176
Balavapiyacittatāya	370	Byantikatā	183
Balavavipassanā	324	Byantī	332
Balānīkaṃ	350	Byāpajjeyya	292
Bahiddhāpi	309	Byāpādarahitā	367
Bahumatabhāvo	255	Byāpādūpasamo	379
Bahulīkatāya	361	Brahmakāyikā	284
Bahulīkato	311, 312	Brahmacariyaṃ	84
Bahulīkammāya	81	Brahmacāripaṭiñṇassa	86
Bahugidho	107	Brahmavihārādhiṭṭhitam	363
Bahussutā	141	Brahmavihāro	257
		Brahmāno	384

Padānukkamo	Piṭṭhaṅko	Padānukkamo	Piṭṭhaṅko
[ Ba ]		[ Bha ]	
Brahmuttamena	377	Bhāgī	253
Brahmuttamo	378	Bhāge	260, 262
Brūhanarasā	449	Bhāgyaṃ	253
[ Bha ]		Bhājane	127
Bhagavā	8	Bhārahārā	117
Bhagī	252	Bhāvanaṃ	387
Bhage	260, 262	Bhāvanato	161
Bhaggaṃ	252	Bhāvanā	155
Bhajati	43	Bhāvanānaye	431
Bhajanti	391	Bhāvanāpāripūriyā	222
Bhaji	253	Bhāvanāya	81
Bhatavā	259	Bhāvanārāmatā	88
Bhattavaḍḍhanam	177	Bhāvanīyo	30, 353
Bhattavā	261	Bhāvitāya	361
Bhattāram	176	Bhāvito	311
Bhaddakameva	369	Bhāvetabbam	145
Bhanti	238	Bhāvetukāmena	202
Bhanto	68	Bhittimukham	197
Bhabbapuggala-		Bhittiyuddham	351
paricchedavasena	247	Bhinditvā	76
Bhabbe	241	Bhinnājīvo	361
Bhayaṃ	415	Bhiyyokamyatam	52
Bhayadassanasīlo	46	Bhiyyobhāvāya	155
Bhayabheravasahanatā	101	Bhuttavamitako	59
Bhayabheravasaho	266	Bhūtattā	366
Bhayānakena	214	Bhūmaṭṭhakam	129
Bhavacarimakā	346	Bhūmīsu	110
Bhavabhogattāya	34	Bhedato	88
Bhavavisesā	34	Bhedā	30
Bhagavā	258	Bhogakkhandham	29

Padānukkamo	Piṭṭhaṅko	Padānukkamo	Piṭṭhaṅko
[ Bha ]		[ Ma ]	
Bhogavā	356	Mado	84
Bhojane mattaññū	44	Maddantepi	360
Bhojaputtehi	360	Madhukaṭṭhike	439
[ Ma ]		Madhurākāraṁ	127
Makkaṭakasuttam	161	Madhuro	313
Makkhikā	420	Manasikāraṁ	309
Makkho	84, 128	Manasikāro	288
Maggaṁ	9, 358	Manāpabhāvadassana-	
Maggabrahmacariyaṁ	271	padaṭṭhānā	379
Maggo	11, 184	Manāpānaṁ	381
Maṅkubhūto	422	Manāpehi	450
Maccumāro	255	Manāpo	30, 353
Macchadhovanaṁ	419	Manussesu	318
Macchariyaṁ	84, 128	Mano	128
Maccherappahānaṁ	95	Manoramānaṁ	381
Maccheramalena	283	Manosañcetanā	413
Majjhataṁ	351	Mantanā	34
Majjhattato	354	Mantayuddhena	291
Majjhimaṁ	32	Mamattarāgino	215
Majjhimo	109	Maraṇato	289
Majjhekalyāṇo	269	Maraṇasāmaññatā	292
Maṇitālavaṇṭaṁ	196	Maraṇassatipaṭilābho	101
Maṇiliyā	369	Marantassa	295
Maṇḍanaṁ	57	Mariyādācārittaṁ	37
Maṇḍapalaggaṁ	411	Marissāmi	77
Maṇḍalaṁ	167	Mahaggataṁ	365
Mattakāritāya	93	Mahaggato	109
Mattāya	284	Mahattaṁ	139
Madanimmadano	347	Mahantaṁ	85
		Mahante	131
		Mahapphalaṁ	280

Padānukkamo	Piṭṭhaṅko	Padānukkamo	Piṭṭhaṅko
[ Ma ]		[ Ma ]	
Mahallako	359	Māsabhattam	101
Mahā	452	Māḷo	53
Mahākasiṇam	129	Migabhūtena	100
Mahānatthakaram	357	Micchājīvena	42
Mahānubhāvassa	292	Micchāsāṅkappā	36
Mahānubhāvāya	267	Mitto	378
Mahāpathavihāre	139	Middham	128
Mahāparivāre	117	Mukham	127
Mahāpurisajātikattā	354	Mukhato	213
Mahābhūtāni	450	Mukhapūrakam	127
Mahābhūto	450	Mukhasambhāviko	53
Mahārajakkhe	240	Muggasūpyatā	41
Mahāvattani-aṭavī	65	Mucchitā	217
Mahāviseso	362	Mucchito	422
Mahicchatā	128	Muṭṭhassatissa	334
Mahimā	256	Muṭṭhikamallā	57
Mahesakkho	52	Muttam	286
Mahesayo	291	Muttacāgatā	128
Mahesinā	9	Mutti	348
Māṇavo	289	Muditamuditova	373
Mātāputtānam	330	Mudindriye	241
Mātikādharā	141	Mudum	303
Mānappahānam	94	Mūlakammaṭṭhānam	203
Mānamado	347	Mūlakāraṇabhāvena	229
Mānasam	209	Mūlanikantanam	357
Māno	84	Mūlabhāvo	345
Māyā	84	Mūsikacchinam	55
Mārasenavighātāya	92	Mūḷhassa	382
Mālāgaccham	196	Mejjati	378
Māsakhāro	309	Mettam	355

Padānukkamo	Piṭṭhaṅko	Padānukkamo	Piṭṭhaṅko
[ Ma ]		[ Ya ]	
Mettā	133	Yasavā	356
Mettāya	361	Yasasā	248
Mettāyantena	355	Yācanayogo	283
Mettāyanto	352	Yājena	283
Mettāvasena	362	Yāti	289
Mettāsahagatena	363	Yātrā	61
Methunasamyogavasena	83	Yāthāvasarasam	216
Medakathālikā	216	Yānaka-upatthambhinī	305
Mocento	342	Yānappuṭṭi	396
Modento	341	Yānīkatāya	361
Mohūpanissayappahānattham	57	Yāpanattham	74
[ Ya ]		Yāpyarogī	61
Yakkhānubhāvena	359	Yāmā	284
Yajamāno	202	Yāvadattha-udarāvadehaka-	
Yatthicchakam	178	bhojanam	61
Yathāṭhitam	428	Yāvadicchakam	178
Yathānurūpam	271	Yuganaddhā	174
Yathānusiṭṭham	279	Yugandharapabbato	242
Yathābhūtam	9	Yuttakāle	293
Yathābhūtañāṇadassanam	34, 80	Yuttaparibhogavasena	60
Yathārūpehi	325	Yuttaparibhogasaṅgaho	60
Yathāsakam	155	Yuttānam	75
Yathāsanthatam	90	Yudhiṭṭhilo	291
Yathāsanthatarāmatam	102	Yūsagatā	448
Yadicchakam	178	Yūsabhūto	441
Yantayuttagoṇo	293	Yogakkhemāya	297
Yamakamaṁsapinḍe	440	Yogo	461
Yamekarattim	289	Yojetvā	288
Yasakāmatāya	34	Yodha	36
Yasamahattato	291	Yoniso	288

Padānukkamo	Piṭṭhaṅko	Padānukkamo	Piṭṭhaṅko
[ Ra ]		[ Ra ]	
Rakkhaṇato	64	Rūpakāyaṃ	218
Rakkheyya	210	Rūpakāyasampatti	255
Rajanakāsāvaṃ	93	Rūpakāyassa	58
Ratiṃ	216	Rūpadassanakāmo	199
Rato	283	Rūpanimittātikkamato	411
Rattibhāge	5	Rūpasaññā	396
Ratto	422	Rūpādhikaraṇaṃ	393
Rathavinītaṭaṭipadaṃ	117	Rūpāni	396
Rathikā	89	Rūpārammaṇādiraso	315
Ravaṇaghaṭaṃ	309	Rūpāvacaraṃ	398
Rasataṇḥānivāraṇaṃ	94	Rūpī	396
Rasādibhāvena	430	Rūpesu	66
Raso	216	Rogaṃ	77
Rahogatena	219	[ La ]	
Rāgacaritabhedavasena	215	Lakkhaṇaṃ	55
Rāgacariyā	121	Lakkhaṇato	337
Rāgapariyuṭṭhitaṃ	265	Lakkhaṇaṭaṭivedhassa	300
Rāgūpasaññitaṃ	67	Lakkhaṇaṭaṭivedhena	339, 342
Rāgena	265	Lakkhaṇādito	443
Rāgo	164	Lakkhaṇādīsu	28
Rājamahāmatṭā	42	Lakkhaṇārammaṇīkavipassanā	324
Rājāno	42	Laghimā	256
Rāhulovāde	426	Laṅkāraṃ	161
Rukkhaṇāṇīkā	144	Laddhāparihāni	148
Rukkhasamīpaṃ	315	Laddhappahārānaṃ	213
Ruciyā	92	Laddhā	74
Rujjhanti	359	Lapakalapako	53
Ruppato	77	Lapanā	38
Ruppanalakkhaṇaṃ	449	Lahuṭṭhānaṃ	96
Rūpaṃ	47		



Padānukkamo	Piṭṭhaṅko	Padānukkamo	Piṭṭhaṅko
[ La ]		[ La ]	
Lahuso	295	Lohitadhātu	197
Lābhaṃ	52	Lohitamakkhitapaṭikkūla-	
Lābhittā	131	bhāvo	215
Lābho	117	Lohitamaṇi	197
Lāḷeti	448	[ Va ]	
Liṅgaṃ	205	Vaṃsānurakkhako	120
Liṅgavisabhāge	351	Vakkabhāgena	306
Līnaṃ	154, 161	Vaggulirukkho	98
Lūkhapuggalā	157	Vacīviññattivipphārā	70
Lekhācittam	394	Vicchapālako	248
Leṇaṃ	53, 348	Vajjanaṃ	10
Lokaṃ	237	Vañcakatā	450
Lokanīrodhaṃ	237	Vatṭati	95
Lokantagū	237	Vatṭanāvaḷi	306
Lokantaranirayo	243	Vaddhati	105
Lokavidū	237	Vaddhanāvaddhanato	130
Lokasannivāso	290	Vaddhetabbā	373
Lokādhipati	35	Vaddhetvā	200
Lokāmisam	88	Vaṇacoḷakaṃ	419
Lokāmisānirapekkhato	275	Vañālepanam	59
Lokiyam	31	Vañitam	205
Lokuttaram	31	Vañṇato	337
Loko	30	Vañṇā	321
Loṇi	195	Vañṇādivasena	439
Lobhaṃ	105	Vañṇito	99
Lobhussadā	124	Vañṇena	248
Lolabhāvo	165	Vataṃ	84
Loluppam	90	Vattapaṭipattim	25, 121
Loluppaviddhamāsanarasāni	90	Vattitā	404
Lohitakaṃ	132		

Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Va ]	
Vatthukatāya	361	Vārigocarō	248
Vatthuvītikkame	36	Vāritam	32
Vadhakapaccupaṭṭhānato	288	Vārittam	31
Vadhi	359	Vālaṇḍupakam	167
Vadhitam	428	Vāḷarajjuyā	86
Vadhetha	371	Vikappaṃ	447
Vanantam	169	Vikīrati	451
Vanantare	369	Vikuṇṭitamukho	422
Vani	260	Vikūjati	333
Vantam	257	Vikūlam	178
Vami	262	Vikkhambhanappahānavasena	21
Vayo	343	Vikkhittam	201
Varam	66	Vikkhittakāyo	127
Vare	68	Vikkhittacitto	208
Vavatthānam	293	Vikkhepagatam	329
Vavatthāpayato	442	Vikkhepapaṭibāhanato	434
Vasitā	256	Vikkhepappakāsanato	215
Vasiyo	178	Vikkhepaviddhamśanaraso	108
<b>Vā</b>	31	Vikkhepo	301
Vācasiko	41	Vigatattā	283
Vātabbhāhataṃ	328	Vigatamado	424
Vātūpaladdhiyā	325	Vigatamalamaccheratā	282
Vātena	19	Vigatasantāso	98
Vāyati	444	Viggaho	393
Vāyanavasena	430	Vicāretvā	214
Vāyamati	321	Vicikicchā	128
Vāyamamānassa	435	Vicinane	186
Vāyugatigamanam	198	Vicuṇṭitamakkhito	420
Vāyodhātu	427	Vijateyya	17
Vārakabhataṃ	94	Vijambhitā	68

Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Va ]	
Vijjāmānattā	277	Vinīlaṃ	201
Vijjāmānakāranipphādikā	173	Vindati	100
Vijjā	11	Vipakkavipākattā	287
Vijjāhi	232	Vipatti	379
Viññāṇaṃ	413	Vipariṇataṃ	381
Viññāṇe	400	Vipariṇāmaṭṭho	257
Viññūgarahā	61	Vipariṇāmo	80
Viññūhi	277	Vipallatthacittā	48
Vitakkamālake	418	Vipassanākkhaṇe	338
Vitakkā	122	Vipassanāmattavaseneva	11
Vitakkupacchedāya	133	Vipubbakaṃ	132
Vitarati	45	Vipulā	290
Vittiṃ	83	Vipulāya	185
Vitthambhanaṃ	433, 448	Vipulena	365
Vitthambhitā	447	Vippaṭṭisārī	85
Viditvā	378	Vipphāravā	167
Viddhamsitattā	219	Vibhajitvā	428
Vidhavā	42	Vibhāvanā	129
Vidhāvati	204	Vibhāvayaṃ	336
Vidhiṃ	277	Vibhāveti	403
Vinamanā	325	Vibhūtā	130
Vinayadharā	141	Vibhūtāni	334
Vinayasamvare	75	Vibhūsaṇaṃ	57
Vinayo	34	Vimuttattā	175
Vināseti	378	Vimutti	34
Vinicchayakathā	38	Vimuttiñāṇadassanaṃ	34, 244
Vinibandhā	254	Vimuttirasassa	253
Vinibbhujitvā	437	Vimuttirasena	174
Vinivijjhitvā	427	Vimokkhatthāya	34
Vinividdhasātako	281	Vimokkhantikañāṇaṃ	249

Padānukkamo	Piṭṭhaṅko	Padānukkamo	Piṭṭhaṅko
[ Va ]		[ Va ]	
Vimokkhavasena	175	Visagaṇḍakarogo	68
Virati	31	Visadāya	185
Virattapītikam	113	Vissandanabhāvena	430
Viratto	422	Visabhāgarūpaṃ	202
Viraddham	297	Visabhāgārammaṇāni	140
Viramantassa	25	Visabhāgo	300
Virāgā	397	Visamāsanupatāpo	189
Virāgānupassanāya	79, 343	Visamāharam	308
Virāgāya	393	Visavitāya	250
Virāgo	34, 184, 344	Visārado	29, 284
Virūḷhim	150	Visujjhanti	286
Vilīyati	451	Visuddhi	348
Vivaṭā	66	Visuddhidhammā	286
Vivaṭṭacchadassa	127	Visuddhimaggo	10
Vivaṭṭati	395	Visuddhiyā	9, 11
Vivaṭṭanā	327	Visesabhāgiyo	113
Vivaṭṭānupassanā	80	Visesādhigamavasena	114
Vivattati	319	Visesetvā	388
Vivādamūlāni	254	Vissajjanaṃ	24
Vivādo	393	Vissaṭṭhacāgo	283
Vivicca	163	Vissandamānapubbam	201
Viviccitvā	163	Vissāsam	213
Vivittākāro	401	Vihaññamānena	217
Vivekam	307	Vihāram	74
Vivekajam	169	Vihārabhattam	93
Vivekaṭṭho	257	Vihāraracchā	418
Vivekā	168	Vihāro	53
Viveke	168	Vihimsūpasamo	379
Vivecanatthāya	350	Vīciyo	183
Visaṃyutto	347	Vītikkamapaṭipakkho	21

Padānukkamo	Piṭṭhaṅko
[ Va ]	
Vīthisampañipādanatthā	203, 209
Vīmaṃsantā	291
Vīriyapādehi	221
Vīriyasaṃvaro	26
Vīriyārambhānukūlatā	103
Vīriyārambho	88
Vīriyupekkhā	185
Vuṭṭhātum	180
Vuṭṭhānavasī	180
Vuṭṭhitam	286
Vuddhim	150
Vuttapamāṇam	144
Vusitabrahmacariyo	237
Vūpasantapaṭighassa	362
Vūpasantā	183
Vūpasanto	356
Vūpasamā	181
Vūpasameti	313
Vūpasamento	325
Veneyyānam	269
Vepullam	150
Vepullāya	155
Vemattam	216
Veramaṇī	78
Verīpuggale	354
Verīpuggalo	354
Vesiyāgocarō	42
Vesiyo	57
Veḷum	196
Veḷu	41

Padānukkamo	Piṭṭhaṅko
[ Va ]	
Veḷudānena	41
Vo	86
Vokkamma	44
Vodānam	24
Vodāpetabban	87
[ Sa ]	
Saṃkilesavatthuppahānam	165
Saṃkilesō	21, 83
Saṃkīḷati	83
Saṃkelāyati	83
Saṃghagato	43
Saṃghabhattam	93
Saṃghasuppaṭipatti	269
Saṃyogaṭṭho	257
Saṃvaṇṇitā	283
Saṃvaravinayā	75
Saṃvarasuddhi	73
Saṃvaro	25, 78
Saṃvāsasaṅgāṇam	267
Saṃvibhāgo	282, 361
Saṃvuto	39
Saṃvejanīyattā	296
Saṃvelleti	395
Saṃsaggaṃ	121
Saṃsaggasannipātavasena	121
Saṃsaggena	42
Saṃsāracakkam	221
Saṃsāravaṭṭam	221
Saṃsibbanam	347

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sāmsibbanatṭhena	5	Sāṅkhātā	241
Sa-upāhano	44	Sāṅkhāramajjhataṭā	159
Sakaṃ	336	Sāṅkhāraloko	237
Sakaṇṭakāhi	359	Sāṅkhārā	11
Sakalaṭṭhena	175	Sāṅkhārāvasesasamāpattim	405
Sakalaparipuṇṇabhāvena	275	Sāṅkhepo	223
Sakalapharaṇavasena	385	Sāṅgamma	347
Sakalasarīram	441	Sāṅgahapaccupaṭṭhānā	449
Sakalāya	214	Sāṅgahitā	447
Sakkaccakārī	44	Sāṅghāṭipārutena	419
Sakkāram	52	Sāṅghātabhedavikārappa-	
Sakkharasudhāvaṇṇam	307	kāsanato	215
Sakkhiṭṭhāne	285	Sacittapariyodāpanam	19
Sakkhibhabbatam	460	Sacitte	357
Sakkhibhabbatā	303	Saccam	347
Sakkhibhāvavasena	353	Sacchikā	251
Sakhilo	356	Sacchikātabbe	229
Sagāravo	44, 282	Sajotibhūtam	85
Saggam	30	Sajotibhūtāya	66
Sāṅkaḍḍhiyamānā	305	Sajjitam	373
Sāṅkapparāgo	164	Sajjhāyantāva	299
Sāṅkappo	164	Sajjhāyo	300
Sāṅkārakūṭādīnam	89	Sāṅcaraṇahattho	167
Sāṅkāsanam	271	Sāṅcarāpetabbari	209
Sāṅku	361	Sāṅcarittam	51
Sāṅkupatho	361	Sāṅchinno	451
Sāṅkham	279	Sāṅjagghati	83
Sāṅkhataṭṭho	257	Sāṅjātideso	400
Sāṅkhatadosadassanena	345	Sāṅñajam	147
Sāṅkhātaniddesato	130	Sāṅñajo	208

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Saññapessāmi	76	Satthe	247
Saññānānatāya	335	Satthena	201
Saññāsambhavo	208	Sattho	246
Saññogābhiniveso	80	Satvaṁ	366
Saṅṭhapeti	53	Satvayogato	366
Saṅṭhānavasena	114	Sadarathā	322
Saṅṭhānarāgī	215	Sadā	283
Saṅṭhiti	241	Saddanayena	253
Saṅṭhite	241	Saddhammā	233
Sataṁ	283	Saddhamme	85
Satadhotasappi	430	Saddhāya	65
Satipaccayatā	72	Saddhāvīriyasādhanam	32
Satipaṭṭhānam	320	Saddhāvepullam	266
Satiyā	315	Saddhāsādhano	64
Sativepullam	266	Saddhāhatthena	221
Satisamvaro	26	Saddheyyato	274
Satisampajaññāya	297	Sanidassanam	28
Satokārī	316	Sanidānasa-uppattikattā	268
Satova	316	Sanimittam	204
Sattakelāyanam	374	Santam	325
Sattadukkham	389	Santatto	451
Sattamajjhataṭṭā	159	Santappati	442
Sattaloko	237	Santabhāvato	375
Sattasaññā	428	Santavimokkhato	394
Satte	247	Santā	183
Satto	366	Santāpaṭṭho	257
Sattham	393	Santāpo	430
Satthakammam	160	Santārammaṇatāya	404
Satthakavātā	292	Santuṭṭhitā	88, 104
Satthā	247	Santuṭṭho	44

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sandateva	289	Sabbapaccanīkapaṇisuddhā	186
Sandiṭṭhi	276	Sabbapariyattiko	118
Sandiṭṭhikattā	277	Sabbapariyantime	453
Sandiṭṭhiko	267, 276	Sabbapāpassa	18
Sandiṭṭho	53	Sabbapārihāriyatelaṃ	121
Sannamanā	325	Sabbappakārena	280
Sanniṭṭhānaṃ	425	Sabbamalavirahitaṃ	10
Sannipāto	121	Sabbaveriko	85
Sannirumbhitvā	247	Sabbākāraparipūro	311
Sannisinnaṃ	212	Sabbāvantaṃ	364
Sannisīdanti	147	Sabbāsavaparikkhīṇo	75
Sapañño	14	Sabyañjanaṃ	271, 273
Sapattakantā	356	Sabhāgaparicchedo	300
Sapattacaraṇo	93	Sabhāgavisabhāgatāya	381
Sapadānaṃ	89	Sabhāgavutti	282
Sappaṭibhāgā	155	Sabhāvaṃ	217
Sappatissa	44, 266	Sabhāvato	236
Sappādayo	57	Sabhāvā	347
Sappāyaṃ	123	Sabhāvūpalakkhaṇavasena	425
Sabījo	206	Samaṅgībhūtaṃ	84
Sabbakāyapaṭisaṃvedī	321	Samacittataṃ	362
Sabbakiccapariṇāyikā	16	Samaṇapaṭiñña	86
Sabbakilesānaṃ	80	Samataṃ	152
Sabbakoṭṭhāsesu	309	Samatikkamato	130
Sabbaṅgapaccaṅgasirī	256	Samativijjhati	66
Sabbaññutāya	250	Samathavipassanādhikāra-	
Sabbatthasādhakaṃ	362	vasena	112
Sabbadassāvitāya	250	Samanake	237
Sabbadhammānaṃ	228	Samanussaraṃ	92
Sabbantimaṃ	161	Samanussarato	381
		Samantacakkhu	8



Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Samantabhadrakattā	268	Samāpajjati	51
Samantā	204	Samāpajjanam	179
Samannāharitabbari	146	Samāpajjanavasī	179
Samannāhāro	323	Samāpattikkhaṇe	338
Samappavattavāsaṁ	369	Samāpannassa	398
Samappitaṁ	84	Samāyojitaṁ	220
Samabbhāhato	448	Samāsabyāsato	88
Samabhāvakarāṇaṁ	150	Samāsetvā	205
Samabhāvadassanarasā	380	Samāhaṭṭā	191
Samavāhitabhūtā	186	Samiñjanti	19
Samasīsaṭṭhitaṁ	196	Samitā	183
Samasīsī	66	Samitāvī	237
Samādānaṁ	89	Samīraṭi	19
Samādānacetanālakkaṇāni	90	Samuggatena	201
Samādānabhāvaṁ	76	Samuggahāṭeti	458
Samādāyeva	93	Samucchedappahānavasena	21
Samādhatthāya	36	Samucchedamaraṇaṁ	287
Samādhanāṁ	27, 107	Samuṭṭhānato	443
Samādhi-adhimuttatā	159	Samuṭṭhāpikā	229
Samādhikammikassa	153	Samudayato	236
Samādhicariyāhi	461	Samudāgatehi	284
Samādhinā	18	Samudācaranti	420
Samādhinimittaṁ	303	Samudānetabbā	64
Samādhiparipanthānaṁ	176	Samudīraṇaṁ	433
Samādhibhāvanāyoge	461	Samena	160
Samādhiyati	370	Sameritaṁ	196
Samādhisaṁvattanikāni	84, 282	Samodhāya	127
Samānarūpasadda-		Samosaraṇena	140
samudācāraṁ	394	Samohitaṁ	308
Samānukampitā	95	Sampajānakāriṇā	17

Padānukkamo	Piṭṭhaṅko
[ Sa ]	
Sampajjati	214
Sampajjate	76
Sampajjalitaṃ	85
Sampajjalitāya	66
Sampajjissanti	88
Sampaticchanapaccupaṭṭhānā	449
Sampatti	379
Sampattiyā	33
Sampattivipattito	288
Sampannajjhāsayena	134
Sampannattā	232
Samparāyo	293
Samparigayha	360
Samparivattakaṃ	127
Sampalimaṭṭhaṃ	66
Sampasādanāṃ	182
Sampahaṃsanatā	158
Sampahaṃsanā	171
Sampahaṃseti	304
Sampādetuṃ	88
Sampādento	209
Sampiyāyanalakkhaṇā	168
Sambalaṃ	360
Sambādhe	286
Sambāhanaṃ	83
Sambuddho	228
Sambhatto	53
Sambhāvanādhippāyakatena	53
Sambhinnasobhe	420
Sammakkhanato	417

Padānukkamo	Piṭṭhaṅko
[ Sa ]	
Sammappadhāna-	
paccavekkhaṇatā	157
Sammasanto	77
Sammā	46
Sammāpaṭipattiyā	235
Sammukhībhāvā	52
Sammutimaraṇaṃ	287
Sammodako	357
Sammohābhiniveso	80
Sayati	127
Sayanāṃ	90
Sayanāsanāṃ	74
Sayambhuno	291
Saraṇalakkhaṇā	187
Sarabhū	31
Sarasalakkhaṇaṃ	450
Sarīraṃ	202
Sarīrasabhāvappattivāsena	215
Salakkhaṇavibhattito	438
Salakkhaṇasaṅkhepato	438
Salakkhaṇādito	449
Sallakkhetvā	158
Sallekhata	105
Sallekho	88
Savāsanānaṃ	219
Sasaññimhi	237
Sasambhāarakathā	47
Sasambhāravibhattiko	438
Sasambhārasaṅkhepato	437
Sasambhāriko	172
Sahabyataṃ	460

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sahasānupīḷitaṃ	127	Sārādānābhinivesassa	80
Sahāyo	53	Sālaṃ	99
Sahuppannāva	453	Sālikūraṃ	75
Sahoḍḍhaṃ	202	Sāsaṅkaṃ	129
Sākahārikā	139	Sāsaṇaṃ	18, 294
Sākhāmaṇḍapo	100	Sāsanabrahmacariyaṃ	271
Sāṭheyyaṃ	84, 128	Sāsane	30
Sātalakkhaṇaṃ	169	Sāsavaṃ	34
Sātasahagataṃ	386	Sikkhā	17
Sāttamaṃ	271, 274	Sikkhāpadaṃ	32
Sādane	86	Sikkhāpadasīlaṃ	39
Sādiyati	83	Sitaṃ katvā	248
Sādhukaṃ	174	Sinānaṃ	41
Sādhūnaṃ	378	Siniddhapuggalā	157
Sāntake	142	Siniddhāni	195
Sāmaṃ	228	Siniyhati	378
Sāmantajappanaṃ	52	Sinerussa	242
Sāmantajappā	55	Sinehasambhavo	379
Sāmantajappitaṃ	54	Sindī	204
Sāmā	204	Sinnavettaḡgādīsu	440
Sāmīci	279	Simbalirukkho	242
Sāmīcīkammārahā	280	Siraṭṭho	27
Sāyitaṃ	307	Sirigabbhaṃ	359
Sārādārūni	195	Sivaṃ	348
Sāraddhakāyassa	333	Sīghaṃ	179
Sāraddhā	329	Sītaḷṭho	27
Sāraddhāya	329	Sītibhāvaṃ	304
Sāraddhe	323	Sīdantarasaṃuddā	242
Sārambho	84	Sīmantarīkarukkho	98
Sārammaṇaṃ	205	Sīmāsambhedāṃ	354

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sīmāsambhedo	374	Sukhasahagato	109
Sīlaṃ	11	Sukhasīlo	36
Sīlako	125	Sukhitam	373
Sīladiṭṭhisāmaññatāya	278	Sukhī	290
Sīlanalakkhaṇena	31	Sukhumam	325
Sīlapathaviyaṃ	221	Sukhumataram	319
Sīlaparikkhāro	63	Sukhumampi	305
Sīlavantassa	76	Sukhumarajabhūtā	447
Sīlasamādhīhi	269	Sukhumasaddanimittā-	
Sīlasampattiyā	36	rammaṇatāpi	326
Sīlasampanno	12	Sukhumā	191
Sīlādīpañcadhamakkhandha-		Sukhumāya	405
yuttato	275	Sugatiṃ	30
Sīlādibhedanam	9	Sugatiparāyaṇo	267, 458
Sīlādivasena	12	Sugatūpapattiyā	77
Sīlādīsaṅgham	9	Sugato	235
Sīle	13	Suggahitam	208
Sīlesu	76	Suggahitattā	326
Sīsakaṇṭhāvethakam	306	Sucibhāvam	299
Sīsaṅgāni	105	Suññatam	458
Sukusalo	176	Suññatā	401
Sukkā	155	Suññavivittanatthibhāve	402
Sukkhathaddhabhattam	420	Suñño	439
Sukam	169	Suṇāti	45
Sukhadukkhā	295	Sududdasam	348
Sukhanimittā	212	Sudullabham	9
Sukhanirodhapadaṭṭhānā	192	Suddhantagato	177
Sukhanisinnena	142	Suddhi	73
Sukhapavattanattham	353	Suddhikāmā	9
Sukhavihārassa	132	Suddhidīṭṭhiyā	33
Sukhasambhāso	357	Sudhotajātimaṇi	76

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Sa ]	
Sunibbutaṁ	75	Susamāradhāya	361
Sunisitaṁ	17	Susamāhito	12
Supaññattā	276	Susirabhāvappakāsanato	215
Suparisuddhaṁ	177	Sūdena	176
Supinaṁ	55	Sūpaṭṭhitabhāvasampādanena	203
Supesalā	65	Sūpehi	176
Suporiso	293	Sūriyappabhābhavā	192
Suppaṭipannā	279	Sūriyamaṇḍalaṁ	243
Suppaṇītarā	411	Sekkhamaṁ	32
<b>Subha</b>	388	Sekkhapariyante	75
Subhakammabahulo	123	Sekkhapariyanto	75
Subhaguṇo	214	Sekhiyapaṭipattipūraṇaṁ	94
Subhanimittaṁ	47	Seṭṭhaṁ	251
Subharatā	88	Senāsanacīvaraṁ	92
Subhāvitattano	252	Senāsanamaccherakammārāma-	
Subhāvito	110	tānaṁ	99
Sumaṇḍitapasādhita	48	Seyyaṁ	102
Sumanasikatattā	326	Sericāraṁ	95
Sumedhaso	267	Serivihārasukhaṁ	94
Sumedho	237	Selā	290
Suvānadoṇiyaṁ	420	Sevati	43
Suvānavamathu	307, 420	Sevanā	18
Suviññāpaye	241	Seve	74
Suvidūravidūre	219	Sokaṁ	290
Suvisadena	171	Soceyyapaccupaṭṭhānaṁ	29
Suvisuddhaṁ	139	Soṇḍasahāyo	373
Suvisuddhavinicchayaṁ	10	Soṇḍim	140
Suvisodhitattā	176	Sotāni	26
Susaṁvuto	45	Sobhanaṁ	234
Susajjito	371	Sosānikaṁ	91

Padānukkamo	Piṭṭhaṅko	Padānukkamo	Piṭṭhaṅko
[ Sa ]		[ Ha ]	
Sositā	183	Hārīhi	66
Soḷasavatthukaṃ	311	Hāsaṃ	209
Svākāre	241	Hitacitto	362
Svākkhāto	278	Hitamajjhatte	362
[ Ha ]		Hitasukhatthāya	391
Haṃsapotakā	178	Hitākārappavattilakkhaṇā	379
Hatamatasatte	288	Hitāhitesu	391
Hatthantaram	207	Hitūpasamhārarasā	379
Hatthasaṅkhalikā	300	Hito	379
Hatthena	437	Hitvā	276
Hadayam	308	Himavā	242
Hanitvā	201	Hirikopinam	57, 216
Hanukaṭṭhi	305	Hīnam	31
Hammiyam	53	Hīnā	155
Harāyāmi	77	Hīno	109
Have	237	Hīḷeyya	293
Hānabhāgiyādivasena	110	Hurāhuraṃ	128
Hānabhāgiyo	113	Heṭṭhupariyavasena	5
Hāyati	105	Hetu	165
Hārahārīnī	289	Hetu-attho	257
Hārā	31		